



TEOLOGIA
DOMINICA

163

A

35.

BIB. NAZ. NAPOLI


BIBL. NAZ.
VITT. EMANUELE III

163

A

35

NAPOLI



n.

St. C. 11222.

~~xxix~~ 286

109

C

75

IOAN. FRANCISCI BVDDEI
THEOL. D. ET P. P. O.
THESES THEOLOGICAE
DE
A T H E I S M O
ET
S V P E R S T I T I O N E
VARIIS OBSERVATIONIBVS
ILLVSTRATAE
ET
IN VSVM RECITATIONVM
ACADEMICARVM
EDITAE.
SVAS QVOQUE OBSERVATIONES
ET
DISSERTATIONEM
CONTRA
A T H E O S
ADJECIT
HADRIANVS BVVRT.

V. D. M. *Amstelodamensis.*



LVGDVNI BATAVORVM,
Apud **JOHANNEM LE MAIR,**
MDCCLVII.

1870

1871

1872

1873

1874

1875

1876

1877

1878

1879

1880

1881

1882

1883

1884

1885



1886

*ILLVSTRISSIMO COMITI AC
DOMINO*


**DOMINO
ERDMANNO**

SACRI ROMANI IMPERII COMITI DE
PROMNITZ, LIBERO DYNASTAE IN
PLESSE, SORAV, TRIEBEL, NAVM-
BVRG ET KLITSCHDORFF, HEREDI-
TARIO DOMINO IN HALBAV, KVNAY
ET BVRE, RELIQA,

*DOMINO SVO LONGE
GRATIOSISSIMO.*

ILLVSTRISIME COMES,

DOMINE GRATIOSISIME,

 Vm praeteriti temporis rationes in memoriam mihi reuoco, inter reliqua vitae, inter labores academicos maximam partem transactae, gesta, nihil quod iucundius mihi sit, aut maiori me voluptate perfundat, temere occurrit, quam quod TIBI quoque, DOMINE GRATIOSISIME, visum fuerit, cum in academia Hallensi, litterarum studiis, magna cum laude, immo cum admiratione maxima eorum omnium, quibus paulo propius TE intueri, contingebat, incumberes, mea quoque institutione uti. Eam namque philosophiae partem, quae corrigere & emendare mentem, & ad praeclara quaeuis atque egregia instruere docet, a me TI-

si explicari traditae voluisti; quae, ut
nobilissima omnium, longeque prae-
stantissima est, ita summam istam, in
qua per profapiam illustrissimam Deus
TE collocavit, vel maxime decet for-
tunam. Neque promte tantum alacri-
terque eo tempore, quae tradebantur,
capiebas, retinebasque firmiter, sed
cum salutaribus insuper doctrinis, quas
scriptura sacra continet, ad sublimia
& coelestia nos erudiens, animum im-
bueres, indeque verae ac non fuc-
tae pietatis semina menti generosissi-
mae infigeres, fieri aliter non poterat,
quin ista virtutis, qua inter omnes,
quos nascendi conditio, generisque su-
blimitas, TIBI aequales fecit, emines,
imago in TE exsplendesceret. In TVAS,
enim vero, ILLUSTRISIME COMES, excur-
rere laudes, animus non est. Etsi enim
nihil, quam quod verissimum sit, dici
posset, non magis tamen eos, qui hoc
faciunt, TIBI placere scio, quam id eos
debet, qui ad christianae doctrinae re-

gulam, vitam suam moresque componere, suarum ducunt esse partium. Summi potius benignissimique Numinis gratiam atque fauorem singularem, deuota mente celebramus, tam largiter quod suas in TE contulerit dotes, vt nihil TIBI prius, nihilque antiquius sit, quam mentem a seculi contagio puram & illibatam seruare, amoremque erga seruatorem nostrum sincerum non verbis tantum, sed factis demonstrare, omnia denique agere, quae ad diuini Numinis gloriam propagandam ac amplificandam, facere aliquid videntur. Ego vero, vt ob istam felicitatem Tuam gaudio maximo perfundor, ita & hoc nomine beatum me iudico, quod meae qualiscunque institutionis adeo non fueris immemor, vt subinde fauoris Tui summi, gratiaeque, documentum erga me extare volueris. Immo cum nuper in nostra vrbe praesens esses, non tantum facultatem TE aduendi, TECVMQUE colloquendi, benignissi-

me

me mihi concessisti, sed verbis quoque longe humanissimis TVVM ita erga me animum, TVAMQUE declarasti voluntatem, vt meis nihil amplius addi posse votis, cum lactus hilarisque a TE discederem, merito existimarem. Hinc vero cum studium in me sentirem singulare, animum deuotum TIBI, obsequiumque demonstrandi, eam, quae nunc se offert, eo minus praetermittere volui occasionem, quo certior sum, TE ILLUSTRIS-
SIME COMES, hoc, quicquid est officii genus, ex sincero quippe amore profectum, non aspernaturum. In lucem namque nunc tandem prodit, quam iam pridem molitus sum, animoque volui, commentatio mea, de atheismo & superstitione, in qua id operam dedi, vt veram regiamque ad salutem viam monstrarem, quam euitatis duobus scopulis, impietate & superstitione, ad quorum alterutrum plerique mortaliū naufragium faciunt, ingredi debent, qui suis rite consultum rebus

cupiunt. Atheismi nimirum seu impietatis, dum solide, ut puto, destruxi fundamenta, christianae simul religionis, quae sola nos beatos reddit, & ab omni miseria liberat, adstruxi veritatem. Superstitionem autem, alterum illud, nec minus noxium, dum reieci monstrum, luculenter ostendi, ritus, & ceremonias, & externa quaevis, parum prodesse, nisi corde per fidem in Christum a peccatorum sordibus purgato, Deum colamus. Quae dum copiosius edisserui, de maximi momenti rebus, praecipuisque quibusdam sacrae doctrinae capitibus, verba mihi facienda fuere. Quod quidem argumentum, ut haud dubio TIBI, DOMINE GRATIOSIS-SIME, longe erit gratissimum, ita, licet ipsa tractatio nihil eximii contineat, solum tamen efficeret, quo minus non prorsus indignus liber hicce censeretur, qui in TVVM prodeat conspectum. Non ergo, quae TVA est cle-

clementia & gratia singularis, aegre
TE laturum confido, cum quod ILLU-
STRISSIMO NOMINI TVO sacrum esse iusse-
rim; immo qua omnes homines soles,
ac me ipsum quoque haud semel ac-
cepisti, humanitate, & hunc libellum
TE accepturum, prorsus mihi persua-
deo; idque vt facias, ea qua decet
animi obseruantia a TE peto atque
contendo. Hoc vero si impetrauero,
voti me damnatum censebo; qui, &
quod mearum omnino partium esse
existimo, praepotentem Deum nun-
quam venerari desinam, vt TE, ILLU-
STRISSE COMES, omni felicitatis genere
auctum cumulate ac locupletatum, re-
bus mortalium, sed ad aeterna seni-
per & immortalia adspirantem, quam
diutissime interesse iubeat, tandemque
cursu huius vitae ex voto peracto, in
beatorum sedes translatum, coetui ob-
hostes seruatoris nostri fortiter diui-
ctos, triumphanti, adiungat. Haec
voto-

votorum , haec precum summa est,
quas nunquam non pro tua salute
fundet

TVVS

ILLVSTRISIME COMES
DOMINE GRATIOSISIME

deuotissimus subiectissi-
musque

*Jenae die XXVIII Iulii
M DCC XVI.*


IO. FRANCISCVS BVDDEVS.

ADLO.

ADLOCVTIO AVCTORIS

A D

AVDITORES SVOS.

Vod academiae nostrae leges iubent, & res ipsa postulat, vt ad diuinarum litterarum intelligentiam sedulo & omni cura perducantur, qui docentium munere aliquando rite in ecclesia fungi cupiunt, id a me quoque haud perfunctorie hactenus obseruatum esse, nemini vestrum, iuuenes optimi, ignotum esse potest. Neque enim tantum in iis, quas priuato studio suscepi, recitationibus, id egi, vt ad veteris testamenti libros recte intelligendos viam vobis munirem, sed in publicis quoque, eandem operam in noui federis codicibus plerisque, non sine insigni, vt credo, quod ad plures inde redundauit, emolumento, collocaui. Primo enim cum ante vndecim, & quod excedit, annos, in hanc academiam concederem, *Ioannis*, apostoli & euangelistae sanctissimi, *euangelium* enarraui, ita quidem, vt nihil, quod difficile aut obscurum videri poterat, praetermitterem, cuncta vero ad fidei atque vitae usum transferrem. Deinde *acta apostolorum*
eandem

eadem ratione explicaui, & hisce *introductionem ad epistolas Paulinas* subieci, in qua & vitam resque gestas Pauli, & dicendi, quo usus est, genus, occasionem praeterea & argumentum singularum, quae eum auctorem agnoscunt, epistolarum, edisserui, nec quidquam eorum, quae lucem paulo obscurius dictis affundere poterant, praetermisi. Tum vero *harmoniam* quatuor *euangelistarum* tradere aggressus sum, ut ipsa simul eorum verba commentario illustrarem. Quod quidem & arduum admodum, & ob amplitudinem difficile videbatur opus, sed per Dei tamen gratiam, propitiumque fauorem, suffragante auditorum constantia, animumque addente, & hoc feliciter ad finem perduxi. Iam animus erat, ad *acta* iterum *apostolorum*, & tum porro ad *epistolas*, tum Pauli, tum reliquorum apostolorum progredi, cum vestra, commilitones, utilitas, nostrique seculi ratio suadebat, ab isto paulisper deflectere tramite, viamque mediam, quam homines inter atheismum & superstitionem tenere debeant, monstrare; eo vero cum defunctus labore essem, si vitam porro viresque Deus concederet, ad sacri codicis interpretationem redire.

Istius vero consilii non leues me habuisse rationes, ut ipsimet facile intelligitis, ita, ne praecipuae earum aut vos, aut quenquam
alium

alium lateant, efficere, id quidem merum
duco esse partium. Enimuero si quis nostri
seculi conditionem paulo accuratius contem-
pletur, nihil aequè ecclesiae doctoribus ne-
cessarium esse statim perspiciet, quam vt ser-
pens indies latius atheismi venenum deet-
gant, & tela habeant in promptu, quibus
monstrum hoc conficere queant. Non equi-
dem mihi persuadeo, tantum eorum esse
numerum, qui animum ad negandam diserte
Numinis existentiam satis obfirmatum ha-
bent, quantum cum nonnulli faciunt; at
opinionibus ad atheismum ducentibus scatere
orbem, qui christianus vocatur, quibus si
vel maxime ad supremum stultitiae gradum
non perducantur, quod tamen aliquando
fieri potest, a recto tamen & genuino salu-
tis tramite abducti, aeternam perniciem sibi
attrahant, negari nequit. Sane id haud dif-
ficulter eiusmodi opinionibus, quae sub spe-
ciosa libertatis sentiendi forma multis ab-
blandiuntur, nec pauciores decipiunt, in-
fernalis obtinet genius, vt, si non Numinis
extinguere sensum omnem, quamuis fru-
stra & irritò conatu, annitantur, dogma-
ta tamen ista, quibus omnis religio Nu-
minisque cultus, ceu fulcris innititur,
in dubium vocantes, aut pro non sa-
tis certis reputantes, tepidi in cultu diuino
fiant, hinc cupiditatibus prauis laxent habe-
nas,

nas, & ita tandem agantur in praeceptis. Cumque vera religio hominibus quandoque vel hoc nomine molesta admodum videatur, quod prauis cupiditatibus frenum iniiciat, legumque diuinarum proteruis contemptoribus incutiat terrorem, mirum non est, pronis hinc inde auribus excipi opiniones ad securitatem carnalem ducentes, impunitatemque agendi quidlibet, ut miseri quidem isti sibi persuadent, concedentes, simulque a metu, quo tantopere excruciabantur, eos liberantes. Vtinam vero inter ipsos sapientiae & litterarum alumnos, qui in scholis & academiis educantur, non reperiantur, qui eodem morbo laborantes, eadem quoque opus habeant medicina! Reperiri vero experientia docet, eoque dolendum magis, quo grauiora ab eiusmodi hominibus, nisi tempestiue in rectam viam reducantur, & ecclesiae & reipublicae imminet pericula. Quodsi etiam initio forte pauci sint, qui eo usque progrediantur, mox tamen commercio suo venenum istud latius diffundunt, pluresque in partes trahunt, damnumque societatibus litteratis adferunt, simulque orbi vniuerso, quod non temere refarciri queat. Hic, qui doctores academicos rem superuacaneam agere putant, si foeditatem atheismi demonstrent, & impietatis istius fundamenta euertant penitus, & semina eius, quae hinc
inde

inde sparsa sunt, ex animis tenerrimis iuuenum euellere & eradicare annianttur, nae! eos, quodnam veri doctoris officium sit, ignorare prorsus oportet.

Sed esto, non dari in scholis & academiis, quorum animos venenum istud adflauerit, (quanquam optandam magis, quam sperandam hanc felicitatem existimem,) praemuniendi tamen sunt iuuenum animi, ne ex academiis discedentes, & peregrina, quod haud raro fieri solet, ora lustrantes, hominibusque nullius religionis, admixti, impiis, qui in colloquiis & commerciis quotidianis spargi solent, erroribus locum relinquunt, seque exemplis in deuia quaeuis ac praecipitia abripi patiantur. Accedit denique ad haec omnia, quod illi, qui in academiis instituuntur, publicis aliquando praefecti muneribus, inter eos, quos ceu gregem sibi concreditum pascere debent, homines varios, non vno morbi genere laborantes, & hacce quoque atheismi peste infectos,prehendant; quos vt ad sanam eo rectius reuocent mentem, rationes profecto, quibus erroris conuinci possint, & quo pacto argumenta, quibus propugnare impia dogmata solent, infringere & labefactare debeant, ignorare eos non decet.

Haec vero omnia & quae reliqua sunt eiusdem generis, si rite ponderaueritis, vos mecum consensuros existimo,

mo, non negligendas esse in recitationibus academicis, nec perfunctorie tractandas eas quaestiones, quibus atheismus prostruitur, & errores cum eo connexi solide refutantur. Attingi sane quaedam huius generis, in compendiis & systematibus theologicis, iisque recitationibus, quibus aut thetica aut polemica theologia explicatur, solent. Sed in tanta rerum, quas haec complectitur, grauissimarum multitudine, fieri vix potest, ut vnicum hocce de atheismo, dogmatibusque cum eo connexis, caput, tam operose, tamque prolixè tractetur, prout & rei dignitas grauitasque, & lectorum aut auditorum utilitas, aut nostri seculi conditio, id requirit. Accedit, quod plerique, reuelatae theologiae fundamenta tradentes, ea, quae ad naturalem spectant, adeoque & doctrinam de existentia Dei iam supponant; & haecenus quidem non sine ratione, quod absonum esset, si ad reliqua dogmata, quae de voluntate & operibus diuinis nos erudiunt, haurienda, accederent, qui aut ignorarent, Deum esse; aut hac de re dubitarent, vel omnino praefractè negarent. Soleo quidem & ipse, uti plerisque vestrum notum est, quoties theticam polemicamque theologiam vobis trado, ea, quae ad atheismum & dogmata connexa pertinent, haud indiligenter explicare, lubens tamen fateor, multa me semper ob re-
rum

rum aliarum copiam temporisque penuriam, praetermittere, quae tamen vobis scitu & vtilia & necessaria esse existimo. Quod cum saepius mecum voluerem, in eam tandem ingressus sum sententiam, non rectius rebus vestris me consulere posse, quam si aliquando in publicis recitationibus hoc argumentum ex instituto, & prout eius dignitas grauitasque postulat, pertractarem. Ut autem eo commodius hoc fieret, vosque labore nimis multa calamo excipiendi subleuarem, praecipua huius tractationis capita thesibus succinctis comprehensa, & variis observationibus illustrata, typis tradere mecum constitui, quas etiam nunc publicae luci expositas videtis. Librorum sane, quibus atheismus refutatur & prosternitur penitus, haud exiguus est numerus; in quorum etiam praecipuis nec robur, aut neruum argumentorum, quibus veritas adstruitur, nec ingenii acumen, in nebulis illis dispellendis, quas luci clarissimae offendit impius error, nec reliqua, quae ad causam hanc perorandam faciunt, requiras. Praeterquam vero, quod de omnibus hoc dici nequeat, inter eos etiam, qui suum in hoc genere locum tuentur, nullum, qui meo prorsus accommodatus esset instituto, inuenire potui. Animus nimirum erat, vno velut, sed succincto, systemate, omnia, quae de hoc

argu-

argumento dici poterant, complecti, & dogmata cum atheismo connexa, sed diuersa tamen ab eo, rite quidem discernere, nec tamen praetermittere; cum primis etiam controuersias recentissimas huc spectantes simul attingere. Qua quidem ratione qui argumentum hocce pertractauerit, mihi nemo innotuit. Quamobrem, ut neutiquam tam mihi suffenus sum, ut praestantius, aut subtilius quid a me adferri posse existimem; quam iam ab iis adlatum est, qui magna cum ingenii aut doctrinae laude in hocce argumento sunt versati; ita aequos tamen atque cordatos rerum existimatores id mihi datuos, mihi persuadeo, non prorsus superuacaneum laborem censendum, illis saltem eum inferuire, qui sanis iustisque principiis imbuedi sunt, quibus eos insistere decet, qui aliquando rite prodire in aciem contra diuinæ veritatis hostes, & feliciter contra eos pugnare cupiunt.

Eam praeterea secutus sum tractandi rationem, quam res ipsa postulabat, quaeue, ut naturalis, minimeque coacta est, ita ne aut superfluis laboraret, aut necessaria decissent, operam dedi. Dum vero celebrem quaestionem, an dentur athei? primo statim loco attigi, historiam atheismi paulo plenius per-textere, deque iis, qui aut vero, aut falso, atheismi accusati sunt, verba facere operae duxi

duxi pretium. Nec enim sine ratione, aut causa grauiſſima, hoc a me factum exiſtimo. Primo namque eos, quos ceu hoſtes aggredi animus eſt, paulo accuratius noſſe, admodum conducit; quemadmodum & quo quisque habendus loco ſit, nos ſcire oportet, vt aciem rite inſtruamus, neue Andabatarum pugnemus more. Sane non tantum ſe ipſos, ſed ſaepe etiam cauſam, quam defendendam ſuſceperunt, aliorum ludibrio exponunt, qui magnos contra atheiſmum clamores tollunt, & ipſi tamen, quinam athei ſint, aut quid doceant, neſciunt; aut viros omnino innocentes in atheorum numerum referunt. Praeterea, dum de iis, qui iure atheiſmi accuſantur, expoſui, ſimul operam dedi, vt integrum illorum ſyſtema paucis & in compendio exhiberem. Ita enim cuncta atheorum fundamenta in aprium produxi, eo facilius deinceps euertenda & ſimul eorum fraudes detexi. Occaſio hinc mihi ſimul ſuppeditata eſt, de Graecorum philoſophis mentem meam aperiendi, eorundemque ediſſerendi ſententiam; quam eo minus praetermittere viſum fuit, quod videam, viros doctiſſimos hac in re laborare, nec vsque quaque inter ſe conſentire. PETRVS namque BAELIVS ita cenſuit, & ſubinde operoſe docuit, veterum philoſophorum, ſi non omnium, certe plerorumque

* * 2

ſyſte-

systemata aut prorsus cum Spinozismo consentire, aut ad eum ducere, adeoque eos in atheorum referendos esse numerum. Quae cum in plurimis, minime contemnendis rationibus mihi niti videretur sententia, eandem propugnare non dubitavi, in dissertatione de *Spinozismo ante Spinozam*, quae in *analectis historiae philosophicae* recusa prostat. Nec alios quoque viros ingenio & doctrina florentes ab ea alienos esse, notum est. Fuerunt tamen rursus, quibus durum nimis visum, tot philosophos, eos praesertim, quorum tanta inter ipsos christianos fuit, aut adhuc est, auctoritas, atheorum ordini adscribere, vnde illorum in se fuscipere patrocinium non dubitarunt. Fecit id cumprimis peculiari eaque elegantissima disertatione de *atheismi falso suspectis*, vir doctissimus, & cuius singularia in rem litterariam merita nemo ignorat, IOANNES CHRISTOPHORUS WOLFIUS, gymnasii, quod Hamburgi floret, professor longe dignissimus, celeberrimusque; quem & lucem subinde singularem argumento huic adfuisse, non temere quis inficiatus fuerit. Pro illorum equidem rursus sententia, qui antiquis philosophis atheismi crimen impingunt, IO. HENRICVM FOPPIVM, virum clarissimum, in aciem prodisse, & duas iam dissertationes, de *atheismo philosophorum gentilium celebriorum*, reliqua-

liquarum, quas pollicitus est, prodromos,
 in lucem emisisse, accepi; nec tamen ipsas
 istas dissertationes videre mihi contigit. Sed
 pro defensione rursus philosophorum disser-
 tatio de *gentilium philosophis, atheismi falso*
suspectis, Bremae hoc ipso anno M DCC
 XVI sub praesidio viri clarissimi, doctissimi-
 que, IACOBI HASAEI, moralis philosophiae
 in Bremensium athenaeo professoris, celeberrimi,
 lucem adspexit publicam. Quae qui-
 dem praestantium doctissimorumque viro-
 rum erudita, sed amica certamina, cum mi-
 hi occasionem de re ista iterum cogitandi
 praeberent, mox deprehendi, facillime cun-
 cta expediri, & quae se offerre videntur,
 difficultates superari posse, si modo diuersi
 atheismi gradus rite obseruentur, & a se in-
 uicem discernantur. Idque in hac ipsa a
 me ostensum est commentatione, vbi statim
 ab initio monui, posse duas atheorum classes
 constitui, ad quarum vnā qui referuntur;
atheī primi ordinis, dicantur, qui ad alteram,
secundi ordinis. Prioris generis illi
 sunt, qui aut diserte & citra ambages, se
 nullum Deum credere, profitentur, aut
 systematis sui, ex quo hoc directe fluit,
 consequentias rite perspectas cognitāsque
 habent. Posterioris generis illi sunt, qui
 eiusmodi philosophiae systema constituunt,
 quod, si non directe, saltem per consequen-

tiam quandam, aut a creatione ac gubernatione mundi Deum remouet, aut eum omni libertate priuat, vel omnino cum natura ipsa confundit, adeoque reuera Deum prorsus tollit, etsi ipsi systematis istius auctores consequentias istas forte non videant, aut etiam non admittant. Epicuræos, ceterosque, qui diserte prouidentiam Dei impugnabant, vel etiam palam, Deum esse, negabant, quorum nonnullos in ipsa tractatione commemorauimus, inter primi ordinis atheos referendos esse, nemo negauerit. Aristotelem, Stoicos, aliosque, qui Deum cum materia arctissimo vinculo colligantes, omni libertate priuabant, vel omnino cum materia confundeabant, cum ea, quæ ex hac sententia fluebant, non satis perspexisse videantur, ad secundi ordinis atheos retulerim. Non aequè Benedictum de Spinoza, qui quidem omnia, quæ ex systemate eius sequi poterant, accuratissime perspecta & explorata habuit, & data opera, summaque & calliditate & malitia, cuncta ita instruxit, ut non alius, quam natura ipsa, Deus admitteretur, primum ideo præcipuumque locum inter atheorum pessimos merito sibi vindicans. Atque hæc si obseruentur, primo quidem auctoritati & dignitati veterum philosophorum, quos ob ingenium & eruditionem merito maximi facimus, ita confu-

le-

letur, vt veritati simul locus relinquatur, nec alia istis tribuatur sententia, quam reuera habuerunt, nec, quae inde per pronam consequentiam fluunt, dissimulentur. Deinde, ipsimet secum philosophi praestantissimi haud difficulter conciliabuntur, qui interdum tam praeclare de Deo rebusque diuinis, de virtute, de ratione colendi Deum, loquuntur, vt rectam eos de his omnibus tenuisse sententiam, vel iure iurando confirmares; alibi rursus eiusmodi principia ponunt, quae priora effata euertunt penitus, & aut directe aut per ambages ad atheismum, hoc est summam & impietatem & stultitiam ducunt. Infixa nimirum illa & tam alte cordibus mortalium infixata summi Numinis notitia, subinde vim suam in illorum animis sese exerebat, vnde effata ista praeclara & veritati testimonium perhibentia. Dum vero rursus rerum omnium inuestigare principia, & rationis, imbecillitatis eius immemores, ambitu cuncta complecti volebant, in praecipitia varia dati, talia asserabant, quae in supremum Numen erant iniuria. Quod ipsum miserrimam gentiliū, immo eorum omnium, qui reuelationis lumine sunt destituti, conditionem, reuocare nobis in memoriam debet, vt nostram rite inde aestimare, gratoque agnoscere discamus animo, felicitatem. Sibi ipsis enim contra-

dicentes, & pugnantia secum asserentes, ostendebant satis, se nihil, cui firmo inniterentur talo, inuenisse. Idque cum praestantissimis philosophorum contigerit, quid de reliquis, qui ingenii acumine his multum cedebant, dicemus? Atheis denique hac ratione promte obuiam iri potest, ne, quod cupiunt, philosophorum istorum exemplum in rem suam vertentes, inde, quod causae suae faueat, capiant. Positum namque eiusmodi hominibus in more est, ut mox omnes ab atheismi suspicione liberando, alios in eam inducant opinionem, nullos omnino dari atheos, ut eo facilius impietatis & ipsi euitent suspensionem, mox atheorum ultra modum numerum augeant, ut & multitudine & auctoritate eorum, quos secum facere aut iactitant, aut tacite subinnuunt, alios eo facilius in partes suas pertrahant. Sed ut neutro aliquid efficiant modo, facile caueri potest, modo hic recta mediaque incedamus via, quod & in ipsa a me factum tractatione existimo. Quaedam enim atheorum cum in aprico posita sint exempla, ut exceptionem non admittant, se ipsum traducet turpiter, qui nullos dari atheos asseruerit. Cum vero rursus & illud demonstratum sit, multis perperam atheismi crimen obiectum, numerus eorum, qui in huncce censum referuntur, insigniter imminuetur. Ad philosophos

phos autem quod attinet, licet nonnulli atheis primi ordinis annumerari queant, pauci tamen illi sunt, & suo exemplo demonstrant, praestantissima etiam ingenia, si caute non incedant, ruere in praecipitia, & ad absona quaeuis prolabi posse; plerique tamen, si atheismi accusandi sint, athei saltem secundi ordinis erunt, hoc est, qui directe Numinis existentiam non negant, nec manifestissimam illam veritatem, quae omnium animis tam firmiter inhaeret, impugnant; talia autem cum doceant, ex quibus atheismus sequitur, inde id prouenit, quod falsas erroneasque de Deo habeant opiniones, & mentis quadam cœcitate laborent, qua impediti, nec omnes systematis sui confectiones peruident, nec quod secum pugnantia quandoque proferant, animaduertunt.

Expedita hunc in modum quaestione, an dentur athei? quid & quotuplex atheismus sit, edissero, simulque fundamenta cuiusque atheismi speciei indico, deinceps *cap. VI.* euertenda penitus atque destruenda. Dogmatici nimirum atheismi, quem a sceptico rite discerno, quatuor constitui posse classes, ostendo, ut alius sit Epicuraeus, Stoicus alius, alius Aristotelicus, & Eleaticus denique alius, quem recentiori aetate Benedictus de Spinoza restaurauit. Ad vnam

enim ex hisce classibus atheorum deliria vt referantur, hecesse est, nisi ipsimet, se desipere prorsus, nullamque impietatis suae adferre rationem posse, fateri velint. Cum vero luculenter ostensum sit, quodcunque ex hisce systematibus ab atheis assumatur, id aut collabascere sua sponte, aut ad euerendam potius, quam stabiliendam illorum impietatem aptius esse, sequitur inde, ineptam stolidamque istorum hominum esse impietatem, omni quippe fundamento destitutam. Cum hominibus, qui brutorum instar viuunt, & quam phaenomenorum, quae in hoc rerum vniuerso quotidie se offerunt, rationem reddant, parum sunt solliciti, nobis nunc res non est, quippe qui nec hominum nomine digni sunt, sed cum iis, qui philosophorum sibi vindicant nomen, adeoque, si istud tueri volunt, eiusmodi eligere systema debent, per quod vniuersi huius phaenomena rite explicare queant. Quodsi nullum inueniant, quod cum illorum consistere errore possit, explicandisque naturae phaenomenis, si Deus orbis conditor inde remoueatur, sufficiat, victos tandem eos dare manus, si modo a pertinacia sua hoc impetrare queant, necesse est. Quae vt expeditissima atheos conuincendi mihi videtur ratio, ita, an ab alio eo modo, quo id a me factum, adhibita sit, mihi quidem ignotum

tum esse, libere profiteor. — Nec id sine ratione a me factum puto, quod dogmata cum atheismo coniuncta, aut ad eum ducentia, ab ipso atheismo discreuerim. Cum enim nihil solemnius sit, quam ut atheismi postulentur, qui eiusmodi dogmata fouent, aliis rursus quouis modo repugnantibus, negantibusque, atheismi statim reos esse, qui talia asserunt; tutissima rectissimaque mihi via visa est, ab atheismo equidem in se spectato ista discernere, simul tamen, quam arcto cum eo connexa sint vinculo, ostendere. Quemadmodum autem *cap. III.* de auctoribus & fundamentis istorum dogmatum disserui, ita *cap. VII.* eadem ex instituto confutauit. Ut autem *cap. IV.* de causis, proprietatibus & effectibus atheismi quaedam subiungerem, & res ipsa postulauit, & eo etiam lubentius feci, quo controuersias quasdam, quae nostra aetate agitantur, attingendi mihi suppeditaretur occasio, an e. gr. atheus vir honestus, virtutique deditus, esse queat? maiusne ab atheismo, an a superstitione, reipublicae immineat periculum? & quae reliqua sunt eiusdem generis. In probanda Numinis existentia, quod praecipuum causae momentum est, cui *cap. V.* destinatum, ita versatus sum, ut argumentis non inusitatis quidem, solidis tamen, perspicuis, & ad omnium captum accommodatis,

dati, vterer. Qui enim ingenii ostentandi causa a via recepta discedunt, hoc demum obtinent, ut causam optimam pessime agentes, atheis vel inuiti, si modo non interdum data opera, victoriam tradant. Plenissime autem persuasus sum, rationes hasce ita comparatas esse, ut non possint non quemlibet in veritatis consensum pertrahere, nisi ad neganda manifestissima quaeque animum obfirmauerit ipse.

Cum atheismi refutatione quod doctrinam de superstitione coniunxerim, id non sine causis grauissimis a me factum, quilibet paulo accuratius rem omnem pensitans, intelliget. Primo namque ob ipsorum hoc factum est atheorum fallaciam, qui religionem cum superstitione data opera confundentes, contra hanc ita disputant, ut illam simul euerant, caliginem ita imperitorum hominum animis offundentes. Ostendendum itaque fuit, quid superstitio sit, ut omnes maximum illud, quod inter eam & religionem intercedit, discrimen intelligentes, fraudes istas atque fallacias hominum impiorum eo facilius euitare possint. Deinde plerisque mortalium contingit, ut alterum extremum, quod impietatis est, declinaturi, in alterum, quod superstitionis est, incidant. Certe longe plures superstitionis morbo laborare, quam atheismi, negare nequit; a quo & in-
terdum

terdum eo difficilius liberari possunt, quo speciosior est religionis, quo superstitio haud raro tegitur, titulus. Non minus tamen noxia est, immo pro quadam animorum peste habenda; ut in ea, aeque ac impietate eradicanda, & ex animis mortalium euellenda, cordatis ecclesiae doctoribus elaborandum esse existimem. Ita namque etiam vera & regia ad veritatem ac salutem panditur via, quam religio, purusque ac genuinus Numinis cultus, medium inter superstitionem & impietatem locum tenens, exhibet. Nullam etiam hac ratione aliis conquerendi dabimus occasionem, quod aliquando factum memini, ac si theologi contra atheos equidem disputent, at de superstitione ex animis hominum euellenda parum sint solliciti.

Ultimo loco & hoc addere operae fuerit pretium, nonnulla, quae in scriptis meis philosophicis breuius aut obscurius, quam ut statim ab omnibus intelligi possint, dicta erant, data hic commoda occasione, luculentius explicata esse, ut recte adeo facturi sint, qui hancce commentationem scriptis meis philosophicis ceu *supplementum aliquod* sint adiuncturi. Multa namque etiam ad historiam philosophicam, cuius synopsis philosophia instrumentalis continet, itemque ad philosophiam theoreticam spectantia,
longe

longe copiosius hic, quam in *elementis* a me editis pertractantur, ne dicam, quod fructus praecipuus philosophiae, maxime theoreticae, qui est creatoris ex operibus creationis agnitio, hic luculentissime exhibeatur, & oculis subiiciatur. Quae autem adhuc addi poterant, ea recitationibus publicis, quibus huncce libellum explicare animus est, reseruavi. Hisce vero ut non tantum frequentes intersitis, sed animum quoque attentum, qualem rei dignitas & argumenti grauitas postulat, vobiscum adferatis, id quidem est, quod a vobis precibus meis contendo. Deum, quod superest, supplex veneror, ut tum ad vos, optimi iuuenes, tum ad alios quoque lectores fructus vberimus, amplissimusque, ex qualicumque labore hocce redundet, ut, qui in errore constituti sint, ab eo liberati in rectum tramitem reducantur, qui autem veritatem agnouerunt, in ea confirmetur corroborentur, & ad vitam simul doctrinae veritatis consentaneam, moresque christiano homine dignos induendos, perducantur. Ienae die xxv. Iulii anno MDCCXVI.

LECTORI

LECTORI OPTIMO

S. P. D.

HADRIANUS BUURT.



Ecce Tibi Cel. BUDDEI de *Atheismo & superstitione* lucubrationem.

Nihil esse utilius, immo & magis necessarium, hac præsertim tempestate, quam rabidis hisce Humani generis pestibus, ita ut decet, obviam ire, & res ipsa, & Auctoris ad suos Auditores allocutio satis superque declarant. Ipse vero hoc negotium ita obiit, ut omnium applausum summò obtinuerit jure. Idcirco, cum Librarius noster suis sumptibus aliquid excudi ambiret, ac opem meam imploraret: ipsi indicavi, BUDDEI *Theses* apud nos in tabernis librariis desiderari; & (quo casu fere nescio) me observare.


servationes non nullas & dissertationem quandam adjecturum, simul annui. Noster autem cum omni contentione rem urgeret, & fidem ego fallere nollem: statim manum operi admovi, & dum Liber prælo subjiceretur, in eas adornavi observationes. Rumore quidem perceperam Celeb. WALCHIUM, huncce foceri sui laborem in linguam Germanicam transtulisse, ac isti versioni nonnulla quoque adjecisse: eam tamen mihi comparare non potui; neque, ut procrastinarem, concedebat Nostri continua efflagitatio. Hæc Te non ignorare meorum intererat. Ut nimirum, (de quo certus sum) si qua minus accuratè dicta sint, aut nævi quidam irrepserint, eo majori jure veniam rogare possem. Sin vero in eo me peccasse putes, quod scribendo non assuetus, inter tot, quibus impeditus sum, occupationes, opus arduum
tam

ram brevi tempore absolvendum in me susceperim : non habeo , quod reponam , nisi quod fidem debuerim servare. Cum tamen eo titulo , omnino excusari non possim : supplicium deprecari præstat ; præsertim cum a Tua humanitate me delicti gratiam impetraturum , neutiquam diffidam. Spero quoque , si non omnia , pauca tamen Tibi non ingrata fore. Quæ Doctissimus Auctor scripserat , *illustrare* , & , ubi res postulabat , novis argumentis *stabilire* ; meum in hisce observatiunculis fuit propositum. Quoniam autem per temporis angustias prolixiorem esse non licuerit : alios indicavi , qui ea , quæ nos breviter tantum perstringimus , uberior explicarunt. Cæterum nihil mihi fuit antiquius , quam ut me assiduum Veritatis cultorem , ac a partium studio alienissimum præstarem. Quid sentiam , libere quidem

* * *

dem dixi; immo cum ab Auctore dissentirem, illius opinionem, ubi necesse videretur, evertere molitus sum: nemini tamen de industria contumeliam feci, ac omni virium contentione in id incubui, ut rationibus duntaxat pugnarem. Operam quoque dedi, ut meæ annotationes suo quæque loco legerentur; &, quantum in me fuit, ea tantum, quæ ad rem facerent, **BUDDEO** adjeci. Propositum vero meum num aliquatenus affecutus sim, is optime dijudicabit, qui omnia scopo metiri edoctus, attente cuncta perlegisse operæ duxerit pretium. Mea hoc signo † signari curavi, reliqua ab ipso Auctore sunt profecta. Cum folia typis jam descripta fuerint, priusquam ad me transmitterentur, fieri non potuit, quin sphalmata quædam hinc inde irrepererent. Præcipua tamen, quæ obiter legenti occurrerunt,
in

in erratorum indice emendata videbis: inter
quæ nonnulla, pauca licet, conspiciuntur,
quæ meæ incogitantæ accepta esse referen-
da, ingenue confiteor. Jam nimium proli-
xus ipse mihi videor, finem ergo hisce im-
ponam, postquam Te monuero, quendam
ex amicis meis, virum humanissimum & lit-
teratum, curam indicis, singulari benevo-
lencia, in se suscepisse, cui idcirco me plu-
rimum debere, lubens agnosco. Faxit autem
Deus T. O. M. ut conatus mei non nihil
conferant, ad impietatem, una cum supersti-
tione penitus profligandam! dabam in pago
Beek, prope Neomagum. A. MDCCXXXVII.
6. Kalend. Maji.





Q. D. B. V.

CAP. I.

AN DENTVR ATHEI?

VBI ET HISTORIA ATHEISMI SVCCIN-
CTE TRADITVR, ET AB EIVS SVSPI-
CIONE VIRI QVIDAM INNOCEN-
TES LIBERANTVR..

Σύνοψις.

Atheos dari, expe-
rientia & historia
docet, §. I.

Iam ante diluvium quos-
dam fuisse atheos, pro-
babile est, §. II.

Post diluvium superstitio
invaluit, cui, ut &
atheismo, apposita fuit
religio Israelitarum;
Mosen fuisse panthei-
stam, execrabilis est
calumnia, §. III.

Inter Israelitas quosdam
fuisse atheos, dubitari
nequit, §. IV.

Salomoni tamen aut pro-

phetis, non nisi per tur-
pissimam calumniam
atheismus tribuitur, §.
V.

Recentiorum kabbalista-
rum impia dogmata,
ex veteri & genuina
Israelitarum doctrina,
neutiquam sunt deri-
uanda, §. VI.

De Zaburum seu Sabae-
orum atheismo nihil
certi adfirmari potest,
§. VII.

Orpheus an pantheista?
§. IX.

Poetae Graecorum super-
A si-

stitioni philosophi atheismo fauere creduntur; speciatim, qui Ionicae sectae primam classem constituunt, atheismi accusantur §. X.

Socrates ab atheismi suspicione liberatur §. XI.

Critias contra, Socratis discipulus, impietatis huius reus iudicatur, §. XII.

Plato perperam atheismi accusatur, etsi omnia eius neutiquam probanda sint dogmata, §. XIII.

Academici & sceptici, an & quousque inter atheos referendi? §. XIV.

Aristoteles an Atheus? §. XV.

Strato Lampfacenus in quibusdam ad Spinozam, in quibusdam ad Epicurum, accedit, §. XVI.

Ex Cyrenaicis Theodorus & Bion Boristhenites, ex Megaricis Stilpo, inter atheos referuntur, §. XVII.

Cynicis & Stoicis an &

quousque atheismus tribui queat? §. XVIII.

De Eleatica secta idem quaeritur; & speciatim, quibus ex ea atheismus obiectus fuit, recensentur, quoue id factum iure, disceptatur, §. XIX.

De Heraclito, Hippocrate, & Eubemero disquiritur, §. XX.

Item de Graecanicis quibusdam philosophis, qui post Christum natum vixerunt, speciatim de Plutarcho atque Luciano, §. XXI.

Inter Romanos praeter alios Ciceronem, Liuium, atque Plinium in atheismi suspicionem adductos; quo id iure factum? §. XXII.

Inter christianos primis seculis non fuit, qui iure atheismi accusari potuerit; in ipso tamen deinceps scholasticorum regno extiterunt, qui hoc nomine non sine ratione male audiunt, §. XXIII.

Post bonarum litterarum re-

restaurationem, magna erupit atheorum cohors, praesertim in Italia; quorum nonnulli, vita tamen moribusque potius, quam doctrina se tales demonstrarunt, §. XXIV.

Non minus tamen & in Gallia extiterunt, qui eiusdem impietatis notam subierunt, §. XXV.

De Benedicto de Spinoza

ex instituto agitur, eiusque sectatoribus, quos praesertim in Belgio habuit, §. XXVI.

De atheis, quos Anglia protulit, atque Germania, §. XXVII.

Colligitur ex haecenus dictis, dari omnino atheos, etsi nonnullis per calumniam atheismus tribuatur, quod aliquos insuper exemplis ostenditur, §. XXVIII.

§. I.

ET si Deum esse tam manifestum sit, ut nemo nisi reluctante animo hoc negare queat; fuisse tamen subinde homines, qui sibi ipsis velut vim inferendo, eo usque progressi sunt, ut hoc diserte in dubium vocarent, idque aliquando aperte profiterentur, * aut talia docuerunt, ex quibus Deum non esse directe sequitur, ** experientia docet, rerumque gestarum annales veteres ac recentiores, nos nulla ratione dubitare sinunt. ***.

* Fuerunt, qui omnino dubitarent, an athei theoretici & proprie sic dicti, dentur? Immo, non dari, nonnulli sibi persuaserunt. Quod si de illis intelligatur, qui nullum unquam Numinis sensum habuerunt, nec unquam reluctantis animi vim experti sunt, praesertim si non omni de Deo rebusque divinis informatione fuere destituti, rectissime se ha-

bet. Eoque sensu admittenda, quae hac de re disputat GIBERTVS VOETIVS, *disputat. de atheismo, disputation. selectar. part. I. pag. 143. 144.* Fuisse autem homines, qui conscientiae dictamen quouis modo suppressere allaborarunt, & ad veritatem manifestissimam impugnandam animum obfirmarunt, hinc &, saltem ad tempus, testimonium conscientiae suffocarunt, cum experientia hoc doceat, nulla negari ratione potest.

** Cum vox † *atheus*, diuersimode sonatur, & diuersa etiam dentur atheorum genera; hic tamen cum proprie accipimus, prout primo eos, qui aperte & citra ambages Deum esse negant, deinde eos, qui talia docent, quibus directe natura & existentia Numinis eueritur, denotat. Illos *primi ordinis* atheos, hos *secundi*, dixeris. Vtrique nobis in hocce capite, in censum veniunt.

† Vocabulum *ἄθεος* jam diu ante C. N. in usu fuit neque tantum is dictus est Atheus, qui existentiam Deorum negabat: Verum etiam qui aliis, quam Græcorum Diis, erat addictus; immo impium quoque, hac voce a Scriptoribus insigniri solitum est. v. præter Lexica WOLFFII curas Philol. ad Eph. 2. 12. REIMMANN. *Hist. Ath. sect. 1. C. 1 §. 1.* de Synonymo *ἰσχύει τοῖς θεοῖς* &c. v. eundem §. 3.

*** Patebit hoc ex mox dicendis, ubi atheorum utriusque ordinis exempla adferemus, sed ea ratione, ut ab atheis veris falso suspectos discernamus. Caute nimirum hac in re versandum. Qui enim atheos vere tales excusant, hoc agere videntur, ut securitatem, impunitatemque iis, qui eorum vestigia premunt, concilient, inducendo homines in eam opinionem, frustra aliquem atheismi accusari, cum nulli dentur athei. Rursus tamen, qui viros innocentes in atheorum numerum referunt, non tantum magnam illis interunt iniuriam, sed ipsis atheis rem minime ingratam faciunt, cum illis honorificum valde sit, & ad decipiendos incautos plurimum faciat, si viri ingenio & doctrina præstantissimi, vel
inui-

inuiti in illorum societatem pertrahantur. Laudanda itaque illorum opera, qui hanc calumniam a viris recte sentientibus depellunt, quod peculiari, eaque erudita dissertatione *de atheismi falso suspectis* fecit vir clarissimus, IO. CHRISTOPHORVS WOLFFIVS.

§. II.

Qui ante diluuium in omne se dederunt flagitiorum genus, & hac ratione vltimam orbi primo attraxerẽ perniciem, vitã moribusque, nullo se Numinis metu ductos, satis superque testati sunt. Vix autem dubitare licet, quin & nonnulli eo vsque infaniae progressi sint, vt nullum se credere Deum ore profiterentur.*

- * Primi orbis incolas ad atheismum fuisse pronos, & res ipsa docet, & recte obseruavit IO. DE HISPANIA, in *annotationibus ad decalogi praeceptum I. operum*, quae lingua germanica prodierunt, pag. 107. Contrarium ex *Genes IV. 25.* euinci non posse, iam demonstratum est in *hisor. ecclesiast. vet. test. period. I. sect. I. ad §. XXXVI & XXXVIII. pag. 155 & 159.* Legenda &, quae de atheismo hominum ante-diluuiianorum copiose differit ANTONIVS REISERVS, in *dissertat. epistolari ad Theophilum Spizelum, de origine, progressu, & incremento antiatheismi seu atheismi*, qui & speciatim pag. 26. Cainum primum atheum fuisse existimat. Quod de atheismo theoretico vix probabitur; etsi hominem impium & fratricidam fuisse, satis constat. † Colloquium inter Cainum & Abelem, quod in targum Hierosolymitano legitur, eo minus hoc euincet, quia ex zelo pharisaico contra Sadducaeos istud confictum esse, constat, ideoque & ceu spurium merito a viris doctis reiicitur. Obseruare *de is is napodeq* iuuabit, eundem virum doctum ANTONIVM REISERVM, aliosque, voce athei, in latiori subinde signi-

ficatione vti, multosque ideo inter atheos referre, qui accurate loquendo, inter eos non sunt collocandi.

† *Sura 5. vs. 33. & seqq.* colloquium Cainum inter & Habelim itidem memoratur. confer MARACC: ibidem. Certum est, hæc omnia esse fabulosa, a iudaico ingenio conficta, licet fabulam auxerint Moslemi.

§. III.

Vt autem homines facile ab vno extremo ad alterum procurrunt, ita post diluuium superstitionis & idololatria vniuersum fere orbem occupauit. In Abrahami vero posteritate, cum primis in gente Israelitica, vera conseruata & propagata est religio, atheismo aequae ac superstitioni opposita. Quam cum in scriptis Mosaicis deprehendere luculenter liceat, nihil aliud agunt, quam vt summam stultitiam cum maxima improbitate coniunctam prodant, qui Mosen in Pantheistarum referre numerum non erubescunt. *

* Hoc tamen citra ambages IOAN. TOLANDVS asseruit, atheorum, quos nostra ætas tulit, facile impudentissimus, in *originibus iudaicis*, eius *adesidæmoni* additis, pag. 155. 156. castigatus ideo ex merito a IACOBO FAYO, in *defensione religionis, nec non Mosi ac gentis Iudaicæ*, &c. part. II. cap. IV. p. 174. *seqq.* itemque ab ELIA BENOIST, dans la *mélange des remarques critiques, historiques, philosophiques, theologiques sur les deux dissertations de M. Tolland &c* pag. 250. *seqq.* Immo non tantum Mosen, aut, si mauis, scriptorem pentateuchi, hunc enim subinde a Mose distinguit, sed & vniuersam tere scripturam sacram pantheismi ream agit, dum hasce loquendi formulas: *ens summe perfectum*; *alpha & omega*; *quod principio caret & fine*; *quod fuit, quod est, quod erit*; *omme in omnibus*; illud,

in quo vivimus, monemur ac sumus, ceu aequiuocas, atheismo aeque ac theismo congruere, cum de praesupposita vniuersi aeternitate sint verissimae omnes, stolidè non minus, quam audacter pronuntiat.

§. IV.

Gentem Israeliticam ad superstitionem maxime pronam fuisse, tot scriptorum sacrorum de idololatria gentilium in ea recepta, & subinde inualescente, totque sanctissimorum vatum hac de re querelae, nos dubitare non sinunt. Fuisse tamen & in ea, qui ad alterum extremum procurrent, & non tantum vita moribusque, sed animi quoque sententia se atheos profiterentur, ex variis scripturae locis haud difficulter colligitur. *

- * Cumprimis hoc liquet ex *psalm. XIV. vers. 1. Dixit insipiens in corde suo, non est Deus*. Recte eiusmodi homines *insipientes* dici, ex infra dicendis patebit. Cum vero non semper, quod cogitant, aperte profiteri audeant, *in corde suo* hoc dicunt, quamvis aut factis, aut alia ratione animi sententiam factis prodant. Non autem id sibi vult sanctissimus vates, ac si plane pleneque conuicti sint, non dari Deum, sed quod hoc sibi quauis ratione persuadere annitantur, & animum ad omnem Numinis sensum extinguendum, renitente licet & reluctante conscientia, obfirmant. Errant itaque, qui ex hisce verbis colligunt, nullam dari notitiam Dei insitam; quod pluribus ostendit ABRAHAM CALOVIUS, ad *b. l.* item *system. theol. tom. II. pag. 35. 77. add. IOANNES MULLERVS, in atheismo devicto pag. 96. AVGUSTVS PFEIFFERVS, dub. vexat. centur. II. loc. XIV. pag. 566. seqq.*

§. V.

Interim turpissima iterum est calumnia, aut Salomonem, aut prophetas, qui post eum vixerunt, talia docuisse, quae atheorum placitis speciem ullam aut colorem conciliare queant, aut ad ea vlla ratione accedant. Idque qui asserunt, aut in re apertissima coecutiunt, aut proteruiam calumniandi, causamque desperatam atheorum utcumque adiuuandi studium, luculenter ostendunt. * †

- * Notandus itaque merito hic nobis venit ANTONIVS COLLINVS, IOANNIS TOLANDI, si non discipulus, certe amicus, qui in libro notissimo, de *libertate cogitandi*, inter *libere cogitantes*, quo nomine, si citra ambages dicere velis, quod res est, aut atheos, aut eorum patronos, vel tales, qui, quae proxime ad atheismum accedunt, docent, intelligit, Salomonem pariter ac prophetas refert pag. 218. seqq. Et Salomonem quidem huc refert, quod mundi aeternam atque animae immortalitatem in dubium vocet, *Kabel. cap. I. vers. 4. 5. 6. 7. 9. III. 18. 19. seqq. VII. 14. IX. 5. & 10.* Prophetas autem, quod cultum externum eo tempore stabilitum summa cum libertate reprehendant, & tantum non ceu meram imposturam reiiciant, etsi a populo pro diuinitus instituto haberetur. Qua in re quantopere auctor fallatur, quamuis quilibet facile intelligat, vberius tamen in ipsis recitationibus, seu thesium harum explicatione, ostendemus. Nunc id saltem addimus, nos neutiquam illi facere iniuriam, dum asserimus, eum libere cogitantes atque atheos, ipsumque adeo Salomonem, vno eodemque habere loco. Hoc vel inde patet, quod sententiam, quam Salomoni de aeternitate mundi tribuit, cum Maniliana aeternitatis mundi descriptione plane consentire existimat, quae hisce versibus clauditur :

Non

*Non alium videre patres, aliumve nepotes
Aspicient; DEVS EST, qui non mutatur in aevum.*

Quibus verbis haud obscure innuere videtur, se non alium, quam mundum, Deum agnoscere. Proxime huc accedere videntur, qui Salomonem scepticis annumerant, contra quos erudite disputat IOANNES ALBERTVS FABRICIVS, *cod. pseudepigrapho vet. test. num. CCIV. pag. 157. seqq.* ††

† An Sententia *Collini* a Cel. Auctore recte sit proposita & ea quoque quæ in fine §. leguntur, nimirum p. 12. absque limitatione fuissent dicenda. lege REIMM. l. c. *Señt. 1. C. 2. §. 4.*

†† Licet *Salomo* ab Atheismo plane fuit immunis, *Achafus* alius Israëlitarum Rex Atheistice, (sit venia voci) locutus fuit; Si cum eruditissimo HÖRRELIUS *Jes. 7: 12.* vertamus *non periculum faciam Jehova.* (ik mag het met God niet verzoeken.)

§. VI.

Ipsa autem Israelitarum doctrina, quam in Mosis aliorumque veteris testamenti scriptorum Θεοπνεύστων libris legimus, ut purissima est, & atheorum stultitiae ac impietati e diametro opposita, ita sequiori aetate per philosophematum a gentilibus acceptorum admixtionem, aut alia ratione, eadem ita corrupta & deprauata fuit, ut, quae in Kabbalistarum, quos vocant, scriptis, extant asserta, atheorum, speciatim Spinozistarum impietati patrocinari, non sine ratione credantur, certe ceu absona, erronea, & maximo cum periculo coniuncta, merito reiciantur. *

* Fallitur itaque maximopere IOANNES GEORGIVS
A 5 WA-

WACHEERVS, dum recentiorum, Iudaeorum, seu Kabbalistarum, sententiam de emanatione rerum omnium a prima causa, & retractione in primum ens, quae in turpem naturae *αποδίωον* definit, pro antiquae philosophiae Ebraeorum genuino & principali fundamento venditat, in *elucidario kabbalistico cap. III.* Recentiorum Ebraeorum seu kabbalistarum commenta, cum vera ac genuina gentis huius doctrina non esse confundenda, saepius iam monui; praesertim & in *introduc. ad histor. philos. Ebraeor. pag. 325.* Interim cum, tum eodem in *laco*, tum in *dissertat. de Spinozismo ante Spinozam §. XXI.* docui, discrimen aliquod inter Spinozismum & kabbalistarum doctrinam intercedere, neutiquam id eo comparatum, ac si kabbalistarum extenuare aut excusare errores velim. Etsi enim vel maxime haec sententia de emanatione rerum creatarum a Deo, seu fonte, a Spinozismo differat, est tamen falsa, erronea, absorta, & ita comparata, ut facile ad atheismum ducat. Nec etiam de eo, an kabbalistarum sententia a Spinozismo differat, cum quoquam magnopere contendere velim, etsi non ignorem, viros eruditissimos hac in re mecum consentire, quos inter etiam est IOANNES CHRISTOPHORVS WOLFIVS, in *dissertatione de atheismi falso suspectis, sect. II. §. IV.*

§. VII.

Inter reliquas gentes, & quidem antiquissimas, quarum quaedam ad nos notitia pervenit, eminent Zabii, siue Sabaei, qui si nonnullis credimus, idololatria, seu superstitione totum repleverunt orientem. Simul vero talia docuisse perhibentur, quae ad Spinozismum quodammodo accederent. Quod licet fidem non plane superet, quia per gentilium idololatriam facili negotio ad pantheismum iri poterat, non tamen pro certo affirmari potest. • Za-

- * Zabios seu Sabaeos talia docuisse, quae ad Spinozae sententiam quodammodo accederent, innuere videtur MOSES MAIMONIDES, *moreb neuochim part. III. cap. XIX.* Hoc iam indicaui, in *dissertatione de Spinozismo ante Spinozam*, §. XX. Non autem pro certo hoc ibi adfirmaui, sed dubitanter locutus sum: *Zabiorum forte eodem collimant sententia, si credendum MOSI MAIMONIDI &c.* Fieri sane potuit, ut Zabiismus tandem in Spinozismum euaderet. Multi enim veterum per varia, quae apud gentiles colebantur, idola, nihil aliud, quam partes huius vniuersi intelligebant. Vnde summus ille Deus, qui per partes colebatur, non alius erat, quam *אֵל, hoc vniuersum*. Quo minus tamen certi quid hac de re statuere liceat, non tantum non adeo clara MAIMONIDIS verba, sed id cum primis obstat, quod cuncta, quae de Zabiis seu Sabaeis, antiquis scilicet illis, dicuntur, incerta fide auctorum, qui nihil fere certi de iis prodere potuerunt, nitantur. Qua de re ex instituto dictum in *historia ecclesiastica veteris testamenti, period. I. sect. III. ad §. XXII. pag. 417. seqq.*

§. VIII.

Quod de Zabiis diximus, idem & de Chaldaeis obseruandum, eos talia docuisse, quae nonnullo iudicio pantheismo fauere videntur; nec ab inualescente apud ethnicos summa impietate, cum absurdissima superstitione coniuncta, hoc prorsus alienum esse; caute tamen & hac in re incedendum, ne sine sufficienti ratione atheismus iis tribuatur, quanquam a sententiis eo ducentibus, vel illorum, qui eos defendere annituntur, iudicio, absolui nequeant. *

- * Chaldaeos eandem cum Stoicis, mundum ipsum pro Deo habentibus, fuisse sententiam, PHILONIS quo-

quodam testimonio comprobat IVSTVS LIPSIVS, *physiolog. stoic. lib. II. cap. X.* idque ex eodem repetii in *dissertat. de Spinozismo ante Spinozam* §. XX. *analector. histor. philos. pag. 348.* Excusare tamen Chaldaeos aunitur vir doctissimus IOAN. CHRISTOPHORVS WOLFIVS, eo quod ex fragmentis doctrinae chaldaicae & oraculis, quae sub Zoroastris nomine circumferuntur, pateat, omnino Chaldaeos distinxisse inter principium omniū rerum, & res ipsas, quae ex eo manarint, quod adductis testimoniis quibusdam confirmat. Non magnopere, haec ita se habere, repugnabimus, nec inficiati fuerimus, vestigia doctrinae de rerum creatione apud Chaldaeos permansisse: ipsum saltem virum doctissimum tandem fateri, obseruamus, doctrinam de rerum creatione apud Chaldaeos minime incorruptam mansisse: idque vel inde constare, quod, *res omnes ex essentia Dei fluxisse*, existimauerint. *Hoc enim*, inquit, *volunt variae loquendi rationes, quae in oraculis Zoroastris leguntur, ex quibus tantum prouocabimus ad vers. 17. seqq. ubi de principiis sermo est:*

Καὶ πηγὴ πηγῶν καὶ πηγῶν πείρας ἀπασῶν
Μήτηρ συνέχευα τὰ πάντα
*Ενθεν ἄρδην θρώσκει γένεσις πολυπομίλῃ ὕλης

*Et fons fontium, & fontium terminus omnium,
Matrix continens omnia;
Inde affatim exilit origo variae materiae.*

Referamus itaque Chaldaeos inter eos, qui communi gentibus errore, Deum huius vniuersitatis auctorem ita statuerunt, ut ex eo emanasse is existimetur, l. c. §. V. Ad minimum itaque Chaldaeorum sententia inter eas referenda, quae ad Spinozismum ducere possunt. † Addi his merentur, quae idem vir doctus de Aegyptiis, l. c. §. VI. commentatur.

† Mitius, (& non sine ratione, ut mihi videtur) de Chaldaeis sentit. REIMM. l. 1. sect. 2. C. 6. eadem Sect. agens de Athe-

Atheismo Babyloniorum, Ægyptiorum &c.

§. IX.

A barbaris, quas vocant, gentibus, ad Graecos si transeamus, primum Orpheus se nobis offert, theologiae & religionis, seu superstitionis potius, graecanicae, primus praecipuusque auctor. Hic vero τελεταίς, ritibus, ac ceremoniis, quas instituit, sacris, nihil aliud sibi voluisse videtur, quam ut sapientiae studium, rerumque naturalium scrutinium hac ratione commendaret, & ad alios propagaret, simul tamen homines, qui hacce cognitione ad pessima quaeque abuti poterant, inde arceret. Nec tamen desunt, qui omnia eo tandem rediisse autumant, ut illis, qui ad mysteria capienda & propaganda idonei iudicabantur, impium & monstruosum dogma, naturam ipsam Deum esse, committeretur. *

- * Non nescio, viros quosdam doctos omnem Spinozismi suspicionem ab Orpheo amoliri. Nec is ego sum, qui vel obtorto collo aliquem atheorum cohorti adscribere cupiam. Largior etiam, inter fragmenta Orphica occurrere quaedam, quae nos mitius de eo sentire iubeant. Quicquid autem de ipso Orpheo sit, disciplinam ipsam arcanam Graecorum atque τελεταίς eo tandem collimasse, non omni prorsus verosimilitudine caret. Idque si ita se habeat, patet, quo pacto infernalis genii fraude res toto coelo distantes, summa superstitio & summa impietas, seu atheismus, mirabili artificio inter se connecti queant. Conferenda, quae de Orpheo dixi in *hystor. ecclesiast. vet. testam. period II. sect. II. §. XVIII. pag. 1003 seqq.*

§. X.

§. X.

Diuiinarum, naturaliumque rerum scientia apud Graecos tum per poëtas, tum per philosophos, sed diuersa ratione propagata est. Illi ex voluntate diuina rerum ortum derivantes, indeque *theologi* dicti, simulque populi captui se accommodantes, polytheismo patrocinati sunt; * † hi vero ad ipsam naturam attendentes, indeque *physici* adpellati, magis ad atheismum inclinare nonnullis visi sunt. Saltem, qui primam Ionicae sectae classem constituunt, THALES MILESIUS, ANAXIMANDER & ANAXIMENES, nonnullis valde atheismi suspecti videntur, etsi non desint, qui, eos ab hac accusatione liberari posse, contendunt. **

* Poëtas Graecorum veteres *theologos* dictos constat, aliisque iam saepe obseruatum est; idque eam maxime ob causam, quod *Θεογονίας* describerent. Has vero *Θεογονίας* non ipsi inuenerunt, vt HERODOTVS innuere videtur, *lib. II. cap. LIII.* sed ab orientis populis, speciatim Phoeniciis, eas acceperunt. Quae de re nemo dubitabit, qui legerit, quae ex Sanchuniathone refert EVSEBIUS, *praeparat. euangel. libr. I. cap. IX. pag. 31.* Quodsi primam originem spectes, probabile, fuisse, antiquissimis temporibus, qui ad imitationem Mosis de prima rerum omnium hominumque origine commentarentur, ac *genealogias* scriberent, quae deinceps in *Θεογονίας* facile commutari potuerunt. Iungenda, quae hac de re dixi *hystor. eccles. veter. testam. ad period. II. sect. II. §. XVIII. pag. 986. 987.*

† Multi tamen ex Poëtis Graecorum Atheismi infimulati fuerunt; praesertim a Platoniciis: quod ambitioni & imperandi

di cupidini adscribit ISID. PELEVS: L. 4. *Epist.* 55.

** Fuerunt iam pridem, qui sectam Ionicam atheismi ream agerent; cumprimis tamen hoc egit, auctor observationis, quae *de primo rerum ortu philosophorum Ionicae sectae dogmata inter se, & cum dogmatibus praecedentium & sequentium philosophorum Graecorum collata*, exhibet, tom. I. *observation. Hallens. observat.* XXI. pag. 445. Nimirum tres is constituit atheismi gradus. Primum atque supremam illorum, qui, nullum plane Deum esse, contendunt: alterum, qui, Deum quidem esse, fatentur, sed mundum ab eo conditum negant, qualis sit Deus Epicuri; tertium denique, scia infimum illorum, qui, Deum quidem produxisse mundum, concedunt, verum non voluntate sua libere motum, sed necessitate velut naturae coactum, quam Aristotelis atque Stoicorum fuisse sententiam, existimat. Iam ad Ionicae sectae philosophos quod attinet, eos in duas classes dispescit. Ad priorem Thaletem, Anaximandrum & Anaximenem refert, qui, cum in quibusdam dissentiant, in eo tamen conveniunt, res omnes sua sponte nulla Dei intercedente opera extitisse; adeoque ad secundum gradum atheismi referendi sint. Anaxagoras, Diogenes Apolloniata, & Archelaus, alteram Ionicae sectae classem constituunt, quod materiae causam efficientem Deum adiunxerint, adeoque a secundo atheismi gradu liberandi sint, ad tertium tamen referri posse, quod Deum cum materia arctissimo vinculo colligauerint. Haec omnia AVGVSTINI cumprimis auctoritate confirmantur. Repetitque ea PETR. BAEIVS, *dition. histor. crit. voc. Thales*, p. 2857. vt non tantum calculum adiciat, sed testimonium contrarium, quod ex Cicerone adferri poterat, remoueat. Alii contra Ionicos philosophos, praesertim Thaletem, ab ista atheismi suspitione liberare annuuntur, cumque in finem varia eius adferunt effata, quibus haud obscure Deum mundi auctorem profiteri videtur. Haud vltimum in ea est, quod

quod DIOGENES LAERTIVS inter apophthegmata Thaletis refert: *πρεσβύτατον τῶν ὄντων θεός, ἀγέννητον γὰρ κάλλιστον κόσμος, ποίημα γὰρ θεῷ* *Antiquissimum eorum omnium, quae sunt, Deus: ingenitus enim. Pulcherrimum, mundus, a Deo enim factus est; lib. I sect. XXXV.* Addenda, quae pro secta Ionica, speciatim Thalete Milefio, contra atheismi imputationem disputant RVDOLPHVS CVDWORTHVS, *system. intell. libr. I. cap. I. §. XII.* SAM. PARKERVS, de *Deo & providentia diuina, dissertat. I. sect. V.* IOANNES CHRISTOPHORVS WOLFIVS, de *atheismi falso suspectis §. IX.* Licet vero Ionici, qui Thaletem secuti sunt, in explicandis rerum naturalium causis, Dei, seu causae efficientis, nullam fecerint mentionem, inde tamen, eos Deum non agnouisse, tuto inferre non licet. Namque & multos recentiorum in rerum naturalium consideratione materiae tantum habere rationem, constat, causae efficientis primae, seu Dei, nulla iniecta mentione, quos tamen ideo inter atheos referre nefas fuerit. Hoc etiam olim monui in *elem. philos. instrum. part. I. cap. IV. §. VI.* Ibi enim, postquam obseruaueram, materiae fluidae, sed inerti, mentem praefecisse Anaxagoram, tanquam motus principium, & ordinis quoque omnisque structurae elegantioris auctorem, addidi: *Quod tamen non ita capiendum, ac si Thales ceterique Ionici fuerint athei, sed quod inter rerum naturalium causas solam materiem considerauerint.* Consentiant, quae hac de re scripsi, in *sapientia veterum*, seu *dictis illustrioribus septem Graeciae sapientum explicatis*, & quidem in *ethica Thaletis*, §. X. Interim non negandum, systema eiusmodi rerum naturalium, ex quo causa efficiens aut excludatur, aut in quo nulla eius habeatur ratio, atheismo alendo & promouendo valde accommodatum esse. Quod ex dicendis luculentius patebit. De Anaximandro dubitat SAMVEL PARKERVS, cum, vt materiam quandam immensam rerum initium esse, dixerit, ita aliud quoduis principium admisisse, non plane constet; in-

interim eum pariter, ac Anaximenem, eadem ratione, qua Thaletem defendi posse diximus, defendit, *loc. cit. disput. I. sect. VI. pag. 15.* Non desunt tamen, ne quid diffitear, dubitandi rationes. Certe de Anaximene AVGVSTINVS: *omnes rerum causas infinito aëri dedit, nec Deos negavit aut tacent; non tamen ab ipsis aërem factum, sed ipsos ex aëre ortos credidit, de ciuitat. Dei libr. VIII. cap. II.* Quales vero illi dii, qui ex aëre facti sunt? Diogenes vero Apolloniates, Anaximenis discipulus, teste eodem AVGVSTINO, *loc. cit. aërem quidem dixit, rerum esse materiam, de qua omnia fierent, sed eum esse compotem diuinæ rationis, sine qua nihil ex eo fieri possit.* Quo ipso innuere videtur, aërem ipsum esse Deum. Ita certe mentem Diogenis expressit CICERO: *Quid? aër quo Diogenes Apolloniates utitur Deo, quem sensum habere potest, aut quam formam Dei? de natura deor. lib. I. pag. 46. add. MINVTIVS FELIX, in Octauio, cap. XIX. pag. m. 61. Iungenda, quae de hocce philosopho disputat PETRVS BAEIVS, diction. histor. crit. voc. Diogenes Apolloniates, pag. 1054. Ad Anaxagoram quod attinet, eum primum materiae mentem adiecisse, auctor est DIOGENES LAERTIVS, lib. II. sect. VI. pag. m. 82. Idemque praeter alios confirmat CICERO: Anaxagoras qui accepit ab Anaximene disciplinam, primus omnium rerum descriptionem, & modum mentis infinitae vi ac ratione designari & confici voluit; de natura Deor. lib. I. add. SAM. PARKERVS, loc. cit. pag. 17. 18. Nec id negat auctor obseruationis antea laudatae, adeoque Anaxagoram eiusque successores ab atheismo secundi generis absoluit; eos vero mentem cum materia indissolubili vinculo coniunxisse, contendit. Id vero probari posse, abnuunt alii. Certe loca veterum in contrarium adduxit vir clarissimus IOAN. CHRISTOPHORVS WOLFIVS, loc. cit. §. X. Iungenda, quae de hocce philosopho disputat PETRVS BAEIVS, diction. histor. crit. voc. Anaxagoras, lit. D. & E. pag. 228. seqq. item lit. K. pag. 224. Hinc*

B. 4.

vero

vero &, quid de reliquis Ionicae sectae philosophis censendum sit, patet.

§. XI.

Ex Ionica schola prodiit SOCRATES, nouam tamen melioremque faciem philosophiae inducens. Missis enim vanis speculationibus, vitam potius ad rectae rationis ductum componere, veraeque litare sapientiae mortales docuit. Vt autem aliorum vitia libere reprehendendo, maleuolorum odia euitare non potuit, ita reiecta ab eo superstitione, πρόφασιν atheismi crimen ei obiiciendi illis praeiuit, * a quo tamen non minus, ac a superstitione, eum alienum fuisse, satis constat.** †

* Inter capita enim accusationis, a Melito contra Socratem prolata, hoc quoque fuit: Ἀδικεῖ Σωκράτης, ὅς μὲν ἡ πόλις νομίζει θεοὺς, ὃς νομίζων, ἑτέρα δὲ καὶνὰ δαιμόνια εἰσηγόμενος. Iura violat Socrates, quos ex maiorum instituto suscepit ciuitas, Deos esse, negans, alia vero noua daemonia inducens; apud DIOGENEM LAERTIVM, lib. II. sect. XL. pag. m. 104. conf. & XENOPHON, memorabil. Socratis lib. I. cap. I. Licet autem, quantum ex hacce accusationis formula patet, non tam negati Dei, quam mutatae religionis reus ageretur, hoc tamen apud homines imperitos & coeco zelo furentes, satis erat, vt pro atheo haberetur. Eum autem non fuisse atheum, satis patet ex iis, quae XENOPHON, l. c. differit, ex quibus etiam intelligitur, eum rectius de Deo, quam & plebeios, & multos philosophorum, sensitse. Ad philosophos namque pertinet, quod *ibid.* *num.* XI. pag. 5. dicitur: ὃ δὲ γὰρ περὶ τῆς τῶν πάντων φύσεως, ἢ περ τῶν ἄλλων οἱ πλεῖστοι διελέγετο, σκοπῶν ὅπως ὁ καλούμενος ὑπὸ τῶν σοφιστῶν κόσμος ἐφυ, καὶ τίσιν ἀνάγκαις ἐκαστὴ γένηται τῶν ἐρανίων ἄλλα καὶ

καὶ τὰς φροντίζοντας τὰ τοιαῦτα μωραίνοντας ἐπεδείκνυε. *Nec enim de rerum omnium natura sic disse-
rebat, uti complures alii, nimirum considerans, quo
pacto is, qui a professoribus sapientiae mundus appel-
latur, ortus sit: quibusque de causis necessariis, sin-
gulae res coelestes fiant. Imo eos, qui his rebus occu-
parentur, fatuos esse, demonstrabat. Lectu etiam di-
gna sunt, quae num. XIX. pag. 9. adfert, ubi do-
cet, plerosque putare, Deos quaedam scire, quae-
dam nescire, at Socratem arbitratum, Deos omnia,
quae vel dicerentur, vel agerentur, vel clam deli-
berarentur, scire, eosdem ubique adesse, ac de re-
bus humanis omnia hominibus significare. Haec ve-
ro Socratis sententia, quae ab atheismo aequae ac
superstitione eum liberat, cum antiquis ecclesiae
doctoribus perspecta esset, parum absuit, quin, eum
christianum fuisse, assererent, certe non majori iu-
re, quam christianos, atheismi accusatum, conten-
derunt. Nota sunt ista IUSTINI martyris: οἱ μετὰ
λόγῳ βιώσαντες, χριστιανοὶ εἰσι, καὶ ἄθεοι ἐνομίσθη-
σαν οἷον ἐν Ἑλλήσι μὲν Σωκράτης καὶ Ἡράκλειτος,
καὶ οἱ ὅμοιοι ἀνθρώποι. Quicumque cum ratione vixe-
runt, christiani sunt, quamvis athei habiti sint, qua-
les inter Graecos fuerunt Socrates & Heraclitus, atque
iis similes; apol. I. pro christianis, pag. 91. edit.
IOAN ERNESTI GRAEII. †† Iungenda & quae idem
habet apol. II. §. XI. pag. 26. seqq. & cohort. ad
Graecos §. XIX. pag. 85.*

† Fuerunt etiam inter Christianos nonnulli, qui Socratem
Atheismi reum putarunt: rari tamen. conf. REIMM. loc. cit.
2. l. 21.

†† Immo *Marsilius Ficinus* ita deliravit, ut Socratem Serva-
toris Humani generis typum constituere non erubuerit. v.
Aman. litt. T. I. p. 89. & conf. REIMM. l. c.

** Quam alienus a superstitione fuerit Socrates, tum
B 2. tota

tota vita eius, tum ipsa aduersariorum eius accusatio satis superque testatur. Nec contrarium ex iis, quae de genio suo dixit, euinci potest. Siue enim hoc nomine ipsam animam vel mentem Socratis, quae quorundam est sententia, siue, quod fere probabilius, angelum quendam bonum intelligas, nihil in eo deprehenditur, ut iure superstitionis argui queat. † Legenda autem hac de re erudita GOTTFRIEDI OLEARII dissertatio, de *genio Socratis*, THOMAE STANLEII, *historiae philosophicae* inserta, *part. III. cap. VI. pag. 130, seqq.* ††

† Quæ de genio suo iactare solebat Socrates imposturam sapere videntur, quidquid in contrarium disputarit vir Cl. G. Olearius, ait HEINECC. *Hist. Philos. p. 19.*

†† De Socrate aliisque Philosophis prisci ævi v. Cel. Auctoris *Hist. Eccl. Per. 2. Sect. 6.*

§. XII.

Priusquam de philosophis, qui ex Socratis schola prodierunt, nouasque condiderunt sectas, dicamus, commemorandus nobis est CRITIAS, degener Socratis discipulus, ingratus iniuriusque in patriam, & inter triginta tyrannos, qui Athenis, a Lyfandro Lacedaemoniorum duce subiugatis imperarunt, pessimus. * Hic enim inter eos referri solet, qui aperte & citra ambages Numinis existentiam negarunt; ** quod & a proteruia hominis, summaque iniquitate, non alienum est.

* Vid. PHILOSTRATVS, in *vitis Sophistar. lib. I. num. XVI. pag. m. 501.* Fuerunt, qui Socrati vitio verterent, quod ex schola eius prodissent Critias & Alcibiades. Sed defendit eum XENOPHON, de *factis & dictis Socratis lib. I. pag. 415. seqq.*

** Te-

** Testis huius rei est SEXTVS EMPIRICVS: Θεὸς γὰρ οἱ μὲν πολλοὶ φασιν εἶναι· τινὲς δὲ ἔκ εἶναι ὥσπερ περὶ Διαγόραν, τὸν Μήλιον, καὶ Θεόδωρον, καὶ Κριτίαν τὸν Ἀθηναῖον; plerique hominum Deos esse credunt, nonnulli autem, ut Diagoras Melius, & Theodorus, & Critias Atheniensis, non credunt; Pyrrhoniæ. hypotypos. lib. III. pag. 155. Prolixius integrum velut Critiæ systema idem exhibet, aduers. mathemat. pag. 318. quod ex eodem repetit, & varia de eo obseruat, reliqua simul de Critia memoratu digna exhibens PETRVS BÆLIVS, diction. histor. crit. v. Critias, pag. 982. seqq

§. XIII.

De PLATONE, qui primum præcipuumque inter Socratis discipulos locum tenuit, diuersa extant eruditorum hominum iudicia. A nonnullis namque enthusiasmi & superstitionis arguitur, * ab aliis vero atheismi, speciatim Spinozismi. ** Sunt contra, qui eum omnino, quæ christiænæ religioni consentanea sint, docuisse perhibent. *** Id certum est, ab atheismo alienum fuisse; placita autem eius, seu dogmata philosophiæ Platoniciæ, non vno omnia habenda sunt loco.*

* Præter alios hoc ex instituto egit EHREGOTT DANIEL COLBERGIVS, in *Christianismo Hermetico Platonico*, cap. I. §. III. pag. 8. quem & alii secuti sunt. Iesuita quoque doctissimus P. BALTVS polytheismum & superstitionem Platoni multis exprobrat, quanquam simul fateatur, eum veri Dei notitia imbutum fuisse, siue ab Ebraeis eam acceperit, siue rationis rectæ vsu assecutus sit, dans la *défense de SS. Peres accusez des Platonisme* libr. III. pag. 244 seqq. Nonnulla tamen pro defensione Platonis

nis moneri possent. Hoc vero cum instituti ratio nec requirat, nec patiatur, id saltem addere liceat, patribus iam obseruatum, Platonem, etsi de Deo recte sentientem, exemplo Socratis tamen deterrium, de diis ita subinde locutum, ne a recepta apud ethnicos sententia discedere videretur. Lectu digna sunt, quae hanc in rem differit IVSTINVS martyr, *cohortat. ad Graecos* §. XIX. pag. 85. ex editione HUTCHINI.

** Ita auctor doctissimus *otiorum*, † anno M DCC VI lingua germanica editorum, *part. II. cap. III. pag. 86.* hoc praecipue argumento nixus, quod Deus ex mente Platonis cum materia coniungatur, quod etsi libere fiat, non tamen ideo Spinozismi suspicionem eum effugere.

† Nimirum *N. Hieron. Gundling. v. præter STOLLIVM Hist. Litt. P. 2. C. 3. §. 5. REIMM. Sect. 2. C. 22 §. 2.* qui quoque Platonis causam egit: & præter eum & alios id fecit *J. ZIMMERMANNVS Exercit. de Atheismo Platonis eisque Exercit. vndiciis*, quas insertas vide *Aman. litt. T. 9, 12, 13.* legi quoque meretur schediasma BRUCKERI *de convenientia num. Pythag. cum Ideis Platoniciis*, quod reperitur *F. 7. artic. 3. earundem Aman.*

*** Plures tum inter veteres, tum inter recentiores fuisse, qui consensum Platonis cum doctrina christiana demonstrare aggressi sunt, constat. † Dixi ipse olim aliquid hac de re, in obseruatione de *conciliatione philosophorum cum scriptura sacra*, quae extat *obseruation. Hallens. tom. III num. XIII. §. III. IV. pag. 235. seqq.* Iungendi de eodem argumento auctores laudati IOANNI ALBERTO FABRICIO, viro doctissimo, *biblioth. graecae lib. III. c. I. p. 39.* Quantopere autem conciliatores isti fallantur, alibi ostenditur.

† Auctor Libri *Le Platonisme dévoilé*, quem SOUVERAINUM esse dicunt, inique statuit; mysterium Trinitatis autem in-cognitum, a *Iussino Marryre* aliisque, ex Platonica Philo-sophia,

sophia, in Ecclesiam esse translatum, quem multi solide refutarunt; inter quos *summe Vener. Auctor Th. Dôgm. p. 322.* *Marsilius Ficinus* quoque, non solum concordiam inter Moſen & Platonem ostendere annisus est, verum etiam Platonem ut sanctum coluisse dicitur *Amen, litt. T. I. p. 84. & 86.*

- * Ab atheismo alienum fuisse, tot praeclara eius, quae passim extant, de Deo effata vix quenquam dubitare sinunt. Ad argumentum autem, a viro doctissimo, anteaque iam laudato, allatum, quod attinet, non quaelibet, sed necessaria mentis cum materia coniunctio ad Spinozismum ducit. Si enim Deus libere ad mundum ex materia creandum accessit, distinctus sane & separatus a materia fuit, nec una substantia est, ut SPINOZA vult, sed duae, distinctae prorsus, atque a se inuicem separatae. Praeterquam vero, quod ipse vir doctissimus fateatur, Deum libere, sine necessitate, ex Platonis mente, ad materiam accessisse, ita eundem Platonem Deum pro principio a materia distincto & prorsus separato habuisse, veterum testimoniis comprobatur 10. CHRISTOPHORVS WOLFIVS, de *atheismi falso suspectis*, §. XII. pag. 37. seqq. qui & in *Manichaeismo ante Manichaeos*, sect. II. §. XXXIV. pag. 142. seqq. erudite Platonis causam egit, ubi & ostendit, quo sensu Deus a Platone in *Parmenide ἀνέσσιος*, dicatur. Iungenda, quae non minus erudite hac de re disserit B. IAC. THOMASIVS, de *exult. mundi stoica*, dissertat. II. §. X. dissert. XIV. & quae nos diximus, in *dissert. de Spinozismo ante Spinozam*, §. XIII. XIV. Interim, etsi ab atheismi suspicione liberari queat Plato, non tamen ideo omnia eius asserta probanda sunt; quaedam enim ad enthusiasmum ducere, negari nequit.

§. XIV.

Qui Platonis scholam continuarunt, cum de certa rerum cognitione non vnum idemque senti-

rent, in diuersas abierunt classes. Qui primam academiam constituerunt, vt XENOCRATES, POLEMO, & reliqui, de multis quidem rebus in vtramque disputabant partem, in multis tamen etiam certi quid definiebant. * At, qui secundae academiae auctor fuit, ARCESILAS, eovsque progressus est, si nonnullis credimus, vt, nihil omnino comprehendi aut sciri posse, doceret; ** quod &, qui eum secuti sunt, LACYDES Cyrenaeus, TELOCLES, & reliqui fecerunt. CARNEADES Cyrenaeus, tertiae academiae conditor, in rebus ipsis verum quidem admittebat, at negabat, in nobis esse facultatem illud cognoscendi, probabilia interim multa esse, concedens, quod eodem tandem redibat. *** Haec autem secundae & tertiae academiae dogmata recta ad atheismum ducere, nemo non intelligit; * vnde & nonnullis, speciatim CARNEADI, ** eiusque discipulo CLITOMACHO, *** eum obiectum fuisse, non est, vt quis miretur. De PYRRHONE, eiusque sectatoribus, quos scepticos dicere moris est, idem sentiendum. *

* Hanc Platonis, quem & prima academia secuta est, sententiam ita exprimit DIOGENES LAERTIVS :
ὁ πλάτων περὶ μὲν ὧν κατέληφεν, ἀποφαίνεται,
τὰ δὲ ψευδῇ διελέγχει, περὶ δὲ τῶν ἀδύλων ἐπέχει;
Plato quae percepit, asserit; at falsa diluit; de incertis definire superfedet, libr III. sect. LII add. GERH. IOANNES VOSSIVS, de philosoph. sectis, cap. XII. §. XXIII.

** Primus hic mediam inuexit academiam, ἐπισχὼν
τὰς ἀποφάσεις διὰ τὰς ἐναντιότητας τῶν λόγων,
adsensum continens propter sermonum contrarietates,
vt loquitur DIOGENES LAERTIVS, lib. IV. sect.
XXVIII.

XXVIII. CICERO in libro de oratore ita de eo loquitur: *Arcefilas primum, qui Polemonem audierat, ex variis Platonis libris sermonibusque Socraticis hoc maxime arripuit, nihil esse certi, quod aut sensibus aut animo percipi possit, &c.* Vnde & POMPONIO MELAE, *nihil affirmantis academiae clarissimus antistes, audit, lib. I. cap. XVIII. add. EVSEBIUS, praepar. euang. lib. XIV. cap. II. AEGIDIUS MENAGIUS, ad Diogen. Laërt. loc. cit. GERHARDVS IOANNES VOSSIUS, loc. cit. cap. XIII. §. II.*

*** Discrimen, quod inter Arcefilam & Carneadem, seu secundam & tertiam academiam intercessisse, nonnulli putant, duobus absoluitur capitibus: primo namque Arcefilas in rebus ipsis nullam esse veritatem, dixisse perhibetur, cum Carneades contra fateretur, aliquid verum aut falsum esse, sed negaret, esse in nobis *κρίσιον* siue artem iudicandi, verumque a falso discernendi. Deinde, cum Carneades assensum cohiberet ob rei incertum, non tamen negaret, aliquid probabile esse, aut contra, Arcefilas horum nihil admittebat; vid. GERH. IOAN. VOSSIUS, *l. c. cap. XIV. §. II. III. CICERONIS loca, ex quibus hocce, quod inter Arcefilam & Carneadem intercedere discrimen dicitur, probari solet, adfert PETRVS BÆLIUS, dict. hist. crit. voc. Carneades, lit. B. p. 810. qui tamen in eo totus est, vt euincat, Carneadem idem prorsus cum Arcefila sensisse, cum reuera apud eum cuncta eo tandem redierint, nihil plane certi esse. Interdum equidem eum prae se tulisse, ac si probabilitatem admitteret, sed hoc eum saltem in finem fecisse, vt aduersariorum obiectionibus, quibus academicos risui exponere annitebantur, eo facilius occurrere posset. Digna haec sunt, quae accuratius expendantur. †*

† Carneadem defendit REIMM. *Seft. 2. C. 23. conferatur HORNIVS Hist. Philos. L. 3. C. 20.*

* Certe inter eum, qui, Deum esse, diserte negat,
B 5 &

& qui omnia, adeoque & hoc, quod Deus sit, incerta adfirmat, aut nullum aut exiguum admodum discrimen intercedit. Quaesitus enim, an Dens sit? non aliter respondebit, quam: non liquet. Sed hac de re in sequentibus erit dicendi locus.

** Inter eos, quibus atheismus obiectus fuit, & Carneadem, & discipulum eius Clitomachum refert vir clarissimus, IO. ALBERTVS FABRICIVS, *biblioth. graec. lib. II. cap. XXIII. pag. 817.* Nec sine omni id fieri ratione, ex dictis patet. Qui vno die iustitiam laudauit, sed altero eam non minori facundia euerit, ad idem de Deo faciendum aequè promptum paratumque fuisse, vt credamus, par est. CICERO equidem, cum, quae contra Stoicorum de religione placita Carneades disputasset, retulisset, addit: *Haec Carneades agebat, non vt deos tolleret, quid enim philosopho minus conueniens? Sed vt, Stoicus nihil de diis explicare, conuinceret; de natura deor. lib. III. pag. 625.* Non tantum autem Stoicos haec argumenta feriebant, sed omnem gentilium religionem penitus eueriebant. Et haecenus quidem bene. Fateor etiam, nihil minus philosopho esse conueniens, quam deos tollere: sed inde, Carneadem id non fecisse, nondum sequitur. Profecto, cui omnia incerta sunt, illi nec, Deum existeret, certum esse potest.

*** Clitomachus, Diogneti filius, Carthaginiensis, patria lingua Asdrubal dictus, in qua & apud suos philosophari consueuerat, vt auctor est DIOGENES LAERTIVS *lib. IV. sect. LXVII.* Carneadis discipulus fuit, & in Atheniensi schola successor, scripsitque vltra cccc volumina, in quibus magistri sui potissimum dogmata illustrauit. CICERO, qui subinde eius meminit, eum quatuor libros περὶ ἐποχῆς scripsisse, testatur: *A Clitomacho sumam, qui vsque ad senectutem cum Carneade fuit, homo & acutus, vt Poenus, & valde studiosus, ac diligens, & quatuor eius libri sunt de sustinendis assensionibus &c.*

Et c. in Lucullo. Legendus & de illo EVSEBIVS, *praeparat. euangel. libr. XIV. cap. II.* Cum magistri in omnibus vestigia prefferit, quae de Deo eiusque cultu sententia eius fuerit, facile intelligitur. Atheismum ei diserte obiicit THEOPHILVS Antiochenus, *libr. III. ad Autolycum, p. m. 120.* Nec id sine omni ratione fieri, tum ex haecenus dictis constat, tum & THOMAS REINESIVS confirmat, qui de hocce THEOPHILI loco verba faciens, *dixit*, inquit, *haesi*, num fuisset in eadem haeresi, donec sortitam eius argumentationem, qua, nihil esse deos, mirifice conficit, in Sexti Empirici commentariorum aduersus mathematicos octauo, edit. lat. Paris. fol. 282. reperirem; eamque ipsam Theophilus h. l. innuit, laboriosum impietatis & vanitatis opus, collectionem admiratus, var. lectio. libr. III. cap. VI. pag. 446.

- * *Vetus quaestio*, inquit AVLVVS GELLIVS, *Et a multis scriptoribus graecis tractata est, in quid Et quantum Pyrrhonicos Et Academicos philosophos intersit. Vtrique enim σκεπτικοί, ἐφεκτικοί, ἀπορητικοί dicuntur; quoniam utrique nihil adfirmant, nihilque comprehendendi putant, Et c. noct. Atticar. lib. XI. cap. V. pag. 265.* Quodsi Ascanio Abderitae credimus, nullum reuera inter Pyrrhonicos & academicos intercessit discrimen. Auctor huius rei est DIOGENES LAERTIVS: γενναϊότατα δοκεῖ φιλοσοφῆσαι τὸ τῆς ἀκαταληψίας καὶ ἐποχῆς εἶδος εἰσαγαγὼν, ὡς Ἀσκάνιος ὁ Ἀβδηρίτης φησὶ; *Nobilissime philosophiam tractasse videtur, commentus multum, quo de omnibus nihil decerneret, neque quidquam comprehendendi posse diceret, ut Ascanius Abderites auctor est, libr. IX. sect. LXI.* Alii tamen discrimen aliquod sibi inuenisse vili sunt, asserentes, Pyrrhonicos non negasse, aliquid comprehendendi posse, interim iudicium de omnibus suspendisse, adeo ut nec illud, nihil esse incomprehensibile, affirmare sustinuerint. Atque hoc etiam AVLVVS GELLIVS innuit. Cum enim in reliquis eos conuenire docuisset, discrimen, quod inter eos intercedit, ita exponit: *Quum haec consimiliter*

liter tam Pyrrhonii dicant, quam academici, differre tamen inter se se, & propter alia quaedam, & vel maxime propterea existimati sunt, quod academici quidem, ipsum illud nihil posse comprehendendi quasi comprehendunt, & nihil posse decerni quasi decernunt: Pyrrhonii ne id quidem vlla pacto videri verum dicunt, quod nihil esse verum videtur.

§. XV.

Referri etiam ad atheos solet ARISTOTELES. * Certe, quae de Deo, eiusque cum materia nexu necessario, mundi quoque aeternitate, docet, eiusmodi philosophiae systema exhibent, quod cum atheismo consistere queat. ** A Spinozismo diuersam eius sententiam fuisse, nonnulli existimant, quia duas substantias, etsi necessario vinculo inter se coniunctas, agnouit, aliis tamen & hunc recte illi tribui, contendentibus. *** Interim, in magno errore eos versatos esse, patet, qui Aristotelis cum scriptura sacra consensum demonstrare aggressi sunt. *

* De atheismo Aristotelis extat peculiaris liber VALERIANI MAGNI, anno MDC XLVII editus. SAMUEL PARKERVS cum *atheorum omnium principem, atque ipso Epicuro apertiozem religionis hostem*, pronuntiat, *de Deo & prouidentia diuina disputat.* I. *sect.* XXIV. pag. 65. idque deinceps fufius demonstrat *disputat.* IV. *sect.* III. *seqq.* pag. 355. *seqq.* CVIL. POSTELLI verba, quibus athcismum Aristoteli exprobrat, refert IO. LAVNOIVS, *de varia Aristotelis in academia Parisiensi fortuna*, cap. XIV. pag. 155. apud quem & aliorum, de Aristotele non adeo praeclare sententium, iudicia legi possunt. Sed idem quoque ex instituto sibi euincendum fumsit auctor *obseruationis* X. tom. VIII. *obseruation.* Hallens. pag. 209 *seqq.* Sunt equidem, qui pietatem Aristotelis nimis euehant,

hunc, eumque tantum non pro homine sancto, Deoque admodum grato, venditant. Vtrorumque sententias cum recentuisset vir doctissimus, IOANNES ALBERTVS FABRICIVS, suam hac de re *ἐπιτίμησιν* hunc in modum subiungit: *Mihi quidem non videtur temere inter atheos reiiciendus esse Aristoteles; etsi mundum a Deo naturaliter emanasse sensit, etsi multos docuit graues atque maximos errores, quorum vim si omnem penetrasset, vel consecutiones vniuersas fuisset amplexus, in ἀθεότητι forte potuisset insidere, vel saltem perinde omni se exoluere religione, ut Epicurus fecit. Neque disputo, quali ipse fuerit animo erga Deum, vel num omnem eius conscientiam amoreque mente eliminauerit, in cuius operibus contemplandis per omnem fere vitam tam assidue fuit versatus. Hoc saltem assero, ex scriptis Aristotelis, qualia hodie extant, hoc neutiquam constare, nec posse firmiter concludi, Aristotelem fuisse atheum, neque adeo Hippocratem ex scriptis &c. Nam quod non plura de Deo dixerit vterque, ferendum in philosophis, qui rationes proximas rerum naturalium exponere volebant, non ad causam primam, quam praeponebant, tanquam ad aram semper confugere &c. biblioth. graec. lib. III. cap. VI. pag. 177. Quod moderatum viri summi iudicium vti neutiquam displicet; ita id, puto, haud difficulter concedet, ipsum philosophiae, quod Aristoteles constituit, systema, ita comparatum esse, ut quilibet atheus hoc admittere queat. Hoc & ex mox dicendis patebit. Iungenda, quae nuper hanc in rem differuit JENKINS THOMASIVS, in historia philosophica de atheismo cap. II. pag. 48. seqq.*

- ** Summa sententiae Aristotelicae de Deo huc redit: mundum aeternum esse, adeoque nec initium habuisse, nec habere finem; eum a Deo necessario productum, qui cum eo non equidem per modum *formae informantis*, sed *assistentis*, vinculo prorsus necessario sit coniunctus; cumque variae sint sphaerae coelestes, quae ab intelligentiis moueantur, Deum coelo supremo praesidere, seu intelligentiam primam atque motorem pri-

primum esse, cui adeo cura sit primi mobilis quod veteribus est, orbis stellarum fixarum, seu octaua sphaera; secundorum autem mobilium, hoc est, orbium, in quibus planetae septem voluuntur, intelligentias secundas curam gerere; vnde & sequitur, primum illum motorem, quem Aristoteles Deum vocat, rerum sublunarium nullam curam gerere. † Genuinam hanc esse Aristotelis sententiam, luculenter demonstravit B. IACOBVS THOMASIVS, de *exustione mundi stoica dissert.* II. §. XI. XVII. *dissert.* IV. §. I. cum primis autem *dissert.* XIV. §. CXXXIX. *seqq.* pag. 210. *seqq.* add. SAM. PARKERVS, *loc. cit. disputat.* IV. *sect.* III. *seqq.* pag. 355. *seqq.* itemque MICHAEL MOVRGVES, qui mentem Aristotelis accurate exhibet, dans le *Plan theologique du Pythagorisme*, &c. tom. I. *epist.* II. pag. 75. *seqq.* vt & *observatio decima tomi VIII. observation. Hallens.* § XIII. p. 237. nec non, quae diximus, in *dissert. de Spinozismo ante Spinozam* §. XV. Haec autem Aristotelis doctrina an procul ab atheismo absit? aliis diiudicandum relinquo. Bene, ni fallor, de mente Aristotelis iudicavit B. LVTHERVS, apud VITVM LVDOVICVM SECKENDORFIVM, *hisor. Lutheranismi libr.* III. §. LXXXI. num. XVII. pag. 304. Aristoteles in eam fere delabitur sententiam, vt, etsi Deum non appellat stultum, tamen ignarum rerum omnium statuat, qui nihil negotiorum nostrorum intelligat, & videat, nihil consideret, praeter se ipsum, & tantum consideret in speculatione sui ipsius. Hoc autem etsi non est stultitiam tribuere, tamen certe est adimere scientiam, & constituere ignarum rerum humanarum. Recteque addit: Sed quid ad nos talis Deus, aut quis eius est vsus.

† An Systhema Aristotelis ab Auctore recte sit descriptum dubitat REIMM. *sect.* 2. C. 27. JOH. ET FRANC. PIC. Mirandulae comites incertum habuerunt, an ulli dentur libri qui legitime Aristoteli inscribantur: vel saltem non internosci posse quid in ejus libris sit ejus proprium, quid alienum, existimarunt. Sed (saltem quod prius at-

tinet) absque fufficienti ratione. V. *Melange Critique de Litterature*, impr. a Amsterdam 1702. Art. 20. ubi quoque, ut ubivis, varia fata doctrinae Aristotelis inter Christianos recensentur.

*** A Stoicorum sententia in eo differebat sententia Aristotelis, quod illi Deum pro forma mundi *informante*, vt in scholis loqui solent, habebant, hic autem pro forma *adistente*, etsi vinculo necessario cum mundo coniuncto; † vt B. IACOBVS THOMASIVS solide demonstrat, *loc. cit. dissert. XIV. per integr. pag. 177. seqq.* Et haecenus quidem sententia Aristotelis, a sententia Spinozae, diuersa esse videtur. Sunt nihilofecius, qui a Spinozae impietate, sententiam Stagiritae non differre autumant. Etsi enim intelligentias sphaerarum motrices, & inter has primam seu supremam quandam, quam Deum vocat, admittat, has tamen omnes vnus substantiae vniuersalis, quae sit anima mundi, arctissimo vinculo cum materia connexa, ex eius sententia, esse partes. Ita PETRVS BAEIIVS, qui passim Aristoteli Spinozismum obiicit, in *dictionar. bistor. crit. voc. Aristoteles pag. 351. voc. Caesalpinus, pag. 875. item voc. Spinoza, pag. 2780.*

† Stoicos inter & Aristotelicos magnum fuisse dissidium testatur ISID. PELEUS. L. 4. *Epist. 55. & 91.*

* Prae ceteris hoc ex instituto egit IOAN. ZEISOLDVS, celeberrimus quondam academiae nostrae philosophus, sed conatu haud adeo felici, in *tractatu de Aristotelis in illis, quae ex lumine naturae innoscunt, cum scriptura sacra consensu, ab eaque apparente dissensu*; Ienae M DC LXVII. 4to. Legenda autem, quae hac de re dixi in *observatione de conciliatione philosophorum cum scriptura sacra, observation. Hallens. tom. III. obseruat. XIII. §. V. & VI. pag. 239. seqq.*

§. XVI.

Ex schola Peripatetica prodiit STRATO LAMP-SACENVS, THEOPHRASTI discipulus, magni nominis inter Peripateticos philosophus, ob diligentem rerum naturalium inuestigationem *Physicus* dictus. * Hic non tantum atheismi accusatur, sed proxime etiam ad Spinozismum accedere videtur, etsi in quibusdam a Spinoza in diuersum abeat. ** †

* Vitam eius DIOGENES LAERTIVS exhibet *lib. V. sect. LVIII. seqq. pag. 298. seqq.* Docet itidem, cum *Physicum* appellatum, quod in ea speculatione prae ceteris diligentissime versatus esset. Circa finem vero, αὐτὸς δὲ ὁ Στράτων, inquit, ἀνὴρ γέγονε (καθάπερ καὶ ἄνω δεδήλωται) πολλῆς τῆς ἀποδοχῆς ἄξιος, διατρέψας ἐν παντὶ λόγων εἶδει, καὶ μάλιστα γὰρ ἐν τῷ καλεσμένῳ Φυσικῷ, ὅπερ εἶδος ἀκχαιοτέρων τε καὶ σπουδαιότερον. Ceterum Strato ipse, sicut & supra declaratum est, vir insignis & summa admiratione dignus fuit, in omni disciplinae genere versatus, sed physicae maxime studiis excellens, quod genus & antiquius est, & multorum praeclara ingenia exercuit. Idem vero PLVTARCHO audit: τῶν ἄλλων περιπατητικῶν ὁ κορυφαϊότατος Στράτων, Peripateticorum reliquorum summus Strato, aduersus Colotem pag. 115.

† Magna cum specie Stratonem defendit (ita tamen, ut rem in medio linquat) J. BRVCKERVS *dissert. Epist. ad TIMMERMANNVM*, quae legitur *Aman. litt. T. 13. Art. 6.*

** CICERONIS pariter atque PLVTARCHI loca, ex quibus sententia eius colligi queat, recitavi in *dissertation. de Spinozismo ante Spinozam* § VI Haec vero eo redit, systema mundi consistere posse, etsi nul-

nullus admittatur Deus. Negauit enim, teste CICERONE, se Deorum opera vti, ad fabricandum mundum. Hoc ipso vero, vt satis demonstrat, nullam illi fieri iniuriam, si in atheorum classem referatur; ita, quae Spinozismo consentanea sunt, docuit, dum ipsam materiam, ex qua mundus hic compositus est, pro Deo habuit, vel, vt CICERO loquitur, *omnem vim diuinam in natura sitam esse*, censuit. In eo tamen a Spinoza dissentit, quod cum Epicuro materiam in plurimas particulas discerpat, cum Spinoza contra vnā huius vniuersi substantiam statuatur; quemadmodum rursus ab Epicuro in eo discedit, quod pro materia stupida vitæque omni destituta, substituatur, vitæ quadam naturali & plastica instructam, sensus tamen omnis atque cognitionis expertem, vt pluribus a me *loc. cit.* ostensum; add. PETRVS BAELIVS, *dictionar. historico-crit. voc. Spinoza*, pag. 2767.

§. XVII.

Inter reliquos Socratis discipulos & ARISTIPPVS fuit, Cyrenaicae sectae conditor, & EVCLIDES Megarensis, a quo Megarici originem ducunt. Et Cyrenaici quidem cum in corporis voluptate summum hominis bonum collocarent, * mirum non est, extitisse inter eos, quibus atheismus non sine omni, vt videtur, ratione obiectus fuit, vt THEODORVS, cognomine *ἄθεος* dictus, ** eiusque discipulus BION BORISTENITES. *** † Megarici autem cum ex Socratica disciplina nihil praeter acumen disputandi retinuisent, cauillationibusque logicis toti dediti essent, ad eandem facile progredi stultitiam poterant. Certe STILPONEM, qui ex hac schola fuit, inter atheos referri, constat. *

† Licet mihi verosimile videatur, Cyrenaicos, praesertim Theodorum, Atheismi labe infectos fuisse; id tamen certum est, quod, si illorum scripta non perissent, melius de iis judicare possemus. Quod quoque de multis praeter eos, vere dici potest.

* Aristippum ceterosque Cyrenaicos in voluptate corporis summum hominis bonum collocasse, testatur DIOGENES LAERTIVS, *lib. II. sect. LXV. & LXXXVII.* XENOPHONTEM librum contra voluptatem, ad refellendam Aristippi sententiam scripsisse, idem DIOGENES auctor est, *l. c. add. CICERO, de officiis lib. III. cap. XXXIII.* Atheismum itaque, quem vocant, practicum, Cyrenaicis eminentiori quadam ratione recte tribui, nemo inficias fuerit. Hinc vero facilis ad theoreticum transitus. SAM. PARKERVS, de Theodoro atque Bione verba faciens, & *utrosque quidem, inquit, longe scelestiores fuisse, quam fuisse accusantur, hac sola ratione, etiamsi nullo veteris auctoris testimonio evinci posset, non dubito, quod Aristippi disciplinam secuti fuerint, cum is nihil novi sibi peculiare introduxerit, aut introducere sudauerit, quam philosophiam a pietate disinnctam; de Deo & providentia, dissert. I. sect. VIII. pag. 20.*

** Non tantum deos esse negavit Theodorus, sed & librum scripsit, quibus omnia, quae contra vrgeri solent, refutaret, ex quibus plurima Epicurum desumpsisse perhibent. Hoc DIOGENES LAERTIVS nos condocet *lib. II. sect. XCVII.* ubi librum Theodori *ἡ ἀναθηρῶν* minime contemnendum vocat, quia scilicet & ipse sectae Epicureae addictus fuit. SVIDAS auctor est, eum multa scripsisse, ad sectam ipsius spectantia, voc. *Θεόδωρος* *pag. m. 176.* edit. KUSTERI. Praeter alios Theodorum hunc inter atheos & CICERO refert: *quid? Diagoras, athens, qui dictus est, posteaque Theodorus, nonne aperte deorum naturam sustulerunt? lib. I. de natura deorum, cap. XIV.* Sane aliter de eo sentit STRABO, *geograph. lib. XIII.*

XIII. pag. 625. & qui ex recentioribus eum sequitur IS. CASAVBONVS ad *Diogenis loc. cit.* Sed & GERHARDVS IOANNES VOSSIUS Theodorum ob reiectam gentilium deorum multitudinem, inter atheos relatum, haud obscure innuit, de *origine & progressu idololatriæ libr. I. cap. I.* quod & MICHAEL MOVRGVES facit *dans le Plan theologique du Pythagorisme tom. I. epistol. III. pag. 96.* Nullas autem, quae ab hac suspicione Theodorum liberare queant, a viris eruditissimis allatas rationes video. Patrum quorundam, testes veritatis contra polytheismum gentilium vndique conquirentium, & ab atheismi suspicione facile absoluentium, quorum testimonia sibi vsui esse putabant, effata, hic in censum non veniunt. Quod semel monuisse sufficiat.

*** Etsi Bion praeter Theodorum, de quo iam dictum, alios quoque magistros habuerit, Theodoriae tamen sectae se addictum esse, tota vitae ratione satis superque testatus est. Legi ea potest apud DIOGENEM LAERTIVM, *lib. IV. sect. XLVI. seqq.* In morbum grauissimum cum incidisset, idem illi contigit, quod subinde impiis hominibus contingere solet, vt ad alterum extremum procurreret, & in anilem superstitionem prolaberetur; versibus quibusdam ideo agitatus a DIOGENE LAERTIO, *loc. cit. sect. XV.* Sed legi quoque atque expendi merentur, quae hac de re habet PETRVS BAEIVS, *diction. histor. crit. voc. Bion. pag. 602.*

* Passim & hic inter atheos refertur. Auctor est DIOGENES LAERTIVS, de Phidiae Minerua hanc cum proposuisse quaestionem: *Num Minerva Ionis filia Deus est?* cumque ille, qui interrogabatur, annuisset, dixisse: *at ista non Ionis, sed Phidiae est.* Concedente illo, *non ergo,* inquit, *ipsa Deus.* Qua ex re cum in Arcopagum pertractus fuisset, nihil inficiatum ferunt, immo recte se locutum asseruisse; *non enim Deum esse, sed deam; deos quippe mares esse.* Arcopagitas tamen nihilo placatiores factos, iussisse cum vrbe excedere.

cedere, *libr. II. sect. CXVI.* Ex quibus licet sophisticum Stilponis ingenium facile agnoscas, atheismi tamen nondum conuinci potest, cum nihil aliud inde sequatur, quam quod gentilium, statuas ab hominibus factas pro diis colentium, stultitiam irriserit. Maioris momenti esse videtur, quod idem DIOGENES, *loc. cit.* refert, a Cratete eum interrogatum: *an dii precationibus ac diuinis honoribus gaudeant?* respondisse: *noli me, fatue, in via de hisce rogare, sed solum ac seorsum.* Licet vero inde satis constet, Stilponem palam suam de diis sententiam prodere noluisse; potest tamen & hoc de superstitione gentilium intelligi: quam reicere non minus periculosum erat, quam veri Numinis existentiam in dubium vocare. AEGIDIUS MENAGIUS tamen hinc infert: *Fuit Stilpon parcus deorum cultor, & infrequens; immo ἄθεός; quem in finem & ad ATHENAEI quandam narrationem de Stilpone prouocat, quae extat libr. X. cap. V. de qua tamen, vt & reliquis, quae de hocce philosopho moneri poterant, vid. PETRVS BÆLIUS, dictionar. histor. crit. voc. Stilpon. pag. 279. seqq.*

§. XVIII.

Praeter Aristippum, aliosque, & ANTISTENES ex Socratis disciplina prodiit, a quo *Cynici*, vt ab his *Stoici* originem ducunt. * Inter Cynicos DIOGENES ille Sinopenfis eminet, qui, vt omnem operam nauauit, ne aliquid pudoris retinuisse videretur, ita a summa haud procul abfuisse impietate, coniecturae haud adeo incertae indicant. ** Ad Stoicos autem quod attinet, licet splendida passim & magnifica eorum de Deo, eiusque prouidentia, virtutibus sectandis, vitiisque fugiendis extent effata; *** † ipsum tamen philosophiae, quam professi sunt, syste-

systema, si paulo accuratius consideres, ad Spinozismum proxime illud accedere, deprehendes. Interim fuisse inter eos viros honestatis & externae virtutis studiosos, non negauerim.

† Veteres, Graeci non tantum, sed & Romanorum praestantissimi, ac in primis Jurisconsulti, magnum pretium huic sectae statuerunt. HEINECC. *Hist. Philos.* P. 1. C. 3. §. 79. in assensum Veritatis Divinae trahere conati sunt; STEVCHVS, PANSI, FRANNERS, HVETIVS, quibus addi merentur, J. LIPSIVS, C. SCIOPPIVS & TH. GATAKERS.

* Zeno namque Citticus, Cratetis Thebani, philosophi Cynici, discipulus fuit, quamvis idem academicos quoque, Xenocratem, Polemonem, aliosque, audierit. vid. DIOGENES LAERTIVS, *Lib. VIII. sect. I.*

** Inter rationes, quibus Cynicus hicce philosophus in atheismi suspensionem adducitur, eminet illud, quod de eo memoriae prodidit CICERO: *Diogenes quidem Cynicus dicere solebat, Harpagum, qui temporibus illis praedo felix habebatur, contra deos testimonium dicere, quod in illa fortuna tam diu viveret; & iterum: Improborum igitur prosperitates secundaeque res redarguunt, ut Diogenes dicebat, vim omnem deorum ac potestatem; de natura deor. lib. III. cap. XXVII.* At inde id quidem sequitur, diuini Numinis prouidam curam Diogenem non credidisse, quippe quam hac ratione ludibrio exponere voluit, atheum stricte sic dictum inde conficere nondum licet, etsi coniecturam haud leuem praebeat. Alias rationes, quibus idem probari queat, adfert PETRVS BAEIVS, qui, licet simul ostendat, quid ad eas pro liberando ab hac suspitione Diogene responderi possit, eum tamen absolueri non audet, sed rem in medio relinquit, *dictionar. histor. critic. voc. Diogenes, pag. 1053.* Eum sub ἀθιαφορίας praetextu non decori modo, sed honestatis limites proterue migrasse,

certum, adeoque exiguum Numinis sensum in animo habuisse, necesse est.

*** Haec magno numero apud SENECAM, EPICTE-
TVM, M. AVRELIVM ANTONINVM,prehendun-
tur, sed ita comparata sunt, vt aut documento sint,
posse quandoque ex falsis principiis veram deduci
conclusionem, aut ostendant, Stoicos non semper
principiis suis consentanea docuisse, quod & aliis
philosophis quandoque contigit; conf. PETRVS BAE-
LIUS, *diction. hist. & critic. voc. Spinoza*, pag. 2768.
col. I. circa fin.

* Non tantum enim Deum supremum pro anima mun-
di habebant, sed indissolubili vinculo cum materia
coniungebant. Cumque Aristoteles Deum tantum
pro forma mundi *assistente* haberet, Stoici omnino eum
formam mundi *informantem* esse statuebant, vt lucu-
lenter euicit B. IACOBVS THOMASIVS, de *exist. mun-
di Stoica*, *differt. XIV.* cui titulus: *Stoici Deus forma
mundi informans*, pag. 177. seqq. add. *aiffert. de Spino-
zismo ante Spinozam*, §. XVIII. Quo ipso profecto
propius adhuc ad Spinozismum accedunt, quam Ari-
stoteles. Luculentissime etiam hoc ex illorum de
summo bono doctrina patet. Cum enim Zeno Cit-
ticus finem bonumque vltimum dixisset *ὁμολογούμεως
ζῆν*, *conuenienter viuere*, quod de virtute, vtpote quae
sibi semper constat, capit SENECA, *ep. LXXIV.*
Cleanthes vocem *naturae* addidit, asseruitque, vlti-
mum finem esse, *ὁμολογούμεως τῇ φύσει ζῆν* vel
συμφώνως τῇ φύσει ζῆν, *conuenienter vel conformiter
naturae viuere*. Quodsi quaeras, quid *naturae* vo-
ce sibi velint Stoici? respondebit SENECA: *Quid aliud
est natura, quam Deus, & divina ratio toti mundo
& partibus eius inserta?* *libr. IV. de benefic. cap. VII.*
Et alibi idem SENECA: *vis Deum naturam vocare,
non peccabis: est enim, ex quo nata sunt omnia*, *lib. II.
quaest. natural. cap. XLV.* Deus ergo & natura
Stoicis vnum idemque. Vnde & patet, quo pacto
intel-

intelligendum sit, quando docebant, summum bonum in eo positum esse, vt *Deum sequamur*, item *sapientem virum cum diis vivere*; & quae reliqua erant eiusdem commatis. Eo nimirum cuncta redibant, fari legibus, quibus tota natura regeretur, obediendum esse. Quod simul documento esse potest, quam impia dogmata haud raro sub splendidissimis effatis tegantur. Non itaque quenquam etiam eorum de providentia dicta morabuntur. Praeterquam enim, quod antea iam observatum sit, philosophos non semper, quae principiis suis consentanea sunt, docere, cuncta tandem in fatum aliquod resoluuntur, quo nomine vt ipsimet, quid sibi voluerint, non satis intellexerunt, ita *fati Stoici malignitatem* satis demonstravit B. IACOBVS THOMASIVS, de *exult. mundi Stoica dissertat.* XIII. pag. 166. seqq. †

† Vide quoque J. BRUCKERI epistolam de *Providentia Stoica Aman. Lirr. T. 8. art. 4.* cum qua conferatur WILH. SLUITERI *Idea Theol. Stoica C. 2.* qui e contrario opinatur, Stoicos fati nomine aliquam Divinam constitutionem designare voluisse. Licet non omnia probem, quae Stoici de fato suo dixere; illud saepius animadverti, non nullo, ex partium Studio, minis acerbe de illorum sententia loqui. Quod tamen absque invidia dictum esto.

** Plerosque Stoicorum maximos in vita fuisse hypocritas, constat, idque vel HORATIVS omnes condocere potest, tum alibi, tum maxime *libr. II. sat. III.* conf. FRIDERICVS RAPPOLTVS, *commentar. ad libr. II. sermon. cap. IX. pag. 310. seqq.* Fuisse tamen & inter eos viros honestos, & externae virtutis studiosos, exemplum SENECAE, EPICETI, M. AVRELII ANTONINI, & aliorum quorundam nos dubitare non sinit. Etsi enim isti secundum sectae suae principia de Deo non poterant non peruerissime sentire, externam tamen virtutem sectati sunt, siue animi tranquillitatem inde sperarent, siue quod alias ob rationes id sibi expedire crederent.

§. XIX.

Iam, si ad Eleaticam sectam accedamus, huic atheismus velut proprius fuisse videtur. * Immo cum Spinozae deliriis prorsus illorum conueniunt dogmata. XENOPHANES namque Colophonius, vnum omnia esse, docuit. ** Nec alia ratione PARMENIDES, *** MELISSVS, * atque ZENO Eleates, ** vt omnem motum, omnesque adeo generationes atque corruptiones negarent, inducti videntur, quam quod vnicam tantum crederent substantiam. LEVCIPPVS *** atque DEMOCRITVS, * ex fortuito atomorum concursu mundum constringentes, Dei in eo producendo & conseruando, operam sibi minus necessariam videri, testabantur. Hunc equidem, sed ad mortem saltem, vt videtur, declinandam, in systema suum introduxit EPICVRVS, at talem, qui nulla rerum humanarum cura tangeretur. ** Ne quid nunc de DIAGORA, *** PROTAGORA, * huiusque discipulo, PRODICO CEO, ** atque ALEXANDRO Epicuræo *** dicamus, quibus atheismus non sine ratione, vt arbitror, obiectum fuisse, constat.

* Nomen habet Eleatica secta a Lucaniae vrbe, quae Romanis *Velia*, Graecis autem Ελεία dicebatur. Parmenides namque & Zeno, quibus haud exiguum haec secta incrementum debet, Eleatae fuerunt. Sunt, qui putant, Eleaticam sectam a Pythagora originem ducere, cuius tamen vestigia in doctrina de Deo Leucippus, Democritus, alique, minime secuti sint, immo quae ab illo recte tradita sint, in atheismi patrocinium arripuerint. Ita SAM. PARKERVS, qui de Italicae successionis philosophis, quorsum Eleaticos refert,

refert, verba faciens, multo magis perspicuam eorum causam esse, pronunciat, cum plane quidem constet, *Leucippum & Democritum*, qui a *Pythagora*, aliisque suae sectae antiquioribus genuinam philosophandi rationem acceperunt, ea non magis improbe, quam indocte in atheismi patrocinium usos fuisse; de Deo & Providentia divina disput. I. sect. X. pag. 24. Ad *Pythagoram* equidem quod attinet, eum inter illos quoque, quibus atheismus obiectus fuit, referendum, vel ex *THEOPHILO* Antiocheno constat, cuius libr. III. ad *Antolycum* pag. m. 120. haec de eo extant verba: Πυθαγόρας δὲ τὸσάυτᾳ μοχθήσας περὶ θεῶν, καὶ τὴν αὐτῷ κάτω πορείαν ποιησάμενος, ἐσχάτον ὀρίξει φύσιν καὶ αὐτοματισμὸν εἶναι, φησίτε τῶν πάντων θεὸς ἀνθρώπων μὴδὲν φροντίζειν. Quae verba ita vulgo vertuntur: *Pythagoras* magno labore summa imaque perscrutatus, extremum naturam Deum esse autumat, adstruitque, omnia fortuito fieri, & Deum mortalium nullam curam gerere &c. Sed ita potius reddenda, recte observavit *THOMAS REINESIVS*: *Pythagoras*, postquam adeo de diis laborasset, & huc illuc (apud varias gentes peregrinatus) discurrisset, ultimum (tandem) determinat, eum naturam esse, fierique omnia fortuito; dicit etiam, deos hominum nullam habere curam. Ad rem ipsam vero quod attinet, *Pythagoram* ab ea, quam *THEOPHILVS* illi tribuit, sententia, longissime abfuisse, idem, quem iam laudauimus, *REINESIVS*, docet: de Deo enim, inquit, eum longe alia sensisse, vel sexcenti testes sunt: nimirum in eius schola Deum esse effectorem mundi, non negandum est; cum enim Deum adpellauit ψῦχωσι, quid aliud, quam auctorem vitae, motuum, caloris, lucis faciebat? idemque dogma non solum notarum obscuritate obduxit alias, sed etiam diuturno silentio inuolui curauit; ne profanis temeritatibus contaminaretur, si prostack publica rei omnium absconditissima notitia, Providentiam etiam diuinam, quae spem omnem potentiamque hominum superet, habito coram *Phalaride* cum *Abaride* colloquio, adstruxit, Iamblichus

blicus lib. I. de vita Pythag. cap. XXXIII. &c. variar. lection. lib. III. cap. VI. pag. 445. Dubium tamen alicui mouere potest, quod CICERO de eo perhibet: Pythagoras, qui censuit (Deum) animum esse per naturam rerum intentum & commeantem, ex quo nostri animi caperentur, non vidit, distinctione animarum humanorum discerni & dilacerari Deum &c. de natura deor. libr. I. pag. 9. Quod eiusmodi profecto est, vt, si haec mens eius & sententia fuit, ab omni errore, etiam tali, qui ad Spinozismum ducit, non prorsus absolui queat: nec tamen cum Spinozismo ideo prorsus conuenit, cum Deum a materia distinguat. Idque & inde porro liquet, quod naturam in duo principia diuisit, causam effectricem, quae est mens seu Deus, & materialem, seu passionibus subiectam, quae est mundus visibilis; apud PLVTARCHVM, de placitis philosophorum libr. I. cap. III. add. SAMVEL PARKERVS, loc. cit. pag. 24. † Alii contra in contrarium currentes, superstitionis, speciatim magiae Pythagoram accusant; a qua tamen criminatione cum liberare annititur GABRIEL NAVDAEVS, apologie pour les grands hommes, soupçonnées de magie, cap. X. p. m. 136. seqq. An autem, & quousque, magia cum atheismo consistere queat, ex infra dicendis patebit.

† Quænam sententia Samii de Deo & Mundo fuerit, optime ex Schediasmate *Bruckeri* jam antea laudato, videri potest.

* * Testis huius rei est CICERO, qui, cum Anaxagorae adduxisset sententiam, de Xenophane addit: *Xenophanes paulo etiam antiquior, vnum esse omnia, neque id esse mutabile, & id esse Deum, neque natum vsquam & sempiternum conglobata figura; quaestion. academ. libr. II. pag. 1044. Alibi equidem idem CICERO sententiam Xenophanis ita exprimit, vt mentem ab infinito, hoc est, Deum ab hoc vniuerso, secernere videatur, de natura deorum, libr. I. pag. 44. Sed ibi eum parum accurate locutum, ostendit PETRVS BAEIVS, dictionar. histor. critic.*

voc.

voc. Xenophanes, pag. 3034. vbi & ARISTOTELIS de Xenophane testimonia adfert, & sub examen reuocat. Addantur, quae dixi in *dissertat. de Spinozismo ante Spinozam* §. VII. Nec abluunt, quae de Xenophane refert DIOGENES LAERTIVS, de Deo eum ita existimasse: *Dei substantiam globosam esse, nihilque cum hominibus habere commune. Totum cernere, totumque audire, non tamen respirare. Συμπαντά τε εἶναι, simulque omnia, mentem, prudentiam, aeternitatem; lib. IX. sect. XIX. pag. 558.* Quae verba vt eo rectius intelligantur, conferenda, quae ad *b. l.* notauit THOMAS ALDOBRANDINVS. Idem, quem iam laudauimus; PETRVS BAEIVS ex DIOGENE LAERTIO, *loc. cit.* & EVSEBIO praeparat. *euangel. lib. XIV. cap. XIV.* docet, totam sectam Eleaticam, vnitatem rerum omnium, atque earum immobilitatem statuisse; quorum prius atheismi, posterius scepticismi primum fuit principium. Plenius idem nexum totius systematis horum philosophorum exhibet, *l. c. p. 1042.* add. THOMAS STANLEIVS, *hystor. philosoph. part. X. cap. II. pag. 874.* vbi, quae BAEIVS hac de re dixit, repetuntur. †

† Iudicium suspendit REIMM. *Sect. 2. C. 30. 2. in seqq.* etiam statuens Parmenidem, Melissum atque Zenonem Eleatem, non satis solido fundamento inter Atheos referri: immo nec Leucippum; licet ille praeter ceteris ei talis videatur.

***. Parmenides Eleates, Xenophanis, teste CLEMENTE Alexandrino *lib. I. Strom. p. 301.* auditor, teste autem THEODORETO, *lib. II. de curat. graecur. affection. p. 159.* socius eius, inter praecipuos Eleaticae sectae philosophos locum obtinet. Eum in multis a Xenophane discessisse, veteres tradidere; speciatim DIOGENES LAERTIVS, *lib. IX. sect. XXI. pag. 560.* In eo tamen, quod caput causae erat, eum consensisse, eodemque adeo iure atheismi argui, vel ex EVSEBIO patet, *praeparat. euangel. libr. I. cap. VIII.* cuius, quae huc spectant, verba recitavi, in *dissertat. de Spinozismo ante Spinozam*, §. VIII. add. PETRVS BAEIVS, *voc. Xenophanes*.

nophanes, pag. 3035: & 3042. Testis quoque huius rei ipse est ARISTOTELES, secundum quem Parmenides docuit, omnium rerum vnum esse principium, & id immutabile quidem. Vnum omnia & ens infinitum esse, quicquid vero est praeter ens, id non ens esse, atque nihil. Ens vero vnum esse, quicquid ergo est praeter vnum, id esse nihil; omnia igitur vnum sunt; *phys. lib. I. cap. II.* Quem ARISTOTELIS locum etiam THOMAS STANLEIVS laudat, *hist. philosoph. part. X. cap. II. pag. 877.* Luculenter vero inde patet, & Parmenidem, vnam tantum admisisse substantiam.

- * Melissus Samius fuit discipulus Parmenidis, & cum Heraclito etiam versatus est. vid. DIOGENES LAERTIVS, *libr. IX. sect. XXIV.* Parmenidem quoque secutus, principium rerum vnum & immutabile statuebat, vnum scilicet haec omnia esse, & ens infinitum. Idque, ut ARISTOTELES *loc. cit.* auctor est, sequenti ratione euincere annisus est: *Id quod factum est, principium habet; id quod non factum est ergo, neque principium habet. Vniuersum vero, siue hoc quod est, factum non est; principium ergo non habet; immo nec finem. Infinitum ergo est; adeoque & vnum; infinita enim plura dari, repugnat; ergo & immutabile erit; omnia enim occupat, neque quippiam est, a quo moueatur. Nec praetermittendum, quod DIOGENES LAERTIVS, loc. cit. de eo refert: ἀλλὰ καὶ περὶ θεῶν ἔλεγε, μὴ θεῶν ἀποφαίνεσθαι, μὴ γὰρ εἶναι γινώσκειν αὐτῶν.* De diis nihil definiendum dicebat, neque enim illorum certam esse cognitionem.

- ** Zenonem Eleatem consentanea doctrinae Xenophanis & Parmenidis docuisse, vel ex iis patet, quae ex ARISTOTELE refert THOMAS STANLEIVS, *hist. philos. part. X. cap. III. pag. 883.* Summa eo redit, non multa, sed vnum esse, idque vnum esse Deum. Non tantum discipulus, sed & iuxta quosdam, filius adoptiuus Parmenidis fuit. vid. DIOGENES

GENES LAERTIVS, *lib. IX. sect. XXV.* Quemadmodum autem iam antea obseruauimus, sententiam de vna, eaque immobili & immutabili substantia, quae Eleaticis propria fuit, eosdem ad ἀκαταληψίαν, adeoque scepticismum perduxisse, ita, si SENECAE, *epist. LXXXVIII.* fidem adhibere velimus, Zeno ad summum scepticismi gradum progressus est, asserendo, in hoc vniuerso nihil esse. Quod tamen cum ingenii acumine, quo Zeno claruisse dicitur, vix conciliaueris; adeoque post IUSTVM LIPSIVM, *manuduct. ad philosoph. Stoic. lib. II. dissertat. IV.* non sine ratione in dubium vocatur a PETRO BAE-
LIO, *voc. Zenon. pag. 3058.*

*** Leucippum Zenonis auditorem fuisse, testatur DIOGENES LAERTIVS, *lib. IX. sect. XXX.* Atomorum primum eum inuentorem esse, idem DIOGENES auctor est: πρῶτος τε ἀτόμους ἀρχὰς ὑπέστη-
σατο, *primus hic atomos principia subiecit.* Sunt equidem, quibus doctrina de atomis antiquior videtur. Posidonius namque Moschum quendam, hominem Sidonium, qui ante belli Troiani tempora vixerit, eius inuentorem praedicat apud STRABONEM, *lib. XVI. pag. 512.* & apud SEXTVM EMPIRICVM, *aduers. mathem. pag. 367.* Sed infirmo hanc Posidonii traditionem niti talo, gloriamque inuentae huius hypotheseos Leucippo cripi non posse, ostendit THOMAS BURNETIVS, *archaeolog. philosoph. libr. I. cap. VI.* cui & suffragatur PETRVS BAEIVS, *voc. Leucippus pag. 1803. & 1804.* Quicquid huius sit, ob hypothelin de atomis in se spectatam non reprehendendus, sed laudandus potius est LEVCIPPVS. quippe quae si recte adhibeatur, doctrinae naturali accuratius excolendae mirifice inseruit; sed hoc potius nomine culpandus venit, quod hoc de atomis principio ita vsus sit, vt omnem causam effectricem excluderet, & aeternitatem atomorum asserens, & ex fortuito illarum concursu, sine moderatore, cuncta producta, contendens, & hac ratione Deum ex hacce mundi machina remouens.
Et

Et hac quidem ratione CICERO, Democriti, & ante eum Leucippi flagitium fuisse, recte dicere potuit: *e corpusculis effectum esse coelum ac terram, nulla cogente natura, sed concursu quodam fortuito; libr. I. de natura deorum.* Refutare Leucippum aggressus est LACTANTIUS, *diuin. institut. lib. III. cap. XVII.* Sed non in omnibus aequè feliciter, ut ostendit PETRVS BÆLIVS, *loc. cit. pag. 1804. add. IENKINVS THOMASIVS, in historia philosophica de atheismo, cap. V. §. II. pag. 84. seqq.*

† Non bene percipio (ob festinationem fortassis) quid Auctor hic per *Atomos* intelligat: nam *Philos. Theor. P. 5. C. 1. §. 10.* improbat Stairii aliorumque sententiam, qui corpus veluti ex punctis Mathematicis componunt: ut & illorum qui atomos substituunt; hoc est, particulas quæ quidem partes suas habent, verum propter nimiam soliditatem sunt indivisibiles. Quæ mihi sententia veterum de atomis post GASSENDUM plurimosque fuisse videtur.

* Cum Democritus hypothesin de atomis eadem ratione, qua Leucippus, assumeret, de Deo quoque eum non sensisse rectius, inde liquet; conf. DIOGENES LAERTIUS, *lib. IX. sect. XLIV.* Diffidentum tamen non est, veteres in sententia Democriti de Deo exprimenda, non prorsus inter se convenire. † CYRILLVS Alexandrinus, cum de Thalete Milesio adseruisset, eum Deum pro mente mundi habuisse, Democritum Abderitem ei quodammodo assentiri, ait, sed & aliud adiicere: *νῦν μὲν γὰρ εἶναι τὸν θεὸν ἰσχυρίζεται καὶ αὐτὸς πλὴν ἐν πυρὶ σφαιροειδεῖ, καὶ αὐτὸν εἶναι τὴν τῷ κόσμῳ ψυχὴν; contendit enim & ipse, Deum esse mentem, veram ipsam in sphaera ignea esse, videlicet mundi animam; libr. I. contra Iulian. pag. m. 28.* Quod ex PLUTARCHO desumisse videtur, de *placitis philosophorum, libr. I. cap. VII.* ubi eandem de Deo sententiam Democrito tribuit. Aliter adhuc mentem eius de Deo exprimit VELLEIUS apud CICERONEM: *Quid? Democritus, qui tum imagines, earumque circuitus*

in deorum numero refert, cum illam naturam, quae imagines fundat, ac mittat, tum scientiam intelligentiamque nostram, nonne in maximo errore versatur? cumque idem omnino, quia nihil semper suo statu maneat, neget, quicquam esse sempiternum, nonne Deum ita tollit omnino, ut nullam opinionem eius reliquam faciat? de natura Deorum libr. I. pag. 46. †† Quae si Democriti sententia fuit, inter eos profecto, qui crassissima quadam ratione atheismum professi sunt, referri meretur. Natura enim, quam vocauit, ex ipsius sententia nec vna, nec aeterna, nec immutabilis est, nec reliquis diuinae essentiae attributis gaudet. Immo Dei nomen imaginibus, & ideis obiectorum, & actui intellectus, quo obiecta haec cognoscimus, tribuit. Quantumvis autem PETRVS BÆLIUS hanc Democriti sententiam ob subtilitate laudet, eamque non nisi a magno ingenio proficisci posse, contendat, immo CICERONI, haec omnia patria Democriti (Abdera) quam Democrito digniora esse, pronuntianti, irascatur, ipse tamen diffiteri tandem nequit, absorta ea esse; quemadmodum & reuera sunt; voc. Democritus, pag. 1030. Quamcunque autem ex haecenus allatis Democrito sententiam tribuas, id inde patet, nullam ei fieri iniuriam, si in atheorum numerum referatur. Iungenda, quae de Leucippo pariter ac Democrito grauitur pronuntiat SAM. PARKERVS, de Deo & providentia disput. I. pag. 26. Referuntur equidem de Democrito etiam talia, quae cum magiae, adeoque superstitionis, suspectum reddunt. Quod cum atheismo eius non videtur consistere posse. Sed si recte cuncta ponderentur, aut de magia naturali, seu curiosa occultarum rerum inuestigatione, intelligenda sunt, aut nullo certo fundamento innituntur, ne dicam scripta quaedam, ex quibus eiusmodi quid colligi queat, perperam Democrito tribui; conf. IOANNES ALBERTVS FABRICIVS, bibliothec. graec. libr. II. cap. XXIII. pag. 809. vbi scripta, quae Democriti nomen inuentiuntur, recenset; itemque GABRIEL NAUDAEVS, apolog. pour les grands hommes soupçonnez de Magie, cap. XII. pag. 187. seqq.

† Vitam

† Vitam & Philosophiam Democriti conscripsit JOH. CHRYSOSTH. MAGNENUS in suo *Democrito revivificante*.

†† REIMMANNUS *Sect. 2. C. 30. §. 7.* non nulla addit, quæ nos certiores reddunt, Democritum *crassissima* ratione Atheum fuisse.

** Providentiam diuinam negasse Epicurum, & pluri-
mi veterum tradidere †, & non semel ei a Stoicis,
licet re ipsa non rectius de Deo sentientibus, aliis-
que, exprobratum fuit. Nec aliter sentire poterat,
qui deos in intermundiis positos vitam beatam age-
re, existimabat; immo, vt naturae diuinæ nihil con-
venientius, quam vitam beatam, ita vitae beatae
nihil aduersum magis, quam curis variis, rerumque
aliarum administratione turbari, arbitrabatur. Hinc
SENECA ex mente Epicuri: *Itaque non dat Deus be-
neficia, sed securus & negligens nostri, auersus a mun-
do aliud agit, aut, (quæ maxima Epicuro felicitas vi-
detur) nihil agit, nec magis illum beneficia, quam in-
iuriæ tangunt; de benefic. lib. IV. cap. IV. Et cap.
XIX. eiusdem libri: Tu denique, Epicure, Deum
inermem facis. Omnia illi tela, omnem detraxisti po-
tentiam, & ne cuiquam metuendus esset, proiecisti il-
lum extra mundum. Huic igitur insepsum ingenti
quodam & inexplicabili muro, diuisumque a contactu &
a conspectu mortalium, non habes, quare verearis, nul-
la illi nec tribuendi, nec nocendi materia est. In me-
dio intervallo huius & alterius coeli desertus, sine a-
nimali, sine homine, sine re ruinas mundorum, supra
se circaque se cadentium euitat, non exaudiens vota,
nec nostri curiosus. Similia apud CICERONEM, lib.
I. de nat. deorum, pag. 281. aliosque, passim occur-
runt. Sed suffragatur quoque DIOGENES LAER-
TIUS, ex mente Epicuri ita pronuntians: ὅτι γὰρ
συμφωνῶσι πραγματεῖαι καὶ Φροντίδες καὶ ὄρεγαι
καὶ χάριτες μακαριότητι, ἀλλ' αἰσθητεία καὶ φόβος
καὶ προσδεῖσσι τῶν πλησίων τὰντα γίνεται. Neque
enim beatitudini conueniunt negotia & curae, & irae,
& gratiae, sed ob infirmitatem, ac timorem, & in-
digen-*

digentiam proximorum ista fiunt; libr. X. sect. LXXVII. Hanc quoque Epicuri mentem fuisse, adeo non dubitat PETRVS GASSENDVS, magnus ceteroquin eius admirator, vt potius eam in illo ecce erroneam refellat, in *notis ad libr. X. Diogenis Laërtii, tom. V, opp. pag. 128. & Physicæ sect. I. lib. IV. cap. VI. pag. 319.* In aliam nihilosecius sententiam abiit IACOBVS RONDELLVS, in *libro de vita & moribus Epicuri*, Amstelodami, anno MDCXCII edito, negatam ab Epicuro prouidentiam abnuens. Statuisse equidem eum, deos non curare tempestatum serenitatisque vices, generationes meteorum & corruptiones, aliaque physices innumera, quippe qui mundo satis virium ac roboris ad semet sustentandum inesse, crediderit. Non debere tamen eum ideo tantopere vituperari, cum & inter ipsos christianos effati huius propugnatores nonnulli inueniantur, nec desint inter theologos, qui prouidentiam diuinam tantum ad res morales & theologicas restringant. Verum hæc an omnibus persuasurus sit RONDELLVS, valde dubito. Quod enim Epicurus prouidentiam diuinam a rebus humanis etiam remouerit, vel inde patet, quod beatitati, vt *DIODEGENES LAËRTIVS* docet, nec *curas, nec iram, nec gratiam, conuenire*, existimauerit. Ira autem ac gratia Numinis, quo pacto in res inanimatas cadat, profecto non capio. Præterea prouidentiae diuinæ negatio cum systemate Epicuri prorsus consentit, præsertim cum primo eius principio, in animi voluptate, seu tranquillitate, summum hominis consistere bonum. Hæc enim tranquillitas cum nulla alia re magis, quam Numinis metu turbetur, nec homo ethnicus, quod ei opponeret, remedium inuenire poterat, nihil aliud ei relictum erat, quam vt Numinis prouidentiam in dubium vocaret. Impiam hanc sententiam esse, & ad omnem Numinis cultum euertendum comparatam, adeoque ad atheismum proxime accedere, nemo temere dubitauerit. †† Nihilosecius nonnulli nobis multa de pietate Epicuri, & Numinis veneratione, narrant. ††† Qua in re, vt sibi constaret, *propter maiestatem Dei eximiam, singularemque naturam eius* illud

illud se colere, videri volebat; conf. *SENECA, lib. IV. de beneficiis, cap. XIX.* Iungenda, quae hanc in rem collegit *PETRVS GASSENDVS, de vita & moribus Epicuri, lib. IV. cap. III. tom. V. opp. pag. 201. seqq.* Sane quidem generoso admodum animo fuisse Epicurum oportet, si Deum tantum ob naturae praestantiam coluit, probe sciens, eum nulla sui cura tangi. Quae in re an multi eius exemplum imitaturi sint? valde dubito. Multo autem magis dubito, an serio & ex animi sententia hoc egerit. Certe ad poenam euitandam, pietatem deorumque cultum eum prae se tulisse, dilerte innuit *CICERO, de nat. deor. libr. I. pag. 123.* Estque hoc principiis Epicuri longe conuenientissimum, a quibus tam acuti ingenii virum in vita discessisse, non est verosimile. *PETRVS BÆLIVS* suspensionem *CICERONIS*, ad poenam euitandam Epicurum Numinis cultum prae se tulisse, non prorsus rejicere audet, aequitati tamen & charitati conueniens esse putat, ut de occultis aliorum sententiis in meliorem prouentum partem, remque omnem Deo cordium scrutatori permittamus, *voc. Epicurus, pag. 1133.* Quod lubens concedo, modo rationes grauiiores non obstant. Quod vero idem addit, nullam esse causam, cur credere non debeamus, Epicurum ideam de cultu Numinis, qui sola eius praestantia, insuper habita prouidentia, nitatur, habuisse, cum theologi *ὁρθόδοξοι* eandem quotidie commendent, asserentes, colendum amandumque Deum esse, etsi nulla spes coeli, nullus inferni metus sit, hoc serio & ex animi sententia eum dixisse, vix credo. Immo, nisi me omnia fallunt, mythicorum quorundam huc collimantes sententias, exagitare hac ratione voluit. ††† Minus adhuc ab atheismi suspensione eum liberari posse, idem vir doctus censet *loc. cit.* si asseruisset, deos, ut reliqua omnia, ex atomis esse compositos: hac enim ratione mortales & corruptioni obnoxios, hoc est non deos statuisset; sed cum inter *αυγλας* eius *δόξας* apud *CICERONEM* referatur, *quod beatum & immortale est, id nec habet, nec exhibet cuiquam negotium, de nat. deor. libr. I. pag. 284.* quod *DIO-*

GENES

GENES LAERTIVS ita effert, Deum esse, ζῶον ἄφθαρτον καὶ μακάριον, *animal immortale ac beatum*, lib. X. sect. CXXIII. inde colligit, eum diis immortalitatem tribuisse. Quod recte quidem se haberet, si iam certo constaret, eum Deum aut deos credidisse, & non potius ad poenam evitandam talia docuisse. Quod si reuera deos immortales, & ex atomis non compositos credidit, in eo sane a sententia Democriti discessit: a quo & in eo dissensit, quod atomos anima destitutas statuit; cum Democritus contra anima praeditas admittat, qua quidem ratione hic facilius variis, quae illi obiici poterant, dubiis satisfacere potuit; †††† simul tamen negandum non est, systema Democriti atheismo defendendo hac ratione longe esse accommodatius, quam systema Epicuri. Legenda, quae hanc in rem disserit PETRVS BAEIVS, loc. cit. pag. 1132. lit. E.

† Veterum hac in re testimonia videntur apud REIMM. Sect. 2. C. 29. quibus adde ISID. PELEUS. L. 1. Ep. 460. ubi tradit: Epicurum docuisse, *omnia temere & fortuito prodire in ortum &c.* L. 2. Ep. 230. eum omnibus Sapientibus abdicatum fuisse. Immo pluribus locis similia de Epicuro pronuntiat. REIMM. l. l. quoque notat; Judæis Atheos & Epicuræos fuisse Synonyma; & apud Ethnicos, Epicuræum idem fuisse ac ἀσιστῆ καὶ ἄθεον.

†† Multi tamen, præter RONDELLUM, Epicurum defenderunt, vel saltem Atheismi dicam injuriosius ei scribi opinati sunt. Quid hac de re judicandum sit; vide MORHOVIUM Polyhist. Philos. L. 2. P. 1. C. 7. & aliis in locis. WILH. SLUITERUM *Idea Theol. Stoica in præfatione.*

††† Victu frugali & modico contentus fuisse dicitur ALEXANDRO AB ALEXANDRO *Genial. Dierum* L. 3. C. 11. cum tamen non nulli Veteres tradiderunt, Epicurum quotidie minam in cibos consumere solitum fuisse; multa in sermone, plura in vita peccasse &c. conf. DIOG. LAËRT. L. 10. mirum saltem videtur Apollinem in Arcadia Epicurum esse vocatum: ALEX. AB ALEXANDRO L. 6. C. 4. & animadverti quoque meretur, quod idem notat

D 2.

L. 3.

L. . C. 18 Epicuræos singulis mensibus statos dies habuisse feriatos, leadas dictos; vigesimam nimirum cuiusque mensis lunam, quod ea natus Epicurus foret: immo Epicurum iis tam sanctum fuisse, ut ejus imaginem annulis poculisque inscribi curarent.

††† Licet metus inferni & Spes cæli nequaquam insuper sint habendi; magni tamen nominis Theologis Deus amandus colendusque visus est, etsi nec pœnæ nec præmia darentur: & non video, qua ratione hæc sententia inter peculiaria mysticorum dogmata referri queat.

†††† In quibus Epicurus degeneraverit a principiis Democriti, v. MORHOVIUM l. c.

*** Diagoram hic commemoramus, quod Democriti servus & discipulus fuisse feratur. Hic enim ex numero servorum, qui venum exponebantur, eum mille drachmarum pretio redemisse, & non tantum pro servo usum, sed & inter discipulos recepisse, dicitur; vid. SVIDAS & HESYCHIVS ILLUSTRIVS voc. Διάγορας. Patria fuit Melius, & atheismi magno veterum consensu accusatur, adeo ut cognomine *atheus* dicatur, ut apud CICERONEM, de *natura deor. libr. I.* & III. DIODORVM SICVLVM, *libr. XIII. cap. VI.* LACTANTIUM, de *ira Dei, cap. IX.* aliosque, videre licet. Nimirum, cum alii, qui in eadem erant sententia, per ambages incederent, hic tanta impudentia fuit, ut aperte sine ulla dissimulatione, Deum esse, negaret. Idque CICERO nos conducet, cautiorem hac in re Protagoram fuisse, perhibens; in hac quaestione plerique, quod maxime verisimile est, & quo omnes ducte natura vehimur, deos esse dixerunt: dubitare se, Protagoras, nullos esse omnino, Diagoras Melius, & Theodorus Cyrenæicus putauerunt, de *nat. deor. libr. I. circa init.* Athenis itaque, ut supplicium effugeret, discedere coactus fuit *Olymp. XCI.* Atheniensibus nihilofecius certam pecunie summam in caput eius constituentibus, si quis eum aut interficeret, aut viuum traderet. CLEMENS Alexandrinus
eum

GENES LAERTIVS ita effert, Deum esse, ζῶον ἄφθαρτον καὶ μακάριον, *animal immortale ac beatum*, lib. X. sect. CXXIII. inde colligit, eum diis immortalitatem tribuisse. Quod recte quidem se haberet, si iam certo constaret, eum Deum aut deos credidisse, & non potius ad poenam evitandam talia docuisse. Quod si reuera deos immortales, & ex atomis non compositos credidit, in eo sane a sententia Democriti discessit: a quo & in eo dissensit, quod atomos anima destitutas statuit; cum Democritus contra anima praeditas admittat, qua quidem ratione hic facilius variis, quae illi obiici poterant, dubiis satisfacere potuit; †††† final tamen negandum non est, systema Democriti atheismo defendendo hac ratione longe esse accommodatius, quam systema Epicuri. Legenda, quae hanc in rem differit PETRVS BAEIVS, loc. cit. pag. 1132. lit. E.

† Veterum hac in re testimonia videantur apud REIMM. Sect. 2. C. 29. quibus add: ISID. PELEUS. L. 1. Ep. 460. ubi tradit: Epicurum docuisse, omnia tamere & fortuito prodigiis in ortum &c. L. 2. Ep. 230. eum omnibus sapientibus abdicatum fuisse. Immo pluribus locis similia de Epicuro pronuntiat. REIMM. l. l. quoque notat; Judæis Atheos & Epicuræos fuisse Synonyma; & apud Ethnicos, Epicuræum idem fuisse ac ἀθεῖς καὶ ἄθρηος.

†† Multi tamen, præter RONDELLUM, Epicurum defendunt, vel saltem Atheismi dicam injuriosius ei scribi opinati sunt. Quid hac de re judicandum sit; vide MORNOVIUM Polyhist. Philos. L. 2. P. 1. C. 7. & alius in locis. WILH. SLUITERUM Idea Theol. Stoica. in præfatione.

††† Victu frugali & modico contentus fuisse dicitur ALEXANDRO AB ALEXANDRO Genial. Dierum L. 3. C. 11. cum tamen non nulli Veteres tradiderunt, Epicurum quotidie minam in cibos consumere solitum fuisse; multa in sermone, plura in vita peccasse &c. conf. DIOG. LAËRT. L. 10. mirum saltem videtur Apollinem in Arcadia Epicurum esse vocatum: ALEX. AB ALEXANDRO L. 6. C. 4. non tamen ab Epicuro nostro, sed, ut opinor, a Gr. ἐπικυρεὺς νόμος. Animadverti quoque meretur, quod idem notat

religionem omnem niri, innuere videtur; quod profecto perinde est, ac religionem omnem tollere. Ab Atheniensibus cicutam bibere iussus est, vt, qui iuuentutem corrumperet, teste SVIDA. Reliqua de eo suppeditabit PETRVS BAELIVS, *voc. Prodicus*, pag. 2515 add. IOAN. ALBERTVS FABRICIVS, *biblioth. graec. libr. II. cap. XXIII. §. XLI. pag. 838. seqq.* item MICHAEL MOVRGVES, dans le *Plan theologique du Pythagorisme*, *epist. III. art. I. pag. 93. seqq.*

*** Alexander hicce Epicuraeus is est, cuius PLVTARCHVS meminit, *libr. II. sympos. quaest. III. qui & cum elegantem & valde litteratum fuisse*, dicit. Ex eodem auctore constat, Alexandrum huncce quaestionem de gallina & ouo proposuisse, vtrum prius extiterit, quod ad aeternitatem mundi aut minorum sibi inuicem succedentium continuam seriem, pertinet; conf. & PETRVS CASSENDVS, *de vita & moribus Epicuri libr. II. cap. VI. tom. V. opp. pag. 190.* Ab hocce Alexandro cum Dauidem de Dinanto, de quo in sequentibus dicemus, atheismum suum accepisse, nonnulli existimarent, hinc illum docuisse, asseruerunt, Deum & materiam esse vnum idemque. Ita de eo pronuntiat ALBERTVS magnus: *Fuit Alexander Epicuraeus quidam philosophus, qui Deum dixit esse materiam, vel non esse extra ipsam, & omnia essentialiter esse Deum, & formae esse accidentia imaginata, & non habere veram entitatem, & ideo dixit, omnia idem esse; & hunc Deum vocavit aliquando Ionem, aliquando autem Palladem, & aliquando Apollinem, & formas esse peplo Palladis, & vestem Iouis, & neminem sapientem dixit ad plenum posse reuelare, occulta sub peplo Palladis, & sub veste Iouis*, *libr. I. phys. tract. III. cap. XIII.* Verum hanc perperam Alexandro tribui sententiam, etsi ceteroquin ab atheismi suspitione secundum systema Epicuri non sit liberandus, accurate ostendit IACOBVS THOMASIVS, *de exst. mundi Stoica, dissertat. XIV. §. CV. seqq. pag. 201. seqq.*

§. XX.

Vt reliquos, quorum non adeo magna est celebritas, qui itidem ob atheismum male audiunt, mittam, * inter philosophos veteres HERACLITVS, ** inter medicos autem HIPPOCRATES *** adhuc nobis commemorandus est. Vtrique enim atheismus obiectus fuit; non equidem sine specie, at sine sufficienti, vt videtur, ratione. Nec enim desunt, quae pro illorum innocentia asserenda in medium adferri possunt. Idem de EVHEMERO censendum, qui non aliam ob causam, quam quod idololatriam & superstitionem Graecorum reiecisset, in atheorum numerum relatus videtur. *

* Iunctim quosdam Graecorum philosophos, † quibus atheismus obiectus fuit, complectitur AEIIANVS, dum in eo est, vt doceat: ὅτι μηδεὶς τῶν βαρβάρων ἀθεός, quod nemo barbarorum impius sit; lib II. *histor. variae*, cap. XXXI. καὶ τίς, inquit, ἔκ ἀν ἐπήνεσε τὴν τῶν βαρβάρων σοφίαν; εἶγε μηδεὶς αὐτῶν ὡς ἀθεύτητα ἐξέπεσε, μηδὲ ἀμφιβάλλουσι περὶ θεῶν, ἀρά γε εἰσιν, ἢ ἔκ εἰσι καὶ ἀρά γε ἡμῶν φροντίζουσιν, ἢ ἔκ ἑδείς γυν ἔννοϊαν ἔλαβαν αὐτήν, ὅταν ὁ Εὐήμερος ὁ Μεσσηνίος, ἢ Διογένης ὁ Φρυγῆς ἢ Ὑππῶν, ἢ Διαγόρας, ἢ Σωσίας, ἢ Ἐπίκροτος, ἔτε Ἰνδοῦς, ἔτε Κελτῶς, ἔτε Αἰγύπτιος. Et quis non barbarorum sapientiam laudibus extollat? si quidem nemo eorum ad atheismum prolapsus est, neque in dubium vocant, sintne dii, an non sint, ἔτι εὐρευνεῖτε res nostras, an non? Nemo igitur, neque Indus, neque Celtus, neque Aegyptius, talem cogitationem in animum induxit, qualem vel Euemerus Messenius, vel Diogenes Phryx, vel Hippon, vel Diagoras

ras, vel Sofias, vel denique Epicurns. Quo iure AELIANVS hic aſſerat, nullos inter barbaros extiſſe atheos, non inquiram. Id tamen certum puto, atheismum frequentiore ſaltem inter Graecos fuiſſe, quam reliquas gentes, quas barbaras vocabant. Cuius rei rationem facile perſpiciet, qui indolem ingeniumque Graecorum conſiderauerit. Praeter Euemerrum Meſſenium, de quo deinceps ex inſtituto, itemque praeter Diagoram atque Epicurum, de quibus iam ſupra dictum, Diogenem Phryga inter atheos refert, cuius an ullus veterum ceteroquin meminerit, mihi non conſtat. De Hippone autem, quem & CLEMENS Alexandrinus, *protrept. pag. 15. & 36.* aliique atheis annumerant, vid. IO. ALB. FABRICIUS, *bibliothec. graec. lib. II. cap. XXIII. §. XX. p. 819.* Ad Sofiam quod attinet, pro eo vel Hippiam, vel Gorgiam reponendum eſſe, cenſet ISAACVS CAſſavbonvs, obſervante eodem, quem iam laudavimus, viro docto, FABRICIO, *loc. cit. ubi & Hippiam, tyrannum Athenienſem, Piſiſtrati filium, atheis a quibusdam annumeratum, docet.* Solet & Daphides quidam grammaticus inter atheos referri, eo quod ambigua quadam quaestione Apollini Delphico illudere in animum induxiſſet, cuius tamen petulantiae ſuae grauiffimas mox poenas dederit, quod pluribus exponit VALERIUS MAXIMUS. *lib. I. cap. XIII. p. m. 123.* Mitto reliquos, Apollophanem, Ariſtagoram, Callimachum, Cineſiam, Gorgiam, ſimilesque, qui itidem atheis annumerantur, ſed de quibus, quid pronuntiari queat, certi quid vix ſuppedit.

† Prifci Philoſophi fere omnes a quibusdam pro Atheis fuerunt habiti REIMM. *ſect. 2. C. 18.*

** Heraclitum, Philoſophum, inter veteres longe celeberrimum, iam olim atheis annumeratum, IVSTINVS martyr nos condocet, ſed ita condocet, vt non tantum ab hac criminatione eum abſoluat, verum inter chriſtianos fere referre non dubitet. Verba eius ex *apol. I. pro chriſtianis, pag. 91. ſupra iam ad §.*

D 5

XI. pro-

XI. protulimus, cum de Socrate diceremus. Socratem enim atque Heraclitum vno eodemque loco habet. Immo ex ipsis epistolis, quae sub Heracliti nomine extant, quasue & THOMAS STANLEIVS exhibet, *hisor. philos. part. IX. cap. III. pag. 829.* apparet, atheismi iam, dum vixit, cum suspicionem incurrisse †, quam tamen quouis modo a se amoliri annititur. *Enthyales*, inquit, *Nicophontis illius sacrilegi filius, impietatis me accusavit, virum sapientia praestantem. Linguae procacitate superans, quasi arae, ad quam constiteram, meum nomen adscripserim, me ipsum, homo cum sim, Deum faciens. Inde iudicabor ab impiis de impietate. Quid censes? Videbor illis impius, cum aliter quam illi, de diis sentiam. Si coecis de visu sit indicandum, coecitatem visum esse, dicent. Verum o rudes homines, docete nos prius, quid sit ille Deus, qui in templis concluditur. Nempe pii estis, qui in tenebris Deum collocatis.* His ergo si fides habeatur, impietatis & atheismi non aliam ob causam accusatus Heraclitus fuit, quam quod idololatriam & superstitionem gentilium damnaret. Certe superstitionis & idololatriae infensum eum fuisse hostem, ex quibusdam etiam eius apophtegmatibus, quae THOMAS STANLEIVS, *loc. cit. cap. V. pag. 835.* refert, liquet. Sacrificia enim deridens, per quae deos suos homines deliniri existimabant, purgantur, inquebat, dum cruore polluantur, non secus, ac si quis in lutum ingressus, luto se abluat. Idolis vota facientes, perinde agere, dicebat, ac si quis loquatur cum aedibus. Bacchi vero sacra his verbis irrisit: *Nisi pompam facerent Baccho, & cantica canerent impudentissima, actum erat.* De vero autem Deo praeclare admodum eum sensisse, si MERICO CASABONO credimus, ex hisce verbis, apud DIOGENEM LAERTIVM liquet: *εἷναι γὰρ ἐν τῷ σοφὸν ἐπίστας γνώμην ἢ ὅς ἐστιν ὁ κυβερνήτης πάντων διὰ πάντων; Vnam quippe sapientiam esse, scire animum, quando & quomodo gubernentur omnia in omnibus, libr. IX. sect. I. pag. m. 548.* Nimirum per γνώμην ipsum eum intellexisse Deum, qui apud PLUTARCHVM, *libr. I. de pla-*

placitis philosophor. eidem Heraclito, εἰμαρμένη, λόγος ὁ διὰ τῆς ἑσίας τῷ παντὶ δῖηκον, dicatur, CASAVBONVS contendit, qui & magnam horum verborum, cum iis, quae *Ierem.* IX. 23. 24. extant, sibi deprehendisse conuenientiam uisus est. Quodsi doctrinae Heracliteae systema paulo accuratius consideres, occurrunt utique nonnulla, quae atheismi in eo suspicionem augent. Ipse sane ARISTOTELES Heraclitum inter eos refert, qui solam materiam pro rerum omnium principio habuerunt ††, omissa vel abnegata causa efficiente, siue primo motore, & δημιουργῷ. Quod licet cum primis Ionicis, de quibus supra dictum, ei commune fuerit; accedunt tamen & alia, quae quo minus excusari queat, vix permittere videntur. Excusat nihiloscuius, & liberare eum ab hac suspitione annititur GOTTFRIEDVS OLEARIVS, in *dissertatione priori de principio rerum naturalium ex mente Heracliti*, quae inserta est THOMAE STANLEII *historiae philosophicae*, part. IX. cap. VI. & quidem §. XIII. seqq. pag. 851. seqq. Accurate, fateor, & erudite hac de re vir doctissimus disputat. At non omnem scrupulum eximit. Largitur, rem omnem pendere ex genuina εἰμαρμένης siue *fati Heraclitei* explicatione. Concedit etiam, re ipsa eum consentire cum Stoicis. At de Stoicorum fato, quid sentiendum sit, supra iam diximus.

† Cum difficillima fuerit natura, aliorumque contemptor, & in communi vita omnia deploraret AELIAN. *Var. Hist.* L. 8. C. 13. JUVEN. *Sat.* 10. non mirum est, illum in multorum odia incurrisse. Plus justo suspicax mihi ipse videbar, dum cogitarem Cel. Auctorem Heraclito aliquantulum infensum fuisse, quod ejus verba: *universa decurrere fluminis instar*, non longe discedant ab illorum sententia, qui Mundum a Deo per continuam creationem conservari asseverant; & quod Stoicorum sententia nimium favere videatur. conf. Auctoris *Theol. Dogm.* L. 2. C. 2. §. 47. in fine.

†† Heraclitus iussit defunctos igni mandari, tanquam ad Ori-

Originem suam revertantur: quippe cum omnia ex igne constare diceret. ALEX. AB ALEX. L. 3. C. 3.

*** Veterum quenquam fuisse, qui Hippocratem, medicorum principem, atheis annumeraret, mihi non constat. Nostra tamen aetate id fecit vir clarissimus, NICOL. HIERONYMVS GVNDLINGIVS, in *otiorum*, quae lingua germanica conscripta sunt, *part. II. cap. III.* cui titulus: *Hippocrates ἀθεός*. † Nec specie profecto destituuntur, quae vir doctissimus hac de re disserit. Fatetur, Hippocratem principium aliquod actuum & *δημιουργικόν* admittere, quod *naturae* nomine illi veniat; cui etiam *scientiam omnium*, quae cuique defunt, *iustitiam*, & *bonitatem*, & similia, quae de Deo cum locutum arguant, tribuat. Alibi tamen mentem ita hac super re declarasse, vt pateat, per hocce principium, seu naturam, cum nihil aliud, quam τὸ θερμὸν ἀθάνατον, *calidum*, seu *ignem immortalem*, intellexisse. Locum ad hoc probandum inter alia producit, ex libro *de principiis seu carnibus*, tom. I. edit. Linden. pag. 112. δοκέει δέ μοι ὁ καλούμεν θερμὸν ἀθάνατον τι εἶναι καὶ νοεῖν πάντα καὶ ὄρῃν, καὶ ἀκρίειν, καὶ εἰδέναι πάντα καὶ τὰ μέλλοντα ἔσεσθαι; Quod *calidum* vocamus, id mihi *immortale* esse videtur, cunctaque intelligere, videre, & audire, scireque omnia, tum praesentia, tum futura. At hinc forte alius colligeret, cum per τὸ θερμὸν non materiam, sed sciunctum potius a materia principium intellexisse, cum, quae huic principio tribuit, in materiam non cadant. Nec *calidi* denominatio obstabit, cum gentilium, de Deo deque primo principio cognitio, tenuis admodum, obscura, atque confusa fuerit; vt adeo tam clarae & accuratae de Deo ideae & denominationes, quales hodie de eo habemus, ab iis non sint expectandae. Interim loca, in quibus Hippocrates subinde Dei mentionem fecit, non adferam, cum ea iam collegerit IOANNES ANDREAS SCHMIDIVS, Helmstadiensis academiae theologus clarissimus, in *dissertatione, de theologia Hippocratis*; nec celeberrimus

GVND-

GVNDLINGIVS ea praetermiserit, sed, quid ad ea responderi ex sua mente possit, ostenderit. Certe diuersimode ea, principio, pro diuerso, quod medicorum principi tribuitur, explicari possunt.* Quodsi Heracliti philosophiam Hippocrates secutus est, †† quod vir celeberrimus cum DANIELE CLERICO, *hist. de la Medicine* pag. 109. asserit, *loc. cit.* §. IX. pag. 113. mens eius sententiaque ex antea dictis diiudicanda fuerit. Addatur IOAN. ALBERTVS FABRICIVS, *biblioth. graec. lib. II. cap. XXIV. §. I. pag. 843.*

† J. A. FABRICIVS, GOELISEE & FRILLERVS defenderunt Hippocratem. V. REIMM. *sect. 2. C. 35.*

†† Cum AELIAN. VAR. HIST. L. 4. C. 20. tradat: *Hippocratem mirum in modum admiratum esse Democritum, & in eius gratiam, licet Doriensis fuerit, Ionica lingua Libros suos conscripsisse: forte quis cogitaret illum Democriti Philosophiam secutum esse. videatur tamen HIERON. MERCURIALIS adductus a SCHEFFERO ad l. c.*

* EVHEMERVM seu Eumecrum Messenium atheis annueratum, iam antea ex AELIANI *historia varia lib. II. cap. XXXI.* docuimus. Historiam namque deorum gentilium scripsit, in qua ex instituto id executus est, deos, quos venerentur gentes, fuisse reuera fortes & claros & potentes viros, immo mortes & sepulturas deorum, demonstrauit, vt ait CICERO de *natur. deorum, libr. I.* Specimen istius deorum, quam Euhemerus condidit, historiae, exhibet EVSEBIVS, *praeparat. euangel. libr. II. cap. II. pag. 59.* & quidem ex DIODORI SICVLII, *bibliothecae libr. VI.* qui hodie non amplius extat, a sacrorum forte apud gentiles antistitibus ex exemplis, quae nancisci potuerunt, ablatus, quod rebus suis minus consultum putarent, si haec de diis gentilium ab omnibus legerentur. Fraudes eiusmodi hominum satis notae sunt. Inter atheos itaque relatus est non aliam ob causam, quam quod deos gentilium, quos homines fuisse sciebat, pro diis veris agnoscere nollet, sed veram potius originem fabularum detegeret.

Prae-

Praeter AELIANVM vero & SEXTVM EMPIRICVM, atheis eum annumerat PLVTARCHVS, de *Iside atque Osiride*, tom. II. opp. pag. m. 360. De eo enim verba faciens, ὁ δ' αὐτὸς, inquit, ἀντίγραφα συνθεῖς ἀπίστῃ καὶ ἀνυπάρκτι μυθολογίας, πᾶσαν αἰθερότητα κατασκεδύνει τῆς οἰκμένης τὲς νομιζομένης θεῶν πάντας ὁμαλῶς διαγράφων εἰς ὄνομα στρατηγῶν, καὶ ναυάρχων καὶ βασιλέων, ὡς δὴ πάλαι γεγενησάντων. Is enim commentario conscripto incredibilium & monarum fabularum, omne impietatis genus per totum sparsit terrarum orbem, eos, qui dii existimantur, vniuersos aequaliter exprungens, & ad nomina priscorum imperatorum ac regum detorquens &c. Verum, cum accusationis suae PLVTARCHVS non aliam causam adferat, quam quod docuerit, deos gentilium homines fuisse, maximam Euhemero iniuriam facit, dum eum ideo atheismi arguit. Esto vero, falsa eum tradidisse, de deorum gentilium origine, aut omnino quaedam finxisse, quod PLVTARCHVS deinceps vrget, inde tamen nondum sequitur, eum esse atheum, sed hoc saltem, eum deos gentilium pro meris saltem habuuisse hominibus. Alibi equidem, scilicet de placitis philosophorum, libr. I. cap. VII. tom. II. opp. pag. m. 880. Euhemerum cum Diagora Melio, & Theodoro Cyrenaeo, coniungit; quod cum IAC. PERIZONIUS ad AELIANI loc. cit. obseruasset, addit: Ex quo tamen loco forsitan, si solus esset, & verum diceret, non male illud potius concluderes, Euhemerum plane reiecisse non tantum istos gentilium deos, sed omne Numen. Verum, si CALLIMACHI CYRENAEI iambos, quos ibi PLVTARCHVS allegat, recte expendas, non alio argumento, quam libro antea memorato, quem contra gentilium deos scripsit, eum niti, statim perspicias. Legenda, quae pro Euhemero contra PLVTARCHVM erudite disputat IO. RAINOLDVS, in censura libror. apocryphor. veter. testam. praelection. CCXXI. tom. II. pag. 1327. seqq. Nescio autem, annon paulo facilius, vt hoc ὡς ἐν παρόδῳ moncamus,

mus, PLUTARCHVS fuerit in atheis multiplicandis, quando & de EVRIPIDE, † poeta tragico, loc. cit. addit, cum equidem hanc sententiam (quae Deum esse negat) aperte profiteri ausum non esse, metuentem areopagiticum iudicium, indicasse tamen eam, dum Silyphum introduxit, qui eam proferret, ipsumque ei patrocinarum hac sententia:

ἦν γὰρ χρόνος ὅτ' ἀτακτος, ἦν ἀνθρώπων βίος,
καὶ θνητῶδης, ἰσχύος δ' ὑπηρέτης.

*Incondita olim visa fuit mortalium,
Et belluina, viribusque feruens;*

legibus nimirum deinde positis, (ita EVRIPIDIS sententiam exponere pergit) iniultitiam fuisse represam; sed cum hac aperta possint flagitia prohibere, multi autem occulte scelera perpetrarent, tum quendam callidum virum prodisse, qui docuerit, veritati tenebras mendacio offundendas, hominibusque persuadendum esse:

ὥς ἐσι δαίμων ἀφθίτῳ θάλλων βίῳ
ὅς τ' αὖτ' αἰκείη καὶ βλέπει φρονεῖ τ' ἄγαν.

*Quod sit perenni vita aliquis vicens Deus,
Qui cernat ista & audiat, atque intelligat.*

Sed ad Euhemerum vt redeamus, miror, eundem & a CICERONE inter atheos relatum. Cum enim dixisset: *Quae ratio maxime tractata est ab Euhemero, quem & interpretatus & secutus est Ennius noster, ab Euhemero autem & mortes & sepulturae demonstrantur deorum;* addit: *Vtrum igitur hic confirmasse religionem videtur, an penitus totam sustulisse?* lib. I. de natura deor. Sane religionem, aut superstitionem potius, gentilium, penitus sustulit: at ideo veram religionem non sustulit. Rectius de Euhemero sensit ENNIUS, qui ipsomet CICERONE teste, cum non tantum interpretatus, sed & secutus est.

est, hoc est, sententiam eius adprobavit. Atque hæc cum ita se habeant, haud sine ratione Euhemerus a veteris ecclesiae doctoribus, AVGVSTINO, *libr IV. de civitat. Dei, cap. I.* LACTANTIO, *de falsa relig. libr. I. cap. XI.* aliisque, inter veritatis testes contra gentilium superstitionem, relatus est. Id dubium alicui videri posset, qui factum, vt Euhemerus in atheismi suspensionem apud ethnicos venerit, cum tamen poetæ Graecorum, HOMERVS, HESIODVS, de diis gentilium non aliter quam de hominibus locuti sint, immo talia de iis prodiderint, quæ vix in homines honestos cadunt. Sed cum poetarum proprium esset, fingere & mentiri, illorum de diis asserta non adeo noxia esse putabant, quam aut historicorum, aut philosophorum, qui rem serio agere videbantur, facileque adeo alios, vt minus praeclare de tota religione sentirent, inducere poterant. Legenda &, quæ de Euhemero disserit PETRVS IVRIEV, *histoir. critiq. des dogmes & des cultes &c. part. III. cap. III. pag. 408. seqq.*

† Euripidem omne Numen rejecisse *Plutarchus tradit & probat clarissime*, ait PERIZONIUS *ad locum Æliani ab auctore adductum*. Sed aliis iniquum videtur, Poetam Atheismi insimulare velle, propter pauca quædam sub impiorum persona in theatro proposita. v. REIMM. *Secl. 2. C. 16. §. 6.* & certè sæpissime ita loquitur, ut dubitare vix possim, quin existentiam Numinis crediderit. De animæ immortalitate rectè quoque pronuntiavit, ut ostendit ISID. PELEUS. *L. 4. Ep. 125.* qui ex iis, quæ proponit *Pheres apud Euripidem Alcestide* hunc senarium jambicum confecit:

εὐ σοὶ λέγοιτο καὶ ἐν αἰδοῖς δόμοις.

conf. notas CUNR. RITTERSHUSII.

§. XXI.

Ad eos, qui post Christum natum floruerunt,
phi-

philosophos graecanicos quod attinet, quid de illis, qui certae sectae nomen suum dederant, si doctrinam, quam professi sunt, spectes, censendum sit, ex haecenus dictis facile intelligitur *. Inter reliquos, qui ad nullam sectam certam referri possunt, eminent PLVTARCHVS ** atque LVCIANVS ***. Vterque enim inter atheos a quibusdam relatus est, fundamento tamen non aequo certo, aut extra omnem dubitationem posito.

* Non itaque necesse est, vt speciatim aut EPICETVM, aut M. AVRELIVM ANTONINVM, imperatorem & philosophum, aut DIOGENEM LAERTIVM, aut SEXTVM EMPIRICVM, ceterosque, hic commemorem. Etsi enim hisce atheismus, quantum mihi constat, speciatim obiectus non sit, quam tamen de Deo animo conceperint opinionem, ex sectae cuiuslibet, cui additi fuerunt, placitis, intelligere licet. EPICETVM vero & M. AVRELIVM ANTONINVM in Stoicorum, DIOGENEM LAERTIVM in Epicuraeorum, † & SEXTVM EMPIRICVM in Pyrrhonorum militasse castris, notum est. ††

† Laërtium Epicuro additiorem fuisse ostendit HORNIVS *Hist. Philos. L. 3. C. 17.* attamen illum plane iudicasse ex favore hujus partis, non opinatur REIMM. *Sect. 1. C. 24. §. 3.*

†† Sextus Empiricus, a SAM. PARKERO & JAC. SCHALLERO inter Atheos relatus est, ut & a REIMM. *Sect. 2. C. 31.*

** PLVTARCHVM Chaeronensem in quibusdam Aristotelem secutum, subinde tamen & Platonis calculo suo adprobasse scita, sed & haud raro cum academicis suspendisse iudicium, Stoicorum autem ita reiecisisse paradoxa, vt multo magis Epicuraeorum placita in Deum iniuria improbaret, † constat. Errores itaque, certae sectae proprii, illi tribui ne-

E

que

queunt. Atheismum illi obiicit PETRVS MOLINAEVS de *cognitione Dei*, pag. 81. eo maxime argumento, quod in libro *περὶ θεοῦ διαμυνίας* atheismum superstitione tolerabiliorem esse, pronuntiauit. At inde profecto nondum sequitur eum fuisse atheum. Immo eo minus inde atheismi argui potest, quod non de quolibet atheismo, nec de quacunque superstitione hoc intellexerit, sed hoc velit, quaedam superstitionis genera ita comparata esse, vt maiora hominibus aliis damna inferant, quam speculatiuus ineptorum quorundam hominum atheismus. Recte id obseruatum IOANNI ALBERTO FABRICIO, Plutarchum contra MOLINAEVM defendenti, *bibl. graec. libr. IV. cap. XI. pag. 332. & 351.* Teste & per ambages, vt alios, ita & Plutarchum, atheis accenset auctor libri: *discours sur la liberté de penser*, quem ANTONINVM COLLINVM esse ferunt. Inter libere enim cogitantes & Plutarchum refert, *sect. III. pag. 192.* Eo scilicet hoc nomine facit, quia mascule & cordate contra superstitionem locutus est. Huc enim tendunt loca, quae ex eo adfert. Mereturque omnino eam ob rem, non tantum inter libere, sed & inter recte cogitantes referri. Quod si vero auctor *superstitionis* nomine ipsam religionem innuit, summam Plutarcho iniuriam facit. Res namque ipsa docet, illam eum neutiquam damnassee aut reiecissee. In contrarium equidem currere videtur RICHARDVS SIMON, dans ses *lettres choisies, let. XXII. pag. m. 167.* De scriptis enim Plutarchi philosophicis & moralibus verba faciens, *car il est souvent ridicule*, inquit, *dans l'un & dans l'autre, & il est meme si entêté de son Paganisme, qu'il est quelque fois religieux jusqu'à la superstition.* Certe paganismo addictissimum fuisse Plutarchum, negari nequit. Interim, quantum ab homine ethnico expectari potuit, ab atheismo non minus, quam superstitione remotus videtur, id quod scripta eius passim satis testantur.

† Ex iis quæ refert A. GELLIVS *Noct. Att. L. 2. C. 8. & 9.* colligi potest Plutarchum Epicuro non admodum amicum fuisse.

*** LUCIANVM Samofatensem, rhetorem atque philosophum eximium, & ingenio excellenti pollentem, certae philosophorum sectae nomen non dedisse, constat. Epicurum tamen prae ceteris magni fecit, quem & quodammodo in exemplum, quod imitaretur, sibi proposuisse videtur †. Hinc cum Celfo, iurato illi christiani nominis hosti, ψευδομάντιν suum inscripseret, rationem circa finem adferens, cur hoc ei minime ingratum fore crederet, maximis elogiis Epicurum, in cuius castris Celfum militare sciebat, ornat. Το πλέον δέ, inquit, ἔπερ' καὶ σοὶ ἡδίων, Ἐπικύρω τιμωρῶν, ἀνδρὶ ὡς ἀληθῶς ἱερῷ, καὶ θεοσπεσίῳ τὴν φύσιν, καὶ μόνῳ μετ' ἀληθείας τὰ καλὰ ἰγνώκοτι, καὶ παραδεδωκότι, καὶ ἐλευθερωτῇ τῶν ὀμιλεσάντων αὐτῷ γενομένῳ; Tum etiam, quod tibi fuerit incundius, ut Epicurum ulciscerer, virum vere sacrum, ingenioque divino, quique solus, quae vere sunt honesta, nouerit, & tradiderit, liberosque reddiderit eos, qui secum haberent consuetudinem, tom. I. opp. p. m. 783. Et sane non tantum in doctrina de prouidentia diuina non alienum ab Epicuri sententia se passim demonstrat, sed etiam religionem cultumque deorum subinde false perstringit, atque irridet. Documento sunt, quae, ut alia mittam, in duobus dialogis, quorum vni titulus est: Ζεὺς ἐλεγχόμενος, *Iupiter confutatus*; alteri: Ζεὺς τραγῳδός, *Iupiter tragoedus*, quae tom. II. opp. pag. 117. seqq. extant, in medium adfert. Certe, quae in ultimo dialogo disserit, non tantum idololatriam, & ridiculam gentilium superstitionem, fabulasque eorum de diis, sed & generatim prouidentiam Numinis, cui cultus eius omnisque religio innititur, feriunt. Ideoque & passim inter atheos referri solet; nec sine omni, ut puto, iure; saltem non aliter, quam Epicurum de Deo eum sensisse, certum est. Qui eum ab hac suspitione liberare cupiunt, †† loca quaedam adferunt, in quibus Dei, aut argumentorum, quibus existentia ac prouidentia eius probari potest, mentio iniicitur. Verum haec si paulo accuratius consideremus, talia a Luciano non ex ipsius, sed aliorum mente proponi, & ita

proponi, vt statim acriter refutentur, deprehendimus. Exemplum luculentissimum praebebat dialogus antea iam a me laudatus, cui titulum fecit: *Iupiter tragicodius*. In eo enim Timocles Stoicus, deorum, speciatim providentiae causam agit, Damis autem Epicureus, contra deos & providentiam disputat. Timocles autem Stoicus per totum dialogum, vt homo longe ineptissimus inducitur, qui conuitiis magis, quam rationibus, pugnat; qui porro rationibus tam infirmis dimicet, vt prodere potius, quam defendere deorum causam videatur, & ab auditoribus tandem exploditur & exhibilatur. Damis contra vbique rationibus argutis pugnat, vel ipsa modestia aduersarii imbecillitatem arguit, vincit, triumphat, & auditorum adplausum refert. Paucis, ipsius Iouis iudicio Timocles causa cadit. Cum enim Momus dixisset: ταυτὶ μὲν ἤδη κατὰ πᾶν προχωρεῖ τῷ Δαμίδι καὶ πλησίσιος ἐπὶ τὴν νίκην φέρεται; *Res certe Damidi secundo flumine procedit, plenisque velis fertur ad victoriam*, respondet Iupiter: ὀρθῶς ὦ Μῶμε εἰκάζεις. ὁ δ' εἶδεν ἰσχυρὸν ὁ Τιμοκλῆς ἐπινοεῖ ἀλλὰ τὰ κοινὰ τᾶυτα, καὶ καθ' ἡμέραν, ἀλλὰ ἐπ' ἄλλοις ὑπερίτρεπτα πάντα ἐπανιλεῖ; *Recte, o Mome, iudicas. Nihil enim validi Timocles comminiscitur: sed communia haec & quotidiana, quae omnia facile refelluntur, alia aliis infundit*, pag. 156. Scopus itaque LVCIANI hinc satis intelligitur, qui fuit, Epicureorum sententiam contra Stoicos defendere; hosque simul omnium risui exponere. Praecipuum equidem argumentum, quo Timocles providentiam euincere annitur, hoc est: *Id mihi rerum primus ordo persuasit*; (breuitatis enim causa latino saltem sermone haec referre iuuabit) *sol quidem iter semper conficit, eodemque modo luna, & tempestatum mutatio, & plantarum procreatio, & animalium generatio, horumque ipsorum tam elegans compositio, vt alantur, moveantur, cogitent, incedant, fabrilem artem & futuriam exercent. Atque id genus alia mihi providentiae videntur esse opera.* Sed respondet Damis: *Tu quidem,*
Timo-

Timocles quaestionem corripis. Nondum enim liquet, an horum unumquodque providentia perficiatur. Ceterum, quod haec fiant, nec ipse negaverim. Non tamen ilico necesse est, credere, ea aliquo consilio fieri. Contingit enim, ut haec incepta sint, nuncque similiter, eodemque modo constituentur &c. Atque hinc cuiusmodi reliqua sint, quae ex Luciano, ad eum ab atheismi suspitione liberandum proferri solent, perspicere licet.

† Nonnulli eum Scepticis, alii Eclecticis annumerant. Plurimi quoque arbitrantur, illum Christianam Religionem amplexum fuisse, sed eam dein deseruisse, & a canibus devoratum misere interiisse; quod si verum est, profecto gravissimas suae impietatis pœnas luit. v. SUIDAM, conf. quoque *Melange Critique de Litterature Art. 60.*

†† Lucianum ex Atheorum cathologo eximendum putarunt ALCIATUS, PHIL. FREUNERUS aliique. v. REIMM. *Sett.* 2. C. 32. §. 3. ubi contrarium quoque evincit, & eodem capite agit de aliis Sophistis ejus ævi, qui Atheismi fortean fuerunt rei.

§. XXII.

Apud Romanos tantus equidem philosophorum non extitit numerus, quam apud Graecos. Nec tamen defuerunt, qui ob atheismum male audirent, aut quorum saltem dubia de Numine, eiusque providentia, ac cultu, censeretur opinio. De iis quidem, qui aliquam ex graecanicis sectis secuti sunt, quid existimandum sit, haecenus dicta itidem neminem dubitare sinunt *. Inter reliquos ** triumviri isti CICE-RO ***, LIVIUS *, PLINIUS **, cum primis commemorandi sunt, quos ut nonnulli audacter atheis annumerant, ita alii contra, saltem duos priores, rationibus haud contemnendis, ab

hacce fufpicionē liberant atque defendunt.

- * Sic TITVM LVCRETIVM CARVM Epicuri fecutum & acriter defendiffē placita †, SENECAE autem porticus arriffē decreta, notum eft. Qui autem, SENECAM omnino christianum fuiſſe, putant, nihil aliud agunt, quam vt ſignificent, ſe non ſatis cum intelligere, nec intimiores ſenſus, qui ſub ſplendidiſſimis verbis latitant, introſpicere.

† *Qui Epicuri cauſam egerunt, una fidelia duos dealbarunt parietes, & Lucretiano Syſtemati quendam addiderunt ſucum*: verba ſunt REIMM. *ſeſt.* 2. C. 37. §. 5. Qui eodem capite 37. inquit de Atheiſmo Senecæ aliorumque. Poëtarum apud Latinos, de Seneca quoque agens C. 39. §. 3 de quo etiam videri poteſt *Hiſtoire de la Philoſ. Payenne* T. 2. p. 299. & ſeqq.

- ** Auctor *diſcurſus de libertate cogitandi*, quem ANTONIVM COLLINVM eſſe, ſupra diximus, ex Romanis inter libere cogitantes præter Ciceronem, de quo deinceps, Varronem quoque refert, atque Catonem vtrumque, Cenſorem & Uticenſem, p. 196. ſeqq. Per libere autem cogitantes quos intelligat, nemini temere ignotum eſſe poteſt. Sed ad Varronem quod attinet, ex locis, quæ ex AVGVSTINO adfert, nihil aliud colligas, quam eum theologiæ gentilis ineptias perſpectas habuiſſe, ac reieciſſe, atque hætenus non tantum inter libere, ſed & recte cogitantes referri potuit. Vel ex primo ſtatim, quem laudat, hoc patet, loco: *Multa ſunt* (verba ſunt Varronis) *contra dignitatem & naturam immortalium fiſta. In hoc enim eſt, vt Deus alius ex capite, alius ex femore ſit, alius ex guttis ſanguinis natus*; apud AVGVSTINVM, de ciuitat. Dei libr. VI. cap. V. De Catone Cenſore idem cenſendum. Notiſſimum enim illud, quod de eo ex CICERONE refert: *mirari ſe aiebat, quod non rideret haruſpex, cum haruſpicem vidiffet*, non aliud arguit, quam hypocriſin & fallaciam haruſpicum, & ſacerdotum gentium, intine illi perſpectam fuiſſe. De Ca-

Catone denique Vticensi prolixum ex LVCANO locum profert, in quo eum multa ex Stoicorum disciplina loquentem inducit; inter quae, quod negandum non est, nonnulla sunt, quae, si veram eius mentem exprimerent, a pantheitarum haud procul eum abiisse sententia, demonstrarent. Cumprimis huc sequentia spectant: †

*Estne Dei sedes, nisi terra pontus & aër,
Et coelum & virtus? Superos quid quaerimus ultra?
Iupiter est, quodcunque vides, quocunque moueris.*

Conferenda haec cum iis, quae supra de Stoicorum doctrina diximus.

† Recte observat REIMM. *Sett.* 2. C. 38. §. 2. LUCANUM genio Poëtico procul dubio indulsisse, & non dixisse quod Cato dixerit, sed quod ipsi dicere placuerit: immo hæc verba docere posse, Deum ubique esse præsentem; quod certissimum est, si Verba: *Jupiter est, quodcunque vides, legamus: Jupiter est, quocunque vides.* ut legi possunt docente OUDENDORPIO ad C. 4. nempe *Pharsalia* L. 9. vs. 580.

*** CICERONEM, licet ethnicum, a superstitione tamen ethnicorum longe abuisse, nemo dubitauerit, nisi qui librum eius de *natura deorum*, & de *divinatione*, nunquam inspexit. Inde vero omnino factum, ut cum christianae doctrinae veritate orbis Romanus collustraretur, ipsi ethnici libros eius causae christianorum contra superstitionem suam praesidium adferre, crederent, eosque publica senatus auctoritate abolendos censerent. Testis huius rei est ARNOBIUS: *Cum sciam, esse non paucos, qui auersentur & fugiant libros de hoc eius (Ciceronis) nec in aurem velint admittere lectionem, opinionum suarum praesumpta vincentem? cumque alios audiam mussitare indignanter, & dicere: oportere statui per senatum, aboleantur ut haec scripta, quibus christiana religio comprobetur, & vetustatis opprimatur auctoritas? Quinimo, si fideitis,*

exploratum nos dicere quicquam de diis vestris, erroris convincite Ciceronem temeraria & impia dictitare, resellitote, redarguite, comprobate. Nam intercipere scripta, & publicatam velle submergere lectionem, non est deos defendere, sed veritatis testificationem timere; libr. III. pag. 103 †. An vero ad alterum ita processerit extremum, vt ad atheismum inclinauerit? id est, de quo quaeritur ††. Sane in libris de *natura deorum* Cotta contra omnes collocutores, qui existentiam deorum defendebant, victoriam referre videtur. Atque vel hoc nomine eum *libere cogitantibus* annumerat, ANTONIVS COLLINVS, qui & ex libro de *diuinatione* argumentum capit, quippe in quo Graecorum ac Romanorum religionis fundamenta penitus euertat. Eum praeterea suum, pariter ac plerorumque philosophorum, characterem expressisse, dum dixit: *Eos, qui dant philosophiae operam, non arbitrari, deos esse.* Addit idem auctor & alia, quibus Ciceronem in libere cogitantium partes pertrahat, immortalitatem animae eum negasse, & inferorum poenas inter poëtarum fabulas retulisse, asserens, simulque illis indignatur, qui in contrariam sententiam eum allegantes, non distinguant, num ex propria, an ex aliorum mente loquatur, *loc. cit. pag. 198. seqq.* ††† Verum, etsi vel maxime CICERO animae immortalitatem non crediderit, aut de ea dubitauerit, etsi etiam, quae poëtae de inferorum poenis tradunt, inter commenta eorum fabulasque retulerit, inde nondum colligere licet, eum fuisse atheum. Quod dixit, *eos, qui dant philosophiae operam, non arbitrari, deos esse,* de omnibus philosophis intelligi nequit, cum ipsemet CICERO quibusdam saltem philosophis contrariam sententiam tribuat: multo minus verosimile, eum se ipsum hisce philosophis aggregare voluisse. In libris de *natura deorum*, fateor, ita disputat, vt Cotta superior ex hoc certamine euadere videatur: sed alibi tamen rursus ita loquitur, vt sententia de Deo, eiusque prouidentia, & cultu, firmiter animo eius haesisse credi queat. Non displicet itaque iudicium PETRI BAEII, qui de Spinoza disserens ita pronuntiat: *Mr. l'Abbé de Dangeau parle de certaines gens, qui ont la religion dans l'esprit,*

l'esprit, mais non pas dans le coeur; ils sont persuadez de sa verité, sans que leur conscience soit touché de l'amour de Dieu. Je crois, qu'on peu dire qu'il y a aussi des gens qui ont la religion dans le coeur & non pas dans l'esprit. Ils la perdent de vue des qu'ils la cherchent par les voies du raisonnement humain; elle échape aux subtilitez & aux sophismes de leur dialectique; ils ne sçavent ou ils ent sont pendant qu'ils comparent le pour & le contre: mais des qu'ils ne disputent plus, & qu'ils ne font qu'écouter les preuves de sentiment, les instincts de la conscience, le poids de l'éducation &c. ils sont persuadez d'une religion, & ils y conforment leur vie autant, qu' l'infirmité humaine le permet. Cicéron en étoit là; on n'en peut guere douter quand on compare ses autres livres avec ceux de natura deorum, ou il fait triompher Cotta de tous les interlocuteurs, qui soutenoient qu'il y a des dieux; in diction. historico-crit. voc. Spinoza, pag. 2774.

† SILVARDUS quoque Frisiorum Pontifex, qui vixit circa annum 770. & Christianorum hostis erat acerrimus, Libros Ciceronis de N. D. publice exussit, ut ex HAMCONIO notat JOH. HENR. A SEELEN *Sel. Litt.* p. 458.

†† Præter COLLINUM Ciceronem pro Atheo habuerunt, impio saltem homine, CR. SALUSTIUS vel quisquis auctor fuerit declamationis in Ciceronem & DION, qui de incestis & infandis Ciceronis amoribus scripserunt. *Melange Critique de Litt. Art.* 35. De recentioribus quoque, vide REIMM. *Seff.* 2. C. 38. §. 3.

††† REIMM. c. I. ostendit Ciceronem animæ immortalitatem non negasse; & ista verba: *eos, qui dant Philosophia operam, non arbitrari, Deos esse: non ex mente Ciceronis, sed aliorum, esse dicta; denique nondum expeditum esse, an in Libris de N. D. post Cottæ carecta latere voluerit ipse Cicero; immo Cottam nondum convictum esse, utpote qui L. 3. non contra Deos generatim, sed contra Deos Stoicorum disputet &c.*

* Quod oratorum apud Romanos principi, idem & principi historicorum TITO LIVIO contigit, vt atheismi labes ei adaspergeretur. Cum primis & ex instituto hoc egit IOAN. TOLANDVS, in dissertatione factis nota, cui titulum fecit: *Adeisdaemon*, siue *Titus Livius a superstitione vindicatus*. Enim vero, etsi Liuium se a superstitionis accusatione liberare velle, videri velit, id tamen eum agere, vt religionis omnis contemptum ei tribuat, & reuera atheum ex eo faciat, nemo facile, qui paulo accuratius hanc dissertationem perlegerit, dubitauerit. Idque ipsemet aperte indicat, quando §. V. pag. 6. sine ambagibus asserit: *Liuium totam religionem patriam pro nulla habuisse, vel, quod eodem redit, pro pulcherrimo politicorum commento, in magistratum subsidium & sacerdotum emolumentum subtiliter excogitato*. Neue existimes, solam ethnicorum religionem, quae superstitionis potius sit, eum intelligere, de Moisaica etiam, quae olim sola vera erat, in hac ipsa dissertatione non aliter, quam de ethnica, loquitur, simulque haud semel innuit, superstitionis, sua opinione, expertem non esse; nisi qui omnem religionem ciurauerit. † Genuinam TOLANDI de Liuiio mentem pluribus detegit IACOBVS FAYVS, in *defensione religionis, nec non Moysis, & gentis Iudaicae, contra duas dissertationes Ioannis Tolandi cap. II. & III.* Iniuriam vero Liuiio fieri, dum pro atheo omnisque religionis contemptore venditur, idem, quem iam laudauimus, IAC. FAYVS ostendit, *loc. cit. cap. III. §. IV. pag. 20.* itemque ELIAS BENOIST, *melange de remarques critiques &c. contre Mr. Toland &c. pag. 6. seqq.*

‡ Conferatur iterum REIMM. *Sett. 2. C. 40.* qui, licet aliquantulum ab Auctore dissentiat, Tolandum tamen in errore versari ostendit.

** PLINIVM seniore, celeberrimum istum historiae naturalis conditorem, ab Epicuraeorum non abhoruisse placitis, iam pridem viris eruditis obseruatum.
conf.

conf. IOANNES RAINOLDVS, in *censura librorum apocryphor. vet. testam. praelect.* CXCI. tom. II. pag. 1036. IO. TOLANDVS autem, vt & hunc a credulitatis suspicione liberet, more suo omnino atheum facit, in *adeisidaemone*, §. II. pag. 2. Et negari profecto nequit, eum non tantum *lib. VII. cap. LV.* animarum immortalitatem ex instituto impugnare, sed *lib. II. cap. I.* de vniuerso hoc ita loqui, vt non aliud agnoscere nuntien videatur. Verba eius sunt: *Mundum & hoc, quod nomine alio coelum appellare libuit, cuius circumflexu teguntur cuncta, nomen esse, credi par est, aeternum, immensum, neque genitum, neque interiturum unquam.* Consentiant & reliqua, quae sequuntur. Sed & alibi *lib. XXVII. cap. III.* de casu verba faciens, *hic ergo casus*, inquit, *hic est ille, qui plurima in vita inuenit, Deus.* Hoc habet nomen, per quem intelligitur eadem & parens rerum omnium & magistra natura &c.

§. XXIII.

Inter christianos, vt ad eos nunc transeamus, primis seculis nemo fuit, cui iure atheismus obici potuerit, † etsi ipsis christianis eiusmodi impietas ab ethnicis subinde per turpissimam calumniam exprobatam sit. * Sequenti tamen tempore, cum sub Romanorum pontificum tyrannide ecclesia christiana gerneret, in medio scholasticorum regno extiterunt, qui talia traderent, quae aperte ad atheismum, speciatim Spinozismum, accederent. Idque vel ALMARICI ** atque DAVIDIS DE DINANTO *** exemplo constat, ne quid nunc de ceteris dicam. *

† Id tamen non extra dubitationis aleam est positum, si attendamus ad atrociores illas sectas Basilidianorum, Carpocratiorum & sim. REIMM. *sect.* 3. C. 2.

* Chri-

- * Christianis atheismum & impietatem ab ethnicis olim obiectum, ex ATHENAGORA, ARNOBIO, aliisque, tam notum est, vt superuacaneum foret, hac de re aliquid addere. Loca veterum, hoc comprobantia, diligenter iam collegit B. CHRISTIANVS KORTHOLTVS, in *paganò obtrektatore libr. II. cap. X. pag. 406. seqq* †. Obseruat idem auctor, vitium hocce tam vulgare fuisse, vt christiana religio κατ' ἐξοχὴν atheismus dicta sit. Idque DIONIS CASSII exemplo comprobatur, qui, Clementem & Domitillam, ob christianismi professionem a Domitiano damnatos fuisse, significaturus, *hystor. libr. LXVII. dicit: ἐπὶ τῇ ἀμφοῖς ἐγκλημα ἀθεότητος, ambobus illatum est atheismi crimen.* Immo eo vsque progressus est detestandus caluminandi furor, eodem auctore obferuante, vt ipse seruator ethnicis audiret, *religionis extinctor, & impietatis auctor, qui impietatem docuerit nationes.* Testatur hoc ARNOBIUS, *lib. II. contra gentes, sub init.*

† Et qui in omnium manibus est, GUILIELMUS CAVE in suo *Christianismo primauo.*

- ** Seculo post Christum natum decimo tertio floruit ALMARICVS, philosophus, idemque nouorum dogmatum in theologia, si nonnullis credimus, inuentor, ideoque & in haereticorum numerum relatus. Quod si vera sunt, quae de eo dicuntur, praecipuum eius dogma, ex quo & ceu fonte reliqui errores fluxisse videntur, fuit; *Deum esse materiam primam.* Sententiam eius ex GERSONE, *tract. de concord. metaphys. cum log. part. IV.* ita proponit IACOB. THOMASIVS: *omnia sunt Deus, Deus est omnia. Creator & creatura idem. Ideae creant & creantur. Deus ideo dicitur finis omnium, quod omnia reuersura sint in ipsum, ut in Deo immutabiliter conquiescant, & vnum indiuiduum atque incommutabile permanebunt. Et sicut alterius naturae non est Abraham, alterius Isaac, sed vnus atque eiusdem; sic dixit, omnia esse vnum, & omnia esse Deum. Dixit enim,*

enim, *Deum esse essentiam omnium creaturarum; de exust. mundi Stoica dissert. XIV. §. XCIX.* Quae quidem ita comparata sunt, vt nec apertius, nec luculentius, Spinozismus exprimi potuerit. Dum vero Almaricus dixit: Deum esse finem omnium, omniaque in ipsum reuersura, vt in eo immutabiliter conquiescant, & vnum indiuiduum atque inmutabile permaneant nihil aliud sibi voluit, quam quod deinceps DAVID DE DINANTO docuit, *Deum esse materiam primam.* Cautius nimirum incedens, finis quam materiae, nomen adhibere maluit, eo-que subdole non causam finalem, sed id, in quod omnia reuersura essent, intellexit. De origine erroris Almariciani, num ex Platonica, an Aristotelica philosophia fluxerit, dixi in *observatione de haeresibus ex philosophia Aristotelico-scholastica ortis, tom. I. observation. selectar. num. XV. §. XVII.* itemque in *dissertat. de Spinozismo ante Spinozam*, quae in *analectis historiae philosophicae* extat, §. XI. ad XV. pag. 327. seqq. vbi & pag. 334. ex Aristotelica potius, quam Platonica philosophia eum deriuandum, probaui †.

† De Almarico quoque videas Cel. BUDDI *Isag. L. Poster: C. 4. §. 8. & C. 7. §. 7.* & CAVE *Hist. litt. Sec. 13. anno 1209. pag. 659.* nec non WEISMANNI *Hist. Eccles. T. 1. pag. 936, & 937.* qui iure merito dicit, *necessaria documenta defuere.*

*** DAVID DE DINANTO Almarici fuit discipulus, magistrique veltigia preinens, apertius etiam, quod ille sensit, elocutus est, asseruitque, *Deum esse materiam primam.* Hunc cum ab Alexandro Epicuraco accepisse errorem, auctor est THOMAS DE AQUINO, *lib. I. contra gentil. cap. XVII.* Sed Alexandro, utpote Epicuraco philosopho, eiusmodi sententiam tribui non posse, supra iam ad §. XVIII. obseruauimus. Probabilius longe & Almarici, & Davidis de Dinanto, ex vno eodemque fonte profluxisse errorem. Haud difficulter concessero, quod

PAC. THOMASIVS, de *exust.¹ mundi Stoica*, *differ-
tat. XV. §. CXXIX.* docet, πρῶτον ψεύδος Dinantii
fuisse, *abnegationem creatricis omnipotentiae, quam
ingeniosissimis quoque gentilium pater mendacii per-
suaserat.* Hunc namque erroris istius fontem vel
maxime ex ARISTOTELE, qui eo tempore vnice in
scholis regnabat, haurire poterant; quippe cui hoc
cum reliquis gentilium firmiter persuasum erat, e
nihilo nihil posse fieri, adeoque aut mundum, aut
materiam, semper extitisse. Sublato creatore, cum
omnia ex materia deducerentur, proum admodum
erat, materiam primam tandem pro ipso Deo ha-
bere; idque eo magis, quod scholastici simplicita-
tem & alia attributa, quae soli Deo conueniunt,
materiae assignarent. Saltem argumenta quaedam
haec ei praebere potuerunt, quibus impietati suae
colorem quendam conciliaret. Iungenda, quae di-
xi, in *observatione de haeresibus ex philosophia Ari-
stotelico-scholastica ortis. tom. I. observation. selectar.
§. XVIII. pag. 205. †*

† De Dinanto Auctor etiam agit *Isag. L. postor: C. 7. §. 7. &
eodem saeculo CAVE memorat, SIMONEM FORNACENSEM,
magistrum Pariesiensem, ex nimia doctrinae suae fiducia
contra legem Divinam intumescens, omni scientia Di-
uinitus privatum & elinguem esse factum. v. CAVE Sac. 13.
p. 624.*

* Vniuersam Scotistarum gentem, quae tantum olim
in scholasticorum regno strepitum dedit, Spinozism
arguere non dubitat PETRVS BAEIVS. Nec
enim *vninersale* illorum *formale a parte rei*, aut
unitatem formalem a parte rei, aliud quid sibi vo-
luisse, quam quod deinceps Spinoza apertius elo-
cutus est, & maiori eruditionis specie proposuit.
Idem ex PFTRI ABAELARDI, *epist. I. pag. 5.* lo-
cum producit, ex quo patet, GVILIELMVM CAM-
PELLENSEM, archidiaconum Parisiensem, acerrim-
umque Abaelardi aduersarium, itidem talia do-
cuisse, quae cum Spinozismo conueniunt. *Erat,*
inquit,

inquit, in ea sententia de communitate vniuersalium, vt eandem essentialiter rem totam simul singulis suis inesse adstrueret indiuiduis, quorum quidem nulla esset in essentia diuersitas, sed sola multitudine accidentalium varietas; conf. dictionar. historico-crit. voc. *Abaelardus*, p. 18. item voc. *Caesalpini* pag. 876. Sane quidem istam Scotistarum hypothesin, vniuersalia citra intellectus operationem re ipsa existere, omniaque indiuidua de vna eademque essentia, non specie, sed numero tali, participare, ad Spinozismum ducere, aut non inultum ab eo differre, negari nequit. An vero Scotistae omnes, quae ex hacce hypothesi fluunt, dogmata impia perspexerint, vel, si perspicere potuissent, adprobaturi fuissent, id quidem est, de quo merito dubito. Addenda, quae iam hac de re dixi in *dissert. de Spinozismo ante Spinozam*, §. XVII. †

† Confer. Præter innumeros, REIMM. *Secl.* 3. C. 3. §. 6.

§. XXIV.

Cum bonae literae, quae hæctenus densa velut caligine oppressae iacuerant, iterum efflorescerent, vt veterum simul philosophorum, cumprimis Aristotelis, scita resuscitarentur, sentiendi hinc orta libertas apud multos in licentiam degenerauit *, magnamque in Italia cumprimis ** impiorum hominum produxit cohortem, quorum alii pro atheis habiti, aut talia, quae ad atheismum ducunt, docuisse crediti sunt; alii autem lasciuis, impuris atque profanis scriptis, sermonibus, moribus, ipsaque adeo vita, nullam numinis, si vera sunt, quae de iis narrantur, se habuisse rationem, testati sunt. Ad priorem classẽ PETRVM ARETINVM ***, FRANCISCVM POGGIUM, Florentinum *, IORDANVM BRVNVM,

NVM **, PETRVM POMPONATIVM ***, IVLIVM CAESAREM VANNIVM *, HIERONYMV M CARDANVM **, THOMAM CAMPANELLAM ***, NICOLAVM MACHIAVELLVM *, & celeberrimos istos Aristotelicae philosophiae interpretes, ANDREAM CAESALPINVM **, CLAVDIVM BERIGARDVM ***, & CAESAREM CREMONINVM * referre solent; ne quid de COSMO RVGGERIO dicam, qui cum Italus gente esset, in Gallia vixit, & postquam palam se atheum professus esset, obiit **; ad posteriorem autem, PAVLVM IOVIVM ***, ANGELVM POLITIANVM * HERMOLAVM BARBARVM **, IOANNEM CASAM ***, M. ANTONIVM MVRETVM * aliosque.

* Magnus utique illorum, qui post bonas litteras renatas ingenium ad atheismum & impietatem primum demonstrarunt, fuit numerus: nec tamen atheorum proprie & stricte sic dictorum tantus, quantum nonnulli faciunt. Recensent atheos, qui post renatas litteras extitisse perhibentur, GISBERTVS VOETIVS, *dissertat. de Atheismo, tom. I. dissertat. selectar. pag. 217. seqq.* IOANNES MVLLERVS, in *atheismo deuidto*; & THEOPHILVS SPIZELIVS, in *scrutinio atheismi historico-aethiologico. pag. 17. seqq.* sed ita, vt multos inter atheos referant, qui tamen, etsi aut moribus impli fuerint, aut erroneas quasdam prauasque sententias fouerint, ideo statim atheismi proprie & stricte sic dicti conuinci nequeunt.

** Italiam, foecundam atheorum, aliorumque hominum impiorum, matrem esse, pridem viris eruditis obseruatum. Quod cum varias ob causas †, quas enarrare huius loci non est, contingere queat, nulum tamen dubium, quin crassa illa & prorsus ridicula clericorum hypocrisis, quae ibi conspicitur, multum eo conferat. Legenda, quae post HENRICVM STEPHANVM, *praeparat. ad apolog. Herodoto*
hac

hac de re congeffit GISBERTVS VOETIVS, *loc. cit.* pag. 217. add. DN. LA CROZE, *entretiens sur divers sujets d'histoire*, pag. 283.

† Quznam hujus rei causæ sint, facile quis conjectare potest: Nonnullas in medium producit REIMM. *Sect. 3. C. 4.*

*** PETRVS ARETINVS atheis ideo annumerari solet, quod auctor detestandi libri †, *de tribus impostoribus*, esse creditur. THOMAS equidem CAMPANELLA in *atheismo triumphato*, Poggium potius Florentinum hocce nomine suspectum fuisse, indicat; THOMAS autem BROVNE, de *religione medici*, *sect. XIX*: Bernhardum Ochinum pro eius auctore venditat: alii aliter sentiunt. Plerique tamen, insauili huius foetus patenter PETRVM ARETINVM esse volunt, quibus etiam accedit THEOPHILVS SPIZELIVS, in *scrutinio atheismi* pag. 18. qui & MAR. MERSENNVM laudat, *commentar. in genef.* pag. 1830. asserentem, ex singulari amici cuiusdam, qui librum legerat, indicio sibi constare, stilum esse Aretini. Sed dubitatum omnino fuit, & adhuc dubitatur, an unquam eiusmodi liber extiterit. Etsi enim viri quidam docti hoc adfirmant, ad amicorum, a quibus hoc acceperint, testimonia prouocantes, alii tamen diserte hoc negant, quod & RICHARDVS SIMON facit, in *epistolis selectis*, *epist. XVII. pag. 142. seqq.* quibus & vir doctissimus BYRCARDVS GOTTHELF STRVVIVS noster suffragatur, in *dissertat. de doctis impostoribus*, §. VIII. & sequentibus; ubi recte simul docet, etsi eiusmodi liber nunquam editus sit, nefarium saltem eiusmodi iam pridem circumlatum apophthegma ††, cuius num Simon Tornacensis, an Fridericus II. imperator auctor sit, copiose ibidem disquirat, sed ut vtrumque, praesertim Fridericum imperatorem, ab ista impietate liberet. Ex-
tare equidem hodie libellum manuscriptum sub hocce *de tribus impostoribus* titulo, & quidem gallicana lingua, certum est, quippe quem ipsemet vidj; sed eum, omnibus illis, qui eius auctores ferunt;
F tur;

tur, longe recentiorem esse, iam obseruavi in *hystor. eccles. vet. testam. ad period. II. sect. I. §. XI. pag. 534.* idque etiam confirmat vir doctissimus STRUVIVS, *loc. cit. §. XI. pag. 20.* Ad Aretinum itaque quod attinet, improbis & profanis moribus eum fuisse, non nego, idque & scripta ab eo edita testantur †††; atheum fuisse, saltem ex eo, quod auctor fuerit libri de *tribus impostoribus*, frustra dicitur.

† De infando isto libro vide sis MORHOV. *Polyb. Litt. L. 8. §. 3.* STOLLII *Hist. Litt. p. 12, & 13.* & SCHELHORNII *Aman. Litt. variis locis.*

†† Ejusmodi nefandum Apophthegma impii & ventosi homines nostro quoque tempore aliquando adhibent. Probe scio, cum LUDOVICUS Galliarum Rex in pago Renkum, (qui in Arenaci Vicinia situs est) diverteretur; aliquem ex Regiis ministris Reformatum loci pastorem magno cum supercilio rogasse; sciretne, quinam trigam pessimorum impostorum constituere merito dici possent? &, cum alter id se nescire diceret, impium & notum illud apophthegma deblaterasse.

††† Quid eruditi jam pridem de pietate Aretini iudicaverint, colligi potest ex sequenti epitaphio:

Condidit Aretini cineres lapis iste sepultos

Mortales atro qui sale perficit.

Insatiatus Deus est illi: causamque rogatus,

Hanc dedit: ille, inquit, non mihi notus erat.

Vide MISSON *Litt. Edit. Belg. p. 173. F. 1.*

* BRANDOLINVS (vel alii BRACCIALINVS, aut vt rursus alii, IOANNES FRANCISCVS) POGGIUS, Florentinus, Eugenio atque Nicolao, aliisque pontificibus, a literis secretioribus fuit, teste PAVLO IOVIO, in *elogiis*, num. X. Eum a THOMA CAMPANELLA pro auctore libri de *tribus impostoribus* habitum, antea iam obseruauimus. TOBIAS WAGNERVS, theologus Tubingensis, Aretinum atque Poggium coniungit, & vtrumque, communicatis confi-

confiliis, librum de *tribus impostoribus* confecisse, contendit, in *examine elenchico atheismi speculatiui*, cap. IV. §. XXII. pag. 8. 9. Sed rationes, quas adfert, hoc neutiquam euincunt. Quod de Aretino diximus, idem de Poggio censendum, a pietate omni, vita, moribusque alienum cum se demonstrasse †; directe autem negasse Deum, aut talia docuisse, ex quibus hoc sequatur, nondum mea opinione est probatum. Adeoque ad alteram potius, de qua mox dicemus, classem pertinebit:

† Non tantum spurcissimus homo fuit, sed & maledicentissimus; ut patet ex atrocioribus calumniis, quæ LAUR. VALLAM affecit: malæ fidei quoque historicus fuit. v. *notas ad MENKEN. de La Charlatanerie des Savans* p. 65. & seqq. & p. 159.

** IORDANVS BRVNVS, Nolæ in regno Neapolitano natus, Dominicanorumque primum ordini addictus, ob singularia in religione placita, relicta patria, Genævam primum se contulit: hinc varias Europæ partes peragravit, & in variis quoque academiis docuit, & philosophemata sua proponere auius est; tandem vero Venetiis ab officio inquisitionis comprehensus, Romamque abductus, anno M DC ibi ob impietatem & blasphemias combustus est †. Non tantum vero absque multa; sed & blasphema prorsus, adstruere in scriptis suis allaboravit, cuiusmodi sunt: *mundos esse innumerabiles*; *animam de corpore in corpus, immo & aliam in mundum migrare*; *nam animam bina corpora informare posse*; *magiam esse rem bonam & licitam*; *spiritum sanctum esse nihil aliud, nisi animam mundi*; *mundum esse ab æterno*; *Mosen miracula sua per magiam operatum esse, in qua plus profecerit, quam reliqui Aegyptii*; *eum leges suas confinxisse: sacras literas esse somnium*; *diabolum saluatum iri*; *solos Ebræos ab Adamo & Eva originem ducere, reliquos ab iis duobus, quos Deus pridie fecerat*; *Christum non esse Deum, sed fuisse magum insignem, & hominibus illuisse*; & quæ alia sunt

sunt eiusdem generis *βελιγμاتا*, Refert haec quidem CASPAR SCIOPIVS, in epistola quadam de morte Iordani Brunii, quam vir clarissimus BVR-CARDVS GOTTHELFF STRVVIVS noster exhibet, in *actis litterariis ex manuscriptis erutis, fascic. V. & DN. LA CROZE dans ses entretiens sur diuerssuiets d'histoire &c. pag. 287. seqq.* Sed nullum in hacce epistola, a SCIOPIO, Bruno tribui dogma, quod non in scriptis eius extet, ostendit idem LA CROZE, *pag. 304. seqq.* vbi & principia hominis impii ex libro eius de *immenso & innumerabilibus*, exhibet, ex quibus liquet, cum per Deum nihil aliud, quam ipsam naturam, aut essentiam infinite extensam, intellexisse, cuius necessitatem & aeternitatem probare annititur. Re ipsa itaque cum SPINOZAE insania sententia eius conuenit. Quod autem Dei nomine nihil aliud, quam natura ipsa, ei veniat, idem, quem iam laudavi, vir doctissimus, ipsius Brunii verbis luculenter *pag. 317. & 318.* comprobat. Recte idem etiam obseruat, secundum Brunii systema, Deum non posse ullam materiae partem destruere, nec nouam creare; nihil in mundo esse contingens; necessitatem autem materiae euidentius, quam Dei, demonstrari posse; & nihilo secius ex existentia Dei, ejusque operatione, suas cum probare opiniones; adeoque principio ad conclusiones suas probandas vti, quod per ipsas conclusiones itas, si verae essent, rursus euerteretur: idque sophisma ipsi itidem cum Spinoza commune esse, *pag. 316. 317.* Nec praetermittendum, quod eidem auctori obseruatum, Brunum substantias spirituales admittere, quos deos & daemonia vocet, *deos quidem, qui ex simplici lucis substantia compositi sint, quine votis & institia delectentur; daemonia autem ex aqua & spiritu, quae delectentur sanguine.* Quod itidem, si nonnullis credimus, systemati Spinozae non repugnat. Etenim, si materia, quae vnicam illam substantiam Spinozae constituit, cogitans statuatur, non magis, ex horum mente, *αδύνατος* est, dari substantias cogitantes invisibiles, quam dari homines vnicae istius sub-

substantiae modificationes. Qua de re in sequentibus plura. Intelligere hinc licet, non obitare quicquam, quo minus atheus & superstitiosus sit: idque & Bruni hujus exemplo liquet, qui circa spirituum adparitiones, veneficia & artes magicas, ad stultitiam vsque credulus fuit. Idem lingua italica librum scripsit, cui titulus: *Spaccio della bestia trionfante*, in quo impia sua deliria velut vnico fasce complexus est, & subinde trium impostorum meminit: unde IOANNES TOLANDVS in eam ingressus est sententiam, hunc ipsum illum de *tribus impostoribus* librum esse, qui tantum in orbe strepitum dedit: qua de re, quem saepe iam laudauimus, LA CROZE, multa erudite monet, pag. 326. *seqq.* quae legisse poenitebit neminem.

† De ejus combustionem simul & Atheismo nonnulli dubitant: v. REIMM. *Secl.* 3. C. 4. §. 6. si omnia, quae ei a SCIOPIO tribuuntur, ipsi jure tribui possint; Atheis reuera annumerandus est.

*** De PETRO POMPONATIO, Mantuano, qui circa finem decimi quinti, & initium decimi sexti seculi vixit, Patauique magna celebritate philosophiam docuit, diuersa extant virorum doctorum iudicia; quemadmodum nec ipsi ejus aduersarii, quos, dum adhuc viuebat, expertus est, vniam eandemque de eo fouerunt sententiam. Nonnulli namque, quos inter & AVGVSTINVS NIPHVVS fuit, qui librum contra eum scripsit, eum citra ambages atheis annumerabant, idque praecipue ob negatam animae humanae immortalitatem. Sed IOANNES quoque WIERVS ab Helidaco Foroliuiensi, Pomponatii discipulo, non semel se accepisse, testatur, eum fuisse atheum, quanquam idem, sperare se, eum respuisse, addat: de *praeiugiis daemon. lib. VI. pag. 569.* Eandem sententiam secutus est GABRIEL NAVDAEVS, si auctori *Naudaeorum* credendum, quae tamen reuocatur, in *additionibus & correctionibus ad Naudaeana*, pag. 163. Sed DANIEL quoque GEORGIVS

MORHOFIVS atheis eum annumerat, immo pro magistro recentiorum atheorum habet. Cum enim dixisset, inter primos fere fuisse Pomponatium, qui atheismi semina sparsit, & ex eius schola Iul. Caesarem Vaninum prodixisse, addit: Eandem, quam Vaninus, viam infestit Pomponatius omnium magister, e cuius pharetra omnia illa tela desumta sunt, quibus nunc utuntur Spinozae & Hobbesii, & quicumque in vno illo ludo ad nequitiam docti sunt; polybistor. tom. II. lib. I. cap. XI. §. IV. pag. 55 Atque ita quidem vir ille doctus, cum tantum Pomponatii de incantatione librum legisset, pronuntiat. De quo quid censendum sit, ex dicendis constabit †. Aliiter tamen de Pomponatio iudicat, qui itidem ex adversariis eius fuit, ex discipulo antagonista eius factus, CASPAR¹ CONTARENVS, cuius & iudicium calculo suo adprobat THEOPHILVS RAYNAVDVS, hac de re ita verba faciens: Non absolute ac simpliciter mortalem animam censuisse videtur Pomponatius, sed duntaxat, si ratio nuda consuleretur, ut liquet ex opere Contareni, Cardinalis, de immortalitate, conscripto adversus Pomponatium, ipsius quondam Contareni in philosophicis magistrum. Nec aliud censurim, voluisse illos eiusdem aevi philosophos, damnatos a Lateranensi concilio, sub Leone X. &c. de bonis & malis libris, num XLII. pag. 25 seqq. GVI-ELMVM GRATAROLVM, medicum Italum, Pomponatii defensionem eundem in modum in se suscipientem, laudat, eique ὁμολογῶν se profitetur GISBERTVS VOETIVS, ad augendum ceteroquin, quam imminuendum atheorum numerum promior, dissertat. de atheismo, tom. I. dissertat. selectar. pag. 196. seqq. Ex instituto vero Pomponatium ab atheismi crimine liberat PETRVS BAEIVS, dictionar. histor. cr. t. voc. Pomponatius; pag. 2470. seqq. & qui eum sequitur, IO. GOTTLIEB OLEARIVS, in dissertat. de Pomponatio, Ienae anno M DCC IX habita. Sane, quod ad librum eius de immortalitate animae attinet, qui primam huic accusationi occasionem dedit, cum non semel, sed saepius profiteatur, se
animae

animae immortalitatem firmiter credere, quia scriptura sacra eam asserit, hoc saltem se negare, quod secundum principia philosophiae Aristotelicae demonstrari queat, non video, quo pacto inde atheismi labes ei adspergi possit. Inurenda eadem impietatis nota viris longe praestantissimis, etiam nostrae ecclesiae theologis esset, qui ex sola scriptura sacra, non aequè ex ratione, animae humanae immortalitatem firmiter demonstrari posse, asseruere. Mystera praeterea cuncta ex sola scriptura constant, neutiquam ex ratione: nec profecto, qui, ex ratione ea probari posse, negat, statim ea in dubium vocare censendus est. Interim tamen, ne quid diffitear, fieri potuit, ut Pomponatius ad caliginem aduersariis offendendam hoc adfirmaret, se scripturae, de animae humanae immortalitate testanti, fidei adhibere. Nec enim insolens, ut profani homines eiusmodi impietati suae *πρόφασις* quacerant. Sed istud de intimis cordis humani recessibus quis sibi arrogabit iudicium? Non minorem accusationi de atheismo speciem praebuit liber de *incantationibus*, quippe in quo non tantum iis, quae de magicis artibus vulgo narrantur, fidei denegauit, sed miracula quoque in dubium vocare visus est, hominibus quibusdam nescio quam virtutem naturalem talia efficiendi, quae pro miraculis habentur, tribuens. Verum, etsi quaedam miracula ex causis naturalibus explicare annitatur, idque perperam, omnia tamen eum negasse miracula, dici nequit. Contrarium ex verbis, quae ab aliis iam producta sunt, & cap. VI. pag. 87. extant, liquet: *Quaquam alia, quae referuntur esse facta, tam in historia legis Moysis, quam legis Christi, superficialiter reduci possunt, in causam naturalem; tamen multa sunt, quae minime in talem causam reduci possunt; veluti est de resurrectione Lazari quatrduani, & iam foetentis; de coeco a natiuitate illuminato; de saturatione tot mille hominum ex quinque & duobus piscibus &c.* Atque ex hisce, quo iure Pomponatius inter atheos referatur, iudicare licebit.

† HEUMANNUS quoque in *Actis suis Philos.* Pomponatium Atheismi reum egit: ut ex *Aman. Litt. F. 9. p. 685.* dici. Præter illum & alios, quos Auctor adducit, id pluri mi fecerunt.

* IULIUS CAESAR VANINUS, Petri Pomponatii discipulus †, sed magistro, & ipso non satis bono, longe deterior; Taurisani in Apulia natus, cum ingenium non adeo contemnendum litteris excoluisset ††; & Aristotelicae cumprimis philosophiae diligentem nauasset operam, hinc autem relicta patria varias Europae regiones peragrasset, editisque scriptis variis, ingenii & eruditionis laudem sibi comparasset, tandem Tholosae anno M DC XIX, ut atheus combustus est. Supplicium eius describit GABRIEL BARTHOLOMAEVS GRAMONDVS, *historiar. Galliae ab excessu Henrici IV. libr. III. pag. 210. seqq.* Diligenter quoque de vita, fati & scriptis athei huius celeberrimi, nuper egerunt viri quidam accuratissimi, IOAN. MAVRITIVS SCHRAMM, in *tractatu singulari de vita & scriptis famosi athei, Iulii Caesaris Vanini, in quo genus, mores & studia, cum ipsa morte horrendae scriptis suis varioribus & fide dignis auctoribus aliis selecta sunt, & ne cui offensus d'culo sint, errores eius simul refutati; Castrini M DCC IX. 4to. DN. LA CROZE, dans ses entretiens sur divers sujets d'histoire pag. 337. seqq.* IOAN. GOTTFRIED OLEARIUS, in *duabus dissertationibus Iulii Caesaris Vanini, Ienae anno M DCC VIII habitis, & cumprimis auctor apologiae pro Iulio Caesare Vanino Neapolitano, anno M DCC XII editae, de qua deinceps plura †††. Cum Lucilii nomen a patre accepisset, ipse deinceps Iulius Caesar vocari maluit, quod ineptissimae ambitionis argumentum est; cuiusmodi plura in scriptis eius occurrunt. Ad atheismum eius quod attinet, non desunt, qui eum ab hocce crimine prorsus absoluant, suppliciumque quod perpessus est, in artes maleuolorum, quos expertus est, & tyrannidem cleri, conferunt. In eam ingressus est opinioem GOTHOFREDVS ARNOLDVS,*

NOLDVS, in *historia haeres. part. II. lib. XVI. cap. XVI. §. IIX. seqq. pag. 601. seqq.* cum primis autem auctor *apologiae pro Iulio Caesare Vanino Neapolitano*, anno M DCC XII Cosmopoli editae, qui tam erudite, tamque ingeniose hac in re versatur, ut pessima etiam causa nunquam meliorem habuisse defensorem iure dici queat. Alii, cum omnino atheum fuisse, contendunt, iusteque adeo damnatum; at ex scriptis eius diserte atque aperte hoc colligi posse, negant. Primum inter scripta eius, quae viris eruditis, qui de eo sententiam pronuntiarunt, in manus venerunt, & hic in censum veniunt, est *amphitheatrum eius providentiae dinino-magicum, christiano-physicum, nec non astrologo-catholicum adversus veteres philosophos, atheos, Epicuræos, Peripateticos, & Stoicos, &c.* Lugduni anno M DC XV editum. Id sane variis doctorum hominum suffragiis manitum prodit, quos inter IOANNES CLAUDIVS DE VILLE, censor libri, se hocce opus euoluisse, profitetur, *nihilque in eo a catholica & Romana fide alienum, sed cum veracitas, tum perualidas rationes iuxta sacram sublimiorum in sacra theologia magistrorum doctrinam (o quam utiliter) contineri.* Sed & GEORG. DANIEL MORHOIVS, de Vanino verba faciens, *amphitheatrum eius*, inquit, *sanum est, ac subtiliter pro animae immortalitate disputat*, *polyhist. tom. I. libr. I. cap. VIII. pag. 79.* Alia libri huius, ceterorumque Vanini scriptorum, elogia colligit auctor *apologiae pro Iul. Caesar. Vanino pag. 34.* Licet autem liber hicce initio cum eulogiis & adprobationibus munitus prodisset mox tamen damnatus, & tum in Gallia, tum alibi, ne recuderetur, prohibitum est, teste THEOPHILO RAYNAUDO, *erotem. de bonis & malis libris, pag. 20.* Alter Vanini de *admirandis naturae reginae deaeque mortalium arcanis*, liber, qui Lutetiae anno M DC XVI lucem adspexit, variis itidem censorum suffragiis fuit adprobatus. Plures tamen mox vel ipso titulo offendit, qui naturam ipsam pro Deo venditare videtur. GEORGIVS DANIEL MORHOIVS,

qui amphitheatrum Vanini sanum iudicauerat, de hisce eius dialogis longe aliter pronuntiat: *Vanini dialogi istud atheismi virus sub dialogorum forma tegunt, in quorum titulo disertis verbis natura, Dea & regina dicitur, quae in privilegio regio, quod mirum, repetuntur, l. c.* Nihilofecius non tantum auctor apologiae pro Vanino, & huncce eius librum innoxium iudicat, sed idem etiam facit 10. GOTTLIEB OLEARIVS, *dissertat. post. de scriptis & opinionibus Vanini §. XI.* Immo & IOANNES DIECMANNVS generatim de omnibus scriptis Vanini in mitiorem partem pronuntiat, de *naturalismo Bodini, pag. 24.* Mihi autem in utroque iam libro, apertius tamen in *dialogis*, quam *amphiteatro*, atheismi venenum sparsisse videtur. Sane, quae eius de religione christiana sententia fuerit, vel inde liquet, quod existimat, christianos, utpote e legitimo matrimonio, a Paulo apostolo vt sacramentum commendato, natos, non posse non esse stupidos simplicesque ††††, adeoque ad religionem christianam, quae tales postulet, plane aptos, cum beatitudo illis, qui sunt *pauperes spiritu*, promittatur; *dial. de naturae arcanis, pag. 321. 322. item 354. 355.* Immo, cum de variis seruatoris nostri actionibus ita differuisset, vt eas risui omnium exponeret, tandem per execrabilem ironiam concludit: *Sapientissima haec sunt Christi acta, loc. cit. pag. 358.* Atque hinc facile colligere licet, quo animo in *amphiteatro*, reiectis, aut explosis, euidentissimis existentiae Dei demonstrationibus, clumbes & nugatorias probationes in earum locum substituerit; item, quo consilio obiectiones atheorum tam diligenter recenscat, nulla aut ieiuna admodum iis addita responsione, vt victoriam data opera illis concedere videatur. Haud nescio, ex eo quod aliquis parum accurare ad rationes atheorum respondeat, non posse quenquam atheismi argui, cum & ingenii, non autem voluntatis, hoc vitium esse queat. Meminisse tamen & eius oportet, quod vulgo dici solet, duo cum faciunt idem, non est idem. Sed plura non

non addo, cum DN. LA CROZE ex scriptis Vanini luculenter iam euicerit, eum atheismi suspicionem neutiquam declinare posse; *entretiens sur diuers sujets d'histoire &c. pag. 348. qui & pag. 344. recte pronuntiat, atheismum Vanini chaos aliquod esse, ex philosophia Peripatetica, somniis Auerrois, & astrologia iudiciaria conflatum. Quanti Aristotelem fecerit, auctor apologiae pro Vanino pag. 3. hisce verbis testatur: Philosophiae vero placitis delinitus, nunquam sine ambitiosa laudis commemoratione Aristotelis meminisse poterat. Hic ei philosophorum Deus, humanae sapientiae dictator, sapientum pontifex maximus; hunc mente, oculis, manibusque ferebat; huic se plane dederat. Suo ergo exemplo, & Vaninus comprobauit, plerosque ea aetate ex atheos Aristotelica disciplina prodiisse. Etsi autem, Vaninum atheum fuisse, idque ex scriptis quoque eius elucescere, existimem, non tamen omnia, quae de eo vulgo narrantur, & lubrico vt plurimum fundamento nituntur, adprobo. Huc inter alia & illud refero, quod librum de tribus impostoribus, recudi curaue- rit. Praeterea inter argumenta, quae subinde ab aliis allata sunt, vt atheismi conuinceretur, nonnulla esse, quae id minime probant, lubens concedo, idque rectissime ostensum ab auctore apologiae pro Iulio Caesare Vanino. Multo minus modum procedendi, quo aduersarii ejus aduersus eum vsi sunt, vitio caruisse existimo, aut omnibus, quae GRAMONDVS, aut alii, ex aduersariorum ejus relatione narrarunt, fidem adhibendam censeo. Fieri etiam potuit, vt, cum coram iudicibus existentiam Dei probaret, ad meliorem iam mentem reuersus esset, deinceps vero, cum nihil se proficere videret, per desperationem summam ad vomitum rediret. Legenda, quae hac de re disserit LA CROZE, loc. cit. p. 374. seqq.*

† Etsi Pomponatii discipulus dicitur, eum tamen non audiuit. juxta STOLLIIUM *Hist. Litt. P. 2. C. 3. §. 33.*

†† Stultissimus homo dicitur STOLLIO l. C.

††† l. l.

††† I. I. STOLLIVS etiam opinatur, PETR. FRIDR. ARPIUM hunc Apologiam conscripisse; &, quid Lipsiensium iudicium de ea fuerit in *Act. Erud.* & alia multa quæ Vaninum spectant, diligenter recenset.

††† Nimirum, etsi nobili stirpe ortus fuit, in ea fuit opinione; homines, qui extra matrimonium nascuntur, cæteris esse pulciores, robustiores &c. STOLLIVS.

** Inter eos, quos Iulius Cæsar Vaninus plurimifecit, haud vltimum locum tenet HIERONYMVVS CARDANVS, quippe cuius effatum notissimum: *Christiani Iovem iunctum habent cum sole, illiusque diem colunt dominicum; sol autem significat iustitiam ac veritatem; Christiana autem lex plus continet veritatis, & simplices reddit homines, in Ptolom. de astrorum iudicio libr. II. thes. 54. subinde repetiit; vid. dial. de arcanis, pag. 354.* Fuit autem Cardanus medicus & philosophus seculi decimi sexti celeberrimus, & ob vitæ, quam tenuit, rationem plane singularem, quam ipsemet in libro de *vita propria*, ex bibliotheca GABRIELIS NAVDAEI, Parisiis MDCXLIII edita, descripsit, memorabilis. Patuit autem ipsius exemplo, per astrologiam iudiciariam ad deliria prorsus inopia homines abripi posse †. Namque non tantum religionum fata, sed & ipsius Christi seruatoris natiuitatem ex astrorum deriuare posuit, stolido non minus, quam profano conatu ausus est ††. Nec tamen primus fuit, qui Christi natiuitatem astris tribueret, etsi ipse tam insani commentum primus inuentor videri vellet, cum iam alii ante ipsum simile quid tentarint; qua de re in sequentibus erit dicendi locus. MARTINVS DELRIO auctor est, Cardanum peculiari libro mortalitatem animæ asseruisse, quem amicis interdum ostenderit, non tamen in lucem emisit, *disquisit. magic. tom. I. libr. II. qu. XXVI. pag. 258.* ††† In medio hoc relinquit THEOPHILVS RAYNAVDVS, immo fortassis confictum esse, concedit, eo quod librum de *animarum immortalitate* scripserit, Lugduni

duni M DC XLV editum. Quanquam cum eo ipso opere, *cap. XIII. pag. 280.* aperte prodatur, futo se ac monitis prohiberi, reliqua dicere, quae de anima sentiret, suspicionem hinc esse, RAYNAVDVS asserit, hunc polypum ad eam scriptionem metu infamiae adactum, vere antea tale quid scripsisse contra animae immortalitatem, quale nonnulli referunt, idque doctrinae venenum eius in pectore, etiam post editum eum, quem retuli, librum delituisse. Hisce alia quaedam addit, tandemque concludit: *In summa*, tam multis, tam tetris, horrendisque propositionibus omnes fere libros suos incestavit Cardanus, ut suffixioni meritissimo patere posset, tanquam homo nullius religionis ac fidei, & inter clancularios atheos secundi ordinis in quo versamur, acuo suo facile princeps; erotemat. de bonis & malis libris, *pag. 27.* Eo minus autem iniuria Cardano fieri videtur, si inter atheos referatur, quod de se ipso diserte profitetur, se parum pium fuisse, de vita propria, *cap. XIII. pag. 59.* Sed hoc cum de cultu Numinis haud dubio intelligat, inde nondum euincere licet, eum fuisse athcum. Plurima potius occurrunt*, quae suadent, superstitioni eum ad ineptias vsque deditum fuisse. Huc inter alia & illud pertinet, quod de vita propria, *cap. XXXVII. pag. 266.* de seipso refert: *Laborabam, & iam diu ad desperationem vitae usque laboraueram, ut alias dixi, empyemate illo notho. Legeram in collectis a patre meo, si quis horam a matutina VIII. kalendas Aprilis exoraret virginem sanctam, ut filium rogaret pro re licita, genibus flexis, adiecta oratione dominica, nec non salutatione virginis Angelica, obtenturum, quod petierit: observavi diem horamque, peregi supplicationem, & non tunc statim; sed die corporis Christi, eodem anno liberatus prorsus sum.* Multa praeterea in scriptis eius occurrunt, quae ab atheismi suspicione eum liberant, quae in compendio SAMUEL PARKERVS adduxit, qui & recte tandem mea opinione pronuntiat, eum non omnino athcum, sed totum fanaticum fuisse, de Deo & providentia divina disput. I. sect. XXV. *pag. 77.* cui iudicio & PETRVS BAEIVS subscribit, *diction. histor. crit. voc. Cardanus, pag. 803. 804. †††*

† Nu-

† Nugæ Cardani ineptissimæ recensentur. *Melange Crit. de Litt. art.* 32. & a STOLLIO *Hist. Litt.* P. 2. C. 1. §. 90.

†† Videri meretur MENKEN. de la Charlat, des savans p. 205. & p. 206. præcipue tamen inspiciantur notæ. Adde HENR. CORN. AGRIPPAM de vanit. scient. p. 48. Edit. ops. i. e. Antwerp. Anni 1531.

††† DELRIO mirus nugarum artifex & virorum optimorum vernilis obrectator est. ait REIMM. Sect. 3. C. 4. §. 11.

†††† Idem fecerunt plurimi eruditorum: BLAKMORUS in *Bibl. Anglic.* eum pro Lunatico habendum putat, qui habuerit aliquando intervalla lucida; referente REIMM. l. c. certe, licet ineptiis fuerit deditus, inter doctissimos sui ævi merito refertur; ut & ipse J. C. SCALIGER, acerrimus cæteroquin ejus hostis, luculenter testatus est *Libro 16. Exter. Exerc.* Confer *Aman. Litt.* F. 1. p. 273.

*** Singulari THOMAM CAMPANELLAM, qui Styli, quod est Calabriae oppidum, anno M D LX natus, cum adoleuisset, Dominicanorum se addixit ordini, fuisse ingenio, sed fata quoque eum singularia expertum †, ex iis, quæ IANVS NICIVS ERYTHRAEVS, *pinacoth. I. pag.* 41. de eo disserit, notum est. Varia paradoxa cum libris suis inseruisset, in atheismi suspensionem tamen maxime venit ob librum, cui titulum fecit: *atheismus triumphatus*; quique Parisiis anno M DC XXXVI editus est, quemue *atheismum* potius *triumphantem* dicendum, iam pridem viri docti censuerunt. Certe plura ad euertendam, quam defendendam religionem christianam in eo occurrere, res ipsa docet. Legenda, quæ de eo obseruat LA CROZE, *entret. sur divers suiets d'histoire &c.* pag. 381. Ipse quidem, opus hocce cum primis contra *antichristianismum Machiavellisticum* se scripsisse, vult videri; idque in ipso titulo profitetur. Sed sub alia saltem forma cum impia Machiavelli dogmata produxisse, recte iam obseruatum IO. HENRICO BOECLERO, *Qualibus larvis Tho-*
mas

mas ille Campanella, nouae religionis, vt iactitat, repertor, reuera autem ad Callicatris instar, homo callidus, & ad fraudem acutus, sine vlla religione ac fide, publicis iudiciis voluit imponere. Cum enim vidisset, Machianellum ob vafra & improba eiusmodi consilia apud plerosque vapulare, ipse velut mangonio quodam adornata, quae Machianellus nuda protulerat, ita denno in theatrum induxit, vt & reprehenderet subinde Machianellum; & Machianelli tamen placita sedulo sub diuersis nominibus teneret; comment. in anal. Taciti libr. I. cap. II. §. VII. pag. 100. Exstat epistola Campanellae ad Casparem Scioppium, praefixa atheismo triumphato in codice Msto academiae Ienenfis, a viro clarissimo BYRCARDO GOTHELFF STRVVIO edita, in actis litterariis ex manuscriptis editis, fascic. II. p. 39 seqq. in qua Campanella fata sua exponit, simulque non dissimulat, talis sibi ab aduersariis obiecta, quae atheismi & impietatis eum arguerent. Deinde, inquit, accusarunt me, quod composuerim librum de tribus impostoribus, qui tamen inuenitur typis excusus annos triginta ante ortum meum ex vtero matris. Quae si vera essent, dubitari non posset, librum eiusmodi reuera existeret. Sed pergit: Deinde, quod sentirem cum Democrito: quoniam ego iam contra Democritum libros edideram. Item, quod de ecclesiae republica & doctrina male sentirem, cum tamen ipse de monarchia christianorum scripserim, ubi ostendi, nullum philosophum potuisse sic rectam depingere rempublicam, vt Romae ab apostolis instituta est; &c. pag. 74. 75. Cum primis adhuc obseruatu dignum puto, quod addit: Omitto, quanta scripserim contra Peripateticismum, qui est Zizania euangelii & officina Machianelli. Namque vel hinc intelligitur, multorum iudicio, nec sine ratione atheismi tum erumpentis fontem, philosophiam ethnicam, speciatim Peripateticam, habitam fuisse. Cuncta autem, ad Campanellam quod attinet, si accuratius pensitauero, eum inter eos atheos, qui directo Numinis existentiam negarunt, referendum non esse, existimo, hominem tamen
 profa-

profanum, religionisque expertem ††, & ad absō-
na quacuis defenſitanda paratum fuiſſe, negari pror-
sus nequit. Ita & DN. LA CROZE de eo pronun-
tiat, *entret. sur diuers ſuiets d'hiſtoire pag. 382. ſeqq.*

† 50 Vicibus carceri incluſus, ſepties tormentis ſubjectus
dicitur, inque cruciatibus, quos perpeſſus eſt, Philoſo-
phum plane animum prodidiſſe. Vide præter *Erythraum*
l. c. STOLLIVM *Hiſt. Litt. P. 2. C. 1. §. 92.*

†† Omnis religionis expertem fuiſſe non putat REIMM. *ſect.*
3. C. 4. §. 18.

* NICOLAVM MACHIAVELLVM, politicum illum Flo-
rentinum longe notiſſimum, paſſim inter atheos re-
ferri videas. Ipſe PAVLVS IOVIVS, cum fata eius
duriora deſcripſiſſet, addit: *Fuit exinde ſemper inops;*
vti irriſor & atheos &c. in elogijs pag. m. 194. THEO-
PHILVS RAYNAVDVS, cum atheorum, quos vocat;
clanculariorum, tertium ordinem eorum ſtatuiffet,
qui religioſum cultum eatenus probandum & reti-
nendum cenſent, quatenus ad continendos populos
in civili diſciplina & obedientia politica, poteſt con-
ducere, primum in eo locum Machiauello tribuit:
Tertiae, inquit, classi ductor omnium conſenſu eſt
Machiauellus, libris diſcurſuum, ac de principe; vs-
que eo tetrīs ac proiectae in religionem ac ſancta om-
nia audaciae, vt ipſi quoque ſectarii in eum calamos
ſtrinxerint, & omni ſtudio libros eius exterminandos
eſſe ſint profeſſi; erotem. de bonis & malis libris, p.
27. Cenſoribus equidem Machiauelli, quos pluri-
mos naſtus eſt, non temere eſt credendum, cum
inter eos ſint; qui ne ſcripta quidem eius legerunt,
aut, ſi legerunt, non intellexerunt, aut ipſi tan-
dem, quid in eo laudandum, quid vituperandum
ſit, nesciunt. Exemplo eſſe poteſt ANTONIVS POS-
SEVINVS, Ieſuita haud incelebris, cuius inſtinctu
maxime a Romana inquiſitione damnatus fuit Ma-
chiauelli princeps, quem tamen ne quidem ei le-
ctum fuiſſe, luculenter oſtendit HERMANNVS CON-

RIN-

RINGIVS, in *epistola ad Gebbardum ab Aluensleben*, Machiauelli *principi*, cum eius animaduersionibus edito, praemissa. Addit deinde idem CONRINGIVS: Si in alios porro Machiauelli damnatores accuratius inquiramus, non est etiam fortassis, quod eorum vel magnus numerus, vel auctoritas usque adeo quem statim in consensum abripiat. Certe res ipsa loquitur, eorum maximam copiam damnare, ne lecta sibi quidem, haud paucos iudicii inopia prodita, iam decoxisse existimationem; complures denique non nisi in speciem, & ut fucum vulgo faciant, Machiauellica detestari &c. Verissima quidem haec sunt, nec tamen ideo existimandum, iniuriam fieri Machiauello, si impietatis accusetur. De religione enim, speciatim christiana, non adeo praecclare cum sentire, tum ex *discursibus eius in Linium*, tum ex libro, cui titulus, *Princeps*, satis superque constat. Nec diffitetur id, quem iam laudauimus, vir summus, HERMANNVS CONRINGIVS. At vero, inquit, me quoque fatente, illa quidem Machiauelli accusatio instat, quod sacrorum nostrorum obrectator ille fuerit; passim enim ille denudat hunc suum animum impium, quantumvis nonnunquam simulet aliud, aut vero coactus sanctimonia religionis nostrae, quae ipsi impietati oculos perstringit, & dat illam in ruborem, alia docuerit. Huc inter alia & illud referas, quod Machiauellus docet, doctrinam christianam reipublicae rationibus non conuenire. Hoc enim si quis illi credat, non potest non etiam optare religionem, qua reipublicae rebus rectius consulatur. Quantopere vero hac in re fallatur, a me iam ostensum, in *dissertat. de concordia religionis christianae statusque civilis, cap. II. §. II. & V.* Praeterea & illud vel maxime, nec sine ratione, in Machiauello reprehendi solet, quod vim roburque virtutis ac honesti infregerit, dum non omnia tantum ad vtilitatem referre principem suum docuit, sed pro virtute solida simulationem virtutis commendauerit, si eam vtilitatis ratio postulet, immo a virtutis regia via subinde deflectendum prin-

cipi suaserit, si sua salua esse velit †. Non desunt equidem, qui ista eius asserta aut emollire, aut excusare annuntur, a quibus tamen iterum recte dissentit HERMANNVS CONRINGIVS: ego tamen, inquit, ingenue fateor, deprehensam etiam a me in variis Machiauelli scriptis minus rectam illam doctrinam, cuius nomine ille adeo male audit. Vt enim haud negauerim, sine malis artibus eiusmodi teneri haud posse inique parta imperia, nefas tamen est, illas in promiscuum usum principibus omnibus, immo omnibus rebus publicis commendare, id quod fecit Machiauellus. Certum est, nec solum, nec primum fuisse Machiauellum, qui talia docuit. Immo ipsum ARISTOTELEM, ne quid de aliis, tum philosophis, tum historicis, & inter hos de C. CORNELIO TACITO dicam, iam pridem eadem docuisse, Machiauellumque sua ex ARISTOTELE desumisse, idem, quem iam aliquoties laudauimus, HERMANNVS CONRINGIVS, non minus magnus Aristotelicae philosophiae itator ac vindex, quam ingenuus & cordatus Machiauelli censor, *introduc. in polit. Aristot. cap. III. pag. 683.* pronuntiat. Nicolaus Machiauellus, inquit, cymbalum illud politicarum artium, nullum fere dominatus arcanum consilium principem suum potuit docere, quod non dudum ante ad tyrannidem & dominatum conseruandam facere, Aristoteli libr. V. (politicorum) sit obseruatum. Quin sua omnia uaserrimus hic nequitiae doctor dissimulato plagio ex Aristotele fortasse transcripsit: eo tamen discrimine, quod hic impie & imprudenter omni principi commendat, quae nonnisi dominis ac tyrannis conuenire, longe rectius & prudentius scripserat ante Aristoteles. Negandum praeterea non est, cum ipsa hoc doceat experientia, plerosque principes rerumque dominos, suo id hodie comprobare exemplo, quod Machiauellus docuit. Quid vero de principibus dico? Quotus quisque etiam priuatae sortis hominum est, qui non omnia ad utilitatis suae rationem referat, & virtuti tantum tribuat, quantum hoc rebus suis expedire credit? Ita ergo cum omnes Machiauellum detestentur, reuera ni-

hil aliud agunt, quam quod Machiauellus docuit. Quare quod de mathematicis, seu astrologis c. CORNELIVS TACITVS pronuntiauit, *hiflor. lib. I. cap. XXII. recte etiam de Machiauellismo dixeris: veta- bitur femper & retinebitur.* Licet ergo Machiauellus directe, quantum conftat, existentiam Numinis non negauerit, aut impugnauerit, hominem tamen profanum, nullius religionis, nullius fidei fuiſſe, taliaque, quibus homines ipſi ſimiles redderentur, docuiſſe, ex hætenus dictis conſtat. Solent & alia de eo circumferri, ex quibus atheismi & impietatis conuinci queat, ſed ea non ſatis certa ſunt; cuiusmodi illud eſt, quod THEOPHILVS SPIZELIVS refert, in *ſcrutinio atheismi hiſtorico-aetiologicalo pag. 132.* Legendus & de eo PETRVS BAE- LIVS, *diſſert. hiſtor. crit. voc. Machiauellus*, pag. 1958. ſeqq.

† Cum Machiavelli *Principem & diſput. de R. P.* eo fine perlegerem, ut ſolide de ejus Atheismo iudicare poſſem; tam multa offendi (præſertim in ejus *Principe*) quæ omnem Religionem evertunt, ut ſatis mirari non potuerim, hominem tam ſollicite a nonnullis eſſe deſenſum. Scio equidem J. B. SCHUPPIUM in *diſſert. de opinione* opinari: Machiavellum principes deſcripiſſe, *non quales eſſe debent, ſed quales fuerint.* Verum quantum ſcio, id ex Machiavelli ſcriptis neutiquam colligi poteſt, & levitan- tum eſt conjectura.

** ANDREAS CAESALPINVS, Aretinus, medicus & philoſophus celeberrimus, qui Romæ anno M DC III mortuus eſt. Peripateticæ philoſophiæ, vt additiſſimus, ita peritiſſimus etiam fuit, adeo, vt iudice SAM. PARKERO, *recentiorum primus & pene poſtre- mus fuerit, qui, quid Ariſtoteles velit, cepiſſe viſus eſt; de Deo & providentia diſput. I. pag. 64.* Et ſane ſententia Caſalpini de Deo, cum mente Ari- ſtotelis, prout ſupra ad §. XV. eam expoſuimus, accurate convenit. Cuncta enim eo redeunt, mun- dum hunc ab omni æternitate extitiſſe, omneſque

naturae effectus ineuitabili quadam necessitate, Deo nihil ad hoc conferente, oriri; Deum supremam intelligentiam seu primum motorem esse, qui reliquis intelligentiis, quae singulis coelorum orbibus insistant, motum quendam, eorum adpetitum ciendo, imprimat, quem suis orbibus impertiant, orbis elementis, quorum diuersis motibus & misturis omnis generetur natura, adeoque ab initio ad exitum nihil consilio, sed bruta necessitate facta fuisse omnia. Ita accurate mentem Caesalpini, simulque ipsius Aristotelis, exprimit SAMUEL PARKERVS, *l. c. pag. 65.* Quae ad atheismum tendere nemo non intelligit, & ex iis, quae supra de Aristotele diximus, liquet. Vterius progreditur PETRVS BAE-LIVS, & Caesalpinum Spinozismi accusat, in *diction. hist. crit. voc. Caesalpinus, pag. 876.* Etsi enim cum Aristotele intelligentias sphaerarum coelestium motrices admittat, has tamen cum pro partibus saltem Dei, cum materia subtilissima ratione vniti, habere, quae etiam de animabus hominum, atque brutorum, eius sit sententia. Nec alia profecto mens Caesalpini fuisse videtur, vti etiam GERHARDO IOANNI VOSSIO obseruatum, de *orig. & progressu idololatriae libr. II. cap. XL pag. 531.* Iungenda, quae dixi in *differtat. de Spinozismo ante Spinozam.* §. XVI.

*** CLAVDIVS BERIGARDVS, Molinensis; adeoque gente quidem Gallus, sed in Italiam transplantatus, celebris seculi decimi septimi philosophus. Cum in academia Parisiensi magnam eruditionis famam sibi comparasset, a magno Etruriae Duce Pisam vocatus, per annos duodecim philosophiam ibi docuit, quod & deinceps Patauī fecit. Editō autem anno MDCXLIII circulo, quem vocat, *Pisano*, atheismi suspicionem apud multos subiit. Nec sine ratione. Dum enim hocce opus per modum dialogi conscripsit; sermonem in duas personas, *Charilaum & Aristaeum distribuit, quorum alter Aristotelem, qui praeter materiam quendam, primum motorem,*

zorem, providentiae tamen expertem, posuit, alter antiquos istos (Ionicos) defendit, quos omnia corporea esse velle, nullumque primum motorem ab universo corporeo distinxisse, putavit. Atque adeo uno eodemque opere diversas cum Epicureae, tum Peripateticae impietatis rationes adornavit, quanquam Aristotelis disciplinam fusius & ardentius excoluit; &c. Ita SAMUEL PARKERVS, de Deo & providentia disputat. I. sect. XXIV. pag. 67. apud quem & reliqua legi possunt. Confirmat haec PETRVS DE VILLEMANDY, in scepticismo debellato pag. II. ubi simul ostendit, Berigardum in scepticorum etiam militasse castris.

- * CAESAR CREMONINVS, e Cento, oppido Mutinensis agri oriundus, Ferrariac primum, deinde Patavii philosophiam magna celebritate docuit, ultimoque in loco octuagenarius anno M DC XXX funesta peste extinctus est †. Aristotelem itidem ducem atque magistrum secutus est, eius placita reliquis omnibus praeferebat. IOAN. IMPERIALIS cum eum Francisco Piccolomineo successorem datum memorasset, addit: *tanto autem per quadraginta annos in eo munere consummatae gloriae fastu (vixit) ut ARISTOTELIS GENIUS, & graecorum lucerna interpretum, omnium vocibus praedicaretur; in museo historico, p. m. 178.* Quod autem in atheismi suspicionem apud nonnullos venit, inde factum est, quod animae in dubium vocasse immortalitatem creditus est. Qua de re iterum IO. IMPERIALIS: *Tanta versatilis ingenii decora turbavit una studentium animis imbibita opinio, quod is deteriores & reprobatores de rebus physicis sensus tueretur acrius, quam orthodoxae fidei liceret alumno: olet enim vero morbofi animi virus, diuinis hominum spiritus cum brutis animantibus communes facere, corruptionique reddere obnoxios, vesano hercle rationis ausu, quando quisque, nisi amens, celatos percipiat in se ipso igniculos mentis, etiam ad posteros duraturae.* LAVRENTIVS CRASSVS, dum eadem fere de Caesare Cremoni-

monino retulisset, hoc tamen addit, secundum mentem sententiamque Aristotelis hoc eum docuisse, *eleg. hum. litter. tom. II. pag. 124.* Si ergo saltem secundum mentem Aristotelis hoc dixit, nihil obstat, quo minus secundum scripturam sacram animam hominis immortalem crediderit. Sane fieri potuit, vt reuera animas hominum mortales crederet, & hanc restrictionem, secundum mentem Aristotelis saltem id se asserere, ad impietatis infamiam euitandam adiceret. Sed cum de intimis mentis recessibus iudicare, hominum vires superet, in mitiorem & de Cremonino prohuntiandum partem, nonnulli existimant. 10. IMPERIALIS & alia addit, ob quae impietatis suspensionem subiecit: *Sed alias pariter de fato, de mundo, de coeli motoribus placita perperam interpretatus est, loc. cit. pag. 180* ††. At causam Cremonini aduersus Imperialem egit PAGANINVS GAUDENTIVS, in *diatriba historica, de Caesare Cremonino, Iulio Pacio atque Ioanne Barclio*, libro de *euulgatis Romani imperii arcanis*, annexa, memorante THEOPHILO SPIZELIO, de *atheismi radice*, pag. 20. Quod vero ab aliis adfertur, & GISEBERTVS VOETIVS sibi persuaderi passus erat, Cremoninum, vt indicaret, animae immortalitatem se non credere, hoc sibi epitaphium confici voluisse: *Caesar Cremoninus hic totus iacet*, hoc falsum esse, ipsemet agnoscit VOETIVS, *disp. de atheismo tom. I. disp. selectar. pag. 206.*

† Videatur *Epist. BALTH. BONIFACII*, quae est 29. *Epist. Clar. Virorum ex Biblioth. GUDII.*

†† Quae ex *Naudaanis* refert STOLLIUS *Hist. Litt. P. 2. C. I. §. 84.* IMPERIALIS sententiam haud parum confirmare videntur.

** COSMVS RVGGERIVS, Florentinus, ob astrologiae peritiam, Catharinae de Medicis, Galliae reginae, fauorem, & celebritatem quandam obtinuit. Artium magicarum accusatus, & ad triremes condemnatus,

natus, libertatem iterum obtinuit. Obiit tandem post varia fata Parisiis, anno M. DC. XV, cum antea professus esset, se non alios diabolos, quam inimicos, quos quisque habeat, nec alium Deum, quam principes, qui beneficia in alios conferre possint, credere. Legenda quae de eo differit PETERVS BAE-
LIVS, in *dict. hist. crit. voc. Ruggerius*, p. 2526. vbi & disquirat, an magicae artes illi tribui queant, qui nec Deum, nec diabolum credit.

*** PAVLVS IOVIVS, historicus ille notissimus, in quo praeter alia & hoc reprehendi solet, quod calamum venalem habuerit subinde atheis annumeratur, speciatim & a ROBIA WAGNERO, in *examine elench-tico atheismi speculatiui cap. V. pag. 10*. Sed docuisse eum talia, ex quibus jure atheismi coargui queat, nullo, quod mihi quidem innotuit, haecenus comprobatum est documento. Probatis non fuisse moribus, vel ipsa illa, quam in historiis ad fauorem aliorum captandum componendis, monstrauit, animi leuitas ostendit. Confirmat idem IO. IMPE-
RIALIS; iciuna & ridicula excusatione vitium, quod de eo narrat, eo magis exaggerans: *Nam quod te (Iouium alloquitur) laxius atque intemperantius vi-xisse, dicunt, quam ecclesiasticum † deceret, sacris-que oscitantius vacasse precibus, iis praesertim, quae quotidie a singulis recoluntur clericis, sunt hae minutulorum quorundam grammaticorum voces, qui tuum cum attingere nequeant excellentiae fastigium, ad iurgia facile ac misere prolabantur, &c. in musco historico p. m. 6.*

† Sciendum est, illum Episcopum Nucerinum fuisse.

* Quantum ad litteras meliores restaurandas contulerit ANGELVS POLITIANVS, quemue inter primos eorum statores ac vindices teneat locum, non temere quisquam ignorabit. Sed non minus inter atheos cum passim referri, omnibus notum. Do-

cumento est maximum, quod prae se tulit, diuinarum litterarum vilipendium. LVDOVICVS VIVES auctor est, *totam eum sacram lectionem aspernatum, lib. II. de veritate fidei christian. p. 264.* Accedit PHILIPPVS MELANCHTHON, qui semel ait, *solum eum sacras litteras legisse, dixisseque, nullum se tempus peius collocasse, tom. III. declamation. p. 545.* Hinc saepissime hoc ab aliis repetitum †. Exculare quidem eum GERARDVS IOANNES VOSSIVS, de *Poëtis latinis c. VI. & rationibus quibusdam euincere conatur*, parum hoc esse verosimile; quem & ANTONIVS BORREMANSIVS sequitur, *variar. lection. cap. XI. p. 126.* Sed eas ita neutiquam comparatas esse, rationes, vt a MELANCHTHONE, aliisque dicta, conuellere aut laefactare queant, ostendit THOMAS CRENIVS, *animaduerfion. historiar. & philologicar. part. III. pag. 23.* Odas praeterea Pindari psalmis Davidicis non tam praetulisse, quam equiparasse dicitur; quamuis hoc ab aliis LAZARO BONAMICO tribuatur. Legenda, quae hac de re monet PETRVS BAEIVS, *diction. histor. critic. voc. Politianus pag. 2467.* Improbis ergo & profanis fuisse moribus Angelum Politianum, religionisque curam in minimis posuisse, non est, quod dubitemus. Si eam ob rem atheus dicendus est, paucos forte inter eruditos, eos praesertim, qui secularium litterarum studio toti addicti sunt, repertas, qui non in eundem referendi fuerint censum.

† HENR. CORN. AGRIPPA *de Vanit. scientiarum* plurima exempla eorum, qui sacras litteras contemptui habuerunt, adnotavit; inter quos tamen multi fuerunt, qui inter Atheos directe referri non possunt.

** Iungitur haud immerito Angelo Politiano HERMOLAVS BARBARVS, quippe qui & eodem tempore vixit, & inter primos itidem bonarum litterarum restauratores haud vltimum locum tenuit †. Inter atheos passim referri solet. Sufficiat nominare RHEOPHILVM SPIZELIVM, qui cum & Angeli Politiani inter atheos

theos mentionem fecisset, de Hermolao *Barbaro*, inquit, *quamuis patriarcha Aquiliensi videndus Monlorius tractat. de entelechia*. Dum ad *MONLORII* tractatum de *entelechia* nos ablegat, haud dubio illud in animo habuit, quod vulgo circumfertur, Barbarum super significatione vocis *ἰντελέχεια*, qua Aristoteles vsus est, daemonem consuluisse. Et sane plurimi hoc de eo referunt. Quod si etiam *PETRO CRINITO* credimus, de *honestâ disciplina libr. VI. cap. XI.* ipsemet hoc fassus est Barbarus. Sed si vel maxime hoc ita se habeat, atheum eum fuisse, inde non sequitur. Alia aut in doctrina, aut vita eius, quae eum atheismi arguere queant, inuenire non potui.

† Utpote

----- *dictus qui Barbarus olim*

Barbaricum tamen Italicis procul expulit oris.

Vide *HORNII Hist. Philos. L. 6. C. 6.* *STOLLII Hist. Litt. P. 2. C. 1. §. 84.* & *REIMM. Sect. 3. C. 3. §. 16.*

*** Quam male Beneuentanus hicce archiepiscopus *IO. CASA*, ob laudatam carmine paederaſtiam paſſim audiat, nemini temere ignotum eſſe poteſt, cum ſacpiſſime in ſcriptis fere innumeris hoc ei ſit exprobratum. Soletque & hoc nomine a quibusdam inter atheos referri; quod haud dubio de practicis intelligunt. Non deſunt equidem, qui a criminis antea memorati ſuſpicionem eum liberant, quod nuper etiam fecit vir clariffimus, *NICOL. HIERONYMVS GVNDLINGIVS*, obſeruat. *ſelectar. ad rem litterar. ſpectantium, tom. I. obſeruat. V. pag. 120. ſeqq.* Nec tamen ipſe doctiſſimus eius apoſogeta diſſitetur, talia in liſto carmine occurrere, quae callas aures offendunt, animique impuri & laſciui praebent iudicium. Adde ſaltem, quod de eo *IO. IMPERIALIS* refert, eum ob vitae impurae ſuſpicionem ſpe obtinendi cardinalitiam dignitatem excidiſſe. Idque cum memorafſet, ſubiicit: *Ita nec forſitan mentiuntur alii, perhibentes, eum a pueribus vsque annis*

G 5

pluri-

plurimum luxui deditum extitisse, a quo vel sacro etiam indutus archiepiscopi sformate non desciuit; in museo historico pag. m. 27.

- * M. ANTONIVS MVRETVS, oratorum seculi sui facile princeps, elegantiorumque litterarum summus antistes, Gallus quidem gente fuit, sed in Italiam delatus, Romae tandem, quod reliquum fuit, vitae tempus transegit, ibique anno M DC XXXV vitam cum morte commutavit. Impietatis & epicureismi suspectum fuisse, pronuntiat THEOPHILVS PIZELIVS, in *scrutinio atheismi historico-aetiologico*, pag. 22. Certe magnorum criminum & ab aliis reus agitur †, quod nec IANVS NICIVS ERYTHRAEVS diffiteri potest, in laudes eius ceteroquin profusus, qui & eum tandem respuisse, auctor est, *pinacoth. I. imagin. illustr. pag. m. 13. 14.* Dolendum, inter viros doctos tam multos esse, qui impuris moribus non tam sibi, quam ipsis litteris labem adaspergunt. Non tamen ideo statim inter atheos proprie sic dictos referendi sunt ††.

- † ERYTHRAEVS l. c. scribit: illum Tolosae, criminis, cujus insimulatus erat (sodomiae dicunt) supplicium, vix evasisse; idque J. SCALIGERUM, cui ille verba dederat, atque epigramma recens a se compositum, pro vetere obtruserat, ipsi exprobrasse hoc disticho:

*Qui flammis rigida vitaverat ante Tolosa,
Muretus, fumos vendidit ille mihi.*

Conf. quoque notas ad MENKEN. *de la Charl. de savans p. 83.* a Sodomitico crimine eum absolvit JOH. VOGTIUS juxta REIMM. *Secl. 3. C. 5. §. 10.*

- †† De BERNH. OCHINO, PETRO BEMBO aliisque Italis, qui Atheismi postulati fuere, passim scriptores agunt: ex multis v. REIMM. *Secl. 3. c. 3. & 4.* de BURRHO lege *Aman. Litt. T. 5. p. 141. & seqq.*

§. XXV.

Nec sola tamen Italia atheorum patria censenda, etsi eorum prae aliis regionibus sit feracissima. Galliam quoque eiusmodi monstra producere, ex doctorum virorum testimoniis constat, & ipsa quoque experientia docet *. Ne quid enim de obscurioribus quibusdam dicam **, FRANCISCVS ille RABELESIVS, si non inter theoreticos, certe inter practicos, haud vltimum locum tenet ***. De MICHAELE MONTANO diuersa extant virorum doctorum iudicia *. RENATVS CARTESIVS ab hac suspicione merito liberatur, etsi incaute quaedam docuerit, quae atheis inferuire possunt **. PETRVS BAEIVS haud raro itidem arma atheis suppeditat, dumque contra eos pugnat, non serio satis rem agere videtur: hinc & ipse a nonnullis in atheismi suspensionem adductus ***.

- * MARIO MERSENNO si credimus, ingens athcorum ipsius aetate in Gallia fuit multitudo. Parisiis namque anno M DC XXIII eorum numerum ad 60000. excreuisse, auctor est, immo in vnica domo duodecim subinde homines reperiri, qui eiusdem impietatis rei sint, *comment. in genes. pag. 671.* Reperunt hoc ex eo GISBERTVS VOETIVS, *disputat. de atheismo, tom. I. disputation. selectar. pag. 218.* THEOPHILVS SPIZELIVS, in *scrutinio atheismi, pag. 26.* aliique plurimi. Quod si de practico, quem vocant, atheismo capias, seu hominibus, quorum improbi prauique mores sunt, haud difficulter crediderim. Immo longe plures ibi & olim fuisse, & hodie esse, nec pauciores alibi terrarum reperiri, lubens concefferim. De theoreticis vero, seu atheis, proprie

proprie sic dictis, si hoc intelligas, fidem, fateor, superat. Et qui MERSENNVS tam accurate numerum eorum inire potuit? conf. LA CROZE, *entreteiens sur diuers sujets d'histoire*, pag. 398. Multa alia de atheis Galliae adfert THEOPHILVS SPIZELIVS, *loc. cit.* sed vt tandem fateri necesse habeat: *Quicquid auctores hactenus citati de atheis in Gallia conqueruntur, id nentiquam de atheis directe talibus, & aperte Deum negantibus, est intelligendum, &c.*

** Huc refero GOTHOFREDVM A VALLE, atque BONAVENTVRAM DE PERIERS. Illum librum, de arte nihil credendi, edidisse, & ob atheismum Parisiis anno M D LXII combustum, ferunt. Ita post GISBERTVM VOETIVM, *disput. de atheismo* THEOPHILVS SPIZELIVS, de *atheismo eradicando*, pag. 16. & DANIEL GEORGIUS MORHOFIVS, *polybist. litter. tom. I. lib. I. cap. VIII. pag. 79.* Sed LA CROIX DV MAINE, *bibl. gallic. pag. 125.* alium eius librum memorat, & ob haeresin, Parisiis M D LXXIV combustum, auctor est. Liber, de arte nihil credendi, nemini illorum, qui eius meminerunt, visus est. Nec aliud quid, de homine hocce atheo, innotuit, de quo & videndus PETRVS BAELIVS, *dictionar. histor. critic. voc. de la Vallée*, pag. 2940. BONAVENTVRAM DE PERIERS, auctorem libri impii & blasphemii, *cymbalum mundi*, dicti, esse ferunt †, quanquam alii saltem hunc librum ex lingua latina in gallicanam ab eo traductum, perhibeant. Mentionem eius facit GISBERTVS VOETIVS, *loc. cit. pag. 199.* quem & alii sequuntur. Iungendus PETRVS BAELIVS, qui nec huncce librum sibi visum profitetur, *voc. Periers. pag. 2350. ††.*

† FELIX DE COMMERCE sive R. MARCHAND in peculiari epistola de *cymbalo Mundi* Bonaventurae famam restituere annisus est. REIMM. *Sect. 3. C. 5. §. 3.* qui quoque §. 4. alius cuiusdam scripti Homonymi, & pessimi commatis meminit.

†† Obscurioribus inter Gallos Atheis, Anonymum illum adde-

addere liceat, cujus mentio fit in *Præf.* elegantissimi libelli Domini de SALIGNAC de la MOTHE FENELON de l'existence de Dieu &c. pag. 18. versionis Belg. nec non nobilem illum piratam de FEMERICOURT, qui omnia, quæ de cælo & infernis docentur, fabulis accensebat; ut refert CHARDYN *Itin. Pers.* P. 1. C. 1.

- *** ERANCISCVS RABELESIVS, monachus primum, deinde medicus, circa medium seculi decimi sexti vixit, bonarumque litterarum haud rudis fuit; postremo autem, auctore AVGVSTO THVANO, omni studio serio omisso, se totum vitæ solutæ, ac gulæ mancipavit, & ridendi artem, hominis (sicut ipse aiebat) propriam amplexus, democritica libertate & scurrili interdum dicacitate scriptum ingeniosissimum fecit, quo vitæ regnique cunctos ordines quasi in scenam sub fictis nominibus produxit, & populo deridendos propinavit; de vita sua lib. VI. pag. m. 95. Profanam mentem, animique leuitatem summam, ut hac ratione testatus est; ita non defuerunt, qui eum in atheismi suspensionem vocarent. Quod tamen itidem de practico potius, ut credo, quam theoretico atheismo intellexerunt. Iudicia de eo doctorum virorum in compendio exhibet THOMAS POPEBLOVNT, in *censura celebrior. auctor. pag. 631. seqq.*

- * Non temere discrepancia magis a se invicem de quorum extant virorum doctorum iudicia, quam de MICHAELE MONTANO, ob *tentamina* (les *Essais*) quæ edidit, longe notissimo. Nonnullis enim ob sapientiam *Galliae Thales* audit, & ob eruditionem laudibus in coelum tollitur. Alii & sapientiam, & vim iudicii, & pietatem in eo requirunt, immo omnino inter atheos referunt. Varias in utramque partem de eo pronuntiatas sententias collegit THOMAS POPEBLOVNT, in *censura celebr. auctor. pag. 819. seqq.* cui & iungendus ANTONIVS TEISSIERIVS, in *addit. ad elogia Thuanæa, tom. II. p. m. 195. seqq.* Oportus in eius ingenio expendendo est MALBRANCHIVS, qui præter iudicii defectum, & alia vitia, cumprimis propensionem ad scepticismum, in eo notat,

notat, de la recherche de la verité libr. II. part. III. cap. V. pag. 279. Nec mitius de eo sentit auctor artis cogitandi, part. III. cap. XX. pag. 265. immo & impietatis notam ei inurit: Sed vanitatem praecipue non criminor: tot enim pudendis praeterea famosus flagitiis est, tot scatet impiis & Epicuraeis placitis, ut mirum sit, illi tamdiu per leges licuisse orbem obambulare, omniumque passim manibus teri, multosque viros ceteroquin perspicaces latentis veneni malignitatem non deprehendisse. Nec sane alia conqurenda impietatis indicia, quam modus, quo suis de vitiis ipse loquitur. Cum enim multis in locis multa se crimina fateatur perpetrasse, in aliis tamen indicat, se illorum non poenitere, seque eodem quo vixerat, modo victurum, si ante actae vitae spatium iterum esset decurrendum. Profanum hominem fuisse, nemo, qui tentamina eius legit, dubitauerit. Magis tamen ex iactantia quadam & ostentatione, quam animi persuasione, profecta videntur, quae parum pie aut sobrie ab eo dicta sunt. Nescio enim, quam gloriam ex eo captare videtur, si sentiendi libertatem praeseferat. Negari tamen etiam nequit, multa recte & sapienter dicta in hocce eius libro occurrere. †

† De Montano prorsus videatur STOLLIVS *Hist. Litt. P. 3. C. 1. §. 55. & Melange Crit. de Litt. art. 65.*

** Non semel RENATVS CARTESIVS, philosophorum, quos recentior aetas tulit, facile princeps, & atheismi & scepticismi accusatus fuit †. Et ad atheismum quidem quod attinet, dum ipse adhuc vivebat, MARTINVS SCHOOCKIVS, professor philosophiae Groeningensis, huius eum postulare criminis, nullus dubitavit: accusatus tamen coram magistratu, se Cartesio fecisse iniuriam, agnoscere coactus est. Pluribus hoc exponit ADRIANVS BAILLETVS, in *vitæ Cartesii tom. II. pag. 252. add. PETRVS BAEIVS, diction. histor. crit. voc. Andreas (Tobias) pag. 245.* Idem praeterea fecit GISBERTVS VOETIVS, hostis Cartesii capitalis, ex cuius etiam discipulis anonymus

inus quidam in *admiranda methodo nouae philosophiae Renati des Cartes*, Vltraiekti M DC XLIII edita, non tantum occulti atheismi Cartesium accusat, sed comparationem etiam inter ipsum atque Vaninum instituit. Ad quam tamen criminationem ipse Cartesius solide respondet, *operum eius philosoph. iunctim editorum*, pag. m. 374. *seqq.* Et sane nihil ineptius cogitari poterat, quam ista Cartesii atque Vanini comparatio, etsi mentem votumque auctoris aperte satis exprimat. Scepticismi in atheismi tandem abeuntis a pluribus accusatus fuit, idque eam maxime ob causam, quod a dubitatione omnimoda & vniuersali philosophiam suam exorsus sit, ea quidem ratione, vt scepticis, quos se oppugnare videri voluerit, vel serio putauerit, reuera arma, quibus rerum omnium certitudinem impugnarent, tradiderit; vid. SAMVEL PARKERVS, de *Deo & providentia*, disput. VI. sect. XV. pag. 335. *seqq.* PETRVS DANIEL HVETIVS, in *censura philosophiae Cartesianae*, cap. I. §. XV. pag. m. 24. Sed qui rem omnem paulo accuratius expendunt, facile deprehendent, non prorsus cum scepticis consentire Cartesium. Licet enim ad certum tempus omnia, etiam principia euidentissima in dubium vocare, sibi que persuadere conatus sit, nihil certi vllibi se reperire, non tamen prorsus negauit, nihil satis liquido satisque certo percipi posse, quae erat scepticorum sententia, sed tandem in certo principio pedem fixit, ex dubitatione ista emerfit, & certa veritatis criteria constituit. Quemadmodum autem Cartesius nec scepticismi, nec atheismi iure accusari potest, ita diffitendum non est, eum talia docuisse, quae & atheis & scepticis inferuire possunt; etsi haud dubio animo non malo. practerque intentionem id fecerit. Et inter haec quidem primum omnino locum tenet dubitationis ille excessus, a quo philosophiae suae initium sumsit. Peccauit namque, dum de rebus euidentissimis dubitavit, de quibus dubitare non licet, nec sanae mentis homo dubitare potest. Peccauit, dum eiusmodi rationibus rerum omnium certitudinem conuellere annisus est, quae non possunt

non

nōn ad scepticismum ducere, cuiusmodi illud est, nescire nos, annon ita a Deo facti simus, ut semper fallamur, & quae alia sunt eiusdem generis. Cumprimis in eo grauitur peccauit, quod de ipsa Dei existentia dubitauit. Dubitasse enim, ex *meditatione* eius *I.* pariter ac *II.* satis liquet. Atque hoc etiam nomine vel maxime a nonnullis atheismi arguitur. Sunt sane, qui eum excusare annituntur; & nonnulli quidem, quod non serio de Numinis existentia dubitauerit, sed eiusmodi quid saltem finxerit; alii vero, quod dubitatio eius non in negatione, sed iudicii saltem suspensione constiterit; alii, quod temporaria saltem ista fuerit dubitatio, ex qua mox iterum eluctatus sit; alii denique, qui forte omnium optime eius causam agunt, quod non tam de ipsa existentia Dei, quam de argumentis, quibus probari soleat, dubitauerit, de qua interim ex scriptura sacra longe fuerit certissimus. Ego quidem ob istam dubitationem, etsi reuera ineptam, eum atheis adscribere nolim: vitio tamen eam non carere, nemo profecto, qui serio in rem omnem expenderit, inficiatus fuerit ††. Legi hac de re merentur binæ, dissertationes viri clarissimi, IAC. GVILIELMI FEVERLINI, in nostra academia ante aliquot annos habitæ, quarum altera *dubitationem Cartesianam, eamque a Sceptica & Aristotelica dubitatione distinctam, periculosam tamen*, proponit; altera autem, *in quantum Cartesio atheismus, atque scepticismus possint imputari*, disquirat. Praeter hanc & alia sunt Cartesii dogmata, quae atheis haud ingrata esse censentur, cumprimis vero illud, quod finium considerationem a rerum naturalium tractatione exclusam voluerit †††, quae tamen efficacissima ad atheos conuincendos argumenta suppeditat, & eiusmodi mundi huius ex materiae dispositione originem commentus sit, a qua Deus tandem abesse queat; vid. SAMV'L PARKERVS, *de Deo & providentia, disp. III. sect. XV. pag. 281. seqq.* Sed nec ipsa illa, qua vsus est, probandi existentiam Numinis ratio, ex idea Dei omnium mentibus insita, omnibus placuit, mul-

multisque plus subtilitatis, quam soliditatis habere videtur††††; qua de re in sequentibus erit dicendi locus; ne quid de eo dicam, quod immediate a Deo motus omnes effici statuit, vnde systēma causarum occasionalium††††, quod nisi caute admodum adhibeatur, ad Spinozismum ducere nonnullis videtur. Mitto reliqua, cum hæc præcipua sint, quæ ab atheis arripi possunt, etsi hoc præter mentem, præterque intentionem fiat Cartesii.

† Plurimos tamen habuit fautores & discipulos, inter quos haud pauci fuerunt Viri optimi & eruditissimi. Primi Cartesii discipuli fuerunt M. MERSENNVS, JOH. DE RAËY, ADR. HEREBORD, JAC. GOLIUS, HENR. REGIUS, alique: Media Cartesianismi ætate eminuerunt HEIDANUS, WITTICHIVS, CLAUBERGIVS, POIRETUS (licet contra Cartesium scripserit) BURMANNUS, GOUSSETIVS, ROELLIUS &c. nec hodie defunt inter summos viros, qui, præsertim in Metaphysicis, ejus Philosophiam sequuntur. Lectu dignissima sunt, quæ habet WEISMANNUS *Hist. Eccles. T. 2. p. 905. & seqq.* adde BUNDEI *Isag. L. Pest. C. 7. §. 9.* & STOLLIVM *Hist. Litt.* variis locis: qui quoque de adversariis, quos Cartesius plurimos nactus est, & inter quos JOH. REGIUS non ultimum locum tenet, videri possunt.

†† Cartesii dubitationem ab omni crimine vindicare conati sunt ANT. LE GRAND, VOLDERUS, ANDALA &c. & profecto dubitatio universalis, si recte adhibeatur, magna specie defendi potest: Si nimirum per eam intelligamus illam mentis actuositatem, per quam, edocti quam misere opinio in plurimis nos fefellerit, omnes, quas mente amplexi sumus propositiones, quæque tamen inter prima axiomata referri non possunt, vel pro incertis habeamus, usque dum illorum certitudo pateat; vel, si pro incertis haberi nequeant, tamen cum cæteris, æque ac si incertæ essent, ad rigidius examen revocemus, ut hoc pacto errorum impedimenta eluctemur, & de veritate eo certiores evadamus, forte Cartesius nihil aliud voluit: licet lubenter concesserim, ipsum aliquantulum extra modum dubitationi indulgisse.

††† *Prin. ip. P. 3. §. 2. & 3.* cavendum monet, ne nimis superbe de nobis ipsis sentientes, fines, quos Deus sibi proposuit

posuit in Mundi creatione, a nobis intelligi supponamus: & negat finem subordinatum, propter quem Deus Mundum condidit, pleno sensu dici posse usum, quem homines ex cæteris creaturis capiunt.

††† Plurimi equidem homines abstractis cogitationibus haud apti nati sunt, & quæ non intelligere possunt temere aspernantur; alii partium quoque studio in transversa abripiuntur: nonnulli denique, nescio quo infortunio, vim hujus demonstrationis non perferunt.

†††† Vide Goussetii Apologiam: *Causarum prima & secundarum realis operatio* &c.

** Exquisite eruditionis, ingenique acutissimi laudem non temere quisquam PETRO BÆLIO deneget. Talia autem eum subinde docuisse, quæ in atheismi, pravaeque de Deo & religione existimationis suspicionem eum inducere queant, nemini itidem, nisi iis, qui scripta eius nunquam legerunt, ignotum esse potest. Hinc & non semel atheismi accusatus est †. Ex instituto id iam pridem egit PETRVS IVRIEV, in libro: *le philosophe de Rotterdam, accusé, atteint & convaincu*, &c. quem tamen adfectibus aliquid dedisse, non nego ††. Quæ a IO. CLERICO, IAC. BERNARDO, & IS. IAQUELOTTIO, in ultimo illo certamine, cui immortalis est, ei obiecta sint, neminem fugit. Et si enim de Manichæis præcipue, eorumque duplici principio, deque rationis & fidei conformitate disputabatur, Bælii tamen de hisce omnibus asserta ita comparata erant, ut atheismi & profanae mentis de eo suspicionem, non potuerint non admodum augere. Manichæismus certe ab atheismo non multum differt. Qui enim duplex principium independens & æquale admittit, ille reuera nullum Deum admittit. Ad ipsam enim Dei notionem pertinet, ut solus sit principium independens, cui aliud eiusdem potentiae nullo modo opponi queat. Quare rationis tam exigua vim sibi esse persuadet, ut obiectionibus atheo-

atheorum contra providentiam non aliter, quam per absurdissimam Manichaeorum hypothesin, occurrere queat: nae! ille reuera atheis victoriam concedit. Idem enim est, ac si dicat, eas obiectiones solui non posse, quod & haud semel Baelius diserte fatetur. Quod autem fidem in tantum euehere videtur, in quantum deprimit rationem, id certe dicis causa fit, nisi me omnia fallunt, & ad caliginem offundendam simplicioribus. Non male id mihi obseruasse videtur PETRVS POIRET, qui de eo verba faciens, unde, inquit, dum rationem videtur suppressere velle, vt fidei soli detur locus, hanc potius pudendum in modum derisit & proculcavit, vt alteram omni molimine in altum eueheret, in praefat. libro, cui titulus: *fides & ratio collatae*, praemissa, pag. 30. Ipse equidem Petrus Baelius tum hanc atheismi suspicionem a se amoliri, tum, quae in gratiam Pyrrhonorum & Manichaeorum dixerat, emollire & excusare annisus est, in dissertatione peculiari, *dictionary eius historico-critico subnexa*, pag. 3136. seqq. Sed nondum profecto omnibus satisfecit. Et ad atheismum quidem quod attinet, id saltem agit, vt ostendat, quae de virtutibus & honestate atheorum dixit, sibi fraudi esse non posse, quod satis quidem frigide probat; reliqua autem, quae ei obiici poterant, aut obiecta sunt, non attingit. Mirum itaque non est, quod adhuc passim atheismi arguatur, quod nuper ex instituto fecit PETRVS POIRET, in *dissertatione de duplici discendi methodo, deque simulato Petri Baelii contra Spinozae atheismum certamine*, nouae, cogitationum eius rationalium de Deo, anima & malo editioni, quae anno M DCC XV prodiit, praemissa. Sanc, qui paulo accuratius secum considerauerit, quanto studio atheorum numerum augeat, adeo, vt integras gentes in huncce referre ordinem non dubitet, *continuat. des pensées diuerses §. CXIII. pag. 537. seqq. it. reponse aux questions d'un provincial. tom. IV. cap. XI. XII. pag. 136. seqq.* quam acriter argumentum a consensu gentium pro existentia Dei

defumtum, impugnet, *continuat. des pensées &c.* §. XIII. *seqq. pag. 51. seqq.* simulque notitiam Dei insitam reiiciat, *loc. cit.* §. XVI. *pag. 60 seqq.* quam id omnibus viribus agat, ut atheismum extenuet, illum ideo maius malum, quam idololatriam aut superstitionem esse, negans, idque variis rationibus euincere allaborans, *pensées diverses &c.* §. CXIV. *p. 225. seqq.* intellectum & voluntatem in homine superstitioso rectius se habere abnuens, quam in atheo, *ib.* §. CXXII. *pag. 237.* praeterea, quam strenue, ut atheos homines honestati & virtuti deditos fuisse, quavis data occasione, euincere allaboret, indeque porro concludat, atheismum neutiquam ad morum corruptionem ducere, adeoque nec noxium reipublicae esse, tum alibi, tum in *pensées*, §. CXXXIII. *pag. 261. seqq.* quae omnia confirmat, & plura adhuc eiusdem generis addit, dans la *continuation des pensées*, §. LXX. *pag. 407. seqq.* it. *reponse aux questions d'un provincial. tom. IV. cap. XVII. seqq. pag. 232. seqq.* quam omnem occasionem capter, argumenta atheorum quam speciosissime proferendi, & ea pro insolubilibus venditandi, aut responsiones ieiunas subiiciendi, immo ex praestantissimorum philosophorum, qui contra atheos scripserunt, libris, talia exsculpendi, quae ipsis atheis faueant, cuius rei singulare exemplum extat, *continuat. des pensées &c.* §. XXI. *pag. 86. seqq.* haec, inquam, omnia, & reliqua, quae pro atheis, & in eorum gratiam tam operose dixit vir doctissimus, qui paulo accuratius secum expendit, aut me omnia fallunt, aut non prorsus ab omni atheismi suspicione eum absolui posse; fatebitur. Confirmabitur, ni fallor, aut augebitur haec suspicio, si porro consideretur, quanto studio rationes profanorum hominum contra providentiam diuinam proferat, & exaggeret, in *dictionar. histor. crit.* in *vocibus: Marcionitae, Manichaei, Pauliciani, Origenes &c.* Etli enim hoc ad Manichaeorum hypothesin defendendam facere videatur, istae tamen, quas proponit difficultates, longe facilius ad providentiam

tiam diuinam negandam, adeoque Epicureismum, qui reuera non multum ab atheismo differt, quam Manichaeorum absurdissimam sententiam amplectendam, lectores adducent. Quae pro Pyrrhoniis seu scepticis disputat, eodem modo comparata sunt. In horum autem defensione eo vsque progreditur, vt in *voc. Zeno Eleates*, variis argumentis ipsam motus existentiam impugnet. Plura si quis adferre vellet, is nec ea sibi praetermittenda putaret, quae in *dictionar. hist. crit. p. 2387. seqq. & p. 2473. seqq.* de immortalitate animae differit, illorum comprobando sententiam, qui, eam ex ratione solide demonstrari posse, negant; item, quae *pag. 2223. & 2342.* circa difficultates, quibus premuntur, qui dogmata religionis examinare velint, in medium adfert, & quae alia sunt eiusdem generis, numero fere infinita. Disputandum equidem rursus non est, Spinozae systema atheisticum a Baelio reiici, rationibusque euentissimis prorsus euertere, in *voc. Spinoza, lit. I. pag. 2775. seqq.* at inde quidem sequitur, cum non esse Spinozitam; atheum non esse, firmiter inde nondum colligere licet, cum varia atheorum sint systemata, possitque aliquis atheus esse, etiamsi Spinozae deliria non adprobet. Accedit vero, quod, etiamsi errores, fallacias & contradictiones Spinozae, luculenter ostendat, principia tamen generalia, quibus Spinozam ad atheismum inductum ipsemet fatetur, quacumque ei cum aliis atheis sunt communia, pro eiusmodi habeat, quae a nemine, saltem ex ratione sola, solide refutata sint, nec refutari queant. Haec autem principia sunt: 1) materiam esse aeternam, & a Deo differre; 2) materiam non productam esse ex nihilo; 3) spiritum infinitum & summe liberum producere potuisse tale opus, qualis hicce mundus est, in quo bona mixta sunt malis. Nimirum supponit (quod minime supponere debebat) materiam necessario existeret, & hinc porro infert, rationem prorsus capere non posse, talem materiam aeternam & necessario existentem, quae tamen non sit ipse Deus.

Alterum quoque principium, non posse ullo modo everti, putat, cum nimis evidens rationi sit, quod ex nihilo nihil fiat. Sed tertium quoque, quominus negari, aut vocari in dubium queat, praegnantissimas Manichaeorum obviare rationes. Id itaque serio & omni conatu agit, ut haec principia pro firmissimis venditet, & extra omnem argumentorum contra ea directorum ictum constituta, evincat, *loc. cit. voc. Spinoza lit. K. pag. 2778. seqq.* Haec vero atheismi praecipua fulcra esse, nemo temere inficiatus fuerit. Baelius vero porro addit, ab illis, qui Spinozam refutant, exigi non posse, ut haec principia convellant, quippe quae convelli prorsus nequeant; sufficere ad refutandum Spinozam, si ostendatur, systema ejus ineptissimas contradictiones, & absurda manifestissima, continere. Eo minus autem necesse esse putat, haec principia evertere, quod & in christiana religione difficultates occurrant, quas ratio concoquere nequeat. Interim religionem christianam atheismo praefereendam, quod illa commoda plurima eam sequentibus adferat. Eos vero, qui Spinozismum refutant, suo facere satis officio, si ostendant, *non quoniam in his eum obnoxium esse difficultatibus, quoniam religionem christianam.* Denique nec hoc praetermittendum puto, Spinozismum haud obscure ideo saltem eum rejicere, quod alia atheorum systemata ita comparata esse putat, ut per ea facilius dissentientium objectiones solvi queant, adeoque ad atheismum promovendum sint aptiora. Quo nomine in *voc. Spinoza lit. K. pag. 2782.* Chinentium quorundam hypothesein plane atheam Spinozismo praefert †††.

† M. de LA MONNOYE in *histoire de M. Bayle & de ses ouvrages* summopere eum extollit: ast pro Deista, vel Atheo habetur non solum ab iis, quos Auctor adducit, verum etiam ab aliis, & quidem æquissimi Judicii hominibus; inter quos summus ALPHENIUS *colleg. manuscr. de Th. natur.* vide insuper STOLLII *Hist. litt.* & alios passim. mihi perplacet judi-

judicium WEISMANNI; quod ne describerem a me ipse impetrare non potui. Ita ille inquit: *hujus viri judicium acre, libertatem sentiendi & judicandi per se non illegitimam, lectionem prolixam, notitiam rerum copiosissimam, raram denique fortiter atque eleganter dicendi facultatem corripit immensum in modum profanum ingenium, Liberi-nismus, Stilus Priapeius elegantius tamen secularibus ad palatum hominum seculi nostri mirifice conditus, farrago rerum infinitarum ad inanissimam curiositatem seductionemque præterea animarum levium infelicissimam & periculosissimam spectantium; unde volumina Dictionarii ejusdem celeberrimi ista ex parte plerisque lectoribus Divini Numinis timore haud præmunitis in purum venenum degenerare possunt, ac revera salutis pietatisque eorum immensum quantum nocere, etsi pro ipsorum gustu corrupto & vitioso merum mel & Nectar videantur.*

†† Bælius JURIEUM quoque inique tractavit. conf CHEVRAEANA P. 2. p. 320.

††† G. POSTELLUS, JOH. BODINUS, JAC. PERRONIUS, JOS. SCALIGER, P. MALEBRANCHIUS, JOH. HARDUINUS, Baro DE LA HONTAN aliique celebratissimi nominis viri inter Gallos in Atheismi suspensionem quoque adducti sunt. videatur STOLLIUS *Hist. litt. & REIMM. Sect. 3. C. 5.* Si VEINASIUS, ut plurimi suspicantur, l'*Histoire de Severambes* condiderit, Atheorum catalogo vix eximi posse videtur; quod evincit oratio *scromena* quem fingit, & fictitii *siden* de illa judicium, pag. 359. & seqq. Ed. Gall. præter alia plurima. Industriam Auctoris quoque non adeo miratus sum, postquam *Utopiam Mori* perlegi; nam ex illo, ni fallor, plurima hausit, nominibus & rerum serio, prout videretur, mutatis. Hoc loco quoque monendum duxi, me, cum primum Tomum *des Lettres Choïses* SYR. TYSSOT DE PATOT ante oculos haberem, plurima, quæ mihi valde periculosa videbantur, animadvertisse; præsertim in iis litteris, quas dedit ad *Mons. PERVILE*: Auctor propter eas munere suo motus est.

§. XXVI.

Ex Cartesii disciplina BENEDICTVS DE SPINOZA prodiit, vt a magistri tamen longissime discederet vestigiis, & in apertum atheismum prolaberetur, pro atheorum nostra aetate principie habendus*. Non alium enim Deum, quam ipsam naturam admisit, quod perinde est ac si diserte, nullum esse Deum, docuisset**. Quam hominis impietatem vt plurimi scriptis variis confoderunt, penitusque confecerunt, ita non desuerunt, qui pro eius sectatoribus haberentur, approbatique stolidi erroris suspicionem subirent***.

* BENEDICTVS DE SPINOZA, gente, & primum etiam religionis professione, Iudaeus, tandem vero ex philosopho atheus, natus est. Amstelodami, die XXIV. Nouemb. anno M DC XXXII. Hagae Comitum obiit, die XXI. Febr. M DC LXXVII. Eos, qui vitam & fata athei huius celeberrimi litteris consignarunt, indicat vir doctissimus, GOTTLIB FRIDERICVS IENICHEN, in *historia Spinozismi Leenbofiani*, pag. 5 †. Recentissimus inter eos est IO COLERVS, cuius *vita Spinozae*, vna cum sermone, de *veritate resurrectionis Christi*, contra eundem, primum belgice, mox gallice anno M DCC VI prodiit. Cum philosophari coepisset, Renati Cartesii placitis, methodoque philosophandi, maxime delectatum, testatur auctor *praefationis*, *operibus* eius *posthumis* praemissae: *Fuit ab ineunte aetate litteris innutritus, & in adolescentia per multos annos in theologia (Iudaicam haud dubio intelligit) se exercuit. Postquam vero eo aetatis peruenerat, in qua ingenium maturefcit, & ad rerum naturas indagandas aptum redditur, se totum philosophiae dedit. Cum autem nec praeceptores, nec harum scientiarum auctores, pro voto ei facerent satis, & ille tamen summo sciendi amore*

amore arderet, quid in hisce ingenii vires valerent, experiri decreuit. Ad hoc propositum urgendum scripta philosophica nobilissimi & summi philosophi, Renati des Cartes, magno ei fuerunt adiumento. Quantum etiam in hacce philosophia profecisset, editis anno M DC LXIV principiorum philosophiae (Renati Cartesii) parte prima & secunda, more geometrico demonstratis, quae mox cogitata eius metaphysica exceperunt, ostendit. Nec tamen hoc ita capiendum, ac si ipsum atheismum suum ex philosophia Cartesii hauferit ††. Nullum enim philosophiae systema Spinozismo magis, in discrimine materiae & spiritus accurate constituendo, adversatur, quam Cartesii. Id vero inde intelligitur, eum ingenio plane philosophico fuisse, & ad demonstrationes geometricas prono. Fuisse ante Spinozam, qui in eo, quod caput causae est, cum eo consenserunt, omnes scilicet illi, qui non alium, quam naturam ipsam, seu hoc universum, agnoverunt Deum, quive ideo hodie pantheistarum nomine a quibusdam insigniuntur, tum ex haecenus dictis constat, tum ex instituto a me in *dissertat. de Spinozismo ante Spinozam*, demonstratum est. Primus tamen Spinoza fuit, qui in systematis formam hanc impietatem summo studio redigeret, eique methodum geometricam, infelici tamen successu, aptaret. Unde & haud immerito haecce atheismi species nomen ab eo sortita est, atque *Spinozismus* adpellatur. IOAN. GEORGIUS WACHTERVS Spinozam ex Judaeorum kabbala sua accepisse, probare annisus est, in libro lingua germanica scripto, & sub titulo: *der Spinozismus im Judenthum, oder die von dem heutigen Judenthum und dessen geheimen kabbala vergottete Welt etc.* Amstelodami M DC XCIX edito. Nec specie hoc caret, si cogites, Spinozam gente Judaeum fuisse, adeoque placitis & doctrinis Judaeorum innutritum. Quodsi tamen rursus cogitem, ingenio plane philosophico eum fuisse, & geometricas quaesivisse demonstrationes: valde dubito, an obscuris kabbalistarum mysteriis inultum

tribuerit †††. Ad rem ipsam quod attinet, etsi inter Spinozismum, & kabbalitarum de emanatione rerum omnium ex divina essentia, sententiam, discrimen aliquod constitui, queat, hanc tamen non minus, quam illam, falsam, erroneam & impiam esse, & alias observavi, & supra etiam ad §. VI. monui. Nec, magnopere, me repugnaturum, ibidem professus sum, si quis convenientiam quandam inter Spinozismum & kabbalisticam illam hypothesin agnoscat, quam tam operose idem WACHTERVS demonstrare allaboravit, in *elucidario kabbalistico*, cap. IV. pag. 37. & seqq. quanquam simul mutata sententia, & Spinozæ & kabbalistarum hypothesin defendat, & ex genuina veterum Ebraeorum philosophia derivet. In præfatione namque diserte proficitur, se *tum temporis* (cum Spinozam damnaret) *tum ob subtilitatem, tum ob popularia præjudicia cum perversissime, immo minime intellexisse*, pag. 13. Sed & deinceps cap. V. cum primis §. V. Spinozam una cum kabbalitis liberare ab atheismi suspitione annititur; sed quam infeliciter, quamve infirmis rationibus, nemini, qui paulo accuratius, quæ scripsit, expenderit, obscurum esse potest. Quod si IO. COLERO credimus, Spinoza atheismum suum non tam a Judæis, quam a quodam FRANCISCO VAN DEN ENDE †††, cujus, in lingua latina, institutione usus est, accepit. Lectu haud indigna sunt, quæ hac de re narrat, in *vita Spinozæ* pag. 6. seqq.

† Vitam Spinozæ ex BÆLIO Belgice vertit Fr. HALMA: COLERI opusculum præ cæteris laudatur.

†† Ut præter alios statuit JOH. REGIUS in suo *Carthesio vero Spinozismi Architecto*.

††† Fieri tamen potuit, ut ejus animus, e Kabbalistarum doctrina, contagium quoddam contraxerit.

†††† VAN DEN ENDE in Gallia, cum nescio quid in Regiam domum molitus esset, procerum jussu suspensus dicitur.

** So-

- ** Solenne equidem est Spinozae aut sectatoribus, aut coecis admiratoribus, de illis, qui contra eum conscripserunt, querelam movere, quod mentem ejus non recte perceperint, eumque ab atheismo, qui toties illi tributus fuit, prorsus alienum esse, & quae reliqua sunt ejusdem generis. Sed non aliud agunt isti homines, quam ut hac ratione ostendant, se ipsius hypothesen aut non posse, aut non audere defendere; hinc isto effugio securitatem quandam impietati suae conciliare, & imperitioribus caliginem offundere annuntiant. Id vero cum luculenter jam ab aliis demonstratum sit, tum facili negotio demonstrari potest. Non asseram ea, quae in *tractatu theologico-politico de libertate philosophandi*, contra religionem christianam, scripturaeque sacrae divinam auctoritatem attulit, quamvis impiam hominis mentem satis superque prodant, ut vel ex iis patet, quae hac de re in compendio describit B. CHRISTIANVS KORTHOLTVS, *de tribus impostoribus magnis*, sect. III. §. VII. seqq. pag. 30. & seqq. sed tantum, quae de ipso Deo mens ejus sententiaque fuerit, vel tribus ostendam verbis. Ipse equidem, per Deum, substantiam se intelligere, profitetur, *constantem infinitis attributis, quorum unumquodque aeternam & infinitam essentiam exprimit*, ethic. part. I. prop. XI. Quodsi quaeras, quae nam haec attributa sint, quibus substantia Dei constat? nihil aliud ex mente ejus responderi potest, quam ea esse partes hujus univerti, sive entia determinata, hoc vel illo modo Deum, id est, naturam, tanquam totum, in quo sunt & existunt, exprimunt. Hanc vero ejus mentem esse, eo minus dubitandum, quod alibi hominem *partem Dei seu naturae esse*, discrete doceat. Cum enim part. IV. prop. IV. asseruisset; *fieri non potest, ut homo non sit naturae pars*, hanc demonstrationem subiungit: *Potentia, qua res singulares, & consequenter homo sum esse conservat, est ipsa DEI SIVE NATURAE potentia, non quatenus infinita est, sed quatenus per humanam actuale essentiam explicari potest.*

test. *Potentia itaque hominis, quatenus per ipsius actualem essentiam explicatur, PARS est INFINITAE DEI seu NATURAE potentiae, hoc est (per prop. VII. part. 3.) ESSENTIAE.* Nihil, puto, luculentius dici poterat. Quid enim, quaeſo, aut obſcuritatis, aut ambiguitatis, verba haecce, *homo est pars essentiae naturae, sive Dei*, habere possunt? Neve ullum superſit dubium, alibi diſerte, tum de mente, tum de corpore hoc aſſerit. De mente nimirum, *loc. cit. part. II. in corollario propositionis XI.* ita pronuntiat: *Hinc ſequitur, mentem humanam partem eſſe, infiniti intellectus DEI, ac proinde, cum dicimus, mentem humanam hoc vel illud percipere, nihil aliud dicimus, quam quod DEUS, non quatenus infinitus eſt, ſed quatenus per naturam humanae mentis explicatur, ſive quatenus HUMANAe MENTIS ESSENTIAM conſtituit, hanc vel illam habet ideam.* Pari ratione *part. II. definit. I.* de corpore pronuntiat: *Per corpus intelligo modum, qui Dei eſſentiam, quatenus ut res extenſa conſideratur, certo & determinato modo exprimit.* Quae quidem ita comparata ſunt, ut evidenter oſtendant, Deum Spinozae nihil aliud eſſe, quam ipſam naturam, ſeu hocce univerſum, cujus proprietates primariae eaeque aeternae ac infinitae ſint, cogitatio & extenſio: res autem particulares nihil aliud eſſe, quam harum proprietatum ſeu attributorum modos. Quod & ipſe iterum diſerte fatetur, *part. I. corollar. propositionis XXV.* *Res particulares; inquit, nihil ſunt, niſi Dei attributorum (hoc eſt cogitationis, & extenſionis) affectiones ſive modi, quibus Dei attributa certo & determinato modo exprimentur.* Atque huc porro & illud pertinet, quod fundamenti loco toti ſyſtemati ſuo ſubſternit, & tam ſollicite ſibi demonſtrandum ſumit, *unicam tantum dari ſubſtantiam.* Quem in finem & *part. I. propoſ. V.* docet: *in rerum natura non poſſunt dari duae aut plures ſubſtantiae ejusdem naturae ſive attributi; & propoſ. VI.* *una ſubſtantia non poteſt produci ab alia ſubſtantia; & propoſ. VII. ad naturam ſubſtantiae pertinet exiſtere;*

stere; & *propof. VIII. omnis substantia est necessario infinita*. Ceterum, licet in *tractatu theologico-politico de libertate philosophandi*, tam aperte impium hocce dogma non propofuerit, quam in *ethica*, post mortem ipsius edita, fuerunt tamen, cum priorem istum librum ederet, qui jam latitantem in eo atheismum deprehenderent, quem & sibi subinde objectum, ipsemet in epistolis non dissimulat. Dum vero in iisdem epistolis hanc a se amoliri suspicionem annititur, nihil aliud agit homo versutus, quam ut ambiguis locutionibus aliis illudat. Mox Dei se agnoscere existentiam, diserte fatetur, sed per Deum, hocce universum intelligit. Mox negat, sibi Deum & naturam, unum idemque esse, sed per naturam tum *massam* quandam, sive *materiam corpoream* intelligit. Mox Deum omnium rerum causam profitetur, sed ut materialem potius, vel, ut ipse loquitur, immanentem, quam efficientem, intelligat. Accurate & eleganter haec omnia demonstrat B. CHRISTIANVS KORTHOLTVS, *loc. cit. §. XV. pag. 92. seqq.*

*** Haud exiguus illorum est numerus, qui calamos contra Spinozam strinxerunt, ejusque & detexerunt & refutarunt impietatem. Praecipui sunt, 10. BREDENBURGIVS, civis & textor, ut ferunt, Roterodamensis, ingenii subtilis laude, nemini ex reliquis Spinozae antagonists cedens, in *eneruatione tractatus theologico-politici, una cum demonstratione, geometrico ordine disposita*, naturam non esse Deum, *cujus effati contrario praedictus tractatus unice innititur* †; FRANCISCVS CVPERVS, in *arcanis atheismi revelatis*, in suspicionem adductus, ac si ex Bredenburgii demonstratione geometrica, clanculum illi subducta, sua hauserit, unde alter alterum variis libellis deinde atheismi postulavit, CVPERO quidem frustra hanc accusationem a se amoliente, ut deinceps ostendemus; GVIL. BLYENBURGIVS, civis & mercator Dordracenus, in libro de *veritate christianae religionis* ††; anonymus, qui ordine temporis reliquos praecessit, & anno M DCC I sub

sub litteris initialibus: I. M. V. D. M. epistolam contra Spinozae *tractatum theologico-politicum*, edidit †††. His porro accesserunt REGNERVS MANGVELDIVS, LAMBERTVS VELTHVYSIVS, SAL. VAN TILL, CHRISTOPHORVS WITTICHIUS, ISAACVS IAQUELOG, IENSIVS, Medicus Dordracenus, AVBERTVS DE VERSE, PETRVS VAN MASTRICHT, MELCHIOR LEYDEKKERVS, HENRICVS MORVS, C. G. DE LA MOTHE, quorum scripta Spinozae opposita, post IOANNEM COLERVVM, in *uita Spinozae pag. 132. seqq.* accurate recenset vir clarissimus, GOTTLÖB FRIDERICVS IENICHEN, in *historia Spinozismi Leenhofiani pag. 58. seqq.* Ex nostratibus B. IO. MVSÆVS, magnum quondam non academiae saltem nostrae, sed totius ecclesiae Lutheranae decus, reliquis omnibus in hocce genere dubiam palmam reddidit, in *tractatu theologico-politico de libertate philosophandi, ad veritatis lancem examinato*; haud immerito prolixè ideo laudatus a IO. COLERO, *loc. cit. pag. 139. seqq.* qui & FRIDERICVM RAPPOLTYM ac IO. CONRADVM DVRRIVM, ex nostratibus, inter Spinozae antagonistas commemorat. Ad dendi his porro ex Romanensibus PETRVS DANIEL HVETIVS, MICHAEL LE VASSOR, FRANCISCVS LAMI, itemque ex Labadistis PETRVS YVON, & qui omnis christiani orbis sectas conciliare studet, rationalistis tamen & atheis acriter se opponit, PETRVS POIRET; quorum omnium scripta itidem, quos jam laudavi, viri doctissimi, IO. COLERVVS, & GOTTLÖB FRIDERICVS IENICHEN, commemorant, *locis citatis ††††*. Fuerunt autem ex hisce, qui aut non satis feliciter, aut omnino non serio veritatis causam contra Spinozam egisse visi sunt. Cum primis hoc nomine male audit FRANCISCVS CVPERVS, cuius *arcana atheismi revelata*, anno M DC LXXVI Roterodami edita, jam ante commemoravimus. Nec profecto sine ratione. Cum enim Spinozae & atheis ea concedat, quae illis nullo modo concedere oportebat, e. g. ex solo lumine naturae, Deum esse, demonstrari non posse; nul-

lam

lam dari notitiam Dei innatam; concipi non posse, ens, quod nullam extensionem habet, habere posse essentiam; simulque, quicquid extensionem habet, esse corpus, unde sequitur, Deum aut corporeum esse, aut nullum; absque divina revelatione nullum esse virtutis & vitii discrimen; cum praeterea reje-ctis argumentis solidioribus ††††, quibus existen-tia Dei probari solet, levia & omni fere robore des-tituta, in eorum locum substituatur, non video, quo pacto causae contra Spinozam deltinato consilio male actae suspensionem evitare queat; quod & post HENRICVM MORVM, *opp. philos. tom. I. pag. 596. seqq.* pluribus ostendit IOAN. WOLFGANGVS IAE-GERVS, in *dissertatione*, cui titulus: *Franciscus Cu-perus mala fide aut ad minimum frigide atheismum Spinozae oppugnans*. Equidem & CHRISTOPHORVM WITTICHIVM, celeberrimum illum reformatae ec-clesiae theologum, revera eandem cum Spinoza fovisse sententiam, & *anti-Spinozam* suam non alium in finem scripsisse, quam ut suspensionem hanc a se declinaret, & securitati ac famae suae consuleret, orbi erudito auctor libri notissimi, *suite de la vie de Philopater* †, persuadere voluit. Sed calumniam hanc a Wittichio depulit, innocentiamque ejus vin-dicavit IO. COLERVS, in *vita Spinozae pag. 149. seqq.* Praeter eos vero, qui, cum antagonistae Spi-nozae essent, ejusdem tamen impietatis aut adpro-batae, aut frigide vel jejune impugnatae, suspicio-nem subierunt, & alii fuere, qui talia asseruisse vi-si sunt, quae aut cum Spinozismo consentirent, aut ad eum ducerent. Ipsum ARNOLDVM GEV-LINGVM, inter Cartesii sectatores haud infimi no-minis philosophum, hujus erroris reum agit vir il-lustris CHRISTIANVS THOMASIVS, in *cantelis cir-ca praecognita jurisprudentiae, cap. XIV. §. XXXIII. pag. 225 ††*. De ABRAHAMO IOANNE CVFFELE-RO, cujus extat *specimen artis ratiocinandi, natu-ralis & artificialis. ad pantosophiae principia manu-ducens*, Hamburgi (ut titulus prae se fert) anno M DC LXXXIV editum, nullo prorsus modo dubi-tan-

tandum, quin in Spinozae castris militaverit. Dum enim *part. I. cap. II. sect. CXLII.* in eo est, ut explicet, quid sit, aliquid in aliquo mediate vel immediate contineri, vel ex eo manare, exemplo hoc declaraturus, quomodo nempe mundus contineatur in Deo, post multas & longas ambages tandem pag. 106. ita pronuntiat: quibus praemissis sequitur, mundum in statu, in quo jam est, dependere a Deo, hoc est, quod contineatur in essentia divina, aequae fere, ac aequalitas inter quadratum ex AC & rectangulum ex BC & CD continetur in essentia circuli BAD , & quemadmodum illa aequalitas semper in circulo contenta fuit & erit, licet rectae memoratae nunquam ductae fuissent, eodem fere modo essentia mundi ab omni aeternitate in Dei essentia fuit contenta, & ex ea emanavit, atque in aeternum in ea continebitur: illa autem nullo modo est ex nihilo, juxta innatam nobis veritatem, qua nobis a Deo ipso dictatur, quod ex nihilo nihil fit. Quae auctoris verba, licet aperte satis testentur, mundum & Deum ei aequae ac Spinozae, unum idemque esse, discrimen nihiloscijus inter Deum & mundum constituere conatur. In eo scilicet hoc positum esse arbitrat, quod ad essentiam mundi non pertineat existentia necessaria, quae tamen ad essentiam Dei requiratur. Quo ipso tantum abest, ut impietatis notam declinet, ut mentem potius apertius prodatur. Revela enim hocce discrimen nullum est, cum una eademque essentia ita, diverso saltem respectu, mox Deus, mox mundus, dicenda sit. Dum enim mundum in ipsa essentia divina contineri statuit, fatendum utique ei est, essentiam mundi non esse diversam ab essentia Dei. Interjectis nonnullis, quae nostram de auctoris mente sententiam mirifice confirmant, ad ipsum Spinozam digreditur, eumque ceu philosophum longe praestantissimum laudat, valdeque, quod ob mentem ejus, minus recte intellectam, atheismus ei objectus fuerit, conqueritur. Allatis hinc Spinozae verbis ex *corollario propof. XXV. part. I.* quae antea jam recitavimus, subjungit:

git: cuius verba cum hoc loco sint obscurissima, & durissima, non mirum est, quod iis tam innumeros tamque insignes sibi conciliauerit aduersarios; quis enim posset aequo animo perferre has loquendi formulas, Deum affici; Deum modificari, quem scimus & satemur, esse omnium rerum & sui ipsius causam, &c. Immo, addit deinceps: Si igitur praedicti philosophi intentio vel opinio fuit, naturam cum Deo hoc modo tam foede confundere, indico illum ab aduersariis iuste imperitum atque condemnatum, immo & memoriam eius in omne aeuum execrandam esse. Negat autem, hanc mentem Spinozae recte tribui: attamen, quia de alicuius intentione solus potest iudicare intimus cordium perscrutator Deus, nobis nihil aliud restat, nisi vt iudicemus de opinione, quae continetur in scriptis, quae memoratus vir in lucem emisit, & licet inter illius aduersarios habeantur etiam perspicacissimi, puto tamen, eos horum scriptorum verum sensum minime assecutos fuisse, &c. Hoc equidem, (quod aduersarii Spinozae verum eius sensum non sint assecuti) multis verbis ostendere an nititur, sed cuncta eo tandem redeunt, quod Spinoza dixit, res huius mundi particulares esse Dei affectiones, seu modificationes, quibus Deus certo atque determinato modo exprimitur, &c. Idem esse, ac si quis cum auctore dicat: illas res, quas ego concipio conceptu secundario, hoc est, esse tales res, quae sunt in Deo, & quae sine Deo nec esse, nec concipi poterunt, quaeue a Deo dependent, & quarum unica & sola causa efficiens est Deus. Sane quidem id facile auctori concedimus, quod sibi concedi postulat, non aliena haec esse a mente Spinozae; sed aequae etiam absfona atque impia sunt, ac ipsius Spinozae asserta. Nec est, quod quenquam vox causa efficiens moueat. Ita enim Spinozam, eiusque sectatores, ad fucum imperitioribus faciendum loqui, notum est. Praetermittendus quoque hic nobis non est FRIDERICVS VAN LEENHOF, ecclesiae reformatae Zwollensis minister, qui in libro belgica lingua scripto, sed in germanicam quoque

translato, cui titulus: *coelum in terra, seu descriptio verae laetitiae*, itemque in aliis duobus, ad illius defensionem compositis, talia docuit, quae itidem ad Spinozismum accedere visa sunt. Impietatis itaque non tantum postulatus, sed scriptis quoque variis placita eius, quae Spinozismum sapiunt, refutata, atque publica auctoritate damnata sunt. Nec exigui eam ob rem in ecclesia Reformatorum belgica excitati motus, quos accurate & diligenter descripsit vir doctissimus saepiusque nobis iam laudatus, GOTTLÖB FRIDERICVS IENICHEN, in *historia Spinozismi Leenhofiani, publica in Belgio auctoritate nonisime damnati, &c.* edita Lipsiae anno M DCC VI, qui & speciatim cap. II. §. I. pag. 74. seqq. scripta hac in re edita enarrat; hinc vero §. II. pag. 95. seqq. summam sententiae Leenhofianae, ad Spinozismum ducentis, luculenter exhibet. Habuisse Spinozam, ut vnicum hocce adhuc addamus, plures, in Belgio praecipue, sectatores, & adhuc habere, qui nomina sua profiteri non audent, vix est, quod dubitamus. Certe cum iam suo tempore GISBERTVS VOETIVS conquestus sit: *Belgium nostrum, vere libertinorum omniumque fanaticorum Africam, his pestibus (atheis) quam maxime fuisse & etiamnum esse obnoxium, negari non potest, &c.* disp. de atheismo, selectar. disputation. tom. I. pag. 223 †††. id etiamnum hodie verissimum esse, non temere quisquam negauerit. Hoc sane experientia docet, & vel IO. TOLANDI (de quo deinceps ex instituto) exemplo patet, qui ut impietate Spinozae nihil cedit, ita impudentia illum multum superat, & nemine impediante, infelices ingenii monstra parturientis foetus, ibidem, ut vel ex titulo patet, in lucem protrudit publicam ††††. Nec tamen etiam in Belgio defunt viri pii & cordati, quibus illa atheorum molimina magnopere displicent, immo, qui iis pro viribus se opponunt. Id quod contra STOVAM, auctorem libri notissimi, sub titulo: *Regio Hollandorum*, gallicano idiomate editi, ex instituto demonstravit IOANNES BRAVNIVS, reformatae eccle-

ecclesiae theologus celeberrimus, in libro, cui titulus: *Vera religio Belgarum*, vna cum *apologia religionis statuum generalium Belgii confederati*, anno MDCCCLXXV edito.

† Ipse Belgice scripsit, sed scriptum suum ab alio quodam Latine verti curavit.

†† In lucem prodiit LUGDUNI BATAVORUM anno 1684.

††† Digitum intendit Auctor, mea quidem opinione, in JOH. MELCHIORIS *Verbi Div. ministri*, Epistolam, quæ reperitur T. 2. Op. p. 1. & seqq. Illa Epistola autem primum lucem vidit anno 1672. ut ex præfatione patescit, & ut reliqua omnia, quæ in Clarissimi MELCHIORIS operibus extant, lectu est dignissima.

†††† Spinozam quoque refutatum vide in de *gonden van Zeeherheio van B. NIEUWENTYDT* & in *Præf.* ante libellum FENELONII, antea laudatum &c.

††††† In *Proæmio*, ubi se statim prodit, videri vult *de solidioribus argumentis deliberasse*.

† Cum *vita Philopatris*, & præsertim *Continuatio ejus vita* sint libri pestiferi; facile quis conjiciat, impudentissimum Auctorem ad atrocissimas calumnias fuisse paratum. Quid JACOBO WITTICHIO a DRIESSENIO aliisque intentatum fuerit, & quæ porro ad historiam hujus litis pertinent, satis nota sunt: videatur *Bibl. Brem. Class. 1. fascic. 5. n. 7.* cui recensio nonnulla tamen addi possent.

†† Eo quoque tendit R. ANDALÆ *examen Ethica Geulincii*: verum in aliam plane sententiam abit vir summus T. H. HONERTUS in *de waaragtige wegen die God met den Mensch houdt*.

††† e Belgis nostris Atheismi infamia, præter jam dictos, fuerunt notati TH. COORNHERT, JUSTUS LIPSIVS, LUD. MEIJERUS, IS. VOSSIUS, HADR. BEVERLANDUS, BALTH.

BECKERUS, &c. consuli potest REIMM. *Seß. 3. C. 9. STOLLIUS H. Litt. & Hist. und. Theol. einleitung in die Religionsstreitigkeiten*, quam hactenus non videram, nunc quoque ultimam tantum partem adeptus Sicco quoque pede transire non possum, Auctorem Lexici, een Bloemhof van allerlei lusselikeit zonder berisiel / nimirum HADR. KOERBACH, Atheisticum animum simul & Thraconicum passim prodere : E. G. in voce *Bybel / Sabbath / &c.* DEURHOREFIUS etiam a T. H. HONERTO (& recte quidem, ut mihi videtur) Spinozismi arguitur : quid de P. VAN HATTEM & similibus sentiendum sit, docent TUINMAN, SPANDAUW, B. S. CREMER, VAN HEUSDEN, aliique.

††† Hæc ratiocinatio in omnibus non satis accurata videtur, etenim, si ex eo, quod Tolandi opera, *nemine impediante*, hic in lucem publicam protrudantur; quis rite evincere vellet, Belgium Atheis quam maxime esse obnoxium; procul dubio nimium probaret; i. e. quod Auctor nequaquam intendit.

§. XXVII.

In Anglia quoque inter tot opinionum, quae magno ibi numero prouenerunt, monstra, atheismum suum sibi vindicare locum, tot egregia a viris eruditis in hac gente contra atheos edita scripta, nos dubitare non sinunt *. EDVARDVS HERBERTVS DE CHERBVRI, quem nonnulli huc referunt, naturalistis potius est accensendus **. Sed THOMAS quoque BROVNE ***, ab indifferentismi licet suspitione non immunis, ab atheismi tamen accusatione videtur absolendus. Non aequè THOMAS HOBBSIVS, quanquam & hic a quibusdam aut excusetur, aut defendatur *. IOANNES TOLANDVS autem omnes impudentia vincit, quippe qui non tantum atheus est, sed &, ne pro alio, quam atheo, haberetur, omnem nauauit operam

ram **. In Germania denique, aliisque christiani orbis regionibus, itidem quandoque fuisse, qui atheismum in animo latitantem, dictis scriptisque proderent, ipsa proh dolor! experientia docuit ***.

* Plurimi recentiori aetate inter Anglos fuere, qui scriptis eruditissimis, acutissimisque, pro existentia & providentia numinis pugnarunt, stultitiamque atheorum exploserunt. Quod certe documento est, monstra eiusmodi in Anglia esse, quae illis tanto studio fuerint debellanda. Praecipui autem inter illos sunt, ROBERTVS BOYLE, in *disquisitione de natura ipsa*; SAM. PARKERVS, in *disputationibus de Deo & providentia*; HENRICVS MORVS, in *breui tractatus theologico-politici consutatione*, item, in *duarum praecipuarum atheismi Spinoziani columnarum subuersione*; quae operum eius philosophicorum tom. I. extant, vt & in *antidoto aduersus atheismum*, quod in tom. II. legitur; RVDVLPHVS CVDWORTH, in *systemate mundi intellectus*; NEHEMIAS GREW, in *cosmologia sacra*; GVLIELMVS NICHOLS, in *collatione cum theista*; IO. RAYVS, in *existentia & sapientia Dei manifesta in operibus creationis*, qui eius liber ex anglicano idiomate in gallicanum translatus, Vitraiecti anno M DCC XIV editus est; RICHARDVS BENTLEY, in *stultitia & irrationabilitate atheismi, &c.* quem viri doctissimi librum, octo orationibus constantem, ex anglicana lingua in latinam vertit, & hoc ipso praeclare de orbe erudito meritus est DANIEL ERNESTVS IABLONSKI, Berolini anno M DC XCVI. Sed nuper quoque idem in linguam germanicam conuersus prodiit SAM. CLARCKIVS, in *demonstratione existentiae & attributorum Dei, aduersus Hobbesium & Spinozam, &c.* quam ex anglicana in latinam translata, vna cum *historia atheismi* edidit IENKINVS THOMASIVS, Altorfi Noricorum M DCC XII. GEORGIUS CHEYNE, in *principiis philosophicis religionis naturalis*; quorum sum-

mun exhibet IOANNES CLERICVS, *biblioth. ancien & mod. tom. III. Part. I. artic. II. pag. 41. seqq. †*

† His adde GUILL. DERHAM *Theol. Physicam*, ut & *Astronomiam*; H. DITTON opusculum, in quo *veritatem Religionis Christianae e resurrectione Christi adstruit*; nec non *The minute Philosopher*, qui anno 1733. sub titulo *de Anib. belaat of gewaande byzdenhet* Leydæ prodiit; præter conamina NATHANAELIS LARDNER aliorumque.

** EDWARDVS HERBERTVS BARO DE CHERBVRY, ob libros de *veritate*, prout *distinguitur a reuelatione*, a *verisimili*, a *possibili*, & a *falsa*, item, de *causis errorum*, & denique, de *religione gentilium*, *errorumque apud eos causis*, longe est notissimus †. Inter naturalistas, hoc est, eos, qui rationis scita ad salutem consequendam sufficere arbitrantur, principem eum tenere locum, itidem fatis conitat: quem eius errorem & præter alios B. IOAN. MVSÆVS noster, peculiari dissertatione, refutauit. Licet autem atheismi suspicionem quam longissime a se amotam cupiat HERBERTVS, adeo vt suam hypothesin ad proligandum atheismum, & veritatem christianae religionis itabiliendam, vel maxime facere, gloriatur; negandum tamen non est, talia eum asserere, & fundamenti loco ponere, quae ad euertendam funditus religionem christianam pertinent. Non dubitabit hac de re, qui sequentia eius recte considerauerit principia: *unicam in necessariis esse veritatis normam*, consensum scilicet *vniversalem*, *libr. de veritate pag. 51.* item, *quicquid neque per instinctum naturalem, sensum internum, sensum externum, neque discursum innotescit, tanquam verum proprie dictum, nullo modo probari potest*; *loc. cit. pag. 47.* præterea, *de reuelatione neminem certum esse posse, nisi cui ea facta sit immediate*; *pag. 288. 289.* immo, *ne eos quidem, quibus immediate facta reuelatio, extra omne deceptionis periculum constitutos*, *pag. 281.* in *scripturae sacrae scrutinio notitias saltem communes, quae ex consensu vniuersali constant; uti sunt: esse*

esse supremum aliquod numen; id coli debere; virtutem pietatemque esse praecipuas partes cultus divini; vitia & scelera quaecunque expiari debere per poenitentiam; dari praemium & poenam post hanc vitam) *tanquam indubitato certas admittendas esse, loc. cit. pag. 14.* Haec similiaque, quorsum tendant, nemini temere obscurum esse potest; idque luculenter ostendit B. CHRIST. KORTHOLTUS, de *tribus impostoribus* sect. I. §. XII. seqq. pag. 16. seqq. Neque tamen ideo inter atheos proprie & stricte sic dictos, referendus est HERBERTVS. Id ipse, quem iam laudauimus, agnoscit auctor doctissimus, CHRIST. KORTHOLTUS: *Cane tamen, dum atheismi Herbertum postulamus, ita id accipias, quasi ipsam Dei existentiam per nouaeius ἐνφύματα negari dicamus. Hac enim ratione ἀθεότης adeo non proficitur ille, ut etiam, vltos dari tales atheos, palam inficietur, utque articulorum eorum, quibus totam naturalismi sui molem superstruit, primum diserte faciat hunc: esse supremum aliquod numen; loc. cit. §. XI. pag. 15.*

† Scripsit quoque *Religionem Laicam* ejusdem furfuris Librum: Mstum fuit penes REIMANNUM, ut testatur *Sect. 3. c. 8. §. 3.*

*** THOMAS BROVNE, gente Anglum, professione medicum, tum ob alia scripta, tum maxime ob libellum de *religione medici*, ab ipso lingua anglicana conscriptum, in latinam autem translatum, subinde inter atheos commemorari videas. TOBIAS WAGNERVS, librum de *religione medici* inter eos recte referri, nullus dubitat, in quibus atheisticae impietatis semina & hypotheses delitescunt, ut sine periculo infectionis legi vix possint; in *examine elenchico atheismi speculativi*, cap. V. pag. II. Alii non equidem atheismi, syncretismi tamen, aut indifferentismi, aliorumque errorum grauissimorum huncce auctorem postulant. Sane in editione libri de *religione medici*, quae Francofurti & Lipsiae anno M DC XCII prodiiit, in ipso titulo auctor, *syncretis-*

mi vniuersalis, immo crassioris, hominem in quavis religione saluari posse, patronus, diserte vocatur. Alii autem in mitiorem partem de eo pronuntiant, & quae acrius ab eo dicta sunt aut emolliunt, aut defendunt, quos inter & GOTHOFREDVS ARNOLDVS est; *hisor. haeres. part. III. cap. VIII. §. XXIX. seqq. pag. 80. seqq.* Atheis equidem mea opinione annumerari nequit. De Deo ita loquitur, vt prauae aut sinistrae de eo opinionis nullum praebat indicium. Speciminis loco esse possunt, quae *sect. XIII. pag. 77. extant: Causa*, inquit, *rerum omnium primaria unica est, secundariae quatuor. Quaedam efficiente carent, vt Deus; quaedam materia, vt angeli; quaedam forma, vt materia prima; nulla vero est essentia, siue creata, siue non creata, quae non causam aliquam finalem habeat, essentiae suae operationibusque propositam. Hanc in naturae operibus inuestigare studeo; ab hac pendet diuina prouidentia. Pulcherrimam hanc orbis rerumque creatarum compagem straxisse, opus erat solummodo diuinæ artis; at varias illas operationes, singulisque rebus sua mandata munia, non nisi ex sapientiae eius thesauris proficisci oportuit. Idem etiam *sect. II. pag. 4. religionem, quam vocant, reformatam se profiteri, scribit, in qua nihil praeter nomen displiceat; additque: Fidem illam profiteor, quam Christus seruator docuit, quam disseminarunt apostoli; quae a patribus auctoritatem, a martyribus confirmationem accepit. Scio, talia & ab atheis ad caliginem imperitis offundendam, dici posse; quamdiu autem argumenta, quae contrarium suadeant, nondum adsunt, serio & ex animi sententia ista dicta esse, vt credamus, par est. Eiusdem generis est, quod *sect. XVIII. detestando refert, quae ad impugnanda aut eleuanda miracula, ab atheis dici solent: quod cum THEOPHILVS SPIZELIUS ex eo commemorasset, & adprobasset, addit: de intentione tamen, animoque auctoris, aliis longe doctioribus atque sagacioribus relinquo iudicium; in scrutin. atheismi, scrutin. III. §. XXV. pag. 113. Quo minus vero THOMAS BROVNE pro atheo haberi***

beri queat, hoc etiam ob stare videtur, quod ipsemet *sect. III. pag. 7.* se ad superstitionem proclivem esse, fateatur. Eamque satis ingenuam esse confessionem, sententia eius de ritibus & ceremoniis ecclesiae Romanae, quam ibidem exponit, haud obscure ni fallor, ostendit. Sit itaque immunis ab atheismi vitio: non aequè ab indifferentismi suspicionem absolui potest. Certe, quae *l. c. sect. III. pag. 7.* de Romanensibus disserit, aperte ostendunt, eum inter illos & protestantes, non adeo magnum discrimen constituisse. *Mihi itaque, inquit, religio non est, eorum familiaritate & consuetudine uti, illoꝝ ecclesias adire, quoties nostrae praesto non sunt, adeoque una, aut cum illis, aut pro illis verba facere.* Immo ulterius indifferentismum extendit, quando *sect. LIII. pag. 296.* etiam ethnicis, qui honeste vixerunt, salutem aeternam denegari non posse, animas autem eorum in nescio quo limbo contineri, docet: *Iniquum est, horum animas in infernum deturbare, quorum vitae nobis adhuc virtutis & pietatis exempla praestant. Cum autem infernum in tot regiones diuisum sit, aequum fane fuerat, ut his etiam limbis aliquis statueretur †.* Mitto reliqua, quae de hoc auctore obseruari poterant.

† REIMANNUS *Sect. 3. C. 5. §. 5.* nihilominus arbitratur, Browne a syncretismo universali quam maxime fuisse alienum.

* Malmesburiensem illum philosophum, THOMAM HOBBSIVM, itidem subinde inter atheos relatum videas. Ne quid enim de illis dicam, qui ex instituto contra illum calamos strinxerunt, qui tamen hac de re non prorsus inter se conveniunt, cum primis SAMVEL PARKERVS acriter in eum insurrexit, & non tantum Iulio Caesari Vanino eum iunxit, sed Epicoꝝ quoque, si non deteriorem, certe nihilo meliorem, pronuntiavit. *Malmesburienſis, inquit, senex, Gargetticum in omnibus secutus est, an casu, an consilio, nescio; hoc probe scio, ipsum nihil nobis*
15
obtin-

obtulisse, nisi quod apud veteres in Epicuro reprehensum inueniamus. Vt enim Epicurus omnia a Democrito surripuisse dicitur; ita Hobbesius omnia Epicuri flagitia ingenti fastu tanquam sua recudit; atque ut noua videantur, nouis nominibus, (quorum ille, ut sunt nouatores omnes, egregius artifex) appellare affectauit; de Deo & providentia, disputat. I. sect. XXVII. pag. 56. Ex nostratibus B. CHRISTIANVS KORTHOLTVS Hobbesium tribus impostoribus magnis, de quibus scripsit, annumerare nullus dubitauit, quanquam eum non tam directe atheismi, quam impugnatae, & quantum in ipso erat, euerse religionis christianae, reum agat †; sect. II. pag. 50. seqq. Et sane, ut ab ultimo hocce accusationis capite ordiamur, absolui ab ea Hobbesium nulla ratione posse, res ipsa docet. Diuinam enim primo reuelationem generatim in dubium vocat, neminemque de iis, quae aliis a Deo reuelata sint, certum esse posse, contendit; immo nec illos ipsos, qui eiusmodi reuelationes prae se tulerunt, hac de re satis potuisse esse certos. Atque inde porro concludit, summorum imperantium arbitrio religionem omnem, quae reuelatione nititur, obnoxiam esse; immo non tantum scripturae interpretationem, sed ipsam quoque, quam habet, auctoritatem, si modo quam habeat, a summa imperantium potestate repetendam esse. Atque hoc ne frustra dixisse videamur, ex plurimis eius, quibus hoc probari poterat, locis, vnum alterumue allegasse sufficiat. Illi igitur, inquit, *Leniathan. cap. XXXIII. quibus Deus non reuelauit supernaturaliter, quod scripturae ab illo sint, vel eos, qui illos praedicant, ab eo missos esse, nulla, ut eas recipiant, auctoritate obligantur, praeterquam eius, qui summam in ciuitate habet potestatem. Is enim legislator solus est. Eiusdem commatis & reliqua sunt, quae sequuntur, quae hic repetere, instituti ratio non patitur. Similia iam capite praecedenti XXXII docuerat, immo & peiora, dum nec eos, quibus reuelatio diuina immediate obtigit, certos hac de re esse posse, asseruit: Quibus Deus*

Deus locutus est in scripturis sacris, non immediate locutus est, sed per prophetas, idque omnibus aequaliter. Qui Deum in somnio ad se locutum esse, dicit, somniasse se dicit. Somnia autem aliena pro verbo Dei nemo accipiet, praesertim si somnia maxima ex parte naturalia esse, & ab arrogantia & superbia somniantis procedere posse, sciat. Qui visionem a Deo vidisse, aut vocem audisse, se dicit, somniasse creditur; saepe enim & facile vanis & imperitis hominibus somnia illudunt. Qui supernaturaliter INSPIRATAM sibi esse a Deo doctrinam aliquam novam dicit, a sapientibus ingenii sui admiratione INSA- NIKE intelligitur. Quanquam autem in somnio, in visione, per vocem, & per inspirationem, hominem alloqui potest Deus omnipotens, dicenti tamen, Deum sibi ita locutum esse, credere obligatur nemo, homini scilicet, qui & errare, & quod peius est, mentiri potest. Nilil hoc tandem aliud est, quam si dicat, prophetis, apostolis, & scriptoribus Θεοπνεύστοις ut quis fidem adhibeat, neminem obligatum esse, quia aut errare, aut mentiri potuerint, nec ipsi de revelatione sibi facta, aut inspiratione divina satis fuerint certi. Quo ipso ut omnis scripturae sacrae auctoritas labefactatur, ita, ut eam penitus evertat, non intermittit, corradendo *Leniathanis cap. XXXIII.* talia, quae eam aut contradictionis aut erroris arguant, quae in *demonstratione evangelica* ex instituto profligavit PETRVS DANIEL HVETIVS. Facultatem autem interpretandi scripturam sacram, aequae ac ipsam religionem, dependere a potestate summorum imperantium, non tantum asserit, sed & variis rationibus probare conatur, *elem. de ciue, cap. XIV. num. III. IV & cap. XVII. num. XXVII.* Quid vero mirum? cum nec aliam scripturae sacrae concedat auctoritatem, quam eam, quae ei a summis tribuitur imperantibus. Diserte namque asserit, libros illos solos canonicos, id est, leges esse, in quaque civitate, quae summi imperantis auctoritate latae sunt, h. e. quae a summis imperantibus pro talibus habentur. Atque hinc quidem, quo animo
erga

erga religionem christianam Hobbesius fuerit, constat. His vero si reliqua eius de Deo pronuntiata addantur, aut me omnia fallunt, aut non tam facile ab atheismi suspitione liberari potest, ut nonnulli existimant. Non omnia conquiram, sed praecipua saltem indicabo, quamuis etiam obseruata sint SAMVELI PARKERO, *loc. cit.* Naturalem namque Numinis haud obscure sustulit notitiam, dum eam neque *argumentis*, neque *phantasmatis*, ut loquitur, comparari posse existimat. Non phantasmatis, quia infiniti phantasma nullum est; neque enim homo, neque vlla alia res, praeterquam quae ipsa infinita sit, infiniti conceptionem vllam habere potest; neque argumentis; etsi enim ex eo, quod nihil potest mouere se ipsum, satis recte inferitur, primum aliquod esse mouens, quod fuerit aeternum, non tamen inferetur id, quod inferre solent, nempe aeternum immobile; sed contra aeternum motum; si quidem, ut verum est, nihil moueri a se ipso, ita etiam verum est, nihil moueri, nisi a moto, &c. *Phys. part. IV. cap. XXVI. pag. 204.* Non ignoro, quid ad haec pro defendendo aut excusando Hobbesio responderi queat, & etiam responsum sit. Si enim vel maxime phantasmatis, inquirunt, Deus concipi nequit, quia infiniti phantasma nullum est, inde non sequitur, nullam ejus dari notitiam, nullum sensum. Ad alterum vero quod attinet, recte quidem Hobbesium illam quorundam ratiocinationem reicere aiunt, nihil mouetur a se ipso, ergo Deus se ipsum mouet, inde vero, ac si Deum ipsum vel eius existentiam neget, minime colligi posse. Quae equidem speciem quandam habent. Quo minus tamen prioris temere admitti excusatio queat, obstare videtur, quod Hobbesius non alium cognoscendi modum admittat, quam per phantasma. Ita enim diserte *loc. cit. p. 224* loquitur: *Quicquid homines scimus, a phantasmatis nostris didicimus &c.* Alterius asserti Hobbesiani defensio an rite procedat, indicabunt, qui paulo attentius legerint, quae hac de re disserit SAMUEL PARKERVS, *loc. cit. pag. 88, seqq.* Sed nec illud praetermittendum, quod Deum

quen-

quendam corporeum, hoc est, si nonnullos audias, re vera nullum, Hobbesius statuit. Non tantum enim in *Leuiath. cap. IV.* diserte negat, dari substantias incorporeas, sed & *cap. XXXIV.* corpus & substantiam vnum idemque significare, diligenter inculcat, ita quidem, vt, ipso iudice, *vox composita substantia incorporea sit insignificans, aequae ac si quis diceret, corpus incorporeum.* Immo in *appendice ad Leuiathan cap. III.* cum ipse sibi hoc dubium propotiuisset, *negat, substantias vllas esse incorporeas.* Quid aliud est hoc, quam negare, Deum esse, vel adfirmare, Deum esse corpus? respondet: *affirmat quidem, Deum esse corpus, sed ante eum idem affirmavit Tertullianus &c.* adeoque variis rationibus, sed admodum profecto icuius, hanc sententiam defendere annitur. Estque hoc eiusmodi, vt ipse vir ingeniosissimus, NICOLAUS HIERONYMVS GYNDLINGVS, qui Hobbesium ab atheismo gladio liberare instituit, nodum huncce gordium gladio secandum fateatur, *observation. selectis*, ab eo editis *num. II. §. VII. pag. 61.* Sane quidem ex eo, quod aliquis credit, Deum habere corpus, nondum statim sequitur, eum esse atheum. Sed si tantus philosophus, quantus Hobbesius fuit, & cui ignotum esse nequit, ex notione corporis talia sequi, quae ideam Dei prorsus evertunt, hoc asserat, & ita quidem, vt cum alibi asserat, quae huic sententiae repugnant, aut non satis sibi constare, aut rotunde, quid sibi velit, non velle eloqui videatur, an non sinistri quid de eo suspicandi non iniustam occasionem praebet, aliis dijudicandum relinquo. TERTULLIANI exemplum, ad quod ipse pronocat, & anthropomorphitarum veterum, ad illum excusandum parum facit, cum vna eademque sententia a diuersis auctoribus, ex principiis diuersis, diuerso etiam scopo ac consilio propugnata, diuersa etiam ratione sit consideranda. Vt autem Hobbesius non alium, quam corporeum Deum agnoscit, ita angelos seu spiritus creatos prorsus negauit, *Leuiath. cap. XXXIV.* de qua eius sententia alibi plura dicemus.

† Ac.

† Accusatoribus ejus accedunt JOACH. FELLERUS, LEIBNITIUS, GILB. BURNET in *Historia sui temporis* & passim scriptores Optimi. vide *Hist. und Theol. einleitung* etc. P. 5. p. 50. Præter GUNDLINGIUM, ab ejus partibus steterè interpres Belgicus *Leviathanis*, L. VELTHUYSEN in *peculiari dissert.* nec pauci ex iis *Jētis*, qui CHR. THOMASIIUM ducem sequuntur. Quam parum in illorum scriptis exercitatus sim, id nihilominus animadverti, eos plerumque Hobbesium excusare, vel ad minimum honorifice de illo loqui.

** An crassiori aut apertiori quadam ratione vnquam aliquis inter christianos atheismum suum prodiderit, quam IOANNES TOLANDVS, gente Anglus, & ob impietatem hodie notissimus, valde dubito. Dum enim in dissertatione, cui titulum fecit, *Adērōdaiμov*, sine Titus Livius a superstitione vindicatus, historicum nobilissimum a superstitione se liberare vult videri, revera id agit, vt eum religionis omnis contemptorem, irrisorem, & prorsus *ἄθεον* omnibus sitat, vt supra iam ad §. XXI. observauimus. Eundem nihilofecius Livium, ut *virum sanioris iudicii*, §. VIII. *acris iudicii in rerum veritate indaganda & diiudicanda*; §. XII. *vt hominem bene moratum bonumque philosophum*; §. XIX. *probae & erectæ indolis*; §. XXII. maximopere commendat. Quid vero aliud inde sequitur, quam homines, qui non eiusdem cum illa, quam Livio tribuit, sunt sententiæ, ineptos esse, supersticiosos, exigui aut nullius iudicii, pessimos philosophos, bruta denique & stiptes †. Sed quid ambagibus opus? In altera enim dissertatione de *originibus iudaicis*, quam priori subiunxit, levato velamine pantheismum, (ita enim Spinozæ atheismum vocare illi placuit) adprobat; immo Mosi ipsi hanc sententiam tribuere non erubescit. Primo quidem STRABONIS hac de re adducit testimonium. *Mosē enimvero*, inquit, *fuisse pantheistam*, sine, vt cum recentioribus loquar, *Spinozistam*, incunctanter affirmat in isto loco Strabo. *Eam namque exhibet docentem, nullum dari numen a materia & compage mundi huius distinctum, ipsamque*
nata-

*naturam, siue rerum vniuersitatem vnicum esse & supremum Deum, cuius partes singulas creaturas dicas, & totum, si velis, creatorem, &c. in originibus iudaicis, §. VI. pag. 117. Tantum vero abest, ut hoc STRABONIS de Mosis theologia iudicium refellat, ut potius eandem & sibi neutiquam displicere sententiam, haud obscure innuat. Statim enim subiicit: Haec est hodierna litteratorum Sinensium, aliorumque orientalium philosophia, & a quamplurimis inter Graecos antiquos & Romanos propagata: sed a nemine Latinorum breuius & clarius expressa, quam a Pacuio poeta &c. loc. cit. pag. 118. PETRUM vero DANIELEM HVETIVM non aliam ob causam reprehendit, quam quod Strabonem aliud quid dicentem induxerit. Neue vllum dubium superfit, legenda saltem, quae §. XV. pag. 123. seqq. differit, vbi citra ambages STRABONIS de Mosis doctrina iudicium adprobat, immo toti fere scripturae sacrae, ausu profecto impudentissimo, pantheismum tribuit, vti supra quoque ad §. III. nobis obseruatum. Quis vero, qui talia legit, dubitet, ipsum Tolandum in pantheistarum militare castris? Reliqua itaque eius effata in religionem & scripturam sacram iniuria, atheismum eius providentia, referre, supervacaneum puto. Detexerunt & refutarunt hanc hominis impietatem JAC. FAYVS, in defensione religionis, nec non Mosis, & gentis Iudaicae contra duas dissertationes Ioannis Tolandi, &c. Ultrajecti M DCC IX. 8. & ELIAS BENOIST, cuius gallicano idiomate extat *Melange de remarques critiques, historiques, theologiques sur les deux dissertations de M. Toland &c.* a Delf, M DCC XII. 8. PETRUM DANIELEM HVETIVM a calumniis Tolandi vindicauit MORINVS, cuius dissertatio contra Tolandi adeisdæmonem & origines iudaicas, gallicana lingua scripta, extat dans les *dissertations sur diverses matieres de religion & de philologie &c. recueillies par M. l'Abbe DE TILLADET, tom. I. num. V. pag. 438. seqq.* quamuis in praefatione doceatur, ipsum HVETIVM dissertationis huius auctorem esse.*

Inep-

Ineptias Tolandi impias de origine gentis iudaicae ipse profigauit in *prolusione academica de origine gentis iudaicae*, quae in *syntagmate dissertationum academicarum* extat. Tolando adhuc ANTONIVM COLLINVM, itidem gente Anglum, eiusque si non discipulum, certe amicum †† & sectatorem, iungimus. Hunc enim auctorem ferunt *discursus de libertate cogitandi*, qui anglicana primum lingua, deinde & gallicana M DCC XIV prodiit, & in quo id vnice agit, vt libertatem cogitandi iustis limitibus circumscriptam, cum licentia quiduis cogitandi, prauisque cogitationibus indulgendi, data opera confundens, dum videri vult, ac si cogitandi libertatem defendat, reuera illorum impietati, qui cogitationibus suis frena pro lubitu laxantes, omnem numinis sensum mortalium pectoribus excussum cupiunt, patrocinetur. Hinc & sub libere cogitantium nomine eos, quos ipse pro atheis habet, aut quos ad eorum sententiam quodammodo accedere putat, vel maxime commendat; cuius rei iam supra aliquot specimina dedimus. Non immerito itaque hinc inde viri docti hominis istius petulantiam castigarunt, & in ipsa quidem Anglia praeter alios SAMVEL PYCROFT in *breui disquisitione de libertate philosophandi in rebus ad religionem spectantibus*; cumprimis autem PHILEVTERVS LIPSIENSIS, quo sub nomine RICHARDVM BENTLEIVM, virum doctissimum, latitare constat, in *animaduersionibus in nuperum discursum de cogitandi libertate* &c. Summatim & ego praecipuos libri istius errores profigauit, in *prolusione quadam academica de libertate cogitandi*, hoc ipso anno M DCC XV a me conscripta †††.

† Suspicionem merito augent, quæ disserit §. 6. *Adeisid.* p. 8. & §. 22. p. 70. & seqq.

†† Audi ipsum TOLANDUM *Epistola ad Collinum Adeisidæmoni* praefixa.

††† Ni-

††† Nihil jam dicam de BERN. CONNOR, JOH. WILLMOTO, & nobili illo, cujus exitum sub nomine *Algerius Fr. SERRÆ*, si bene memini, Theologus quidam descripsit; tacebo quoque societates Atheorum integras, quas Anglia fovere perhibetur: verum, licet brevitati studeam, præterire non possum TH. WOOLSTONUM, qui, cum veritatem miraculorum & resurrectionis Domini inficiatus fuerit; si non omnem, saltem Christianam Religionem, se abjurasse palam fecit. Multi contra homines calamos acuerunt; vide sis 't *Pleistoel ober de geloofwaardigheit der getuigen van de opstandinge van Jezus Christus etc.* quod nuper ex Anglic. Idiomate Belgice vertit ABR. DE VRIJER; & elegantissimam CL. MELCHIORIS orationem contra WOOLSTONUM, Franequeræ dictam. De comite SHAFTESBURIENSI, de TYNDALIO &c. videas *Bibliothèque Britannique*, Lipsiensium *Neuen Zeitzungen* & ejusmodi Nova litteraria passim.

** Germaniam nostram mali huius non prorsus expertem esse, negare non licet. Nec id adeo mirum, cum plurimi inter nos exoticis quibusvis maior, quam par erat, pretium statuentes, paradoxa quævis, erronea, & impia dogmata simul quam avidissime arripiant †. Ne quid autem de iis, qui hinc inde delitescunt, aut mentis sententiam non nisi oblique & per ambages prodere audent, dicam, inter eos, qui aperte & citra ambages atheismum professi sunt, vel maxime eminet MATTHIAS KNUYSEN, Oldenswortha Eiderstadiensis, ex theologiae studioso atheismi patronus factus, qui schedis aliquot blasphemis & inficetis, Ienæ & Altdorffii anno M DC LXXII & LXXIV sparsis, cum defendere ac disseminare ausus est. Constabant autem schedæ istæ, quæ typis impressæ sunt, *epistola amici ad amicum*, lingua latina scripta, & dialogis aliquot germanicis. In his novæ conscientiariorum, quam vocat, sectæ se auctorem profitetur, aut mentitur potius, qui nihil aliud credant, quam quod ratio & conscientia dicitur; cum tamen ipse ea in dubium vocet, quæ ratio evidentissime cognoscit, & quæ, si tollantur, conscientia quoque locus

K

non

non amplius conceditur. Verbis enim disertis & Dei, & cacodaemonis existentiam, mortuorum resurrectionem, & vitam beatorum pariter ac damnatorum aeternam, negat, codicis sacri auctoritatem impugnat, eiusque narrationes meras clamat esse fabulas, ipse contra Peyrerii illepidi de praeadamitis commenta admittit, aduersus clerum & magistratum insurgit, nullum denique inter coniugium & scortationem discrimen agnoscit. Iactitabat praeterea pessimus nebulo, innumeros per vniuersam Europam se habere sectatores, & in solo oppido Ienensi septingentos ciues & studiosos esse, qui eidem sententiae sint addicti. Ea res occasionem dedit B. IO. MVSÆO, theologo acutissimo, & multis nominibus de ecclesia nostra optime merito, impias hasce nugas peculiari scripto accurate refutandi, quod anno M DC LXXIV, sub titulo: *Ableinung der abscheulichen Verlaumdung, als wenn in der Vniuersitat Iena eine neue Secte der Gevvissener vware entstanden &c.* prodiit. In altera scripti huius editione, quae anno sequenti MDCLXXV lucem adspexit, vindictae accuratae sacri codicis contra eundem nugatorem accessere; conf. IO. MOLLERVS, vir clarissimus, in *isagoge ad histor. Cherson Cimbr. part. II. cap. VI. §. VIII. p. 164 seqq.* item CASP. SAGITTARIVS, *introduc. ad histor. eccles. cap. XXXIII. sect. XIV. pag. 879.* cumprimis & DN. LA CROZE, *entretiens sur divers sujets d'histoire &c. pag. 400. seqq.* vbi & Knutsenii illius epistolam ad amicum integram exhibet. De scripto quodam atheistico, Berolini circa annum M DC XCIV edito, cui titulus: *concordia rationis & fidei*, vid. quem iam laudaui B. CASPAR SAGITTARIVS, *loc. cit. pag. 881.* Non ita pridem etiam contigit, vt scriptum aliquod atheisticum & blasphemius refertum, in quo auctor & Dei existentiam, & animae immortalitatem, & scripturae sacrae diuinam auctoritatem impudentissime negauit, Magdeburgi in suggestu collocatum inueniretur. Cuius rei rumor cum emanasset, varia eidem scripta opposita dicuntur, ex quibus vnicum
tamen

tamen saltem in conspectum meum venit, quod auctorem agnoscit IO. WILHELMVM PETERSENIUM. Titulus ei est: *der in allen Seelen sich offenbarende und sich selbst rechtfertigende Gott, das ist, Beweis aus dem Licht der Natur, daß ein Gott sey, und daß die Seele unsterblich, &c. auf Veranlassung einer gottlosen Schrift, welche heimlich auf öffentlicher Canzel in Magdeburg von einem Lichtscheuenden hingeworffen ist, klarlich dargethan, &c. M DCC XIV. 4to.* Ex reliquis christiani orbis regnis ac regionibus non occurrit, qui adhuc nobis hic sit commemorandus ††. In Polonia equidem CASIMIRVS LISZYNSKI, nobilis Lithuanus, anno M DC LXXXIX ob atheismum combustus est. Sed factam ei injuriam, nec atheismi conuiictum fuisse, nonnulli contendunt. Legenda, quae de eo differt LA CROZE, *entretiens sur divers sujets d'histoire, &c. pag. 418. seqq.*

† E Germanis male audiunt THEOPHR. PARACELSVS, VALENT. WEIGELIVS, JOH. BÖHMIVS, JOH. STELLERVS, CHR. HONBURGIUS, & JOH. GEORG. WACHTERVS: conf. REIMM. *Sett. 3. C. 10.* ubi quoque plures recensentur. *Meditationes Philosophicas de Deo, Mundo, & Homine* THEODORI LUDOVICI LAU, quæ rarius reperiuntur, Mistas in usum meum concessit amicus quidam familiaris, easque valde paradoxas repperi: E. G. C. 1. §. 4. ait: *Deus materia simplex, Ego materia modificata: Deus sol, Ego radius: Deus est mens, Ego mentis operatio: &c.* confer quoque STOLLIVM *H. list. P. 2. C. 3. §. 40.* & REIMM. *l. c. §. 20.* neque prætermittendus HERM. VON DER HARD, qui paradoxis suis sacram scripturam profecto prodere videtur. CHR. THOMASIVM quoque, qui in Atheorum censum referrent, non defuerunt: v. STOLLIVM: pauca hujus viri legi, & quæ legi valde obscura videbantur: id tamen bene memini; me, quæ de *Natura hominis morali L. 1. C. 1. Fundam: Juris Nature & Gent. e sensu communi deductorum* differit, cum sana de Spiritibus Doctrina, & animæ immortalitate conciliare non potuisse: quodcumque corpus, secundum THOMASIVM, habet *potentiam invisibilem: potentia invisibilis corporis Humani est anima; cuius naturam, a potentiis reliquorum corporum diversam, diffi-*

reutia figura corporis Humani a reliquis corporibus designat
 etc. De nuperis controversiis inter præclaros Germanicæ
 Philosophos; quid nimirum de Philosophia LEIBNITIANA &
 WOLFFIANA sentiendum sit? Lipsiensium *Nesen Zeitung*,
 STOLLII *Hist. litt. P. 2. C. 3.* & Auctor *Philos. Leibni-
 tiana & Wolffiana in Theologia usus*, ubertim agunt.

†† Conferatur REIMMANNUS, qui in sua *Atheismi Historia* non
 solum de Christianis uberius disputat; verum etiam non
 prætermittit Atheos Sinenses, Muhammedanos & Barbaras
 nationes, quæ hujus criminis rei putantur. De Barbaris præ-
 terea videatur JOH. LUD. FABRICII *Apolog. pro Gen. Hum.
 contra calumniam Atheismi*, Operum p. 119. & seqq. de
 Muhammedanis MARACCIUS *Prodr. P. 3. C. 25.* de Sinen-
 sibus NIEUHOFF *Leg. Batav. P. ult. p. 51.* & præfatio ante
La Démonstr. de l'existence de Dieu FENELONII.

§. XXVIII.

Quemadmodum autem ex hætenus dictis
 abunde patet, atheos dari, ita etiam simul in-
 telligitur, subinde viros innocentes sine causa
 atheismi fuisse accusatos. Atque horum vt longe
 maior adhuc superest numerus *, ita id saltem
 obseruandum, præstantissimis subinde theologis
 contigisse, vt ab aduersariis atheismi rei age-
 rentur, quippe quod ipsius B. MARTINI LVTHE-
 RI **, PILIPPI MELANCHTONIS ***, DESIDERII
 ERASMI Roterodamensis *, IO. CALVINI **, alio-
 rumque *** exemplo patet.

* Catalogum illorum, qui perperam atheismi accusa-
 ti sunt, haud exiguum, ex veteribus pariter ac re-
 centioribus, exhibet auctor *apologiae pro Iul. Cae-
 sare Vanino*, p. 26. 27. sed ita, vt veros atheos il-
 lis, qui falso pro atheismi suspectis habiti sunt, si-
 ne discrimine admisceat. Inter eos autem, quibus
 per iniuriam atheismus imputatus est, recte refert
 Eras.

Erasmum, Melanctonem, Lutherum atque Calvinum.

** Nullam tam nefandam haeresin esse, quam non Pontificii B. LUTHERO tribuunt; satis notum est. Cum Porphyrio, iurato christianae religionis hoste, eum comparauit LEO X pontifex; magistri autem Parisienses cum Montano, forte quod deterior illis ex veteribus haereticis non succurreret. Id iam a me obseruatum, *dissertat. de Spinozismo ante Spinozam*, §. XXIII. Non itaque mirandum, fuisse & inter eosdem, qui omnino atheismum Luthero obliicerent. Totus in eo est ANTONIVS POSSEVINVS, Iesuita, vt *atheismos*, quos vocat, varios colligat, & tum aliis, tum maxime Luthero exprobrat, *biblioth. select. lib. VIII. cap. I. seqq. pag. 384. seqq.* Sed, vt ex vngue leonem agnoscas, speciminis causa vel primum atheismum indicare iuuabit. Nimirum, quia *Esa. IX. 6.* voces אל נבר, non transtulit per *Deus fortis*, sed: *Krafft, Held*, ergo diuinitatem Christi labefactat, ergo est atheus. Ergo omnes, qui scripturam sacram non ita interpretantur, prout POSSEVINVS eique similibus placet, athei sunt. De re ipsa hoc saltem addo, rectius quidem ista verti: *Deus fortis*. Nec tamen inde sequitur, diuinitatem Christi in dubium vocari ab eo, qui aliter vertit. Sed ipse Lutherus causam suam egit *tom. III. Ienens. fol. 173. & tom. VII. Ienens. german. de ultimis verbis Davidis, fol. 159.* Quodsi & reliqua, quae POSSEVINVS adfert, consideres, facile deprehendes, nihil aliud eum agere, quam vt animi malignitatem, cum summa iudicii imbecillitate coniunctam, prodat.

*** Huic non minus, quam B. Luthero atheismos exprobrat POSSEVINVS, sed more suo, hoc est, inapte, & per meram calumniam. Imputat, vt exempli causa vnicum hocce commemoremus, Melancthoni haeresin Arianam, eum, quae cum personarum in vna essentia diuina aequalitate pugnant, docuisse,

cuisse, contendens, & hinc concludit, eum esse atheum; duplici ita argumento stoliditatem suam demonstrans, *loc. cit. pag. 389.*

- * THEOPHILVS RAYNAVDVS, cum atheorum clanculariorum tres classes constituisset, ad primam, eorum scilicet, quibus religio ludus est, & sine rubore, sine scrupulo conscientiae, facetos agunt, vel potius scurras in rebus sanctissimis, cum primis Desiderium Erasmus Roterodamensem refert. Locum, inquit, sibi suum in hac classe scurrarum, de sapientissimorum hominum sententia, vindicat Desiderius Erasmus. Nam quamvis aliis praeterea nec tenuibus maculis sordeant eius pleraque scripta, tamen eo nominatim ex capite reprehensioni proborum patuit, quod de rebus sanctissimis tam iocularia & ridicula chartis commisit, ut alter Lucianus audiret, mysteriis christianae fidei & dogmatibus christianis impia dicacitate & facetiis eodem plane modo ac more exagitatis, quo Lucianus deos suos derisit; &c. Multa alia eiusdem generis addit, & omnem furorem in Erasmus effundit, *erotemat. de malis & bonis libris. partit. I. erot. IV. pag. 22. seqq.* Sed quacnam tantarum irarum erga Erasmus sint causae, neminem fugit. Superstitionis & ignorantiae regnum per Erasmus mirum in modum labefactatum, non possunt non aegre ferre, quorum ut istud consistat & latius propagetur, ac efflorescat, maximopere interest †. Nos sane non omnia ab Erasmo aut dicta aut scripta probamus; habere eum suos naeuos, iocis quoque ac facetiis interdum plus, quam decet, indulsisse, haud inuiti fatemur; atheorum autem eum ideo adscribendum esse ordini, concedere non possumus.

† Quid Magistri Lovanienses contra Erasmus moliti fuerint, v. *Aman. litt. T. I. p. 248.*

- ** Qui nil nisi atheismos haereticorum crepat, eosque Luthero & Melanchtoni exprobrat, de Caluino mitius sentire non potuit, ANTONIVS POSSEVINVS,

VINVS, *biblioth. select. libr. VIII. cap. VI. pag. 389.*
Parum scilicet diligens sibi videbatur, si vel minimam occasionem τὴν ἀπέρσιαν τῆς διαβολῆς ostendendi praetermisisset.

*** Fuisse, qui B. PHIL. IAC. SPENERVM cum ipso Spinoza, atheorum nostra aetate principe compararent, notum est. Legenda, quae hac de re observavi, in *dissertat. de Spinozismo ante Spinozam*, §. XXIII.

† PHIL. A LIMBORCH, solidissimum Theologum & optimum virum Fr. BURMANNUM Patrem, Spinozismi accusare quoque ausus fuit: quod tamen ex mera calumniandi libidine profectum esse, optimi parentis dignissima soboles, FRANCISCUS filius ostendit in *Burmannonum Pietate*.



CAP. II.

ATHEISMUS QVID ET
QVOTVPLEX?

VBI ET

PRAECIPVA ATHEISMI FVN-
DAMENTA EXHIBENTVR.

Σύνοψις.

- A**theismus quid? §. *Theoreticus vel rudior est, I. vel philosophicus; ille An & quousque differat a naturalismo? §. VII.*
- II.** *Theoreticus vel scepticus ab indifferentismo? §. est, vel dogmaticus; de illo quaedam mouentur, §. VIII.*
- III.** *a scepticismo? §. IV.*
- Enthusiasmus** ut atheismo maxime oppositus est, ita quandoque cum eo conuenit, §. V. *Dogmaticus vel Aristotelicus est, vel Stoicus, vel Epicureus, vel Spinozisticus, §. IX.*
- Atheismus** vel practicus est, vel theoreticus; practicus, in quo consistat, §. VI. *Fundamenta praecipua omnium atheismi generum paucis indicantur, §. X.*

§. I.

PER atheismum * peruersissimam animi dispositionem ** intelligimus, qua homo conscientiae dictamen, aut negligens, aut quodammodo opprimens, sibi, non dari Deum, persuadere an nititur***; aut talia adsumit adprobatque placita, ex quibus hoc non potest non per pronam consequentiam fluere*.

* In propria itaque & genuina significatione vocem hanc accipimus, cui & origo eius pariter ac vsus respondent. Solet equidem subinde ad eos ambitus huius vocis extendi, qui falsos & erroneos de Deo conceptus fouent. Idque, ne quid diffitear, ab ipsis, quos vocant, quandoque fit patribus. CLEMENS Alexandrinus, *lib. VII. Strom. p. 504.* recte quidem atheum definit: *Ἀθεὸς μὲν γὰρ ὁ μὴ νομίζων εἶναι θεόν*, *atheus quidem est, qui non putat, esse Deum.* At in *protreptico pag. 11.* in laxiori eandem vocem significatione accipit, vt eam gentilium etiam sacris accommodet. Ex recentioribus praeter multos alios laxiorem hanc vocis significationem sequitur GISEBERTVS VOETIVS, *disputat. de atheismo tom. I. disputation. select. pag. 116.* atheorum adeo sine necessitate numerum multiplicans & inter atheos referens, qui hoc nomine minime erant insigniendi. Non sine ratione hac de re conqueritur auctor *apologiae pro Iul. Caesare Vanino pag. 23.* Cum enim definitionem atheismi, a VOETIO traditam, retulisset, addit; *omnes species (atheismi) quas subiungit, recensere supersedeo; ex laxiori significatione numerum athuorum, quem saepius mirari soleo, subortum indicans. Non solum enim ethnici, Iudaei, Mubamedani, sed & omnes omnino errore satae haereses hoc nomine compellendae essent, quarum aecclae tamen Deum, licet minus recta fide, & verum Deum colunt.*

colunt. Intentatur crimen ethnicis, & hi eorumque princeps Iulianus, ille apostata philosophus, primis intentarunt christianis. Qui Christi Saluatoris dulcissimum nomen colunt, Romanos de atheismo postulant, at hi reliquos non minore numero. Illis ipsis haereticae prauitatis magistris haereticus est atheus, & atheus est haereticus. Sic Eunomium Hieronymus, Arrium Athanasius atheos appellitant, qui unum Deum nunquam negarunt. Eodem modo verbi illius vtendi libido totas gentes crimine atrocissimo notauit. In oriente Seres & Deos quidem Celso, Origenis antagonistae, non quidem, quod numen naturae auctorem ignorarent, sed quod statuas forsitan, aras & templa non haberent. Neque vero nomen in religionis solum negotio regnat, sed & in rebus civilibus locum habet non postremum. Ab Hispaniarum partium theologia Galli, Veneti, omnesque alii, qui consiliis & conatibus eorum minus fauent, athei saluantur, & hi eodem nomine Hispanos insigniunt. Gallo-Franci, qui nutibus Romanae curiae se non mancipant, athei vocantur & Libertini; immo illi quicquid obstat, hoc crimine, quasi falce chalybea dissecant. Praestat itaque in strictiori, quae & propria est, hanc vocem sumere significatione. Qui enim hoc non faciunt, quae sunt distinctissima inter se confundunt, & quadrata miscent rotundis. Maximam quoque viris innocentibus subinde inferunt iniuriam. Qui enim eos atheos vocari audiunt, de laxiori vocis significatione, vtpote minus vsitata, non cogitantes, eos tales esse putant, qui ad extremum impietatis gradum venerunt, numinisque negarunt existentiam. Eos etiam, qui quosuis dissentientes statim pro atheis habent, non alia ad hoc induci causa, manifestum est, quam vt iram omnem atque furorem in eos effundant. Cum enim atheo homine nihil sit execrabilius, eodem loco omnes, quorum dissensum ferre nequeunt, haberi vellent, eodem etiam supplicio, quo subinde athei adfecti sunt, si penes illos staret, adficiendos. Certe ANTONIO POSSEVINO, de quo ad cap. praeced. §. ult. dictum, homini-

minibusque ei similibus, non aliam causam fuisse, cur Lutherum, Melanchthonem, aliosque, in atheorum numerum referrent, nemo dubitauerit.

** Summa haec est intellectus corruptio, si quis ea, quae euentissima sunt, aut non perspiciat, aut in dubium vocet. Concurrit autem vel maxime vitium voluntatis, intellectum ad ea neganda determinantis, quae non esse, ipsius maxime refert, aut eiusmodi homo vnice in votis habet. Ex naturali mentis, qua omnes homines laborant, labe, corruptio haec originem ducit, sed variis deinceps causis augetur, donec ad summum fastigium perueniat, homoque adeo in maximam miseriam praecipit ruat.

*** Ita eos designamus, qui directe & citra ambages, reluctante licet & retinente conscientia, nullum esse Deum, sibi aliisque persuadere cupiunt, quos *atheos primi ordinis* supra ad cap. praeced. §. I. diximus.

* *Atheos secundi ordinis* innuo; qui, licet directe, Deum esse, non negent, eiusmodi tamen hypotheses fouent, ex quibus necessario hoc sequitur. Pertinent huc plerique eorum, quos capite praecedenti enumerauimus.

§. II.

Naturalismus, si idem sit, ac pantheismus, cum atheismo conuenit, aut saltem species atheismi est *. Sin illorum hac voce denotetur sententia, qui per solam rationem, seposita reuelatione, homines aeternam salutem consequi posse, contendunt, ab atheismo equidem differt, facile tamen in eum degenerat, aut ad eum ducit **.

* Vo-

* Vocem *naturalismus* diuersimode accipi, constat. Interdum enī idem est, ac Pelagianismus, quem *subtilem naturalismum* dixeris. Interdum vero illorum sententiam denotat, qui per solius rationis scita, seposita reuelatione, viam ad aeternam salutem patere contendunt, eamque adeo & ethnicis, si rationis rectae ductum secuti sint, adjudicare nulli dubitant. Quem quidem *crassiozem naturalismum* vocare liceat. *Crassissimus* vero illorum est, qui non alium, quam naturam, seu hocce vniuersum, Deum agnoscunt; qui & *pantheismi*, & a praecipuo impij erroris restauratore, *Spinozismi* nomine venire solet. Obseruata haec iam sunt in *institutionib. theol. moralis, part. I. cap. I. sect. II. ad XXX.* Subtilis naturalismus hic in censum non venit. Crassissimum vero illum, seu pantheismum, ab atheismo non differre, res ipsa docet. Legenda, quae de *naturalismo atheistico* disserit ADAMVS TRIBBECHOVIUS in *historia naturalismi cap. XI. p. 51.* Non tamen omnis atheismus est naturalismus, seu pantheismus. Dari enim diuersas atheismi species, ex dicendis patebit.

** Non enim statim, Deum esse, negat, qui solam rationem ad salutem consequendam sufficere, asserit. Hoc tamen, qui inter christianos asserunt, infensum erga religionem christianam animum produnt. Hinc vero proximus ad atheismum gradus, quod exempla Spinozae, Thomae Hobbesii, aliorumque ostendunt †. Ad hancce naturalistarum classē, praeter Hobbesium & Eduardum Herbertum, ADAMVS TRIBBECHOVIUS etiam refert Franciscum Puccium ††, atque Thomam Campanellam, in *historia naturalismi, cap. X. pag. 47. seqq.*

† V. den Hinfibelaar p. 25.

†† Conf. *Histor. und Philos. einleitung* P. 5. p. 187. & seqq. ubi quoque plurima, quae Naturalismum spectant, reperies: nec non *Philosophisches Lexicon* JOH. GEORG. WALCHII: quem porro, cum in illo Libro, tum in hoc Lexico, de *indifferentismo, scepticismo* &c. consulas.

§. III.

§. III.

Indifferentismus religionum si vniuersalis sit, ita, vt quis omnes religiones vno eodemque loco habeat, hoc est, omnes aequè contemnat, reiiciatque, ab atheismo itidem non differt. Fieri enim prorsus nequit, vt Deum aliquis esse credat, simulque omnem eius cultum reiiciat. Sin vero naturalem quis saltem religionem admittat, cum naturalismo, de quo antea dictum, conueniet. Particularem indifferentismum qui statuunt, etsi & ipsi grauiter errent, atheismi tamen argui nequeunt †*.

† Quam late Indifferentismus cum vniuersalis, tum particularis, inter cuiusvis ordinis homines sese diffeminaverit; fidem superat! cum dolore id animadvertunt prudentiores, & deteriora praesagiunt. Testis est T. H. HONERUS in Oratione haud ita pridem contra Indifferentistas habita.

* Lucem hic dabunt, quae de religionum indifferentismo, variisque eius speciebus, & gradibus, dixi, in *institutionib. theolog. moral. part. I. cap. I. sect. II. ad §. XXIX.* Hoc saltem addo, impotentis animi indicium eos praebere, qui viros in controuersiis domesticis, iis praecipue, quae non magni momenti sunt, moderata consilia sequentes, statim indifferentismi religionum, & quem hinc fluere putant, atheismi, arguunt †.

† Utinam omnes, qui veritatis ruspatores haberi volunt, non amore sui, sed veritatis imperarentur! Tanta in disputando vehementia & turbidi affectus sese neutiquam producerent.

§. IV.

§. IV.

Idem & de scepticismo dicendum. Hic enim si vniuersalis sit, numinis etiam existentiam in dubium vocat. Perinde vero tandem est, siue Deum esse neges, siue an existat, dubites, nisi forte in eo discrimen constituatur, quod alterum malignitatem maiorem, alterum maiorem stultitiam indicet †*. De particulari autem scepticismo, etsi & is vitio non careat, aliter existimandum.

† Licet illi, qui dubitationi de Deo lubentes indulgent, imo eam augere conantur, quosque scepticos *malevolos* appellare lubet, ab Atheismo non longe distent; idem tamen nemo temere dixerit de hominibus scrupulosis, qui inviti sæpius variis dubiis premuntur. Quicumque in vita spirituali non plane hospes est, non nescit, piissimos interdum homines, a Satana, qui innumeras contra Numinis existentiam difficultates iis suggerit, miserrime vexari. Scepticismi nomen si quis hoc in casu adhiberi velit, scepticismus ille *miserabilis* vocari potest.

* Varias esse scepticismi species, gradusque diuersos, ex instituto a me expositum, in *dissertat. de scepticismo morali*, quæ extat in *analecâ histor. philos.* §. III. *seqq.* Vniuersalem scepticismum ab atheismo non differre, non temere quis negauerit. Negare hoc equidem videtur FRANCISCVS MATHÆVS VAYERIVS, sed ita vt reuera scepticos atheos fuisse concedat. Non enim ex instituto eos atheismum professos dicit, vt perperam nonnulli crediderint. Patere namque ex SEXTO EMPIRICO, eos, sicut reliquos philosophos, existentiam numinis admisisse, cultumque consuetum ei exhibuisse, nec negasse providentiam. Praeterquam vero, quod nunquam determinare causam primam admiserint, & hinc ad idololatriam sui temporis reiciendam induci sint, nihil eos de natura Dei, nisi cum suspensione iudicii asse-

asseruisse, nec quicquam nisi cum dubitatione fuisse professos, idque saltem, VT LEGIBVS MORIBVSQVE SVI SECVLI ET REGIONIS IN QVA VIVERANT, SE ATTEMPERARENT; hinc & cum aliis ethnicorum philosophis aeternam salutem non denegat, Pyrrhonios tamen ab ea plane exclusos esse contendit; *de la vertu des Païens*, pag. 226. Et sane conueniunt haec cum iis, quae de scepticis ipse refert SEXTVS EMPIRICVS †: τάχα γὰρ ἀσφαλέστερος παρὰ τὸς ἑτέρας φιλοσοφίας ἐνυπνίσσεται ὁ Σκεπτικὸς, κατὰ μὲν τὰ πάτρια ἔδη, καὶ τὸς νόμους, λέγων εἶναι θεὸς καὶ πᾶν τὸ εἰς τὴν τέτων θρησκείαν, καὶ ἐνσέβειαν συντείνον ποιῶν. Τὸ δ' ὅσον ἐπὶ τῇ φιλοσοφίᾳ ζητήσῃ μὴδὲν προπετενόμενος; Fortasse etiam cautiior & tutior inuenietur scepticus, quam ii, qui aliter philosophantur, dicens, esse Deos ex moribus ac legibus patriis, & faciens, quicquid ad eorum cultum & venerationem pertinet; quod autem attinet ad philosophicam eorum inquisitionem, nihil temere definit, *libr. VIII. cap. de Diis*. Quae SEXTI verba cum & PETRVS DE VILLEMANDY retulisset, recte subiicit: *Egregia scilicet pietas! quae ideo tantum Deum agnoscit & veneratur, quia sic a societate sancitum; colitque, ne concinium incurrat horrorem: de caetero an sit, an vero non sit, humana regat, an vero minime, prorsus incertum, neque ullaatenus inquirendum, opinatur. Haec scilicet, si quando ad flagitium aliquod, vel utilitatis vel voluptatis illicitis inclinabit, ab eius perpetratione Numinis huius praesentia ac metu deterrebitur! Quam facilis ab ea indifferentia eoque supremi Numinis contemptu ad atheismum prolapsus! in scepticismo debellato cap. IV. pag. 26. 27.* Immo non tantum prolapsus inde facilis ad atheismum, sed, si dicendum, quod res est, ipse iam atheismus est. Qui enim dubitat, an Deus sit, non magis eum admittit, quam qui diserte eum esse negat; nec magis etiam eum colet, aut colere poterit. FRANCISCVS equidem MOTHAEVS VAYERIVS, quem modo laudauimus, ex Pyrrhonismo hoc de-

inum

mum redundare in homines commodum existimat, quod rationis, quae ex dubiis, quae sibi format, infinitis, eluctari nequeat, imbecillitatem, suamque adeo miseriam intelligentes, eo facilius ad religionis christianae, quae his defectibus medeatur, decreta admittenda, adduci queant; *loc. cit. pag. 229.* Quam eius sententiam etiam calculo suo adprobatur PETRVS BAEIVS, *dictionar. histor. critic. voc. Pyrrhon. pag. 2482.* Haec vero ad caliginem saltem aliorum oculis offundendam, atque salendos incautos dici, nemo temere dubitauerit. Alia sane suppetit ratio, humanae mentis imbecillitatem, ignorantiamque in rebus diuinis cognoscendi, ut ideo ad extremum huncce stultitiae gradum, qui in scepticismo conspicitur, descendere, necesse non sit. Quem autem semel huius morbus reuera occupauit, illum ad christianae religionis admittenda placita reliquis omnibus longe ineptiorem esse, iudico. Quid enim agas cum homine, qui de principiis omnibus, quibus veritas christianae religionis innititur, & ex quibus demonstrari potest, dubitat? PETRVM vero BAEIVM ex animi sententia hoc dixisse (per scepticismum viam ad religionem christianam parari) eo minus est credibile, quod ipsemet in praecedentibus *lit. B. pag. 2430.* omnes ingenii vires intendat, ut probet, ipsa christianae religionis scita arma suppeditare, quibus scepticismus plane inuincibilis euadat; quamuis haec ita comparata sint, ut, vincibilem scepticismum esse, facile demonstrari queat.

† Alium locum EMPIRICI, quem Vajerium quoque respexisse putat, adducit REIMM. *Sect. 2. C. 3. §. 1.* nimirum e *L. 3. Pyrrh. Hyp. C. 1. p. 128.* nullum autem dogma statuentes dicimus esse Deos, & colimus Deos, & Providentiam illis attribuimus.

§. V.

Enthusiasmus etsi toto coelo ab atheismo differat,

ferat, immo pugnare cum eo prorsus videatur,* fieri tamen potest, vt in atheismum tandem abeat, si per ἀποθέωσιν quandam cuncta in essentiam diuinam reducantur **. Siue enim res omnes creatas in Deum mutes, quod enthusiasmus hoc modo spectatus facit, siue Deum in res creatas, seu materiam, quod Spinozismo est proprium, res eodem tandem recidit.

* Quid & quotuplex enthusiasmus sit, copiose a me est expositum, in *Institutionib. theol. moralis part. I. cap. I. sect. V. §. XVII. seqq.* †

† Confer CHR. SONTAGII *animadvers. 100. miscellas in Fanaticismum. Familistæ*, qui inter Fanaticos numerantur, Blasphema contra Deum pronuntiavere. v. *Aman. litt. T. 9. p. 678.*

** Hoc itidem a me iam obseruatum, in *dissertat. de Spinozismo ante Spinozam, §. XII. pag. 329.* Est tamen hic caute incedendum, ne temere alicui opinionem tribuamus, quæ illi in mentem non venit. Et primo quidem ipsius enthusiasmi, aut dogmatum eo tendentium, nisi certo hoc nobis constet, quenquam accusare, nefas erit. Deinde, si vel maxime iure aliquis enthusiasmi accusetur, non omnes tamen eodem habere loco decet. Sunt enim diuersæ species enthusiasmi, gradusque diuersi. Solent haud raro mystici ac theosophici, quos vocant, scriptores, enthusiasmi accusari, immo eius enthusiasmi, qui in pantheismum, quem alias Spinozismum vocant, tandem abit. Nec negauerim, quosdam ita locutos, vt huius impietatis rei censeriqueant. De omnibus profecto id minime asseuerauerim. Occasionem accusationi dedit dogma de θεοποίησι, seu ἀποθέωσει, ex Platonica atque Pythagorica disciplina ortum. Equidem, an Pythagoras atque Plato, quando docuerunt, finem philosophiæ esse, ὁμοιωθῆναι τῷ θεῷ, Deo
L affi-

assimilari, hoc ita intellexerint, quod homo tandem Deus fieri, seu in essentiam diuinam mutari debeat, nondum positum est extra omnem controuersiam. Sunt enim viri doctissimi, qui, istas philosophorum locutiones *Φυσιολογίας* accipiendas negantes, de assimilatione quadam, qua virtutes, eas intelligendas, contendunt. Certe mitiorem hanc interpretationem, sensumque moralem locum inuenire, quoties veteris ecclesiae patres, IO. CHRYSOSTOMVS, GREGORIUS Nazianzenus, CYRILLVS, THEODORETVS, alique, eiusmodi tormulis vsi sunt, nemo temere dubitauerit. Vfos autem esse, praeter alios ostendit celeberrimus academiae Lipsiensis theologus, AD. RECHENBERGIUS, in *dissert. de origine theologiae mysticae* §. XX. Licet vero quidam inter mysticos, hisce formulis abusi sint, & talia docuerint, quae ad physicam quandam *ἀποδείξεις* collimant, ideo tamen omnibus promiscue ac sine discrimine, impius ille error tribui nequit. Sunt inter eos, qui enthusiasmi nomine male audiunt, nonnulli, qui & ideo inter atheos referuntur, quod emanationem quandam rerum omnium ex Deo statuunt, quos inter philosophus ille Teutonicus, IACOB BOEHMIUS, haud vltimum locum tenet. At alii eos a Spinozismi suspicione liberant, cū ipsam illorum sententiam non adprobent, si emanatio talis intelligatur, in qua id, quod emanat, reuera distinguitur a principio, vnde emanat. Et huic quoque sententiae ipse quondam calculus meum adieci in *dissert. de Spinozismo ante Spinozam*, §. XXI. Quod non ita accipiendum, ac si eiusmodi hominum villo modo defendere sententiam, aut ab errore liberare velim. Hanc enim mentem meam non fuisse, quivis, qui paulo attentius, quae ibi scripsi, legerit, facile iudicabit. Quod si quis ostenderit, Boehmii eam sententiam fuisse, qua discrimen inter creatorem & creaturam tollitur, cum iure meritoque Spinozismi argui, lubens concesserim. Multo vero minus ipsam doctrinam de emanatione meam facio, a qua me alienissimum esse,
iam

iam tum, cum ista scriberem, professus sum, *loc. cit. pag. 344*. Enim vero, etsi emanatio ista explicari utcunque queat, ut discrimen inter creatorem & creaturam, saluum maneat, & a viris doctis ita etiam explicetur, ut supra ad *capitis praecedentis §. VI.* observauimus, ita tamen comparata est haec locutio, ut non tantum scripturae suffragio destituatur, sed facile aliquem ad Spinozismum ducere queat; nec modum creationis, qui captum humanae mentis superat, explicat, sed inuoluit potius, meritoque adeo, utpote maximo cum periculo coniuncta, reicitur. Nec praetermittendum, quod eidem IACOBO BOEHMIO, aliisque, qui itidem aut pro enthusiastis, aut fanaticis habentur, saepius & quidem non immerito exprobratum fuit, eos Deum in se, absque creaturis, aut sine *σχέσι* ad res creatas spectatum, *NIHIL* vocasse. Quod profecto neutiquam ferendum. Etiam si enim vel maxime discrimen inter *nihil* & *non ens*, quod nonnulli urgent, admitteretur, simulque concederetur, auctores, qui ita locuti sunt, Deum saltem intuitu nostrae cognitionis *nihil* vocasse, quia Deus absque rebus creatis spectatus, a nobis concipi nequeat; falsum tamen est, Deum nullo modo in se absque rebus creatis, spectatum, cognosci aut quodammodo concipi non posse. Perfecte & adaequate Deum concipi non posse, lubentes concedimus; sed id ita se habere, rursus dissentientibus concedendum est, siue absque rebus creatis, siue cum iis spectetur. Non vero video, quid obstet, quo minus quis ideam entis perfectissimi animo utcunque concipere queat, etsi rerum ab eo productarum nullam habeat rationem. Praeterea cum non omnes ea ingenii subtilitate praediti sint, ut discrimen inter *nihil* & *non ens* capiant, fieri aliter nequit, quam ut plurimi talia audientes in eam inducantur sententiam, ante rerum adspectabilium productionem nullum fuisse Deum.

§. VI.

Atheismus proprie sic dictus vel *theoreticus* est, vel *practicus*. Si enim vita quis moribusque testetur, nullum se credere Deum, qui peccata puniturus sit, eum *practicum atheum* vocare, moris est *. Sin vero dictis scriptisque idem testetur, cum in vita honestatem quandam, virtutisque prae se ferat speciem, *theoreticus* vocari solet.

* Non omnes, qui cupiditatibus suis indulgentes vitiis immerguntur, aut flagitia quaevis perpetrant, statim pro *atheis practicis* habendi †. Constat enim diuersa ratione induci homines, vt cupiditatibus suis prauis frena laxent. Multi de Deo eiusque prouidentia & iustitia plane sunt persuasi, & nihilofecius in omne se dant vitiorum genus, eo quod credant, se facile per meritum Christi remissionem peccatorum impetraturos, aut quod peccata sua, quantumvis atrociam, inter humanas imbecillitates referant, aut quod poenitentiam ab vno tempore in aliud differant, aut quae aliae esse causae possunt, quibus inducti impunitatem prae actorum sibi pollicentur. Immo homines superstitioni ad furorem vsque dectos, flagitiosissimos fuisse, experientia docet, & viris eruditissimis non semel obseruatum. Hos tamen nemo atheos dixerit. Quare si quis pro atheo practico habendus, ex certis signis nobis constare debet, flagitia eius sceleraque non ex alio promanare fonte, quam quod nullum esse credat Deum. Hinc & re ipsa atheismus practicus a theotetico non differt; sed vnus idemque atheismus, prout aut ex vita, aut ex dictis scriptisque cognoscitur, mox *practicus*, mox *theoreticus* dicitur ††. Causa diuersitatis inde repetenda, quod nonnulli ex atheis promiores sint ad voluptatem, adeoque ad externam honestatem.

honestatis speciem adsumendam parum apti: alii autem ad ambitionem, qui virtutis quadam imagine alios fallunt, atheismum autem minus dissimulant, ut aliis sapientiores acutioresque videantur. Vnde & sequitur, etsi maxima hominum flagitiis deditorum sit multitudo, non tamen inde probrari posse, tantam esse multitudinem atheorum practicum, quemadmodum est numerus, quam vulgo putant. Quod contra ipsos atheos obicruandum, ex multitudine hominum, quibus eandem sententiam tribuunt, praesidium aliquod causae suae desperatae quaerentium †††.

† Pro varia Atheismi Practici definitione, id, quod Auctor hoc loco dicit, affirmari vel negari potest.

†† Atheus Theoreticus secundum definitionem Auctoris, potius *professione Atheus* dicendus foret: *Atheus Practicus* mihi est, qui vitae ratione Deum quidem abnegat, non tamen de industria ejus existentiam diffidetur: *Theoreticus* vero, qui, num Deus sit in medio relinquit; vel eoque progreditur, ut dedita opera statuatur, Deum non existere: unde statim sequitur Atheismum Theoreticum, in *Scepticum* & *Positivum* seu *Dogeticum*, si mavis, dispesci. Atheismus Scepticus æque ac Positivus est; vel illorum, qui *opinionem* tantum sunt Athei, vel eorum, qui *professione* quoque sese tales exhibent: utraque iterum species in Atheos *rudiores* & *Philosophicos* dividi potest. Monendum tamen est, me per *opinionem* Atheorum non intelligere sinceram quandam & firmam animi sententiam, sed levidensem persuasivam, quam sibi ipsi obtrudere conantur.

††† Auctor *Præfationis*, quæ FENELONII *differt.* præfixa est, memorat: hominem quendam ipsi ingenue professum esse, se quosvis obvios ad Atheismum abducere studuisse, ut tandem consentientium Auctoritate, in sua opinione securus acquiescere posset.

§. VII.

Theoreticus atheismus vel *rudior* est, seu plebeius,

beius, vel *philosophicus*. Rudior illorum est, qui coeco animi impetu prauisque adfectibus abrepti, nullum esse Deum, sibi persuadent, aut persuadere cupiunt, etsi effectuum, quos quotidie in rerum natura conspiciunt, quia Deum esse clamitant, nullam reddere rationem queant, nec de eo sint solliciti †.*

† *Rudiores* Athei sunt, vel *bruti*, qui nulla facultate pollent de rebus Divinis differendi; vel *stupidi*, qui ea non quidem destituti sunt; animum tamen nullo modo excolunt & rebus Terrenis immergi isthac facultate plane uti nolunt.

* Inter homines plebeios, aulicos etiam, qui litterarum rudes sunt, militesque & id genus alios, tales dari, nemo negauerit. Hi vero, si dicendum, quod res est, a brutis non differunt. Estque haud raro horum atheismus, practicus potius, quam theoreticus. Quamuis interdum uterque coniunctus esse solet.

§. VIII.

Atheismus philosophicus vel *scepticus* est, vel *dogmaticus*. Scepticus illorum est, qui, nullius rei certam se habere cognitionem posse, putantes, de ipsa Numinis existentia dubitant*. Dogmaticus vero illorum, qui, cum Deum esse negent, eiusmodi philosophiae systema adsumunt, per quod effectuum naturalium se reddere rationem posse, putant, ut nullum tamen creatorem, seu Deum, admittere cogantur.

* Conferenda, quae antea ad §. IV. huius capituli; item ad capituli praecedentis §. XIV. dicta sunt.

§. IX.

§. IX.

Dogmaticus pro diuersitate systematis, per quod quisque naturae phaenomena secluso Deo, explicare annititur*, iterum varius est. Alius namque erit *Aristotelicus***, alius *Stoicus****, alius *Epicuraeus**, alius denique *Spinozianus***, quemadmodum a praecipuo restauratore eum dicere hodie moris est. Ad quatuor enim haecce genera cuncta atheorum systemata reuocari possunt; quae autem non possunt, digna non sunt, vteorum habeatur ratio***.

- * Non ita hoc est capiendum, ac si omnia haec systemata vno eodemque habenda sint loco, aut ac si nullum illorum vlla ratione adhiberi queat, vt non simul atheismus admittatur. Secus enim se rem habere, nemo harum intelligens inficiatus fuerit. Id equidem, quod Eleaticum vocari potest, & quod a Spinoza renouatum est, per se ad atheismum ducit, nulloque modo ab eo liberari potest, vt ex dicendis patebit †. Idem & de Stoico dicendum. Nec aliter sentiendum de Epicuraco, si ex mente Epicuri accipiatur, vt, praeter atomos seu corpuscula, nulla substantia incorporea seu immaterialis admittatur. Haec vero si admittatur, corpuscularis philosophia non tantum libera erit ab atheismo, sed vt omnium commodissime ad explicanda naturae phaenomena adhibetur, ita & validissima contra ipsos atheos arma suppeditat; vt subinde a viris doctis, corpuscularis philosophiae sectatoribus, est demonstratum. Legenda, quae in compendio hac de re dixit IENKINVS THOMASIVS, in *hist. philos. de atheismo* cap. II. §. VIII. pag. 44 seqq. Pari ratione & de Aristotelico, quod vocamus, censendum.

Hoc enim si ex ipsius Aristotelis mente capiatur, impietatis non erit expers. Interim si hoc nomine denotetur ratio explicandi naturae phaenomena, per formas substantiales, atque qualitates, nullum est dubium, quin ita institui queat, vt rerum omnium creator, siue Deus, in eo locum inueniat. Quamcunque autem aliquis sequatur de rebus naturalibus philosophandi rationem, ea mihi optima videtur, quae demonstrat, quodcunque adsumatur principium, sufficientem tamen phaenomenorum naturalium rationem reddi non posse, nisi Deus, sapientissime & ex liberrima voluntate hoc ita constituens, statuatur; cuius methodi prorsus egregiae specimen luculentissimum secundum hypothesen IS. NEWTONI, summi philosophi, dedit GEORGIUS CHEYNE, in *principiis philosophicis religionis naturalis*; quarum summam exhibet IOANNES CLERICVS, *bibl. anc. & mod. tom. III. part. I. art. II. pag. 41. seqq.*

† Cum in praecedentibus vidimus, ea, quae de Eleaticis aliisque Cel. Auctor autumat, nondum plane in confesso esse: alia forte Atheismi *Dogmatico-Philosophici* divisio desiderari posset: non tamen necessaria est; si modo per Atheismum *Aristotelicum & Stoicum* (de duobus reliquis utique nulla est difficultas) intelligamus talem, qui proxime cum Aristotelis & Stoæ de Deo placitis coincidit..

** Aristotelicus atheismus illis tribuitur, qui per formas & qualitates, naturae phaenomena explicare annuntunt. Nimirum materiam aeternam & infinitam esse statuunt, & in se spectatam generationi ac corruptioni minime obnoxiam, generationem vero & corruptionem omnem de formis tantum ac qualitatibus esse intelligendam. Istas autem formas & qualitates entia realia esse putant, realiter a magnitudine, figura, situ, motu, quiete, aliisque, quae materiae primario competunt, diuersa; ad quam quidem formarum ac qualitarum classem, quae mox generentur, mox corrumpantur, etiam vitam in animalibus, sensum, atque rationem referunt.

ferunt. Quodsi a corpuscularis philosophiae sectatoribus illis obiiciatur, entitates reales a magnitudine, figura & motu diuersas, corrumpi & generari non posse, cum inde scuturum esset, ex nihilo posse fieri aliquid, & vice versa ens reale posse mutari in nihil, quod recepto illi principio, ex nihilo nihil fiet, repugnet, respondent, hocce principium tantum de ipsa substantia materiae intelligendum esse, non autem de formis & qualitatibus, quae sint materiae accidentia. Antiquissimos philosophorum in ea fuisse sententia, inde manifestum est, quod ipse ARISTOTELES eius non tantum meminit, sed contra eam disputat, *lib. I. metaphys. cap. III. & lib. II. cap. I.* Sunt, qui eam Ionicis tribuunt. Et sane vix video, qua ratione illi ex schola Ionica, qui solam materiam admiserunt, aliter naturae phaenomena explicare potuerint. A corpusculari enim philosophia eos alienos fuisse, constat. Conferenda, quae de atheismo scholae Ionicae supra disputauimus, *cap. praeced. §. X.* Cumprimis autem ipsi Aristoteli hoc systema tribuitur, adeo vt etiam Aristotelicum vulgo dicatur. Sane formas & qualitates eiusmodi, Aristotelem & genninos eius sectatores admittere, notum est. Quia tamen idem principium aliquod agens statuit, in eo discrimen intercedere videtur. Vnde & ratio patet, quo nomine hanc sententiam ipsemet rejiciat. Nec tamen ideo ab atheismo immunis est Stagirita, vt supra iam obseruauimus, *cap. praecedent. §. XV. item §. XXIV.* cum de Andrea Caesalpino verba faceremus. Atheismum autem in isto formarum & qualitarum systemate, haud difficulter deprehendere licet. Si enim nulla alia praeter materiam datur substantia, sique cuncta naturae phaenomena hac ratione explicari possunt, Deo nec locus, nec eodem opus est. Atheos illos, qui ex disciplina Aristotelica prodierunt, Iul. Caes. Vaninum, Andream Caesalpinum, ceterosque, de quibus *cap. praeced. §. XXV.* dictum, si reuera athei fuerunt, & systema aliquod atheisticum sibi for-

marunt, non aliud, quam hoc ipsum admisisse, probabile; nisi in quibusdam ab Aristotelicis principiis discesserint. De Stratone Lampsaeceno deinceps dicemus, cum propius ad Epicurum accesserit. Fuisse, qui, atheismum Aristotelis cum Spinozismo conuenire, existimauerint, supra nobis *cap. I. §. XV.* obseruatum. Sed etsi vel maxime atheismus Aristotelicus in Spinozismum tandem abeat, quia tamen methodus naturae phaenomena explicandi secundum principia Aristotelis, diuersa est a methodo Spinozae, non sine ratione hic atheismum Aristotelicum ab atheismo Spinozae distinguimus.

*** Nimirum Deum quidem admittebant, sed eundem & fati legibus obnoxium, & cum materia arctissimo indissolubilique vinculo coniunctum, adeoque, etsi quodammodo a Spinozae errore diuersa sentiebant, quo nomine & hic illorum atheismum a Spinozismo distinguimus, proxime tamen ad illud accedebant. Repetenda, quae *cap. I. §. XVIII.* de Stoicis diximus, item quae de Heraclito *§. XX.* differuimus.

* An Epicurus, quem prouidentiam diuinam negasse constat, atheus fuerit, fusc iam *cap. praeced. §. XIX.* disputauius. Nunc paucis saltem systema eius delineabimus. Hinc enim ea, quae supra diximus, confirmabuntur, & viam nobis ad cuncta atheorum fundamenta euertenda, parabimus. Non aliud rerum naturalium principium, quam atomos, atque inane, Epicurum admisisse notum est †. Omnem itaque etiam substantiam incorpoream ex mundo exludebat, quae praecipua impietatis eius causa erat. Per atomos autem corpuseula intelligebat, mente percepta, sempiterna, expertia vacui, non minus ac interitus, figuris variis, non tamen infinitis, vtut incomprehensibilibus, a se inuicem distincta, diuersa insuper magnitudine ac pondere instructa. Haec porro non tantum ab omni
acter-

aeternitate existere, sed etiam sola ponderis sui virtute, sine vitae aut sensus adiumento, vel causae alicuius externae impulsu, ab infinitis temporibus, in infinito vacuo, moueri, docuit. Constant haec ex *PLUTARCHO*, de *placitis philosophor. lib. I. cap. III.* *LUCRETIO* de *rerum natura lib. I. & II.* *DIogene LAERTIO*, *libr. X.* Ex hisce atomis, vt omnia corpora, totumque mundum extrueret, praeter motum perpendicularem, a pondere naturali istorum corpusculorum ortum, alium adhuc, quem *declinationis* vocat, commentus est. Si enim atomi linea recta tantum deorsum ferri concipiantur, fieri non poterat, vt vna atomus alteram in infinito illo inani attingeret, adeoque nec in corpora maiora concrefcere poterant. Per motum autem *declinationis* atomi a motu perpendiculari paululum declinantes & in vicinas incidentes, cum illis coalescere, & impulsione sua nouum illis motum imprimere poterant, variis hinc corporibus originem praebiturae. Ex isto nimirum atomorum in diuersis infiniti inanis regionibus, diuersa ratione inter se concurrentium, motumque diuersum concitantium combinationibus, separationibus, aliisque motionibus, per infinita tempora continuatis, infinitos tandem extitisse mundos, interque eos & illum, cuius nos partem constituimus. Et ad nostri quidem mundi ortum quod attinet, partem atomorum, quae continuo celerrimoque motu hinc inde ferebantur, in hunc infiniti inanis locum, in quo mundus noster est, confluisse, putabat, easque se mutuo apprehendentes, & sibi inuicem velut irretitas, in rudem quandam & indigestam coaluisse molem, in qua maiora corpuscula minoribus, rotunda angulis, laeuius hamatis, alia alijs, fortuito ex concursu commixta fuerint. In ista variorum corpusculorum congerie ea, quae magnitudine & pondere ceteris praestabant, inferiora loca petiisse, ex quibus terra sit genita, reliqua subtiliora magis, leuiusque & rotunda, aëri, aquae, corporibusque coelestibus dedisse originem. Quo pacto ex hisce principiis,

cipiis, omnes mundi partes, animalia quoque cuncta, ipsosque homines, qua corpus, qua animam eiusque facultates, intellectum & voluntatem, deriuat, exponere, prolixum nimis foret, & a nostro instituto alienum. Legi ista apud T. LVCRETIVM CARVM, DIOGENEM LAERTIVM, aliosque, possunt. Id puto satis manifestum esse, cuncta eo tendere, vt Deus a mundi constructione prorsus excludatur, & ne minimae quidem illi relinquantur partes. Commemorandus vero hic nobis etiam est STRATO LAMPACENVS, a quo peculiare systema atheisticum, *Stratonicum* dici solet. Licet enim inter Peripateticos referatur; in eo tamen cum Epicuro consentit, quod materiam in plurimas particulas discernit, & fortuito motui in constituendis rerum originibus locum relinquit. Et haecenus atheismus Stratonicus sub Epicureo comprehendendi potest. Differt tamen in eo, quod pro materia stupida, vitaeque omni destituta, Epicureorum, STRATO materiam vita quadam naturali & plastica intructam, substituatur, vt supra ad *cap. praeced. §. XVI.* observauimus. Quo ipso licet atheis via quaedam elabendi ex difficultatibus, quibus Epicuri systema premitur, suppeditetur, acque lubrico tamen fundamento cuncta innituntur, vt in sequentibus demonstrabitur.

† De Atomis & reliquo Epicuri systemate confer FENELON. *Demonstr. de l'existence de Dieu* C. 74. & seqq. MORHOFII *Polyb. Philos. L. 2. P. I. C. 7.* WALCHII *Phil. Lexicon* & *Cel. Ode Princip. Philos. Nat. P. I. p. 35.* nec non *Cel. P. VAN MUSSCHENBROEK beginselen der natuurkunde* c. 2. §. 24. enz.

** A Spinoza hocce atheismi genus nomen sortitum est, non, quod ille primus huius impietatis inuentor fuerit, sed quod eam in systematis formam redegerit, & fallacem quandam speciem ei conciliauerit. Plurimi equidem veterum talia adseruerunt, quae ad Spinozismum accedunt, licet quaedam propius, quam alia proxime tamen huc accedit, aut prorsus coincidit, sententia illorum, qui, *omnia v-*

MUM

nam esse, docuerunt, VT XENOPHANES COLOPHONIVS, PARMENIDES, MELISSVS atque ZENO ELEATES, de quibus *cap. praeced. §. XIX.* dictum. Referenda huc & sententia illorum, qui materiam primam pro Deo habuerunt, quo in errore nonnullos ex scholasticis versatos esse, *cap. praeced. §. XXIII.* docuimus. Ipsius vero SPINOZAE sententiam luculenter *ibidem §. XXVI.* exhibuimus, ubi & de sectatoribus eius dictum.

*** Si quae alia dantur atheorum systemata, aut ad vnum ex haecenus allatis reuocari possunt, aut sua statim imbecillitate corruunt. Exempli loco illi esse possunt, qui ex siderum influxu cuncta ita deriuare conantur, ne Numinis directioni locus vllus relinquatur. Etenim si ex eiusmodi hominibus quae-
ras, vnde illa vis & efficacia siderum prociuiat, aut Deus illis admittendus erit, aut vnum ex antea memoratis systematibus amplectendum. Agmen inter eiusmodi atheos ducere nonnullis creditur, HIERONYMVS CARDANVS. Sed hunc pro fanatico potius, quam pro atheo, habendum, supra iam pronuntiauius, *cap. I. §. XXIV.* Referri etiam huc posset COSMVS RVGGERIVS, de quo itidem *loc. cit.* dictum. Licet autem ex astrologia iudiciaria impia deliria oriri queant, vt *ibidem* iam obseruatum, magis tamen superstitioni hominum, quam atheismo, inservit. Sunt porro alii ex eruditis atque philosophis, qui certum equidem systema, quod atheismo inserviat, aperte non constituunt, sed sparsim hinc inde talia insinuant, quae ad atheismum tendunt, quibusque mentem suam haud obscure produnt. Nec tamen & hoc vna eademque ratione faciunt †. Nonnulli, sacra cuncta, religionem cultumque Numinis irridendo, falseque perstringendo, quid sibi velint, significant, vt LVCIANVS, & qui ei sunt similes; alii, christianae religionis scita recte sugillando, & argumenta atheorum magna cum ostentatione proponendo, elumbes autem & ieiunas responsiones iis subiiciendo, quod IVL. CAESAR.

SAR. VANINVM fecisse, supra obseruauimus; alij indirecte & aliud velut agendo, aut principia atheistica aliis doctrinis immiscendo, quod THOMAM HOBBSIVM aliquando egisse, nonimus, qui tamen, vt aperte veritatem christianae religionis impugnatur, ita ratione systematis atheistici Epicureis recte annumeratur; alij denique religionem omnem Numinisque cultum eneruando, dum eum pro instrumento saltem dominandi, populumque in obsequio continendi, venditant, quem a NIC. MACHIAVELLO merito *atheismum Machiauellisticum* dixeris; quamuis primus, qui hanc viam ingressus sit, merito CRITIAS censcatur, de quo *cap. praeced. §. XII.* dictum. Hi vero omnes, etsi in eo tandem conspirent, non dari Deum, necesse tamen est, vt vnum ex systematibus atheisticis antea memoratis, admittant, aut talia se asserere fateantur, quae nullo plane innituntur fundamento, quibusue, cur ipsi fidem adhibeant, nullam reddere rationem, multo minus ab aliis, vt idem faciant, postulare possunt. Qui enim receptam quandam cuertere sententiam atque explodere suscipit, meliorem firmioribusque rationibus superstructam, certumque adeo systema, quod omnibus dubiis soluendis sufficiat, adferat, necesse est, aut non acre ferat, si communi omnium consensu sententia eius exhibiletur.

- † Quaecunque ratione id fiat, peculiarem Atheorum speciem propterea constituere dici non possunt; cum a reliquis, non ratione dogmatum, sed tantum ratione modi, quo illa evulgantur, differant.

§. X.

Fundamentum atheismi *sceptici* est, certam non dari rerum cognitionem, iudiciumque adeo de omnibus suspendendum esse*; *dogmatici* generale est, materiam semper fuisse, & ad eius essentiam pertinere existentiam necessariam**; *Aristote-*

Stoelici, mundum, prout nunc est, semper extitisse ***; *Stoici*, Deum cum materia arctissimo vinculo esse coniunctum *; *Epicurei* & *Stratonici*, mundum ex fortuito atomorum concursu coaluisse **; *Spinoziani*, vnā tantum esse substantiam ***.

* Specialius fundamenta Scepticorum, quae ex SEXTO EMPIRICO, aliisque constant, indicare, huius loci non est. In compendio ea exhibet PETRVS DE VILLEMANDY, in *Scepticismo debellato*, cap. V. pag. 33. seqq. conf. & PETRVS GASSENDVS, tom. I. opp. de *fine Logicae*, cap. III.

** Hoc namque fundamentum si euertas, omnia atheorum systemata, corruent; id quod in sequentibus ostendetur. Connexum cum hoece fundamento est, decantatum illud totius ethicae, & theticae philosophiae, principium: *ex nihilo nihil fit* †. Quod vt de causa materiali verissimum, ita de efficiente, infinita virtute praedita, falsissimum est, vt itidem in sequentibus ostendetur.

† Conf. Cel. BUDDEI *Theol. Dogm.* L. 2. C. 2. §. 2.

*** ARISTOTELIS hanc fuisse sententiam, tam notum est, vt probatione non indigeat. Recte hoc ex antiquis ecclesiae doctoribus iam obseruatum LACTANTIO: *Nam Stoici animantium fabricam diuinæ solertiae tribuunt: Aristoteles autem labore se ac molestia liberauit, dicens, semper mundum fuisse: itaque & humanum genus, & cetera, quae in eo sunt, initium non habere, sed fuisse semper ac fore; libr. II. institut. diuin. cap. XI.* Et sane, qui ea saltem legerit, quae libr. I. de coelo, cap. X. hac de re disserit, non amplius, hanc eius mentem fuisse, dubitauerit. Hanc itaque sententiam de aeternitate mundi, ceu Aristotelicam, ex instituto refutauit NICOLAVS TAV-

TAVRELLVS, (hac quidem in re recte sentiens, et si & ipse a quibusdam atheismi accusatus sit) † in libro de aeternitate rerum, Marpurgi anno M DC IV edito. Conimbricensium ibi inter alia redarguit sententiam, qui Aristotelem creationem agnouisse, asseruerunt, & ex hocce capite refellit, quod secundum huncce philosophum mundos, prout est, semper extitit. Ita quidem inquit, Jesuitae Conimbricenses, ego tamen priorem (Aristotelem creationem non statuisse) magis probo sententiam. Res enim per se manifesta est, siquidem manifestum est, Aristotelem censuisse, mundum ab aeterno fuisse, semperque mansurum esse necessario, &c. de rerum aeternit. part. II. pag. 260. Non sine ratione itaque B. IAC. THOMASIVS illis indignatur, qui ex intempestiuo Aristotelem cum scriptura sacra conciliandi studio, philosopho huic sententiam, quod mundi originem agnouerit, tribuerunt. Consentiant, inquit, in hoc, de Aristotele ore uno, quod sciam, prisci †† pariter ac recentes omnes, si vnum forte vel alterum excipias, quem intempestiuum hoc aeuo maxime, quo barbaram historiae veteris ignorantiam exnimus paulatim, studium, demonstrandi consensum Aristotelis cum sacra scriptura, eo adegit, ut contra tot seculorum persuasionem, contra manifestam oculorum fidem, tueri incipiat, dari iuxta Aristotelem & creationem mundi, cum novitate essendi & interitum; de exust. mundi Stoic. dissert. IV. §. I. p. 58. Recte autem, ni fallor, in eo atheismi Aristotelici proprie sic dicti fundamentum constituimus. Ex hoc ipso enim de aeternitate mundi principio, alterum de primo motore cum sphaera suprema necessario nexu coniuncto, fluxisse videtur; aut; si rem inuertere velis, hoc cum Stoicis ei commune fuit, adeoque simul cuertetur, cum contra Stoicos disputabimus. Hypothesis autem de formis & qualitatibus, cum aliis ei itidem communis fuit, & ita praeterea, ut supra jam observavimus, comparata, ut ab illis etiam adhiberi queat, qui non sunt athei.

† Taurellum tamen alii defenderunt. v. REIMM. Sect. 3. C. 10. §. 7.

†† Pri-

†† Primos Ecclesiae Patres non bene de Aristotele sensisse ostendit LAUNOYUS de varia Arist. Fort. in Acad. Parisiens. C. 2. & 3.

* Constat hoc ex iis, quae de Stoicis, cap. I. §. XVIII. diximus.

** Praecipuum namque hocce caput est systematis Epicurei, quod ad §. praecedentem exhibuimus.

*** Conferenda, quae cap. I. §. XXVI. in medium attulimus.

CAP. III.

DE

DOGMATIBVS,

QVAE

CVM ATHEISMO CONIUNCTA SVNT,
AVT AD EVM DVCVNT.

Σύνοψις.

Inter dogmata cum atheismo coniuncta, aut ad eum ducentia, refertur negata providentia diuina, §. I.

Animae immortalitas in dubium vocata, §. II.

Spirituum seu angelorum bonorum & malorum existentia impugnata,

§. III.

Vaticinia reiecta, §. IV.
itemque miracula proscripta, §. V.

Christianae religionis veritas labefactata, §. VI.

Scripturae sacrae diuina auctoritas ludibrio habita, §. VII.

M

§. I.

§. I.

INter dogmata, quae cum atheismo arctissimo quodam vinculo coniuncta sunt, primum merito praecipuumque locum tenet negatio prouidentiae diuinae. Quemadmodum enim atheus hanc non admittit, ita, qui eam negat, non multum ab atheo differt; saltem omne religionis, cultusque diuini, fundamentum tollit *.

- * Atheum prouidentiam diuinam non admittere, res ipsa docet. Nec temere quisquam dubitabit, eum, qui prouidentiam diuinam negat, esse atheum. Rationibus enim, non minus luculentis, Deum rerum omnium curam gerere, quam eum esse, probari potest. Inmo ex ipsa idea Dei hoc sequitur, quam non potest non euertere, qui diuinam prouidentiam negat †. Epicuri nobis non ob stare exemplum, patet ex iis, quae *cap. I. §. XIX.* de eo disputauimus, vbi etiam ostendimus, frustra a nonnullis pietatem eius laudatam, ac si Deum *ob maiestatem eius eximiam, singularemque naturam*, coluerit. Inde vero etiam intelligitur, per Epicureismum religionem omnem, Numinisque cultum, penitus euertere. Quemadmodum vero itidem, *cap. I. §. XXV.* vbi de PETRO Baelio verba fecimus, ostendimus, dubia, quae circa prouidentiam diuinam mouentur, inter praecipua atheismi fulcra referenda esse, ita exempla, quibus hoc probari queat, non desunt. Pertinet huc, quod *cap. praeced. §. XVIII.* de Diogene Cynico ex CICERONE obseruauimus, cum dicere solitum, *Harpagum, qui temporibus illis praedo felix habebatur, contra deos testimonium dicere, quod in illa fortuna tam diu viueret.* Sed Diagoras quoque Melius, quem inter atheos merito referri, *cap. praeced. §. XIX.* demonstraui-
mus, cum initio saniori de Deo doctrinae additus
esset,

effet, postea tamen poëma quoddam, quod elaborauerat, a quodam sibi ablatum acgre ferens, istudque a fure, qui iure iurando, se istud non abstulisse, confirmauerat, frustra repetens, iniuriam hac ratione sibi illatam, eamque cum periurio coniunctam, inultam a Deo dimitti sentiens, publice atheismum profiteri non dubitauit; vt auctor est HESYCHIVS, in *vita eius*, & SEXTVS EMPIRICVS, adu. *mathematic.* pag. 318. Immo ad huncce scopulum ipsum Epicurum naufragium fecisse, ex instituto PETR. GASSENDVS, in *syntagm. de vita Epicuri* p. 213. ostendit. Fuit autem negatio diuinæ prouidentiae dogma velut caracteristicum Epicuraeorum, quibus cum alii, tum maxime Stoici se opponerant; qui dum acerrimi prouidentiae defensores videri volebant, in alterum extremum prolapsi sunt, fatum aliquod absolutum introducentes, quod non minus quam diuinæ prouidentiae negatio, ad atheismum ducebat, vt accurate ostendit B. IAC. THOMASIVS, de *exust. mundi Stoica dissert. XIII.* qua Stoici fati malignitatem exhibet, pag. 166 *seqq.* Inter ipsos Iudaeos error hicce, de negata prouidentia diuina, Sadducaeis tribuitur. Diserte id tradit FLAVIVS IOSEPHVS, qui verba de iis faciens, τὴν μὲν, inquit, εἰμαρμένην παντάπασιν ἀναιρῶσι, καὶ τὸν θεὸν ἔξω τῷ δρᾶν τι κακὸν ἢ ἐφ’ ὅρα ἂν τίθεται, fatum omnino negant, & Deum extra omnem malipatrationem inspectionemque constituent, de bello ind. *libr. II. cap. VII.* Huncce ducem plurimi ex recentioribus sequuntur, & inter reliquos IOANNES DRVSVS, de *tribus sectis Iudaeorum*, *lib. III. cap. XII.* pag. m. 291. 292. qui & ABRAHAMI ZACHVTHI testimonio idem confirmat ††. Sunt tamen alii, qui eos ab hocce errore liberant, quos inter & IOANNES GERHARDVS VOSSIVS est, de *idololatria gentilium libr. I. cap. X.* cuius hac de re verba iam recitavi in *introduc. ad histor. philos. Ebraeor.* pag. 70. Eandem sententiam sequitur PETRVS BAEIIVS, hac maxime ratione nixus, quod docuerint, Deum recte facta in hocce remunerari seculo, eademque ratione

tione peccata punire. Hoc vero nemo asserere potest, qui non prouidentiam diuinam admittit. Et sane poenas peccatorum, sed temporales, praemiaque virtutum eos credidisse; etiam IOANNI LIGHTFOOTO obseruatum: *Quaenam ergo religio Sadducaei? orat, ieiunat, sacrificat, obseruat legem, & tamen non expectat resurrectionem, aut vitam aeternam. Quorsum haec religio? Ut obtineret scilicet bona temporalia, quorum solum promissionem obseruat ille factam in lege, nihil rimans ultra litteram; in horis ebr. in acta apostolorum ad actor. XXIII. 8. tom. II. opp. pag. m. 787.* Quicquid huius sit, inter ecclesiae christianae haeticos non defuisse, qui si non penitus negarent diuinam prouidentiam, perperam tamen de ea sentirent, aut eiusmodi circa eam se deprehendere difficultates sibi viderentur, quas non aliter, quam absurdissima quaeque admittendo superare possent, vel Manichaeorum ††† atque Marcionitarum exemplo patet, qui duplex principium independens asserbant. Fuisse tamen iam ante Manichaeos, qui in eodem luto haerent, constat, pluribusque demonstratum ab IOANNE CHRISTOPHORO WOLFIO, in erudita commentatione, de *Manichaeismo ante Manichaeos*. Nostra vero aetate PETRUM BAEIIVM eandem scenam magno adparatu instruxisse, utque ineptum hocce Manichaeorum de duplici principio commentum rationi inexpugnabile esse, demonstraret, in exaggerandis, quae contra prouidentiam diuinam proferri solent, argumentis, ingenii vim mirum in modum exercuisse, nemini ignotum est, & supra quoque cap. I. §. XXX. pluribus a me iam comprobatum. Argumenta, quibus ab istis hominibus diuina impugnatur prouidentia, omnia adferre, instituti ratio non permittit. Praecipua tamen indicare haud abs re fuerit, ad quae & deinceps respondebimus. Primum idque leuissimum est, quod multa in hocce terrarum orbe deprehendantur, de quibus cum dici nequeat, quod in hominum usum sint condita, manifestum esse, quod utilitate omni careant; vnde sequi putant, ca-

su

fu fortuito talia extitisse, non autem ab ente quodam sapientissimo, curam rerum omnium gerente, esse profecta. Virget hoc praecipue TITVS LVCRETIVS CARVS, qui, cum in eo est, vt ostendat:

*Nequaquam nobis dininitus esse paratam
Naturam rerum: tanta stat praedicta culpa,
exempli loco haec adfert:
Principio, quantum coeli tegit impetus ingens
Inde avidam partem montes, silvaeque ferarum,
Possedere, tenent rupes, vastaeque paludes,
Et mare, quod late terrarum distinet oras.*

de rerum natura lib. V. pag. m. 154. ex edit. OBER-
TI GIFANII. Varias, quae hominem premunt, ca-
lamitates, miseriaeque fere infinitae, quae eum a
primo natiuitatis momento ad mortem vsque co-
mitantur, alterum argumentum praebent Epicu-
reis, quo diuinam prouidentiam impugnent. LV-
CRETII verbis hoc ita exprimere posses:

*Praeterea genus horrifera: natura ferarum,
Humanae genti infestum, terraeque marique
Cur alit, atque auget? cur anni tempora morbos
Adportant? quare mors immatura vagatur?
Tum porro puer, vt saeuis proiectus ab undis,
Nauita, nudus humi iacet, infans, indigus omni
Vitae auxilio, cum primum in luminis oras
Nixibus ex aluo matris natura profudit,
Vagituque locum lugubri complet, vt aequum est,
Cui tantum in vita restet transire malorum.*

loc. cit. pag. 155. Atque haec sunt mala illa phy-
sica, quae cum non possent cum bonitate Numi-
nis conciliare, iis ad negandam eius prouidentiam
se induci passi sunt. Pertinet huc argumentum il-
lud, quod ex mente Epicuri proponit LACTAN-
TIUS: *Deus, inquit (Epicurus) aut vult tollere ma-
la, & non potest; aut potest, & non vult; aut ne-
que vult, neque potest; aut & vult & potest. Si*

vult, & non potest, imbecillis est, quod in Deum non cadit. Si potest & non vult, inuidus; quod aequale alienum a Deo. Si neque vult, neque potest, & inuidus & imbecillis est, ideoque neque Deus. Si vult & potest, quod solum Deo conuenit; unde ergo sunt mala? aut cur illa non tollit? Scio, plerosque philosophorum, qui prouidentiam defendunt, hoc argumento perturbari solere, & inuitos pene adigi, ut Deum nihil curare fateantur, quod maxime quaerit Epicurus; de ira Dei cap. XIII. Vocat deinde LACTANTIUS hocce argumentum formidolosum, simulque ad illud respondet, sed ita, ut PETRO Baelio non satisfaciatur, qui non tantum Lactantii responsionem explodit, sed omnes ingenii vires intendit, ut probet, hocce argumentum plane esse insolubile; in *diction. histor. crit. voc. Manicheus* p. 2324. Cum autem LACTANTIUS ex mente Epicuri de malis physicis loquatur, idem, quem modo laudauimus, PETRVS Baelius, existimat, longe maius adhuc ei accedere robur, si de malis moralibus seu peccatis accipiatur; *loc. cit.* Atque hoc tertium est argumentum, quod prouidentiae diuinae opponitur. Idque hominibus rationis ductum tantum sequentibus aliquid negotii facessere posse, non diffitemur. Agnouit illud ORIGENES: *Εἴπερ ἄλλος τις τόπος τῶν ἐν ἀνθρώποις ἐξετάσεως δεόμενος δυσθνήρατός ἐστι τῇ φύσει ἡμῶν, ἐν τέτοις καὶ ἡ τῶν κακῶν τεχθεῖν ἂν γένεσις*; Si quis alius est locus, in rebus humanis, scrutatu difficilis naturae nostrae, inter hos merito numerari potest malorum origo; contra Celsum *libr. IV. pag. 207* Plane vero illud insolubile esse, lectoribus persuadere annuitur PETRVS Baelius, *loc. cit. voc. Pauliciens*, *pag. 2324. seqq.* item *voc. Manicheus*, *pag. 2022. seqq.* ut & *voc. Marcionites* *pag. 2039. seqq.* Sed, si, quae vir ille doctus magnis & taediosissimis verborum ambagibus hac de re disserit, paulo accuratius confideres, cuncta tandem eo redeunt, bonitati diuinae prorsus repugnare, permittere mala Ad quod quid respondendum sit, ex infra dicendis patebit. Vltimum

timum denique, idque praecipuum fere contra diuinam prouidentiam argumentum est, quod experientia constet, impiis subinde cuncta ex voto cedere, cum piis contra bonisque viris cum variis calamitatibus sit colluctandum. Iam antiquissimis temporibus hanc quaestionem, etiam sanctorum hominum animos aliquando sollicitos tenuisse, vel ex *psalm. LXXIII. seqq.* discimus, eiusque rei librum Iobi documentum luculentissimum praebere, obseruatum in *introduc. ad histor. philosoph. Ebraeor. pag. 26. 27.* Idem ex *SENECAE* libro *de prouidentia* patet, quippe in quo ex instituto disputat: *quare bonis viris mala accidunt, cum sit prouidentia?* Eleganter hoc expressit *CLAVDIANVS* ††††. Cum enim quaestionem hanc ita proposuisset:

*Saepe mihi dubiam traxit sententia mentem,
Curarent superi terras, an nullus inesset
Rector, & incerto fluerent mortalia casu.*

allatisque rationibus quibusdam prouidentiam probasset, tum in contrariam sententiam ita verba facit:

*Sed, cum res hominum tanta caligine volvi
Adspicerem, laetosque diu florere nocentes,
Vexarique pios: rursus labefacta cadebat
Religio &c.*

Tandem tamen vel *Rufini*, scelerum poenas iustissimas dantis, exemplo, Deum rerum humanarum gerere curam, se edoctum profitetur:

*Abstulit hunc tandem Rufini poena tumultum,
Absoluitque deos. Iam non ad culmina rerum
Inustos crenisse queror; tolluntur in altum,
Vt lapsu grauiore ruant.*

in *Rufin. lib. I.* Sed responsio haecce *CLAVDIANI* displicet *PETRO BAELIO*, qui & hocce contra di-

uinam prouidentiam argumentum ita comparatum esse putat, vt nihil solidi ad illud ratio respondere queat. Nec vacare culpa Deum contendit, si dicatur, permittere eum, improbos in altum tolli, *vt lapsu grauiori ruant.* Perinde hoc esse, ac si ipse grauiorem illorum ruinam quaerat, quod cum bonitate eius consistere nequeat; in *voc. Rufin. pag. 2623. & seqq.* Qua de re quid sentiendum sit, in sequentibus suo loco exponemus. Conueniunt fere cum vltimo hocce argumento illorum sermones, qui nunquam non *fortunam* in ore habent, aut de eius iniustitia ac crudelitate conqueruntur; qui aut ipsi, quid dicant, nesciunt, aut diuinam reiiciunt prouidentiam, ac si cuncta coeco impetu in mundo ferrentur. Legi merentur, quae hac de re PLINIVS habet, *hystor. natural. lib. II. cap. VII.* Argumentum Epicuri a beatitudine Dei desumptum, ac si rerum omnium cura cum ea consistere nequeat, ideo praetermissi, quod dignum nequiquam sit, vt in censum veniat ††††.

† Cum Deus per Ideam nobis obversetur ut tale ens, a quo omnia dependent, cumque praeterea ejus existentia e natura Mundi utpote minus necessaria, nec non ex indiciis Sapientiae, Potentiae & Divinae Bonitatis, quae in eo occurrunt, probari debeat; haec vero sponte sua corruant, si Prouidentiam negemus: hinc colligimus, neminem facile inficiatum fore, uniuersa Divino Numine gubernari, nisi qui penitus omnem numen abjuraverit. vide quoque G. SHERLOCK *sur la Providence C. 1.*

†† In eadem cum Drusio sententia est AUG. PHRIFFERUS *Op. Philol. p. 910.* RELAND. *Antiq. Sacr. p. 277* IKENIUS *Antiq. Hebr. p. 36.* & plurimi. Quae ab altera parte dicuntur, rationis specie tamen non carent.

††† De Manichaeorum sententia nuper accurate egit DE BEAUSOBRE. v. *Journal des sçavans Febr. 1735.*

††† Huic Poetae jungamus alium OVIDIUM, nimirum L. 3. *Amorum Eleg. 9.* ubi canit:

*Cum rapiant mala aia bonos (ignoscite falso)
Sollicitos nullos esse putare Deos.*

††††. Plu-

++++. Plura si quis desideret, Theologi & Philosophi passim consulantur: ad illas tamen argumentorum classes, quas Auctor recenset, quæcunque contra Providentiam Dei inferuntur, facile referri possunt.

§. II.

Alterum inter haecce dogmata locum illorum sibi vindicat error, qui, animas hominum mortales esse, & vna cum corpore interire, sibi persuadent. Qui Deum esse negat, vix a se impetrabit, vt credat, animam hominis esse immortalem. Fieri equidem potest, vt, qui animam hominis mortalem credit, non statim, Deum esse, neget; simul tamen fatendum, quod eiusmodi homo praecipuum religionis cultusque diuini fundamentum tollat, penitusque euertat; qui proximus ad atheismum gradus est *.

* Atheum vix dari, qui animam hominis immortalem esse, credat, non temere quis dubitauerit. Lucem tamen hic dabunt, quae in sequentibus disputabimus, an & quousque athei spiritus finitos admittere queant? Eum rursus, qui animae immortalitatem negat, non statim directe negare existentiam Numinis, in confesso est; non minus tamen, & illud certum, eiusmodi hominem praecipuum religionis cultusque diuini fundamentum euertere. Qui enim animae immortalitatem negat, praemia virtutum, & poenas peccatorum post hanc vitam tollit, quibus tamen vel maxime ad Deum colendum homines induci solent. Fieri equidem potest, vt, qui animam mortalem credit, intuitu praemiorum in hacce vita obtinendorum Deum colat; quod exemplo Sadducaeorum videtur comprobari posse, de quorum religione ad §. praeced. diximus: sed ad veram religionem cultumque Numinis hoc non sufficere, res

ipsa docet, nec diffitetur PETRUS BAEIVS, hac de re disputans, *dictionar. histor. crit. voc. Sadduceens*, pag. 2639. Sane, si quis cum Arabicis, seculi terti-
 iii haeticis, animas hominum mortales asserat, sed cum corpore aliquando resuscitandas, quem erro-
 rem nostra aetate nonnulli, ut WILHELMVS CO-
 WARDVS, medicus Londinensis, itemque auctor
 anonymus, in schediasmate, lingua germanica edi-
 to, ut deinceps dicemus, resuscitarunt, is poenis
 & praemiis post hanc vitam locum relinquere vide-
 tur, sed in hanc quidem paucissimi ex iis, qui ani-
 mae immortalitatem negant, ingredientur sententiam,
 quae insuper inepta prorsus est, & omni fundamen-
 to destituta, ut pluribus a me demonstratum, in *pro-
 grammate de Arabicorum haeresi*, quod extat in *syn-
 tagmate dissertation. academicar. p. 738. seqq.* Ad rem
 ipsam quod attinet, Aegyptios primos fuisse; qui
 animas immortales esse docuerint, auctor est HERO-
 DOTVS: *πρῶτοι δὲ καὶ τὸν δὲ τὸν λόγον Αἰγύπτιας*
εἶσι, εἰπόντες, ὡς ἀνθρώπου ψυχὴ ἀθάνατος ἐστὶ
Aegyptii primi sunt, qui animam hominis immorta-
lem dicerent, histor. lib. II. cap. CXXIII. pag. 137.
 Chaldaeis contra & Indorum magis huncce hono-
 rem vindicat PAVSANIAS: *Εγὼ δὲ Χαλδαίως καὶ Ιν-*
δῶν μάγας πρῶτους εἶδα εἰπόντας, ὡς ἀθάνατος ἐστὶν
ἁνθρώπων ψυχὴ Ego Chaldaeos & Indorum magos
 primos scio dixisse, immortalem esse hominum mentem;
 in *Messeniac. p. 277.* Sed Ebraeis potius hanc tri-
 buendam gloriam, certiora ex scriptura sacra edocti,
 nouimus, qui hocce dogma cum aliis doctrinae
 coelestis capitibus, a maioribus suis, patriarchis,
 acceperant †. Atque id recte obseruatum EVSEBIO, qui,
 Moſen primum fuisse, contendit, qui animam hominis
 immortalem (secundum doctrinam patriarcharum)
 statuit, siquidem docuit, hominem ad Dei imaginem
 conditum, *praepar. euangel. lib. XI. cap. XXVII.*
 Corrupta deinceps in hacce gente ista doctrina fuit,
 dum Sadducaeii animae immortalitatem negarunt, Pha-
 risaei autem receptam valde per totum fere orientem
 doctri-

doctrinam de μετεμψύχῳσι assumerunt††, vt auctor est FLAVIVS IOSEPHVS, de bello ind. lib. II. c. VII. & a me iam obseruatum, introd. ad histor. philos. Ebr. p. 65. conf. BASNAGE, histor. des Juifs tom. I. libr. II. c. VII. Sed, ad Aegyptios vt redeamus, illi animae immortalitatem ita asseruerunt, vt μετεμψύχῳσι simul statuerent, huius quidem commentum, quod, vt diximus, totum fere orientem perualit, & a Pythagora quoque receptum ac propagatum iuit†††, primi auctores rectius dicendi. Corpore namque moriente animam in aliud, quod nascitur, animal continuo migrare, docebant; vbi vero per omnia terrestria, marina, volucra, circumiit, rursus in humanum, quod nascitur, corpus introire; τὴν περιέλθῃσιν δὲ αὐτῇ γίνεσθαι ἐν τρισχελίοσιν ἔτεσι; circuitum autem hunc ab anima fieri intra tria millia annorum; vt auctor est HERODOTVS, lib. II. cap. XXIII. Alii autem, qui arcana philosophiae Aegyptiacae paulo accuratius se introspexisse sibi videntur, hoc eos voluisse contendunt, animam in Deum, seu animam mundi, ex qua orta sit, tandem reuer- ti, vnde sequitur, animam non prorsus inmortalem esse, etsi dissolvi nequeat aut destrui. Conuenit hoc cum ista sententia, quae Aegyptiis itidem a quibusdam tribuitur, nihil perire in vniuerso, sed tantum mutari; quod quam prope a Spinozismo absit, nemo non intelligit. Et hanc, non Egyptiorum modo, sed Chaldaeorum, immo orientalium fere omnium, ad quos Aegyptiorum sententia pertransiit, mentem fuisse, autumant. Non sine omni profecto runda- damento, si IAMBlicHI hic standum auctoritate, quippe cuius ex Aegyptiorum mente hoc extat es- satum: μὲν οὖν τῆς πρώτης καθόδου ἐπὶ τῷ κατέπεμ- ψεν ὁ θεὸς τὰς ψυχὰς, ἵνα πάλιν εἰς αὐτὸν ἐπιστρέψωσιν; a primo descensu propterea demisit Deus animas, vt rursus in ipsum reuertantur; de mysteriis Aegyptior. sect. VIII. cap. VIII. Sed missis gentibus barbaris, ad Graecos transeamus. Apud hos primum Thale- tem Mileesium animae immortalitatem asseruisse, iam olim

olim nonnulli tradiderunt. Ένιος δέ, inquit DIO-
GENES LAERTIVS, καὶ αὐτὸν πρῶτον εἰπεῖν φαεῖν,
ἀθανάτους τὰς ψυχὰς ὥς ἐστὶ Χοίριλος ὁ ποιητής
*Sunt, qui illum immortales animas primum dixisse
assererent, ex quibus est Choerilus poeta; lib. I. sect.
XXIV. pag. 16.* Sed, cum idem Thales principium
omnium rerum asseruerit aquam, si animam etiam
aqueae naturae esse dixerit, quo pacto eam immor-
talem esse, statuere potuerit, non satis capio. Ea-
dem difficultas de Ionicis reliquis, qui primam classem
constituunt, moueri potest, quippe qui non aliud rerum
omnium principium, quam materiam admisisse a non-
nullis perhibentur aliud principium efficiens admise-
runt, vt alii existimant, forte eandem, quam Aegyptii,
de anima fouerunt sententiam. Interim CICERO hanc
gloriam Pherecydi Syrio vindicat, primus quod animae
immortalitatem docuerit: *Sed quod litteris extet, ait,
Pherecydes Syrus primus dixit animas hominum esse
sempiternas; quaestio. Tuscul. libr. I. num. XXII.*
repetit idem LACTANTIUS, vt simul addat, in ea-
dem sententia fuisse Pythagoram: *in eadem sen-
tentia fuit Pythagoras eiusque praeceptor Phere-
cydes, quem Cicero tradidit primum de aeternita-
te animarum disputasse.* Sed, cum Pherecydis
pariter ac Pythagorae sententia, si primam originem
ipectes, ab Aegyptiis deriuanda sit, non alia quo-
que eandem intelligendam ratione, quam qua Ae-
gyptii intellexerunt, nonnulli contendunt. Animam
scilicet diuinæ essentiae esse particulam, quae vt a
Deo sit, ita iterum in eius essentiam sit reducenda.
Faciunt huc quodammodo, quae THEODORETVS
de Pythagorae sententia habet, *de curand. Graecor. af-
fectionib. lib. V. pag. 516.* & CLEMENS Alexandri-
nus, *stromat. lib. V. pag. 590.* Cum primis vero ci-
CERONIS ille locus *lib. I. de nat. deor. pag. 9.* quem
supra iam ad cap. I. §. XIX. recitauimus, huius er-
roris eum conuincere videtur. Immo sunt, qui,
Pythagorae hanc fuisse mentem, existimant; Deum,
qui sit anima huius vniuersi, etiam vniuscuiusque

ho-

hominis animam constituere, per Deum autem nihil aliud, quam aetherem, cum intellexisse. Sed num, haec Samii senis de Deo sententiam fuisse, clare satis demonstrari queat, dubito. Conferenda, quae cap. I. §. XIX. de eo diximus. Si vero haec, quam commemoravimus, mens eius fuisse, non posset dici, quod animam prorsus immortalem statuerit, sed destructionis saltem tam diu expertem, donec iterum cum anima mundi uniatur. Qui ex Eleatica secta nihil aliud, quam materiam & inane admittunt, ut Leucippus, Democritus, Epicurus, non possent non animam materialem, adeoque & mortalem credere. Idque & diserte non tantum docet, sed rationibus variis quoque probare annitur T. LVCRETIVS CARVS, de rerum natura libr. III. pag. m. 86. seqq. Est vero *ὡς ἐν παρόδῳ* observandum, Epicureos existimasse, sententiam de immortalitate animae multum obstare vitae iucunditati, tranquillitativae, cum eos, qui illam credant, metus de statu animi post hanc vitam semper sollicitos teneat. Qua de re ita canit LVCRETIVS ††††:

*Et metus ille foras praeceps Acherontis agendus
Funditus, humanam qui vitam turbat ab imo,
Omni suffundens mortis nigrore, neque ullam
Esse voluptatem liquidam, puramque relinquit;*

loc. cit. pag. 74. Atque haec sane vera causa est, cur athei, hominesque impii, tam libenter in hanc sententiam ingrediuntur. Primum autem praecipuumque LVCRETIVS ex eo deducit argumentum, quod anima (quo nomine etiam animum comprehendit) sit corporea, constetque ex atomis longe tenuioribus, mobilioribusque, non modo quam aqua, verum etiam, quam nebula, aut fumus, quippe cum percellatur rebus, nebula, fumoque tenuioribus (ut puta simulacris, ex quorum per somnum appulsu res eiusmodi cogitemus) ac ideo necesse sit, illam dissipari, quam ista, facilius. Reliqua apud PETRVM

GAS-

GASSENDVM legi possunt, in *syntagm. philosophiae Epicuri part. II. sect. I. cap. I. pag. 29. seqq.* Stoici ab Epicureis in plurimis equidem dissentiebant capitibus, de animae tamen non rectius philosophabantur immortalitate. Sunt equidem, qui, hanc eos asseruisse, autumant, vt LACTANTIUS, *divinar. institut. libr. III. cap. XIX.* Sed, si paulo accuratius in veram & genuinam illorum mentem inquiratur, aliter pronuntiandum videtur. Diuersimode namque licet de anima loquerentur, in eo tamen tandem consentiebant, animam, (quo nomine & animum comprehendebant) esse πνεῦμα πυρῶδες, substantiam ex aetere & igne compositam, adeoque materialem †. SENECA ita hac de re loquitur; *quid est aliud animus, quam quodammodo se habens spiritus, epist. I.* Vbi caue, ne per spiritum substantiam materialem intelligas. Eam Stoicos non intellexisse, TERTULLIANVS nos docet: *Stoices allego, qui spiritum dicunt animam, pene nobiscum: quia proxima sunt flatus & spiritus; de anima cap. V.* Sed quid illud sibi vult: *quodammodo se habens*? Certum nimirum spiritum, seu aetheris qualitatem vult indicare, quae in calore consistebat. Vnde clarius Zeno & Posidonius dicebant: πνεῦμα ἰσθερμον εἶναι τὴν ψυχὴν, spiritum calidum esse animam; vid. IVSTVS LIPSIVS, *physiol. Stoicor. libr. III. dissertat. IX.* Praeterea animam pro parte quadam Dei, hoc est animae mundi, seu ipsius naturae habebant. Nota sunt illa SENECAE: *Quid est autem, cur non existimes in eo diuini aliquid consistere: qui Dei pars est? totum hoc, quo continemur, & vnum est, & Deus, & socii ejus sumus, & membra; epist. XCII. pag. m. 432.* Quodsi autem anima nostra pars est animae huius vniuersi, tam diu saltem separatim subsistit, donec in animam mundi iterum conuertatur. Iam ad Platonem quod attinet, eum animarum credidisse immortalitatem, negari nequit, cum in dialogo, cui titulum fecit, *Φαίδων ἢ περὶ ψυχῆς* eam varüs argumentis adstruat, quanquam simul fateatur, certam

tam demonstrationem in hac vita expectandam non esse, *εἰ μή τις δύναιτο, ἀσφαλέςτερον καὶ ἀκινδυνότερον ἐπὶ βεβαιότερῳ ὀχήματι ἢ λόγῳ θεῖς τινὸς διαπεινῶσθαι*, nisi detur firmitus securusque niti diuino aliquo testimonio. Hinc & passim & CLEMENTE Alexandrino, EVSEBIO, aliisque, ob adstructam animae immortalitatem laudatur. Errores tamen grauissimos huic dogmati adpersit, dum simul animarum προὔπαρξιν & μετεμύχωσιν cum Pythagora, atque Aegyptiis, aueruit. Immo dum & ille animae humanae originem ex anima mundi deriuauit, in quam & aliquando reuersura esset, palam est, quod animam absolute immortalem dicere non potuerit. Interim a Stoicorum sententia differt sententia Platonis. Illi enim ipsum Deum pro anima mundi habebant; hic autem per animam mundi aliquid a summo Deo distinctum, intelligebat. Tres namque statuebat ὑποστάσεις, quarum apud MACROBIUM haec sunt nomina: 1) *Deus summus*, 2) *mens ex Deo nata*, & 3) *mundi anima, quae animarum omnium fons est*; in *somn. Scip. lib. I. cap. VI. pag. 32.* Et hoc sensu anima humana, ex mente Platonis, ceu particula essentiae diuinae ex Deo originem trahere, & in eum reuerti, dici potest; quod vt cum eius immortalitate in sensu genuino & orthodoxo non conuenit, ita inter fundamenta enthusiasmi non vltimum locum tenet. Legenda, quae de *fonte animarum* dislerit IAC. THOMASIVS, de *exust. mundi Stoica*, *dissert. XXI pag. 229. seqq.* Tandem ad Aristotelem accedimus, qui cum & alias tenebricosus sit, & sua se caligine inuoluat, de anima ita data opera locutus videtur, ne quisquam mentem eius sententiamque intelligere posset ††. Hinc mirum in modum inter veteres pariter ac recentiores disceptatum fuit, an Aristoteles, animam hominis immortalem esse, crediderit? Nos missis reliquis, quae hac de re dici poterant, id saltem obseruamus, seculo post Christum natum duodecimo ex peripatetica disciplina prodiisse AVERROEM, gente Arabem,

sed

sed in Hispania natum, quem Aristotelis ita introspexisse sententiam nonnulli crediderunt, vt eius animam esse dicerent. Hic autem vnam numero mentem seu vnum intellectum, non per singulos diuisum, sed communem omnibus inesse statuit; eundemque esse incorruptibilem; at animam, quae singulis insit, adeoque multiplicetur, mortalem esse atque corruptioni obnoxiam. Quantumuis autem impia pariter ac inepta sit haec sententia, tanta tamen olim Auerrois fuit auctoritas, vt plurimi viri docti in eam ingrederentur, praesertim in Italia, adeo vt Leo x pontifex, bulla, xix die Decembr. anno M D XIII data, eam condemnare consultum duxerit. Interim illi, qui in peripatetica philosophia vel maxime versati sunt, Auerrois haecenus adprobarunt sententiam, ut contenderent, ex mente Aristotelis dici non posse, animam esse immortalem. Inter hos haud vltimus fuit PETRVS POMPONATIVS, de quo fusc supra egimus, cap I. §. XXIV. conf. PETRVS BAEIVS, *diction. hist. crit. voc. Auerroes*, p. 414. *segg. it. in voc Spinoza*, pag. 2780. Et sane, ne quid diffitear, non errant meo iudicio, qui, Auerroem mentem Aristotelis recte affecutum, contendunt. Constat enim, Stagiritam discrimen inter $\nu\psi\chi\eta$ & $\psi\upsilon\chi\eta$ constituisse, & quod ad $\nu\psi\chi\eta$ attinet, notissima sunt eius verba: $\Delta\iota\sigma\tau\epsilon\tau\alpha\iota$, $\tau\acute{o}\nu$ $\nu\psi\chi\eta$ $\delta\acute{\upsilon}\nu\alpha\mu\iota\varsigma$ $\epsilon\pi\iota\sigma\tau\epsilon\iota\upsilon\alpha\iota$, $\kappa\alpha\iota$ $\theta\epsilon\acute{o}\nu$ $\epsilon\iota\varsigma\alpha\iota$ $\mu\acute{o}\nu\omicron\nu$. *Resat, vt mens sola extrinsecus accedat, eaque sola diuina sit.* Accedit; quod haec sententia cum toto Aristotelis systemate egregie conueniat. Cum enim singulis orbibus intelligentia praeficeret, non minus & inferiori huic orbi vna praeficienda erat, quae simul in omnibus hominibus intellectus, seu mentis, officio fungi poterat. Inter veteres Aristotelis sectatores itidem nonnulli fuerunt, qui diserte animae immortalitatem negarunt. Sed vnicum saltem placet commemorare, DICAERARCHVM, qui, vt TVLLIVS auctor est, *acerrime contra hanc immortalitatem disseruit.* Is enim, ita pergit, *tres libros scripsit, qui*
Lesbiaci

*Lesbiaci vocantur, quod Mizylenis sermo habetur, in quibus vult efficere, animos esse mortales; quæstion. Tusculan. lib. I. cap. XXXI. Sententiam eius antea plenius ita expresserat: nihil esse omnino animum, & hoc esse totum nomen inane, frustra que & animalia & animantes adpellari, neque in homine inesse animum, vel animam, nec in bestia. Vique omnem eam, qua vel agamus quid, vel sentiamus, in omnibus corporibus visis aequaliter esse fusam, nec separabilem a corpore esse, quippe quæ nulla sit, nec sit quicquam nisi corpus unum & simplex, ita figuratum, ut temperatione naturæ vigeat, & sentiat; cap. X. Quam quidem philosophi huius sententiam diligenter sub examen reuocat PETRVS BÆLIVS, dictionar. histor. crit. voc. Diccarque pag. 1048. seqq. Inter recentiores RENATVS CARTESIVS, etiam errores quosdam in doctrina de anima admiserit, discrimen tamen maximum inter corpus & spiritum luculenter ostendendo, fundamenta solida immaterialitatem & immortalitatem animæ demonstrandi, suppeditauit. BENEDICTVS contra DE SPINOZA, cum unicam saltem admittat substantiam, non potest non animam pro materiali, adeoque mortali, habere. Si enim eam spiritum materiae prorsus expertem esse crederet, non posset non substantias diuersas admittere. Interim veterator turpissimus, se animæ immortalitatem credere vult videri. Immo in *appendice ad principia Cartesii more geometrico demonstrata part. II. cap. XII. p. 135.* ex principiis, ut putat, euidentissimis demonstrat, mentem hominis non posse non esse immortalem. Sed cuncta eo redeunt, in quantum nulla pars seu adfectio naturæ, quam Deum vocat, potest annihilari, etiam anima annihilari nequit; interim cum animæ subsistentiam peculiarem non concedat, corpore destructo, non potest non modificatio, quæ animam constituerebat, desinere, adeoque in prima principia, seu naturam huius vniuersi resolui. IOANNES TOLANDVS, Spinozæ strenuus sectator, de animæ non aliter, quam magister, immortalitate sentire poterat. Immo hanc suam de*

eius mortalitate sententiam ne diffimulat quidem, sed in secunda epistola, ad Borussiae reginam scripta, aperte prohitetur, asserens, *opinionem de immortalis nostrae animae natura primo fluxisse ab Aegyptiis ad Persas, deinde ad Graecos. & a Graecis ad Romanos ceterasque gentes Europaeas: ipsos vero Aegyptios hanc opinionem hausisse ex nimio & superstitioso mortuorum cultu*; vid. IACOB. FAYVS, in *defensione religionis &c. part. I. cap. XXIV. pag. 133.*

134. THOMAS HOBBSIVS cum substantias incorporeas diserte neget, *Leuiath. cap. IV.* Immo corpus & substantiam vnum idemque significare, contendat, *ib. cap. XXXIV.* vti iam *cap. I. §. XXVII.* obseruauimus; quae de anima eiusque immortalitate sententia ipsius fuerit, nemini obscurum esse potest. Eodem redit sententia W. COWARDI, Medici Londinensis percelebris; quippe qui cum itidem supponat, nullam dari substantiam immaterialem, animam quod attinet, doctrinam de ea inter omnes christianos hodie receptam, quod sit substantia immaterialis corpori vnita, a paganis fuisse confictam, nec principiis philosophiae, rationis, religionis, consonam esse, audacter pronuntiat, atque euincere conatur; iuxta scripturam vero animam nihil aliud, quam vitam hominis, hoc est, vnam eandemque virtutem, qua homo mouetur, viuut, sentit, ratiocinatur, quaeque in corpore reperiatur, quam diu viuut, cesset vero prorsus, quamprimum illud interit, rursus tamen in vniuersali corporum resurrectione extitura sit, esse contendit. Hanc sententiam COWARDVS variis in scriptis non tantum proponere, sed contra aduersarios, quos nactus est, acriter defendere annisus est, vti in *Actis eruditor. Lips. anno MDCCVII. mens. Aug. p. 352. seqq.* indicatur †††. Conuenit prorsus sententia auctoris anonymi, in schediasmate, lingua germanica scripto, & sub titulo: *Zweyer guter Freunde vertrauter Brief-Wechsel vom Wesen der Seelen*, edito, proposita, cuius iam antea mentionem fecimus. Nimirum homines sibi fingit animas destitutos; quod nos animam

VOCA-

vocamus, pro facultatibus saltem ex mechanismo resultantibus habet, Aristotelicorum *ἰντελέχειαν*, quam PHILIPPVS MELANCHTON ipsam rei exaedificationem vocauerit, reuocans, & hinc intelligendi pariter ac volendi, vt vocat, processum explicare allaborat; vt ex instituto a me ostensum, in *programmata de Arabicorum haeresi in syntagmate dissertation. theolog. pag. 742. ††††*. Tandem nec DODWELLVS hic est praetermittendus †, vir ceteroquin eruditissimus, qui, animam itidem per naturam suam mortalem esse ††, statuit, sed immortalitatem tamen aut ex libero Dei arbitrio ad poenam, aut ex gratia Dei per baptismum, consequi; simul tamen solis episcopis, quales agnoscit ecclesia anglicana, potestatem, spiritum diuinum immortalitatis auctorem, conferendi, vindicat. Ipse titulus libri, lingua anglicana anno M DCC VI Londini editi, mentem eius plenius indicat: *Discursus epistolaris, probans ex scripturis & patribus primitivae ecclesiae, quod anima sit principium naturaliter mortale, sed immortale reddendum, vel per merum Dei arbitrium, ut puniatur; vel per illius cum diuino spiritu baptismali unionem, ut praemium accipiat, ubi simul ostenditur, neminem post apostolos habere potestatem dandi spiritum diuinum immortalizantem, nisi episcopos*. Summa eius exhibetur in *actis eruditorum Lips. ann. M DCC VII. mens. Maio pag. 207. seqq.* Quae quidem viri docti sententia vt & impia est, reuera animae humanae immortalitatem euertens & ridicula, ita merito a SAM. CLARCKIO, TH. MILLIO, aliisque in Anglia fuit confutata. Id me satis capere non posse, fateor, quod animam hominis natura mortalem esse docet, nec tamen eam vult esse materialem; item dissoluto corpore in auram reuerti, nec tamen cum eo pereire †††. Cuncta, quae haecenus, varias philosophorum de immortalitate enumerando sententias, diximus, eo pertinent, vt fundamenta erroris impii, deinceps euertenda, eo rectius intelligantur. Haec vero, vt summatim rem omnem complectamur, eo redeunt, 1) animam tandem in essentiam Dei aut animam mundi redire; quae est senten-

tia Aegyptiorum, Orientalium, Pythagoraeorum, Platoniorum & Stoicorum; quanquam in eo discrimen aliquod admittendum sit, quod nonnulli eam in essentiam Dei reuerti velint, vt Stoici alique; alii in animam mundi, quam a Deo supremo distinguunt, eas abire, vt Platonici; ii) animam nihil aliud esse, quam corpus subtilissimum, post corporis mortem iterum dissolvendum, quae est sententia Epicuracorum, omniumque, qui cum illis faciunt; iii) vnicum tantum numero omnium hominum esse intellectum, quae est sententia Auerrois, & vt probabile, ipsius Aristotelis, certe quorundam Aristotelicorum; iv) animam denique esse qualitatem quandam, seu uirtutem ex materiae dispositione ortam, & cum eius destructione cessantem; quorsum Dicaearchi, W. Cowardi, aliorumque, sententia tendit. Haec vero omnia quam lubrica sint, in sequentibus ostendemus.

† Quicquid contra dicant Sociniani alique, inter quos JOH. CLERICVS *ad Job.* 19: 25, 26. & *Eccles.* C. 2. & locus ille *Jobi* & *Paulus Hebr.* 11: 10. aliaeque praeterea S. Codicis testimonia sententiam Auctoris indubitata reddunt.

†† Josephus id nequitam docere videtur. v. RELAND. *Antiq. S. p.* 278. & *Cel. Auct. Hist. Eccl. T. 2. p.* 976. & *seq.*

††† Num ea, quae de Pythagorea *μετεμψύχοσι* vulgo referuntur, solido satis fundamento nitantur, in medio relinquam; donec quae doctissimus IRHOVX hac de re scripsit, accuratius pensitare mihi licuerit.

†††† A quo non longe discedit illud VIRGILII:

*Felix, qui potuit rerum cognoscere causas,
Atque metus omnes & inexorabile fatum
Subjicit pedibus strepitumque Acherontis avari.*

Conf. REIMM. *Secl. 2. C.* 37. §. 6.

† Cum plurimi animam corpoream existimarint, & quidem igneam

igneam; in illam venerunt opinionem animas submersorum aqua extingui. v. W. SLUITERI *Ideam Th. Stoica C. 4.* ubi de immortalitate animæ, e Stoicorum mente, quomodo discrit.

†† V. STOLLIIUM *Hist. List. P. 2. C. 3. §. 48.* ubi dicit: *Aristotelem animæ immortalitatem non statuisse, ipse fatetur Ethic. ad Nicomachum L. 3. C. 6.* ibi enim legitur: *nihil post, homini mortuo, aut bonum aut malum esse videtur.*

††† Ejus scripta, quæ A. 1703. & 1704 in lucem edidit, Publica auctoritate combusta sunt: *Amænit. litt. T. 8. p. 497.*

†††† Auctor opinionem istam ut dubium quoddam proposuisse, & hasce litteras præter voluntatem suam & mutilas editas esse, conquestus dicitur. STOLL. *Hist. litt. p. 2. C. 3. §. 47.* ubi quoque docet, quisnam pro Auctore habeatur; HOCHSENIUS nimirum Vratisl. Professor, vcl BUCHERUS, Archiater Duci Furstenbergici.

† Dodwellum forte per Cowardum corruptum esse STOLLIIUS arbitratur: verum, cum Dodwellus opinatus fuerit. *Just. Martyrem* aliosque Patres in eadem sententia fuisse; mallem occasionem erroris in nimia Antiquitatis Veneratione, & nimio in Ecclesiam Episcopalem studio querere cum WEISMANNO *Hist. Eccles. N. Test. T. 2. p. 961.* qui de Dodwelli errore pluribus etiam agit. Videatur insuper JONAS CUNR. SCHRAMMIUS *peculiari dissert. contra Dodwellum & ZACH. GRAPPIUS Theol. recens controversia continuata C. 4. §. 2.*

† Si id voluisset Dodwellus; naturam animæ, nisi a Deo conservetur, nequaquam continuam durationem involvere: erroris profecto expertus fuisset. Verum in eo erravit, quod putarit, animæ immortalitatem, non in naturali Dei Sanctitate ac Bonitate, sed in speciali quodam pacto, quod sub N. T. Deus iniit, esse fundatam; adeoque e rationis lumine plane cognosci non posse &c.

††† Quid DEURHOFFIUS per immortalitatem animæ intellexit, docetur in HONERTI *Veris Dei viis.* Vide quoque *Deurhofs Eer' en Leere verdedigt etc.* & plura, quæ historiam doctrinæ de immortalitate animæ spectant, apud GRAPPIUM l. c. ISID. PELEUS. L. 4. *Epist. 125.* & FORBESIUM *Instruct. Hist.*

Hist. Theol. L. 13. quibus adde J. H. VAN LOM *dissert. inaugur.* §. 16.

§. III.

Sequitur tertium dogma, spirituum siue angelorum bonorumque malorumque negata existentia. Certe, qui atheismi sui in eo collocant fundamentum, non alias, praeter corpora, dari substantias, angelos seu spiritus admittere nequeunt. Vnde, qui spirituum eiusmodi existentiam negant, etsi ideo non statim pro atheis habendi sint, eiusmodi quid docent, quod ad atheismum ducit. Sunt equidem, qui putant, atheos quosdam spiritus admittere posse, adeo ut athei esse non desinant, etsi certo quodam sensu spiritus ab anima hominis distinctos statuunt, sed tamen, si rem omnem paulo accuratius consideremus, a receptis & genuinis notionibus recedendo, fucum saltem eos facere imperitioribus deprehendemus. Hinc vero, quo usque spectra, magos, sagas, admittere queant, diiudicandum. *

- * Vt atheorum, de spirituum finitorum existentia, & operationibus, opiniones eo rectius intelligantur, diuersa iterum philosophorum considerata sunt systemata. In gente Ebraea veram & genuinam de spiritibus creatis, seu angelis, doctrinam viguisse, scriptura sacra nos dubitare non sinit. Corrupta tamen deinceps apud eos & haec doctrina fuit, Sadducaei quidem, angelorum ac spirituum omnium existentiam negantibus, ut ex *act.* XIII. 8. †. constat, aliis autem ex eadem gente, de angelorum nominibus, potestate, operationibus, talia communiscen-

nifcentibus, aut a gentilibus conficta affumentibus, quae ad summam iuperftitionem, immo & ad magiam ducerent; quorſum & illud pertinet, quod nonnulli ex recentioribus, angelis corpora ſubtilia tribuunt ††. Diſtum hac de re in *introducť. ad hiſtor. philoſ. Ebr. pag. 67. 333. 343. ſeqq.* Aegyptios, Chaldaeos, alioſque gentium orientalium philoſophos, ſpiritus daemonesque credidiſſe, nemini temere ignotum eſſe poteſt †††. Legenda ſaltem, quae de Chaldaeis congeſſit THOMAS STANLEIVS, in *hiſtor. philoſ. lib. XIII. ſect. II. cap. IX. pag. 1127.* Pythagoras, qui plurima ab Aegyptiis aliisque gentibus barbaris accepit, totum aerem plenum eſſe animarum, tradidit, easque & daemones & heros exiltimari, atque ab his hominibus inmitti ſomnia, & ſigna morbi & ſanitatís, neque ſolum hominibus, verum & pecudibus & iumentis; atque ad has referri luſtrationes, & expiationes, diuinationemque omnem, & varicina & cetera id genus; vt auctor eſt DIOGENES LAERTIVS, *libr. VIII. ſect. XXXII. pag. 514.* Platonicos itidem varia daemonum ſtauiſſe genera, notius eſt, quam vt a me moneri debeat. Id ſaltem obſeruamus, omnes iſtos philoſophos, qui rerum omnium, ſpeciatiim animarum emanationem ex eſſentia diuina ſtauebant, ſine omni difficultate ſpiritus finitos, ſeu daemones, admittere potuiſſe. Si enim animae humanae ex eſſentia Dei, aut animarum mundi, emanarunt, cur non & alii ſpiritus? Plerique tamen, praefertim & Platonici, corpora ſubtiliora, ſaltem ceu vehicula, aequae ac animabus hominum, iis tribuebant. Lectu digna ſunt, quae hac de re diſſerit PETRVS GASSENDVS, *ſyntagm. philoſ. Epic. ſect. II. cap. VI. pag. 301. ſeqq.* Iſta autem cum Pythagoraeorum ac Platoniceorum de ſpiritibus fuerit ſententia, nemo mirabitur, quosdam illorum in magiae ſuſpicionem veniſſe. Cum vero hypotheſis de rerum omnium ex eſſentia diuina emanatione ad Spinozismum ducere haud immerito credatur, patet ex dictis, poſſe aliquem eiſmodi hypotheſin fouere,

qui nihilofecius spiritus seu daemones statuit, etſi
 vtique non eo ſenſu, quo nos id facimus. Qui
 non alias, quam corporeas, aut materiales ſubſtan-
 tias ex veteribus admittebant, non poterant non ſpi-
 rituum & exiſtentiam & operationes negare. Hinc
 EPICVRVS eos, qui genios ſibi apparere commemo-
 rant, aut mentiri & fingere, aut melancholicos eſſe
 exiſtimabat, talesque, vt aerumnoſum corpus ipſis
 ſuſpendat, tum ad extraordinaria deſlectat, ima-
 ginationem; vid. PETRVS GASSENDVS, *ſyntagm. phi-
 loſophiae Epicureae ſect. II. cap. VI. pag. m. 295.* De
 Ariſtotelis ſententia, an ſpiritus finitos, ſeu dae-
 mones, crediderit, inter viros doctos diſputatum
 fuit. Credidiſſe, & quidem, quae ſcripturae ſacrae
 prorsus conſentanea ſint, de iis docuiſſe, perſua-
 dere lectoribus cupit IOANNES ZEISOLDVS, de *Ari-
 ſtotelis cum ſcriptura ſacra conſenſu &c. diſputat. IV.
 pag. 107. & ſeqq.* Et ſane aliquid intelligentias ad-
 miſiſſe Ariſtotelem, notum eſt, idque nec aliud quid
 euincunt loca eius a ZEISOLDO in medium allata.
 Intelligentias autem ſuas cum Ariſtoteles ſingulis
 orbibus praefecerit, easque neceſſario vinculo cum
 iis colligatas exiſtimauerit, non poſſe eas eo loco,
 quo ſpiritus, angeli, daemones apud nos ſunt, ha-
 bere, manuſcriptum eſt + + + +. Idque recte etiam ob-
 ſeruatum GERHARDO IOANNI VOSSIO, de *idololatr.
 gentil. libr. II. cap. XLI.* Commemoratur equidem
 inter ſcripta Ariſtotelis a PLINIO, *lib. XXX. cap. I.*
 & DIOGENE LAERTIO, *prooem. ſect. I.* liber Μα-
 γνόν ſeu Μαγνόνος dictus. Praeterquam vero, quod
 contenta eius, cum non amplius extet, nobis igno-
 ta ſint, ab aliis iam obſeruatum, cum minus re-
 cte Ariſtoteli tribui; vid. AEGIDIUS MENAGIUS, ad
Diogenis Laërtii l. c. Inter recentiores ipſe BENE-
 DICTVS DE SPINOZA ſe ſtatim nobis offert, quem
 ſpiritus finitos ſeu angelos ſtauiſſe, vt non teme-
 re quis, cui doctrina eius perſpecta eſt, credide-
 rit, ita etiam haud obſcure hoc negat, quicquid
 de ſpectris ſeu ſpirituum adparitionibus refertur, in
 dubium

dubium vocans, *epist. LVI. LVIII. & LX.* Nihilolocius PETRVS BAEIVS in eam ingreditur sententiam, systema SPINOZAE sibi non constare, nisi spiritus seu daemones admittat; immo hosce dum negavit, ostendisse illum, quod suum ipsemet non satis intellexerit systema, adeoque, quid ex principiis a se positis deduci posset, ignorauerit. Cum enim res omnes creatas pro modificationibus saltem creatoris, hoc est, huius vniuersi habeat, fieri aliter non posse, quam vt cogitatio creatoris non tantum in homine, sed & in multis rebus aliis, iisque inuisibilibus, fuerit modificata; vnde sequatur infinitum esse eiusmodi animalium numerum, quae vt cognitione, ita malitia hominem in tantum superent, in quantum hic iis canes & boues superat. Et hac etiam ratione explicat, quo pacto iuxta idem systema anima hominis possit esse immortalis; immo quo pacto infernus possit admitti, seu eiusmodi animalium post mortem status, in quo variis cruciatibus sint obnoxiae. Si enim opponantur eiusmodi substantiae inuisibiles, ex modificatione naturae huius vniuersi ortae, quarum magna sit potestas & malitia, fieri aliter vix posse, quam vt aliis eiusdem generis substantiis, quae iis resistere nequeant, mala plurima ab eis & infinitae immineant calamitates. Huc fere redeunt, quae hac de re disserit in *diction. histor. & crit. voc. Spinoza lit. M. & P. p. 2780. seqq.* Verum valde vereor, ne cuncta tandem in meram illusionem abeant, vt homines sibi persuadeant, Spinozistas posse admittere, animae humanae immortalitatem, angelos, poenas infernales, cum tamen reuera nihil horum admittant, queniadmodum nec Spinoza ipse admisit, vt ipsemet auctor doctissimus fatetur. Hoc vero vt eo euentius pateat, obseruandum, in systemate Spinozae spiritus proprie sic dictos, hoc est, substantias immateriales locum non inuenire. Corrueret enim statim primum eius principium, vnicam tantum dari substantiam, si substantias diuersi plane generis, materiales & immateriales admitteret. Ergo & non aliam, quam mate-

rialem homini tribuere potest animam, & si spiritus admittendi, tantum materiales erunt, hoc est, reuera corpora, non spiritus. Eundem in finem & cogitationem eiusmodi affectionem esse statuit, quae vna cum extensione in vno eodemque subiecto esse possit. Neque quantum ego capio, secundum Spinozae systema dici potest, *cogitationem creatoris* esse modificatam, sed dicendum potius, ipsam substantiam huius vniuersi, cuius duae affectiones sint, cogitatio & extensio, in rebus creatis diuersimode esse modificatam. Quae modificatio vti in homine per ipsum corpus organicum facta est, aut fieri potuit, ita cur alia animae modificatio tribuenda sit, non video; certe ipse Spinoza haud dubio non tribuit. Sane quidem nihil impedit, quo minus in corporibus inuisibilibus idem fiat, nec tamen, quod fieri debeat, sequitur; multo minus, si fiat, spiritus proprie sic dicti inde existent. Vnde &, quid de inferno ex mente Spinozae, aut potius PETRI BAEII, censendum sit, patet. Praeterquam enim quod talis infernus lubrico fundamento innitur, longe aliam huic voci aequae ac voci *spiritus*, notionem tribuit; cunctaque saltem ad fucum aliis faciendum videntur esse comparata. Diuidenda vero hinc etiam est quaestio, an ex spiritu finitorum existentia probari possit existentia Dei, item an ex eo, quod aliquis neget, dari spiritus finitos, tuto colligere liceat, eum esse atheum. Vtramque negat PETRVS BAEIIVS, *loc. cit.* item in *voc. Ruggeri pag. 2628*. Enim vero ad priorem quod attinet quaestionem, contra eos saltem atheos, qui atheismi sui fundamentum in eo collocant, quod nulli dentur spiritus, seu non aliae praeter materiam & corpora substantiae, argumentum hocce omnino plurimum valet. Si enim probatum fuerit, dari Spiritus creatos, proprie sic dictos, falsa est extra controuersiam propositio contraria: nullas alias praeter corpora, seu res materiales, dari substantias. Militat quoque hocce argumentum contra Spinozam. Si enim dantur spiritus, hoc est substantiae toto genere a substantiis materialibus diuersae, ergo falsum est, vnicam tantum dari substantiam. Ad alteram vero quaestionem

nem quod attinet, sane fieri potest, ut quis Deum esse credat, qui creatorum spirituum existentiam negat: id quod vel Sadducaeorum exemplo constat. Interim tamen, quia eiusmodi homines sine omni causa argumentum istud nobis eripiunt, quo atheismus enerti certa ratione potest, non errabimus, si dicamus, hanc sententiam favere atheismo, & ad eum ducere. Ut vero nunc reliquos etiam, qui spirituum finitorum aut existentiam, aut operationes, in dubium vocarunt, paucis attingam. THOMAM HOBBSIVM huc itidem referendum esse, satis constat. Certe, cum nullam aliam, quam corpoream substantiam, ut supra cap. I. §. XXVII. ostendimus, statuatur, spiritibus, proprie sic dictis, locum concedere nequit. Nec dissimulat illud, sed laudi potius ducit auctor *vitae Hobbesii*, etsi simul addat, insimulatum eum a quibusdam, ac si spectra metueret: *Nec minus falso a quibusdam insimulatus est, tanquam solitudinem fugeret, spectra metuens & phantasmata, vana stultorum terribamenta, quae philosophiae suae lumine dissipauerat*; pag. 106. Intercedit vero hic iterum PETRVS BAEIVS, & metuere Hobbesium spectra potuisse, putat, etsi vel maxime fuerit atheus, aut omnino existentiam spirituum negauerit. Nihil enim ob stare, quo minus plurimae dentur substantiae inuisibiles, malignae, quae hominibus male cupiant. Quod si etiam hoc non admittatur, tantam imaginationis vim esse, ut homini, qui spectra non credit, nihilofecius metus aliquis ob spectra incuti queat; *diction. histor. crit. voc. Hobbes*, pag. 1574. Verum de priori quid sentiendum sit, antea exposuimus. Ad posterius quod attinet, pauci erunt, qui credent, dignum tanto philosopho fuisse, quantus Hobbesius videri voluit, imaginationis potius, quam rationis (ex ipsius saltem persuasione) imperio regi. Sed hoc *ὡς ἐν παράδειγματι*. Praetermittendus vero hic nobis non est BALTHASAR BECKERVS, quo nemo temere maiorem in doctrina de spiritibus, recentiori aetate, strepitum dedit. Editio namque LEONARDI anno M DC XCI. belgica lingua libro, cui titulus

titulum fecit, *mundus fascinatus*, in id omnes ingenii vires intendit, vt infernalem genium ex hocce mundo relegaret, & ab hominum negotiis procul amoueret; immo vt generatim spiritibus (quorum se non vult videri negari existentiam) vim omnem in corpus agendi, aut similes effectus producendi, abiudicaret. In quem errorem vt notio *spiritus*, quam ex Cartesiana philosophia hausit, qua essentia eius in cogitatione constituitur, cum induxisse videtur †, ita maiorine studio, incertum, an impudentia, luculentissima scripturae oracula mirum in modum peruertere, & in alienum detorquere sensum, ausus est. In compendio praecipua eius fundamenta, cum eorum refutatione, exhibui, in *elementis philosophiae theoreticae, part. VI. cap. II. pag. 339. seqq.* Extiterunt plurimi, qui Beckerum ex instituto refutarunt, quos inter praecipue commendari solent IOANNES AALSTIVS, & PAVLVS STEENWINCKELIVS, in libro, belgico idiomate, sub titulo: *Zedige Aemmerkingen*, contra Beckerum anno MDCXCIII edito. Reliquos, qui contra eum scripserunt, laudat ZACHARIAS GRAPIVS, in *theologia recens controuersa, continuata, cap. II. quaeft. IX. p. 81. seqq.* vbi illos & commemorat, qui post Beckerum spirituum existentiam, aut operationes, diuersa quidem ratione, in dubium vocare ausi sunt. Varias etiam auctorum veterum ac recentiorum de spiritibus & eorum operationibus, speciatim de spectris, & magia, sententias, diligenter collectas; exhibet CAROL. FRIDER. ROMANVS, in *schediasmate polemico, expendente quaestionem, an dentur spectra, magi & sagae*. Fundamenta praecipua eorum, qui aut existentiam, aut operationes spirituum negant, vti ex haecceus dictis facile intelliguntur, ita huc fere redeunt: non dari alias substantias, praeter materiales; nihil ob stare, quo minus & substantia materialis, seu corpus, cogitet; quod si substantia quidem materiae expers, seu spiritus detur, essentiam eius consistere in cogitatione, adeoque non posse concipi, quo pacto in materiam agat; quicquid de spirituum apparitionibus, spectris,

spectris, magia, &c. narratur, pro commentis otiorum hominum, aut anilibus fabulis, esse habendum, &c. ††. Quae omnia in sequentibus sub examini reuocabimus.

† LEONTIUS idem de Samaritanis docuit; verum, cum in Pentateucho Samaritano plus semel Angelorum mentio fiat, Leontium hac in re errasse, non nulli putant: REXLANDVS tamen, in *dissert. de Samaritanis*, illum erroris absoluit, & vocem *Angelus*, in Samaritano Pentateucho, nihil aliud significare, quam *mandatum*, *efficaciam Dei* aut simile quid, ostendit.

†† Plurimi e veteribus, quos Patres dicunt, in illa fuerunt opinione; quibus accensendus J. C. LÖRSIUS, Vir doctissimus, qui peculiarem hac de re scripsit *dissert.* non nullos tamen e Patribus hanc sententiam respuisse probat ST. VI-TUS *Bibl. Brem. Cl. 6. fasc. 3. Art. 3. v.* quoque GRAPPIUM *l. l. C. 3. §. 3.*

††† De Orientalium aliorumque de Spiritibus dæmonibusque doctrina videatur WALCHIUS *Philos. Lexico*; nec non *Hist. und Theol. einleitung P. 5. p. 119.* ut & STOLLIUS *H. list. P. 2. C. 3.* & J. ODE *diff. Theol. in qua angelos esse probatur, &c.*

†††† V. J. C. SCHRAMMII *Princ. Th. Revel. C. 6. p. 80. & seq.* ubi docet: sententiam Aristotelis de intelligentiis, quae adsint orbibus coelestibus non nullis Theologis non absurdam videri; & Aristotelem eadem cum Platone de dæmonibus sentire.

† Abusu nimirum hujus doctrinae BECKERUS in eam opinionem delapsus videtur.

†† Vide quoque plura, quae ad hunc §. pertinent, *Theol. Dogm. Cel. Auctoris L. 2. C. 2. §. 55. & Princip. Theol. Revel. SCHRAMMII l. c.* CLERICI de spiritibus doctrinam periculo prorsus non carere arbitror; cum putet, aequè temerarium esse, statuere mentem nihil commune habere cum corpore, ac contendere mentem esse tenuissimum corpus: v. ejus *Pneumat. Sect. 1. C. 1. p. 7. coll. Sect. 2. C. 1.*

C. I. p. 68. & seqq. de crimine *Magia* cum CHR. THOMASII disputatio in publicum prodiret, varios quoque aduersarios nactus est, & a non nullis atro carbone notatus; de qua lite prolixè egit STOLLIVS *Hist. litt. P. 2. C. 3. §. 56. & seqq.*

§. IV.

Vaticinia seu praedictiones de rebus futuris, iisque mere fortuitis, vt argumentum pro Numinis existentia firmissimum praebent; ita atheis haud immerito fauere creduntur, qui ista aut in dubium vocant, aut causas quasdam naturales, inepte tamen prorsus atque irritò conatu, illis assignare annuntantur. Ipsos namque atheos, immo nec eos, qui diuinam prouidentiam negant, vaticinia eiusmodi non admittere, res ipsa docet *.

- * Quae de rebus futuris eduntur vaticinia, non sunt eiusdem generis. De iis, quae causarum, ex quibus certi non possunt non effectus consequi, notitia, aut coniecturis quibusdam nituntur, nobis nunc sermo non est. Multo minus de iis, quae fallaces ac superstitiosas artes diuinatorias, aut omnino imposturas hominum, pro fundamento habent. Namque de iis nobis sermo est, quibus euentus reuera respondet, & quae tamen vim mentis humanae prorsus superant. Haec autem iterum duplicis sunt generis. Nonnulla namque humanae mentis vim equidem superant, sed in spiritus tamen creatos, quorum longe amplior, quam hominum, est cognitio, cadunt; alia autem, de rebus scilicet mere contingentibus, omnium etiam spirituum vim superant, & a solo Deo, cui etiam fortuita quaeuis perspecta sunt, proficisci possunt. Posterioris generis vaticinia atheis; prioris, illis etiam recte opponuntur, qui spirituum creatorum existentiam negant.

gant. Facile hinc coniicere licet, diuersas philosophorum de vaticiniis atque diuinatione fuisse sententias, prouti de ipsa, aut Dei, aut spirituum existentia, ac operationibus, in diuersas partes abierunt. Obseruatum id iam TULLIO fuit, quem hac de re audire iuuabit. Philosophorum vero, inquit, exquisita quaedam argumenta, cur esset vera diuinationis, collecta sunt, e quibus, ut de antiquissimis loquar, Colophonius Xenophanes, vnus, qui deos esse, diceret, diuinationem funditus sustulit. Reliqui vero omnes praeter Epicurum, balbutientem de natura deorum, diuinationem probauerunt, sed non vno modo. Nam cum Socrates omnesque Socratici, Zenoque, & hi, qui ab eo essent profecti, manerent in antiquorum philosophorum sententia, vetere academia, & Peripateticis consentientibus, cumque huic rei magnam auctoritatem Pythagoras iam ante tribuisset, qui etiam ipse augur vellet esse, plurimisque locis grauis auctor Democritus, praesensionem rerum futurarum comprobaret, Dicaearchus Peripateticus, cetera diuinationis genera sustulit, somniorum & furoris reliquit; Cratippusque, familiaris noster, quem ego parem summis Peripateticis iudico, iisdem rebus fidem tribuit, reliqua diuinationis genera reiecit; de diuinatione lib. I. p. m. 1204. Ex quibus quidem CICERONIS verbis discimus, reliquos philosophos omnes praeter Xenophanem & Epicurum, vaticinia seu praedictiones futurarum credidisse †; ita tamen, ut nonnulli omnia praedictionum genera, alii quaedam tantum admitterent. Addendum vero, inter eos, qui praedictiones rerum futurarum admiserunt, nonnullos quidem earum causam ad Deum, seu genios vel daemones, retulisse, ut Pythagoracos & Platonicos; alios autem vim quandam naturalem futura praedicendi hominibus insitam, asseruisse, quae modo in dormientibus, modo in furore percipitis, accedentibus praesertim causis, vim hanc excitantibus, sese exereret, ut Stoicos; immo & Peripateticorum huc redibat sententia; saltem ex causis naturalibus facultatem omnem vaticinandi proce-

procedere, sibi persuadebant ††. Cumprimis AM-
 MONIVS hoc variis rationibus probare annisus est,
 quas refert PLVTARCHVS, de *def. oraculor. tom. II. opp. pag. 196.* ex quo eas repetit, pressiusque vrget
 PETRVS PETITVS, de *Sybillis lib. I. cap. VIII. pag. 30. seqq.* de quo & deinceps est dicendi locus. De
 Epicuro quod dixit CICERO, eum praedictiones
 omnes reiicere, & aliunde etiam constat, & alibi
 idem confirmat. *Nihil, inquit, tam irridet Epi-
 curus, quam praedictiones rerum futurarum; de na-
 tura deorum lib. II. pag. 1192.* Et alibi: *Doleo, Stoi-
 cos nostros Epicuraeis deridendi sui facultatem dedisse;
 non enim ignoras, quam ista derideant; lib. II. de diuin.
 p. 1230.* Atque hoc est, quod etiam PLVTARCHVS
 dicit, Epicuracorum fuisse *χλευασμὸς καὶ γέλως,*
sannas & risus, de orac. def. tom. II. opp. pag. 429.
 Facile hinc etiam coniecere licet, quae Epicuraco-
 rum de oraculis, de insomniis, de ostentis, fuerit
 sententia; de qua tamen, qui plura cupit, PETRVM
 GASSENDVM adeat, *syntagm. philos. Epicur. sect. II. cap. VI. pag. 297. seqq.* In hisce vero omnibus rite
 diiudicandis, caute incedendum esse, nemo tenere
 negauerit. Etenim, si vaticinia praedictionesque fu-
 turorum, prout apud gentiles se habebant, inspectes,
 multas imposturas, mendacia, figmenta, inanes va-
 nasque persuasiones, intercessisse, nemo dubitauit.
 Et haec quidem iure reiiciebant Epicuraei,
 Stoicosque talia promiscue defendentes, & super-
 stitioni anili patrocinautes, merito, cachinnis ex-
 cipiebant. In eo tamen peccabant, quod omnes si-
 ne discrimine praedictiones, ceu meras imposturas
 & figmenta, reiiciebant; cum nihil obstat, quo mi-
 nus Deus futura reuelare queat; & apud ethnicos
 etiam quaedam praedictiones extarent, quae vim &
 cognitionem humana maiorem omnino indica-
 bant †††. Quemadmodum autem haecce Epicu-
 racorum sententia atheismo mirifice fauet, ita ta-
 men nec Stoicorum, aliorumque, qui, naturalcm
 hominibus inesse vaticinandi facultatem, contem-
 debant, vilo modo admittenda. Immo haec non
 minus,

minus, quam illa, atheis insignem usum praebet, cum per eam aequae, ac per priorem, argumentum a vaticiniis desumptum eludere queant. Proxime vero ad eam accedit sententia illorum, qui ad minimum naturalem dispositionem homini ad vaticinandum tribuunt, quam & calculo suo adprobat BENEDICTVS DE SPINOZA. Hominis namque temperamentum non tantum plurimum valere, contendit, ad prophetiam generatim consideratam, sed & pro ratione temperamenti variare prophetias. *Nempe, si propheta, inquit, erat hilaris, ei reuelabantur victoriae, pax, & quae porro homines ad laetitiam mouent, tales enim similia saepius imaginari solent. Si contra tristis erat, bella, supplicia, & omnia mala ei reuelabantur. Et sic, prout propheta erat misericors, blandus, iracundus, eatenus magis aptus erat ad has, quam ad illas reuelationes; quod exemplis etiam quibusdam, cumprimis Elifaci, qui musica ad vaticinandum excitari voluit, II. reg. III. 15. comprobare annuitur, in tract. theolog. polit. cap. II. pag. 18. Immo imaginatio apud SPINOZAM in vaticiniis vtramque facit paginam, vt dubitandum non sit, quin vaticinia pro mero imaginationis effectu habuerit. Hinc & eum, qui imaginatione non excellit, ad vaticinandum minime aptum esse, contendit, etsi ceteroquin mortalium sit sapientissimus ††††. Prophetas non fuisse perfectiore mente praeditos, diserte pronuntiat, sed quidem potentia vividius imaginandi, idque scripturae narrationes abunde docere putat. De Salomone enim (ita pergit) constat, eum quidem sapientia, sed non dono prophetico, ceteros excelluisse. Prudentissimi etiam illi, Heman, Darda, Kalebhol, prophetae non fuerunt, & contra homines rustici, & extra omnem disciplinam, immo mulierculae etiam, vt Hagar, ancilla Abrahami, dono prophetico fuerunt praeditae. Quod etiam cum experientia & ratione conuenit. Nam, qui maxime imaginatione pollent, minus apti sunt ad res pure intelligendum &c. loc. cit. pag. 15. Praeluserunt quodammodo hac in re Spinozae nonnulli ex gentis Ebraeae doctoribus, im-*

mo ipse MOSES MAIMONIDES, in *moreh neuochim* part II. cap. XXXIII. XXXVI. & XXXVII. dispositionem quandam naturalem in homine, ad recipiendum prophetiae donum, requirentes, a quibus tamen non sine ratione dissentit R. IS. ABARBANEL, ad I. reg. III. fol. 110. col. 4. Nemo autem maiori conatu, ampliorique eruditionis instructus adparatu hoc egit, quam PETRVS PETITVS, ab AMMONIO equidem aliisque, qui animam per se facultate futura praenoscendi instructam autumant, dissentiens, dispositionem tamen quandam naturalem ad indicationem futurorum, a Deo recipiendam, ei vindicans; de *Sybillae libr. I. cap. IX.* Sententiam eius, itemque AMMONII, una cum rationibus, quibus vterque suam confirmare annisus est, exhibui, simulque confutavi, in dissertatione; *an naturali homines polleant vaticinandi facultate*, Halae Saxonium anno M DC XCIX habita; ut adeo, plura hac de re addere, operae non ducam esse pretium. Quemadmodum autem Spinoza & reliqui, qui aut naturalem vim vaticinandi, aut saltem dispositionem naturalem ad prophetiam homini tribuunt, Stoicorum & Peripateticorum incrustarunt sententiam, ita ad Epicuracos rursus accedunt, qui recentiore aetate oracula gentilium, meris sacerdotum fraudibus ac imposturis tribuenda, censuerunt, daemonis operationibus nullum prorsus locum relinquentes. Haud vltimum inter eos locum tenet ANTONIVS VAN DALE, de *oraculorum ethnicorum origine atque auctoribus*, itemque in dissertatione, de *diminationibus Iudaeorum idololatricis*, aliisque in locis. Huius exemplum secutus est, & vestigia pressit, vir doctissimus FONTENELLIVS, in *historia oraculorum*, gallice conscripta, omnes oraculorum praedictiones pro meris iudem imposturis habens. Vtrumque refutavit Iesuita doctissimus P. BALTVS, dans la *reponse a l'histoire des oracles de Mr de Fontenelle* Argentinae M DC CVII. Rectissima illi incedunt via, qui, multas intercessisse sacerdotum fraudes ac imposturas, fatentur; sed tamen quaedam

dam ad daemonem omnino referenda esse, agnoscunt, vt auctor *des remarques sur le demêlé qui est entre Mr. de Fontenelle & l'auteur de la réponse à l'histoire des oracles*; vid. IOANNIS CLERICI *biblioth. chois.* tom. III. artic. II. pag. 180. conferenda & quae diximus, in *histor. eccles. vet. testam. period. II. sect. I.* ad §. XXXVI. pag. 788. Ex haëtenus dictis fundamenta etiam eorum, qui vaticinia, ceu argumenta, quibus Numinis existentia probari queat, admittere nolunt, facile intelliguntur. Ex parte Epicuræorum sunt: Deum rerum humanarum nullam gerere curam; nullos dari spiritus, qui futura hominibus reuelare queant; quicquid de praedictionibus, oraculis, vaticiniis, dicitur, inter aniles fabulas, figmenta, aut imposturas hominum, esse referendum; non posse etiam praedictionem futurorum contingentium conciliari cum libertate hominum, &c. Ex parte Stoicorum, eorumque, qui cum illis faciunt, illud praeceptum est, extrema proflare vaticiniorum, quorum causa cum nec ad Deum, nec ad genium quendam referri queat, nihil amplius superesse, quam vt naturalis vaticinandi facultas hominibus tribuatur.

† Vates semper fuisse in pretio ostendit P. MOLINEUS in suo *Vate* L. I. C. I. & STILLINGSFLEET *Orig. S. L. 2. C. 8. §. 9.*

†† Videatur quoque BUDDEI *Hist. Eccl. Per. 2. Sect. 1. §. 36.* & WALCHII *Hist. und Theol. einleitung* P. ult. p. 218. & seqq.

††† Lectu digna sunt, quæ habet MOLINEUS l. c. L. 3 C. 1. & alibi, ut & VITRINGA in *Jes. T. 2. pag. 415. & seqq.*

†††† Licet Spinosæ sententia, si rite intelligatur, sit vere impia: id tamen, cum optimo harum rerum arbitro C. VITRINGA crediderim; Deum passim delegisse & vocasse in communionem huius gratia (i. e. doni Prophetiæ) viros ingenio & facultate imaginatrice excellentes, ut, quæ illi per imaginationem a spiritu affectam viderant, calide, copiose, exprompte & fortiter efferrent. vide Viri summi *Typum Doctr. Proph. C. 2. §. 2. Pro ratione tempera-*

menti Prophetias variare. Sano sensu admitti itidem potest: etenim, pro diversitate temperamentorum Auctores diversi eandem rem diverse tractabunt; ut ait RAMBACHIUS Inj. Hermen. S. L. 2. C. 3. §. 4. & addit: Spiritum sanctum, in suggerendis verborum conceptibus, se ad indolem & conditionem Amanuensium attemperasse.

§. V.

Quod de vaticiniis rerumque fortuitarum praedictionibus diximus, idem & de miraculis nobis asserendum venit. Cum enim non modo christianae religionis veritas, sed & Numinis existentia valide ex iis demonstrari queat, atheos ea admittere non posse, manifestum est. Vnde simul, quod eorum negatio inter dogmata cum atheismo coniuncta, aut ad eum ducentia, recte referatur, patet *.

* Per miraculum, si proprie & accurate loqui velimus, nihil aliud intelligi potest, quam eiusmodi operatio, qua reuera naturae leges, quibus totius huius uniuersi ordo & conseruatio innititur, suspenduntur †. Quemadmodum itaque solus Deus, tanquam naturae auctor, istas naturae leges constituit; ita solus etiam eas suspendere, adeoque & solus miracula edere potest. Perinde autem est, siue immediate hoc Deus faciat, siue mediate per alios homines. Moses namque alique prophetae, qui miracula ediderunt, non ex sua potentia, sed ex facultate a Deo illis concessa, hoc fecerunt. Qui ergo miracula admittit, Deum quoque eorum auctorem admittat, necesse est. Sunt equidem, qui ab angelis etiam miracula edi posse existimant, cum non constet, annon Deus iis potestatem naturae ordinem mutandi, saltem aliquando hoc faciendi, concesserit. Ita praeter alios IOANNES CLERICVS, in *dissert. de miraculis*, tractatui eius de *incredulitate*,

te, addita pag. 566. seqq. Cumque vir ille doctus facile videat, atheis hac ratione arma, quibus argumentum, quod pro veritate christianae religionis a miraculis ducitur, eneruare queant, suppeditari, inde vt se expediat, in omnem se versat partem ††. Verum istis ambagibus nobis opus non est, qui soli Deo facultatem edendi miracula vindicamus. Quantumvis enim spirituum finitorum seu angelorum, tum bonorum, tum malorum, potentia multo maior sit, quam hominum; nobis etiam adeo certo non constet, quibus ea limitibus circumscribatur; id tamen certum, leges, quibus totius naturae ordo innititur, ab iis mutari non posse, quippe quod solius Dei opus est. Per causarum equidem naturalium, & quidem occultarum, combinationem & directionem, efficere aliquid possunt, quod hominibus mirabile videatur; id vero nondum pro miraculo proprie sic dicto, habendum. Si excipias, incertum tamen ita & obscurum manere, quidnam pro miraculo, quid vero pro opere mirabili, quod hominum saltem, non autem angelorum vires superet, sit habendum, ipsa exempla hocce tibi facile eximent dubium. Excitare homines mortuos, iisque vitam reddere; mare diuidere, vt per eius medium homines sicco pede transire queant; solis lunaeque cursum impedire, & quae his sunt similia, ita comparata sunt, vt coecum mentequae destitutum esse oporteat, qui, vim ad haec requiri infinitam, non agnoscat. Si porro excipias, potuisse tamen Deum eiusmodi facultatem angelis concedere, aequae ac eam quandoque hominibus concessit, nihil tamen obtines. Tum enim angeli non propria, sed aliena virtute, hoc est Dei, talia perpetrant; adeoque firma manet assertio miracula perpetrare, solius Dei est. Deinde probandum erit, Deum facultatem angelis aliquando concessisse. Quamdiu dissentientes hoc firmiter solideque non demonstrant, tamdiu credendum, ipsum Deum absque ministerio angeli miraculum perpetrasse. Accedit, quod, si aliquid hac exceptione obtinere vellent, statuendum illis esse, angelis ma-

quae Spinoza hac de re differit, ad fucum saltem incautis faciendum comparata sunt, ita id vel maxime ex definitione miraculi, quam tradit, patet. *Ex his itaque, inquit, clarissime sequitur, nomen miraculi non nisi respectu ad hominum opiniones posse intelligi, & nihil aliud significare, quam opus, cuius causam naturalem exemplo alterius rei solitae explicare non possumus, vel saltem ipse non potest, qui miraculum scribit aut narrat.* Eiusmodi vero miracula non sunt miracula; adeoque hac definitione iterum, nihil aliud homo impius agit, quam ut ostendat, nulla esse miracula. Quae si in sequentibus refutauerimus, corruet etiam sua sponte altera propositio, ex miraculis nec euentiam, nec existentiam, nec providentiam diuinam, demonstrari posse. De tertia & quarta propositione nihil addo, cum, quae ad vtriusque demonstrationem in medium adfert, nihil aliud, quam audacissimam imprudentissimamque scripturae peruerfionem contineant. Et ita illorum commemorauimus sententiam, qui, miracula fieri posse, negant. Altera, atheis iudem fauens, illorum est, qui, miracula facta, inficiantur. His cum scripturae statim auctoritas opponi queat, nihil aliud superest, quam ut ausu impudentissimo eam in dubium vocent; aut illam ita interpretentur, ut quae pro miraculis habentur, ita capiantur, ut nihil in iis, quod contra naturae ordinem sit, deprehendatur. Prius utique atheorum impudentissimi faciant, ut in sequentibus dicetur. Qui autem paulo cautius incedere volunt, posterius agunt. Documento esse possunt, historia euerfionis Sodomae, atque Gomorrhae; transitus Israelitarum per mare rubrum; solis lunaeque ad Iosuae preces inhibitus cursus, aliaeque, quae nonnulli ita explicare annituntur, ut nullum in his omnibus miraculum agnoscas †††, uti passim a me in *historia ecclesiastica veteris testamenti* obseruatum. Conferenda & quae ibi de miraculis in genere, speciatim de miraculis Moÿsis dixi, ad *period. II. sect. I. §. V. pag. 511. seqq. ††††.*

† Vel intelligi possunt *ejusmodi opera*, quæ sunt præter & supra naturæ leges a Deo constitutas.

†† Si quis existentiam Numinis e miraculis directe evincere velit: ipsum demonstrare necesse est (quod facile fieri potest) naturam entis summe perfecti, eamque solam, tantam potentiam, quanta ad patranda miracula requiritur, per se ipsam possidere. Sin vero, supposita Numinis existentia, argumentum pro veritate Religionis Christianæ a miraculis ducere lubeat; probandum est, licet Angelis potestatem miracula patranda a Deo concessam adscribere vellemus; id rei Christianæ neutiquam officere. Ponamus itaque, miracula, quæ a parte nostra producuntur, Angelos habere Auctores. Hi si boni sint, talia jussu Dei patrarent. Mali vero esse non possunt, nisi statuere velis, plane fieri non posse, ut internoscamus quid a Deo profectum sit, quid a Dæmone fallaci: quod, cum in summam Dei potentiam, & imperandi potestatem, immo in infinitam sapientiam injuriosum sit, a nemine admitti potest; internosci autem nequit, quid Deum auctorem habeat, quid spiritum malignum, nisi per certos quosdam characteres. Character vero miraculi, a Deo eo sine instituti, ut de veritate alicujus dogmatis nos certiores redderet, in sanctitate ac gravitate illius dogmatis quæri debet: quod, licet alia quædam addi posse non negem, impræsentiarum scopo meo satisfacit. E contrario; ea dogmata, quæ spiritus impostor per miracula alicui pro veris obtrudere conatur, oportet ita comparata sint, ut homini attento & in timore Dei cuncta pensanti, plane impossibile non sit, eorum, sive falsitatem, sive levitatem perspicere, quod, num de dogmatibus, quæ Christiani profitentur, cum specie dici possit; quemlibet cui veritas cordi est, serio ut examinet, enixe precor. Securus plane sum, talem, si animo supplici & diligenti Religionis nostræ placita expendat; e diverso, de eorum sanctitate ac gravitate convictum fore. Quod tamen uberiori demonstratione probare, hujus loci non est: videatur quoque S. WERENFELSII dissertatio: *Miracula signa Veritatis*; & Cap. I. dissert: *de Veritate miraculorum scriptura*.

††† Hinc colligi potest, quid, de celeberrimi Auctoris *Ephemeridum Philologiarum* instituto, censere debeamus, & quam

quam periculosa sint CLERICI similiumque variis locis interpretamenta.

††† Si quis plura, quæ huc spectant, scire aveat: confutatur, de natura Miraculorum, YVONIS GAUKES *differt. de Miraculis. Bibl. Brem. Class. 3. fasc. 4. art. 1.* BERNH. CONNOR *in Medicina, mystica de suspensis natura legibus caute tamen legendus*; & SAM. CHRIST. HOLLMANNUS *in comment. Philos. de miraculis eorumque criteriis*, qui, juxta RAMBACHIIUM *Instit. Hermen. S. L. 3. C 4. §. 8.* a vulgari sententia passim discedit. CHRIST. WOLFFIUS *in den vernünftigen gedanken von Gott etc.* arbitratur, per quodvis miraculum systema universi mutari, & istam mutationem systematis Mundi, non, nisi per novum miraculum, tolli &c. Confer (ut & de aliorum sententiis) WALCHII *Philos. Lexicon voce Wunder.* quæ MARACCIUS *P. 2. Prodromi*, de miraculis disserit, videri quoque merentur.

§. VI.

Idem & de veritate christianæ religionis dicendum, quam impugnare, & omnibus, quibus possunt, modis vocare in dubium, proprium atheis, iisque valde solenne est. Viamque adeo ad atheismum muniunt, qui idem quacunque ratione faciunt, etsi pro athéis haberi nolint, aut in naturalistarum referri classem malint *.

- * Cum nullam omnino religionem athei admittant, cumprimis tamen ad christianam impugnandam, aut conuictis proscindendam, omnes ingenii nervos intendunt; quod IVL. CAES. VANINI, aliorumque, de quibus *cap. I.* diximus, exemplo comprobari potest. Conspirant hac in re cum atheis naturalistæ, nullam, quæ reuelatione quadam nitatur, religionem admittentes; adeoque arma atheis, quibus christianam religionem impugnent, suppeditando, viam simul ad atheismum manientes. Exempli loco esse possunt, quæ *Cap. I. §. XXVII.* de EDUARDO HER-

BERTO DE CHERBVRI diximus. Sed & Latitudinarij, quos vocant, si modo a naturalistis eos distinguere fas est, & omnes illi, qui nulla in religione christiana agnoscere mysteria volunt, in eandem referendi sunt classem, & in hocce certamine cum atheis paria faciunt. Dixi de eiusmodi hominibus, in *praefatione parergis historico-theologicis* praemissa, pag. 55. *seqq.* Omnibus autem hisce exemplum praeiuerunt gentiles veteres, christianam Religionem non tam impugnantes, quam conuitiis proscindentes. Quas quidem illorum criminationes iunctim exhibet atque confutat B. CHRISTIANVS KORTHOLTVS in *pagano obrectatore*. Praecipua etiam, quae gentilium philosophi, quos inter cum IVLIANO imperatore, agmen ducunt CELSVS atque PORPHYRIVS, christianae religioni obiecerunt, attigi & ita comparata esse ostendi, vt veritatem christianae religionis confirmet potius, in *dissertatione de veritate christianae religionis, philosophorum gentilium obrectationibus confirmata*, quae extat in *syntagmate dissertationum theologicarum* pag. 453. *seqq.* †. Breuissima autem compendiosissimaque ad veritatem christianae religionis labefactandam atheis plerisque, & qui cum iis faciunt, videtur via, si ipsam scripturae sacrae veritatem, diuinamque auctoritatem, in dubium vocent. Hac de re autem cum in sequentibus plura dicenda sint, vnum illud saltem obseruo, videri eos interdum scripturae testimonium admittere, sed ita istud interpretari, vt fundamenta religionis christianae, quantum in ipsis est, penitus conuellant ††. Luculentissimum huius rei specimen suppeditat BENEDICTVS DE SPINOZA, homo, ex fraudibus & fallacijs totus compositus. Incarnationem enim Christi magnum τῆς ἐκσεβίας μυστήριον ita explicat, vt penitus tollat; & ita quoque scripturam sacram, quam hoc ipso admittere videtur, interpretandam censet. Rogatus ab HENRICO OLDENBURGIO, vt de Iesu Christo mundi redemptore, & unico hominum mediatore, deque eius incarnatione & satisfactione sententiam suam explicaret, *epist. XIX.* ipse ita respondet:

spondet: *Vt de tertio etiam capite mentem meam clarius aperiā, dico, ad salutem non esse omnino necesse, Christum secundum carnem noscere* (ita homo callidissimus phrasi Paulina, in alienum eam detorquendo sensum, abutitur) *sed de aeterno illo filio Dei, hoc est, Dei aeterna sapientia, quae sese in omnibus rebus, & maxime in mente humana, & omnium maxime in Christo Iesu manifestavit, longe aliter sentiendum. Nam nemo absque hac ad statum beatitudinis potest pervenire, utpote quae sola docet, quid verum & falsum, bonum & malum sit. Et quia, uti dixi, haec sapientia per Iesum Christum maxime manifestata fuit, ideo eius discipuli eandem, quatenus ab ipso ipsis fuit reuelata, praedicaverunt, seseque spiritu illo Christi supra reliquos gloriari posse, ostenderunt. Ceterum, quod quaedam ecclesiae his addunt, quod Deus naturam humanam assumerit, monui expresse, me, quid dicant, nescire; immo ut verum fatear, non minus absurde mihi loqui videntur, quam si quis mihi diceret, quod circulus naturam quadrati induerit; epist. XXI. pag. 450. Hic aperte incarnationem Christi, seu, quod Deus humanam naturam assumerit, negat, seque nescire fatetur, quid dicant, qui istud asserunt, immo non minus absurdum hoc esse putat, quam si quis dicat, circulum naturam quadrati induisse. Quae autem scriptura de Christo dicit, ἀλληγορικῶς interpretanda censet, de sapientia divina per Christum, ceu merum hominem manifestata, ut scilicet secundum rationis ductum quis sciat, quid verum, quid falsum, quid bonum, quidve malum sit. Eodem spectant, quae epist. XXIII. pag. 455. hac de re in medium profert. Loca, inquit, evangelii Ioannis & epistolae ad Ebraeos iis, quae dixi, repugnare credis, quia linguarum orientalium phrasēs Europaeis loquendi modis metiris, & quamvis Ioannes suum evangelium graece scripserit, hebraizat tamen. Quicquid sit, an credis, quando scriptura ait, quod Deus in nube sese manifestaverit, aut quod in tabernaculo, vel in templo habitaverit, quod ipse Deus naturam nobis, tabernacu-*

li & templi assumserit? atqui hoc summum est, quod Christus de se ipso dixit, se scilicet templum Dei esse, nimirum; quia, ut in meis praecedentibus dixi, Deus sese maxime in Christo manifestavit, quod Ioannes, ut efficacius exprimeret, dixit, verbum factum esse carnem. Consentiant &, quae in tractatu theologico-politico c. I. pag. 7. differit. Non credo, inquit, vllum alium ad tantam perfectionem supra alios pervenisse, praeter Christum; cui Dei placita, quae homines ad salutem ducant, sine verbis, & visionibus, sed immediate reuelata sunt, adeo, ut Deus per mentem Christi sese apostolis manifestauerit, ut olim Moysi, mediante voce aërea. Et ideo vox Christi, sicuti illa, quam Moses audiebat, vox Dei vocari potest. Et hoc sensu etiam dicere possumus, sapientiam Dei, hoc est, sapientiam, quae supra humanam est, naturam humanam in Christo assumpsisse, & Christum viam salutis fuisse. Nimirum, etiam impostor turpissimus incarnationem τῷ λόγῳ diserte neget, Christumque adeo pro mero homine habeat, qui per praecepta de virtutibus sapientiam Dei hominibus manifestauerit (quod iterum ex mente ipsius est intelligendum) nihilominus magnifice admodum sentire de Christo, & multum in negotio salutis illi tribuere vult videri. Ita callide caliginem imperitorum animis offendit. Atque hinc, quae eius de resurrectione Christi, quae cum eius incarnatione praecipuum christianae religionis fundamentum constituit, sententia fuerit, haud difficulter colligitur, de qua *epist. XXIII. pag. 453. agit.* Nimirum, cum Christus non senatui, nec Pilato, nec cuicumque infidelium, sed sanctis tantum adparuerit, colligit inde, resurrectionem eius spiritualiter, & ad captum fidelium esse exponendam. Cumque HENRICVS OLDENBURGIUS obiiceret, circumstantias resurrectionis Christi tam luculenter ab euangelistis esse descriptas, ut non possit non litteraliter intelligi, *epist. XXIV. pag. 456. respondet SPINOZA:* Ceterum passionem, mortem & sepulturam tecum litteraliter accipio, eius autem resurrectionem allegorice. Fateor quidem, hanc etiam

ab

ab euangelistis iis narrari circumstantiis, vt negare non possimus, ipsos euangelistas credidisse, Christi corpus resurrexisse, & ad coelum adscendisse, vt ad Dei dextram sederet, & quod ab infidelibus etiam potuisset videri, si vna in iis locis adfuissent, in quibus ipse Christus discipulis adparuit, in quo tamen salua euangelii doctrina, potuerunt decipi, vt aliis etiam prophetis contigit, &c. Non tantum itaque aperte resurrectionem Christi negat, sed eo vsque impudentiae progreditur, vt euangelistas, tot eius circumstantias commemorantes, decipi potuisse, contendat. Nos impia haecce deliria suo loco refutabimus: nunc illud saltem obseruamus, iisdem fere rationibus Spinozam Christi resurrectionem impugnare, quibus olim id fecit CELSVS, Epicuraeus, iuratus christiani nominis hostis, vt bene obseruatum B. CHRISTIANO KORTHOLTO, de *tribus impostoribus* sect. III. §.XXXII. pag. 109. Pari ratione idem impostor de aliis doctrinae christianae capitibus subinde loquitur, vt, si verba spectes, ea adprobare videatur, sin sensum, ea penitus tollat atque euertat. Sed hoc ei cum naturalistis, Latitudinariis, aliisque rationalistis, quos vocant, fere commune est. Atque hi quidem vt occultius hoc pacto incedunt, fucum vt faciant incautis, ita alii leuato velamine impietatem produnt, qui aperte & citra ambages christianae religionis dogmata pro commentis meris atque fabulis habent, aut omnino omnes religionum, adeoque & christianae, conditores, in impostorum numerum referunt. Fuerunt nonnulli, qui speciatim ita de Mose sentirent, quos inter & IORDANVM BRVNVM atque NICOLAVM MACHIAVELLVM referendos esse, iam a me obseruatum, in *hisor. eccles. vet. testam ad period. II. sect. I. §.XI. pag. 533. seqq.* Iungendus his IOANNES TOLANDVS, impietatis palmam nemini temere concedens. Cum enim de legumlatoribus dixisset, eos colloquia cum diis obrentui sumxisse, adeoque fraudibus atque mendaciis auctoritatem legibus suis conciliasse, subiicit: *Ita Delphis Lycurgus ab Apolline,*

& Minos a Ione in antro Dictaeo sua omnia didicisse, comminifcebantur, ut homines, nempe diuina auctoritate denincti, legibus ab ipsis prolatis libentius obedirent. His atque similibus Moysen, Ebraeorum nomotheten assimilare non addubitat Diodorus Siculus; sed in hac Moysis cum aliis comparatione, multo adhuc copiosior est Strabo geographus; adeisidaem. pag. 8. Etsi vero ex mente DIODORI atque STRABONIS hoc dicere videatur, quia tamen hoc non refellit, sed talia subinde adiert, ex quibus constat, STRABONIS auctoritatem ei pluris esse, quam scripturam sacram; ipsius quoque eandem hanc esse sententiam, prorsus dubitari nequit. Praecipua vero capita, quibus religionis christianae veritas oppugnatur (si nunc seponas veritatem scripturae, de qua deinceps) eo fere redeunt; falsa esse, nec villo modo admittenda, quae ratio capere nequit; adeoque mysteria quaeuis ex religione eliminanda; hinc & scripturam ita interpretandam, ne in ea mysteria deprehendantur, aut prorsus reiiciendam; religiones omnes, quae reuelatione nituntur, adeoque & Moisaicam pariter, ac christianam, pro hominum calidorum commentis esse habendas; & quae reliqua sunt eiusdem generis.

† De Gentilibus aliisque, qui Religionem nostram impugnant, Auctor in sua *Isagoge*, passim agit E. G. pag. 1007. & alibi.

†† Praeter Spinozam, eandem viam ingressi sunt, P. v. HATTEM, W. DEURHOFF, eorumque sive focii, sive sequaces, BUYTENDYK, WOUTELAAR aliaque nomina obscura. Hi mihi multo periculosiores videntur, quam qui ut aperti hostes prodeunt; inter quos S. V. RUSTING (quod jam antea, cum de Atheis Belgii nostri sermo institueretur, monere debueram) jure refertur: quaecunque enim, quae de immortalitate animae, inferorum statu &c., Christiana Religio docet, atro sale defricat, & infestum in eam animum in scoptico illo carmine, cui hic, vel similis titulus: *Een poespasje vermengd in een Olipodrig*; aperte satis prodit.

§. VII.

§. VII.

Tandem & scripturae sacrae laceffere veritatem, diuinamque impugnare auctoritatem, atheorum proprium est. Hac enim labefactata, cetera facile, quae cupiunt, se consequi posse, existimant. Vnde & ea omnia, quae cum diuina scripturae sacrae auctoritate consistere nequeunt, vel eam quacunque demum ratione conuellunt, aut dubiam reddere possunt, inter dogmata ad atheismum ducentia merito a nobis referuntur*.

- * Exempla hic atheis atque naturalistis itidem praeuerunt gentilium philosophi, qui se christianae religionis hostes professi sunt, interque eos speciatim PORPHYRIUS. Ex operis enim, quod contra christianos scripsit, fragmentis, quae hinc inde apud EVSEBIUM, HIERONYMUM, aliosque, occurrunt, colligere licet, id eum praecipue egisse, vt scripturae sacrae auctoritatem penitus subuerteret. Cuius rei specimina quaedam exhibui, in *dissertat. de christianae religionis veritate, philosophorum gentilium obtreptionibus confirmata*, §. IX. in *syntagm. dissertation. theologicar. pag. 489*. Inter recentiores atheos agmen hic iterum ducit BENEDICTVS ille DE SPINOZA, cuius *tractatus theologico-politicus de libertate philosophandi* totus eo comparatus est, vt auctoritatem diuinam scripturae sacrae prosternat, pedibusque conculcet. Prophetiam, futurorumque praedictionem, eum pro mera imaginatione habuisse, iam antea ad §. I. ex *tractat. theol. polit. cap. II. pag. 15* obseruauimus. Prophetiae itaque reuera ei fuere homines fanatici, qui multa vana, stolidi, ridicula mente conceperunt; quod luculenter etiam patet ex iis, quae *pag. 18. & 19.* hac de re differit. Nec rectius de apostolis, immo, quae maxima blasphemia est, de ipso Christo seruatore, sentit.

tit. Hunc enim *suas rationes opinionibus & principiis uniuscuiusque accommodasse*, diserte pronuntiat, & exemplis quoque comprobare annitur, *l. c. pag. 29.* De apostolis vero & euangelistis iam antea ad §. *praeced.* obseruauimus, quod dixerit, eos in circumstantiis de resurrectione Christi fuisse deceptos. Pertinet huc etiam, quod *cap. XI. pag. 139.* scribit: *Longas deductiones & argumentationes, quales in epistola ad Romanos reperiuntur, nullo modo ex reuelatione supernaturali scriptas fuisse, concedo; item: tam modi loquendi, quam differendi, apostolorum in epistolis clarissime indicant, eosdem non ex reuelatione & diuino mandato, sed tantum ex ipsorum naturali iudicio scriptas fuisse, & nihil continere, praeter fraternas monitiones mixtas urbanitate; a qua sane, inquit, prophetica auctoritas plane abhorret †.* Immo apostolos christianam religionem diuersis superstruxisse fundamentis, *pag. 143.* docet, vnde tot contentiones in ecclesia, totue orta sint schismata. Atque ita cum de ipsis scriptoribus sacris sentiat, mirum non est, quod, in sacro codice, multa occurrere falsa, fabulosa *ἀσέβητα*, & *ἀσύνετα*, sibi aliisque persuadere conetur, *cap. IX. X. XV.* Neue quicquam, quod ad auctoritatem eius penitus labefactandam pertinet, praetermisisse videatur, libros, quos hodie in eo habemus, nequaquam a Mose & prophetis, sed multis demum seculis post auctorum, quorum nomina prae se ferunt, mortem, conscriptos esse, contendit, *cap. VIII. seqq.* Quae THOMAE HOBBSII de scriptura sacra, & diuina eius auctoritate, fuerit sententia, iam supra dictum ad *cap. I. §. XXVII.* Paria cum utroque, & Spinoza & Hobbesio, facit lepidissimus praecadamitarum conditor, ISAACVS FEYRERIUS. Fabulae enim suae praecadamiticae ut speciem quandam conciliaret, & eo facilius, quae ei obstant, remoueret, scripturae eleuare auctoritatem nullus dubitauit. *Opinio haec, inquit, semper mihi sedit, quam inconcusse & firmiter teneo; bibliis sacris contineri, quicquid scire hominibus concessit Deus, vel de origine mundi, vel de*
historia

historia sacra, vel de prophetiis, vel de mysteriis divinis, vel de salute nostra. Quae ad salutem nostram unice spectant, paucis constant. Et in illis tantum curae, tantum diligentiae, & tantum lucis adhibuit spiritus sanctus, quantum captui humano convenit. Pluribus mandata sunt, quae de aliis tractant. Et de illis aperiam, quod omnes sentiunt, quodque plerique mussant dicere; **TANTA** scilicet, **INCVRIA**, **ET CALIGINE TANTA SCRIPTA FVISSE, VT NIHIL PLERVMQVE INTRICATIVS, NIHIL OBSCVRIVS LEGI POSSIT.** Quae profani hominis assertio, vt impia prorsus est, & tantum non blasphemata, ita non melior est ratio, qua eam confirmare annitur; *systemat. praeadam. part. I. libr. IV. cap. I. pag. 274.* Progreditur deinde ulterius, & aequae ac Spinoza, & Hobbesius, libros scripturae sacrae ab auctoribus, quibus hodie tribuuntur, scriptos esse negat. At enim vero, inquit, quis asserere audeat, divinatorum auctorum autographa ipsa, perplexe quamvis & aenigmatice ab illis scripta, ad nos eadem transmissa, qualia dictante Deo ipso voluminibus sacris commissa sunt? *loc. cit.* Speciatim vero *pag. 173.* de libris Moſis diserte negat, eos proprius Moſis apographo habendos, idque variis rationibus probare annitur. Iungendus denique his est RICHARDVS SIMON, qui, dum Spinozam se refutare contendit, commento prorsus inficeto de scribis publicis, ex quorum commentariis libri sacri compilati sint, aliisque eiusdem generis assertis, in *hisor. crit. vet. testam. libr. I. cap. II. & V.* alibique, obuiis, id effecit, vt in diuinam scripturae sacrae auctoritatem non minus, quam Spinoza ipse, iniurius videretur; quod pariter & de illis dicendum, qui sub nomine *theologorum quorundam Hollandiae*, eum refutare aggressi sunt. Sed de hisce, vt & reliquis, quorum hypotheses cum diuina scripturae sacrae auctoritate non satis conueniunt, alibi commodior erit dicendi locus ††. Praecipua autem, quibus scripturae sacrae impugnatur auctoritas, fundamenta eo redeunt, multa in ea occurre-

re, quae aut rectae rationi, aut veritati historiae repugnent, saepius eam sibi contradicere, aut talia referre, quae indigna sint diuina maiestate, & quae reliqua sunt eiusdem generis, ad quae quid respondendum sit, suo loco ostendemus †††.

† Utinam nonnulli interpretes S. litteras circumspectius tractarent, ut Atheis calumniandi ansæ præcideretur! mirum non est, Spinozam PAULO neglectum ordinis & methodi imputare; cum idem fecerit JOH. LOCKIUS in *prolegomenis Paraphrasium ac notarum in epistolas Pauli ad Galatas &c.* & concionator quidam, non incelebris, spiritui sancto *sanctam quandam confusionem* (sic argutulus ille) in nonnullis adscribere non erubuerit. Saepius ejusmodi interpretum imprudentiam, venerandum illum senem & strenuum sapientiae scripturarum vindicem H. ALPHENIUM, deplorantem audiui; eaque profecto satis deplorari vix potest.

†† Videatur interim Auctoris *Theol. Dogm. L. I. C. I. §. 53.* & *C. 2. §. 39.*

††† Priusquam ad Caput sequens pedem promoveamus, monendum est: doctrinam de bono ac malo morali quoque ab Atheis passim inter nugas referri (v. *den Knibbelaar Colloq. 2.*) & TH. KEMPIUM in *Bibl. Theol. Anglica C. 10.* Atheisticum Catechismum exhibere; J. C. DAMHAWERUM vero in *Theol. Consuetudinaria* Atheisticum decalogum. Denique licet dogmata, quæ Auctor recensuit, plerumque, si non semper, cum Atheismo conjuncta sint: non tamen illos omnes, qui alicui horum dogmatum dediti sunt, Atheismi statim reos haberi, suo jure posse.

CAP. IV.

DE

ATHEISMI CAUSIS, PROPRIETATIBVS, ET EFFECTIBVS.

Σύνοψις.

INter causas atheismi internas, praeter naturalem corruptionem, praecipua est ambitio, §. I.

Accedunt externae variae, prava educatio, conuersatio, impiorum librorum lectio, & aliae, §. II.

A causis atheismi discernendae sunt occasiones, ut: vita christianorum doctrinae illorum non respondens, sectarum multitudo, certaminum theologicorum excessus,

& aliae, §. III.

Proprietates atheismi: stultitia scilicet & irrationabilitas, aliorum vilipendium, externa virtutis species &c. item, de characteribus atheorum quaedam, §. IV.

Effectus atheismi: summa atheorum miseria, difficultas inde eluctandi, damna plurima in alios, ipsam etiam rem publicam, quae sine religione consistere nequit, redundantia, §. V.

§. I.

Prima praecipuaque atheismi causa in ipso homine est quaerenda, naturalis scilicet, omnibusque per labem originalem connata ad prava quaeuis inclinatio, & a Deo, ceu iudice supremo,

mo, auersio *. Haec autem cum diuersimode per varia sese exerat vitia, cumprimis tamen, si ambitio accedat, facile tandem ad impietatem supremam, atque atheismum, hominem perducere potest **. †

† Per naturalem corruptionem, hominis intellectus plane est obscuratus, & Deum cuncti auersantur: illa ignorantia & hoc Dei odium omnem Atheismum procreant: ita tamen ut in eo producendo, apud nonnullos, cæci intellectus, apud alios, perversæ voluntatis, præcipuæ partes sint. Quod si teneamus, & simul temperamenti diversitatem, variosque hominum status attendamus: diversarum specierum Atheismi peculiare causæ facilius erui possunt. Rem paucis illustrabo. Athei *Præfici* cupiditatibus carnis maxime aguntur, sunt haud raro sanguinolenti, & hoc vel illo modo fortunati. *Dogmatico-Philosophici* ambitione præsertim corrumpuntur, ut plurimum sunt cholericæ, & studiis aliquo modo innutriti. *Rudiores Dogmatici* ingenio, exulto saltem, destituuntur, sunt sanguinolenti, militiæ, mercaturæ, Aulæ vel otio dediti. &c.

* Communem hunc ut omnis mali, ita & atheismi, fontem, primamque scaturiginem esse, nemo, apud quem vlla sacrarum litterarum est auctoritas, dubitauerit. Idque ipse rex sanctissimus David nos condocet, *psalm. XIV.* Cum enim *vers. 1.* dixisset, *stultus dicit in corde suo, non est Deus*; statim *vers. 3.* de naturali hac omnium hominum corruptione loquitur; quæ verba & Paulus repetit, *Rom. III. 12.* conf. & *Gen. VI. 5.* Ex naturali autem hac corruptione, cum, accedentibus & aliis causis, duplex hominum status oriatur, *securitatis & seruitutis*, qui in illo constituti sunt, ad *atheismum*, in hoc autem, ad *superstitionem* proni sunt. Conferenda, quæ hac de re dixi, in *instit. theol. moral. part. I. §. XVI. seqq.*

** Homines ambitioni deditos præ reliquis facile in atheismum præcipites ruere, itidem iam obseruatum

tum est in *institut. theol. moral. part. I. cap. I. sect. V. §. LX. pag. 163. 164.* Nimirum admodum sibi placent, si sententias singulares, quibus a vulgo eruditorum distinguantur, foueant, aut si soli sibi sapere videantur, reliquosque homines pro stupidis, simplicibus, vera sapientia & eruditione destitutis habeant. Hunc atheorum characterem esse, BENEDICTI DE SPINOZA, aliorumque, exempla testantur. Intelligendum autem hoc praecipue de atheismo theoretico, eoque philosophico. Ad praepticum enim, & rudiorum hominum plebeiorum, quod attinet, ad eum illos quoque, qui voluptatibus dediti sunt, si aliae causae accedant, facile progredi, negari nequit †.

† De causis Atheismi egerunt quoque NIEUWENTYT *Voorbericht tot de Wereldbeschouwingen*, qui praeter ceteris legi meretur. REIMM. *Hist. Atheismi Scēt. 1. C. 9.* FENELONIUS *C. 3. Demonstr. de l'Existence de Dieu.*

§. II.

Ad internam hancce animi dispositionem causae variae externae subinde accedunt, vtque tandem in istam impietatem erumpat, efficiunt. Huc pertinet praua educatio*, conuersatio cum hominibus improbis**, librorum ad atheismum ducentium lectio***, incauta aut praepostera studiorum tractatio*. Neque praetermittendus hic diuinae veritatis neglectus, aut vilipendium, dum nonnulli conuictionem, quae inde oritur, non curant, sed respuunt, multo minus ad viam recte instituendam ea vtuntur, in sensum hinc reprobum, iusto Dei iudicio dandi**.

* Ad atheismum rudiores hominum plebeiorum, qui cum ignorantia supina plerumque coniunctus est,
P 3
mul-

multum confert prava educatio, si tenera aetas solida, aut saltem sufficienti, rerum diuinarum notitia non imbuatur. Sed & philosophicus atheismus hinc originem ac incrementum accipit, si externae tantum honestatis ac eruditionis, non autem verae pietatis, in liberorum educatione habeatur ratio; sique, quod solenne admodum est, ad ambitionem, viriumque ingenii ostentationem, rationisque adeo abusum, quouis modo excitentur.

** Quanta conuersationis in corrumpendis moribus, & intellectu quoque variis erroribus imbuendo, vis sit, & efficacia, neminem fugit, & Paulus quoque apostolus testatur, quando, *corrumpunt*, inquit, *bonos mores colloquia praua*, *I. Corinth. XV. 23. conf. & psalm. I. 1.* & quae dixi in *inst. theol. mor. part. I. cap. I. sect. IV. ad §. LXIX. pag. 180. add. THEOPHILVS SPIZELIVS, scrutin. atheismi histor. aetiol. scrutin. III. §. XV. pag. 61. seqq.*

*** Qui noxia continent libri, eo plerumque auidius leguntur, quo magis ob raritatem, vel quia damnati ac proscripti sunt, hominum curiositatem excitant, vel eorum cupiditatibus blandiuntur. Quo auidius autem leguntur, eo facilius, quae in iis occurrunt, admittuntur, eoque intimius animo imprimuntur, sed & eo grauius inde damnum oritur; conf. THEOPHILVS SPIZELIVS, *loc. cit. §. XIV. pag. 55. seqq.*

* Litterarum studia, si caute & sobrie tractentur, ad veram religionem promouendam, & contra atheorum insultus defendendam, plurimum conferunt. Sed si quis inconsulto in ea feratur impetu, inque iis tractandis pravae potius cupiditatis ductum, quam rectae rationis legem sequatur, animum facile ad impietatem ac atheismum prouum inde referet; efficietque, vt, quae felicem eum atque beatum reddere poterant, ipsius quidem culpa, in occasionem miseriae summae atque calamitatis cedant. Idque diucr-

diuersa omnino, prò partium, quibus eruditionis humanae circulus absoluitur, diuersitate, fieri potest ratione. Qui *litteris* quas *humaniores* vocant, se totos dedunt, ethnicorum scriptorum subinde ita capiuntur lectione, vt scripturam sacram plane negligant, aut in minimis ponant, indeque illorum mens ita corrumpitur, vt illis *lyra Dauidica sordeat, prae lyra Horatiana* †. Ab elegantioribus litteris si ad philosophiam transeamus, ipsa statim se offert *logica*, quae vt pro instrumento veritatis, solidaeque eruditionis, recte habetur, ita dubitari posset, an & haec atheorum impietati aliquando inferuiat, nisi & hoc experientia doceret. Doctrina de praedictis opinionibus animo efficiendis, haud vltimum inter reliquas tenet locum, & salutaris maxime est, immo ad veritatem inueniendam prorsus necessaria. Sed si quis christianae religionis scita, principiaque eidem confirmandae inferuientia, pro opinionibus praedictis habeat, & tum demum recte se philosophari credat, si ista animo eiecerit, in atheorum praecipiti lapsu laqueos incidet, priusquam ipse hoc animaduertat ††. Ipsam de *vniversalibus* doctrinam, scholasticis quibusdam, speciatim Scotistis, argumentum atheismi praebuisse, supra ad cap. I. §. XXIII. obseruauimus. Ex *metaphysica* minus recte intellecta, atheos arma desumere posse, quibus impietati suae speciem concilient, vel ipsius Spinozae neminem dubitare sinet exemplum. *Ethica* enim eius *geometrica methodo demonstrata*, metaphysicis speculationibus de *substantia* & eius *attributis*, tota scatur. Idem & de *physica*, seu rerum naturalium scientia, est obseruandum. Quantumuis enim haec argumenta longe pulcherrima, ad coercendam atheorum stultitiam suppeditet, fieri tamen potest, vt, si quis proximarum causarum considerationi nimis indulgeat, & cuncta per eas ita explicare annitatur, ne prima illa necessaria esse videatur, praecipiti tandem gradu in atheismum ruat. Obseruatum id tum aliis, tum & THEOPHILO SPIZELIO, in *scrutinio atheismi, scrutin.* III. §. XXV. pag. 108.

seqq. item in radice atheismi pag. 49. 50. Nec moralis civilisque doctrina hic praetermittenda. Qui ita de homine philosophantur, ut cum Spinoza omnem ei libertatem adimant, & ἀδιαφορίαν, itemque ἀπάθειαν ultra, quam par est, extendant, qui cum eodem Spinoza atque Hobbesio, non alias, quam humanas, seu civiles, leges admittunt; qui cum Machiauello ad principum cuncta utilitatem referunt, & ipsam religionem in dominandi instrumentum conuertunt, non possunt non in atheorum tandem castra transire. Possem insuper exempla varia illorum adferre, qui ex incauta philosophiae, singularumque eius partium, aut litterarum bonarum tractatione, in impietatem qua vitam moresque, aut omnino atheismum prolapsi sunt. Ea vero haud quaquam ignota sunt; immo quotidie se quaedam nobis offerunt, pertinentque huc, quae de Petro Aretino, Francisco Poggio, Angelo Politiano, aliisque cap. I. §. XXIV. & alibi diximus. Iungenda &, quae ex instituto hac de re commentatus est vir doctissimus, BVRCARD GOTTHELF STRVVIVS in prolusione academica, cui titulus: *doctus, athens*, anno M DCC VII edita. Non sane ipsius philosophiae, sicut nec litterarum, quae ab humanitate nomen acceperunt, hoc vitium est, ut nonnulli praepostero zelo abrepti existimant, sed hominum litteris istis & philosophia abutentium, nec caute satis, ut decebat, in iis versantium. Enim vero, ut res quacumque optimae & innocentissimae in illorum, qui iis abutuntur, perniciem quandoque cedunt, ut tamen ideo utilitati ac praestantiae illarum nihil decedat, ita & bonis litteris atque philosophiae suum manet decus, laus sua integra & illibata constat, etsi vel maxime a quibusdam per improbitatem, aut imprudentiam, in atheismi aut occasionem, aut argumentum, vel defensionem, arripiantur. Quod vero isti inde sua culpa damnum accipiunt, alios commonefacere debet, ut caute in hisce tractandis studiis versari discant, nec cum eruditione sapientiam, cuius initium est timor

Do-

Domini, coniungere intermittant ††.

† Qui Jurisperitiæ penitus incumbunt (non culpa hujus studii, sed illius abusu) delicias suas tanti aliquando faciunt, ut Justinianum & corpus Romani Juris Christo & sacris voluminibus longe præferant. Qui vero artem medicam dedicere, contemplationi corporis continuo inhærentes, conceptus rerum spiritualium, interdum fere amittunt; &, cum quotidie moribundis assideant, non nunquam fit, ut mortis consideratione minus, quam cæteri mortales, percellantur. Nonnullos itaque ex eorum ordine in Atheismum prolabi, mirum non est.

†† Vide sis, venerandi revera Theologi C. M. PRÆVII *dissert. de præjud. Theol.* §. 23.

††† POIRETUS *de Eruditione triplici, solida &c.* nonnulla scripsit, quæ, si caute legantur, ad artic. de præpostera studiorum tractatione & incauta, Atheismum sæpiusculè parturiente, cum fructu adhiberi possunt: adde H. C. AGRIPPAM *de vanitate Scient.* &c.

** Nimirum divinarum veritatum ad hominum salutem comparatarum hæc est ratio, ut non tantum sciri, sed ad vitæ quoque praxin transferri debeant, ut ipse Servator docet, *Ioan.* XIII. 17. Hoc si homines intermittant, cognitio ista illis non tantum nihil prodest, sed facile etiam contingit, ut ex iusto Dei iudicio, veritate amissa, in errores gravissimos, ipsumque atheismum præcipientes ruant, ut gentilium exemplo luculentissime docet Paulus apostolus *Rom.* I. *vers.* 18. 19. 20. Dum vero cognitio ista Dei rerumque divinarum, flectendo voluntatem ad obsequium, vini suam & efficaciam exerit, αἰσθῆσις illa, Paulo commemorata *Phil.* I. v. 9. inde oritur atque *experientia*, quæ & *gustus* nomine in scriptura sacra venit, *I. Petr.* II. 3. *Ebr.* VI. 4. 5. Ista vero αἰσθῆσις seu experientia, non est absque cognitione præcedenti (hoc enim plane consonum esset) sed ex ipsa cognitione oritur, vel cum ea

coniuncta est, si rite ad praxin deducatur, nec veritatem in iniustitia homines detineant, vt Paulus loquitur, *Rom. I. 18.* Atque ita intelligenda sunt, quae hac de re scripsi in *elementis philos. theoret. part. VI. cap. III. §. III.* De notitia enim Dei insita, dum §. II. verba feci, haec porro subieci: *est in mente nostra intima quaedam facultas, qua percipimus & velut gustamus, quae bona sunt. Per eam perceptionem quilibet homo, si modo serio ad se attendat, ita conuincitur, vt licet certissime persuasus sit, ea se videre, quae videt, audire quae audit, intelligere, quae intelligit, longe tamen certior esse possit, se percipere & sentire occultam entis summi boni, summique perfecti operationem.* Ex quibus verbis ne quis sensum a mente mea alienum eruat, 1) quidem obseruari velim, me per istam perceptionem nihil aliud intelligere, quam αἰσθησις, vt scriptura sacra vocat, seu experientiam, quae oritur, cum cognitio veritatis ad praxin vitae deducitur; 2) nec istam me perceptionem seu experientiam a cognitione separare, multo minus asserere, ac si absque sufficienti cognitione esse possit, sed hoc saltem volo, si cognitio Dei, tum insita, tum acquisita recte se habeat, & ad vitae praxin deducatur, vt ipsa velut experientia Numinis bonitatem, & potentiam cognoscamus, tum illam perceptionem experimentalem nos itidem longe certissimos hac de re reddere; 3) sed hoc quoque addendum, me ipsam cognitionem Dei, si rite se habeat, longe certissimam esse, fateri, si αἰσθησις haec seu experientia non accedat; magis tamen adhuc hominem per αἰσθησις seu experientiam hancce, conuinci & confirmari. Atque hoc sane tum contingit, cum cognitio ista, in obedientia seu praxi vitae vim suam exerit; quod vt certa quadam ratione ab ethnicis Paulus requisivit, exprobrans illis, quod *veritatem detinuerint in iniustitia*, ita multo magis in hominibus christianis, reuelationis diuinæ lumine collustratis, locum inuenit. Atque huc pertinent, quae

§ IV. hac de re dixi, praefertim, quando ita locutus sum: *Nec tator ratio omnibus circa existentiam Numinis dubiis, aut se ipsum, aut alios eximendi, est, quam si quis serio animum omnibus vitiis purget, aliosque, qui in se ipsis hanc veritatem percipere cupiunt, purgare doceat, quippe quae sola obstant, quo minus clarissime summum hocce bonum percipiamus.* Sane, qui veritatem in iniustitia detinent, se ipsos magno periculo veritatem iusto Dei iudicio amittendi exponunt, docente apostolo, loco aliquoties iam laudato, *Rom. I. 18.* Ergo iuxta ipsius apostoli doctrinam, tutissima via est, qua periculo huic obuiam ire queamus, si veritati cognitae obsequamur, quo ipso in praxin vitae deducitur, adeoque ipsa experientia percipitur. Qui autem veritati cognitae obsequi cupit, vitia quacuis fugere, atque animum ab iis purgare debet. Qui enim vitiis indulget, atque peccatis, is sane veritatem in iniustitia detinet, adeoque impedit, quo minus vim suam & efficaciam in flectenda voluntate eius exerat, seque adeo & experientia ista, quae inde sequi poterat, priuat & periculo, ipsam veritatem, quam cognitam habet, iusto Dei iudicio iterum amittendi, exponit. Licet autem hoc eiusmodi sit, vt hac ratione quilibet homo in veritate agnita magis confirmetur, & extra periculum, eam temere admittendi, ponatur, atheos tamen hac ratione erroris conuinci non posse, sed alia iis opponenda argumenta prius esse, vt ad veritatis agnitionem perducantur, ibidem obseruaui, dum statim subieci: *Fateor tamen, quod in disputationibus contra atheos hoc argumento vtendum non sit, quia etiam ea, quae in se ipsis sentiunt (e. g. ipsum conscientiae, subinde vim suam in iis exerentis, testimonium) negare strenue consueverunt.* Diudicare ex haecenus dictis etiam, vt hoc *ὡς ἐν παρόδῳ* addam, licet, quod alibi, *tom. V. observation. Hallensium obseruat. IX. de criterio veritatis in rebus moralibus, cumprimis §. XX. pag. 291. dixi, religionem nihil aliud esse, quam gustam rerum diuinarum.* Quae

Quae verba ne itidem aliter intelligantur, quam ex mente mea intelligenda sunt, rursus observandum, me vocem *religionis* in significatione specialiori pro cultu Numinis & quidem interno accipere, qui tamen cognitionem veram & sufficientem Numinis praesupponit, & sine ea nulla ratione esse potest. Non insolens esse, ut vox religionis ita accipiatur, plurimis exemplis comprobare possem, sed vnicum LACTANTII sufficiat testimonium: *Non potest igitur, nec religio a sapientia separari, nec sapientia a religione secerni; quia idem Deus est, qui & intelligi debet, quod est sapientiae; & honorari, quod est religionis. Sed sapientia praecedat, religio sequitur; quia prius est, Deum scire, consequens, colere; &c. institution. divin. lib. IV. pag. m. 252.* Recte omnino LACTANTIUS docet, religionem seu cultum Numinis, non posse a sapientia, seu cognitione separari, sed hanc praecedere, illam sequi. Et hanc meam quoque esse sententiam, tum aliunde satis constat, tum ex ipsa illa de *criterio veritatis in rebus moralibus*, observatione, si modo cuncta recte ponderentur, & inter se conferantur, facile intelligitur. Religionis vocem me pro cultu Numinis hic sumere, ex tota quidem tractatione, cum primis autem ex §. II. liquet, ubi diserte profiteor, me criterium veritatis non intuitu *intellectus*, sed intuitu *voluntatis*, consideraturum, seu quodnam bonum pro vero aut apparenti habendum sit. Verba mea, quae exceptionem non admittunt, haec sunt: *per veritatem VERVM intelligimus BONVM.* Unde haec regula, totam doctrinam moralem dirigens, resultat: *Quicquid VOLUNTATEM hominis ita afficit, ut laedat, ut dolorem aut taedium incutiat, illud non verum, sed apparens potius bonum, seu malum est.* Cognitionem autem veram ac sufficientem me praeponere, adeo manifestum est, ut mirum sit, si aliquis secus existimare posset. Quid vero luculentius dici poterat, quam cum §. XXXI. pag. 307. cuncta summatim ita complector; *Omnia ergo eo redeunt, ut suos INTELECTVI & VOLUNTATI statuamus limites,*

nec

nec hos confundamus; immo potius, vt a natura constitutos recte obseruamus. Confundunt autem hos omnino, qui voluntati ita criterium veritatis tribuunt, vt intellectus officia excludant. Quos homines, eiusmodi indifferentissimum profitentes, licet ipsa satis refellat experientia, error tamen illorum manifestandus aut detegendus est, ne eo & alii abripiantur. Tantum nimirum abest, vt cognitionem veritatis sufficientem excludam aut remoueam, vt potius eos, qui hoc faciunt, in indifferentiarum numerum referam, & grauiter hoc nomine reprehendendos censeam. Prolixius etiam haec omnia, ne dubium alicui relinquantur, in sequentibus edissero, §. XXXIII. pag. 309 seqq. Cum autem cultus internus Numinis, in christianis spectatus, qui religionis nomine *loc. cit.* venit, in amore, timore Numinis & fiducia filiali, prout haec omnia ex vera fide oriuntur, consistat, manifestum est, eum sine perceptione, αἰσθησι & experientia spiritali esse non posse, quae scriptura sacra *gustus* nomine exprimit, 1. Petr. II. 3. Ebr. VI. 5. 6. Et eo quidem non alio sensu dixi, *religionem nihil aliud esse, quam gustum rerum diuinarum.* Loquor autem de eo, prout res ordinarie se habet, & si aliunde impedimentum non accedat. Posse enim aliquando, praesertim in tentatione grauiori, accidere, vt gustus ille seu αἰσθησι cesset, cum ipsa experientia hoc doceat, neutiquam nego. Sed haec similiaue hic in censum non veniunt, cum de eo loquar, quod contingit, si effectus, qui sequi poterat, ac debebat, aliunde non impediatur. Vnde facile intelligitur, quid respondendum sit, si quis obijciat, religione nos seruire Deo, gustu autem non Deo nos seruire, sed nobis; item, religionem aut actionem esse, aut habitum, gustum autem non tam actionem esse, quam passionem. Ad prius enim quod attinet, probe obseruandum, ea, quae ad internum Numinis cultum spectant, duplici ratione spectari posse; primo, prout in nobis sunt; deinde, prout per legem diuinam a nobis exiguntur. Posteriori modo si cultus internus siue religio spectetur,

tur, tum scire ea seruimus Deo; hoc vero non obstat, quo minus priori modo spectata, etiam in gustu quodam seu perceptione consistat. Ad posterius vero quod attinet, sciendum, religionem quidem partim ut habitum, per media gratiae acquisitum, partim ut actionem, spectari posse; cum, si habitus dicatur, eiusmodi intelligatur, qui subinde per certos actus sese exerit. Si vero ut actio spectetur, nihil obstat, quo minus & passio quaedam cum ea coniuncta sit. Notissimum enim est ex doctrina morali, adfectus omnes, amorem, timorem, reliquos, certo respectu passionem esse, certo respectu actiones, cum primum perceptio quaedam seu commotio passiva in anima nostra praecedat, tum actio seu commotio activa sequatur. Si porro quaeras: num gustus pars, an accidens, religionis sit? dispiciendum rursus sedulo est, quo pacto vox religionis sumatur. De cognitione enim sola si accipiat, neque pars, neque accidens erit, sed effectus potius, qui tamen ob certa impedimenta se non semper exerat. Sin pro cultu interno accipiat, & quidem in ambitu generali spectato, tum nihil obstat, quo minus eius pars quaedam dici queat; prout omnis adfectus partim passione, partim actione constat. At cultu interno in speciali significatione accepto, pro ipso actu amoris, timoris, fidei, lubens concesserim, gustum illum adiunctum aliquod seu accidens esse, quod non semper eundem, nec eodem gradu aut modo, sed in statu tamen hominis ordinario, gradu & modo diuerso, adsit & deprehendatur †. Cum vero ex dictis (ut eo, vnde digressus sum, redeam) pateat, necessarium prorsus esse, ut diuinarum veritatum cognitio ad vitae praxin transferatur, grauissime illos peccare, simul liquet, qui hoc intermittunt, eoque, iusto Dei iudicio facile deduci posse, ut in atheismum incendant, illaque adeo intermissio inter causas atheismi recte refertur; quam longe frequentissimam esse, experientia omnes condocet. Addenda, quae eleganter hac de re differit DN. LA CROZE, *entretiens sur diuers sujets d'histoire &c.* pag. 264. † Quæ

† Quæ hucusque Cel. Auctor differuit, alio colo forsan majori cum fructu legerentur.

§. III.

Sunt etiam nonnulla, quæ equidem inter causas directe & per se atheismum progignentes, non sunt connumeranda, occasionem tamen eisdem quandoque præbere possunt, scopulorumque instar sunt, ad quos, qui ceteroquin ad istam impietatem proni sunt, facile naufragium faciunt *, ut, vita plerorumque christianorum, cum primis virorum sacri ordinis, doctrinæ illorum non respondens **; sectarum, in quas orbis christianus scinditur, multitudo ***; acerbaeque nimis & modum excedentes, de rebus theologice disceptationes *, & quæ alia sunt eiusdem generis **. Quæ omnia, vt, quantum humanæ imbecillitatis ratio permittit, remouerentur, optandum esset.

* Culpa equidem non carent, qui talia aut agunt aut dicunt, quæ aliis offendiculo esse, & per accidens etiam, vt in scholis loqui solent, atheismum promovere possunt. Nec tamen ideo excusandi sunt athei. Facile enim, si modo vellent, hosce scopulos euitare possent.

** De corruptis christianorum moribus, vitæque doctrinæ parum respondente, tot extant doctorum piorumque virorum querelæ, vt iis colligendis multa volumina non sufficerent. Neue de aliis dicam, notum, quot *pia* hinc enata sint *desideria*, in quibus & vulnera hæc tanguntur, & de remediis consultatur. Multum vero istam vitæ rationem ad atheis-

theismum promouendum facere, nemo temere dubitauerit. Si enim homines ad atheismum sua natura proni animaduertant, ingentem esse illorum inter ipsos etiam ecclesiae doctores numerum, qui vita sua moribusque, quae de religionis veritate & praestantia, deque virtutibus, quibus fidem suam christiani demonstrare debent, ingenti zelo dicunt, ipsimet refutant, facile in eam inducuntur opinionem, omnes christianos turpissimos esse hypocritas; inprimis vero ecclesiae doctores, dogmatibus, quae aliis inculcant, non adhiberi fidem, nec, ea vera esse, credere. Ad minimum non potest non mera videri superstitio, si quis actibus quibusdam externis Deum colat, certasque de eo opiniones foueat, & acriter oppugnet, interim tamen vitiis quibusvis strenue indulgeat †. Quo longius autem superstitio a vera religione distat, eo facilius per eam alii, ut in alterum extremum ruant, inducuntur. Id vel Graecorum, maxime Atheniensium, exemplo patet, qui, ut reliquas gentes, quas barbaras vocabant, superstitione superabant, notante hoc in illis vitium ipsomet Paulo, *Actor. XVII. 16.* ita non alibi plures athei, vel saltem atheismi suspecti, adeo ut apud solos Graecos, non autem barbaras gentes, atheos extitisse, AELIANVS existimet, *hystor. var. libr. II. cap. XXXI.* ut supra iam *cap. I. ad §. XX.* obseruauimus ††. Idem & in Romana ecclesia conspiciere licet, in qua atheorum proventus longe vberimus, eo quod turpissima in ea regnat superstitio. Legi merentur, quae hanc in rem disserit IENKINS THOMASVS, in *historia philosophica de atheismo cap. II. §. III. pag. 21.* vbi inter *primarias atheismi causas* superstitionem refert. Nec tamen ad atheos excusandos haec quicquam valent. Illorum enim erat, superstitionem a vera religione discernere, & quod hominum religione abutentium vitium est, non ipsi religioni tribuere; multo minus omnes eodem loco habere, cum inter christianos hinc inde haud pauci etiam sint, qui Deum serio colunt, quorumue a doctrina neutiquam vita discrepat, quod & de ecclesiae quibus-

quibusdam doctoribus censendum, quorum omni tempore hinc inde nonnulli extiterunt, qui cum Paulo dicere potuerunt: *estote imitatores mei, ut ego Christi*, I. Cor. XI. vers. 1.

† Confer H. WESENFELD *de Zoekende Heiden na waare Christenen* P. 1.

†† Inspiciantur *nota ad l. c. ÆLIANI* Edit. A. GRONOVII; imprimis *ad num. 2.*

*** Si religio christiana, inquit athei, aut illi, quibus sectarum inter christianos multitudo, ostendiculo est, Deum auctorem agnoscerent, haud dubio magna inter eos, qui eam sequuntur, foret consensus. Immo cum, per istam sectarum diuersitatem, fructus doctrinae christianae mirum in modum impediatur, sapientiae diuinæ foret conueniens, sectas istas & diuisiones impedire, si Deus ipse religionis istius curam gereret, vel eam mortalibus praescripsisset, & quae reliqua sunt eiusdem generis. Sed & huncce facile euitare scopulum possent, si rursus cogitarent, hominum hoc, non ipsius religionis, esse vitium. Immo, si indolem hominum, qua intellectum, qua voluntatem, recte considerarent, aliter se rem habere non posse, facile intelligerent. Deus autem ea, quae per hominum conditionem aliter evenire nequeunt, per miraculum eo minus impedire obstrictus est, quod nunquam aut praedixit, aut promisit, nullas in religione christiana fore dissensiones. Immo fore dissensiones & discordias, culpa tamen hominum, ipse seruator diserte nos condocuit, *Luc. XII. 51.* Sunt vero Deo caussae iustissimae sapientissimaeque, cur eas permittat. Manifestandi enim hac ratione sunt, qui Deo vera fide adhaerent, eumque sincere colunt. *Δεῖ γάρ, inquit Paulus, καὶ αἰρέσεις ἐν ὑμῖν εἶναι, ἵνα οἱ δοκίμοι φανεροὶ γένωνται ἐν ὑμῖν.* I Cor. XI. 19. Legenda, quae hac de re differit IOANNES CLARICVS, de

P' incredulité, part. II. cap. IV. pag. 186. seqq. qui & per integram hancce partem secundam, alia eiusdem generis ostendicula recenset, atque remouet.

- * Recte IENKINVS THOMASIVS, de causis atheismi verba faciens, *huc accedunt*, inquit, *theologorum digladiationes, & animorum acerbitas, de articulis etiam non raro, qui neque bonos mores respiciunt neque vitam æternam: attamen si quis a receptis systematibus discesserit vel latum unguem, vae homini! de omni spe amicitiae conclamatum est, & in papatu pro hæretico habendus & viuicomburio, ni palinodiam cecinerit, quantocyns puniendus: qui procedendi modus procul omni dubio spectantium animos tepore aliquo, vel potius odio aduersus omnem religionem imbut; histor. philosoph. de atheismo cap. IV. §. V. pag. 37. Nec tamen ita hoc capiendum, ac si omnes de rebus theologicis disputationes reiiciamus, quippe quas pro ecclesiae statu praesenti prorsus necessarias esse, lubentes fatemur: sed excessum saltem & impotentis animi vitia, quae subinde accedunt, improbamus, & hac ratione aliis auersionem a religione christiana animo concipiendi, occasionem suppeditari, ingemiscimus atque dolemus. Bene id eadem auctori obseruatum, Quando interiectis nonnullis, pergit: *Caveas velim existimes, me omnes de rebus diuinis disputationes improbare; nequaquam; quia saepe saepius ecclesiae necessitas atque nostra officia hoc postulant; sed est modus in rebus; nollem homines christianos se inuicem proscindere & lacerare, ne profani quique tripudiant, & in contumeliam religionis conclament; ubi est vester Deus? loc. cit. pag. 38. 39. †.**

† Utilissimæ sunt S. WERENFELSII dissertationes; *de Logomachii Erudit. & de Controversiis Theolog. rite tractandis.*

- ** Inter reliqua, quae occasionem atheismo præbere possunt (quorum plurima adhuc sunt, sed omnia enumerare, instituti ratio non patitur) illorum adhuc commemorandum institutum est, qui dum no-

uas existentiae Dei demonstrationes, siue ad ingenii subtilitatem ostentandam, siue alias ob causas excogitant, aut obscuras, aut minus solidas proferunt, quibus veritatem, quam defendendam susceperunt, produnt, & omnium ludibrio exponunt, & non tantum atheos in errore suo confirmant, sed alios haud raro in eundem inducunt. Non de illis nunc loquor, qui data opera pro argumentis firmis & solidis, infirma & lubrica ad fallendos incautos substituunt, quod Iulium Caesarem Vaninum, aliosque, fecisse constat, & supra nobis obseruatum est; sed de illis sermo est, quibus serio equidem constitutum est pugnare contra atheos, Numinisque existentiam comprobare; sed vt noui aliquid adferre videantur, vel ex simplicitate quadam, reiectis vel praetermissis argumentis receptis, ceu quotidianis, noua sed minus solida in medium adferunt †. Exemplo praeter alios esse potest IOSEPHVS RAPSON, vir ceteroquin doctissimus, ingenioque subtilissimo praeditus, cuius *demonstratio de Deo, siue methodus ad cognitionem Dei naturalem breuis ac demonstratiua, cum epistolis miscellaneis, de animae natura & immortalitate, de veritate religionis christianae, de vniuerso*; &c. Londini anno M DCC X prodiit, recusa deinceps Lipsiae anno M DCC XII. Nouam enim & ex mathematicorum scholis petitam dum ingressus est demonstrandi existentiam Dei rationem, multa quidem, quae ingenii acumen arguunt, profert, subinde tamen lubrico fundamento demonstrationem suam superstruit, talia quoque addit, quae prorsus admitti nequeunt, ne quid de obscuritate, qua haecce demonstratio laborat, commemoremus. Nihil de definitionibus dicam, in quibus subinde non tam rem explicare, quam voces idem significantes inter se permutare videtur; dum inter postulata ponit: *omne finitum posse vt non existens concipi*, & inter axiomata: *quicquid est, aut a se est, aut ab alio*, eiusmodi quid postulat, ac asserit, ad quod nondum prorsus concedendum se obstrictos athei existimabunt ††; vt in

actis erud. Lips. anno M DCC XII. mens. Ian. pag. 28. & 29. observatum. Nec profecto temere quis admiserit, quod asserit, finitum qua tale nihil positivum denotare; concedi posse, processum causarum in infinitum, et tamen solus Deus aeternus & infinitus statuatur; &c. & quae reliqua sunt eiusdem generis.

† Notæ sunt lites, quæ Cel. Auctori cum Marpurgensi Philosopho intercescerunt; cum hic nimirum argumentum de *Contingentia* duntaxat urgeret, & cætera de rerum ordine ac structura, ad illud unum commode referri posse statueret. Si mentem WOLFFII recte perceperim: jam pridem cum viri nomen vix audiveram, veritatem hujus opinionis, ex parte saltem me convictum tenuisse, libere profiteri cur gravarer? de WOLFFII sententia videatur *Philos. Leibnit. & Wolff. usus in Theol. sect. 2. C. 1.*: & quid ipse velim, dissert. in calce hujus Libri reperiunda, te certiores reddet.

†† Postulatum illud & hoc axioma, si eo sensu quo possunt intelligi accipiantur; omnes, ni fallar, qui veritati litant, admittent. Præterea: *finitum qua tale nihil positivum denotare*, sano sensu accipi quoque posse videtur. Nimirum; cum finita dicantur, quæ suis determinantur finibus; sine vero habere, nihil aliud sit quam defectus ulterioris, si-ve extensionis, si-ve perfectionis: patet, rerum finitatem, abstracte consideratam, in negatione unice consistere. De mente *Raphsoni* judicare tamen non possum, cum ejus *demonstrationem* non legerim. Præter Cel. Auctorem, alii quoque ejus Methodum improbarunt. FENELONII argumentum ex Unitatis Idea depromptum, nonnulli non tantum rejiciendum putarunt, verum etiam periculo prorsus non carere, fuerunt arbitrati. Quicquid sit; indecorum est, viros optimos, qui Fenelonium hac in parte sequuntur, statim, ut sit, in suspensionem adducere velle.

§. IV.

Proprietates atheismi, seu quæ eum comitantur, vitia, itidem variae sunt; inter præcipuas tamen referenda, stultitia eius & irrationabilitas, con-

contemptus & vilipendium recte sentientium **, externa virtutis species, qua athei vitia animi turpissima vtcunque tegere, vt eo facilius incautos decipiant, annuntiantur ***. Discernendi ab his sunt characteres seu criteria atheorum, ex quibus eos, si latere cupiant, vtcunque agnoscere licet*.

- * Sunt equidem, qui, stultitiam & irrationabilitatem atheis obijci, aegre ferent, hoc ipso, se eos pro hominibus admodum sapientibus habere, significantes †. Sed vitio nobis non vertent, si non aliter de atheis sentiamus, quam rex sanctissimus David sensit, qui diserte *stultorum* nomine eos insigniuit; *stultus dixit in corde suo, non est Deus, psalm. XIV.*
- I. Variis idem rationibus enunci posset, quarum nonnullas iam in medium attulit RICHARDVS BENTLEIVS, in *orationibus sacris*, quibus *stultitiam* & *irrationabilitatem atheismi* demonstrauit, a viro doctissimo, DANIELE ERNESTO IABLONSKI, ex anglicano idiomate in latinum translatis. Is vero, atheos vel inde stultitiae argui posse, ostendit, quod cum a teneris ea imbuti fuerint religione, quae a Deo optimo maximo nos conditos, animaeque immateriali & spiritali donatos docet, nosque in spem vitae aeternis affluentis gaudiis erigit, illi nulla ducti vel vtilitate, vel necessitate moti, sententiae receptae mittant repudium, sibi quae alia omnia persuadeant; nullum scilicet fuisse architectum huius mundi, nec a rectore ac moderatore sapientissime illum gubernari; nihil esse hoc vniuersum, nisi materiam sensu carentem, & fato fortunaque impulsam ††; primos homines fungorum instar e terra natos, totumque illud, quod mentem dicimus humanam, nihil esse, nisi agitationem & adfectum subtilis cuiusdam materiae, nihilque adeo manes esse, sed, lethum finire omnia, *orat. I. pag. 33. seqq.* His & alia eiusdem generis addit, quae repetere instituti nostri non patitur ratio; quemadmodum nec, quae alii, speciatim THEODORVS VNTEREICH, in *atheo*

stulto, hac de re commentati sunt. Pauca saltem, quae stultitiam & irrationabilitatem atheorum extra omne dubium ponunt, addere liceat. Per *stultitiam* summam intellectus corruptionem, cum ingenti voluntatis peruerfuitate coniunctam, denotari, constat; & a me etiam obseruatum est *institution. theolog. moral. part. I. cap. I. sect. II. §. XXXV.* Quae vero maior intellectus corruptio esse potest, quam cum quis argumentis euidentissimis fidem denegat, saltem vt solus sapere videatur? Vix autem fieri potest, vt tanta intellectui coecitas atque caligo offundatur, nisi prauae cupiditates accedant, atque intellectum secum ad ineptissima quaeuis abripiant. Id vero cum in sanac mentis hominem non cadat, non alio, quam stultorum loco atheos haberi posse, manifestum est. Haec vero tum in aliis, tum vel in eo aperte se prodit stultitia, quod cum ipsimet concedant, vel saltem diffiteri nequeant, sententiam illorum, qui Deum esse credunt, eumque rite colunt, si vel maxime errarent, nullum illis adferre incommodum, maximam contra & aeternam felicitatem, si vera sint (quemadmodum reuera sunt) quae credunt; atheorum contra sententiam, si vel maxima vera esset (quod tamen non conceditur) nullum aut nonnisi imaginarium ad breue tempus illis adferre commodum, summam contra miseriam & aeternos cruciatus, si errarent: (quemadmodum eos errare certum est) nihilosecius priori sententia reiecta, posteriorem eligere malint. Hoc enim summae stoliditatis & insipientiae esse, nemo, nisi qui prorsus excoecatus fuerit, negauerit †††. Addere & hoc possem conditionem illorum, qui Deum esse credunt, eumque rite colunt, in hac quoque vita vel ipsis atheis fatentibus, longe feliciorum esse, quam eorum, qui eum negant, & ad hoc animum obfirmant suum ††††. Vitae vero rationem infeliciorum feliciori praeferre velle, non nisi hominis est ratione sua turpiter abutentis. Nec est, quod obvertas, haec omnia tum demum locum inuenire, si athei conuicti fuerint, se in errore versari. Ple-
raque

raque enim ita comparata sunt, vt nec ipsi athei, haec ita se habere, inficiari prorsus audeant. Stultus vero etiam stultus esse non definit, etsi, se stultum esse, agnoscere nolit. Irrationabilitas vero atheorum vel inde maxime apparet, quod ad difficultates quasdam, quas facile si vellent, euitare possent, superandas, systema aliquod illis amplectendum sit, quod non tantum difficultatibus pluribus & longe maioribus premitur, sed plane absurdissimum est. Ita vero rem se habere, ex mox dicendis manifestum fiet.

† Vide *den Knibbelaar. Colloq. 1. & passim.*

†† Similitudines quasdam, quæ evincunt stultitiam cuiusvis, qui Mundo fortuitum ortum attribuere ausus sit, lege apud FENELON: *C. 5. & seqq.*

††† Videatur, & attenta mente legatur, WERENFELSII *differt. de Securis. Carnalis Opusc. pag. 413. & seqq. vel pag. 207. der Godgel. Philosoph &c. [Vermakelykheden F. 10.*

†††† Athei ipsi fatentur Entheos se esse feliciores, ut e BURNETO probat REIMM. *Bibl. Brem. Cl. 6. Fast. 5. Art. 2.* non tamen omnes in ea opinione versantur.

** Vt enim soli sapere videantur, reliquos homines omnes pro inertibus, omniumque stupidissimis habent, qui non ratione, sed coeco animi impetu, aut mera superstitione regantur. Intelligendum hoc de atheismo philosophico, quem ex ambitione praecipue oriri, supra ad §. I. diximus †.

† Ad hunc praesertim locum *de Knibbelaar l. l.* conferatur.

*** Veram virtutem atheis is demum tribuet, qui prorsus, quid virtus sit, ignorat. Etenim cum vera virtus consistat in studio sincero se & omnes actiones suas ad voluntatem atque legem Numinis conformandi, qui fieri posset, vt homo, qui Deum

non credit, adeoque legem diuinam non admittit, ad eam tamen actiones suas componere anniteretur? Multa equidem saepius athei de virtute, de honestate, de iustitia, loquuntur, sed ad fucum saltem incautis faciendum †. Omnium instar sit BENEDICTVS DE SPINOZA, qui nunquam non iustitiam & charitatem in ore habet, adeo vt omnem in ea religionem constituat; sed accuratius mentem explicare iussus, non aliam aut charitatem aut iustitiam admittit, quam quae pactis, conuentionibus, & imperii ciuilis auctoritate nititur. *Vt verae, inquit, rationis documenta, hoc est (vt in cap. IV. circa legem diuinam ostendimus) ipsa diuina documenta vim iuris absolute haberent, necesse fuisse, vt vnusquisque iure suo naturali cederet, & omnes idem in omnes, vel in aliquos, vel in vnum transferrent, & tum demum nobis primum innotuit, quid iustitia, quid iniustitia, quid aequitas, quidque iniquitas esset. Iustitia autem & absolute omnia verae rationis documenta, & consequenter erga proximum charitas, a solo imperii iure, hoc est (per ea, quae in eodem capite ostendimus) a solo eorum decreto, qui ius imperandi habent, vim iuris & mandati habent; in tract. theolog. polit. cap. XIX. pag. 215. Idem deinceps repetit: Iustitia a solo summarum potestatum decreto pendet, adeoque nemo, nisi qui secundum earum concessa decreta viuit, iustus esse potest, loc. cit. cap. XX. pag. 228. Cum vero iuris naturalis antea mentionem fecerit, non ita hoc est capiendum, ac si legem quandam naturalem admiserit, sed nihil aliud hoc nomine intelligit, quam naturalem quidlibet agendi facultatem. Id ipse iterum diserte & citra ambages profitetur: Per ius & institutum naturae nihil aliud intelligo, quam regulas naturae vnus cuiusque indiuidui, secundum quas vnumquodque naturaliter determinatum concipimus, ad certo modo existendum & operandum, e. gr. pisces a natura determinati sunt ad natandum, magni ad minores comedendum, adeoque pisces summo naturali iure aqua potiuntur, & magni minores comedunt. Nam certum est,*

est, naturam absolute consideratam ius summum habere ad omnia quae potest, hoc est, ius naturae eo usque se extendere, quousque eius potentia se extendit. Et quia lex summa naturae est, ut unaquaeque res in suo statu, quantum in se est, conetur perseverare, idque nulla alterius, sed tantum sui habita ratione, hinc sequitur unumquodque indiuiduum ius summum adhuc habere. Ius itaque naturale uniuscuiusque hominis **NON SANA RATIONE, SED CVPIDITATE ET POTENTIA DETERMINATUR**, tract. theol. polit. cap. XVI. pag. 175. ††. Nullam itaque cum admittat legem diuinam, mirum non est, quod & nullum admittat peccatum. Peccatum enim est *ἀνομία*. Vbi ergo nulla lex, ibi & nullum peccatum. Idque, qua est impudentia, diserte quoque profiteri non dubitat: *In statu naturali peccatum concipere non potuimus, nec Deum tanquam iudicem homines propter peccata punientem; sed omnia secundum leges vniuersae naturae communes ferri, & euenire casum (ut cum Salomone loquar) iusto ac impio, puro ac impuro &c. contingere, & nullum locum iustitiae nec charitati esse; tract. theol. polit. XIX. pag. 215.* Conueniunt haec prorsus cum philosophia THOMAE HOBBSII, qui itidem non alias, quam ciuiles leges admittit, & in statu naturali homini quilibet committendi facultatem concedit. *Natura, inquit, dedit unicuique ius in omnia, hoc est, in statu mere naturali, siue antequam homines ullis pactis sese inuicem obstrinxissent, unicuique licebat facere, quaecunque & in quoscunque libebat &c. de ciue, cap. X. §. X.* Haec vero omnia, quam absorta sint, nemo non intelligit, & vel inde etiam constat, quod sublati legibus diuinis, ipsum etiam imperii ciuilis fundamentum euertant, simulque iustitiam, & quascunque ei superstruunt virtutes. Fatentur enim, vel saltem fateri necesse habent, imperium ciuile pactis niti & conuentionibus; sed si leges diuinas, quae pacta seruare iubent, tollas, quid quaeso est, quod pacta seruanda homines inducere queat? Nihil puto, aliud, quam utilitas. Ergo & subditi tam diu

imperantibus parebunt, quamdiu hoc e re sua esse existimauerint. Sed hac de re deinceps plura. Nunc ad PETRVM BAEIVM accedimus, qui virtutem & honestatem atheorum passim laudat, nullamque prorsus causam esse existimat, cur non athei aequè honesti (si non honestiores) & virtuti dediti, censeri debeant, quam idololatrae aut superstitionis homines, aut qui vera equidem Dei cognitione imbuti sunt, sed eam vita moribusque suis non exprimunt. Id passim agit, multisque verborum ambagibus confirmare annitur, dans *les pensées diverses* §. CXXXIII. pag. 261. seqq. item, dans *la continuation des pensées*, §. LXX. pag. 407. Sed in apologetica quoque dissertatione, sententiam suam hac de re explicat atque defendit, quae subnexa est tom. III. *ditionarii historico-crit.* pag. 3137. seqq. Qua de re vt paucis, quid & nobis videatur, dicamus, & nebulas, quas vir doctissimus veritati obducit, dispellamus, primo quidem in eo nobiscum consentit, veram virtutem, quae ex amore Dei fluit, in atheum non cadere. Hoc enim diserte profitetur *dissertat. cit.* §. VII. pag. 3137. Rursus vero & nos cum eo consentimus, tum atheos, tum alios homines, qui de existentia Numinis persuasi sunt, cupiditatum tamen suarum potius, quam religionis ductum sequuntur, gloriae & laudis cupidine, aut metu infamiae, vel mortis, aliisue causis plurimis, ad honesta consecretanda, turpia autem euitanda induci posse, adeoque externam prae se ferre virtutis speciem. Quaestio igitur eo redit, si utriusque inter se comparentur, num eodem habendi sint loco, an vero illorum, qui vitiis equidem indulgent, sed Dei tamen quodam timore tanguntur, in externae virtutis studio quaedam prae atheis sit praerogativa? Negat hoc PETRVS BAEIVS, nos vero id affirmandum censemus. Omnia namque, quae dans *les pensées diverses l. c.* item dans *la continuation l. c.* copiose & facunde hac de re disserit, eo tandem redeunt, homines, cupiditatibus suis inferuentes, non secundum religionis, quam pro vera habent, principia,

cupia, sed secundum adfectus, quibus abripiuntur, vitam suam instituere. Quod quidem sapissime contingere, lubenter concedo, nec tamen id nostrae causae officit. Rursus namque & id concedendum est, multos qui, etsi pro veris christianis non sint habendi, attamen quodam Numinis timore tanguntur, tum saltem, cum adfectus cessant, omnino religionis ductum sequi, perque eam ad mala evitanda, honesta autem coniectanda, concitari posse. Quare vt comparatio rite procedat, ponamus primo, atheum & superstitiosum, in eodem adfectu constitutum, cui vterque resistere nequeat; atheus, cum nullo prorsus obstaculo retineatur, promte statim faciet, quae male sana cupiditas suadet: superstitiosus metu Numinis vtcunque retinebitur, etsi tandem ob vim adfectus succumbat. Atque hactenus, si effectum spectes, par vtriusque erit ratio. Pone vero, adfectum tam vehementem non esse, vt non eorum, quae Numinis metus hominibus suggerit, repraesentatione, superari queat, quod sane sapissime contingit, athens tum sine haesitatione faciet, quae cupiditas suadet, cum nihil sit, quod illum retineat, abstinebit contra alius, & quidem sola religione ductus. Vnde liquido constat, minus mali ab hominibus improbis etiam, quibus tamen vllus religionis sensus est, metuendum esse, quam ab atheis. Quod ni fallor, ad euertendam penitus viri doctissimi sententiam sufficit †††.

† Vide REIMM. *Bibl. Brem. l. c. p. 795.*

†† Analogica sunt, quae docent DEURHOFFIUS aliique ex hodiernis Spinosistis. vide *Auctores supra laudatos. nim. pag. 132.*

††† In eadem cum Bælio fuit opinione PLUTARCHUS de *superfitione* & TANAQ. FABER, qui libellum Gallice vertit; nec non FR. BACO de VERULAMIO. CHR. THOMASIVS hoc problema curiosum magis existimat, quam utile. v. STOLLI *Hist. litt. P. 2. C. 3. §. 44.* ratiocinationem Cel. Auctoris prorsus probo; & scopum Bælii iniquissimum fuisse, haud

haud pauci arbitrantur. Cæterum; plura de affectionibus Atheismi habet REIMM. *Bibl. Brém. Cl. 6. fasc. 5.* qui quoque in sua *Atheismi universalis Historia Sect. 1. C. 1. §. 11.* dubitat, num Proprietates Atheismi, quas Cel. Auctor enumerat, sensu strictiori *hoc nomine* vocari possint. Nilominus fatetur, commoda interpretatione, ea, quæ Auctor hoc loco differit, servari posse; & Atheos esse stultos, ventosos, ac omni virtute vacuos, licet specie interdum non careant, lubenter concedit. Ipse REIMMANNUS *l. c.* *pertinaciam, dissimulationem, & fœlâ retractionem*, Atheorum æque ac omnium hæreticorum, proprietates dici posse autumat. Si vero per Atheorum proprietates, ea intelligamus, quæ iis *solis, omnibus & semper conveniunt*: præter *irreligiositatem*, pleno sensu sic dictam, nihil jam mihi in mentem incidit, quod eo referam. Licet & illa inter effectus Atheismi commode quoque referri queat.

- * Characteres atheorum, ex quibus, cum latere cupiant, dignosci possint, sequentes tradi solent: quod quavis data, aut arrepta occasione, dubia contra Numinis aut existentiam aut providentiam proponant, aut ab alijs proposita pro insolubilibus venditent; quod nihil, quod naturæ superet vires, admittant; hinc & miracula aut inficientur, aut ad causas naturales reuocent; diuinarum item quod eleuent litterarum auctoritatem; religionemque mysterii omnis expertem cupiant; & quæ alia sunt eiusdem generis, a GISBERTO VOETIO commemorata *disput. de atheismo, part. I. disputation. selectar. pag. 238. seqq.* qui & *pag. 135.* adiuncta seu proprietates atheismi, sed more suo, recenset. Verum præterquam, quod characteres isti non vno omnes habendi sint loco, in adplicatione caute admodum versandum, ne viris innocentibus temere atheismi nota inuratur. Id iam monui in *dissertat. de pietate philosophica seu religione naturali*, quæ extat in *selectis iuris naturæ & gentium*, §. LVII. *pag. 262. seqq. †.*

† Conf. REIMM. *Hist. Ath. l. c. §. 10.*

§. V.

Effectus denique atheismi sunt, summa miseria, quam in hacce iam experiuntur vita, qui eodem sunt infecti * & difficultas admittendi emendationem **; in alios vero, si contingat, vt ad plures malum hocce serpat, non possunt non plurima inde maximaque redundare incommoda, cum rerumpublicarum per eum dissoluantur vincula, & fundamenta, quibus ciuium salus, omnisque vitae tranquillitas, innititur, concutiantur & labefactentur ***; vt adeo non temere grauior pestis sit, quam atheismus, cogitari queat.

- * Quod si ipsos atheos audias, minime infelices erunt, quippe qui omni metu, quem aliis peccatorum conscientia, aut de statu animae post hanc vitam anxia sollicitudo incutit, quoue haud raro non mediocriter mortales anguntur, se liberatos profitentur; sique ita se gerant, vt huius vitae incommoda aut euitent, aut aequo animo ferant, nihil amplius esse videtur, quod illos excruciet. Verum si intimiores animorum in hisce hominibus recessus introspicere daretur, longe alios eos deprehenderemus, quam videri volunt †. Sane, quod de tyrannis ex mente PLATONIS, CORNELIVS TACITVS dixit: *si recludantur tyrannorum mentes, posse adspici laniatus, & ictus, quando, vt corpora verberibus, ita saenitia, libidine, malis consultis animas dilaceretur*, *annal. lib. VI. cap. VI.* id pari ratione de atheis dixeris, metu, terrore, moribusque conscientiae, subinde eorum animos mirum in modum dilacerari. Quicquid enim dicant, quicquid iactitent, quicquid simulent, nunquam de suo tam firmiter persuasi errore esse possunt, vt non veritatis subinde stimulos sentiant, & hinc

hinc animus summae impietatis eos conuincat, simulque cogitare iubeat, quid a iustissimo illo seuerissimoque iudice tandem illis expectandum sit, contra quem tam proterue insurgunt. Et hoc ad summam in hac vita miseriam sufficit. Hinc & ipsam veritatem atheis eiusmodi voces quandoque expressisse nouimus, *quantumuis errant, qui Deum esse credant, & colant, feliciores tamen esse, quam eos, qui, non esse Deum, persuasi sint.* conf. B. PHIL. IACOBI SPENERI *Vbereinstimmung mit der Augsbургischen Confession, artic. praelim. I. thes. VII. §. VIII. pag. 14. seqq. ††*

† Quidam e Reverend. V. D. Ministris Hagæ Comitum eoram Cæl. ALPHENIO retulit: Atheum illum, qui ante paucos annos, in illa urbe, morte multatus est, licet summam affectaret tranquillitatem, vehementiores cordis pulsationes impedire non potuisse. Quod cum Vir Venerandus videret; homini dixit: *non tecum, sed cum pulsante illo corde, in posterum loquar*; eumque hoc modo in confusio- nem dedit.

†† De miseria Atheorum, licet certissime de sua opinione, *omnia casu fieri, convicti forent*; vide NIEUWENTYT *Consopl. 1. miseriam eorum quoque demonstrat LANGIUS de Causa Dei Sect. 4. Prop. 4* quam cum animadvertunt, desperatione adacti violentas interdum manus sibi inferunt, cujus rei illustre exemplum habemus in J. G. RAM Holsa- tato, ut docet REIMM. *Sect. 3. C. 10. §. 10*

** Fieri sane potest, vt agnito errore ad sanio- rem redeat atheus; idque factum etiam aliquando, nouimus. † Illustre cumprimis, longeque notissimum est exemplum Rostæ Comitissæ, de quo scripto quodam peculiari egit GILBERTVS BURNETVS, quod ex anglicano idiomate in latinum translatus, hocce titulo prostat: *Rostæ comitissæ in extremis penitentiæ, seu poenitentia salutaris, a Gilberto Burneto memorie prodita &c. Ultraiectionis anno M DC XCVIII.* Nec sine ratione in ipso titulo additur: *opellam hanc ad conuincendos seculi huius atheos & apostatas apprimere esse utilem.* Interim tamen & hoc est certissimum, &

& paucos esse, qui ex hisce laqueis iterum se expediunt ††, & plurima obstare, quo minus se iterum expedire queant. Primum emendationis initium est, agnoscere errorem, miseriamque, qua circumsepti sunt, qui alieno a Deo sunt animo, intelligere. Atheus vero tantum abest, vt agnoscere velit, se errare, vt solus sibi sapere videatur, reliquos vero homines omnes in errore versari credat; multo vero minus se miserum existimabit, cum eius inctus, qui reliquos mortales angat atque excruciet, se innumem esse censeat. Frustra etiam ei verbum diuinum opponas, quippe quod respuit, nec pro Dei verbo agnoscit, immo contemnit, tantum abest, vt ei morem gerere paratus sit. Rationi omnia equidem tribuit, sed prauae atque corruptae; rectae autem eo minus locum relinquit, quo difficilius, vt prauae suae ratiocinationis defectus agnoscat, induci potest. Accedit, quod error iste, quantumvis execrabilis; hominibus cupiditatibus suis indulgentibus gratus esse non desinat †††; sua vero natura homines ita comparati sint, vt, quae eis grata sunt, vera etiam esse credant. Mitto reliqua; cum ista, quae diximus, difficultatem ex sordibus impietatis, quibus atheus immersus est, eluctandi, satis ostendant †††

† FR. JUNIUS, Theol. Celeb. suam ex Atheismo conversionem ipse publice professus est, & NIEUWENTYT, strenuus ille Deitatis assertor, in Atheorum castris antea militasse dicitur. Idem ille, postquam resipuerat, Hagæ Comitum ab amico quodam rogatus: *quam ipsi forent rationes pro Divina existentia?* ad oculorum structuram & usum provocavit: cumque alter, mira dexteritate, oculi formam ejusque internas partes e rapa confecisset, & pio Philosopho objecisset: nullam itaque, ex oculorum fabrica, pro existentia Numinis rationem hauriri posse: NIEUWENTYT non tantum ex eo quaesivit; quisnam foret Auctor illius materiae, e qua ipse oculum confecerat! verum etiam fabrilem hunc oculum nullius usus esse ostendit; hominemque hoc pacto ab Atheismi errore reduxit. Hac referre lubuit ex *Colleg. mss. de Theol. Nat. Cel. One*, Praeceptoris jugiter colendi.

†† Nonnulli ambitione eo adiguntur, ut Atheismi Martyres esse

esse malint, quam ut se errasse fateantur: refert enim *Rigaltio PRAEFFIUS diff. de praesud. Theol. §. 6.* MOHOMET EFFENDI Atheismi martyrem, qui Constantinopoli combustus fuit.

††† Vide sis JOH. OWENI *Epigramm. ad 3. Macenates L. I. n. 92.*

††† Difficultatem admittendi emendationem, de qua Auditor hucusque egit, majori jure ad proprietates Atheismi, quam ad effectus ejusdem referendam censet REIMM. *Sett. I. C. I. §. 12.*

*** Quaesitum nostra aetate fuit, num atheismus statui civili noxius sit, aut saltem, an maius damnum adferat, quam idololatria aut superstitio? Ad quod quid respondendum sit, diiudicare equidem quodammodo ex iis licet, quae antea de virtutibus atheorum disputauimus. Iuuabit tamen, hic reliqua excutere, quae PETRVS BAEIVS pro illorum sententia, qui atheismum rebus publicis non adeo noxium esse credunt, in medium adfert. Vt autem a prima origine rem repetat, ipsas societates ad humani generis conseruationem non adeo necessarias esse credit, cum experientia doceat, integras gentes substituisse, quae tamen in unam quandam societatem civilem non coaluerint, id quod exemplo Aboriginum in Italia, Getulorum & Lybiorum in Africa, comprobare annititur. Refert huc, quod de Cyrenaicae quibusdam incolis POMPONIVS MELA memorat: *Sequuntur vagi pecora: utque a pabulo ducta sunt, ita se ac tuzuria promouent; atque ubi dies deficit, ibi noctem agunt. Quanquam in familias passim & SINE LEGE dispersi, nihil IN COMMUNE consultant &c. de situ orbis, libr. I. cap. VIII. pag. m. 14.* Hinc vero porro concludit, cum populi per familias dispersi sine religione secure & tranquille viuere potuerint, multo magis de illis, qui in rempublicam quandam aut societatem civilem coaluerunt, idem dicendum, cum, qui in eiusmodi societatibus constituti sunt, facilius praemiorum spe & metu poenarum, in officio contineri possint, quam qui

qui extra eiusmodi societates degunt. Experientiam praeterea huic sententiae suffragari existimat, cum hinc inde societates quaedam ciuiles sine vlla religione substiterint: quod Castrorum in Africa, aliorumque populorum exemplo comprobare annitur. Multa alia hunc in modum disserit, dans *la continuation des pensées diuerses &c.* §. CXVIII. pag. 568. seqq. Eandem vero sententiam dum contra IAC. BERNARDVM defendit, dans *la Response aux questions d'un provincial*, tom.^e IV. cap. XVII. pag. 232. seqq. nouas quoque, quibus eandem confirmet, adfert rationes. Inter has praecipua mihi esse videtur, quod dicit, cum societatis ciuilis seu reipublicae, in qua quisque viuit, conseruatio ita comparata sit, vt maxima inde ad omnes ac singulos commoda redundent, neminem sanae mentis, adeoque nec atheum, temere quidquam admissurum, quod ciuitatis rationibus repugnet. Hoc enim si faciat, suis ipsum minus recte consulere rebus. Ipsam itaque vtilitatis rationem, & commoda plurima, quae saluo ciuitatis statu athei etiam sperare possunt, non permittenda, vt aliquid committant, quod ciuitati noxium sit, vt adeo nullo ad hoc religionis opus sit vinculo. Cum vero IACOB. BERNARDVS inter alia obiecisset, vel ipsorum atheorum confessione necessariam esse, ad conseruandam rempublicam, religionem, cum magno consensu eam pro instrumento quodam politico, ad continendum in obsequio populum, excogitato, habeant, PETRVS BAELIVS respondet, non tantum atheos, sed alios etiam viros doctos ita quidem sentire, nec tamen hoc eos velle, ac si religio ad conseruandam rempublicam prorsus sit necessaria, sed quod adiumentum aliquod aut praesidium saltem ad rempublicam conseruandam adferat. Etsi vero religio forte commodum aliquod adferat; eandem tamen subinde haud minora secum vehere incommoda, cum haud raro per eam summi imperantes in eum rerum statum deueniant, vt a nutu illorum, qui religionis custodes videri volunt, pendere cogantur. Multa alia eiusdem generis profert, vt euin-

cat, consistere rempublicam posse, in qua, sublata religione omni, atheismus triumphet. Quae cuiusmodi sint, ex hocce, quod dedimus, specimine, facile intelligitur. Ut vero, quam lubrica cuncta sint, ostendamus, pauca obseruabimus. Quod primo loco dicit, societates ciuiles ad humani generis conseruationem non prorsus esse necessarias, id tum demum concedimus, si gens quaedam a reliquis gentibus ita separata habitet, ut nullum ab aliis agentibus ei adferri incommodum queat. Secus enim si res se habeat, ridiculum foret, persuadere sibi velle, nullum isti genti ab aliis imminere periculum. Qui dominandi cupidinem, aut auaritiam etiam hominum insatiabilem cogitat, nunquam animum inducet, ut credat, tutam eiusmodi gentem a vicinorum populorum vexationibus aut incurfionibus fore. De gentibus praeterea, quas in exemplum adducit, nondum satis constat, annon speciem quandam societatis inter se habuerint, quemadmodum nec de intestinis illorum discordiis, dissensionibus, aliisque malis domesticis, quicquam constat, quorum eas prorsus immunes fuisse, non est credibile. Multo vero minus euictum est, eas gentes omnis religionis fuisse expertes. Hoc tamen audacter assumit BAEIIVS, dum ita rationes subducit: si gentes extra societatem ciuilem constitutae absque religione consistere potuerunt, multo magis de illis hoc dicendum, quae in eiusmodi coaluere societates. Prius enim adhuc probandum erat. Quanquam & ipsa non recte procedat argumentatio, cum, quo maiores societates sunt, eo arctioribus ad eas conseruandas opus sit vinculis. Quod vero dicitur, gentes quasdam, quae in ciuiles societates coaluerunt, sine omni religione vixisse, & rempublicam suam conseruasse, id iterum non temere omnibus persuadebit. Scio de Castris, aliisque gentibus, eiusmodi quid a quibusdam commemorari; sed hoc quoque scio, ab aliis hoc vocari in dubium. Sed hac de re deinceps erit dicendi locus. Nec quidquam altera euincit ratio, ab vtilitate, quam athei ex reipublicae conseruatione capiunt, desumpta. Nihil enim inde aliud

aliud sequitur, quam atheos, si perspiciant, rebus suis conducere, saluam rempublicam esse, tamdiu boni ciuis officio functuros, quamdiu id rebus suis expedire credent. Quodsi vero errore ducti aliter existiment; aut commodum illud, quod ex reipublicae conseruatione ad se redundat, non intelligant; aut, si utilius sibi esse credant, totum reipublicae statum euerti, ecquid est, quod a maximis atrocissimisque facinoribus eos retinere queat? Esto, & superstitiosos eiusmodi quandoque furiis agitari, nulum tamen est dubium, illos, qui, Deum esse, credunt, subinde eius metu ab eiusmodi sceleribus retrahi, quod de atheis asseri nequit. Quod vero dicit, eos, qui religionem pro instrumento dominandi, & populum in officio continendi, habent, non ita hoc intelligere, ac si religionem ad reipublicae conseruationem prorsus necessariam iudicent, sed quod ad bene esse saltem faciat, ac adminiculum aliquod, seu praetidium adferat, non magis, quam reliqua, admitti, sine accuratiori explicatione, potest. Quo pacto athei equidem hoc intelligant, de eo nunc non disquiram; nec id nunc monebo, an qui atheus non sit, religionem pro mero commento politico habere possit, cum contrarium pauci sibi persuasuri sint: utcumque alii hoc intelligant, res ipsa docet, rempublicam sine omni religione consistere non posse. Atque hoc sic euinco: fundamentum aliud reipublicae, seu societatis ciuilis, concipi nequit, quam pactum inter imperantes & ciues initum, quo hi illorum se imperio subiecerunt. Hoc vero nititur lege diuina, quae pacta seruare iubet. Sublata autem lege diuina, quae vis, quae efficacia, quae obligatio pactorum erit? Nonne extremae stultitiae est, pacta cum hominibus inire, qui putant, se ad ea seruanda non esse obstrictos? Ergo ipsum omnis societatis ciuilis fundamentum corrucere necesse est. At utilitatis, inquis, ratio inducet homines, ut pacta seruent. Eo quidem res omnis tandem redit. Sed, quid ad hoc respondendum sit, antea iam ostendimus. Patet itaque, atheorum nullam reuera rem-

publicam esse posse; simulque, quam noxius rebus-
 publicis atheismus sit, intelligitur. Superstitio ta-
 men forte, inquis, atque idololatria, si non magis,
 certe aequae noxia est. Id quidem vehementer vr-
 get PETRVS BAEIVS. Ego vero nulla ratione ne-
 go, ex superstitione seu idololatria plurima in rem-
 publicam redundare incommoda, nec abauo, per
 superstitionem ad maximam crudelitatem & atrocis-
 sima facinora edenda, homines quandoque inductos,
 quod exempla imperatorum gentilium, qui imma-
 nissimis suppliciis christianos adfecerunt, demon-
 strant: sed duo hic sedulo obseruari velim. Alte-
 rum est, facinora superstitionum hominum non
 semper ipsi superstitioni, sed prauis illorum cupidi-
 tatibus, qui superstitionis tegumento obuelantur,
 tribuenda esse. Quare, si ponamus, atheum iisdem
 cupiditatibus inflammatum, non tantum eadem agat,
 quae supersticiosus, sed tanto ad quidlibet perpetranda
 audacior erit, quo minus frenum aliquod inter-
 num adest, quo retineri queat. Alterum hoc est,
 si ipsa superstitio ad crudelitatem, vel alia vitia ho-
 mines impellat, tum quidem, quicquid eiusmodi
 homo agit, per errorem agit, dum falsa persuasio-
 ne inductus, existimat, se rem Deo gratam facere,
 ut ipse seruator nos conducet, *Ioan XVI. 2.* Hoc
 ergo ut non tam superstitioni, quam errori tribuen-
 dum est, ita non mitiora ab atheo expectes, per
 errorem in eam sententiam inducto, aut si-
 bi aut reipublicae expedire, vel omnino necessarium
 esse, ut omnes homines fiant athei. Vnde sequi-
 tur, atheismum cum superstitione comparatum, ad
 minimum aequae noxium esse; in se autem specta-
 tum, longe perniciosiorem: cum per superstitionem
 saepius a prauis facinoribus homines retrahi queant,
 per atheismum autem nunquam, qui ipsum etiam
 vinculum societatis ciuilis prorsus soluat. Quod si
 tandem inter atheismum & christianam religionem
 comparatio instituat, PETRVS quidem BAEIVS
 non negat, si christiani secundum disciplinam serua-
 toris vitam instituunt, mores illorum statui sociali
 prae-

prorsus fore accommodatos, cum ab ambitione omni & avaritia alieni, summo euitaturi studio sint, quicquid aut alere aut excitare dissensiones, aut creare aliis molestiam, aut alia quacunque ratione quietem atque tranquillitatem publicam turbare queat †: interim cum iisdem rebus omnibus huius seculi nuntium mittere, seque ipsos abnegare, & in id saltem incumbere iubeantur, vt prauas cupiditates subigant, atque compeſcant, fieri non posse, exillimar, vt societas ex veris christianis composita consistat; cum nulla societas sine bellis, quibus vim sibi illatam repellat, se conseruare queat; bella autem, & quae cum iis coniuncta sunt, cum moribus verorum christianorum, prout antea eos descripserat, conciliari non posse; quod pluribus edisserit dans *la continnat. des pensées diuerses*, §. CXXIII. & XXIV. pag. 595. seqq. Ex quibus, quod primo loco disserit, eorum, qui Christi seruatoris disciplinam sequuntur, mores, statui ciuili prorsus esse accommodatos. & hac quidem ratione religionem christianam ciuili imperio maxima adferre commoda, verissimum est, & pluribus etiam a me demonstratum, in *dissertat. de concordia religionis christ. statumque ciuilem cap. I. §. VII. seqq.* Quod vero secundo loco adfert, societatem ex veris christianis compositam, consistere non posse, cum illorum mores cum iis artibus, quibus imperia conseruari aut amplificari solent, non conueniant, in eo iam praeiudicantes sibi habuit veteres ethnicos, qui eadem ratione de religione christiana sentiebant. MARCELLINVS namque obiectum sibi a paganis apud AVGVSTINVM refert: quod Christi praedicatio atque doctrina reipublicae moribus nulla ex parte conueniat; utpote cuius hoc constet praeceptum, vt nulli malum pro malo reddere debeamus, & pallium dare persistenti tunicam tollere, & cum eo, qui nos angariare voluerit, ire debere spatio itineris duplicato, quae omnia reipublicae moribus sunt contraria; cum nemo reperiatur, qui tolli sibi ab hoste aliquid patiat, vel Romanae prouinciae depredatori non mala velit belli in reponere; in *epist. ad Augustinum*, quae est inter Augu-

stinianas IV. Præeuntem etiam sibi habuit NICOLAVM MACHIAVELLVM, cuius hac de re verba exhibui, in *dissertat. cit. de concordia relig. christ. statusque civilis cap. II. §. II. pag. 43.* Sua sponte autem hæc omnia cor-
suunt, si obliuiscamur, christianam charitatem, ab-
negationem sui, prauarumque cupiditatum coerci-
tionem, cum officio magistratus bene consistere pos-
se. Et licet vindicta priuata a moribus christiano-
rum merito aliena sit; neutiquam tamen illis defen-
sio, suis limitibus circumscripta, præsertim, si a
magistratu ex causis iustis & necessariis suscipiatur,
repugnat. Quare nec bella gerere christianis nefas
fuerit, aut ea agere, quæ ad bella gerenda neces-
saria sunt; modo, quæ in hisce omnibus, legibus
diuinis contraria, occurrunt, eo, quo par est, stu-
dio euitentur; vti *loc. cit.* pluribus a me est demon-
stratum ††. De tota autem hacce quaestione legi
meretur viri doctissimi, deque ecclesia præclare me-
riti, IOAN. GEORGII PRITII, erudita dissertatio: *de
atheismo, & in se foedo, & humano generi noxio,*
Lipsiæ anno MDCXCV habita †††.

† Ipsi Deistæ concedunt: plurima in N. T. præcepta esse,
quæ ad quascunque virtutes, officia civilia, honestatem-
que vitæ impellunt; idque perfectius longe atque in ulla,
de qua constet, religionis professione reperiatur: ut re-
fert S. WERENFELS *de Præstantia Rel. revelata op. p. 73.*
e Stillingfleet.

†† De hac Speciatim quaestione confer quæ a Theologis
contra *Anabaptistas* afferuntur, & de lite integra, quam
BÆLIUS in gratiam Atheorum movit, Z. GRAPIVM *Theol.*
recens controversa C. I. Quæst. 7. & WALCHIUM *Lex. Phi-*
los. voce Atheisterei &c. Quæritur etiam an Atheus, *Theo-*
reticus saltem & *positivus*, morte puniri debeat? punien-
dum esse, omnes, ni fallar, concedent, qui a BÆLIO in
præcedenti quaestione dissentiunt, & non cum HOBBSIO
arbitrantur, Atheismum, non esse peccatum, sed erro-
rem duntaxat: verum in eo differunt; quod nonnulli mor-
tem, alii levius quoddam supplicium, in Atheos consti-
tui debere censeant. Priori sententiæ accedit S. PUFFEN-
DOR-

DOR-

DORIUS *de officio hominis & civis* pag. 67. & alibi E. contrario Cel. E. Or. ~~ad~~ *ad locum* l. si bene memini (ipsum Librum jam ad manum non habeo) existimat: ejusmodi homines e R. P. tantum esse coercendos. Attamen, licet rationes, quas affert vir doctissimus, specie non destituantur; in ejus sententiam pedibus ire non possum. Atheismus enim *gravissimum* est peccatum: in quod capitaliter itaque animadvertendum puto; præsertim cum R. P. nihil sit *periculosius*. *Gravitas* etenim alicujus criminis, & *periculum*, quod societati civili faceffit, judici norma esse debent, secundum quam pœnarum modum definiat. Præterea; cum, ipso Cel. viro fatente, Blasphemi in Deum jure ad mortis supplicium rapiantur; & omnis Atheus, si non palam, revera tamen blasphemus sit: sequitur, quemcunque, qui Atheismi convincitur, alterius simul criminis convinci; ultimisque igitur suppliciis mergendum esse. Cæterum: ad effectus Atheismi, de quibus Auctor hæcenus egit, refertur etiam, quod egregias præcipuarum veritatum vindicias produxerit; quod Impii, qui tamen Numinis existentiam non negant, suam interdum pietatem jactare audent & similes: Cl. DRIESSENI *homo vetus & novus* p. 67. & seqq. quoque consulatur.

††† Appendicis loco, hic monere liceat: de *finibus* Atheismi REIMANNUM agere *Hist. Ath. Sect. 1. C. 1.* de modo, quo illos *refutari* oportet *Biblioth. Brem. Class. 6. fasc. 5.* necnon de *occultatione*. Num necesse sit, vel utilitatem habeat *contra Atheos scribere*? v. præf. FENELONII *demonstrat.* præfixam; an *Atheistica scripta sint supprimenda*? REIMM. *Bibl. Brem. l. 1.* Deus Atheos non statim punit, ut ad meliorem mentem redeant, vel tandem eo gravius crucientur. *Deficient* Athei post supremum Judicium, ut colligi potest e *Jac. 11: 19.* & rei natura, de *Libris Atheorum* raro obviis agit J. A. GENSEL. *Neuer Bucher-Zaal der gelehrten Welt. 17. Oeffnung Art. 2.*

CAP. V.

DEVM ESSE DEMONSTRATUR.

Σύνοψις.

DE notitia Dei insita, omniumque cordibus inscripta; §. I.

Ad acquisitam Dei notitiam argumenta pertinent, quibus existentia eius demonstrari potest; quae vel metaphysica sunt, vel physica, vel historica, §. II.

Ad primam classem referuntur argumenta a motus origine, a dependentia rerum creaturarum a suis causis, itemque ab earundem contingentia, desumpta, §. III.

Ad secundam classem pertinet amplitudo, ordo & dispositio huius universi, omniumque rerum ad certum finem directio; quod & speciatim de sole, luna, ceterisque corporibus coelesti-

bus, ad Numinis inde evincendam existentiam, ostenditur, §. IV.

Quo pacto ex telluris nostrae consideratione, eiusque thesauris ingentibus, in ea latitantibus, & in superficie eius conspicuis, itemque ex animalium varietate, natura, indole, structura, idem demonstrari queat, §. V.

item, ex consideratione hominis, & primo quidem corporis humani, §. VI. tum & mentis, eiusque facultatum, §. VII.

non minus & originis, qua genus ipsum, qua singulos homines, §. VIII.

Ad tertiam classem referuntur origines regnorum & imperiorum, artium, scientiarum, un-

de

de constat, mundum quæ Moses hoc memo-
hunc habere initium, riae prodidit, §. IX.
Et ea quidem ratione,

§. I.

VT tandem atheismum profligemus conuella-
 musque penitus *, Deum esse, tam intime
 animis hominum insitum atque infixum est, ut
 quilibet, qui rationis usu pollet, & sanæ men-
 tis est, quamprimum hanc propositionem audit
 ac intelligit, non possit non ei assensum præ-
 bere, immo ad præbendum, instinctu quodam
 naturali trahatur, deque eius veritate, nisi per
 summam malitiam resistat, conuincatur **. Me-
 rito itaque atheos primum ad ea, quæ ipsi in
 mentibus suis deprehendere possunt, si modo ve-
 lint, accuratius considerata, ablegamus. Nec
 tamen RENATO CARTESIO, ex idea quadam Dei,
 nobis ingenita, existentiam eius probanti, suf-
 fragari possumus ***.

* Remedia atheismi non sunt vnius generis. Alia enim
 sunt *προφυλακτικά*, quibus atheismus euitatur;
 quæ iterum aut a nobis ipsis, aut aliis, qui nostri
 curam gerunt, adhibenda. Ad priorem classem per-
 tinet, immo utramque paginam facit, serium in ve-
 ra Numinis, rerumque diuinarum cognitione, &
 pietate genuina, ac non facara, proficiendi studium,
 pariter ac fuga & euitatio causarum omnium, qui-
 bus in atheismum homines præcipites dari possunt,
 de quibus *cap. præced. §. VIII.* dictum est. Ad po-
 steriorem classem pertinet studium illud; quod pa-
 rentes, doctores scholarum & academiarum, ipsique
 magistratus, in iuuentute rite educanda, rudioribus re-
 ctè informandis, occasionibus atheismi quibusvis,

de quibus *cap. praeced. §. III.* dictum, sedulo remouendis, collocare debent †. Alia vero remedia sunt *Σεγαπεντικά*, illis adhibenda, quos haecce pestis iam corripuit. Inter haec primum merito locum tenet consideratio attenta argumentorum, quibus Numinis existentia & prouidentia, dogmatumque cum hisce connexorum, item christianae religionis veritas, & diuina scripturae sacrae auctoritas, comprobari solet. Quodsi hac ratione ad erroris ac miseriae agnitionem atheus utcumque perductus sit, neutiquam ei ibi subsistendum, sed ut per veram poenitentiam & fidem, salutis, omnibus hominibus a Deo destinatae, compos fiat, ei annitendum est. Qua in re quo pacto se gerere debeat, luculenter exponit B. PHIL. IACOBVS SPENERS, in *responsis theologicis germanicis prioribus part. I. cap. I. sect. XI. & XII. pag. 38. 39. seqq.* Nos missis reliquis, pro instituti ratione, de argumentis, quibus atheus erroris conuinci queat, & ratione dubia eius soluendi, erimus solliciti.

† Nihil magis necesse esse ut Atheismus auerruncetur, quam ingenuam Iuuentutis educationem, &, in lautioribus praesertim, omnis Iactantiae & Chimerae scientiae extirpationem, docet ubertim de Knibelaar: & quam inter necina sint Atheorum consortia, summopere itaque evitanda, hominibus minus excercitatis: idem docet nec non quotidiana experientia.

** Hoc est, quod alias *notitiam Dei insitam* theologi vocare consueuerunt. Non equidem nescio, esse nonnullos, qui, dari eiusmodi notitiam insitam Dei, strenue negant. Atheos, eorumque patronos ac fautores, hoc facere, nemo mirabitur. Simul vero, cur & THOMAS HOBBSIVS in eandem ingressus sit sententiam, quilibet facile intelligit. Diserte vero tum alibi hoc docet, tum in *elem. de cine cap. XIV. num. XIX.* Socinianos eandem hic infare tibiam, notum est; quibuscum & Arminianos, quos vocant, facere, constat. De PETRO CHAVVINO idem a me iam obseruatam, in *dissertat. de pietate seu religione naturali*, quae extat in *selectis iuris*

invis natur. & gent. §. XIII. Cum primis vero IOANNES LOCKIUS, philosophus nostrae aetatis clarissimus, omnes ingenii nervos in id intendit, ut omnem Dei & principiorum practicum notitiam insitam proscriberet; *de intellectu humano lib. I. cap. II. & III.* cuius tamen rationibus abunde a me, ni fallor, satisfactum, in *institutionib. theolog. moral. part. II. sect. II. cap. V.* † Res omnis facile expediri potest, si modo, quid per notitiam Dei insitam intelligamus, recte explicetur ††. Actum enim omnibus hominibus Dei notionem non inesse, facile concedimus; cum ceteroquin nemo unquam mortalium reperiretur, qui, Deum esse, ignoraret; quod experientiae repugnat. Multo minus negamus, insitam hancce notitiam per institutionis defectum, aut alias ob causas ita impediri posse, ne se exerat, aut, si etiam se exerat, per malitiam supprimi quodammodo & suffocari, renitente tamen & reluctante animo, quod in atheis contingere, supra observavimus. Hoc autem asserimus, inclinationem quandam efficacissimam & propensionem omnium hominum mentibus insitam esse, quae ad assensum propositioni, quae, Deum esse, cumque esse colendum, adfirmat, praebendum, vel inuiti trahantur. Idque est, quod B. IOAN. MVSÆVS noster docuit, notitiam hancce insitam consistere in *potentia propinqua* propositionibus antea memoratis assentiendi; *introduc. in theolog. cap. II. §. XIX.* Alii equidem dicere malunt, quod in *dispositione quadam* aut *habitu analogice sic dicto* consistat; quae de re legenda, quae monet ZACHARIAS GRAPUS, in *theologia recens controuersa, cap. I. quæst. III. pag. 15. 16. seqq.* sed res eodem tandem redit, uti B. MVSÆO iam observatum *loc. cit. §. XIX. num. V. pag. 54. †††* Quicquid vero de modo sit, res ipsa, seu dari talem notitiam insitam, posita est extra controuersiam. Sane, si modo athei, & qui illis hac in re suffragantur, attendere ad se ipsos, & quae in mente sua ipsimet deprehendere possent, observare vellent, facile de rei huius

huius veritate convinci possent. Liquidissime autem ea constat ex testimonio conscientiae, ob improbe facta homines de Deo ceteroquin non cogitantes, ipsos etiam atheos damnantis, & metum hinc atque terrorem incutientis. Idque porro & ipse Paulus apostolus confirmat, quando *opus legis*, hoc est, *legem ipsam, hominum cordibus inscriptam esse*, docet, *Rom. II. vers. 15*. Legis autem notitia esse nequit sine notitia legislatoris, qui transgressores punire potest. Quare & statim addit: *συμμετρεῖσθαι αὐτοῖς τῆς συνειδήσεως καὶ μεταξὺ ἀλλήλων τῶν λογισμῶν κατηγορούντων, ἢ καὶ ἀπολογυμένων*. Ob poenae scilicet a Deo infligendae metum, ipsae cogitationes homines mox damnant, mox excusant. Accedit ad haec omnia vniuersalis gentium totius orbis, Deum esse agnoscentium, consensus. Nullam namque fuisse vquam gentem tam barbaram atque immanem, quae non Numen aliquod crediderit, illudque colendum censuerit, etiam ethnici scriptores agnouerunt. Hinc PLVTARCHVS bene & eleganter obseruat, si quis terrarum orbem perlustraret, eum vrbes inuenturum, muris, litteris, regibus, domibus, opibus, numismate carentes, gymnasiis etiam & theatris destitutas, urbem vero, templis diisque carentem, quae precibus, iureiurando, oraculo non utatur, non bonorum causa sacrificet, non mala sacris auertere nitatur, neminem vidiisse vquam; *adu. Colotem. p. 1125*. Cotta equidem, multas se arbitrari, dicit, *esse gentes sic immanitate efferatas, ut apud eas nulla suspicio deorum sit*, apud CICERONEM, *de nat. deor. lib. I. cap. XXIII*. Praeterquam vero, quod nullam ille eiusmodi gentem nominet, ipse quoque ei repugnat CICERO, tum *loc. cit. cap. XVI*. tum alibi, tam alte omnium cordibus sensum diuinitatis insidere, asserens, ut falsum multi Deum colere maluerint, quod nullum *††††*. Quae autem de gentibus atheis apud veteres leguntur, ut de *Thoiis* apud PORPHYRIUM, de *abstinentia ab animatis*, *lib. III. pag. 132*. de *Nasamonibus* apud DIONYSIVM, *periegesi vers. 210*. aliisque †,

que †, ad impios gentium illarum mores referenda esse, recte docet vir doctissimus, IO. ALBERT. FABRICIVS, in *bibliographia antiquaria*, cap. VIII. §. III. pag. 229. seqq. vbi plura hac de re adfert. Quae recentiores quidam scriptores de Brasiliiano- rum in America, Castrorum in Africa, aliarumque gentium atheismo commemorant. incerto non tantum atque lubrico innituntur fundamento, sed quasdam ex hisce relationibus falsas esse prorsus, compertum est ††; quod ex instituto iam docuit IO. LVDOVICVS FABRICIVS, theologus quondam Heidelbergensis, in *apologético pro genere humano contra calumniam atheismi*, inter opera eius iunctim edita, pag. 119. seqq. Idem & luculenter variis exemplis ostendit DN. LA CROZE, calumniam hanc, speciatim a Canadensibus, Antillarum insularum incolis, Brasilianis, Castris, seu Hottentottis, aliisque, testimoniis fide dignis depellens; *entret. sur divers. suiets d'histoire &c.* pag. 254. seqq. Iungendus his ex nostratibus ZACHARIAS GRAPIVS, in *theol. recens controversa* cap. I. quaest. VI. §. IV. pag. 32. seqq. vbi itidem ex monumentis historicis ostendit, Brasilianis, Castris, aliisque gentibus, perperam atheismum tribui. De Castris etiam, seu Hottentottis, conferendus CHRISTIAN. IVNCKERVS, in *vita Iohs Ludolphi*, p. 227. Nisi itaque intempestivum stucium atheorum numerum multiplicandi, & notitiam Dei insitam impugnaudi PETRVM BAE- LIVM, acuti ceteroquin ingenii virum, in transversum egisset, nunquam tam incertis de integrarum gentium atheismo, relationibus, fidem adhibuisset; quod tamen eum fecisse, constat, *dictionar. histor. crit.* pag. 1799. *continuat. des pensées diverses &c.* §. CXIII. p. 537. seqq. *reponse aux quaest. &c. tom. IV. cap. XI. XII. pag. 136. seqq.* alibique. De Chinen- sibus equidem, de quibus dans la *continuat. loc. cit.* ex instituto agit, concedimus, nonnullos inter eos, qui eruditi & philosophi videri volunt, eius- modi de Deo animo concepisse notionem, quae a Spinozismo prope abest; Idque & iam a me ob-
serva-

seruatum, in *dissertat. de Spinozismo ante Spinozam.*
 §. XXIII. Quemadmodum vero isti non alio loco, quam athei Europaci habendi, qui, dum nimis sapiunt, stulti euadunt; ita ista quorundam philosophorum sententia, toti genti Chinenfium tribui nequit. Nec praetermittendum, quod nonnulli obferuant, Chinenfes istos philosophos de prouidentia quadam, deque bonarum actionum praemiis, & de poenis malarum, talia docere, quae cum pleno atheismo conciliari nequeant. De Siamensibus, quibus itidem atheismum PETRVS BAELIVS obicit, *dict. bistor. crit. voc. Sommona Codom. p. 2751.* idem docet vir clarissimus IO. CHRISTOPHORVS WOLFIUS, *de atheismi falso suspectis, sect. II. §. VIII.* Ex vniuersali itaque (vt nunc eo, vnde digressus sum, redeam) gentiam omnium, & totius velut humani generis consensu, recte colligitur, hanc de Deo notitiam cordibus omnium mortalium insitam a Deo atque infixam esse. Si enim, quantopere gentes opinionibus, moribus, institutis, ritibus, a se inuicem differant, consideremus, si porro cogitemus, quot quantaeque in hisce omnibus in vna eademque gente contingere soleant mutationes, vt vna eademque gens post aliquot secula vix sibi similis esse videatur, (quod vel Germanorum exemplo patet,) at in Numinis sensu tot tamque innumeras fere gentes, idque per tot secula, inter se consentire, manifestum est, non aliam eius rei causam esse posse, quam naturalem illam & a Deo omnium mentibus insitam propensionem, qua omnes ad veritatem hanc admittendam natura feruntur. Certe ab educatione, aut alio quodam instituto humano, vniuersalis hicce consensus neutiquam deriuari potest. Educationem enim non obstare, quo minus liberi in plurimis rebus diuersas admodum a parentum placitis opiniones sectentur, & haec opiniones, aequae ac mores ac vitae instituta varia, ita tandem inualescant, vt integrae gentes a maiorum suorum placitis, moribus, institutis abeant, experientia quemuis condocere potest. Ex
 edu-

educatione itaque consensus ille vniuersalis deriuari nequit. Si dicas, reges, principes ac magistratus operam dedisse, vt ista de Deo opinio aut introduceretur, aut recepta conseruaretur, ac propagaretur, eo quod viderent, religionem ad continendum in obsequio populum valde sibi vtilem esse, primo quidem respondeo, religionem in populo quodam a principe aut magistratu primum introductam esse, ne vnico quidem haecenus comprobatum est exemplo. Non nego, principes, rerumque dominos aliquando religione hunc in finem vsos, adeoque religionem amplificasse, diligentius inculcasse, aut varia, quae ad rem tuam facere putabant, circa eam fanciuisse; sed eos gentem quandam omnis religionis expertem primum ista notitia imbuisse, ne vnico quidem comprobatum est, aut comprobari potest exemplo. Numa sane Pompilius ritus & caeremonias varias apud Romanos instituit, vel vt L. ANNAEVS FLORVS loquitur: *ille sacra & caeremonias omnemque cultum deorum immortalium docuit, ille pontifices, augures, salios, ceterosque per sacerdotia, annum quoque in duodecim menses &c. descripsit, libr. I. cap. II.* sed, si quis existimaret, Romanos ante Numam religione omni notitiaque Numinis destitutos fuisse, is ignorantiam suam proderet, seque ipsum traduceret turpiter †††. Eundem vero Numam, & deinceps alios quosdam, religione, qua populum iam imbutum inuenerunt, quandoque ceu dominandi instrumento vsos, adeoque ad eam conseruandam ac propagandam aliquid contulisse, non inficiatus fuerim; sed num inde vniuersalis ille gentium omnium in Numine quodam agnoscendo consensus moriri potuit? Immo certissimum est, paucissimis regum principumque, praesertim inter gentes barbaras hoc in mentem venisse, quod religione ceu instrumento dominandi vti voluerint. Vti enim religio citra controuersiam pro firmamento reipublicae & fulcro firmissimo est habenda, ita paucissimos regum principumque inter barbaras maxime gentes esse existimo, qui illud intel-

intelligunt, aut cum in finem conseruare, ac propagare religionem, in animum inducunt suum. Obiicit equidem vltcrius PETRVS BAELIVS, multas haud dubio gentes nobis nondum cognitae esse; consensum etiam gentis integrae vrgeri non posse, nisi de singulorum hominum, qui gentem istam constituunt, sententia constet; adeoque ad vniuersalem gentium omnium consensum prouocari non posse; *contin. des pensées*, §. XIII. p. 55. *seqq.* Praeterquam vero, quod nondum constet, an gentes quaedam adhuc nondum cognitae extent, si vel maxime hoc concedamus, illae tam exiguum orbis tenebunt spatium, vt cum toto orbe, qui nobis innotuit, comparatae, minime in censum veniant. Multo minus de eorum atheismo suspicio nobis oriri debet, cum ex reliquarum, recentiore aetate detectarum gentium exemplo eas, si quae adhuc tales sunt, religione, Numinisque non carere sensu, iudicare, prouum sit. Quod vero de vna aliqua gente dicitur, eam Deum credere, & colere, de omnibus & singulis, qui eam constituunt, tamdiu merito firmiter creditur, donec contrarium demonstretur ††††.

† Licet, quæ Cel. P. Ens haud ita pridem de *Theol. naturali* differuit, mihi videre necdum licuerit: unanimiter tamen cum affirmari audiam, ipsum a vulgari sententia haud paululum discedere; id heic monuisse, nemo mihi vitio vertat.

†† Generatim; nos *naturali Dei cognitione* gaudere, ita probo. *Contra quosumque*: 1. ex eo, quod argumenta, quæ Philosophi saniores, pro divina Existentia, e natura adducunt, sint satis valida. 2. quod Gentium consensus, in eo quod Deus existat, universalis cæteroquin esse non posset. *Contra Christianos*; qui hanc cognitionem negant, tertium hoc argumentum urgeo: quod de *Divinitate scriptura* nemo sapiens examen institueret, nisi extra scripturam existentia Numinis probari queat; & quarto loco aio: scripturam S. eidem sententiae patrocinari 1. *locis disertis Rom. 1. & 2. aliisque*. 2. quæ nos ad contemplationem rerum naturalium ablegant, ut ex iis Deum agnoscere discamus,

V. G.

V. G. *Jesf.* 40: 26. &c. 3. iis locis, quæ acriter perfringunt Gentilium Idolatriam & Superstitionem; quod utique cum ratione fieri non posset; nisi apud eos principia naturalia, e quibus meliorem Dei cultusque Divini cognitionem derivare potuissent, supponantur.

†† Nonnulli e *Cartesianis* dicunt, &c., ut videtur minus inconcinne: quosvis homines habere ideam Dei, non actus semper, sed potentia.

††† *Aristoteles* L. 1. C. 3. de calo scribit: πάντες ἀνθρώποι πρὸ θεῶν ἔχουσι ἰδέαν. V. quoque *Senecam* *Epist.* 116. *Ciceronis* loca vide apud GURTLERUM *Orig. Mundi* L. 1. C. 22. §. 5. qui quoque §. 6. locum *Æliani* jam antea laudatum exhibet.

† De *Callaïcis* STRABO L. 3. idem affirmare dicitur. Confer ad hanc & præced. notam *Neur Bucher-Zaal* 27 *öffnung* Art. 5. pag. 194.

†† Argumentum, contra universalem Dei cognitionem, ab hisce nationibus desumptum, sequenti modo facillime solvitur: 1. Quod non nulla loca Periegetarum cum limitatione sint intelligenda. 2. Quod plurimi horum testium ubivis defectu accuratationis laborent. 3. Quod id, cujus gratia testes appellantur, scire non potuerint: quum, vel brevi tantum tempore inter istas gentes fuerint morati; vel linguas istarum Regionum non calluerint, ac rituum, qui pro religiosis inibi habentur, fuerint minus periti. Ne dicam; non nullos ex Americanis Hispanorum tyrannide deterritos, sacra sua alienigenis sedulo occultasse; immo, non deesse inter Gentes, quorum id sempiterni moris fuerit. 4. Quod documenta, quæ contrarium affirmant, ex aliis periegetis adduci possunt. 5. Quod cognitio Dei potentia in homine esse queat, licet actu sese non exferat; suffocata quidem, sed congrua occasione resuscitanda, ut exemplis demonstrari posset.

†† Videatur idem L. A. FLORUS L. 1. C. 1.

††† Consensus Gentium evinci quidem potest; sed quantum valeat ad demonstrandam Numinis existentiam, altioris est indaginis. De hac Quæst. agemus in *dissertatione* nostra, ubi quoque alia argumenta ex *insita* Dei cognitione

gnitione derivata expendemus. De re præfenti interim v. MARTYN *verhandelning van den natuurl. Godsdienst* P. 1. C. 4. STILLINGFLEET *Orig. S. L. 3. C. 1.* & confer LANGIUM *causa Dei Sect. 1. Argum. 4.* STOLLIUS *Hist. Litt. P. 2. C. 3. §. 27.* arbitratur, argumentum, a consensu gentium desumptum, optimum non esse. VOLDERUS, ut puto, in eadem opinione fuit. BÆLIUS objecit *Polysheismum* eodem modo defendi posse. *Peculiarem dissertationem de genuina ratione probandi a consensu gentium existentiam Dei* conscripsit FEUERLEIN.

*** Quo pacto RENATUS CARTESIUS, ex idea Dei nobis innata, existentiam eius probare annifus sit, ex principior. eius *philosoph. part. 1. §. XIII.* item *XVII. seqq.* vt & ex *meditationum* eius, de *philosophia prima, medit. III.* aliisque scriptis, quibus aduersariorum suorum obiectiones diluere conatus est, notum est. Summam sententia eius sequenti ratiocinatione comprehendere potest. Cum omnes homines ideam rei infinitæ & summe perfectæ in mente habeant, illa vero idea aliunde, quam a re infinita & summe perfecta proficisci nequeat, sequitur, rem infinitam & summe perfectam, hoc est, Deum, existerre. Accedit altera ratiocinatio, quæ ulterius mentem eius exprimit: Quicquid ad rem, cuius ideam in mente habeo, pertinere, clare & distincte percipio, id ad rem illam reuera pertinet; existentiam autem ad rem infinitam & summe perfectam, Deum scilicet, cuius ideam in mente habeo, pertinere, clare & distincte percipio; ergo ad rem infinitam & summe perfectam, Deum scilicet, cuius ideam in mente habeo, pertinet existentia. Quantumvis autem certo persuasus sum, Cartesium alios utraque hacce ratiocinatione fallere noluisse, ipsum tamen falsum esse, nec minus eos, qui illum coeco impetu sequuntur†, falli, certum est, cum neutra recte procedat. Ad priorem enim quod attinet, obseruandum, vocem *ideæ*, quicquid etiam dicat, aut in quamcunque se vertat partem Cartesius, nihil aliud significare, quam actum mentis, quo obiectum aliquod exhibetur, atque re-

præ-

praesentatur. Licet itaque obiectum res infinita & summe perfecta sit; ipsa tamen idea finita est & imperfecta. Infinitum enim obiectum ab intellectu finito nonnisi imperfecte & inadaequate concipi potest. Falsum itaque est, quod in assumptione prioris ratiocinationis dicitur; ideam rei infinitae & summe perfectae, quae in nobis est, non aliunde, quam a re infinita & summe perfecta proficisci posse. Neque necesse est, ut causa quaedam infinitae potentiae & perfectionis ideae huic assignetur, cum eadem ratione, qua reliquae ideae finitae producuntur, & haec produci queat. Nimirum, si ex rebus creatis omnibus, quae nobis notae sunt, quicquid perfectionis rationem habet, colligatur, remoueat contra, quicquid cum imperfectione quadam coniunctum est; facili negotio ideam entis perfectissimi ipsimet nobis formare possumus ††. Sequitur itaque ex idea entis perfectissimi non statim colligi posse, ens eiusmodi perfectissimum reuera quoque existeret. Non minus tamen & altera ratiocinatio fallit. Propositio enim: *Quicquid ad rem, cuius ideam in mente habeo, pertinere clare & distincte percipio, id ad rem illam reuera pertinet*; tum demum admittenda, si idea intelligatur rei reuera existentis. Ita ergo haec propositio concipienda foret: *Quicquid ad rem; cuius ideam in mente habeo*; (quaeue reuera existit) *pertinere clare & distincte percipio &c.* Et tum quidem ratiocinatio haec nihil probat; cum iam supponat id; de quo quaeritur. Sin vero propositio generatim etiam de re; extra mentis nostrae operationem non existente, intelligatur, falsa est. Multa enim, per mentis operationem, certam quandam ideam mihi formando, rei in mente tribuere possum, quae tamen non statim ad rem istam, prout extra mentis operationem reuera existit, pertinent. Quemadmodum itaque antea diximus, hominem sibi ideam entis summe perfecti formare posse, ita etiam eadem operis existentiam necessariam in hacce idea includit; ut tamen nullo modo inde sequatur, rem eiusmodi

summe perfectam & necessario existentem, reuera etiam existeret †††. Sed plura non addo, cum alii jam sophisma, in hacce Cartesii demonstratione latitans, accurate detexerint; prae ceteris autem B. IOANNES MVSÆVS, in *Introd. in theol. cap. II. §. XXIII. pag. 61. seqq.* & PETRVS DANIEL HVERTIVS, in *censura philosophiae Cartesianae, cap. IV. pag. 58. seqq. ††††*

† Disputatur 1. an Ideam Dei habeamus, & quidem innatam? quæ *Cartesianorum* communis est sententia. 2. an hæc Idea a nemine, quam ab ente summe perfecto, proficisci queat? quod CARTESII discipuli unanimiter quoque affirmant. 3. an ex eo, quod idea Dei nobis repræsentet ens necessarium, probari possit, tale ens existere? quod argumentum, *a priori*, vocari solet; ut omnes demonstrationes vocantur, in quibus a cognitione causarum ad cognitionem effectuum &c. & a cognitione essentiarum, ad cognitionem quorundam attributorum, existentiarum aliorumque consequentium, progredimur. Confer passim *Logices* scriptores. De tertia hac Quæstione, hi, qui in prioribus consensere, idem non sentiunt. Nos, quantum scopus exigere videtur, in *dissert. nostra* de singulis agemus. Hoc loco tantum notari velim, ANSELMUM, eodem modo, cum Cartesio pro existentia Dei militasse, ut perhibent; & cum fructu legi posse ROELLIUM de *Ideis innatis*, CLAUBERGIIUM *Exercitation. de cognit. Dei & nostri*, MARTYN *l. l. P. 1. C. 1. & 2.* JAC. ODE *Theol. Nat. p. 23. & seqq.* AALSTIUM *Bespiegelung der Reden - Leer C. 3.* & infinitam fere scriptorum seriem, si modo delectus rite fiat. Quomodo WOLFFII affectu Cartesii argumentum adhibeant, v. *Philos. Leibn. & Wolff. usus in Theol. P. 1. sect. 2. C. 1. §. 17. & seqq.*

†† Hæc ratiocinatio non procedit: ex pluribus enim finitis infinitum confici nequit. Et, si fieri posset: scire tamen non possumus, num accumulando Ideam infiniti rite simus fabricati; nisi Ideam infiniti, normæ instar, cum qua conceptus, quem formare aggressi sumus, comparetur, menti jam ante habuerimus impressam.

††† Doctissimus WERENFELS *Opusc. f. 645. & seqq.* hoc Cartesii argumentum quoque impugnat. G. GEISWEIT vero, in

in elegantissima inaugurali disput. quæ introduct. in argumentum *a priori* continet, nihil magis contra Scepticos valere arbitratur.

††† MAASTRIGT in *Gangrana novit. Cartesian. G. DE VRIES in Diatribe de ideis innatis & Exercit. ration. Exerc. 2. PARKERUS disp. de Deo & Provid. Div. & plurimi e Theologis, qui VOETIUM secuti sunt, nec pauci e Lutheranis, non tantum CARTESII argumentum *a priori*, verum etiam cætera omnia, quæ de Idea Dei docuit, acriter oppugnarunt. Negari tamen nequit: *logomachias* in ista lite non defuisse, & partium studio non nihil datum esse. Legi quoque merentur WALCHIUS *Philos. Lexico*, voce *Gott*, & Z. GRAPPIUS *Theol. recens controversa C. I. Quæst. 3.**

§. II.

Argumenta, quibus existentia Numinis probari potest, & solet, non sunt unius generis. * Possunt tamen commode ad tres reuocari classes, quarum prima metaphysica, altera physica, tertia historica complectitur. **

* Ad *acquisitam* itaque, quam vocant, Dei *notitiam* nunc accedimus, eamque accuratorem, quæ certis & inuictis argumentis nititur. Rudior enim illa, quæ ab institutione, seu parentum ac præceptorum traditione oritur, nunc nobis in censum non venit.

** Addere nonnulli argumenta moralia † atque mathematica †† solent. Sed cum in illis subinde aliquid supponatur, quod probandum erat, aut ad alium fontem reduci queant, hæc autem haud raro incommodo quodam laborent, iis non insisteremus. In tanta etiam argumentorum multitudine ††† & euidencia, quæ vel sola physica suppeditat, reliquis facile carere possumus. Ceterum licet physica & historica magis ad captum omnium hominum

num sint accommodata, metaphysica tamen ideo spernenda aut praetermittenda non sunt, cum, si recte adhibeantur, vi ac robore insigni polleant. †††

† i. e. quæ e *Morali doctrina* derivantur: licet eo nomine aliud argumentorum genus non nunquam intelligatur, de quo v. BURNET *verklaar. der 39 Art. p. 6.*

†† *Mathematica* argumenta, quæ heic indigitantur, ejusmodi non sunt, quæ Mathematicorum methodo proponuntur: verum ea, quæ *Mathesis* ipsa (ad quam, ut notum est, *Arithmetice* & plura pertinent) e sinu suo suppeditat. Meo quidem Judicio, huc referre licet argumentum FENELONII, ex *Unusatis Idea* depromptum, de quo in præcedentibus quoque mentionem injecimus. v. quoque J. C. FUNCII orat. de Deo *Mathem. Principe.*

††† Argumentorum Catalogum contexuit REIMMANNUS *Idea Comp. Theol. Hist. Atheismi præfixæ C. 2.* In genere observandum est: contra Atheos, judicio potius, quam ingenio, certandum esse; fieri tamen non posse, quin argumenta non nulla subtiliora dicantur, licet sint solidissima. Profecto! prima cognitionis humanæ stamina non referunt unquam crassos conceptus, ad instar funium navalium, vel a rusticis palpandos: sed ima istius cognitionis fundamenta in subtiliores tandem conceptus resolvuntur. Ut recte a non nemine observatum est.

†††† Argumenta *Metaphysica* omnium captui non esse accommodata, docet FENELONIUS C. 1. non nullis quoque (qua ratione ægre dixerim) in deliciis non habentur. In hunc locum inferere juvat: absque *infitia Dei notitia* subsidio, cæteris argumentis, sive *Metaphysicis*, sive *Physicis* & si qua plura dentur, quod Deus existat, probari non posse. Probes, quæso! Mundum, a spiritu quodam, duplo majori perfectione gaudente, profectum non esse: nisi in antecessum probaveris, geminatam illam Mundi perfectionem, quam spiritus iste possidere supponitur, etiamsi insuper absque intermissione multiplicaretur, *infinitam* non fore; causam itaque ipso illo spiritu perfectiorem, a qua productus esse, saltem absque aperta contradictione, dici possit, mente concipi posse; *possibilem* igitur ejusmodi spiritus existentiam demum esse: is-
qua

que ergo ut existat, causam ab ipso diversam requiri; hinc autem sponte patescere, Mundi originem ipsi, saltem ut primæ causæ adscribi non debere. Quo pacto vero probaturus es, multiplicatam illam Mundi perfectionem *infinitam* non esse? Si non *infinita perfectionis* (Dei nimirum) notitiam, cum quâ illa comparetur, jam ante menti insitam, in auxilium voces. Quod duntaxat E. G. hic notare lubuit.

§. III.

Ad primam classem pertinent argumenta, a motus origine, a dependentia rerum a suis causis, itemque, a rerum creaturarum contingentia, & quæ alia sunt eiusdem generis, desumpta. Hinc enim primum aliquem motorem, primamque causam, a qua reliqua omnia dependeant, & ens aliquod necessarium, (quæ omnia in solum Deum quadrant,) dari, luculentissime cuincitur.*

- * Primum argumentum ex philosophia Aristotelica fluxit, & apud scholasticos longe est vñtatissimum, immo apud nonnullos tanti aestimetur, vt ex eo solo firmiter existentiam Dei demonstrari possit, existiment. Est sane systemati Aristotelis prorsus accommodatum; quod, licet a nobis juxta ea, quæ supra disputavimus, merito reiiciatur, transferri tamen argumentum potest, ad veri Dei existentiam demonstrandam. Cum enim ipse motus a nemine, nisi sensibus & ratione destitutus, negari queat †, motus vero omnino causam quandam, vnde procedat, agnoscat; in hisce causis autem necessario ad primum motorem perveniendum sit, qui alius, quam Deus, esse nequit, rectissime, Deum dari, inde concluditur. Nititur sane tota hæcce ratiocinatio duobus principiis; quorum alterum est: *quicquid movetur, ab alio movetur*; alterum: *in*

mouentibus non datur processus in infinitum; quae quidem nonnulli nondum extra omnem dubitationem posita esse, arbitrantur. Ad prius enim quod attinet, obijciunt, dari substantias etiam corporeas, quae a se ipsis moueantur; non itaque semper procedere: *quicquid mouetur, ab alio mouetur*. Circa posterius autem monent, euitari posse primum motorem, vim mouendi a se habentem, si recurratur ad successionem causarum infinitarum, per accedens subordinatarum. Verum haec nondum eiusmodi sunt, ut vim argumenti, in sensu vero & genuino adhibiti, infringant. Etsi enim substantiae quaedam, etiam corporeae, dentur, quae se ipsas moueant, aut mouere videantur, dispiciendum tamen, num hicce motus, aut facultas se mouendi, a materia, aut alio quodam principio sit? Si posterius dicas, rursus quaerendum, quodnam illud principium sit, & unde istam facultatem habeat? quo ipso athei ad principium aliquod a materia distinctum, quod omnis motus prima causa, seu primus motor sit, agnoscendum, deducuntur. Sin prius asserant, admittendum iis est, motum materiae esse essentialem; quo ipso tamen nihil aliud agent, quam ut ignorantiam suam prodant. Praeterquam enim quod ipsi notioni materiae, quae omnium mentibus insidet, hoc non conueniat, si motus materiae essentialis esset, sequeretur, materiam semper moueri, nec posse vnquam quiescere, adeoque ad corpora varia producenda vel constituenda prorsus esse ineptam. Qua de re recte SAM. CLARKIUS pronuntiat: *Si atheus affirmauerit, motum omni materiae in genere esse necessarium, sequitur, contradictionem esse expressam, supponere vllam materiam quiescere, quod sane ita est absurdum; ut nullus atheus, quod hactenus nouimus, siue sit antiquus, siue ex recentioribus, id supponere fuerit ausus; in demonstrat. existentiae atque attributorum Dei, ad propos. III. pag. m. 30. Addit, IOANNEM TOLANDVM equidem, ut demonstraret, se hac etiam re impudentia omnes atheos vincere, asserere ausum,*
mo-

motum, id est, conatum ad motionem, materiae omni esse essentiali; sed quam infelicitur, quamue insipienter hoc fecerit, *loc. cit.* pluribus demonstrat. Legenda &, quae hae de re differit IAC. AB-BADIE, de *veritate & certitudine christianae religionis sect. I. cap. V. pag. m. 36.* editionis, quae lingua germanica prodiit. Alterum primi argumenti fundamentum: *in mouentibus non datur processus in infinitum*, simul nos ducit, ad secundum argumentum, quod a *dependentia rerum. creatarum a suis causis* desumptum est. Certum est, nihil posse sui ipsius esse causam; vnde simul patet, causas rerum adspectabilium ab aliis causis iterum dependere; adeoque, nisi processum in infinitum admittere velimus, in prima tandem aliqua causa subsistendum esse, quae non sit alia, quam ipse Deus. Vt vero exceptionibus, quae circa hocce principium adferri possent, occurramus, obseruandum, processum in infinitum in causis efficientibus duplici ratione concipi posse, vt vel ascendendo fiat a causis inferioribus ad superiores, vel descendendo ab vniuersalibus causis ad proximas. De posteriori modo nulum est dubium, cum experientia doceat, nec ipsi negent athei, processum causarum tandem in causa proxima, quae effectum producat, terminari. Prior modus iterum de causis aut per se, aut per accidens subordinatis, potest intelligi. Causae per accidens subordinatae hic equidem in censum non veniunt, interim tamen certum, in vtroque genere, praesertim in causis per se subordinatis, infinitam causarum successionem admitti non posse. Causa enim, per infinitam distantiam ab effectu remota, nunquam ad effectum pertinget, adeoque non erit causa, quauis etiam talis causa per infinitam distantiam remota, & per infinitas causas subordinatas agens, ne quidem concipi queat, cum semper vltius sine omni fine & termino ascendendum sit, nisi tandem in prima quadam causa, a qua reliquae dependeant, subsistamus †††. Tertium argumentum a *rerum contingentia*, quam vocant,

defumtum, in metaphysicorum scholis itidem admodum frequens est. Nimirum, cum contingencia, quae possunt esse & non esse, aliquando etiam non sint, aut non fuerint, reuera non essent, nisi daretur ens necessarium; quia, quod ab alio esse suum non accipit, existeret nequit. Illud vero aliud non potest non esse ens necessarium, quia, quod contingens est, certo effectum producere nequit. Necessitas vero vel ex causa quadam oritur, vel non oritur. Posterius si intelligatur, tum ens per se necessarium admittendum, quod solus erit Deus. Prius vero si innuas, tandem tamen ad causam necessariam, quae aliunde non sit, adeoque per se sit necessaria, deueniendum erit. Mitto reliqua, quae eundem in modum a scholasticis praecipue doctoribus ad euincendam Numinis existentiam, adferri in medium solent. Ex recentioribus omnium optime in hocce argumentorum genere mihi versatus videtur SAMUEL CLARKIVS, cuius *demonstrationem existentiae & attributorum Dei aduersus Hobbesium & Spinozam potissimum*, ex anglicana lingua in latinam transtulit IENKINS THOMASIVS †††. Ex principiis enim euidentissimis, riteque inter se connexis, more quodam geometrico, quae ratio de Deo eiusque attributis cognoscere potest, deducit. Quam eius demonstrationem, vt in compendio exhibeamus, prima propositio est: *Quod ab aeterno aliquid extiterit*. Etenim licet ipse aeternitatis conceptus, si de modo quaeratur, obscurior sit, ipsa tamen propositio tam euidentis est, vt vllum eam negaturum atheum non sit credibile. Altera propositio est: *Quod ens immutabile & independens ab aeterno extiterit*. Entia namque dependentia vt aeternam habeant successionem, & sine omni prima & independente causa existant, fieri nullo modo potest. Sequitur tertia propositio: *Quod ens illud immutabile & independens, quod sine vlla causa externae suae existentiae ab aeterno fuit, non possit non per se existere, hoc est, necessario existere*. Euidenter hoc demonstrat, simulque ostendit, ideam Dei
 exi-

existentiam per se includere, ita tamen, ut idea hæc non tantum in mente existat, sed per obiectum extra nos constitutum, producat; quo ipso a Cartesio dissentit, cuius tamen sententiam, si recte capiatur, non prorsus reiiciendam existimat. Recte etiam docet, & euidenter demonstrat, per ens illud immutabile, independens, & per se necessario existens, mundum materialem nullo modo posse intelligi; qua occasione & IOANNIS TOLANDI sententiam, motum esse essentialem materiae, ut antea diximus, profligat, erroremque SPINOZÆ, vnam tantum dari substantiam, refellit. Hinc cum propositione quarta ostendisset, nos *essentiam entis huius per se & necessario existentis, comprehendere non posse*; propositione quinta docet: *multa attributa essentialia eius naturae aequae esse demonstrabilia, ac eius existentiam*; scilicet, quod *necesse* debeat esse *aeternum*; item, *infinitum & omnipraesens*, prop. VI. *nonnisi unum*, prop. VII. *intelligentia & libertate praeditum*, prop. VIII. & IX. &c. Singularum istarum propositionum demonstrationes apud ipsum auctorem legi possunt.

† Negatus tamen est a maleficanis quibusdam hominibus, ut sententiam de *una & immobili substantia* eo melius tuerentur. v. Auctorem in præcedentibus & J. ODE *Philos. nat. princ. P. 1. pag. 83. & seqq.* nec non WALCHII *Philos. lex. voce bewegung.*

†† LEIBNITIUS materiae vim activam, a potentia nuda distinctam, inesse putavit, eamque pro constitutivo substantiali, quod *monadis* nomine vocare solet, habuit. WALCHIIUS l. l. confer BUDDÆI *Th. Dogm. L. 2. C. 2. §. 48.*

††† De primo & secundo Auctoris argumento conferatur STURMIUS *Phil. Ecclesiæ. T. 2. p. 724. & seqq.* NIEUWENTYT *Wereld-beschouwingen, p. 771.* LANGIUS de causa Dei *Señt. 2. Argum. 2. & def. 3. cum scholiis & corollariis, ODE Th. Nat. P. 1. Prop. 66. &c.*

†††† Videantur insuper *Philos. Wolffiana & Leibnit. usus in Theol. Señt. 2. C. 1. P. 1. LANGIUS de causa Dei, Señt. 2. Arg.*

Arg. 1. , AALSTIUS Reden-leer C. 3. §. 24. , VAN DEN HONERT Waaragt. Wegen, 1 Boek, &c.

§. IV.

In altera argumentorum classe †, primum conspectus totius huius vniuersi, siue ipsum mundi systema, se nobis offert, cuius si spectes & amplitudinem, & in innumerabili corporum numero ac multitudine ordinem, aptissimamque dispositionem, omnium praeterea ac singulorum ad certos vsus finesque directionem, ab eo hoc profectum agnoscas oportet, qui maiestatem suam summam, atque potentiam, sapientissima quadam ratione demonstrare voluit.* Id quod & speciatim de sole, luna, ceterisque corporibus coelestibus, dicendum esse, nemo, nisi coecus, rationisque omnis expers, diffitebitur.**

† Quomodo ejusmodi argumenta adhiberi debeant v. *Philos. Wolff. & Leibnit. usus in Theol. P. 1. Sect. 2. C. 1.* magnam illorum copiam suppeditant FENELONIUS, NIEUWENTYTS *Wereld-beschouwingen*, DERHAMS *Natuurkund. Godgeleertheit en Sterkundige Godgeleertheit*, SCHEUCHZERI *Physica Sacra Jobi* (*Jobs Heilige Natuur-kunde*) ac insigne opus ejusdem, *Geesfelyke Natuur-kunde*, quod *Amstelodami* apud SCHENKIIUM, e latina Lingua translatum, excuditur; J. RARI *Existente & la sagesse de Dieu manifestees dans les œuvres de la creation*, J. A. FABRICII *Hydro-theologia*, LESSERI *Litho-theologia*, &c. confer quoque accuratiores *Physicos*.

* Vt non casu fortuito, sed ratione certa, sapienterque, aliquid factum censeatur, primo quidem requiritur, vt effectus potentiae & virtuti auctoris respondeat, quoue amplior haec est, eo magis in illius

lius *magnitudine* exsplendescat; tum vt operis magnitudini *varietas & multitudino* rerum, quas continet, conueniat; praeterea, vt in summa varietate *ordo* elegantissimus, aptissimaque dispositio eluceat; & tandem, vt cuncta certo *usui* inferuiant, & ad *finem* suum accurate conspirent. Haec omnia, vbi iunctim in opere quodam conspiciuntur, sapientia artificis tam euidenter cognoscitur, vt mentem omnem rationemque amississe merito censeatur, qui eam agnoscere solit, aut sibi aliisque persuadere annitatur, casu fortuito eiusmodi quid extitisse. In hocce vero vniuersi systemate ista conspici, res ipsa docet. *Amplitudo* tanta est, quam nemo mortalium cogitatione assequi valeat, adeoque ratione nostri recte infinita dicitur. Si distantiam primum lunae, tum solis, ceterarumque planetarum a nostra tellure cogitemus, si porro distantiam reliquarum stellarum a sole reliquisue planetis, si ingens illud spatium, quod stellae itae innumerae, tellure nostra, si non multo maiores, certe non minores, occupant, animo voluamus, statim tantam vniuersi huius deprehendemus magnitudinem, vt non alium, quam cuius infinita maiestas pariter ac potentia sit, agnoscere auctorem queat †. Quodsi vero porro, secundum recentiorum hypothetis, quaelibet stella fixa solis instar sit, qui suum orbem habeat, circa quem etiam forte planetae voluantur, tam angusta orbis se nobis offeret species, vt nihil angustius vnquam cogitari queat ††. Nec tamen, si vel maxime haec hypothetis non admittatur, amplitudini totius huius vniuersi quidquam inde decedet. Magnitudini eius, rerum, quae in eo continentur, *varietas* respondet. Documentum vel ex nostra tellure capere licet, in qua tot lapidum, aliarumque rerum inanimatarum, tot arborum, plantarum, herbarum atque florum, tot animalium genera, & cuiuslibet generis tot iterum species deprehendere licet, vt hisce omnibus capiendis, aut enumerandis, animus hominis vix sufficiat. Sunt, qui volucrum quingentas species nu-

numerant, & piscium sexies plures; unde de reliquis facile iudicium ferre licet. Non equidem astronomorum, de planetarum incolis ita loquentium, ac si ipsimet ibi adfuissent, coniecturis multum tribuo; id tamen sine omni temeritate dici posse, existimo, cum tanta rerum creaturarum in nostra tellure sit varietas, vix credibile esse, tam ingentia corpora plane vacua esse, immo admodum verosimile; non minorem rerum, summam Numinis & potentiam & sapientiam demonstrantium, in illis varietatem deprehendi, quam in nostra tellure. Quo maior autem rerum creaturarum est varietas ac multitudo, eo elegantior *ordo*, eo aptior & concinnior in his omnibus *dispositio* deprehenditur. Ipsorum corporum coelestium & inter se inuicem, & ratione nostrae telluris; is positus est, vt non tantum se inuicem non impendant; sed vt vnum alteri insignem vtilitatem commodae plurima adferat; quod vel solis atque planetarum; intuitu nostrae telluris situs, vnumquemque condocere potest. Alphonso equidem Castiliae regi coelestium corporum systema adeo confusum apparuisse, memorant, vt longe melius atque ordinatius constitui potuisse, putauerit, si in vniuersi huius creatione Deus ipsum adhibuisset in consilium. Quod impium non minus, quam stolidum eius dictum, summam hominis ignorantiam prodit; quantumuis in astrorum scientia haud mediocriter se profecisse sibi videretur. Certe; si nostri seculi mathematicos; pulcherrimum corporum coelestium ordinem, sine omni confusione explicantes, audiret, haud dubio longe aliter sentiret. Haecce autem corpora tam ingentia, tamque apte disposita; vt iterum vna cum tellure nostra, rerum creaturarum infinitae multitudini habitacula praebent, ita istae res creatae in sua genera, & haec iterum in species suas tam concinne distributa sunt, vt exercitus ingentis, in quo primum integras legiones, in legionibus cohortes, in cohortibus manipulos conspiceret licet, speciem referant. Unde & haud raro in
scrip-

scriptura sacra Deus *Dominus exercituum* dicitur, quemadmodum & ipsa sidera seu corpora coelestia subinde *exercitus coeli* vocantur, tum ob multitudinem, tum ob ordinem in illis conspicuum. Ad haec omnia vsus omnium atque singulorum corporum istorum accedit, & sapientissima ad certum finem directio, quae vt omnem casum fortuitum prorsus excludit, ita causam liberrime pariter ac sapientissime agentem supponit. Quemadmodum vero vel ipsa telluris nostrae indoles euidentissime ostendit, eam sapientissimo consilio ita adaptatam, vt hominibus animantibusque, quae in ea degunt, commodum domicilium praeberet, & reliqua omnia, quae ad sustentationem & propagationem eorum necessaria sunt, suppeditaret, ita solem ipsum, lunamque, eundem habere finem, vt terrae incolis iridem inseruirent, eorumque commoda varia ratione promouerent, nemo, nisi imprudentissimus impudentissimusque mortalium, inficiatus fuerit. Hinc vero etiam de reliquis corporibus coelestibus ferendum iudicium; quorum licet nobis non adeo explorata sit ratio, nullo tamen modo dubitandum, ea ad fines nobilissimos praestantissimosque, etsi nobis maximam partem incognitos, esse comparata. Etenim cum quaelibet animalculorum, etiam minutissimorum, membra vsu suum certissimum habeant, & ad certum finem sint comparata, quis dubitaret, ingentia illa nobilissimaque corpora, quae tellurem nostram magnitudine aut aequant, aut superant, sine omni atque vsu destitui. Quemadmodum vero etiam hodie, post artem anatomicam diligentius excultam, de vsu singularum partium, quibus animalia constant, multa nobis innotuerunt, quae Galeno, aliisque veterum, non fuere perspecta; ita etiam si natura indolesque corporum coelestium accuratius nobis innotesceret, longe plura de eorum vsu ac fine dici possent, quae hodie nobis non satis sunt explorata †††.

† De *Amplitudine Mundi* v. NEWTONI *Philos. nat. principia*
Mathes.

Mathematica L. 3. DESAGULIERS *Beschryving van 't Planetarium* præter illos, qui generatim de hac argumentorum classe egerunt: An infinitus dici queat? vide *Ode Philof. natur. princ.* P. 1. p. 19. & seqq. & WERENFELSII *dialogum de finibus Mundi*.

†† Conf. ANDR. EHRENBURGERI *majeſt. Macroſmi*, &, an planetæ ſuis incolis gaudeant? v. præter eum HUGENII *verwoedings*. FONTANELLE *ſur la pluralité des Mondes*, & ARNTZENII *diſſert. de Luna habitati*. Adde WALCHIUM *Phil. Lex.* voce *planetæ*, & JOH. ANDR. SCHMIDII *diſſert. Selenita e luna proſcripti. Oſti negot. Jenenſis Art.* 2.

††† v. Auctores citatos.

** Priusquam ad ſingulorum corporum coeleſtium conſiderationem deſcendamus, generatim primum obſervare inuat, ipſa hæcce corpora ſolida eſſe, ætheri tamen, utpote corpori maxime fluido, velut innatare. Vtrumque autem, ut moveri, ea, qua debebant, ratione poſſent, prorsus erat neceſſarium. Corpori enim ſolido, niſi per fluidum tranſitus pateat, motus eius continuari nequit †. Rurſus, ſi corpus, quod moveri debet, compactum non eſſet, atque ſolidiſſimum, in motu iſto velociſſimo, quo corpora coeleſtia abripiuntur, mox diſſolueretur. Quo minus autem hocce fieret, Deus corporibus hiſce gravitatem indidit, qua efficitur, ut, quantumvis motus, quo feruntur, circularis, maxime violentus ſit, cum; quæcunque in circulum moventur, vi quadam naturali a centro diſcedere conentur, & niſi alia cauſa obſtet, diſcedant, non tamen diſſoluantur, cum per gravitatis leges cuncta ad centrum ſuum deſcendendo eo arctius cohaereant, & omnem diſſipationem impedian. Quantumvis autem philoſophi in cauſa gravitatis inuelligant a deſudent; certum tamen, hanc a conditore huius vniuerſi conſtitutam; & ultimo tandem eius ſummam potentiam ſapientiamque hic agnoſcendam eſſe; conf. RICHARDVS BENTLEIVS, in *ſtultitia & irrationabilit. atheismi* pag.

pag. 160. Eandem potentiam sapientiamque summam, motus corporum coelestium, tum reuolutionis, quem vocant, tum quorundam circa alia corpora, luculenter demonstrat. Id sane vel solis exemplo patet, qui si ea ratione non moueretur, diei non tantum & noctis, sed aestatis & hiemis, veris & autumnii, vicissitudinibus gratis non minus, quam necessariis, nobis carendum esset. Immo sine motu solis reuolutionis nec homines, nec animalia, viuere in nostra tellure possent, cum vnum hemisphaerium propter frigus & tenebras perpetuas, alterum propter aestum & calorem summum prorsus inhabitabile futurum esset. Ad alterum vero motum quod attinet, qui dici atque noctis discrimen constituit, si quis vel maxime Copernici systema amplectatur, nostrae tamen id non obstat causae, cum & in telluris isto motu non minus potentia Numinis sese manifestatura esset. Quicquid huius sit, motus ille corporum coelestium ita comparatus est, vt necessario sapientiam diuinam arguat, cum ex solis legibus mechanicis, seposita Numinis omnipotentia, nullo modo explicari queat, quod secundum principia ISAACI NEWTONI, praestantissimi nostrae aetatis mathematici, eleganter demonstrat GEORGIUS CHEYNE, in *principiis philosophicis religionis naturalis*, apud IOANNEM CLERICVM, *biblioth. anc. & mod. tom. III. part. I. artic. II. pag. 52. seqq.* Vel ipse ordo & constantia incredibilis, quae in corporum istorum motu conspicitur, omnes & ad illorum admirationem, & mentis sapientissimae, quae ea ita disposuit, agnitionem adducere potest. Quod vt ipse TVLLIVS probe intellexit, ita rectissime hac de re pronuntiat: *Coelestem admirabilem ordinem incredibilemque constantiam, ex qua conseruatio & salus omnium omnis oritur, qui vacare mente putat, is ipse mentis expertus habendus est; de nativ. deor. libr. II. cap. XXI. pag. m. 1222.* Immo haec ipsa ratio est, cur gentiles, attentius ista considerantes, altris diuinitatem tribuerent, & ea pro diis colerent, sal-

tem mentem aut intelligentiam illis adderent, quae Aristotelis fuit sententia. Qua de re iterum CICE-RO: *Ilanc igitur in stellis constantiam, hanc tantam, tam variis cursibus in omni aeternitate convenientiam temporum, non possum intelligere, sine mente, ratione, consilio. Quae cum in sideribus inesse videamus, non possumus ea ipsa non in deorum numero reponere, loc. cit.* Perperam quidem, quod ideo sidera ipsa in deorum numero posuerint, aut iis mentem tribuerint; rectissime tamen, quod colleguerint, motum istum ordinatum constantissimumque, summam supponere sapientiam, quam omnino ei, qui illum stellis indidit, tribuere debebant. Generatim, quod de corporibus coelestibus eorumque motu dixit, id & speciatim de stellis, quas vocant, erraticis, seu plauetis, recte pronuntiat idem. quem iam laudauimus, TULLIUS: *Maxime vero sunt admirabiles motus earum quinque stellarum, quae falso vocantur errantes; nihil enim errat, quod in omni aeternitate conservat progressus, & regressus, reliquosque motus constantes & ratos. Quod eo est admirabilius in his stellis, quas dicimus, quia tum occultantur, tum rursus aperiantur, tum abeunt, tum recedunt, tum antecedunt, tum subsequuntur, tum celerius moventur, tum tardius, tum omnino ne moventur quidem, sed ad quoddam tempus insistant, &c. loc. cit.* Iam si speciatim solem consideremus, etli ipsa eius magnitudo, qua CLX vicibus ad minimum tellurem nostram superat, cum splendore summo omnes merito in admirationem rapiat, summa tamen etiam, quam telluri nostrae praestat, utilitas, sapientiam conditoris luculentissime arguit. Sine eo si tellus nostra esset, animalibus omnibus hominibusque ea destitueretur. Nullas proferret fruges, quae animantibus hominibusque alendis inseruiant; adeoque si vel maxime homines aut animantia nascerentur, fame illis pereundum esset. Illo vero, (quod tamen fieri prorsus nequit) viuere aut homines, aut animantia siue sole posse, miserima tamen vita esset, cum iis cum frigore summo,

mo, perpetuisque semper colluctandum esset tenebris. Et quid quaeso homines sine luce agere aut fuscipere possent? Idem & de *luna* dicendum, commoda ex ea plurima in nostram tellurem redundare. Ad temporum interualla, sine quibus vita hominum socialis sibi non constat, rite constituenda, ea plurimum confert; longae noctis taccia pellit; iter in terra marique facientibus prodest; fluxum atque refluxum maris, ne quiete corrumpatur, promouet; & quis reliqua ejus commoda omnia enarret? Dubium enim prorsus nullum est, quin vsus longe adhuc nobiliores praestantioresque habeat, qui nobis noti non sunt: Id quod & de reliquis planetis est censendum. Immo ipse solis lunaeque eclipses vsu suo non destituuntur, si quidem ad temporum rationes accuratius ordinandas, hinc & ad chronologiae ac historiae defectus emendandos, ad longitudinem locorum determinandam, plurimum faciunt; conf. IOAN. *RAYI existentia & sapientia Dei manifestata in operibus creationis*, pag. m. 69. Haec omnia, quae haecenus diximus, tam euidentia sunt, vt nihil plane atheis relictum existimem, quod excipere queant. Nonnulli tamen, vt aliquid dixisse videantur, aequatoris & eclipticae situm in coelo perstringunt, eum parum commodum esse, contententes, eo quod angulo sese mutuo interfecent duo isti circuli, viginti trium graduum amplitudinem circiter complectente. Hinc enim euenire necesse est, vt pars media telluris nimio aestu aduratur, duae extremae ob nimium frigus fere inhabitabiles reddantur. Et hoc quidem est, quod iam pridem ex mente Epicuri in systemate hocce huius vniuersi desiderauit TITVS LVCRETIVS CARVS:

*Inde duas porro prope partes feruidus ardor,
Assiduusque gelus casus mortalibus aufert:*

De rerum natura libr. V. pag. m. 154. edit, OBER-
TI GEFANII. Sed hosce homines experientia refel-
lit; quae ea loca habitari docet, quae veteres pro

inhabitabilibus habuere ††. Situs praeterea hicce telluris ratione solis ita comparatus est, vt commodior nullus fingi queat, cui gratissimas vtilissimasque vicissitudines, quibus quatuor anni tempora sibi inuicem succedunt, variationem insuper illam, quae in diuersa dierum longitudine deprehenditur, debemus. Legenda, quae eleganter hanc in rem disserti RICHARDUS BENTLEIVS, in *Stultitia & irrationabilitate atheismi*, pag. 401. seqq.

† NEWTONUS *Phil. Nat. Princ. Mathem. Lege 1. motus*, docet: corporis motum *semper* continuari, nisi quatenus a viribus impressis impediatur. conf. quoque DESAGULIERS *Natuur-kunde nis Ondervind. opgemaakt*, 5de *Les*, qui quoque, de natura & origine motus corporum Coelestium, multa scitu dignissima disserit, ut & NEWTONUS *L. 3. Legem NEWTONI primam* eo fine adduxi, ut ex ea evincerem: prorsus necessarium non esse, ut motus corporis continuetur; illud per fluidum transire. Quod tamen necessarium foret, & Cel. Auctoris ratiocinatio procederet.

†† Confer J. LULOFFS dissert. *de causis, propter quas Zona Torrida est. inhabitabilis*. Ultraj. 1729.

§. V.

E coelo si in terram descendamus, nec minora, nec pauciora, sapientiae diuinae se se nobis offerunt argumenta. Ipsa enim tellus nostra in omnibus ita adaptata & instructa est, vt commodius pro tot hominibus & animantibus, quae alere ac sustentare debebat, habitaculum nullo modo excogitari queat *; ne quid de ingentibus, quos ad hominum stuporem quotidie profert, thesauris aliquid dicam **. Ipsa vero animantia, vt multitudine innumera sunt, ita corpora quoad omnes singulasque partes aptissime constructa habent, prout loci, in quo degere debe-

debebant, alimenti, quo nutriendi erant, conseruationisque, qua integram speciem, qua singula indiuidua, ratio postulabat ***.

* In telluris nostrae consideratione primum quatuor vulgo sic dicta elementa merito in censum veniunt; *ignis, aqua, aër, & terra*. Reliqua omnia si hominibus suppeterent, *igne* vero destituerentur, non tantum misera maxime vita eorum futura, sed multis etiam frigore pereundum esset. Qui *ignis* porro commoda intelligere cupit, is saltem cogitet, quid ad metalla rite tractanda conferat; quot & quam necessaria ad agriculturam, rem domesticam, & militarem, ad artium quoque variarum progressum & incrementum, inde conficiantur instrumenta; quem in nobilissimis praestantissimisque medicamentis, ad hominum sanitatem conseruandam aut reparandam, praebeat usum; quam eo in cibis coquendis carere nulla ratione queamus. Quam vero utilis & necessarius *ignis* est, tam facile excitari alique potest; materiae quoque, vt lignorum atque arborum, tanta est abundantia, vt tot hominum, tot gentium necessitatibus sufficiat. Qua in re vel maxime prouida Numinis cura elucescit, quod rerum ad hominum vitam sustentandam necessariorum tantam in tellure nostra copiam extare voluerit, vt earum non temere defectus ullus metuendus esset †. De *igne* quod diximus, idem & de *aqua* censendum. De viâ eius in vita quotidiana, lotionibus, balneis, ciborum preparatione, nihil dicam, cum hic omnibus satis notus sit. Pretium eius illi, ni fallor, quam rectissime intelligunt, qui eius penuria laborant, quamuis tanta copia itidem suppeditetur, & tam apte per fluuios & riuos distribuatur, vt homines animantiaque innumera quotidie ea sitim restinguere queant. Non vero hominibus tantum pecudibusque; si *aqua* non esset, pereundum esset, sed plantis quoque arboribusque & herbis omnibus terra distitueretur, quae

aquæ cum primis incrementum & conseruationem debent. Eo magis autem ad hæc omnia aqua est necessaria, quod ipsamet principia quaedam seu particulas, ex quibus corpora componuntur, continet; vnde nonnulli veterum in eam ingressi sunt sententiam, aquam primum rerum omnium esse principium. Piscibus insuper innumeris & animalibus aquatilibus propriam velut sedem præbet; quibus omnibus destitueremus, si fluuïus atque mari tellus nostra non esset instructa ††. Eo magis vero athei stultitiam suam produnt, dum, hoc maxime in nostro orbe reprehendunt, quod tantum eius spatium oceano sit tributum, quod ab hominibus, vt putant, inhabitari posset; & hinc concludunt, tellurem hanc hominum causa non esse conditam. Naturam rerum hinc culpât LUCRETIVS, quod magnam orbis partem teneant

vastæque paludes

Et mare, quod late terrarum distinet oras,

loc. cit. pag. m. 154. Metuere scilicet videntur censores operum diuinorum ineptissimi, ne orbis habitabilis hominibus nimis angustus fiat, vnde & maria in regiones & prouincias mutari, cupiunt. Sed inanem prorsus istum metum esse, facile intelligere possent, si modo secum reputarent, nunquam hodie tot homines nasci, vt non totidem fere morte abripiantur, immo interdum, si morbi epidemici aut clades bellicæ, quæ frequentissimæ sunt, accedant, longe plures. At cui bono, inquit, vastissimus oceanus tantum occupat spatium, in quo plurimæ nobilissimæque regiones locum inuenire potuissent? Sed merito illis reponimus, cur vero plures regiones hominibus concedendæ essent, cum hæcenus nondum omnes incolas habeant? Dum autem sine causa grauissima tantum oceano spatium attributum putant, nihil aliud agunt, quam vt profundissimam physicæ doctrinæ ignorantiam prodant. Vt enim alia, quæ inde ad homines redundant, commoda, & ingentes piscium exercitus,

rus, qui in oceano sedes suas habent, taceam, nemo, nisi rudis omnium rerum, nescit, quanta vi vaporum opus sit, quibus in nubes, rorem, pluuiam condensatis, terra irrigetur, atque ad producendos varii generis fructus foecunda reddatur. Quodsi insuper illorum amplecti sententiam velimus, qui fontes, fluuiosque ex hisce vaporibus oriri contendunt, eo magis patebit, de nimia oceani magnitudine nullas nobis esse conquerendi causas. Quanquam eodem res redeat, si fluuiorum fontiumque origo ex mari per meatus subterraneos deriuetur †††. Cum enim & hac ratione mare fontibus omnibus atque fluuijs sufficere debeat, qui velut per circulationem quandam aquam ex eo accipiunt, & illi reddunt, & praeter haec magna vis vaporum in nubes condensetur, nemini profecto maris amplitudo minus necessaria videbitur. Immo praestantissimis doctrinae naturalis scrutatoribus obseruatum est, si mare tam amplum non esset, ob vaporum defectum, incommoda plurima in tellure nostra oritura. Diuinae autem sapientiae in eo quoque deprehendere vestigium licet, quod venti plerumque ab oceano ad terram ferantur, vt vapores in loca, vbi eorum vsus est, deuchantur. Sed nec illud praetermittendum, quod, cum mare falsum sit, & ob varias rationes esse debeat, aquae tamen inde proficiscentes deposito sale dulcescant. Haec vero omnia sapientissime ita constituta quis neget? Addenda, quae hac de re differit IOANNES RAYVS, in *existentia & sapientia Dei manifestata in operibus creationis*, pag. 82. seqq. De aëre vt multa dicamus, necesse non est. Ad respirationem enim eum necessarium esse, quotidie experimur. Neque hominibus tantum, animantibusque terrestribus, sed ipsis etiam, vt nonnullis obseruatum, necessarius est piscibus. Eius autem consideratio simul ad *meteora* nos ducit, quae tot naturae admiranda nobis exhibent, vt vel sola ad atheum conuincendum sufficiant. Integri libri res esset, si quis *ventorum* (vt horum tantum mentionem faciam) ex-

plicare utilitatem vellet. Hi nubes ab vno loco in alium transferunt, vt eo commodius terram irrigare queant, hi maria ne corrumpantur, mouent, vapores noxios dispellunt, aëremque purum & salubrem reddunt; hi motu suo plantarum arborumque incrementum promouent; hi in regionibus calidioribus frigore quodam amoeno aërem temperant, hominesque & animantia, ne aestu enecentur, reficiunt; hi navigationi, qua remotissimae inter se coniunguntur gentes, quae ipsa coelestis simul per orbem vniuersum propagatur veritas, inserviunt. Ad fulmina equidem & tonitrua quod attinet, TITVS LVCRETIVS CARVS in eo totus est, vt euincat, vel horum exemplo patere, talia fortuito casu, sineque Numinis directione contingere. Innocentes enim non minus, quam nocentes ea ferire, ait; templa deorum aequae ac alias aedes, immo loca prorsus deserta:

Cur etiam loca sola petunt, frustra que laborant?

loc. cit. lib. VI. pag. m. 206. Idem etiam de pluuiis obiici solet, iis non tantum loca fertilia, aut ea, quae ab hominibus coluntur, sed sterilia etiam, deserta, immo rupes & ingentia saxa, irrigari †††. Verum, vt fulmina ac tonitrua non minus, quam pluuias, ad terrae fertilitatem, fructusque varios producendos, & eorum incrementum promouendum facere, nemo dubitauerit; ita & secundum certas naturae leges talia dispensari, eos, qui in naturali doctrina non plane hospites sunt, non fugit. Illae ipsae leges, cum a Deo constitutae atque sancitae sint, quod secundum eas contingit, tantum abest, vt casu fortuito euenire censerique queat, vt potius hoc ipso summam & infinitam supremi Numinis sapientiam arguant. Nec tamen specialis eius directio ab hisce abest, quoties homines fulmine ieli percunt. Improbi enim si sint, scelorum suorum iustissimas hac ratione poenas luunt. Sin vero probi & honesti, Deo quidem itidem causae sanctissimae, nobis tamen parum cognitae atque per-

perspectae, esse possunt, cur eos hac ratione vitam cum morte permutare velit. *Terra* denique ipsa basin & fundamentum praebet, cui pulcherrima Numinis opera sunt superstructa. Haecce hominum animantiumque commodissima sedes est, quae omnibus etiam alimenta, hominibus insuper vestimenta, & quicquid non tantum ad necessitatem, sed & ad ornatum ac elegantiam pertinet, incredibili copia suppeditat. Superficies insuper telluris collibus, vallibus, campis, & montibus distincta, non tantum oculis iucundum spectaculum praebet, sed variis hominum vñibus eam aptiorem reddit. Hic rursus equidem, quod carpant, sibi inuenisse visi sunt athet. Ex horum namque mente *LVCRETIVS* conqueritur:

*Inde anidam partem, montes, siluasque ferarum
Possedere, tenent rupes, vastaeque paludes.*

loc. cit. lib. V. pag. m. 204. Sed ipsi morosi censores nescire videntur, quid sibi velint. Montes enim vñbram subinde gratam non minus, quam necessariam praebere, interdum abundare metallis, quandoque vitibus plantandis inferuire, subinde & certis animalibus praebere sedem, quod & de rupibus obseruandum, plantas quoque atque herbas proferre, quae in vallibus aut planitie non crescunt, nemo est, qui ignoret ††††. Et quis de siluarum vñu dubitet? quae non tantum ligna praebent, tum igni alendo, tum aedificiis extruendis inferitura, sed eiusmodi feris abundant, quae hominibus in cibum cedunt, quibus si & noxiae quaedam accedunt, quaeue hominibus metuendae sunt, id rerum ordo, ac pulchritudo huius vñiuersi ita postulauit, nec tamen damnum inferre hominibus possent, nisi horum culpa hoc contingeret, vt in sequentibus demonstrabitur. Addenda tamen, quae hac de re disserit *RICHARDVS BENTLEIVS, loc. cit. pag. 420.* item *SAMVEL PARKERVS, dissert. II. de Deo, sect. XXIV. pag. 177.*

† Ad singula, quæso! conferas NIKUWENTYT cæterosque, quos hanc argumentorum seriem tractare supra diximus. De igne speciatim hic noto: usum ejus tanti fecisse antiquos, ut nullo non obsequii genere fuerint profecuti. v. DOUGTÆI *Anal. S. ad Lev. 6: 12.* & VITRINGA in *Jes. T. 2. p. 249.*

†† Videatur AALSTIUS *Reden-leer C. 3. p. 28.*

††† v. ODE *Princ. Phil. Nat. P. 2. p. 66. & seqq. & Observat. in omnes Physices Partes*, quas e Gallicana in nostram linguam transtulit P. LE CLERC, P. 1. p. 176. & seqq. de Mirabilibus quibusdam fontium, multifariam Dei sapientiam testantibus v. p. 190. confer NIKUHOF *Leg. Bat. P. ult. p. 74.* & SCHEUCHZERUM *Itin. Alp. T. 1. p. 26. & passim.*

†††† Ejusmodi objectiones æque ineptæ sunt, ac si quis artis ejusdam peritissimo inscitiam objiceret, dum aliquid ex instituti ratione agat, cujus rationem sciolus noster, sed in hac arte rudis, perspicere tamen non queat. Ingenui hominis est, post demonstratam idoneis argumentis Numinis existentiam corollarii loco habere: Numen illud sapientissimum multa agere, quæ, propter infirmas intellectus nostri vires, non valeamus assequi. Immo; iniquos Dei censores rubore suffundi oportet; quod tam multa, quorum usum nescivimus, & quæ olim propterea ab impiis objectabantur, recentiorum diligentia, jam sciamus plane necessaria esse. Ad objectiones, quas hic motas videmus, insuper responderi potest: tonitrua in desertis purgare aërem, ne contagiem contrahat per magnam Atmosphæræ partem deinceps propagandam; pluviam, qua rupes & saxa irrigantur, eundem aërem refrigerare, fluviorum ac fontium origini inservire &c. adde quæ Celeb. Auctor notavit, & conf. J. A. HOFFMANS *neue erklärung des Buchs Hiobs ad C. 5: 10.* vide quoque *Job. 38: 26, 27.*

††††† Glaciales montes & nivosos ne quidem sua utilitate carere, ostendit SCHEUCHZER *Itin. Alp. T. 1. p. 280. & seqq.*

** Ingentes illi, quos terra subministrat, thesauri, partim in visceribus ejus latent, hominum industria

stria inde eruendi, partim in superficie eius conspiciuntur. Ad priorem classẽ præter lapides preciosos, metallorum pertinent uaria genera, de quorum multiplici vsu nemo dubitabit, nisi qui rudis est eorum omnium, quæ quotidie inter homines geruntur. Licet vero etiam ad vitia alenda, & mala quæuis perpetranda adhibeantur, id tamen cum hominum culpa fiat, conditoris sapientiam & benignitatem, quæ in iis elucescit, obnubilare nequit. Ad posteriorum classẽ vegetabilia, herbarum, plantarum, arborum, florum, fructuum varia genera pertinent, in quibus cum varietatem, an amoenitatem, an vsum egregium in alendis, adiuvandis, delectandis & reficiendis hominibus, magis admirari debeamus, dubii merito ancipitesque hæremus. Legenda, quæ de plantis disserit HENRICVS MORVS, in *antidoto aduersus atheismum* cap. V. VI. VII. ubi ostendit, quo pacto ex earum pulchritudine, signatura & utilitate, existentia ac prouidentia Dei demonstrari queat. Nos missis reliquis de *frumento* saltem aliquid addemus, quod inter plantas omnes haud dubio principatum tenet. Primo namque structura admirabilis in eo occurrit, culmo ad iustam magnitudinem excrecente, tubulisque variis instructo, quibus succus nutritius ad grana deferitur, tum internodiis quibusdam distincto, ut eo commodius sustentetur. Grana porro ipsa aptissime loculis inclusa spicis continentur, & contra auicularum aut insectorum insultus aristis muniuntur. *Omnium satorum fructus*, inquit PLINIVS, *spicis continetur, ut tritici, hordei, muniturque valla aristarum quadruplici, aut includitur siliquis, ut leguminum, aut vasculis, ut sesamæ ac papaueris*, *histor. natur. lib. XVIII. cap. VII. pag. 424.* Cum vero panis præcipue conficiendo inserviat, præstantissimum sane, aptissimum, atque saluberrimum alimentum hominibus præbet. Eumque in finem vberissimum eius prouentum Deus esse voluit, quo & de tritico iam obseruauit PLINIVS: *Tritico nihil est fertilius; hoc ei natura tribuit* (re-
ctius

Etius dixisset Deus, ceu naturae auctor) quoniam eo maxime alat hominem, utpote cum e modio, si sit aptum solum, quale in Byzacio, Africae campo, centeni quinquageni modii redduntur. Misit ex eo loco Dino Augusto procurator eius ex vno grano (vix credibile dictu) quadringenta paucis minus germina, extantque de ea re epistolae. Misit & Neroni similiter CCCXL. stipulas ex vno grano, loc. cit. cap. X. pag. 439. Magnum praeterea diuinac bonitatis est argumentum, quod non modo in regionibus temperatis frumentum nasci uoluerit, sed etiam calidissimis, ut Africa, ac frigidissimis, ut Russia, Suecia; uti recte etiam obseruatum GERHARDO IOANNI VOSSIO, de origin. & progressu idololatriae libr. V. cap. X. pag. 617.

*** Plurima fane in animalibus occurrunt, quae ut admiratione digna sunt, ita existentiam prouidentiamque Numinis euidentissime demonstrant. In structura corporum primo generatim obseruandum, eam ita comparatam esse, ut quoduis animal alimentum illi conueniens assumere, comminueret, digerere queat, ut hinc in chylum, porroque in sanguinem mutatum, per sanguinis circulationem, reiectis superfluis, ad corporis nutritionem & incrementum, speciei quoque propagationem, rite dispensetur. Cumque terrestria animalia, praesertim quadrupedia, victum in terra quaerere debeant, sapientissimus naturae artifex ea ita formauit, ut caput in terram pronum haberent. Eundem in finem quatuor pedibus ea instructa videmus, cum totidem iis essent necessarii ad motum naturae eorum conuenientem. Si tribus tantum instructa fuissent, non potuissent ita commode incedere. Plures autem iis superuacanei fuissent; conf. HENRICVS MORVS, antidot. aduers. atheism. libr. II. cap. X. pag. m. 79. Homo contra cum erectus incedere deberet, tota corporis structura eo comparata est. Immo ob nimiam inaequalitatem longitudinis brachiorum atque crurum, ad pronum incessum plane

plane ineptus est. De sensuum organis, auribus speciatim & oculis, naturae, animalium prorsus accommodatis, multa dici possent. Sed de oculis † saltem obseruo, animalia non pauca *septimo musculo*, quaedam etiam *membrana nictitante*, seu *periophthalmio* instructa esse, cum homo vtrisque careat. Nimirum musculus ille suspensorius, non poterat non insigni vsui esse animalibus gramine vescentibus, ac victum humi conquirentibus, cum alias absque molestia & lassitudine oculos tamdiu deorsum pendulos tenere vix valeant; quod homini non aequè necessarium erat, quippe cui non temere caput tamdiu prouum demittendum est. Nictitantem vero membranam, ranis, auibus, quadrupedumque nonnullis datam, viri quidam harum rerum peritissimi coniiciunt, vt ipsius ope talium animantium, sentes, vrticas, frondes arborum, algasque acutas frequenter nimis peruadentium cornea, ab externis iniuriis sit tutior, membraneo hoc quasi specillo, oculum illacsum conseruante, nec tamen interim ob sui pelluciditatem visionem in totum impediende; quo quidem oculorum munimento homini, ob diuersam victus rationem, opus non fuisse nemo non intelligit. Talpis praeterea oculi adeo pusilli obtigere, vt minoris aciculae capitulum mole non multum superent; quippe qui animali, in tenebricosis terrae cauernis vt plurimum degenti, adeoque lucis vsura parum egenti, sufficiebant; cum lepori contra, animalculo meticuloso, & iugiter pericula prospectanti, oculos tam eminenti cornea naturae auctor concessit, vt non minus fere, quae pone tergum, quam quae ante se fiant, cernere possit ††. Quam apte vero structura corporum in animalibus, tum eorum naturae, tum & loco, in quo degere, seque mouere debent, respondeat, vel maxime tum *volatilium*, tum *aquatilium* exemplo patet. Ad *volatilia* enim quod attinet, non tantum loco pedum anteriorum alis duabus Deus ea instruxit, sed musculos etiam, qui alarum motui inferuiunt, formauit, qui ratio-

ne

ne extensionis pariter ac roboris motui huic pares essent. Superior praeterea pars alarum conuexa, inferior concava est; quod ad aërem verberandum, corporisque sustentandum pondus plurimum confert. Corporis structura naui haud est absimilis, caput vero, cum reliquo comparatum, plerumque pusillum, & in figuram quandam acutam per rotitrum desinens, quod ad secandum aërem, transitumque faciliorem reddendum, prorsus necessarium erat. Corporum enim latiorum motui magnum aër impedimentum adfert. Ipsum praeterea corpus, magnitudinis habita ratione, longe leuius est, quam animalium terrestrium, & pennis insuper leuissimis instructum, vt adeo accedente alarum expansione, facile tantam aëris columnam occupet, cui altera columna cedat; & hinc facili negotio eiusmodi corpus suspensum in aëre teneri potest. Pulmones insuper, si corporum proportionem spectes, longe maiores sunt in auibus, quam reliquis animantibus; imino & a superiori pariter ac inferiori parte aërem admittunt; vnde corpora earum multo leuiora reddi necesse est, quod ad volatum prorsus est necessarium. Patet hinc, si equus aut taurus vel maxime alis, magnitudini corporis eius respondentibus, instructus esset, cum tamen volare non posse; quia corporis structura reliqua non respondet. Caudam vero in auibus idem esse, quod gubernaculum in nauibus, iam pridem viris doctis obseruatum est †††. Hinc de miluis PLINIVS scribit: *Idem videntur artem gubernandi docuisse caudae flexibus; in coelo monstrante natura, quid opus esset in profundo; histor. natur. lib. X. cap. X.* Pennarum etiam, quibus ad volandum opus est, structura admirabilis est, & huic instituto prorsus accommodata. Harum enim pili ita inter se sunt complexi, vt per tenuia sua interstitia aëri com meatum quidem, sed difficulter praebeant, vnde resistentia quaedam oritur, quae ad volatum itidem est necessaria. Eadem pennarum structura efficit, vt madefactae, cito tamen iterum exsiccentur, vt expandi facile & iterum complicari queant,

queant, nec per vim aëris aut venti temere rumpantur; quod facile contingere posset, si alae ex continua quadam membrana compositae essent. Haec vero omnia sapientissime ita a naturae auctore constituta esse, quis neget? De *aquatilibus* similia obseruari possent. Nec enim profecto casu fortuito contingere potuit, vt branchiae in piscibus pulmonum vicem sustinerent, parique venarum & arteriarum copia, ad sanguinem aqua refrigerandum, quemadmodum per pulmones in aliis animalibus refrigeratur, repletae essent. Quis vero vesicam aëre refertam, quae in illorum corporibus conspicitur, sine consilio iis concessam assereret, cum, sine ea si essent, non possent corpus tenere in aequilibrio, aut natare, sed statim fundum maris aut fluuiorum peterent? Sed. mitto reliqua, de animalantium *nutritione* generatim obseruans, pro eius diuersitate, diuersa quoque iis concessa esse organa. Terrestria vt & aquatilia dentibus instructa sunt; diuersae quamuis figurae atque structurae, pro alimentorum, quibus pasci debent, diuersitate. Volatilia contra, ea praesertim, quae granis vescuntur, ventriculum etiam longe aliter constructum habent, quam animalia, quae cibum dentibus comminuunt. Primo enim glandulosus quidam bulbus sese offert, qui infundibili instar est, in quo grana aliquantisper asseruantur, & admixto liquore comminutioni praeparantur. Ista vero comminutione beneficio duorum muscutorum peracta, alimenta in pylorum seu ventriculi fundum concidunt, vbi ab admixtis quisquiliis repurgantur; quem in finem pylori etiam sedes elata est, & descensus ex eo mollior, ne frumentum ex ventriculo excidat, priusquam comminutum sit, quemadmodum & septum aliquod intercedit, ne attrita cum integris commisceantur; vti iam a me obseruatum *element. philos. theoret. part. II. cap. I. §. XVII.* Ad *conseruationem* singulorum animalium pertinet, quod quaedam armis velut instructa sunt, quibus contra aliorum insultus ad sui defensionem vtantur, eorum

eorum vero, quae eiusmodi armis destituuntur, securitati Deus pro incredibili sua sapientia, alia ratione consuluit. Nec arma modo quibusdam animalibus concessit, sed instinctum quoque iis vtendi illis indidit. Notum est illud HORATII:

*Dente lupus, cornu taurus petit, unde nisi intus
Monstratum.*

Non minus & illud LVCRETII notum:

*Sentit enim vim quidque suam, qua possit abuti,
Cornua nata prius vitulo, quam frontibus extant,
Illis iratus petit, atque insensus inurget.*

Quae vero & armis eiusmodi & robore destituuntur, vt meticulosiora sunt, ita eorum corpora ita constructa sunt, vt imminens quam citissime sentire periculum, & fugae celeritate eidem se subducere queant. Vel leporum hoc patet exemplo, de quorum oculis vt antea iam obseruauimus, eos ita comparatos, vt fere pone tergum non minus, quam quae ante se fiant, cernere possint, ita & aures oblongas, concauas & facile mobiles illis obtigisse, constat, vt sonum quemuis e longinquo venientem eo citius perciperent, & periculum imminens declinarent. Musculorum etiam quorundam, immo ipsorum pedum, quorum posteriores longiores sunt anterioribus, structuram fugae celeritati egregie inservire, viris harum rerum peritis pridem obseruatum est. Huc & solertia & naturalis velut quorundam animalium, vt vulpium, calliditas spectat, qua & armorum & roboris defectum supplent. Ea autem, quibus haec omnia denegata sunt, vt ouis, vtilitate sua ita se hominibus commendant, vt hi illorum curam libenter fuscipiant, & non tantum alimenta subministrant, sed & contra aliorum animalium insultus defendant. Ad totius denique *speciei conseruationem* sobolis perituer procreatio, quae innumera itidem prorsusque mira-

mirabilia sapientiae atque providentiae diuinæ documenta suppeditat. Quaedam animalia *vinipara* esse constat, quaedam *ovipara*. Non temere id ita constitutum esse, facile intelliget, qui consideraue-rit, quorundam animalium, ut volatilium, naturae & indoli magis esse conueniens, ut ova pariant, quam ut viuos foetus in lucem edant. Praeterquam enim, quod hoc conseruationi & multiplicationi eorum inferuiat, si pullos in vtero tam diu gestare deberent, donec omnia corporis membra rite essent formata, hoc volatum eorum esset impediturum. Cumque terrestria animalia, quamprimum in lucem edita sunt, lacte materno alantur †††, volatilium contra corpora ita constructa sunt, ut per internam eorum dispositionem liquor aliquis iis subministretur, donec sensim granis alimentisque solidioribus aduescant. Volucres, quae pullis suis cibum adferunt, cum inter omnes ita distribuunt, ut nullum praetermittant, etsi omnes simul cibo, cum adfertur, ore aperto inhient. Quoque pluribus maioribusque periculis animum pulli in nidis suis expositi sunt: eo citius crescunt, & ad eam perfectionem perueniunt, ut sibi ipsis prospicere, suaeque consulere securitati queant. Nec praetermittenda apta inter masculos & femellas, si numerum species, proportio, quam in omnibus animalibus conspiciere licet. Si enim ex materiae necessitate aut casu fortuito cuncta euenirent, facile fieri posset, ut per multos annos, aut aliquot etiam secula, tantum mares, aut tantum femellae producerentur, quod speciei istius interitum post se tractatum esset. Iam vero cum id nunquam contingat, sed masculorum numerus quodammodo respondeat numero femellarum, ut hac ratione quaelibet species conseruetur, quis non Numinis agnoscat atque miretur sapientiam? Nec sine animaduersione praetermittendum, animalia pleraque tempus, quod fouendis alendisque pullis maxime accommodatum est, quam accuratissime obseruare. Tempore enim verno ea foetus suos edere videas, quod

V.

gra-

gramina mollia producendo, gratoque tepore, fouendis iis, alendisque, longe est aptissimum. Quis vero non obstupescat, cum considerat, secumque expendit, quanto artificio volucres nidos suos construant? quam caute & circumspicte loca tutiora seligant? quanta in his omnibus solertia elucescat? Recte nonnullis obseruatum, quosdam tam apte, tam concinne extructos nidos, vt vix ab hominibus eiusmodi quid fieri, certe aptius nihil excogitari queat. Vt autem mirificus aliquis instinctus animalium in pullis alendis nutriendisque, ita non minor in iis contra quasuis iniurias defendendis, sese exerit. Hinc minores etiam bestias, cum primis gallinas, suae velut imbecillitatis immemores, acriter in eos insurgere videas, a quibus vel minimum pullis suis imminet periculum, vel qui propius saltem ad eos accedunt. Nec in perfectioribus saltem animalibus, sed & imperfectioribus, immo ipsis insectis, talia obseruare licet. Quis enim papiliones oua sua arboribus non tantum affigere, sed & lanugine quadam vestire & inuoluere docuit, vt non tantum eo tutius delitescant, sed prodeuntes etiam verno tempore erucæ, in ipsis arboribus, tenerrima folia protrudentibus, alimentum inueniant ††††? Sed figere hic pedem rerum multitudo iubet. Non enim omnia persequi vacat. Quid vero ad haec omnia athei? Instinctum forte naturæ obiciunt? Vnde vero hicce instinctus, qui profecto sine consilio & summa sapientia esse nequit?

† Oculi fabricam validissimum pro Dei existentia argumentum præbere, quemlibet, qui ejus structuram novit, fateri oportet.

†† Muscarum oculi cum sint immobiles, hoc iis damnum Deus compensavit, innumeris pupillis; ut LEEUWENHOEK, nisi me memoria fallat, observavit, & ipse vidi oculis, microscopio munitis.

††† Dignum notatione est: aves, quarum caudæ oblongæ sunt, volitare pedibus contractis; illas vero, quæ bre-

breviuscula cauda instructæ sunt, volatum carpere iisdem in partem posticam extensis, ne, dum cauda non sufficiat, gubernaculo distituantur.

††† Cum mammæ Elephantorum anteriori loco, sub armis, sint positæ, juxta STURMIUM *Phil. Elect. T. 2. Exerc. 12. C. 4. §. 8.* eo respexisse videtur conditoris sapientia, ut lactenti pullo commodissimus accessus pateret. Proboscis enim, qua pulli quoque gaudent, nullibi oris applicationem minus impedire potest. conf. STURMIUM *l. l. §. 10.*

†††† Qui in *insectis* Dei manum agnoscere cupit; adeat quoque illos, qui naturalem historiam de iis conscripserunt. Hos inter ultimum locum non tenent ZWAMMERDAM & de REAUMUR.

§. VI.

Cum primis vero ipsa hominis consideratio argumenta nobis luculentissima præbet, quibus & existentia & sapientia Numinis evidentissime probari potest. Corporis nimirum, singulorumque membrorum eam structuram, dispositionem, proportionem deprehendimus, ut nihil aptius, aut concinnius, aut ad vsum, quem quodlibet membrum præstare debet, aut ad finem, ob quem hominem conditum ex naturæ eius contemplatione facile condiscimus, accommodatius excogitari queat*.

* Amplissimus hic se nobis offerret dicendi, variasque observationes proferendi, campus. Sed cum instituti nostri nobis habenda sit ratio, & ab aliis iam hocce argumentum copiose pertractatum sit, præcipua saltem summis, quod aiunt, digitis, attingemus. Generatim si corpus hominis consideremus, primo *statura* eius *erecta* sese nobis offert, quæ homini ita propria est, ut ea ab aliis animan-

tibus omnibus distinguatur. Hanc vero ei obtigisse, ut eo liberius coelum contemplari, & hinc tum eius, tum huius vniuersi conditorem agnoscere posset, iam ethnicis fuit obseruatum. Audire hac de re TVLLIVM iuuat, qui ad hanc, inquit, *providentiam naturae tam diligentem, tamque sollertem adiungi multa possunt, e quibus intelligatur, quanta res hominibus a Deo, quamque eximiae tributae sint: qui primum eos humo excitatos, celsos & erectos constituit, ut deorum cognitionem, coelum intuentes, capere possent. Sunt enim e terra homines non ut incolae, atque habitatores, sed quasi spectatores superarum rerum atque coelestium, quarum spectaculum ad nullum aliud genus animantium pertinet; de natur. deor. libr. II. cap. LVI.* Oculorum equidem in aliis animantibus is positus est, ut coelum itidem intueri possint: sed homines ipsa statura erecta, eos speciali ratione ad coelum contemplandum, animumque a rebus caducis & terrestribus abstrahendum, conditos esse, admonet †. Nec tamen negauerim, erectae istius staturae alios quoque fines aliosque usus esse posse; scilicet ut caput eo commodius sustinere queant, quod ob maiorem cerebri copiam grauius est, corporis obseruata proportionem, quam in reliquis animantibus; item, ut commodius ad omnes partes circumspicere, periculaque, si quae forte immincant, euitare queant, & quae reliqua sunt eiusdem generis. Alterum, quod generatim in humani corporis structura admiratione dignum, maxima *vultuum* in singulis hominibus est *varietas*, quae tanta est, ut in multitudine ista innumera hominum raro admodum vel duo inueniantur, qui sibi, quae vultum, prorsus sint similes. Idque eo magis mirandum, quod partes, ex quibus vultus componitur, non adeo multae, & vnius insuper generis sint, & nisi experientia hoc doceret, incredibile videretur, tantam inde prodire posse varietatem. Obseruatum id iam PLINIO est, qui cum de sermionis & linguarum varietate verba fecisset, addit:

dit : *Iam in facie vultuque nostro cum sint decem aut paulo plura membra , nullas duas in tot millibus hominum indiscretas effigies existere , quod ars nulla in paucis numero praestet affectando ;* *hystor. natur. libr. VII. cap. I. pag. 394.* Neque exillimandum , temere aut sine consilio sapientissimo tantam vultuum in hominibus varietatem extitisse. Ad vitae socialis incommoda grauissima euitanda hoc prorsus necessarium erat. Quae enim , quaelo , rerum omnium oritura esset confusio , si homines hac ratione a se inuicem non possent dignosci ? In pactis , conventionibus , contractibus , nemo certus esse posset , quocum sibi esset negotium. Mox enim vnus negare posset , secum actum esse , mox alter , quocum actum non erat , hoc adfirmare. Nullum puniri temere crimen , quantumvis atrox , posset , cum nemo , quis illud commisisset , certus esse posset. Principes rerumque dominos tollere e medio , aliosque in illorum substituere locum , nisi vultuum prohiberet varietas , facillimum admodum foret. Quid de fraudibus , de adulteriis ; quid de falsorum testium subornatione dicam ? quae omnia & alia eiusdem generis euitari , nisi vultuum varietas obstitaret , nulla ratione possent ††. Possem & de *varietate vocum* , itemque de *scripturae varietate* , quae non minor fere est , quam vultuum varietas , aliquid addere , sed hisce immorari diutius non licet. In generali vero ista humani corporis consideratione *perfectio* eius se porro nobis offert , dum nullum prorsus , quod ad hominis aut decus aut conseruationem pertinet , membrum deficit , nullum quoque redundat , vt eo carere queat. Ipsi pili , etsi inter naturae excrementa referantur , partim ad ornamentum , partim ad corporis conseruationem , dum in capite ad frigus inde arcendum , in superciliis ad oculorum munimentum faciunt , comparati sunt. Aptissimus etiam membrorum situs hic in censum venit. Eleganter , vt multa alia , ita hoc quoque obseruatum CICERONI : *Sensus autem , interpretes ac nuncii rerum , in capite , tanquam*

quam in arce, mirifice ad usus necessarios & facti & collocati sunt. Nam oculi tamquam speculatores altissimum locum obtinent, ex quo plurima conspicientes funguntur suo munere. Et aures, cum sonum percipere debeant, qui natura in sublime fertur, recte in altis corporum partibus collocatae sunt. Itemque nares, eo quod omnis odor ad supera fertur, recte sursum sunt: & quod cibi & potionis iudicium magnum earum est, non sine causa vicinitatem oris secutae sunt. Iam gustatus, qui sentire eorum, quibus vescimur, genera deberet, habitat in ea parte oris, qua esculentis & potulentis iter natura patefecit. Tactus autem toto corpore aequabiliter fusus est, ut omnes ictus, omnesque nimios frigoris & caloris appulsus sentire possimas. Atque ut in aedificiis architecti auertunt ab oculis & naribus dominorum ea, quae profluentia necessario tetri essent aliquid habitura, sic natura res similes procul amandauit a sensibus; de natura deor. libr. II. cap. LVI. Addi his & alia possent, munimenta scilicet praecipuarum humani corporis partium, cerebri, cordis, pulmonum, quibus earum securitati prouida Numinis cura quam accuratissime prospexit; quorundam membrorum, ut oculorum, aurium, narium, manuum pluralitas, ut si casu quodam vnus usus interciperetur, alterum non decisset; summa in structura, numero, ordine, proportionem membrorum constantia, & quae his sunt similia; quae cum hominibus maximam partem cum brutis sint communia, & alias quoque obuia, copiosius ea edisserere ab instituti nostri ratione alienum putamus. Multo vero minus omnium atque singulorum membrorum structuram, situm, usum explicare licet, quippe quod non vnus esset voluminis. In hisce autem licet humani corporis structura in quibusdam conueniat cum structura corporis brutorum, in nonnullis tamen discrepat; quorum illud documento est, voluisse Deum ad eundem effectum eadem quoque adhibere media; hoc vero, cum ad alium eumque nobiliorem finem homo con-

conditus esset, membra quoque, quae eo facerent, eique propria essent, eum illi voluisse concedere; quorum vtrumque summæ sapientiae est argumentum. Vtque posterioris vel vnicum exemplum adferam, vel manum, eiusque structuram mirabilem, & ad opera praestantissima conficienda longe aptissimam, considerare iuuabit. Paucis, sed more suo, hoc est, eleganter, quicquid hac de re dici potest, complectitur C I C E R O: *Quam vero aptas, quamque multarum artium ministras manus natura homini dedit! Digitorum enim contractio facilis, facilisque porrectio propter molles commissuras, & artus, nullo in motu laborat. Itaque ad pingendum, ad fingendum, ad scalpendum, ad nervorum eliciendos sonos ac tiliarum, apta manus est, admotione digitorum. Atque haec oblectationis, illa necessitatis, cultus dico agrorum, extructionesque tectorum, tegumenta corporum vel texta vel suta, omnemque fabricam aeris & ferri: ex quo intelligitur, ad innenta animo, percepta sensibus, adhibitis opificum manibus, omnia nos consecutos, ut tecti, ut vestiti, ut salui esse possimus; vrbes, muros, domicilia, delubra haberemus, de natur. deor. libr. III. cap. LX. Copiosius vero & ex instituto, quo pacto ex manus structura, Dei existentia probari queat, peculiari dissertatione ostendit CHRISTIANVS DONATI, philosophus olim Wittebergensis clarissimus. Eadem vero etiam ratione, ex oculi structura, Dei existentiam peculiari dissertatione demonstravit IOANNES CHRISTOPHORVS STVRMIVS, quae extat in *philosophia eius ecclētica*, tom. I. ex auris structura, IOANNES ANDREAS SCHMIDIVS, theologus Helmstädiensis clarissimus, ex cordis structura, B. GEORG. ALBERTVS HAMBERGERVS, physices & mathecos quondam in nostra academia professor longe dignissimus; alii ex aliis partibus †††. Vsum praeterea & structuram singularum humani corporis partium, ut praeter GALENVM, de *usu partium*, anatomici recentiores accurate explicarunt, ita, quo pacto ex iis existentia & sapientia Numinis elucescat, ex in-*

stituto demonstrant SAMVEL PARKERVS, de *Deo & providentia disp. V. sect. V. seqq.* IOANNES RAIUS, *existent. & sapient. Dei manifestata in creaturis part. II. pag. 290. seqq.* & in compendio FRANCISCUS DE SALIGNAC DE LA MOTHE-FENELON, de *l'exist. de Dieu artic. XXXIII. seqq.*

† Adde tritum illud: *Os homini &c.* sed ejusmodi argumenta potius valere jufferim: cum ratione enim objici potest: hominis oculos, in statu naturali, *horizontem* directe demum respicere; quadrupedes nonnullos vero, aves quoque, & imprimis planipifces magis directe *caelum* tueri. v. *Journal des Savans Fevr. 1736. Art. 1.*

†† Eodem argumento jam usus fuit NEMESIUS *de nat. hom. C. 42. conf. Auctoris Th. dogm. L. 2. G. 2. §. 43.*

††† Confer J. F. WUCHERRI *Atheum e structura cerebri convincendum*, & J. W. FEUERLEINS *diatriben de loquela hominis exist. & Provid. Divina argumento*; v. *Historische und Philos. einleitung &c. P. 5. p. 159.*

§. VII.

Non minus tamen luculenta sunt, & sua velut luce radiant, quae ex animae consideratione fluunt, argumenta. Ea enim cum & cognoscendi & volendi facultate sit praedita, hinc & ab omni materia secreta atque remota, eiusque adeo prorsus expers, ei, a quo originem ducit, hoc est, Deo, vniuersi huius conditori longe potentissimo, haec omnia eminentissima quadam ratione conuenire, eumque adeo substantiam a materia plane distinctam, summa non tantum potentia, sed intelligentia etiam, sapientia & libertate, perfectionibusque infinitis praeditam esse, firmiter hinc colligimus*.

* Si

* Si quis, cogitationibus suis ad se ipsum conuerfis, mentem suam, & quae in ea, ac per eam, singulis momentis geruntur, paulo attentius consideret, non minora nec pauciora, quae illum in stuporem coniecere queant, quam in coelo & terra, & omnium plantarum, lapidum & animantium corporibus deprehendet. Primo namque facultas rerum innumerarum ideas sibi formandi in ea se nobis offert. Complexum hic, seu compendium aliquod totius orbis, conspiciere licet. Quicquid coelum, quicquid terra, quicquid mare continet, eorum omnium imagines mens hominis complectitur. Infinita fere sunt, quae auribus, gustu, tactu, olfactu, percipimus; horum vero omnium ideas atque imagines mens complectitur †. Ex rerum porro omnium, quae sensibus externis percipiuntur, comparatione, & ad se inuicem relatione, aliae rursus ideae oriuntur; has omnes mens complectitur. De hisce omnibus cum alii homines multa dicant, scribant, variaque iudicia ferant, haec omnia mens complectitur. Accedunt ad haec omnia facta & res gestae variae, integrarum gentium, hominumque singulorum, instituta, mores, consuetudines; haec omnia mens complectitur. Neque tantum haec omnia numero infinita mens humana complectitur, aut saltem complecti potest, sed ita etiam complecti potest, ut nulla inde oriatur confusio; immo, ut, si non omnia, certe pleraque, quorum semel impressas ideas habet, quodcumque libuerit, iterum reuocare, sibi que tanquam praesentia sistere; ex comparatione idearum, earundemque ad se inuicem relatione, plane nouas atque abstractas formare; tum has iterum, tum inter se inuicem, tum cum aliis comparare, num conueniant, an sibi repugnent, iudicare, & ita porro rationes subducere queat. In hisce vero omnibus, num idearum multitudinem, an celeritatem incredibilem, qua in vnico temporis momento, locorum in Europa, Africa, America, sitorum, imagines nobis exhibere valeamus, an ordinem & confusionis euitationem,

magis mirari debeat, vir sapiens anceps merito dubiusque haerebit. Iam si capitis, in quo vim harum operationum maxime experimur, structuram consideres, si cranium aperiās, si remoueas meninges, si substantiam illam mollem, quae maximam cranii cavitatem replet, diuidas, separe, nihil plane ibi, quod eiusmodi operationum causa esse queat, reperiēs. Vnde non potest non sua sponte sequi, aliam quandam in homine esse substantiam, diuersam quidem a corpore, sed arētissimo tamen vinculo cum eo coniunctam, quae tam mirabilium operationum causa sit, & cum loco angustissimo inclusa nobis videatur, vastissimum tamen totius orbis ambitum ineffabili compendio complecti queat. Eandem vero etiam substantiam materiae omnis expertem esse, hinc consequitur. Quo pacto enim substantia materialis capax esse queat eiusmodi operationum, nullo modo concipere licet. In materia namque generatim spectata nihil aliud, quam extensionem, diuisibilitatem, facultatemque recipiendi motum, variasque figuras, deprehendimus. Haec autem omnia quocunque modo consideres, in quamcunque verses partem, quacunque ratione disponas, nihil tamen inde, quod cogitationi, nedum tam multis cogitationum modis respondeat, elicies. Quodsi forte exiltimes, eam speciatim materiam, quae homini propria est, ad cogitationes formandas aptam esse, fac periculum, & eam paulo attentius considera. Num in sanguine, num in spiritibus animalibus, num in cerebro eiusmodi quid deprehendis? Immo, si haec omnia diuidas, separe, in prima elementa resoluas, nihil tandem aliud, quam vniuersales materiae proprietates, de quibus antea dictum, offendes. Instas, non equidem materiam solam, sed motum materiae superadditum talia efficere. Sed finge motum, quemcunque velis, eumque velocissimum; finge subtilissimas materiae partes, sursum, deorsum, dextrorsum, sinistrorsum moueri, nullam inde perceptionem, nullam cogitationem, nullam ratiocinationem produces ††. Manifesta

nifesta haec omnibus sunt, euidentiùs tamen adhuc ea demonstrat RICHARDVS BENTLEIVS, in *stultitia & irrationabilitate atheismi*, pag. 75. seqq. Quam turpiter autem hic se traducant athei, dum explicare volunt, quo pacto substantia materialis percipere & intelligere queat, vel TITVS LVCRETIVS CARVS omnes suo conducere exemplo potest. Nimirum cum animam, corpus perquam subtile, rotundis particulis minutissimis constans esse, dicat, simul tamen, ex quatuor quasi naturis eam compositam esse, docet, aërea, ignea, statuoſa, & quarta anonyma, qua nihil sit mobilius, nihil tenuius. Sed ipsum hac de re audire iuuat:

*Quarta quoque his igitur quaedam natura necesse est,
Attribuatur. Ea est omnino nominis expertis:
Qua neque mobilius quidquam, neque tenuius extat.*

De rer. nat. libr. III. pag. m. 80. Et hancce quartam naturam, cuius ipse nomen nescit, sensus & intellectus propriam sedem statuit; hinc & eam deinceps animae animam vocat:

*Nam penitus prorsum latet haec natura subestque:
Nec magis hac infra quidquam est in corpore nostro,
Atque anima est animae porporro totius ipsa;*

loc. cit. pag. 81. Sed, si quaeras, qua demum ratione quarta haec natura intelligat? non alia ratione id fieri LVCRETIVS cum Epicuracis suis censet, quam εἰδῶλον seu simulacrorum subtilium ἐμπτύσει, seu ad animam adpulsu; qua de re ita porro loquitur:

*Corpora haec quoniam penetrant per rara cientesque
Tenuem animi naturam intus sensumque laceſſunt.*

loc. cit. lib. IV. pag. 131. Quae quidem εἰδῶλα Epicurus apud DIOGENEM LAERTIVM lib. X. sect. XLVI, τῶντις vocat, LVCRETIVS non tantum *simulacra*,

lactra, sed & *spectra*, CICERO *imagines*, QUINTILIANVS *figuras*. Quodsi porro quaeras, qua ratione fiat, vt mens statim, quod vult, cogitare queat, respondent, vbique omnifaria adesse simulacra, ex quibus ea tantum mentem adficient, ad quae cum attentione quadam se conuerterit; reliqua praetermitti; quod pluribus LVCRETIVS, *loc. cit. pag. m. 132.* explicat. Haec vero cum ineptissima esse nemo non intelligat, simul manifestum est, ab his, qui explicare volunt, quo pacto substantia materialis cogitare queat, nihil, nisi quod ineptum sit, proferri posse. In altera mentis nostrae facultate, quam *voluntatem* dicimus, libertas praecipue se offert, cum imperio quodam, tum in reliquas mentis facultates, tum in ipsum corpus coniuncta †††. Libertatem autem intelligimus a necessitate, & quidem eam, quam homo in naturalibus habet. De spiritualibus enim nobis nunc sermo non est. Haec vero in eo consistit, quod in rebus plurimis se ad agendum vel non agendum. vel hoc aut illo modo agendum, itemque ad eligendum illud, ad aliud respuendum, prout illi visum, & prout lubet, se determinare queat. Potestas vero seu imperium, vt alii vocant, quod in intellectum habet, non in eo quidem consistit, vt efficere queat, vt res aliter cognoscat, quam eas cognoscit ††††, hoc tamen facile & vel nutu quodam ab intellectu impetrat, vt mox has, mox alias ideas sibi exhibeat, alios mox dimittat, mox reuocet alias, aliis iterum considerandis, cumque aliis comparandis, diutius inhaereat; qua quidem ratione saepissime contingit, vt res cognitae longe aliter se nobis, quam antea, exhibeant, vt vera esse credamus, quae antea falsa & erronea visa, & erronea & falsa, quae antea pro veris habuimus, vt nunc ceu honesta vel decora placeant, quae antea ceu turpia & foeda damnaui-
mus, & vice versa. Quodsi nunc repetamus, quantae rerum diuinarum, humanarum, naturalium pariter ac moralium sit multitudo, quas homo vasto intellectus ambitu complectitur, quousque etiam
lini-

limites imperii, quod voluntati tribuimus, porrigantur, facile intelligitur. Sed in corporis etiam membra quaedam imperium obtinet, v.g. linguam, manus, pedes, ut ea pro lubitu movere, aut motum vel determinare varia ratione, vel etiam sistere queat; quemadmodum & oculos claudere ac aperire, in hominis positum est potestate. Quo minus autem hactenus ullus philosophorum explicare potuit, quo pacto fieri queat, ut statim & in unico momento temporis, ad nutum voluntatis spiritus animales mox ad huius, mox ad alterius membri musculos descendant, & motus tam varios efficiant, eo hoc omnium, qui ista unquam considerarunt, iudicio, est mirabilius. Effectus autem, qui hinc oriuntur, tam varii, tamque admirandi sunt, ut eos omnes enumerare velle, non unius voluminis res esset. Libertate autem quadam in his omnibus nos gaudere, tam intime nobis ipsis conscii sumus, quam certo scimus, nos existeri, & non prorsus nihil esse. Nihil amplius, ut huius rei convincamur, opus est, quam ut cogitationes nostras ad nos ipsos convertamus, & consideremus, quae quotidie, immo singulis horis in nobis ipsis peraguntur. Accedit, quod omne dubium eximere potest, quod subinde, quae inclinationi ac propensione nostrae repugnant, agamus. Nimirum cum ratio subinde dicat, noxium nobis fore, si inclinationis nostrae ductum sequeremur, tum, nisi adfectus vehementia obstat, voluntas corporis motus ad ea fugienda vel evitanda, ad quae ceteroquin appetitus fertur, determinat. Quod profecto facere non posset, si libertate non gauderet. Ridiculi hic iterum sunt Epicuræi, qui cum non omnem voluntati libertatem denegare audeant, per *motus declinationem*, quam atomis tribuunt, & de qua supra dictum, eam explicare annuntiant. Qua de re ita LVCRETIVS:

*Denique si semper, motus connectitur omnis,
Ex vetere exoritur semper novus ordine certo,* Nec

*Nec declinando faciunt primordia motus,
Principium quoddam, quod fati sidera rumpat,
Ex infinito ne causam causa sequatur;
Libera per terras, unde haec animantibus extat,
Per quam progredimur, quo ducis quemque voluptas,
Unde est haec, inquam, fatis anulsa voluntas?*

loc. cit. pag. 44. Iungenda & quae hac de re differit CICERO, de fato, cap. X. Quemadmodum vero motus ille declinationis gratis assumitur, ut in sequentibus ostendemus, ita ad tollendum fatum, aut adstruendam libertatem, nihil facit. Siue enim sursum aut deorsum, siue dextrorsum vel sinistrorsum corpus per impressionem motus ab alio corpore factam moueatur, necessario tamen mouetur. Et quam, quaeso, motus ille conuenientiam habet cum libertate? Quam vero ridiculum & ineptum est, fatum in motu perpendiculari, libertatem autem in motu declinationis constituere velle? BENEDICTVS DE SPINOZA, cum reuera omnem libertatem homini eripiat, & secundum suam hypothesin non cripere nequeat, ut tamen more suo fucum incautis faciat, verbis ambiguis eam videtur concedere. Duo enim ad libertatem requirit; alterum, ut actionumstrarum cognitionem habeamus, alterum, ut ipsi velimus eas facere. Sed velle homini fraudulento nihil aliud significat, quam consentire, ut actio fiat, quam impedire nequeas. Hinc toties inculcat, libertatem in eo consistere, quod homines sentiant, & conuicti sint, se motuum suorum sibi conscios esse, etiam causas, per quas ad istos motus determinati sunt, ignorent. Sed mera haec est illusio, cum nemo mortalium eum, qui catenis vinctus est, & ad mortem rapitur, ideo liberum dixerit, quia illius rei sibi conscius est, & consentit, hoc est, impedire nequit. Nullam autem reuera se homini concedere libertatem, ipsemet diserte profitetur: *In mente nulla est absoluta siue libera voluntas, sed mens ad hoc vel illud volendum determinatur a causa, quae etiam ab alia determinata est,*

est, & haec iterum ab alia, & sic in infinitum; eth. part. II. prop. XLVIII. p. 85. Quo ipso cum aliquid asserat, quod omnium hominum sensui & experientiae repugnat, nihil aliud agit, quam vt suam stultitiam prodatur. Sed vt ad id, quod caput causae est, accedamus, quo pacto ex hisce mentis nostrae facultatibus, operationibusue, Dei probari existentia queat, quilibet haud difficulter intelligit. Ipsae enim illae operationes, siue intellectum siue voluntatem spectes, ita comparatae sunt, vt hominem inter res creatas omnes natura nobis notas, longe nobilissimam praestantissimamque esse demonstrent. Cumque rerum adspectabilium structura admirabilis, pulchritudo & vsus, omnes in admirationem coniicit, quanto magis mens nostra coniiciet, quae res omnes fere totius vniuersi complectitur; & per artes varias eiusmodi opera producere potest, quae elegantia & artificio cum naturae operibus quodammodo certent, certe non minus, quam illa, admiratione digna sint. Quid vero de actionibus hominum variis dicam, in quibus vis quaedam admirabilis rationis, summaque prudentia elucescit? Recte CICERO: *Iam vero animam ipsam, mentemque hominis, rationem, consilium, prudentiam, qui non diuina cura perfecta esse perspicit, is bis ipsis rebus mihi videtur carere, de natura deor. lib. II. cap. LIX.* Praeterea cum magna & intellectus & voluntatis humanae vis sit, suis tamen circumscripta est limitibus, vt nec maior sit, quam hominis permittebat natura, nec minor, quam eius requirebat conseruatio. Sic etsi intellectus vis non sit infinita, tanta tamen est, vt homo ea omnia, quae ad creatorem huius vniuersi agnoscendum, eiusque laudes concelebrandas, non minus ac ipsius conseruationem, scitu sunt necessaria, cognoscere queat. Et licet hodie rationis lumen, vt veram atque perennem salutem consequi queat, non sufficiat, eodem tamen ad reuelationem, quae abunde hunc defectum supplet, inuestigandam vti potest ††. Eam, quae sensuum organo peragitur, cognitionem, itidem ita comparatam

tam esse, vt ad hominis conseruationem sufficiat, omnes facile intelligimus. Idem & de imperio, quod voluntati, tum in varias mentis facultates, tum in corpus ipsum competit, obseruare licet. Cum enim & illud certis limitibus circumscriptum sit, nec omnes, sed illi saltem motus corporis eidem sint subiecti, quos a voluntate dirigi hominis natura & conseruatio postulabat, sapientissime haec omnia a Deo, naturae auctore, conditoreque rerum omnium, constituta esse, nemo non intelligit. Iam, si porro homo inquirat, vnde mentem tam insignibus facultatibus praeditam habeat, primo quidem eam non semper fuisse, facile conuincitur, cum certo sciat, tempus fuisse, quo nondum extiterit. Idem & probe sibi conscius est, sine vlla sua opera se in hocce rerum vniuerso extitisse; vnde aliam causam esse oportet, cui & existentiam & vitam suam, & quicquid habet, imputare debeat. Quod cum & pari ratione de aliis hominibus, qui eiusdem sunt naturae, multoque magis de rebus creatis reliquis, vtpote homine longe ignobilioribus constet, non potest non inde sequi, causam quandam vniuersalem horum omnium, eandemque summa potentia & infinita sapientia praeditam, admittendam esse. Cumque mentem nostram materiae omnis expertem, facultate res innumeras cognoscendi, & libertate praeditam esse, nobismet ipsi conscii simus, haec omnia cum aliis perfectionibus infinitis eminentissima quadam ratione causae illi primae conuenire, firmiter inde colligimus. Ex quibus omnibus tandem sequitur, dari ens aliquod materiae prorsus expers, atque ab ea distinctum & separatum, facultate infinita res omnes cognoscendi, summa sapientia, nec minori potentia praeditum, idemque liberrimum, quod tum rerum reliquarum, tum nostrae mentis causa sit. Idem hocce, de quo haecenus egimus, argumentum, quo pacto ex mentis consideratione existentia Dei probari queat, copiose, sed alia, quam nos, ratione tractat IS. JAQUELOT, de *l'existence de Dieu*, dissertat.

iat. II. cap. VII. seqq. pag. 351. seqq. & in compendio FENELON, de l'existence de Dieu, cap. XLV. seqq. pag. 138. seqq.

† Num omnes Ideas sensibus debeamus; *Logici & Metaphysici* consulantur.

†† Mentem esse substantiam a corpore longissime diversam, tam certum est, quam quod certissimum; 1. quoniam cogitationem, nec corporis *essentiam* (quæ rem constituit) nec ejus *proprium* (quod rem non quidem constituit, eam tamen necessario consequitur) cum ratione vocare possumus. Etenim: quo magis ideam corporis e conspectu removeant, eo distinctius cogitationem mihi repræsentare possum: cum tamen, ut *essentialia* vel *propria* rei attributa probe considerem, nihil magis necesse est, quam attenda rei ipsius contemplatio. Præterea: si cogitatio pro corporis *essentia* aut indivulsa *proprietas* haberi queat: non solum pulvisculi & carbones cogitant; verum etiam tot cogitationes eodem tempore in nobis existant necesse est, quot particulae Ambitû corporis nostri continentur. Nihil itaque superest, nisi ut, vel in nostra castra transeas, vel cogitationem pro *Accidenti* corporis (quod rem continenter tantum sequitur) habendam censeas. Posterius vero absurdum est, quoniam *accidentia* absque consideratione rei, cui inhærent, intelligi nequeunt; cogitationis vero conceptum formare possumus absque eo, quod corporis ideam in Auxilium vocemus. 2. Cogitatio est actio; Actiones corporis fiunt per motum; quilibet motus quoddam spatium decurrit: ergo, si cogitatio ad corpus referri debeat, est corporis actio, & non potest non pro motu haberi; a quo si nihil differat, illam, æque ac motus reliqui dimensionis per pedes &c. oportet esse capacem. 3. Porro, quia cum cogitationibus conscientia sui copulata est, qua nos ab aliis rebus distinguimus: si cogitatio nihil aliud, quam subtilis materiz motus esset, necessarium foret, & rem repræsentatam, & materiam repræsentantem inter se comparari; ut, quod in nobis cogitat, ab aliis rebus discernere, i. e. conscientia nostri gaudere, impossibile nobis non esset. Verum, nemo temere dixerit, se, materiam illam subtilem, res quasvis repræsentantem, quovis momento speculari. 4. Corpora, quæ quidpiam repræsentatur, sistunt istud in se ipsis, non tan-

quam ab ipsis distinctum. Statua *Herculis* E. G. vultum istius viri, non tanquam ab ipsa distinctum, sed in se ipsa, repræsentat. Cogitationum vero alia est ratio: has enim experimur res, tanquam ab ipsis penitus distinctas nobis repræsentare: conf. *Usus Philos. Leibn. & Wolff. in Theol. P. I. C. 4.* ubi quoque non nulla videri possunt, quæ ad fata hujus doctrinæ pertinent.

†† Voluntatem libertate præditam esse, ex Wolff: & Leibnit: Philosophiæ principiis, singulari modo demonstratur. *l. l.*

††† *Intellectum in materia boni vel mali dirigere voluntatem*, negat CHR. THOMASIVS, & doctrinam de imperio intellectus in voluntatem, *fundamentalem errorem* nuncupat; *Fundam: Juris nat. & Gent. ex sensu communi deduct: C. Proamial. § 6. & L. I. C. I. § 40 &c.* cum quodam nemo idem senserit, qui in mentis suæ contemplatione mediocriter tantum fuerit versatus.

† Conf. FENELONIUM C. 85. & BUDD. *Theol. Dogm. p. 616.*

†† Lectu dignissima sunt, quæ reperiuntur in libro sæpius all. *us Philosoph. Wolff. & Leibn. in Theol. P. I. in principio.*

††† Nec non omnes illi, qui de *Metaphysicis*, vel *naturali Theol.* scripserunt. RABANUS MAURUS in *tractatu de anima* egregia nonnulla loquitur.

§. VIII.

Nec prætermittenda hominum origo, tum intuitu totius humani generis, tum singulorum individuorum spectata. Quo minus enim, qui in vtraque conditoris rerum omnium vim ac potentiam agnoscere nolunt, aliquid, quod non ineptum planeque absonum sit, adferre possunt, eo certius evidentiusque pro Numinis comprobanda existentia inde petere licet argumentum.

* Nulla res temere veterum gentilium magis torsit
iq-

ingenia, quam origo humani generis. De hac enim cum nihil aliud vel cum specie quadam probabilitatis dici queat, quam quod litteris consignatum reliquit diuinus scriptor, Moyses; huius vero libros ethnici ignorarent, aut non admitterent, fieri aliter non potuit, quam ut meras ineptias proferrent, quoties ea de re verba facere aggressi sunt. Atheorum itaque, qui illorum vestigia premunt, summa inde stultitia & imprudentia patet, qui data opera cum coecis hominibus ineptire, quam scripturae, nihil profecto, quod ratio reiicere queat, hac in re tradentis, admittere auctoritatem malunt. Nihil de poetis dicam, aut ex Promethei molli luto formatos esse homines, aut ex Deucalionis Pyrrhaeque duris lapidibus natos, fingentibus. Fuerunt ex ipsis sapientiae professoribus, qui si non magis monstrosas, certe non minus incredibiles de hominum origine protulerunt sententias. Anaximander Milesius, ex aqua terraeque calefactis exortos esse, siue pisces, aiebat, siue piscibus simillima animalia; in his homines concreuisse, foetusque ad pubertatem intus retentos, tum demum, ruptis illis, viros mulieresque, qui se iam alere possent, processisse. Empedocles primo membra singula ex terra quasi praegnante passim edita, deinde coisse, dicebat, & effecisse solidi hominis materiam, igni simul & humori permixtam. Democrito visum, ex aqua limoque primum homines procreatos; a quo non multum discessit Epicurus, quippe qui limo calefacto vteros nescio quos, radicibus cohaerentes, primum increuisse existimabat, & infantibus ex se editis ingenitum lactis humorem natura ministrante praebeuisse, eosque ita educatos & adultos, genus hominum propagasse. Hasce aliasque philosophorum de hominum origine sententias summarim recenset, & vnico velut falcе complectitur CENSORINVS, *de die natali, cap. VI. pag. 26.* quem eius locum iam exhibui, in *historia eccles. veter. testament. period. I. sect. I. §. VIII. pag. 77. 78.* vbi plura hac de re dixi, & genuinam philosophorum de ea sententiam ex instituto exposui

fui †. Quaecunque autem aut philosophi veteres de prima hominum origine dixerunt, aut athei dicere possunt, ad quatuor praecipue reuocari capita, sententiasque principes possunt. Prima est, homines aequae ac orbem hunc nostrum semper fuisse, nec ullum vnquam habuisse initium. Peripateticos, praecunte magistro suo, ita existimasse constat; quibus nonnulli Pythagoraeos atque Platonicos addunt; quo autem iure id fiat, in *hystor. eccles. veter. testam. loc. cit. pag. 75.* exposui. Altera sententia eorum est, qui generis humani originem astris, eorumque influxui, & peculiari coniunctioni ad spectuiue tribuunt. Tertia eorum est, qui mechanica quadam ratione, per solis in materiam rite praeparatam operationem, homines productos asserunt ††. Quarta denique illorum, qui post infinitas materiae concussiones vagas & abortus, mero tandem casu contigisse putant, vt corpora nostra in hanc, qua gaudent, figuram, temere & fortuito conflarentur. Quamcunque autem ex hisce eligas sententiam, eam absonam plane ineptamque esse, statim, si modo mentem aduertere velis, deprehendes. Ad primam enim quod attinet, exploratissima veritate comperitum est, humanum genus per certos gradus auctum esse, atque incrementum cepisse. Gentium variarum origines, historicorum fide dignissimorum testimoniis comprobatae, hac de re nos dubitare non sinunt. Ea vero ratione necessario, si non ad duos, certe ad paucos admodum homines deueniendum erit, a quibus reliqui originem ducant. Contra, si semper homines extiterunt, nullum tempus erit, quo non idem circiter hominum numerus fuerit, qui hodie est, immo multo maior. Cum enim mille annorum spatio pauci homines in gentes validas crescere possint, quid quaeso non futurum fuisse, si ab omni aeternitate homines eodem, quo hodie sunt, numero extitissent? Quod obuerti potest, per diluua vniuersalia, vel alia ratione, homines ad numerum pauciozem redigi potuisse, ejusmodi est, vt probari nequeat; ne dicam, quod hac ratione plura, immo in-

Innumera diluua vniuersalia, & ea quidem semper lege admittenda forent, vt. quidam homines seruati sint; quod prorsus absolum est. Quae scriptura sacra de vnico diluio vniuersali cominemorat, nobis a secus sentientibus opponi nequeunt. Si enim hac in re scripturae auctoritate vti vellent, quaestio merito institueretur, cur ergo & in aliis eam non admitterent? Immo hoc ipsum diluuium longe plura & solidiora contra atheos argumenta suppeditat, vt alibi ostenditur. Ex imperiorum praeterea omnium atque regnorum origine, artium item ac scientiarum inuentione, recens mundi exordium constat; qua de re in sequentibus plura dicemus. Non minoribus difficultatibus & altera sententia premitur. Esto, dari quendam astrorum in corpora sublunaria influxum, num ideo ad homines producendos sufficit? Si viri sunt athei, explicent, quis ille influxus sit, & qua ratione debeat esse comparatus, vt per eum homines, hoc est, non tantum animalia, sed animalia, mente & ratione praedita, produci queant. Sin nequeant, agnoscant, quam stolidum sit, ne admittere cogantur, quod illis parum credibile videtur, eiusmodi quid asserere, quod longe est incredibilius, & quod ipsi nulla explicare ratione possunt. Quod si ad conjunctionem peculiarem stellarum adspectumue se recipiant, dicant, quaeso, qualis illa constellatio, qualisue adspectus esse debeat, rationemque rursus explicent, cur talis & non alia conjunctio, aliusue adspectus eundem progignere effectum queat? Ab iis, qui tertiam sententiam defendunt, sciscere vellem, qualis illa materia esse debeat, aut quo pacto debeat esse praeparata, vt homo mente & ratione praeditus inde prodire queat? Vtuncque materia consideretur, quicunque accedat calor, nihil in ea deprehendo, quod hominem constituere queat. Id quod simul contra quartam sententiam obseruandum. Esto vero, posse materiam inueniri, quae corpori hominis formando sit idonea, quis neruos, venas, arterias, ossa, cutem, & membra omnia tam apte disposuit, vt nihil in

homine fit, quod non vsui, cui destinatum, aptissime respondeat? Ceterum, si vnquam terra, non dicam homines, sed animantia bruta progeniuit, cur, quaeſo, hodie ea non producit? Maior forte terrae olim fuit foecunditas? Id quidem dicunt athei, sed non probant. Tantam enim in terra, quae ratione ſolis eundem ſemper ſitum obtinuit, contigſſe mutationem, vt, quae olim tot animalia, ipſosque homines protulit, hodie ne minimum quidem animalculum progignere valeat, nullo exemplo, nullaue ratione probari poteſt. Sunt hinc inde regiones tanta coeli ſolique clementia & fertilitate beatae, vt ad ſummam foecunditatem iis nihil deſit; nec tamen vnquam vel ſando auditum fuit, vllum animal ex terra progenitum fuiſſe. Quae de Aegypto nonnulli commemorant, cum Nili aquae, poſtquam inundatione ſua terrae fertilitatem conciliarunt, iterum in alueum fluminis recedunt, in limo animalcula varia & quaedam etiam imperfecta & ſemiviuia reperiri, iam pridem viri docti expoſuerunt. Sane reptilia, quae in aquis degere ſolent, aqua recedente, in limo reperiri, nemo miratus fuerit. Partes etiam ſeu membra quaedam, poſtquam reliquum corpus putruit, vt ibi reperiantur, facile fieri poteſt. Sed quis inde colligat, animalia ex terra gigni? Quis vero vnquam vidit, oves, bouesque & ſimilia animalia ex terra ibi prodiiſſe? aut ſi olim prodierunt, cur hodie non amplius prodeunt? Immo tantum abeſt, vt vllum animal hac ratione ex terra gigni queat, vt potius euidentiffimis experimentis hodie comprobatum ſit, nullum, ne minimum quidem, inſectorum eſſe genus, quod non ex ſemine quodam generetur †††. Meritoque adeo viri docti generationem, quam vocant, aequiuocam, ex orbe proſcripſerunt. Cum ergo quicquid athei de prima hominum origine dicunt, abſonum ſit, atque prorsus ineptum, nihil aliud ſupereſt, quam vt concludamus, Deum humani generis eſſe conditorem, veriſſimaque eſſe, quae Moſes, diuinus ſcriptor, hac de re litteris con-

consignauit. Iungenda, quae accurate hac de re differit RICHARDVS BENTLEIVS, in *stultitia & irrationabilit. atheismi* pag. 130. *seqq.* & ante eum SAMVEL PARKERVS, de *Deo & provident. disput. V. sect. I. pag. 429. seqq.* Postquam autem Deus homines primos creauit, facultatem illis simul, aequae ac reliquis animalibus, per generationem genus suum propagandi indidit. Atque hinc singulorum hominum origo constat, in qua siue conceptionem primam, siue animae productionem eiusque cum corpore coniunctionem, siue corporis singulorumque membrorum in vtero materno formationem, siue foetus nutritionem, siue natiuitatem, siue varium naturae ad foetum conseruandum, eiusque incrementum & natiuitatem promouendam adparatum species, totidem naturae miracula stupenda prorsus, & vim captumque hominis superantia, comprehendimus †††. Qui haec omnia ex mechaniciis principiis explicare voluerunt, experiundo didicerunt, magno se molimine nihil egisse. Hinc alii vim plasticam, aut simile quid in subsidium vocarunt, etsi ipsi, quid vis illa plastica sit, dicere non potuerint. Vnde vero demum vis ista plastica originem trahit? Ex sola sane materia deriuari nequit. Nihil ergo aliud profecto superest, quam vt fateamur, Deum ipsum haec ita sapientissime constituisse, vt ex ipsa ista origine nostra, quem vitae nostrae omniumque bonorum, quae in nos collata sunt, auctorem agnoscere deberemus ac venerari, condisceremus. Sed plura hac de re addere non licet.

† v. quoque WALCHII *Philos. Lex. voce. Mensch.*

†† PARACELSVS ortum hominis duplicem dixisse fertur. 1. Ex parentibus. 2. Arte Alchymistica.

††† FR. REBUS Libro de *insectorum generatione* variis experimentis probavit; quaecunque e terra nasci videantur, e semine vero nasci. Quod deinceps MALPIGHIUS aliique comprobauerunt. Quae de *Nilo* memorantur, REBUS itidem

X +

re-

refellit; nec non, quod narrat *PLINIUS L. II. Hist. Nat.* insectorum volantium plurima ortum ducere e pulvere cavernarum humido; denique, quod vulgo dicitur de ranis minoribus sub æstatem ex nubibus cum pluvia decidentibus, & sim.

††† Conf. *NIEUWENTYT 30 beschouw. SCHEUCHZER ad Job 10: 8. & seqq.*

§. IX.

Ultima denique classis historica argumenta continet, quibus itidem Numinis existentia comprobari potest. Ex monumentis enim historicorum certissimis, nullumque dubium admittentibus, & regnorum rerumque publicarum, ipsarum itidem gentium atque populorum, artium praeterea & scientiarum, & eorum omnium, quae ad vitae huius usum aut commoda inuenta sunt & excogitata, origines atque incrementa constant; ita quidem, ut, quae ethnici scriptores de hisce omnibus litteris consignata reliquerunt, si summam rei spectes, prorsus consentiant iis, quae memoriae prodidit diuinus scriptor Moses. Hinc vero colligitur, non tantum initium habuisse huncce mundum, nec vllō modo aeternum dici posse, sed ea quoque ratione habuisse initium, qua Moses nos hoc condocuit, hoc est, a Deo esse creatum *.

* Regna omnia, ut ab iis incipiamus, atque imperia, fœsque publicas, tum, quae hodie sunt, tum, quae olim floruerunt, initium aliquod habere, omnes vno ore fatentur. Nec quenquam atheorum eo usque impudentiae progressum existimo, ut hoc negare ausit. Conueniunt & in eo scriptores veteres, fuisse

fuisse tempus aliquod, quod nulla adhuc regna, nullaeque fuerint respublicae; in eo saltem in diuersa abeuntes, quod nonnulli statum istum humani generis, cum nondum imperia essent, ut longe felicissimum nobis sistant, ut OVIDIVS, *metamorph. libr. I.* alii, ut longe miserrimum corruptissimumque, ut SALLVSTIVS, de bello *Catilin. cap. VI.* Quod vnde ortum sit, facile conicere licet, cum haud dubio istis scriptoribus aliquid ex antiqua traditione, de statu integritatis, & lapsu humani generis, innotuerit. Quare & alii vtrumque coniungunt, & statum hominum initio beatum, mox corruptum fuisse perhibent; vnde necessitas iis imposita fuerit, condendi res publicas. Ita C. CORNELIVS TACITVS: *Vetustissimi mortalium, nulla adhuc mala libidine, sine probro, scelere, eoque sine poena & coercionibus agebant: neque praemiis opus erat, cum honesta suoapte ingenio peterentur, & ubi nihil contra morem cuperent, nihil per metum vetabantur. At postquam exui aequalitas & pro modestia ac pudore ambitio & vis incedebat, prouenire dominationes, multosque apud populos aeternum mansere; annal. libr. III. cap. XXVI.* Ex hisce itaque veterum monumentis, hac in re consentientibus, facile colligas, homines primum per familias dispersos vixisse; tum in societates minores coaluisse, ex quibus inter se iunctis regna maiora atque imperia extiterint. Quod ut documento evidentissimo est, genus humanum sensim incrementa summissee, ita accurate cum iis, quae scriptura sacra hac de re commemorat, convenit. Inter maiora ista amplioraque imperia nonnulli, Assyriacum primum fuisse, autumant. Qua de de IVSTINVM audire iuvat: *Fines imperii tueri magis, quam proferre, mos erat; intra suam cuique patriam regna fiebantur. Primus omnium Ninus rex Assyriorum veterem & quasi autum gentium morem noui imperii cupiditate mutauit. Hic primus intulit bella finitimis, & rudes adhuc resistendum populos, terminos vsque Libyae, perdomuit; histor. lib. I. cap. I.* Explora equidem hodie satis est ista CTESTAE de

antiquitate & amplitudine regni Assyriaci fabula, cui IVSTINI narratio innititur, nec sine ratione, ut a me demonstratum, in *hisor. eccles. vet. testam. ad period. II. sect. II. X. §. XVIII.* Interim si vel maxime admitteretur, satis tamen vel inde constaret, imperia orbis maiora sensim exorta, nec vllum, quod diluvii tempus excedat, adduci posse; quod nobis quidem sufficit. Ut vero regnorum & rerumpublicarum non maior est antiquitas, quam historia Mosaica nos credere iubet, ita nec *legum*, quibus salus & conseruatio ciuitatum innititur. Fuisse tempus, quo homines sine legibus vixerunt, ipsi scriptores ethnici fatentur. *Populus nullis legibus tenebatur*, inquit IVSTINVS, *l. c. arbitria principum pro legibus erant.* Hinc nonnullis obseruatum, HOMERVM nusquam vti *legum* nomine †, quod nullis tum legibus Graeciae populi uterentur. Simplices admodum praeterea atque rudes erant antiquorum populorum leges, successu temporis perficiendae magis & expoliendae. Vnde & recentioris iurisprudentiae longe alia facies, quam praeae istius, cum leges in pueritia velut aut adolescentia constitutae essent. Testem huius rei iterum laudare licet TACITVM: *Quidam statim, aut postquam regum pertaesum, leges maluerunt. Hae primo rudibus hominum animis simplices erant, maximeque fama celebrant Cretensum, quas Minos; Spartanorum, quas Lycurgus: ac max Atheniensibus quaesitores iam & plures Solon perscripsit. Nobis Romulus, ut libitum, imperitauerat; dein Numa religionibus & diuino iure populum deuinxit, repertaque quaedam a Tullo & Anco: sed praecipuus Seruius Tullius sanctor legum fuit, quis etiam reges obtemperarent; annal. libr. III. cap. XXVI.* Postquam distincta etiam rerum dominia introducta sunt, homines commerciis carere non potuerunt. Ea vero antiquissimis temporibus sola permutatione peracta constat. Quanta vero deinceps ad nostram vsque aetatem incrementa sumserint, neminem fugit. Ponderum atque mensurarum equidem iam in scriptis Mosaicis mentio ini-

citur.

citur. Ante tempora, de quibus Moses loquitur, ea non fuisse, vel inde constat, quod deinceps apud alias demum gentes sint introducta, vnde de illorum inuentore veteres fuisse solliciti, aliis quidem Phidoni Archiuo, aliis Palamedii hanc laudem tribuentibus, vt apud PLINIVM, *hisor. natur. lib. VII. cap. LVI. pag. m. 478.* videre licet ††. De pecuniae origine, seu primo inuentore, nihil certi constare, vel ex POLYDORO VIRGILIO condiscimus, de *inuentorib. rerum libr. II. cap. XX †††*. In eo tamen omnes consentiunt, fuisse tempus, quo eius vsus nondum introductus fuit. De medicae artis necessitate tot morborum genera nos dubitare non sinunt. Fuisse autem tempus, quo nondum inuenta esset, neminem fugit, quemadmodum & quae eius origo & incrementa fuerint, satis notum est. Certe, cum Babylonii, quod HERODOTVS refert, *lib. I. cap. CXCII.* aegrotos in forum producerent, vt a praetereuntibus discerent, num simili morbo laborassent, & quonam ad eum pellendum vsi essent remedio, exiguum admodum medicae artis notitiam fuisse, nemo negauerit. Cumque de Aegyptiis idem referat STRABO, *libr. III. § XVI.* gentes antiquissimas artis maxime necessariae vsu destitutas videmus; quod nulla ratione fieri potuisset, si homines semper extitissent ††††. Iam quid de philosophia dicam? Cum eadem semper fuerint Graecorum ingenia, idem etiam regionis, quam incoluerunt, situs, vt cum aliis gentibus commercia iis intercedere potuerint, ante septem tamen, quos vocant, sapientum aetatem, philosophiae nulla apud eos inueniuntur vestigia. Ab olympiade autem xxxv, qua natus est Thales Milesius, vsque ad olympiadem cxxvii, qua obiit Epicurus, adeoque cccclxx annorum spatium, philosophiae studium tanta incrementa sumit, vt a fastigio prope abesset. Hoc vero cur citius factum non sit, si Graecia semper incolae habuit, dici profecto nequit. Et idem quoque de aliis gentibus, apud quas philosophiae studium quodammodo floruit, dicendum. Origo eius & in-

cre.

crementum aperte repugnat, quo minus semper id ita se habuisse, credere queamus ††††. De mathesi singulisque eius partibus itidem longe est notissimum, vnam post aliam inuentam, magisque ex-cultam esse, vt pluribus GERARDVS IOANNES VOS-SIVS exponit, de *scientiis mathematicis* †. Sed histo-riarum quoque studium, cui veteres deditos fuisse constat, & ad quod natura velut ducimur, idem euincit. Varronem, antiquitatis inter Romanos pe-ritissimum virum, omne tempus, quod a prima re-um origine ad ipsius aetatem vsque effluxisset, in *ἀδελον*, *μυθικόν* & *ιστορικόν* distribuisse, nouimus. Primum scilicet interuallum ab hominum principio ad cataclysmum priorem pertingere, docebat, id-que propter ignorantiam vocari *ἀδελον*; secundum, a cataclysmo priori ad olympiadem primam, quod, quia in eo multa fabulosa referantur, *μυθικόν* no-minetur; tertium denique, a prima olympiade ad ipsius aetatem, quod *ιστορικόν* dicatur, quia res in eo gestae veris historiis contineantur, vt auctor est CENSORINVS, de *die natali cap. XXI. pag. m. 154* ††. Immo cum eo tempore, quo natus est mundi fer-uator, quoue apostoli vixerunt, plurimi iam inter Graecos atque Latinos essent historici, quibus nec ingenium, nec industria, nec monumenta varia deessent, quibus in tempora a se remotissima pene-trare possent, nemo tamen illorum quidquam me-moriae prodidit, quod Mosi de rerum omnium origine, deque humani generis satis, & artium in-ventione & incrementis, narrationi, opponi queat. Nec vllum est dubium, cum deinceps controuer-siae inter gentilium philosophos, & ecclesiae chris-tianae doctores, magnis animorum motibus agita-rentur, quin illi omni studio monumenta veterum excusserint, ex quibus, quae Moses de hominum & mundi origine, philosophorum scitis e diametro opposita, scripserat, refellere possent; nec tamen quidquam eos aut inuenisse, aut protulisse, noui-mus. Legenda, quae hanc in rem differit 15. 1A-QUELOT, de *l'Existence de Dieu* dissert. I. cap. II.

pag. 24. seqq. Nec populorum hic praetermittendae origines. Nonnulli namque, se *αὐτόχθονες*, hoc est, eodem in loco, quem incolebant, natos, ferebant, vti Athenienses, de quibus IUSTINVS: quippe non aduenae, neque passim collecta populi colonies originem vrbi dedit; sed eodem innati solo, quod incolunt; & quae illis sedes eadem origo est; *hystor. lib. II. cap. VI.* alii autem, se aliorum populorum colonias esse, profitebantur, suaeque adeo sibi conscii erant originis. Illos aliquando antiquitate his praestitisse, negandum non est; hoc ipso tamen, quod se aborigines vel *αὐτόχθονες* esse credebant, suam saltem prodebant ignorantiam, seque nescire, indicabant, vnde originem ducerent †††. Nec enim hoc ipso negabant, se originem habere, aut gentem suam semper fuisse, affirmabant; multo minus tantam sibi vindicabant, aut vindicare poterant antiquitatem, quae originem humani generis, aut eius post diluuium relevationem, anteverteret. Scio sane, Aegyptios rerum suarum origines longe supra diluuium, immo ipsa mundi initia, secundum calculum Mosaicum spectata, extendisse. Eoque dynastiae illae Aegyptiorum, quae tantum negotii eruditis viris facessiuere, pertinent. Sed haec omnia inter putidissima stolidissimaque gentis vanissimae commenta referenda esse, solide hodie viri docti demonstrarunt. Certe Aegyptios rerum suarum paulo antiquiorum certam historiam litterarum monumentis consignatam non habuisse, luculenter probat HERMANNVS CONRINGIVS, in *aduersariis chronolog. cap. XVI. pag. 188.* Idem de immensis Chaldaeorum supputationibus censendum. Auctor est CICERO, *Babylonios iactare, se CCCCLXXX. millia annorum habere monumentis (litterarum) comprehensa, & illa posuisse in periclitandis experiundisque pueris, quicumque essent nati, sed simul addit, eos mentiri, recteque condemnari aut stultitiae, aut vanitatis, aut impudentiae, lib. I. de diuinat. cap. XIX. & lib. II. cap. XLVI.* Dictum etiam de hisce omnibus, in *hystor. eccles. vet. testam.*

testam. ad period. I. sect. I. §. X. pag. 84. seqq. ubi & falso iactatam Chinenſium antiquitatem expoſi.
 De ipſorum autem populorum non adeo antiqua origine, artium quoque atque ſcientiarum origines atque incrementa teſtantur; de quibus antea quaedam diximus; quamvis plurima breuitatis ſtudio praetermiſerim, de quibus conſulendus PLINIVS, *hiſtor. natur. lib. VII. cap. LVI. pag. 475. ſeqq.* TATIANVS quoque dum in eo eſt, vt oſtendat, Graecos plurima a barbaris accepiſſe, varios rerum artiumque inuentores commemorat, *orat. ad Graecos p. 3. ſeqq.* Athenienſium ſpectatim inuenta recenſet IVSTINVS, *hiſtor. lib. II. cap. VI. & CICERO, pro Flacco cap. XXXVI.* De reliquis legendus POLYDORVS VIRGILIUS, de inuentoribus rerum. Haec vero omnia, quae de gentium, populorum, artium atque ſcientiarum origine & inuentione diximus, validiſſimum contra mundi aeternitatem praebere argumentum, ex ipſis iam ethnicis agnouit MACROBIUS. Nam quis facile, inquit, mundum ſemper fuiſſe, conſentiat, cum & ipſa hiſtoriarum fides, multarum rerum cultum emendationemque, vel ipſam inuentionem recentem eſſe, fateatur? Cumque rudes primum homines, & incuria ſylueſtri non multum a ferarum aſperitate diſſimiles meminerit, vel fabuletur antiquitas; tradatque, nec hunc eis, quo nunc utimur, viſtum fuiſſe, ſed glande prius & baccis alitos, ſero ſperaiſſe de ſulcis alimouiam? Cumque ita exordium rerum, & ipſius humanae nationis opinemur, vt aurea primum ſecula fuiſſe credamus, & inde natura per metalla viliora degenerans, ferro ſecula poſtrema foedauerit? Ac ne totum videamur de fabulis mutuari, quis non hinc exiſtinet, mundum quandoque coepiſſe, nec longam retro eius aetatem, cum abhinc vltra duo retro annorum millia, de excellenti rerum geſtarum memoria, nec graeca quidem extet hiſtoria? Nam ſupra Ninum, a quo Semiramis ſecundum quosdam creditur procreata, nihil praeclarum in libris relatum eſt. Si enim ab initio, immo ante initium fuit mundus, vt philoſophi volunt, cur

per innumerabilem seriem seculorum non fuerat cultus, quo nunc utimur; inuentus? non litterarum usus, quo sola memoriae fulcitur aeternitas? Cur denique multarum rerum experientia ad aliquas gentes recenti aetate peruenit? *Ut ecce Galli vitem, vel cultum oleae, Roma iam adolescente, didicerunt. Aliae vero gentes adhuc multa nesciunt, quae nobis inuenta placuerunt. Haec omnia videntur aeternitati rerum repugnare, dum opinari nos faciunt, certo mundi principio paulatim singula quaeque coepisse; in somnium Scip. lib. II. cap. X. pag. m. 150.* Respondere equidem ad hasce rationes MACROBIUS, & ipse aeternitatis mundi assertor, annititur. Summa eo redit, res humanas ex parte maxima saepe occidere, manente mundo, & rursus oriri, vel eluione vicissim, vel exustione redeunte, *loc. cit. pag. 151 + + + +.* Quod rationibus quibusdam, sed oppido ridiculis, probare annititur. Respicit namque haud dubio Stoicorum, & aliorum quorundam, de magnis mundi vicissitudinibus, quas per eluiones & exustiones, statis temporibus ab omni aeternitate subiisset, & porro subiturus esset, sententiam, quam & CICERO hisce verbis exprimit: *Propter eluiones exustionesque terrarum, quas accidere tempore certo necesse est, non modo non aeternam, sed ne diuturnam quidem gloriam assequi possumus, in somn. Scipion. pag. m. 1499.* Quamquam MACROBIUS hasce eluiones & exustiones, pro Platonis sensu, ut nonnulli obseruant, ita accipiat, ut per eas totum genus hominum perire, neget. *Nunquam tamen, inquit, siue exustio, omnes terras, aut omne hominum genus vel omnino opperit, vel penitus exurit.* Legenda, quae de magnis illis mundi vicissitudinibus ex veterum, Stoicorum maxime, sententia differit IVSTVS LIPSIVS, *physiol. Stoicor. lib. II. dissertat. XXI. pag. 105. seqq.* cum primis autem B. IAC. THOMASIVS, de *exust. mundi Stoica, thes. XI. pag. 12. seqq.* Cum vero aeterna illa inuendorum per istas vicissitudines successio omni prorsus fundamento destituatur, inter somnia veterum philosophorum & impia deliramenta iure meri-

meritoque refertur. Interim eluiones quasdam particulares, similesque casus, contingere posse, non abnuo: per eos autem vt vix vnquam vna quaedam prouincia ita deuastata fuit, vt omnes eius incolae perierint, ita multo minus hac ratione fieri potest, vt totius, quod antea extitit, humani generis, rerumque gestarum omnium, omniumque artium & scientiarum ita oblitteretur memoria, vt haec omnia post eiusmodi eluionem aut casum similem, enata demum, primamque accepisse originem, censeriqueant. Integrae cuiusdam prouinciae deuastatio intuitu totius orbis non aliter considerata, quam domus cuiusdam aut vrbs deuastatio intuitu prouinciae. Quis vero existimauerit, per domus aut vrbs cuiusdam conflagrationem, eam toti prouinciae induci vastitatem posse, vt omnium simul artium, scientiarum, rerumque antea ibi gestarum memoria delcatur? Per istud temporis interuallum, quo orbem fuisse ex scriptura sacra nouimus, vrbes varias, prouincias, atque regna, variis casibus funectis & calamitatibus inuoluta fuisse nouimus. At ea simul ratione omnium eorum, quae ante calamitatem istam in istis regnis aut prouinciis fuerunt, simul periisse memoriam, nullo exemplo condoceri potest. Nihil ergo hoc obtinebunt athei, nisi diluuium aliquod vniuersale statuunt. At quomodo hoc statuent, vt non sua ipsimet caedant vineta? Primo namque certum est, eiusmodi diluuium vniuersale, quo totus orbis noster submergatur, sine miraculo contingere non posse +++++; quod res ipsa docet, & luculenter demonstrat RICHARDVS BENTLEIVS, in *stultitia & irrationabilitate atheismi* pag. 137. Deinde, si contigit, aut omnes simul homines perierunt, aut quidam seruati sunt. Prius si dicat, vnde ergo post diluuium homines? Posterius, quo pacto quaeſo seruati sunt? Quicquid dicant, in quaecumque se vertant partem athei, nihil dicent, quod ineptum non sit; nisi iterum ea assumant, quae scriptura de arca Noachi commemorat. At haec ita comparata sunt, vt, nisi mirabilis & im-

nense

nifestissima Numinis prouidentia accessisset, nunquam hac ratione seruatus fuisset, aut seruari potuisset Noachus. Accedit, quod aeternitatis mundi assertoribus plura eiusmodi diluuiâ admittenda, vel potius fingenda, essent; quod quam absolum sit, iam ad §. *praeced.* ostendimus. Si dicas, reuera tamen per belli calamitates aliasque causas, artes quasdam deperditas esse; quasdam enim veteres habuisse, quae nobis notae non sint, ut vel ex EVIDONIS PANCIROLLI libro de *rebus deperditis* pateat; id quidem de artibus quibusdam superfluis, & ad vitam minus necessariis, facile concesserim; eas autem, quibus in vita carere non possumus, amitti ea ratione, aut prorsus obscurari posse, nemo nisi rerum omnium ignarus, crediderit; conf. & IACOBVS ABBADIE, de *veritate & certitudine christianae religionis*, sect. I. cap. IX. §. XII. seqq. †

† L. 4. *Odyss.* vs. 353. meminit tamen mandatorum *isapulon* & sapius *isapulon* ius sive lex in *Iliad.* Libris occurrit.

†† Conf. PERIZONIUM de *are gravi*, p. 17. & seqq. & SPERLINGIUM de *nummis non cussis* C. I. & 2.

††† Conf. iterum PERIZONIUM l. l. in initio, & SPERLINGIUM.

†††† v. CELLARII dissert. de *Antiquit. medicis*. Quae inter diss. ejus *Academicas* reperitur.

††††† Videantur *Historia Philos.* scriptores.

† Adde *Histor. Narrat. de orsu & progressu Matheseos*, quam TACQUETUS *Elementis Euclideanis* praemittit.

†† v. quoque STILLINGFLEET *Orig. S. L.* I. & de artium scientiarumque origine generatim videri possunt *Histor. Litteraria* scriptores, G. J. VOSSIUS de *artium & scientiarum natura ac constitutione*, REIMANNI *Ilias post Homerum*, &c. Argumentum ex earum Origine derivatum urserunt ABBADIE *traité de la vérité de la Relig. Chrétienne* T. I. sect. I. C. 9. MARTYN *Ib. Nat.* P. I. C. 10. Immo

mundum æternum non esse, eodem argumento probat ipse T. LUCRETIUS CARUS, *de rerum natura* L. 5.

Præterea, si nulla fuit genitalis origo

Terrarum, & cali, semperque æterna fuere,
Cur supra bellum Thebanum & funera Troje,
Non alias alii quoque res cecinere Poëta?

Quo tot, &c.

Verum, ut opinor, habet novitatem summa, recensque
Natura est Mundi, neque pridem exordia cepit.

Quare etiam quædam nunc artes expoliuntur,
Nunc etiam augeſcunt, nunc addita navigiis sunt
Multa, modo organiſci melicos peperere ſonores.

††† V. STILLINGFLEET *Orig. S. L. 3. C. 4.*

†††† Conf. ODE *Princ. Phil. nat. P. 1. p. 9.*

††††† Universum Terrarum orbem aquis aliquando obrutum fuisse, cum non nihil contra Atheos faciat, paucis demonstrare conabor. 1. e Testimonio veterum scriptorum, quos magno numero adducunt GROTIUS *de veris. Rel. Christi. L. 1. §. 16.* STILLINGFLEET *Orig. S. L. 3. C. 4.* WOLFFLEY *redel. van het Schrift. gelove P. 2. C. 5.* DOUGLASS *Anal. S. ad Gen. 7. 11. & Auctor noster Hist. Eccl. V. T. P. 1. Sect. 2. §. 3, & 4.* 2. Memoria hujus rei apud omnes fere nationes servata, ne exceptis quidem remotis orbe Cubanis, Mechoacanis & sim. Confer GROTIUM *l. l. 3.* Ex reliquiis diluvianis, conchis &c. quæ reperiuntur in montium fugis, aliisque locis, quæ nunquam aquis inundantur. Scio equidem MISSIONUM *It. Ital. P. 1. p. 396. & seqq. Ed. Belg.* non sine rationis specie hoc argumentum explodere, nec deesse qui in eo paria cum ipso faciunt: verum vix crediderim, integrum conchularum, cochlearum, Echinorum minutissimorum, aliorumque corporum marinorum cumulum, quem haud procul Bononia, in strato argillaceo SCHEUCHZERI Frater repperit, Terræ proventum esse. v. SCHEUCHZERI *Itin. Alp. T. 1. p. 200.* nec tamen unico hoc exemplo a MISSIONI sententia dimoveor, verum innumeris aliis, quæ apud SCHEUCHZERUM *l. l.* passim videri possunt. v. quoque ALEX. ab ALEXANDRO *Gen. dierum L. 5. C. 9.* Præterea: non tantum J. JANZEN STRUYS tradidit, Arcam Noachi in montibus Gordyæ in hunc usque diem incorruptam servari; sed

sed Armenii omnes & Persæ idem credunt. Immo THEOPHILUS ANTIOCHENUS, EPIPHANIUS, CHRYSOSTHOMUS alique Patres, in eadem fuerunt opinione. v. GROTIUM *l. l.* & GÜRTLERI *Orig. M. L. I. C. 2.* huic fabulæ licet fidem non adhibuerim: (cōf. CHARDYN *Isth. Pers. P. I. C. 24.*) ex ea tamen colligi potest, quam firmas radices diluvii universalis membra in hominum animis egerit. Quod forte ad Num. 2. commodius monere potuissem. Sunt, qui putant ejusmodi diluvium plane impossibile fuisse; sed horum dementia jam alii ostendērunt. v. STILLINGFLEET *l. l.* & adde IVON: GAUKESIUM in *Bibl. Brem. Class. 4. Fast. 5. Art. 2.*

† Huic argumentorum classi alii addunt consensum Historiæ profanæ cum S. litteris de *Mundi Origine*. Nam, licet Gentiles perversos sane conceptus de rerum ortu foverint; constat tamen, de veritate nonnihil iis suboluisse, ut, præter alios, GROTIUS de *Verit. Rel. Christ. L. I. C. 16.* & G. VAN DER MEULEN, vir revera nobilissimus, de *dis Mundi & rerum omnium natali*, pag. 10. & seqq. palam fecere. De argumento, quod ab humanorum corporum, aliarumque rerum detrimento desumitur, varii varie sentiunt v. OBE *Princ. Phil. Natur. P. 1. p. 8.* & seqq. JONSTONIUS singulari libello de *natura constantia istud* oppugnavit. Verum, licet inter præcipua non referam: nullius tamen ponderis esse, dicere non ausim. Is. Vossii argumentum, quod montes, fluvii &c. defecissent, si per æternum tractum durassent, cum priori illo fete coincidit. Cæterum: JOH. ALB. FABRITIUS adornavit *delectum argumentorum, & syllabum scriptorum, qui verit. Rel. Christ. adversus Atheos, &c. incubrationibus suis adseruerunt.*

CAP. VI.

FVNDAMENTORVM A-
THEISMI EVERSION,

VBI ET

AD PRAECIPVA ATHEORUM AR-
GVMENTA RESPONDETVR.

Σύνοψις.

*S*cepticus atheismus euer-
titur, §. I.*itemque dogmaticus, gene-*
*ratim spectatus, §. II.**speciatim Aristotelicus,*
*§. III.**Stoicus, §. IV.**Epicuraeus & Straton-*
*icus, §. V.**& denique Spinozianus,*
*§. VI.**Respondetur ad argumen-*
*ta atheorum, & pri-**mo quidem ad ea, quae*
ab ipso Dei conceptu
*desumunt, §. VII.**tum ad ea, quae scien-*
tia, & immutabilitas
Dei, perperam intel-
lecta, iis suppeditat,
*§. VIII.**Sententiam de Deo, eius-*
que existentia, inter
praeiudicatas minime
referre posse opiniones,
demonstratur, §. IX.

§. I.

CUm non tantum plurima extra nos ipsos sint,
quorum existentia & essentia & proprietates
per certa indicia nobis innotescunt, interque ea ipse
Deus

Deus referendus sit ; cumque praeterea in nobis certa facultas sit, res spirituales & a materia separatas, interque eas ipsum Deum certo cognoscendi, atque ipsa quemlibet de hisce omnibus experientia evidentissime conuincat ; maximopere illos falli, sequitur, qui, uti nec rerum aliarum, ita nec ipsius Dei certam dari cognitionem, sibi persuadent. Atque hinc *atheismus scepticus* sua sponte corruit. *

- * De atheismo sceptico dictum, *cap. II. §. IV. & X.*
Nunc paucis saltem fundamenta scepticorum praecipua euertenda erunt. Generatim autem ex principiis, quae ipsimet concedunt, & sua natura simul evidentissima sunt, erroris conuinci possunt. Dum enim de omnibus se dubitare profitentur, non possunt abnuere quin existant. Qui enim se dubitare dicit, hoc ipso fatetur, quod existat. Si enim non existeret, non posset dubitare. Praeterea, qui dubitat, necesse est, fateatur, aliquid animo suo obuersari, de quo dubitat. Qui enim animo cogitationibusque suis nihil agit, ille etiam nec dubitat. At hoc ipsum, quod animo eius, qui dubitat, obuersatur, siue notionem, siue ideam, siue speciem dixeris, siue alio nomine appellitaueris, supponit aliquid, cuius sit notio, siue actu existat, siue existere possit. In quamcunque itaque se vertat partem scepticus, confiteatur, necesse est, existere aliquid, vel existere posse, de quo dubitat, deque eo, quod existat, vel existere possit, cum non posse dubitare. Nemo praeterea negare potest, quasdam notiones ita esse comparatas, ut a nobis ipsis non procedant, ut, cum eiusmodi quid exhibent, quod remouere potius, quam arcessere velimus. Hae vero notiones, cum non possint non rei alicuius notiones esse, nec a nobis ipsis procedant, eas rem extra nos designare necesse est : adeoque rursus de rerum quarundam extra nos positarum existentia

nos nulla ratione dubitare sinunt. Rerum extra nos positarum diuersitas eadem ratione demonstrari potest. Qui enim dubitat, rerum quandam diuersitatem non admittere nequit. Qui dubitat, calidumne aliquid sit, an frigidum, concedat, necesse est, quod calidum est, non esse frigidum, & vice versa. Sic & qui ambigit, malumne aliquid sit, an bonum, fateatur, necesse est, quod malum est, non esse bonum, & quod bonum est, non esse malum. Certe, dum dubitamus, res diuersas & a se distinctas inter se conicimus atque comparamus, atque hoc ipso, eas diuersas esse, profiteamur. Possem vltcrius ex innato omnibus sciendi desiderio, vano vtique atque irrito, si nulla daretur certa rerum cognitio, itemque ex mentis humanae indole atque constitutione, certis perspicuisque plene acquiescentis, incertis dubiisque per se assensum suum denegantis, aliisque rationibus demonstrare, ineptum prorsus stolidumque esse scepticismum, nisi superuacaneum hoc exilinare, & alii iam in hisce omnibus luculenter edisserendis, studium operamque suam collocassent. Id potius adhuc obseruo, argumenta, quibus sceptici euincere allaborant, incerta omnia esse, ad tria reuocari posse capita. Vel enim ab *obiecto nostrae cognitionis*, seu rebus cognoscendis, vel a *facultatibus*, quibus homo praeditus est, *cognoscentibus*, vel a *methodo inueniendi verum*, deprompta sunt; ex quibus tamen, quae ad duo priora pertinent, praecipue in censum veniunt. Ad obiectum quod attinet, res cognoscendas, incertas, fallaces, abstrusas, inuolutas esse, nec villo indicio nobis allucere, clamitant, vt adeo nec de proprietatibus earum certi quid sciri queat. Idque cum generatim, de rebus omnibus, quae humanae cognitionis obiectum constituunt, asserunt, speciatim tamen de Deo, rebusque diuinis, adfirmant. Deinde ad alterum quod attinet, mentis humanae imbecillitatem, labilitatem, defectus varios, mirum in modum exaggerant, & sensum fallaciam atque errores vrgent. Tandem & in variis, quae extant, methodis inueniendi verum, multa

ra desiderant, nullam hactenus excogitatam; contententes, quae ita comparata sit, ut hominem tuto & sine erroris periculo ad finem exoptatum, veritatis scilicet certam cognitionem, perducere queat. Verum, si, quam frivola & lubrica haec omnia sint, ostenderimus, scepticismus, & qui ei innititur, atheismus, sua sponte corruet. Falsum nimirum prorsus est, quod primo loco de obiecto cognitionis dicunt, res omnes incertas, fallaces, abstrusas & ita involutas esse, ut nullo indicio nobis innotescant. Ut enim non negaverim, quaedam hinc inde in variis scientiarum generibus occurrere, quae non prorsus evidenter sunt, aut obscuritate quadam laborent; de omnibus tamen generatim rebus, qui hoc adfirmat, is data opera, stolidoque conatu, contra ipsam experientiam mihi pugnare videtur. Solent a nonnullis obiecta cognitionis nostrae ad tria revocari capita: cum homo, qui aliquid cognoscit, aut *se ipsum*, aut *Deum*, aut *res alias*, maxime *corpora* extra se posita cognoscat. Ut quis sui ipsius existentiam, itemque proprietates animae & corporis essentielles cognoscat, nihil aliud requiritur, quam ut saltem cogitationes ad se ipsum, & ad sensus suos externos, convertat; tumque ea facile deprehendet, de quibus nemo nisi ratione omni destitutus, dubitare potest. Ad Deum quod attinet, licet nemo eius essentiam perfecte comprehendere queat, cum, quod infinitum est, finiti intellectus limites longissime transcendat; indicia tamen, ex quibus & existentia, & summa eius perfectio, evidenter cognoscatur, non deesse, vel ex hactenus dictis nemini obscurum esse potest. Quae enim de notitia Dei, tum insita, tum acquisita, diximus, evidenter demonstrant, non una ratione mortalibus innotescere, quae de Deo eiusque summa perfectione scire, eorum interest. Idque adeo manifestum est, ut nec ipsi tandem reclamare sceptici audeant. Πάντες μὲν ἄνθρωποι, inquit eorum mente SEXTVS EMPIRICVS, θεῶν ἔχουσιν ἐννοίαν, ἐκ ὧσάντων δὲ. *Omnes homines Deorum habent*

bent notionem, sed non eodem modo; aduers. mathe-
maticos lib. VIII. Non minus & reliquarum rerum
 extra nos positarum clara sunt indicia, de quibus
 vt aliquid dicamus, superuacaneum foret, nec in-
 stituti nostri aut permittit, aut requirit ratio. Fru-
 stra vero etiam facultates, quae in homine sunt,
 cognoscentes, a scepticis sollicitantur. Quantumuis
 enim humani intellectus in multis non sit neganda
 imbecillitas infirmitasque, ea tamen neutrquam tan-
 ta est, vt non ea homo cognoscere possit, quae ad
 ipsius conseruationem sunt necessaria. Varia eaque
 euidentissima hoc docent philosophorum, mathema-
 ticorum cumprimis, principia, in quibus falli ali-
 quem posse, ob summam eorum euidentiam pror-
 sus est *adύvarton*. Parique euidentia cum cognosca-
 mus, & Deum existere, & quicquid perfectionis
 cogitari potest, ad essentiam eius pertinere, frustra
 humani intellectus in hisce accusatur imbecillitas.
 De imaginatione, sensibusque externis, idem pro-
 bari posset, si id huius loci esset. De methodis de-
 nique inuestigandi & inueniendi verum quod dicunt,
 lubentes fatemur, non omnes vno eodemque ha-
 bendas loco queat. Nectamen ideo omnes reiiciendae,
 aut ex incommodis, quibus haec aut illa methodus
 laborat, inferendum, nullam prorsus dari, qua ve-
 rum inueniri. Eos enim, qui ita rationes subduce-
 rent, ipsa iterum refelleret experientia. Hoc sane
 constat, eos, qui praefudicatis opinionibus procul
 facessere iussis, adfectibusque in ordinem redactis,
 ingeniosam rei cuiusque cognoscendae instituunt
 analysin, eamque deinceps constanter promouent,
 vsque dum distinctam rei, quam cognoscere cu-
 piunt, notitiam consequantur, veritatem certissime
 cognoscere posse. Nec ignotum est, quo pacto
 veritas in rebus naturalibus cognita atque perspecta,
 ad reuelationem agnoscendam nos manuducere
 queat; qua de re alibi ex instituto. Plura contra
 scepticos dabunt PETRVS GASSENDVS, *tom. I. opp.*
de Logicae suae cap. III. SAMVEL PARKERVS, *de*
Deo & prouidentia disput. VI. pag. 449. seqq. PE-
 TRVS

TRVS DB VILIEMANDY, in *scepticismo debellato*, cum primis *cap. VII. seqq.* Iungenda, quae dixi in *dissertat. de scepticismo morali*, quae extat in *analectis historiae philosophicae*, §. XVIII. †

† Adde insuper HONERTUM *Waaragt. wegen L. 1. GRIJWEIT diff. inaug.* antea laudatam, & confer STOLLIIUM *Hist. Litt. P. 2. C. 1. §. 86 & seqq.* *Sceptici malevoli rudiores*, quorum infinitus fere numerus adest, facillime convincerentur; si rite perciperent, se, qui Philosophiae præcepta ne primoribus quidem labris gustarunt, non magis quam lixæ & calones, aptos esse natos ad accuratum de rebus hujusmodi examen. Si præterea rite pensarent, quam infelices sint, si Numen, de cujus existentia lubentes dubitant, existat. *scepticis miserabilibus* nihil utilius mihi videtur, quam *assenta & aqua* argumentorum pro existentia Dei consideratio; conversatio cum hominibus piis & judiciosis, iis præsertim, qui harum rerum experientia pollent; firma corporis constitutio, a malo Hypochondriaco non vexata; & ardentes denique ad summum Doctorem preces.

§. II.

Materiam porro quocunque modo consideres, nihil in ea deprehendes, quod existentiam eius necessariam euincat. Immo nihil ob stare, facile perspicies, quo minus & non existat. Idque eo magis, quod materia minime pro ente perfectissimo haberi queat, cui tantum necessaria existentia conuenit. Et ita generale *atheismi dogmatici* fundamentum proster nitur. *

* Etsi varia dentur atheismi dogmatici genera, in eo tamen omnes atheos, certum systema sequentes, conuenire necesse est, materiam semper fuisse, & ad eius essentiam pertinere existentiam necessariam. Si enim materia non necessario existit, tempus esse potuit, quo omnino non extitit. Si ergo aliquando non extitit, quae ergo eius origo? & unde hic

ce mundus? Obmutescendum ergo hic est. atheis, quicumque fuerint, siue Aristotelis, siue Epicuri, siue Spinozae systema sequantur, aut asserendum, materiam semper extitisse, immo necessario existere. Hinc supra iam ad *cap. II. §. X.* hoc generale omnis atheisimi dogmatici fundamentum esse, obseruauimus; quod si euertatur, omnia illorum corruere systemata necesse est. Praecipue itaque nobis demonstrandum est, ad essentiam materiae non pertinere existentiam necessariam; tum enim facile, eam semper non extitisse, comprobari potest. Necessario autem materiam non existere, primo indeliquet, quod in eius conceptu nihil deprehendam, quod existentiam necessariam inferat. Sane quicquid existit, dum existit, non potest non existere. Inde vero non sequitur, quod id, quod nunc existit, etiam semper extiterit, & quod nunquam perituum sit. Et ita etiam, cum materia se res habet. Nulla prorsus ratio afferri potest, cur ea, quae nunc existit, semper existere debuerit, aut cur non existere nequeat. Existentia ergo eius non est necessaria. Praeterea si omnes materiae proprietates, extensionem, diuisibilitatem, facultatem recipiendi motum consideres, nihil, quod existentiam necessariam in his inferat, deprehendes. Cur enim, quaeso, ens eiusmodi, in quo extensionem, diuisibilitatem, & alia eiusmodi obseruo, necessario existeret? Quid obstat, quo minus concipiam, eiusmodi ens non esse, vel non fuisse, vel in posterum non fore? Sane ad conceptum entis perfectissimi, omnibusque numeris absoluti, pertinet existentia necessaria. Sed tantum abest, ut materiam pro ente omnium perfectissimo consummatissimoque habere debeam, ut maximas contra grauissimasque in ea deprehendam imperfectiones. Est enim materia in se spectata, ens mortuum, mere passiuum, vita & motu destitutum, nisi motum ab alio accipiat. Quod licet per se manifestum sit, in sequentibus tamen ex instituto demonstrabitur. Cumque nobis vel ex mentis nostrae inspectione constet, dari substantias,

tas, intellectus, voluntas, facultateque mouendi corpora praeditas, eiusmodi quid autem in materia non deprehendam, sequitur, materiam eiusmodi substantiis longe esse ignobiliorem imperfectioremque. Immo & ad sensationes quod attinet, eas formaliter ipsi materiae non inesse, sed ex varia saltem materiae dispositione, figura, motu, in mente nostra excitari, pridem philosophis quibusdam est observatum. Quis ergo materiam pro ente omnium perfectissimo venditare auderet? Quare & existentia necessaria frustra ei tribuitur. Si dicas, si vel maxime materia non existat necessario, sufficit tamen, quod semper extiterit; hoc quidem gratis asseritur. Quod si enim hoc negem, unde probabis? Immo non extitisse, inde euinco, quod mundus hucce non semper fuerit, vt *cap. praeced. §. XI.* luculenter enicimus. Quodsi materia ab omni aeternitate atque per infinita iam secula fuit, aut, & mundum ab omni aeternitate fuisse, concedendum, aut ratio danda, cur in certo temporis spatio demum extiterit. Posterius cum atheus facere nequeat, nisi ad veterum philosophorum de exustionibus & diluviis ineptias iterum delabi velit, prius ei est asserendum, quod aeque absurdum est. Ad rationem praecipuam, qua gentilium philosophi inducti, materiae aeternitatem & existentiam necessariam asseruerunt, quod *ex nihilo nihil fiat*, supra iam ad *cap. II. §. X.* responsum, atque ostensum, de causa materiali hoc equidem procedere, minime autem de causa efficiendi infinitae virtutis †. Haec enim quominus ex nihilo aliquid facere queat, nihil profecto obstat, etsi modum ratio capere nequeat. Iungenda his, quae contra necessariam materiae existentiam disputat IAC. ABBADIE, de *veritat. & certitud. christian. relig. sect. I. cap. VI. §. IV. seqq. pag. 49. seqq.* ††

† Canon ille, *ex nihilo nihil fit*, non absolute verus est, nisi idem valeat cum isto, *a nihilo nihil fit*. Si aliter, sentiant sententiae de materiae aeternitate promachi: demonstrationem peto. Ad experientiam provocant: *nullum uni-*

que corpus hac vel illa forma produci, nisi e materia praexi-
siens. Verum; utrum experientia ejusmodi ferat testimo-

nium, de Causis infinite non perfectis duntaxat; an vero idem quoque testetur de Causa summe perfecta: ulteriori examine indiget. Mea quidem sententia, experientia edocemur, cuncta, quæ præter Deum existunt, ab ipso *e nihilo* esse producta. dicēs forte: bona verba quæso! demonstrēs in antecessum, quæ audacter posuisti. Verum scias, me, hæc occasione, respondentis munere fungi: adversariorum vero esse, ut probent; experientiam non docere, Deum *e nihilo* Mundum produxisse, sed contrarium. Quod priusquam feceris; ne provocēs, quæso! ad istum canonem, *e nihilo nihil fit*: ne rideant sapientiores, eum Tuam in ratiocinando mediocritatem, dum principium tam luculenter petis, deprehendant. Vir doctus, qui adornavit *us. Phil. Leibn. & Wolff. in Theol. P. I. C. 3. §. 4. p. 202.* non videtur attendisse: Quæstionem non esse: an, *si e nihilo nihil fiat*; *e causa* tamen, quæ infinita Potentia gaudet, aliquid fieri possit? Sed; an nihilo secius *ab omni-* potenti causa, *e nihilo* quæcumque produci queant: licet Canon iste sit verissimus, ratione causarum, quæ infinite non sunt potentes?

†† Conf. quoque, quos supra adduximus, cum de Argumento, *e contingentia* existentiae Mundi, Cel. Auctor ageret.

§. III.

Materia ergo cum neutiquam necessario existat, nec semper extiterit, multo minus mundum, prouti nunc est semper fuisse, dici potest. Eos sane, qui id sibi persuaserunt, in grauissimo versari errore, facile demonstrari potest. Pes-

sime etiam iidem causae suae consulunt, dum per formas & qualitates, naturae phœnomena explicare annituntur. Praeterquam enim, quod hæc philosophandi ratio, in se spectata, absōna sit, & vnanimi fere consensu hodie reiiciatur, cum sententia, quæ mundi aeternitatem statuit, eius-

eiusque creatorem reiicit, nullo modo conciliari potest. Et ita *Aristotelici atheismi* fundamenta collabascunt.*

- * Cum mundi aeternitas ad *cap. praeced. §. IX.* rationibus evidentissimis iam destructa sit, eas ut hic repetamus, necesse non est. Quare id saltem observamus, gentilium istos philosophos, quibus mundi ex fortuito atomorum concursu ortus, nimis absurdus videbatur, & principium illud, ex nihilo nihil fit, perperam intelligebant, simulque vim potentiamque infinitam creatoris aut ignorabant, aut non admittebant, in hanc de aeternitate mundi ingressos sententiam, quam minoribus incommodis premi putabant, quam illorum, qui mundum ex atomorum concursu fortuito ortum asseriebant, etsi & ipsi rationibus in contrarium, non aliter, quam per inanes absurdissimasque de elutionibus huius uniuersi, hypotheses, obuiam ire poterant. Atque hinc facile rationes, quibus pugnabant, & quid ad eas respondendum sit, intelligere licet. Haud infima haec est; si naturae auctor conditorque statuatur, non posse dici, quis ille sit, unde venerit, quando, aut qua ratione mundum extruxerit? & quae alia sunt eiusdem generis. Audire hac de re LVCIANVM iuuabit, Cum enim dixisset, *variā esse de mundo sententiam, siquidem aliis non genitus, nec interiturus esse videatur; alii autem & opificem eius & fabricandi modum ausi sunt dicere*, quibus verbis christianos cum perstringere, nonnulli putant, sed Platonicos potius ea ferire, ex sequentibus liquet; tum de hisce subiicit: *ὅς καὶ μάλιστα ἐδυνάμει, θεὸν μὲν τινὰ τεχνίτην τῶν ὅλων ἐφιστάντας, ἢ προσιδέντας δὲ ἄτε ὅθεν ἤκων, ἄτε ὅπου ἐξῶς, ἑκαστὰ ἐτεκταίνετο. Καίτοι πρόγε τῆς τῶ παντὸς γενέσεως, ἀδύνατον καὶ χρόνον καὶ τόπον ἐπινοεῖν. Quos quidem cumprimis admirabar: quod, cum Deum quandam rerum omnium opificem constituissem, non etiam illud adderem, vel unde is esset profectus, neque, ubi con-*

confisteret, cum singula fabricaretur. Nam ante
 uniuersi ortum non possis vel tempus vel locum imagi-
 nari; in *Icaro-menippo* tom. II. opp. pag. m. 191.
 Eundem fere in modum VELLEIVS contra Platoni-
 cam mundi creationem apud CICERONEM disserit:
 Quibus enim oculis animi intueri potuit vester Plato, fa-
 bricam illam tanti operis, quae construi a Deo atque aedi-
 ficari mundum facit? quae molitio? quae ferramenta?
 qui vectes? quae machinae? qui ministri tanti mune-
 ris fuerunt? quemadmodum autem obedire & parere
 voluntati architecti aër, ignis, aqua, terra, potue-
 runt? Vnde vero ortae illae quinque formae, ex qui-
 bus reliqua formantur, apte cadentes ad animam effi-
 ciendum pariendosque sensus? de *natura deor.* lib. I.
 cap. VIII. Pari ratione & ARISTOTELES Anaxago-
 ram irridet, quod mente non aliter ac machina ad
 mundum formandum vtatur, *metaphys.* libr. I. cap.
 IV. PLVTARCHVS Platoniam mundi formationem
 impugnaturus, quaerit, num Deus iam extiterit,
 cum corpora se mouere inciperent? Cumque ne-
 gari nequeat, cum ab omni aeternitate extitisse, num
 dormierit, an vigilauerit, an neutrum fecerit? por-
 ro quaerit. Neutrum fecisse, cum dici nequeat,
 vt nec, quod dormierit, cum ab omni aeternitate
 dormire, idem sit, ac mortuum esse, vltius pro-
 greditur, & num ad summam beatitudinem ali-
 quid ei defuerit, aut non defuerit? interrogat. Si
 defuit, cur mundum creauit? de *placitis philosophor.*
 lib. I. c. VII. Proxime huc accedit illorum obiectio,
 qui, quid Deus, antequam mundum conderet,
 egerit? & cur non pridem antea, vel ab omni ae-
 ternitate eundem condiderit? quaerunt; & quae re-
 liqua sunt eiusdem generis. Haec vero omnia, quam
 friuola, ludicra & plane puerilia sint, nemo non
 intelligit. Vnico vero ictu cuncta prosterni pos-
 sunt, si ens aliquod summe perfectum, infinitae
 potentiae, omnis materiae expers, & liberrime cun-
 cta agens, supponatur. Neque tantum nihil ob-
 stat, quo minus eiusmodi ens perfectissimum, &
 a materia omni secretum, supponi queat, sed ra-
 tione

tionēs quamplurimae, reuera ens eiusmodi esse, euidētiſſime demonſtrant atque euincunt. Cumque non alia ſuppetat ratio, ex dubiis omnibus, quae circa rerum naturam ſe offerunt, eluctandi, id admittendum eſſe, nemo, niſi coecus proſuſ atque rationis expertus fuerit, abnuerit. Et ita facile ad rationes antea propoſitas reſpondere licet. Si namque quaeras, quis auctor conditorque huius vniuerſi ſit? Deus eſt, ſeu ens illud perfectiſſimum, potentiſſimum, liberrimumque, quod antea deſcripſimus. Vnde venit? Semper fuit. Quo in loco fuit? Vbi-que adeſt †. Qua ratione mundum fecit? quibus instrumentis, quibus miniſtris uſus eſt? Nullis. Ens enim, quod infinitae perfectionis & potentiae eſt, unico nutu omnia ex nihilo producere poteſt, nec instrumentis aut miniſtris indiget. Cur autem non pridem antea, aut ab omni aeternitate mundum condidit? †† Quia ſic placuit. Eſt enim, ut antea diximus, ens liberrimum. Beatusne fuit, antequam mundum conderet? Fuit. Cur ergo mundum condidit? Ut gloriam & ſapientiam ſuam manifeſtaret. Quid ante mundum conditum egit? Hoc ſcire noſtra non reſert; vnde nihil aliud agunt, quam ut ſultiſtiam ſuam prodant, qui hac de re quaerant. Qui vero ad mundi aeternitatem probandam, Deum neceſſitate quadam ad eum condendum inducunt, putant, hoc ipſo, ſe nescire, quid Deus ſit, ſignificant. Non minus enim ens liberrimum eſt, quam perfectiſſimum. Faliſumque eſt, quod Deus omnia neceſſario agat. Ita enim libertate deſtitueretur. Immutabilitas vero voluntatis diuinæ ita capiendā, ne per eam ſumma eius libertas euertatur †††. Iam quod ad *qualitates & formas ſubſtantiales* attinet, per quas Ariſtotelici ſyſtematis deſenſores rerum naturalium phoenomena explicare annituntur, primo ex ipſa materiae accuratori conſideratione patet, qualitates illas formasque ſubſtantiales vanas aſſe atque inanes. Praeter extensionem enim ac diuiſibilitatem, potentiamque motum & figuras varias reſciendi, in materia nihil deprehendimus. Nullae itaque

itaque partes materiae in se spectatae, aut calidae, aut frigidae, aut siccae, aut humidae, erunt, sed si quid eiusmodi sentimus, id pro mentis nostrae quadam passione aut affectione, ex diversa particularum, ex quibus materia constat, figura, situ, motu, orta, est habendum. Obstat praeterea huic sententiae decantatum illud philosophorum veterum, & in Aristotelica quoque philosophia receptum, principium: *ex nihilo nihil fit*. Cum enim in materia nihil prorsus, quod formis illis substantialibus, qualitatibusue simile sit, deprehendatur, fateatur necesse est, qui eas defendere annitur, formas illas substantiales ex nihilo oriri. Qualemunque enim entitatem habeant, causa tamen quaedam eis assignanda erit. Si dicant, qui sententiae istius patrocinium suscipiunt, non esse formas istas in subiecto suo, sed ex eo tamen educi, actione, quae non *creatio*, sed *eductio* vocanda sit, omnium se exponent ludibrio, cum nemo mortalium, quid sibi velint, intelligere queat. Nihil itaque aliud superest, quam ut aut fateantur, se nescire, quid dicant, aut creationem admittant. Quo ipso simul patet, ad rerum naturalium phaenomena explicanda hocce systema longe esse ineptissimum, nisi creatio admittatur. Quemadmodum vero nec reliquae formae aut qualitates, ceu entitates reales, ex materia educi possunt, ita multo minus, quo pacto anima hominis hac ratione originem suam accipiat, concipi potest. Cum enim in materia nec sensus, nec cogitatio, nec libertas sit, num fieri possit, ut sine creatione ex materia substantia a materia prorsus distincta, sentiendi, cogitandi, adpetendi facultate, libertateque praedita existat? Coecus sit, rationeque omni destitutus, qui hoc sibi persuadeat. Immo nec motus rationem per hanc hypothesein reddi posse, nonnullis observatum. Licet enim vel maxime dicant, ex materia generali formas & qualitates, & in eam corrumpi, semper tamen remanet quaestio, cum generatio & corruptio sine motu fieri nequeat, unde ille motus? quaeue
 eius

eius causa sit efficiens? cum materia se ipsam nec mouere, nec mutare queat. Sed plura non addo, cum iam pridem formae istae substantiales & qualitates ex orbe philosophico proscriptae sint. Rationes in compendio exhibet IOANNES BAPTISTA DV HAMEL. de *consensu vet. & nouae philosophiae*, libr. I. cap. VII. §. VII. pag. 157. seqq.

† Potius dixerim: licet nunc, cum Mundus adest, omniscio intellectu & efficacissima voluntate, sit omnipræsens: loco tamen non indiget; antequam locus daretur, circa proprias tantum virtutes, & quæ decreverat versatus, jam beatissimus extitit.

†† Quum in infinitum usque eadem Quæstio rediret: *cur Deus Mundum non prius creauit?* ab ea potius abstinendum est. Si necesse sit, ut Deo rationem fuisse dicamus, propter quam ante sex fere annorum millia, Mundum condiderit: (quod ex Leibnitii Philosophia videtur sequi) eam habere potuit; licet, quænam fuerit, nesciamus. *Ab omni aternitate Deus Mundum non condidit*, quoniam id plane impossibile fuit. Mundus enim *successivam* habet durationem, quam, absque termino, a quo initium ceperit, concipi non posse, in *dissert.* nostra demonstrabimus. Vide quoque J. OND *Princ. Philos. Nat.* P. 1. haud procul ab initio, & nonnulla, quæ ad illam Quæst. pertinent, in *us. Philos. Leibn. & Wolff. in Theol.* P. 1. C. 3. §. 9.

††† WOLFFIUS & LEIBNITIUS arbitrantur: *e ratione Optimi*; aliter fieri non potuisse, quin Deus hunc, quem conspicimus Mundum, produceret: non vero *ex necessitate*. Conf. *us. Phil. Leibn. &c. C. 3.* ubi quoque nonnulli, qui hanc sententiam impugnarunt, recensentur.

†††† Adde OND *Princ. P. 1. p. 49. & seqq.*

§. IV.

Qui Deum pro *forma mundi* aut *assistente*, aut omnino *informante*, habent, adeoque necessario

rio nexu cum materia coniunctum contendunt, & fati ineluctabilis legibus subiiciunt, vt omnium libertate priuant, ita pugnancia secum afferunt, Deum statuentes, qui non sit Deus, seu ens perfectissimum, quod summa imperfectione laboret. Quod cum longe absurdissimum sit, *Stoicus atheismus* hinc sua sponte corruiť.

- * De Stoico atheismo supra cap. I. §. VIII. & cap. II. §. IX. & X. diximus. Prouti cum Spinozismo conuenit, in quem cum tandem abire, ibidem obseruauimus, iisdem reijci & impugnari rationibus potest, quibus deinceps contra Spinozam pugnabimus. Prout autem a Spinozismo utcunque discernitur, rationes, quibus nititur, ad duo revocari capita possunt; alterum, Deum nexu insolubili cum materia coniunctum esse †, immo ipsam animam mundi constituere; alterum, totum hoc vniuersum, ipsumque adeo Deum, inuitabilis fari legibus durissimis esse obnoxium. Vtrumque tam absurdum est, vt absurdius nihil cogitari queat. Etenim si Deus cum materia necessario nexu coniunctus est, ita quidem, vt ipsam mundi animam constituat, sequetur, eius essentiam per omnia corpora diffusam esse, vt non tantum in singulis hominibus, sed & brutis animantibus, pars quaedam essentiae diuinae reperiatur. Haud nescio, id omnino admisisse atque asseruisse Stoicos; sed hoc ipso ostenderunt, se ad ineptissima quaeuis absurdissimaque admittenda & asserenda paratos esse. Deum nimirum se agnoscere, & colere videri volebant, sed talem Deum, cuius pars in canibus, felibus, auibus, aliisque animantibus deprehenderetur. Quam vero absolum sit, essentiam diuinam ita in particulas discernere, iam ipse vidit CICERO, in Pythagora (cui eandem sententiam tribuit) idem reprehendens: Nam *Pythagoras*, inquit, *qui censuit*, (Deum) *animum esse per naturam rerum omnium intentum & commeansem, ex quo nostri animi carperentur, non vidit distra-*

distractione humanorum animorum, discerpi & lacerari Deum; & cum miseri animi essent, quod plerisque contingeret, tum Dei partem esse miseram; de natur. deor. libr. I. cap. XI. At non adeo ista mirabitur, qui secum cogitauerit, Stoicos non alium quam materialem Deum agnouisse ††. Diversimode equidem de Deo loquuntur. Interdum totum compositum, quod ex materia & spiritu, seu anima mundi, constat, Deum vocans. Subinde namque ipsum mundum, aut naturam, hocce nomine insigniunt. Interdum vero animam mundi separatim spectantes, eam Deum, item spiritum, animum, mentem, rationem adpellitant. At spiritus nomine eos neutiquam substantiam materiae expertem, sed corpus aliquod subtilissimum intelligere, supra iam ostendimus. Nec Deum eos materiae expertem credidisse, vel inde patet, quod cum mox pro igne, mox pro aethere, habuerint. CICERO de Zenone, Stoicorum principe, verba faciens, atque hic eadem, inquit, alio loco aethera Deum dicit esse, si intelligi potest nihil sentiens Deus, qui nunquam nobis occurrat, neque in precibus, neque in optatis, neque in votis; de nat. deor. lib. I. cap. XIV. Quo sensu & capiendum, quod DIOGENES LAERTIVS docet, ab Antipatro Tyrio, τὸ ἡθεμονικὸν τῷ λόγῳ, seu partem principalem mundi esse τὸν αἰθέρα, aetherem, in Zenone, seu libro VII. sect. CXXXIX. Rursus idem, de quo ante diximus, Zeno, auctore iterum CICERONE, naturam (hoc est Deum) ita definit, ut eam dicat ignem esse artificiosum ad gignendum progredientem via; de natur. deor. libr. II. cap. XXII. Idque ipse IUSTVS LIPSIUS, magnus Stoicorum defensor & admirator, negare nequit, quippe qui, dum eadem CICERONIS & similia DIOGENIS LAERTII verba recitasset, addit: Quare ignem? quia Stoici vim & vitam omnem mundi atque ipsum adeo Deum in igne ponebant, immo Deum esse. Sed ignem non quemcunque, non huncce nostrum corruptorem & corruptibilem, sed artificiosum, id est, artificem atque opificem, condensam ratione & velut arte, vegetam-

tem ac seruantem; *physiolog. Stoicor. libr. I. dissertat. VI. pag. 12. seqq.* Quo pacto tum haec, quod Deum mox aetherem, mox ignem vocant, tum reliqua, quae de eo enuntiant, *ἀσύματα* prorsus atque *ἀσύμφωνα*, inter se, conciliari queant, videant, qui Stoicorum in se patrocinium suscipiunt. Nobis sufficit. quod inde pateat, non aliud, quam materiale rerum omnium principium eos admisisse. Idque & inde manifestum est, quod animam hominis, quam Dei particulam esse existimant, materiale esse credant, uti supra obseruatum. Haec vero omnia quam inepta, quamue indigna iis sint, qui philosophi videri volunt, nemo non intelligit. Rerum omnium, quas in hocce vniuersa videmus, natura atque indoles necessario causam quandam, summa sapientia, potentia & libertate praeditam, requirit. Hanc qui non admittit, & nihiloscius effectuum, qui in natura occurrunt, rationem reddere annitur, nihil aliud agit, quam ut mentis imbecillitatem prodatur. Quis vero de isto Stoicorum principio, necessario non tantum vinculo cum materia coniuncto, sed & ipso materiali, sibi istud persuadeat? Materiam cogitationis, adeoque nec cognitionis, multo minus sapientiae ac libertatis, capacem non esse, saepius iam monuimus. Quae itaque effectuum, qui oculis nostris quotidie obuersantur, causa? Nec est, quod quemquam moueat, Stoicos docere, mundum initium habuisse, habiturumque finem, itemque subinde de *δημιουργῶ* seu conditore quodam mundi, loqui. Initium enim finemque mundi ita capiebant, ut infinitam mundorum successionem admitterent, mundoque per exustionem destructo, *σπερματικὸς λόγος*, quos vocabant, remanere, ex quibus nouus nasceretur. Et de ista mundi ex rationibus seminalibus generatione, etiam creatio mundi ex istorum mente est accipienda. Luculenter hoc exprimit *ΔΙΟΓΕΝΗΣ ΛΑΕΡΤΙΟΥ*, de Deo ex Stoicorum mente ita loquens: *ὅς δὲ ἀφθαρτός ἐστι καὶ ἀγέννητος, δημιουργὸς ὢν τῆς δια-*

κοσμήσεως, κατὰ χρόνων ποιας περιόδου, ἀναλίσκων
 εἰς ἑαυτὸν τὴν ἀπασαν ὑσίαν, καὶ πάλιν ἐξ ἑαυτοῦ
 γεννῶν, *qui est incorruptibilis et ingenuus sit, opifex
 tanti operis et ornamenti, per temporum certos circui-
 tus in se ipsum omnem substantiam consumens, et eam
 rursus ex se ipso gignens; in Zenone siue lib. VII.
 sect. CXXXVII.* Haec vero omnia ita comparata
 sunt, ut & gratis a Stoicis assumantur, & sua fu-
 tilitate corruant. Per λόγον enim σπερματικὸν aut
 Deum, aut aliud quid, intelligunt. Si Deum ip-
 sum, (quae omnino illorum est sententia) nesciunt,
 quid dicant, cum hoc ipso ens, quod perfectissi-
 mum simulque imperfectissimum sit, admittere, hoc
 est, pugnantia secum loqui cogantur. Sin aliud
 quid? quaestio rursus, quidnam illud sit, & qua
 ratione vitam, motum & reliqua, quae in rebus
 creatis conspiciuntur, in hominibus vero etiam co-
 gitationem, cognitionem, sapientiam, libertatem
 efficere queat, exurgit, cum haec omnia summam,
 infinitam, liberrimamque potentiam supponant. Cun-
 cta vero tandem apud Stoicos ad fatum aliquod
 redeunt, cuius inevitabili necessitati omnia, ipse
 etiam Deus, obnoxia sint. Eos omnia omnino,
 ipsumque adeo etiam Deum, fati legibus subiecisse,
 variis testimoniis comprobare possem, sed sufficiat
 unicum illud M. AVRELIJ ANTONINI: Πάντα ἀλ-
 λήλοις ἐπιπλέκεται, καὶ ἡ σύνδεσις ἱερὰ, καὶ σχεδόν-
 τι ὕδεν ἀλλότριον ἄλλο ἄλλῳ. συγκατατέτακται γὰρ
 καὶ συγκοσμεῖ τὸν αὐτὸν κόσμον. Κόσμος τὲ γὰρ εἰς
 διὰ ἀπάντων, καὶ θεὸς εἰς διὰ πάντων, καὶ ὑσία
 μία καὶ νόμος εἰς. Λόγος κοινὸς πάντων τῶν νοερῶν
 ζώων καὶ ἀλήθεια μία. Omnia sunt inter se comple-
 xa sacro nodo, neque quidquam ab altero est alterum:
 ordine enim omnia certo disposita, unum eundemque
 mundum exornant, Mundus ex omnibus constat unus,
 unusque per omnia diffusus est Deus, una natura,
 una lex, una ratio communis omnibus ratione praedi-
 tis animantibus, una veritas; de se ipso ad se ipsum

libr. VII. §. VII. Hic fati immutabilem & indeclinabilem necessitatem *sacri nodi* nomine, referendo se ad nodum Herculis, vel Iovis catenam, Homero memoratam, designat. Rex vero indicaturus, quae sacro hoc nodo colligatae inter se atque connexae sint, adeoque ineluctabili fati necessitati obnoxiae, Deum, ceterasque mundi partes, nominat. Observatum id mihi iam in *differtat. III. de errorib. Stoicor. in philosophia morali §. VII. in analect. hist. philos. p. 178.* ubi & plura hac de re dixi. Iam vero, si quaeras, quidnam itaque istud fatum sit? nihil aliud responderi potest, quam ipsosmet hoc non posse explicare Stoicos, adeoque, dum semper fatum crepant, eos tamen reuera, quid dicant, quidve ea voce tibi velint, nescire. Si enim vel maxime respondeas, est ineluctabilis necessitas, est ineluctabilis ordo, nisi causam simul adferas †††, unde necessitas illa, unde euitabilis ordo proueniat, nihil capio, nihil intelligo; vocemque saltem audio, cuius sonus aurem verberat, sed, quae in mentem, quod capere queam, nihil producit. Ipsi etiam hac in re adeo sibi non constabant Stoici, ut quidam fatum a Deo distinguerent; alii autem, fatum & Deum, vnum idemque esse, traderent. *DIOGENES LAERTIVS* inter illorum dogmata hoc quoque refert: *ἐν τε εἶναι θεόν, καὶ νῦν, καὶ εἰμαρμένην καὶ δία, πολλὰς τε ἐτέρας ὀνομασίας προσονμάζουσιν* Vnum quoque Deum esse, & mentem & fatum & Ionem, multisque aliis appellari nominibus; *libr. VII. sect. CXXXVI.* Quod & *CICERO* confirmat, de Chrysippo verba faciens: Idemque etiam legis perpetuae & aeternae vim, quae quasi lux vitae & magistra officiorum sit, Ionem dicit esse; eandemque fatalem necessitatem appellat, sempiternam rerum futurarum veritatem; de *nat. deor. lib. I. cap. XV.* Plura non addo, cum haec, quae diximus, ad profligandas Stoici atheismi ineptias sufficient.

† Jam vidimus, & in posterum ulterius sumus probaturi, *Ans infinita perfectam & necessarium existere*: hinc sponte

te sequitur, Mundum *finitum* & *haudquaquam necessarium* (conf. anteced. & dissert. nostram) ad ejus essentiam non pertinere. Essentia enim *infinita* ex *finitis* componi nequit; & quæcunque ad essentiam entis *necessarii* pertinent, oportet quoque sint *necessaria*. Si ergo Deus, *insolubili nexu*, cum materia sit *conjunctus*: nexus ille e natura Dei derivari tamen non potest. Ergo: vel in eo, quod materia sit *accidens* summi Numinis (i. e. quod ei adesse, ab eo quoque abesse potest;) vel in eo, quod Deus, postquam Mundum a se quam maxime diversum produxit, inter se & illum vinculum quoddam (quale E. G. inter animam & corpus experimur) constituerit, quaeri debet. Prius vero, verum non esse, facillime evincitur. Nam *Accidentia* in Ente *perfectissimo*, *simplici* itaque & *immutabili*, locum habere nequeunt; & definitio, non *accidentis*, sed *substantia* in materiam quadrat. Posterius autem non tantum nullo indicio apparet; cum tamen vinculum istud deberet esse mutuum: Verum etiam Deum omnium scelerum, quæ in Mundo committuntur, manifeste reum agit; quod absolum est; quoniam Deus *infinite perfectus* per consequens quoque est *santissimus* &c. Videantur quoque, qui contra *Spinozam* scripserunt.

†† Præter ea, quæ Cel. Auctor in seqq. contra hanc sententiam disserit, observari itidem potest: materiam *suis finibus limitatam* esse, *ab æterno non extitisse*, *conscientia sui non gaudere*, & *e partibus esse compositam*; (videantur iterum anteced. & nostra diss.) per Deum autem intelligi Ens *infinite perfectum*, quod non potest non *necessario existere*, *perfectissima sui cognitione æternum esse beatum*, & *cujusvis compositionis expertus* esse. Eodem igitur argumento, quo demonstramus ens infinite perfectum existere, *materialem* Deum exulare jubemus.

†† Nihil sit utique absque causa; sive ratione, si mavis. Causa igitur inevitabilis illius ordinis, vel in rebus ipsis extra Deum, vel in Deo quaeri debet. Postremum sano sensu si admittas: de consensu gratulor. Primum cum ratione statui nequit. Cum ipsæ res non sint necessariæ; & in iis ordinem ab eo, quem nunc videmus, diversissimum, animo concipere possumus; certissimo indicio, ordinem istum ad rerum naturam non necessario pertinere, ideoque in illarum natura non habere fundamentum.

V.

Non minus vero illi mentis summam imbecillitatem produnt, qui mundum huncce ex fortuito atomorum concursu coaluisse, sibi persuadent. Praeterquam enim, quod frustra atomorum seu materiae aeternitatem supponant, motus quoque, quem atomis tribuunt, causam rationemque expedire nequeant, summa illa, quae & in toto hocce vniuerso, & in singulis rebus creatis, artificis, infinita potentia praediti, conspicitur sapientia, non permittit, ut aliquis, nisi mente omni & ratione destitutus, fortuito atomorum concursui ista tribuere queat.* Materiam vero vita quadam naturali & vi plastica instructam fingere, nihil aliud est, quam commenta commentis cumulare, & talia asserere, quae neutiquam secum consistere possunt.** Quae omnia qui paulo accuratius secum expenderit, facile, quam lubrica & Epicuraci & Stratonici atheismi fundamenta sint, intelliget.

- * Primum Epicuraci Atheismi fundamentum est, atomos semper extitisse. Hoc vero cum ex fundamento generali atheismi dogmatici, de aeternitate & existentia necessariae materiae fluat, quod iam ad §. II. huius capitis ex instituto destruximus, ut hic aliquid addamus, necesse non est. Alterum est, quod materiae motum tribuunt. Sed unde hicce motus? Si Deum materiae pariter & motus auctorem, conditoremque, admittere nolis, nihil aliud superest, quam ut dicas, motum materiae esse essentialem. At hoc quam absurdum sit, itidem supra iam demonstratum ad cap. V. §. III. Rationibus sal-

saltem ibi iam allatis & hanc addo: si motus materiae essentialis esset, a libere agentibus varie produci & destrui non posset. Quod qui per hypothesin de eadem motus quantitate, quae perpetuo in hoc mundo conseruetur, elidere cupiunt, commenta saltem atque fabulas nobis narrant †. Epicurus equidem viam hinc se expediendi sibi inuenisse visus est, dum pondus atomis tribuit, cuius vi deorsum in infinito inani ferantur. At hoc perinde est, ac si nullam motus causam reddidisset. Cum enim pondus, quod atomis tribuit, quacunque demum ratione consideretur, grauitatem, adeoque qualitatem quandam, qua deorsum corpora tendunt, denotet, quaestio rursus, vnde eam habeant, recurrit ††. Ad quam si respondere velit, aut causam quandam indicet, aut ignorantiam fateatur, necesse est. Ne quid de eo dicam, quod absurdum prorsus sit, in spatio infinito plagam sibi superiorem concipere, quod iam ipse TULLIUS monuit *libr. I. de finibus cap. VI.* Et haec quidem ad destruendum, penitusque euertendum, Epicuri systema sufficere possent. Vt tamen eo magis adhuc, quam infirmis lubricisque fundamentis innitatur, pateat, reliqua etiam prosequi, & paucis perstringere iuuabit. Cum ipsemet Epicurus videret, per motum atomorum perpendicularem eas in corpuscula & moleculas maiores coalescere non posse, alium insuper motum, quem *declinationis* vocat, excogitauit; vti supra ad *cap. III. §. IX.* nobis obseruatum. Sed vnde motus huius declinationis proueniat, quaeue eius causa sit, non explicuit. Si quidlibet fingere liceat, haud difficile fuerit, ex quolibet facere quidlibet. Quod ut in poetis forte toleraueris, philosopho tamen indignum esse, nemo non intelligit. Agnouit hoc itidem CICERO, *loc. cit.* contra confictum illum motum declinationis disputans. Quod si & hoc Epicuro concedatur, dari eiusmodi motum declinationis (quamuis nullo modo concedendum sit) nec sic tamen, quod cupit, obtinebit. Etenim si proportio vacui infiniti ad atomorum quantita-

tem consideretur, euidenter demonstrari potest, particulas seu atomos tantis a se inuicem remotas esse interuallis, vt nunquam se mutuo contingere & in corpuscula maiora coalescere potuerint; quod luculenter ostendit RICHARDVS BENTLEIVS, in *Stultitia & irrationabil. atheismi*, pag. 341. *seqq.* Sunt equidem, qui existimant, dilui difficultates omnes, quibus Epicuri systema premitur, posse, si cum recentioribus quibusdam, *motus attractionis* statuatur †††. Verum, si vel maxime *motus* eiusmodi *attractionis* admittatur, ille tamen non erit proprius aut essentialis materiae, sed ab arbitrio eius dependebit, qui naturae leges sancit. Materia enim in se spectata mere passiva est, & vti nec alium quemcunque, ita nec motum attractionis efficere potest. Multo minus motus regularis, fixus, vniformis, certis, iisque constantissimis legibus circumscriptus, qualis motus attractionis ex mente illorum est, qui eum supponunt, a sola materia, absque omni alia causa efficiendi proficisci potest. Mitto reliqua, quae contra motum attractionis a viris doctis disputata sunt, speciatim a RICHARDO BENTLEIO *loc. cit.* pag. 253. & 359. Cuncta vero tandem in Epicuraeorum schola eo redeunt, posito motu qualicunque, casu fortuito, per atomorum concursum, combinationem, nexus varios, totum hocce vniversum, & omnia in eo corpora, magna pariter ac parua, exorta esse. Hoc vero vti ex solo atomorum motu, si vel maxime is concedatur, nulla ratione fieri potuit, ita ordo concinnus, qui in hocce vniverso conspicitur, & admirabilis, pulcherrimaque, & ad certum finem sapientissime accommodata, corporum singulorum structura, quam *capite praecedenti* pluribus explicauimus, casui fortuito nullo modo tribui potest. Enimuero, si quis Iliada Homeri, & Virgilio libros Aeneidos, ex litterarum fortuita quadam combinatione originem accepisse, sibi aliisque persuadere vellet, hunc insanum esse, atque ratione destitutum, omnes vna voce pronuntiaturi essent. Quis enim crederet, tot voces,

ces, tot versus, sensum aptissimum fundentes, & iusto ordine atque nexu concinno integrum poematis corpus exhibentes, ita casu fortuito coire potuisse? *Hic ego non mirer*, recte inquit CICERO, *esse quenquam, qui sibi persuadeat, corpora quaedam solida atque individua, ut & granitate ferri, mundumque effici ornatissimum & pulcherrimum ex eorum corporum concursione fortuita: Hoc qui existimat, fieri potuisse, non intelligo, cur non idem putet, si innumerabiles unius & viginti formae litterarum, vel aureae, vel qualeslibet aliquo coniiciantur, posse ex his in terram excussis, annales Ennii, ut deinceps legi possint, effici; quod nescio, an in vno quidem versu possit tantum valere fortuna; de natura deorum libr. II. cap. XXXVII.* Pari ratione, si quis concentum suauissimum instrumentorum musicorum audiret, aut statuam vel picturam, summo artificio confectam, conspiceret, sibiue aut aliis persuadere vellet, fortuito contigisse casu, ut tam apte, tamque concinne diversi illi sonus ad harmoniam suauissimam efficiendam inter se consentirent, aut statuam istam vel picturam longe pulcherrimam sua sponte sine vlla artificis manu extitisse, nonne is omnium, ratione vel modice utentium, ludibrio se exponeret? Legenda, quae plenius hac de re disse- rit FRANCISCUS DE SALIGNAC DE LA MOTHE FENELON, de l'*existence de Dieu* §. V. seqq. p. 9 seqq. Cumprimis vero observandum, quod semper una eademque ratione, ordineque perpetuo & constanti sit, id non posse dici, quod fiat casu fortuito. Nihil enim magis casui fortuito, quam constans certusque ordo, repugnat. Iam vero quis vel leuiter coelestium siderum motum, generationesque plantarum, arborum, animalium, hominum, & reliqua naturae phaenomena considerans, non agnoscat, ordinem in hisce omnibus constantissimum, legesque fixas & immotas deprehendi? quae uti summam & infinitam sapientiam arguunt, ita cum casu fortuito consistere prorsus nequeunt †††. Ceterum, etsi Epicuraci subinde de casu fortuito loquantur, cique

eique rerum huius mundi ortum tribuant, simul tamen innuunt, per atomorum coniunctionem, combinationemque variam, mechanica quadam ratione, mundum huncce & omnia in eo corpora extitisse. Qua in re consentientem quodammodo secum habent RENATVM CARTESIVM, eosque, qui eius philosophandi rationem sequuntur. Hi namque licet materiam in particulas minutissimas a Deo diuisam, certumque motum ei impressum fateantur, reliqua omnia tamen mechanica quadam ratione extitisse, contendunt, vt Deo nihil aliud, quam creatio materiae, eiusque in partes diuisio, motus productio, & ad certas leges ordinatio, relinquatur. Quae res, quin atheis longe sit gratissima, dubitari nequit. Cum enim materiam in partes diuisam, motumque, (etsi perperam, vt supra demonstratum) supponant, si mechanica quadam ratione, absque supremo directore cuncta quae in orbe hocce videmus, existere potuerunt, iam habent, quod volunt. Immo recentiores isti mechanisimi defensores vltius progressi sunt, quam ipsi Epicuraci veteres. Hi enim nunquam asseruerunt, ex motu & coniunctione varia particularum non potuisse non eum, quem videmus, mundum cum singulis corporibus oriri, sed post varios eosque saepissime irritos materiae conatus, & combinationes atomorum ineptas, & frustraneas, tandem in infinito temporis spatio eam plurimorum corpusculorum coniunctionem casu fortuito contigisse, ex qua mundus hicce ortus sit. Recentiores contra mechanisimi assertores eam sibi rationem inuenisse visi sunt, qua posito materiae motu, non potuerit non mundus hicce cum omnibus, quae in eo conspiciamus, corporibus, oriri. Qua in re tamen quantopere fallantur, res ipsa docet, cum per solas leges mechanicas phaenomenorum naturalium nullo modo reddere rationes queant; quod in compendio ostendit IOANNES RAYVS, in *existentia & sapientia Dei manifestata in operibus creationis part. I. pag. 33. seqq.* Iungenda &, quae contra Cartesium disputat SAM. PARKERVS, de *Deo & providentia, disputat.*

1at. III. *sect. XXI. pag. 307. seqq. †††††*. Sed ad Epicurum
 ut redeamus, quam lubrico atque infirmitate funda-
 mento atheismi eius systema nitatur, vel inde pa-
 tet, quod ad naturae phaenomena explicanda talia
 subinde assumere cogatur, quibus suavit ipse prin-
 cipia euertit. Sic dum fortuito atomorum concu-
 sui animalium ortum tribuere ausus non est, eo
 potissimum inductus argumentum, quod alias ex quo-
 libet fieri possit quidlibet, ea ex seminibus in vteris
 terrenis antea formatis, enata fuisse, statuit; vide
 T. LUCRETIVS CARVS, *libr. II. vers. 699*. Sed vnde
 semina ista? Aut discrimen aliquod inter semina
 & reliqua corpora intercedit, aut non intercedit. Si
 non intercedit, cur semina statuit? aut cur non ex
 quolibet corpore quidlibet aliud oriri potest? Si in-
 tercedit, in quonam istud consistit, & vnde oritur?
 Pari ratione, cum cognitionem per εἰδὸλον ἔμπτωσιν
 fieri statuatur, necesse est, fateatur, omnem animae
 cogitationem mera passione, adeoque sensatione qua-
 dam, absolui. Haec vero cum erroris & falsi iudi-
 cii expertus sit, Epicurus, ut hinc se expediat, erro-
 rem ex animi opinatu oriri posse, dixit, qui aliquid
 ei, quod a simulacris repraesentatum erat, addat.
 Qua in re rursus aperte sibi contradicit, asserendo,
 cogitationem simulacrorum ἔμπτώσει contingere,
 adeoque animam mere passim se habere, & nihilo-
 fecius gaudere facultate, opinatu suo simulacrorum
 repraesentationi aliquid addendi, hoc est, simul ali-
 quid agere. Explicaturus praeterea, qua ratione fiat,
 ut, quod volumus, cogitemus? a conuersione men-
 tis id pendere putat, quae pro arbitrio huc & illuc
 se flectat. Quo ipso reuera voluntati facultatem se
 ipsam mouendi tribuit, quod cum eius materialita-
 te nullo modo consistere potest. Mitto reliqua, in
 quibus Epicurus, & qui ex eius schola prodierunt,
 non possunt non pugnantia secum asserere. Id sal-
 tem addo, cum πρῶτον ψεύδος atheismi Epicuræi
 sit, praeter inane & atomos nihil esse, adeoque nul-
 los dari spiritus, ipsam mentis nostrae consideratio-
 nem, ad huncce atheismum penitus conficiendum,
 effica-

efficacissimum argumentum suppeditare. Qua de re cum iam *cap. praeced. §. VII.* ex instituto dictum sit, ea vt hic repetamus, necesse non est.

† Digitum intendit Auctor in Harmoniae praestabilitae patronos. conf. DRIESSENII *Lumen & doctr. Conscientiae* p. 61. & *seqq.* Contrarium quoque plurimi e Physicis evincere studuerunt. v. J. ODE *Princip. Philos. Nat. pag. 107. & seq. P. I.* verum, licet illa hypothesis concederetur: non video tamen, quo pacto argumentum auctoris per illam elidi queat. Statuunt enim: quodvis corpus tantum de suo motu amittere, quantum in aliud transfert. DRIESSEN: *l. c.*

†† Gravitationem corpori essentialem non esse, ex eo patet; quod, absque contradictione, corpus quoddam menti repraesentare valeamus, quod Telluris centrum summo nisu fugit. Ejus causam igitur quaeramus oportet, non in materia, sed extra eam.

††† De Attractione Peripatetica videatur CHAUVINUS *Lex. Philos.* voce *Tractio*; de Newtoniana vero NEWTONUS *Princ. Mathem. Prop. 7. L. 2.* DESAGULIERS *Natuurkunde* 1. *Les §. 10. & seqq. &*, qui de Peripatetica quoque agit, JOLE, *Princ. Philos. Nat. p. 109. & seqq. P. I.* Ex attractione existentiam Numinis demonstrat NIEUWENTYT 27. *beschouwinge.*

†††† Casus est *existentia sine ratione.* Absque ratione nihil fit. Ergo nihil fortuito casu existit.

††††† CARTESII hypothesin licet penitus improbaverim: religio mihi est, quominus statuum, illum hoc pacto Epicuræis favere voluisse. Multi etiam, qui Cartesium hac in parte sequuntur, satis sedulo inculcarunt; leges Mechanicas, per quas Mundum cõaluisse opinantur, a Deo esse perfectas, ab eo conservari, & per eas nihil unquam extitisse absque Concurfu summi Numinis.

** Ex iis, quae supra ad *cap. I. §. XVI. & cap. IX. §. IX.* diximus, constat, systema Stratonis in quibusdam ab eo differre. Quod itaque ad ea attinet,
in

in quibus vterque consentit, materiam in particulas infinitas discerptam semper extitisse, & ex istarum particularum concursu fortuito totum hocce vniuersum ortum esse, quo loco habenda sint, iam ex dictis constat; cum, quae contra Epicurum disputavimus, etiam contra Stratonem valeant. Super sunt itaque, quae Stratonem propria sunt, quorum praecipuum fundamentum in eo consistit, vitam quandam plasticam materiae esse essentialem. Hac enim ratione, qui Stratonem hanc philosophandi rationem sequuntur, se difficultates, quibus Epicuraci premuntur, superare, & non tantum vitae sensusque in animalibus, sed & motus qualemcumque rationem reddere posse existimant. Verum si omnia paulo accuratius consideremus, vulgatum illud: incidit in scyllam, qui vult vitare charybdin, & hic obtinere videbimus. Primo enim gratis hoc sibi sumunt, materiae vitam plasticam essentialem esse. Hoc probandum prius, & rationibus luculentis evincendum erat, quam totius philosophiae aedificium eidem superstrueretur. Deinde, supra iam monuimus, vtcunque materia consideretur, nihil aliud, quam extensionem, diuisibilitatem, facultatemque recipiendi motum & figuras varias, in ea deprehendi. Vitam vero plasticam in materia, in se spectata, nemo inueniet. Immo cum ne motus quidem materiae essentialis sit, vti supra luculenter demonstraui, quis sibi persuadeat, eam vita quadam & virtute plastica instructam esse? Quod si vel maxime concedamus (quod tamen sine summa absurditate concedi nequit) materiam eiusmodi vita plastica gaudere, hanc tamen a sensu animali & cogitatione reflexa diversam esse, nec ipsi, ut puto, Stratonem hypoteseos abnuent. Vnde rursus quaestio oritur, vnde itaque in animantibus sensus? & in hominibus cogitatio reflexa? Si dicant, vitam illam, vimque plasticam diuersimode pro organorum diuersitate sese exercere, ignorantiam suam stultitiamque prodent, cum per modificationem per organa factam nihil, quod cum materia nullum plane nexum habet, produci queat. Praeterea, qui vitam

vitam plasticam materiae tribuunt, eam facultate admirabili naturae motus dirigendi, & talia efficiendi, quae summam sapientiam arguunt, instructam fateantur, necesse est; quae facultas quo pacto sine cognitione reflexa esse queat, nisi-eiusmodi quid a sapientissimo rerum omnium conditore constitutum dicatur, nemo mortalium cogitatione assequi poterit. Accedit & illud, quod nemo aut explicare, aut mente comprehendere queat, quo pacto ex innumeris atomis, quae vita sua propria & sibi peculiari singulae sint instructae, tales possint existere substantiae, quales sunt homines & animantia reliqua. In quolibet enim homine, & in quolibet animante, immo, in quolibet hominis membro & corporis parte, concipiendae essent particulae, quarum qualibet per se vita propria, sensuque & cognitione, praedita esset. Hoc vero perinde esset, ac si quis integrum exercitum animo concipere vellet, cuius etsi ex plurimis hominibus constantis, vna tamen vita, vnus sensus, vna cognitio esset. Non sum nescius, morali quadam ratione per pacta, perque consensum, homines inter se vniri posse; qualis voluntatum vnio in exercitu, republica, ecclesia, aliisque societatibus conspicitur; sed moralis ista vnio diuersitatem sensus, intellectus, cognitionis, non tollit, quae in vna quadam substantia physica, vnico intellectu, sensu vnico, vnicaue voluntate praedita, locum habere nequit. Mitto reliqua, quae contra hanc sententiam adferri possent, & ab aliis iam allata sunt, speciatim a TITO LVCRETIO CARO, ex instituto contra Stratonicam hancce hypothesin disputante, de *rerum natura lib. II. pag. 63. seqq.* †

† Si fictitiam illam Vitam materiae tribuamus: oportet, ut, æque ac materia, ab alio quodam profecta habeatur. Nam vita materiae, non magis quam illa ipsa, *necessaria* esse potest. De *Principio Hylarchico* HENR. MORI, & RARI *natura Plastica*, idem quod de STRATONIS Plastica vita dicendum: i. e. quod Auctores ipsi, quid vellent, nescivisse videantur.

C A P. VI.

Substantiam materialem, quae simul cogitet, statuere, deque Deo, ceu ente omnium perfectissimo talia asserere, quae summam imperfectionem inuoluunt, vti contradictorium, prorsusque ineptum est, ita non minus absonum, vnicam tantum statuere substantiam, cum & ratio & sensus, & experientia, plures a se inuicem distinctas, separatasque dari substantias, quemuis, nisi rerum omnium prorsus ignarus sit, condoceant. Idque ad destruendum, euertendumque penitus *Spinozismum*, sufficit.*

- * *Spinozismum*, cuius summam *cap. I. §. XXVI. exhibuimus*, non tantum fundamento omni destitui, sed *ἄλογον* prorsus atque absonum esse, vel inde liquet, quod contradictionibus perpetuis & ineptissimis laboret. Deum enim se admittere, cum Spinoza videri velit, & vnicam tamen simul statuatur substantiam, necesse est, vt Deum extensum quid, hoc est, ens simplicissimum, simul compositum, & ex partibus innumeris atque infinitis conflatum esse, fateatur. Id vero eiusmodi est, vt nemo mortalium mente comprehendere valeat. Quodsi negent, extensum seu materiam ex partibus innumeris, quarum quaelibet substantiam peculiarem constituat, compositam esse, tum ausu impudentissimo, quae longe sunt euidentissima, impugnabunt. Cum enim secundum tritum illum philosophorum cano- nem, distincta inter se sint, quae diuersa praedicata admittunt, ita, vt de altero dici nequeat, quod de altero asseritur, manifestum est, distinctas a se inuicem atque plane diuersas dari substantias, cum, quod de lapide asseritur, de cane aut boue dici nequeat. Nec est, quod modificationes suas hic no-

A a

bis

bis opponant. Ratio enim eidentissime docet, modificationes seu modalitates, vt alii vocant, quae secum consistere nequeant, diuersa etiam requirere subiecta. Sed hac de re deinceps. Praeterea, cum omnes, qui ideam quandam Dei habent, fateantur, ad eam requiri, vt sit immutabilis, nec ipsi Spinozistae negare queant, si Deus admittendus sit, eum immutabilem fore? absolum iterum est, materiam ipsam pro Deo habere, quae infinitis mutationibus est obnoxia. Cumque per varias materiae mutationes, generationes omnes atque corruptiones fiant, sequetur, Deum ipsum mox bouem, mox canem, mox ranam, mox aliud quid fieri; & quoties animalia eiusmodi occiduntur, moriuntur, destruuntur, Deum ipsum occidi, mori, destitui; immo omnia mortis & suppliciorum genera, quibus homines perimuntur, in Deum ipsum cadere. Quod eiusmodi est, vt non tantum ipsi gentilium poëtae vnquam absurdus aliquid de Deo non dixerint, sed nec homini febricitanti ineptius quid in mentem venire queat. Sed nondum absurdorum finis est. Cum enim iuxta Spinozistas mens hominum sit modificatio essentiae diuinae, dicendum fuerit, non hominem, sed Deum cogitare; adeoque cum homines saepius contraria secumque pugnantia cogitent, sequetur, Deum ipsum nunquam non secum pugnare, & mox hoc, mox aliud quod priori repugnet, cogitare. Nec est, quod dicant, de ipsa modificatione, non autem de subiecto, vel essentia, hoc esse intelligendum. Hoc enim perinde esset, ac si quis diceret, non hominem, sed cogitationem cogitare, non hominem, sed sermonem eius loqui; quod puerile prorsus est, atque absurdum. Execrabile vero insuper atque blasphemum est, si quis ad cogitationes, dicta & facta improba, & lege diuina prohibita, ea transferat. Nullum enim erit tam execrabile facinus, nullus tam nefandus sermo, nulla tam blasphema cogitatio, cuius non ipse Deus auctor censendus sit. Nec enim homo, sed Deus ipse iuxta istam Spinozae philosophiam illa perpetrabit, loque-

tur,

tur, cogitabit. Sunt haec eiusmodi, vt non tantum horrenda sint, sed vt ipsis atheis non possint non longe videri absurdissima. Quantumvis enim hi Deum esse negent, nemo tamen temere ex illis erit, qui non fateatur, si Deus sit, eum longe esse perfectissimum, adeoque contradictorium esse, Deum asserere, qui tot tantisque imbecillitatibus & imperfectionibus sit obnoxius. Legenda, quae hanc in rem differit PETRVS BAEIVS, *dictionar. histor. crit. voc. Spinoza*, pag. 2777. Sed nullis hisce & reliquis eiusdem generis, id cum primis obseruandum putamus, perperam omnino dici, cogitationem pariter ac extensionem, modificationes esse vnius eiusdemque substantiae. Hinc enim sequitur, substantiam materialem, qua talem, etiam cogitare posse, quod tamen prorsus est *ἀδύνατον*. Cum enim in materia nihil aliud, quam extensionem, diuisibilitatem, facultatemque, motum, & varias figuras recipiendi, concipere queamus, in hisce omnibus nihil profectoprehenditur, quod cum cogitatione conuenientiam quandam habeat. Cogitare vero est, non tantum res varias percipere, earumque ideas sibi formare, sed ideas quoque hasce inter se comparare, componere, diuidere, ratiocinari; neque tantum res fere innumeras, interque eas materia omni ac corpore destitutas, cognoscimus, sed eas nos cognoscere nouimus, quod actum mentis reflexum vocare solent. Quocumque itaque nunc modo materiam consideres, in quamcunque eam veritas partem, quacunque etiam ratione particulas eius disponas, quamcunque eis tribuas figuram, nihil eiusmodi, quod cogitationem exprimat, inde resultabit. Quo pacto hac ratione varia corporum genera oriri queant, facile concipio; at quaenam particularum aut figura aut dispositio esse debeat, vt incredibili celeritate, mox iustitiae, mox temperantiae, mox sapientiae ideam exhibeant, vtque efficiant, vt non tantum haec cognoscam, sed sciam quoque, me ea cognoscere, vt de hisce similibusue iudicare, ratiocinari queam, id nullo modo, nullaue ratione

comprehendere valeo. Ergo id, quod ea ratione cogitat, diuersum quid, prorsusque distinctum a materia esse oportet. Nec est, quod obicias, ipsam & spiritus & corporis essentiam nobis incognitam esse, cum, quicquid de spiritu aut corpore nouimus, attributa saltem seu proprietates utriusque sint: e. gr. cogitatio & extensio; vnde sequatur, non posse certo dici, cogitationem repugnare materiae. Sciendum namque, etsi corporis aequae ac spiritus essentia nobis per se cognita non sit, ex ipsis tamen attributis utriusque, seu proprietatibus, euidenter cognosci posse, quid naturae & materiae & spiritus conueniat, quidue ei repugnet. Cum ergo constet, attributum seu proprietatem praecipuam spiritus esse, cogitare, si cogitationem cum extensione ceu praecipuo materiae attributo conferam, euidentissime cognosco; spiritum seu substantiam cogitantem qua talem, non posse esse substantiam extensam, & vice versa, rem extensam seu corpus qua tale, non posse esse substantiam cogitantem, vel, quod eodem redit, materiam non posse cogitare. Intelligenda hinc atque recte explicanda, quae hac de re in *elem. philosoph. theoret. seu philos. eclect. tom. II. part. VI. cap. I. §. VIII.* scripsit: *Essentia & spirituum & corporum nobis est incognita. De utrisque nihil nisi proprietates quasdam & operationes cognoscimus. Ergo temerarium est, si quis dicat, naturae materiali repugnare, si cogites. De re enim nobis incognita quid ei repugnet, aut non repugnet, nullo modo asserere possumus. Multo itaque minus inferre licet, spiritus cogitant, ergo sunt immateriales †. Ex iis, quae praecedunt, patet, me ibi in eo esse, vt sententiam Cartesii, eiusque sectatorum, qui essentiam spiritus in cogitatione constituunt, refellam. Id verba haecce: multi contra ex recentioribus, intimam spirituum naturam se penitus perspexisse, fidenter satis arbitrati sunt, cum dixerunt, ipsam spiritus essentiam consistere in cogitatione, satis testantur ††. Hanc vero ideo admitti sententiam posse nego, quod cogitatio sit proprietas spi-*

spiritus, extensio autem proprietates corporis; ipsa autem & spiritus & corporis essentia nobis sit incognita. Et ex hoc fundamento porro assero, *temerarium esse, si quis dicat, naturae materiali repugnare, si cogitet*, scilicet, si quis ex ipsa materiae essentia, quae non satis nobis cognita est, hoc demonstrare velit. De attributis vero, seu proprietatibus materiae, hic sermo non est. Ex iis enim firmiter & evidentissime colligi posse, cogitationem materiae repugnare, nequaquam nego, & antea demonstratum est. Hanc vero ibi mentem meam esse, subiuncta ratio aperte docet: *De re enim nobis incognita* (hoc est, cuius essentia nobis incognita est) *quid ei* (intuitu essentiae) *repugnet aut non repugnet, nullo modo asserere possumus. Multo itaque minus inferre licet* (ex hypothese scilicet illa Cartesii, qua essentiam spiritus in cogitatione constituit) *spiritus cogitant; ergo sunt*. Hinc vero etiam patet, quo pacto ex cogitatione, & immaterialitas & immortalitas animae humanae probari queat. Nimirum, si ipsa animae essentia in cogitatione ponatur, argumentum non rite procedet, cum essentiae rerum nobis sint incognitae; & ita rursus intelligendum, quod in *elem. philos. theoret, part. I. cap. V. §. XXVIII. & XXIX.* docui, ex cogitatione, (si scilicet animae essentia in cogitatione ponatur,) hoc est, a priori, adeoque striete loquendo, animae immaterialitatem demonstrari non posse; quo ipso tamen non negatur, si cogitatio tanquam attributum animae humanae sectetur, euidenter inde, & immaterialitatem & immortalitatem evinci posse. Dubium equidem ex anima brutorum moveri potest; quam nisi immaterialem dicere velis, (quod tamen a paucissimis forte concedetur,) admittendum videtur, materiae cogitationem quandam non prorsus repugnare. Verum quemadmodum inter cognitionem istam sensualem brutorum, eorundemque appetitum, & cogitationes, quae hominibus propriae sunt, & rationem absoluunt, maximum intercedit discrimen, (quod probe observari velim, ut recte iterum in-

telligentur, quae in *elem. philosoph. theoret. part. II. cap. I. §. X.* extant) ita satius tandem est, vt libere profiteamur, ignorare nos naturam animae brutorum quam admittere aliquid, quod prorsus ἀδύνατον est, materiam scilicet cogitare †††. Iam vt ad fulcra, quibus Spinozismus innititur, subruenda accedamus, priusquam ea, quae illi quodammodo propria sunt, attingamus, sine animaduersione praetermittendum non est, quod *cap. I. §. XXV.* obseruauimus, PETRVM BAELIVM asserere, principia quaedam Spinozae cum atheis reliquis communia ita comparata esse, vt solius rationis ductu refutari nequeant. Hoc quam falsum sit, vel tribus ostendendum est verbis. Primum ex hisce principiis est, *materiam esse aeternam, & a Deo differre*. Enimuero hic perperam & sine omni ratione supponitur, materiam aeternam esse. Aeternitatem enim atque existentiam necessariam in conceptu materiae non includi, nemo non intelligit, & luculenter iam antea §. II. huius capituli, demonstratum est. Falsum praeterea est, si vel maxime supponatur, non posse probari, eam differre a Deo. In conceptu enim materiae, ceu entis longe imperfectissimi, nihil contiuetur, quod cum Deo, ente omnium perfectissimo, conuenientiam quandam habeat. Alterum principium est: *materiam non productam ex nihilo*. At nec hocce rationi inexpugnabile esse, patet ex iis, quae itidem supra disputauimus, dum §. II. huius capituli ostendimus, materiam nequiquam necessario semper extitisse, & §. III. mundum hunc non fuisse aeternum, sed habuisse initium. Inde vero & sequitur, materiam habuisse initium; eum sola ratio causam solidam adferre nequeat, cur mundus semper non extiterit. si materia semper & ab omni aeternitate extitit. Quod vero ad decantatum illud principium attinet, *ex nihilo nihil fit*, cui assertum suum PETRVS BAELIVS superstruit, id de causa equidem materiali, nequiquam autem efficiente infinita potentia praedita procedere, itidem iam docuimus. Sane si spiritus infinita potentia praeditus supponatur,

tur, ratio ipsa luculenter agnoscat, nihil ob stare, quo minus ex nihilo aliquid producere queat. De tertio denique principio, *spiritum infinitum & summe liberum non producere potuisse tale opus, quale hic mundus est, in quo bona mixta sunt malis*, in sequentibus dicemus, cum prouidentiam diuinam ab impiorum hominum obiectionibus vindicabimus. Ad propria itaque Spinozismi fundamenta quod attinet, ea, si paulo accuratius considerentur, in mera & prorsus quidem puerilia sophismata abeunt. Omnia eo redeunt, *unicam tantum dari substantiam*, adeoque Deum ab hocce vniuerso diuersum non esse. Hoc autem vt euinceret, hanc posuit propositionem: *Ad naturam substantiae pertinet existere*. Quod tamen, si vniuersaliter capiatur, longe est falsissimum. Omnis enim substantia vel spiritus est, vel materia. Materiam nequiquam necessario existere, quilibet facile intelligit, cum in eius conceptu nihil, quod existentiam necessariam arguat, deprehendatur; quod pluribus etiam supra est euictum. Sed & si spiritum, hoc est, substantiam materiae expertem, intellectu & voluntate praeditam, generationem considerem, in hocce conceptu existentiam necessariam deprehendere nequeo. Sin particulariter propositio capiatur, de certa quadam substantia, seu spiritu infinitis perfectionibus praedito, quem Deum vocamus, verissima quidem erit, sed simul contra ipsum Spinozam militabit. Cum vero ipsemet videret, eam nequiquam extra dubitationem positam esse, sequenti eam probare voluit: *vna substantia non potest produci ab alia substantia*. At & haec propositio, si vniuersaliter capiatur, longe est falsissima. Evidenter enim ratio cognoscat, nihil ob stare, quo minus substantia infinitis perfectionibus praedita aliam producere substantiam, aut etiam ex nihilo aliquid efficere queat. Particulariter si accipiat, de substantia infinitis perfectionibus praedita, hoc est, Deo ipso, verissima quidem est, cum omnino substantia infinita ab alia produci nequeat; sed tum rursus ipsi Spinozae obstat. Spinoza equidem eam propositionem

rursus alia, & quidem sequenti probare annitur: *in rerum natura non possunt dari duae aut plures substantiae eiusdem naturae seu attributi*, hoc est, ut ipse interpretatur, commune aliquid inter se habentes. Quod iterum longe est falsissimum, immo summam ignorantiam suam aut malitiam prodidit Spinoza. Namque vel pueris ex quinque vocibus Porphyrii notum est discrimen, quod inter *speciem* & *individuum* intercedit; individuaque re ipsa inter se differre, etsi ratione essentiae specificae inter se conueniant. Quare, si principium hoc ita concipiatur: *in rerum natura non possunt dari duae aut plures substantiae eiusdem (numero) naturae*, recte se habet, sed nihil prodest Spinozae. Quod si vero ita concipiatur: *in rerum natura non possunt dari duae aut plures substantiae eiusdem (specie) naturae*, longe est falsissimum. Res ipsa docet, lapides, arbores, plantas, animalia, homines, numerice inspectos, reuera a se inuicem differre, adeoque plures substantias constituere, etsi ratione essentiae suae, specificae vel generice consideratae, inter se conueniant. Individua autem ista pro meris modificationibus vnius eiusdemque substantiae habere velle mera est illusio. Praeterquam enim, quod praedicata, quae de iis enuntiantur, diuersa etiam indicent subiecta, ut antea iam obseruauimus, si ponamus, duos homines, aut integros exercitus, inter se pugnantes, quis, nisi rationis expers, diceret, non diuersas substantias, sed diuersas saltem modificationes inter se pugnare; aut si quis alapam ab alio accipiat, isque sibi aliisque persuadere vellet, non ab alia substantia, sed saltem ab eiusdem substantiae modificatione se alapam accepisse, nonne omnium ludibrio se exponeret? Quod porro Spinoza demonstrationis loco subiungit: *duas aut plures res distinguunt inter se, vel ex diuersitate attributorum substantiarum, vel ex diuersitate earundem affectionum*, nihil minus, quam id, quod cupit, probat. Datur enim distinctio tertia, realis scilicet quaedam inter omnes substantias indiuiduas, iisdem plurium substantiarum.

stantiarum, specificè consideratarum, attributis & affectionibus gaudentes. Eiusdem communis & reliqua sunt, quibus probare conatur, vnam substantiam non posse produci ab alia. *Duae, inquit, substantiae, diuersa attributa habentes, nihil inter se commune habent.* Quidni vero? Nonne duo homines, qui numerice considerati, duas diuersas substantias constituunt, essentiam humanam specificè consideratam, communem habent? At prouocat ad definitionem substantiae: *Per substantiam, inquit, intelligo id, quod in se est, & per se concipitur, hoc est, cuius conceptus non indiget conceptu alterius rei, a quo formari possit.* Quæ si vel maxime recte se haberet definitio, nihil tamen ad rem faceret. Substantias enim in indiuiduo spectatas per se concipere possum, adeo vt ad conceptum, quem de Petro habeo, non requiratur conceptus Pauli; nec tamen inde sequitur, Petrum non posse habere quidquam commune cum Paulo. Sed vltcrius, vt euincat, vnam substantiam, ab alia produci non posse, ita rationes subducit: *quæ res nihil commune inter se habent, earum vna alterius causa esse non potest; idque porro ita probat: quæ per se inuicem non possunt intelligi, eorum vnum alterius causa esse non potest. Atqui substantiæ nihil commune inter se habentes per se inuicem intelligi non possunt, &c.* Quæ miserae iterum sunt sophisticationes. Perperam namque supponit, non dari substantias plures, quæ aliquid commune inter se habeant. Praeterea nihil obstat, quo minus vna substantia alterius, a qua infinitis modis distat, causa esse queat. Nullam enim rationem, cur ens infinitæ perfectionis aliquid ex nihilo producere nequeat, reddi posse, aliquoties iam obseruauimus. In probatione itidem & maior & minor claudicat. Maior quidem, quia substantiarum relatiue equidem spectatarum cognitio ita comparata est, vt vna sine altera intelli nequeat; at, si absolute spectentur, falsissimum iterum est, quod, quæ per se inuicem non possunt intelligi, eorum vnum alterius causa esse nequeat. Minor itidem aperte

falsa est, cum in ea iterum supponatur, quod supra iam reiecitimus, nullas dari substantias, quae aliquid commune inter se habeant, seu, quod perinde est, substantias diuersas non posse inter se aliquid commune habere, adeoque si substantiae diuersae dentur, eas nihil inter se habere commune. Falsum praeterea est, substantias, quarum vna causa, altera effectus est, per se inuicem intelligi non posse; saltem in quantum ad cognitionem causae pertinet cognitio effectus, & vice versa. Sed haec sufficiant, quae speciminis instar sint, ex quo cognoscatur, quam lubrico & infirmo fundamento Spinozismus innitatur. Si placet, iungantur, quae iam olim hac de re dixi in *dissert. de Spinozismo ante Spinozam* §. XXIV. in *analect. histor. philosoph. pag. 354. seqq.* & in *element. philos. theoret. part. VI. cap. V. †††*

† Cel. BUNDEUM a recta via recedere, patet ex iis, quae in praecedentibus diximus. Saltem; si quae in seqq. ab eo, ut omnem de se demoliat culpam, afferuntur, sibi consent: *hoc loco imprudentius locutus fuit.* Licet lubenter concesserim, Virum pium nihil mali intendisse.

†† Essentia est, qua posita, res ponitur, & qua sublata, res tollitur; aiunt Cartesiani, & addunt, posita cogitatione poni animam, illa vero sublata, hanc quoque tolli. Praeterea: experientia edocemur, nos mobilitatem, & caetera, quae materiae sunt propria, absque extensione impenetrabili, quam plurimi e recentioribus *essentiam* corporis dicunt, concipere non posse. Quid inde? nihil, nisi quod verosimilius videatur, cogitationem, menti non tantum *proprium* esse, verum ejus *essentiam* constituere. Cogitationis enim notitia gaudemus, & nihil quod natura prius est, in mente detegimus. Quod tamen, si experimentum, quod a corpore sumisimus, nos non fallat, impossibile est, si cogitatio pro *proprio* duntaxat mentis attributo jure haberi debeat.

††† Si bruta cogitent, animam rationalem, aequae ac nos, non possunt non habere. Nonne ex cogitatione id de nobis demonstravimus? ne igitur veritati injuriam facias, dicendo: idem argumentum, brutorum respectu, non valere.

valere. Quid igitur, cum hæc sententia varias consequentias Religioni nostræ perniciosas admittit, Atheis & sim: respondebimus? omnia, quæ a brutis fieri videamus, fieri per mechanismum. Jam vociferantes mihi audire videor; talia qui admittunt, baculo potius, quam verbis erudiendos. Sed hoc Pædagogi, non Philosophi, faciant. An impossibile plane est? næ! si hoc statuas, Divinæ sapientiæ & Potentiæ nimium derogas, vel ad istas summi Artificis Virtutes, non satis saltem, attendis. Quæcunque vero, quæ fieri possunt, fieri certus sum, si absurditatem in Religione *invictis argumentis stabilita* crearet, si non fierent. Hanc sententiam cæteris minus periculosam esse, nonnulli ex adversariis agnoverunt. Vide *us. Philos. Wolff. & Leibn. in Theol. P. 1. p. 265. & seqq.* plura, quæ huc spectant, legantur apud J. DARMANSON *La bete transformée en machine*, JENK. THOMASII *Trattatu de anima brutorum*, & alios, quos citat STOLLIUS *Hist. litt. P. 2. C. 3. §. 64.* Mechanicæ brutorum operationes, cum fiant secundum leges a Deo constitutas, & ab eo dirigantur, luculentissimum præbent testimonium infinitæ Numinis sapientiæ. v. FENELONIUM *demonstrat. C. 29. in fine.*

††† Cum ex definitione substantiæ, quæ est *res, que habet existentiam sibi propriam*, aliamque ab existentia cujusvis alterius rei, statim liquet plures substantias dari: (v. DE CROSA *Log. P. 1. sect. 3. C. 6. §. 7.*) SPINOZÆ Systema sponte corrui. Addantur, quæ contra nexum Deum inter & materiam ad §. 4. disputavimus. Præter scriptores, quos *pag. 131.* adduximus, & quos Auctor supra adduxit, alii quoque contra Spinozam scripserunt. V. *Hist. und Theolog. einleitung P. 5. C. 7. §. 36.* Utinam H. MORUS, qui quoque Spinozæ se opposuit, ipse in *Enchirid. Metaph.* cautius de spatio locutus esset! Huic enim *C. 8. P. 1. aternitatem, independentiam & reliqua Divini Numinis attributa aptissime convenire scribit; & Deum cum spatio haud obscure commiscet.*

§. VII.

Fundamentis atheismi destructis atque everfis, ad obiectiones eorum, quibus veritatem manifestissimam oppugnant, respondere haud difficile fuerit,

fuerit. Quando enim ex eo, quod Deus incomprehensibilis, itemque infinitae essentiae, potentiae, durationis, dicitur, eum prorsus cognosci non posse, indeque porro, quicquid cognosci nequit, non ens esse, inferunt, vocibus puero- rum modo ludunt, seque, quid incomprehensi- bile, quidue infinitum sit, nescire, aut scire nolle ostendunt. Omnem vero facultatem Deum cognoscendi dum homini abiudicant, se ipsos hominum nomine indignos demonstrant, qui in- tellectus omnis expertes solis sensibus omnia me- tiuntur. *

- * Inter argumenta, quibus athei Numinis existentiam impugnant, primum merito locum tenent, quae ab ipso Dei conceptu desumunt. Nullum namque nos Dei conceptum, nullam ideam habere, clamitant; indeque porro inferunt, eum esse non-ens; cum pro non-ente habendum sit, cuius nullam ideam habe- mus, nullumue conceptum. Vt autem probent, nos nullam Dei ideam, nullumue conceptum habe- re, ad incomprehensibilitatem praecipue eius atque infinitatem, qua essentiam, qua potentiam, qua du- rationem, prouocant. Hoc ipso enim dum ipsimet fateamur, Deum esse incomprehensibilem, conce- dere quoque, nos nullam eius ideam, nullumue habere conceptum. Idemque ex infinitate eius sequitur. Qui enim Deum infinitum dicat, eum nihil aliud dicere, quam se, quid Deus sit, nescire. Ad haec autem, vt ordine respondeamus, primo quidem ob- seruamus, axioma illud, *cuiuscunque nullam habe- mus ideam, nullumue conceptum, id est non ens*, tum demum locum inuenire, si nullum plane rei cuius- dam habeamus, aut habere queamus conceptum, aut is talis sit, qui apertam contradictionem inuoluat †. At nullum plane nos de Deo habere conceptum, nullamue ideam, adeo falsum est, vt ipsa experien- tia istos homines refellat. Non tantum christiani, &

& iudaei, & Muhammedani, sed ethnici omnes, veteres pariter ac recentiores hoc ipso, dum omnes de Deo loquuntur, fatentur, se quandam de eo habere ideam. Et cur non haberent, cum nemo tam stupidus, tamque expertus omnis mentis sit, ut non substantiam materiae expertem, necessario existentem, summa sapientia, summa potentia, summa libertate praeditam, mente concipere queat. Nulla hic contradictio, nulla pugna, nec aliud quid, quod prohibeat, quo minus eiusmodi entis summe perfecti ideam animo sistam. At incomprehensibilem, inquis, Deum esse, ipsimet fatentur, qui pro eius existentia pugnant; ergo nullam eius ideam habent. Ita nimirum ignorantiam suam isti homines produnt, dum nesciunt, quo sensu Deus incomprehensibilis dicatur. Qui enim, eum comprehendi posse, negant, non hoc sibi volunt, ac si nulla plane ratione agnosci queat, sed quod humanae mentis nimis angusti limites, quam ut Deum cum omnibus suis perfectionibus plene & accurate comprehendere possit. Quis vero hanc ratiocinationem ferret: cuiuscunque rei non datur plenus, perfectus & adaequatus conceptus, illius nullus datur conceptus, illa est non ens? Certe nihil aliud agunt athei; dum ita rationes subducunt, quam ut se ipsos traducant turpiter. Tantum itaque abest, ut hac ratione existentia Dei impugnari queat, ut potius invertere argumentum liceat. Si enim illud, cuius nullum conceptum habeo, est non ens, vice versa ens reuera existens erit, cuius conceptum habeo. Praeterea hoc ipso, quo aliquid nobis, quorum intellectus aëo arctis limitibus circumscriptus est, incomprehensibile est, sequitur, dari aliquid, quod infinitis perfectionibus gaudet. Si enim omnia finito & limitato intellectu nostro comprehendere possemus, nihil daretur, quod infinitis perfectionibus esset praeditum. Copiosius hoc deducit PETRVS POIRET, de *Deo, anima & malo, lib. III. cap. VI.* Quod de infinitate athei obiiciunt, praecipue THOMAS HOBBSVS vrget, quem hac de re audire iuuabit. *Quisquid,*

quid, inquit, imaginamur, finitum est. Nulla ergo est idea, neque conceptus, qui oriri potest a voce hac infinitum. Animus humanus imaginem infinitae magnitudinis capere non potest; neque concipere infinitam velocitatem, infinitam vim, infinitum tempus aut infinitam potentiam. Quando dicimus, rem aliquam esse infinitam, hoc tantum significamus, non posse nos illius rei terminos & limites concipere; neque aliud concipere, praeter nostram impotentiam propriam. Itaque nomen Dei non usurpatur, ut illum concipiamus (est enim incomprehensibilis, & magnitudo potentiaeque eius inconceptibilis) sed ut honoremus; *Leuiath. cap. III. pag. 12.* Quibus uerbis etsi reuerentiam quandam Deo se exhibere videri velit, reuera tamen id agit, ut ostendat, in idea Dei eiusque attributorum nihil realitatis esse, siue, ut clarius dicam, voces, quibus ideam Dei eiusque attributa exprimimus, nomina esse reuera nihil significantia. Hanc mentem HOBBSII esse, non dubitabit, qui operae pretium esse duxerit, conferre, quae in libro, de *cine, cap. XV. §. XIV.* hac de re differit, quamvis ibi aperte secum pugnantia adferat. Multis enim verbis postquam docuit, Deum concipi non posse, quando Deo visionem & ceteros sensuum actus, vel scientiam & intellectum attribuiamus, nihil aliud hoc in nobis esse dicit, quam *suscitatum a rebus externis organa prementibus animi tumultum*. Consentiant & quae *physic. part. IV. cap. XXVI. pag. 204.* hac de re habet, quae supra iam adduximus, *cap. I. §. XXVII.* Haec vero omnia quam inania sint, facili negotio demonstrari potest. Nimirum entis infiniti eiusque attributorum conceptus, duo inuoluit, quorum alterum *positiuum*, alterum *negatiuum* quid exhibet. Primo namque summam quandam concipimus perfectionem; tum vero fatemur, tantam esse hanc perfectionem, cuius limites terminosque non valeamus assequi ††. Falsissimum itaque est, quod HOBBSIVS dicit, voce *infiniti* tantum nos significare, non posse nos illius rei terminos concipere. Perperam namque, quod *positiuum* est, in con-

conceptu entis infiniti omittit, & ei, quod negativum est, tantum inhaeret. Conceptum plenum, perfectum & adaequatum rei infinitae nos non habere, lubentes fatemur. Sed nec hoc necesse est, cum conceptus aliquis & inadaequatus ad hoc, quod cupimus, euincendum sufficiat. Eiusmodi vero rei infinitae conceptum dari adeo verum est, ut ipsa atheorum etiam confessione comprobari queat. Cum enim iplimet decantatum illud, *ex nihilo nihil fit*, principii loco adsumant, necesse est, ut fateantur, aut materiam, aut aliud aliquid, semper extitisse. Habes ergo ens *infinitae durationis*, seu aeternum. Si ergo Hobbesii ratiocinatio procederet, ens illud aeternum, siue infinitae durationis, esset *non-ens*, quia infinitam durationem mente concipere nequeo. Ergo ex non-ente sua sponte facta sunt omnia. Quod tam absurdum est, ut nec stolidissimus atheorum hoc sit admissurus. Cum vero Hobbesius non tantum *aeternitatem* seu *infinitam durationem*, sed & *infinitam potentiam* seu *omnipotentiam*, inter voces nihil significantes referat, cumprimis saltem observandum, per omnipotentiam eam entis infiniti nos intelligere perfectionem, quae omnia, quae possibilia sunt, seu nullam inuoluunt contradictionem, efficere potest. Eiusmodi vero omnipotentiae cur nullam habere queamus ideam, nullam iterum rationem video, Quid enim potentia sit possibilia efficiendi, omnes clare perspiciunt. Omnipotentiam autem seu potentiam infinitam dum vocamus, conceptui positivo negationem addimus, fatentes, nos potentiae illius seu perfectionis limites concipere mente non posse. Atque haec cum satis manifesta sint, id saltem superest, ut disquiramus, an facultas Deum cognoscendi in homine detur? Sunt namque ex atheis, qui hoc diserte negant, non aliam, quam quae sensibus fit, cognitionem, homini tribuentes, qua adeo Deus, qui spiritus sit, cognosci nequeat. Verba iterum pro reliquis faciat THOMAS HOBBSIVS: *Et quoniam, quicquid (ut dixi supra) concipimus, perceptum est ante in sensatione, nulla inesse*

inesse homini potest imaginatio rei, quae non sit percipienda sensibus. Nemo itaque concipere aliquid potest, nisi ut in loco & finita aliqua magnitudine praeditum, & divisibile in partes; neque aliquid esse totum in uno loco & totum in altero, tempore eodem; neque duas vel plures res eodem tempore esse posse in eodem loco. Nihil enim horum fuere aut esse potuere in sensu; sed sunt orationes insignificantes, admissae propter auctoritatem quorundam philosophorum errantium, vel scholasticorum fallentium, loc. cit. pag. 13. Similia & supra cap. I. §. XXVII. iam ex eo attulimus. Quae tamen itidem friuola sunt, & philosopho prorsus indigna. Et si enim, quae sensibus percipimus, variis ideis occasionem praebent, plurimae tamen in mente nostra sunt ideae, quae a sensibus saltem immediate & directe, ortae non sunt, nec ab iis pendent. Primo namque non tantum obiecta varia sensibus percipimus, sed ea quoque nos percipere nouimus. Qui actus mentis reflexus sensibus profecto tribui nequit. Deinde ex ideis, sensibus haustis, varias iterum imagines, componendo, separando, aliaque ratione, formamus, easque diuersa ratione consideramus; quod longe aliam facultatem, quam quae sensibus propria est, requirit. Denique praeter ideas sensuales, seu per obiecta sensuum excitate, sunt etiam in mente nostra ideae mere intelligibiles, quarum imaginem in obiectis sensuum frustra quaesueris. Atque ad hasce ideas intelligibiles cum etiam idea Dei & attributorum diuinorum pertineat, sequitur, neutiquam nobis deesse facultatem Deum cognoscendi. Haec vero omnia ita se habere quilibet statim conuincetur, modo ad ea, quae in mente sua facillimo negotio deprehendere potest, attendere velit ††.

† Si accurate loqui velimus, ex nostra ignorantia solide derivare non possumus aliquid esse *non-ens*. Aliter sese res habet, si conceptus rei (modo rem nominare liceat) contradictionem involvat.

†† Scimus

†† Scimus quoque illam limites non habere; de quo, licet illud adæquate intelligere non valeamus, certissimi sumus ex idea *summa perfectionis & necessaria existentia*, quæ enti *summe perfectæ* denegari non potest.

††† Conf. MARTYN *van de Natuurl. Godsdiens* P. I. C. 2. p. 30.

§. VIII.

Eandem aut ignorantiam aut malitiam athei produnt, quando tum ex scientia, tum ex immutabilitate Dei, aliquid elicere volunt, quod impio illorum errori faueat. Dum enim ex eo, quod, deficiente obiecto, nulla sit scientia, colligunt, ante mundi creationem Deum omni cognitione, omnique scientia destitutum, hoc est, aliquid, quod nihil minus, quam Deus, sit, nobis admittendum esse, pueriliter errant, non cogitantes, quod ante mundum conditum Deus ipsemet suæ cognitionis vel scientiæ obiectum esse potuerit. Ex immutabilitate autem eius, dum absolutam necessitatem vel libertatis defectum colligunt, pugnam perperam fingunt, ubi optima est concordia, siquidem nihil obstat, quo minus cum immutabilitate summa consistere queat libertas.*

* Attingimus hic argumenta, quæ ab essentia & attributis diuinis, ad errorem suum stabiliendum desumere athei solent. Haec inter & illud a nonnullis referri solet, quod ex THOMAE HOBBSII, cuius effata huc spectantia *cap. I. §. XXVII.* exhibuimus, aliorumque principio, *non aliam, quam corpoream, dari substantiam*, fluit. Hinc enim ita rationes subducere solent: si Deus esset, aut corporeus esset, aut incorporeus. Non est incorporeus, quia non alia, quam corporea datur substantia; immo iuxta

Bb

HOB-

HOBBSIVM, *substantia incorporea est vox insignificans*. Si vero corporeus, aut ipsum hocce vniuersum erit, aut pars eius. Vtrumque cum absurdum sit, concludunt, nullum esse Deum. Verum, quid ad hoc respondendum sit, ex hactenus dictis nemini obscurum esse potest. Perperam namque supponitur, nullam dari substantiam incorpoream. Quo pacto vero vel ex ipsa mentis nostrae consideratione, tum generatim spirituum, tum speciatim infiniti spiritus existentia probari queat, *cap. praeced. §. VII.* ostensum est. Missis ergo hisce, ad *cognitionem* seu *scientiam* Dei accedimus, in qua argumentum pro errore suo impio se inuenisse athei sibi vili sunt. Neque tamen de ea cognitione, quae sensuum beneficio peragitur, hic sermo est. In hacce enim, prout mere sensualis est, obiectum aliquod externum, quo excitetur, requirit, haud difficulter largimur, sed eam Deo tribui posse, simul abnuimus. Eos vero, qui non aliam quam sensualem cognitionem admittunt, turpiter falli, antea iam demonstrauimus. Interim cum & ea cognitio, quae intellectu tantum peragitur, obiectum aliquod intelligibile requirat, nos vero fateamur, ante mundi creationem praeter Deum ipsum nihil extitisse, concludunt hinc athei, ante mundi creationem nullam fuisse Dei cognitionem, aut reuera nullum fuisse Deum. Qui enim Deum absque omniscientia & cognitione fingit, perinde est, ac si nullum admittat. Addunt, cum rerum omnium exemplar sine rebus ipsis non detur, concipi non posse, quo pacto Deus res omnes formare, aut creare potuerit. Et hac quidem illud T. LVCRETHI CARI pertinet:

*Exemplum porro gignundis rebus, & ipsa
Notities hominum diuis vnde insita primum,
Quid vellent facere, ut scirent, animoque viderent!*

de rer. nat. libr. V. pag. m. 154. Verum ex hisce facile quis se expediet dubiis, modo ad ea, quae in mente

mente sua deprehendere potest, attendat. Hanc enim considerantes, praeter eam cognitionem, quae ab obiectis externis excitatur, aliam quoque reflexam in ea deprehendimus, qua mens nostra omnium eorum, quae ipsamet agit aut patitur, intime sibi conscia est, & se ipsam omnesque suos motus, facultates, operationes considerat. Pari ergo ratione Deus ceu mens infinita perfectissimaque, priusquam mundum huncce conderet, se ipsum cum infinita sua bonitate, potentia, sapientia, reliquisque perfectionibus, modo perfectissimo, nobisque ineffabili, contemplatus est, & ea quidem ratione, ut in ista contemplatione summe quoque beatus esset. Potentiam vero suam infinitam contemplari non potuit, ut non simul ideae rerum omnium, quas efficere posset, ei obuersarentur, una cum mutuis earum relationibus, pendentibusque inde aeternis, quas vocant, veritatibus. Qua quidem ratione Deus per sui ipsius cognitionem, suaeque potentiae contemplationem, ideas rerum omnium, quas conditurus esset, formavit, quae adeo cum semper in mente eius aeterna extiterint, earum originem ab obiecto aliquo externo, seu extra Deum constituto, repetere non necesse fuerit †. Ex *immutabilitate* Dei argumentum erroris & impietatis sumunt, qui cum BENED. DE SPINOZA omnem ei libertatem eripientes, cuncta necessario fieri, sibi aliisque persuadent, per decreta & volitiones adeoque per ipsam providentiam nihil aliud, quam naturae ordinem, qui ex eius aeternis legibus necessario fluit, intelligentes. Si enim decreta libera, volitionesque liberae illi tribuantur, hoc immutabilitati eius, adeoque summae perfectioni repugnare, contendunt. Quae omnia iterum ad fucum faciendum, caliginemque imperitioribus offundendam, comparata esse, nemo non intelligit. Nimirum dum ipsi Deum in materiam mutant, infinitis mutationibus obnoxiam, dumque in ouibus, canibus, felibus, aliisque animalculis, partem essentiae divinae se deprehendere arbitrantur, dumque nullum tam horrendum facinus

est, quod non ex illorum sententia Deus ipse perpetrat, de perfectione tamen Dei eiusque immutabilitate se esse sollicitos videri volunt, diligenterque cauere, ne quid, quod ei repugnet, statuatur. Nos vero omnino Dei essentiam inmutabilem esse, lubentes fatemur, quippe quod summa eius perfectio requirit. Est vero manetque haec eius essentia immutabilis, si vel maxime liberrime aliquid producat, quod mutationibus sit obnoxium. Namque mutatio eius, quod distinctum prorsus a Deo atque diuersum est, in ipsa essentia diuina nullam efficere mutationem potest. Multo itaque minus ipsa creatio mutationem quandam diuinæ essentiae infert, cum ea eiusmodi praepotentis Dei actionem significet, qua vnico nutu simplicissimoque volendi actu, primo, praeter substantias immateriales, materiam ex nihilo, & deinde ex materia res omnes aspectabiles, iusto tamen obseruato ordine, produxit. Quae quidem cum extra diuinam essentiam perfecta sint, quod in ipsa essentia diuina mutationem quandam effecerint, nulla dici ratione potest. Quod si vero quis cum Spinoza creationem saltem in modificatione quadam essentiae diuinæ constituat, tum sane sine mutatione essentiae diuinæ nulla ratione concipi poterit. Id quod & de illorum obseruandum sententia, qui creationem per emanationem quandam ex essentia diuina, explicare aggressi sunt. Nec ipsa volendi libertas essentiae immutabilitati repugnat. Etenim cum ista libertas mentis humanae essentiam non mutet, multo minus in diuina essentia, infinitis perfectionibus gaudente, mutationem quandam inferet, cum contra defectus libertatis, seu necessitas, cum summa imperfectione sit coniuncta. Quare & Deus, salua essentiae suae immutabilitate, decreta varia non tantum absoluta, sed & hypothetica seu conditionata facere potuit. Et si enim hypothetica mutationem quandam secum vehere videantur, cum aliter impleta, aliter non impleta conditione, res eueniat ††; ista tamen mutatio rursus, si paulo accuratius consideretur, in ipso saltem obiecto est, adeoque Deo nal-

ta ratione tribui potest. Deus vno eoque simplicissimo volendi actu, summaque simul libertate, & decernere aliquid, & decreto suo certum ordinem certamque conditionem adijcere potest, qua aut adimpleta, aut non adimpleta, mox hic, mox alius sequatur effectus. Sed haec alibi edisseruntur vberius, ubi ex instituto de decretis divinis agitur. Solent praeterea, ut hoc vnicum addamus, athei & ex operibus divinis argumenta varia depromere, quibus veritatem manifestissimam labefactent. Sed ista deinceps, cum providentia divina ab eorum obiectionibus nobis vindicanda erit, profligabimus.

† Qui ideas rerum possibilium non futurarum æque ac futurarum, Deo tribuunt, hanc Atheorum objectionem ac ejusdem generis plures facillime diluere possunt. Illos utique non ferit cum objiciatur, decretum esse liberum, ideoque rerum cognitionem Deo non esse naturalem.

†† Absoluti decreti defensoribus illa difficultas nulla rationis specie moveri potest. Neque tamen dissimulaverim (cum & in hoste laudetur fides) his simul ac reliquis objici posse, voluntatem Divinam, cum non necesse fuerit, ut Deus ea, quæ decrevit, decerneret, aliter se habere potuisse, neque ergo, quæ in Deo sunt, *necessaria esse Omnia*. Unde Athei statim inferunt illum non existere, quoniam si qua sint in Ente perfectissimo, quæ minus sunt necessaria, oporteat, ut illud Ens causam suæ existentiae extra se habeat; quod tamen est absurdum. Ad hanc difficultatem respondemus: Cum *Omnia, quæ in Deo sunt, necessaria* dicimus, id pro subiecti natura intelligi debere. *Liberrima voluntas* Enti perfectissimo est necessaria: quando igitur, quæ in Deo sunt, necessaria prædicamus, simul dicimus necesse esse, ut Divina voluntas se, prout placuerit, potuerit determinare. Quod si opinentur adversarii, Deum, eo quod libertas ipsi tribuatur, haud necessario existere posse: non attendunt ad fundamentum necessariæ existentiae, infinitam nempe perfectionem, ad quam summa libertas jure quoque refertur.

§. IX.

Quodsi denique obiiciant, sententiam de Deo,
Bb 3 eius-

eiusque existentia & cultu, inter errores praeiudicatasque opiniones referendam esse †, iterum falluntur turpiter, cum nullam istius, quem vocant, erroris causam assignare valeant. Siue enim ex sensuum aut imaginationis deprauatione, siue ex cordis humani prauis propensionibus, siue denique ex educatione, falsa persuasione, callidisque hominum aliorum artibus errores deducas, tantum abest, vt ex hisce similibusque fontibus, opinionem de Deo ortam esse, demonstrari queat, vt contrarium potius, adeoque sententiam de Deo veritatem esse longe manifestissimam, euidentissime inde elucescat.*

- * Solenne admodum est atheis, sententiam de Deo, eiusque existentia & cultu, seu religione, inter praeiudicatas hominum opiniones, ab educatione, auctoritate parentum, similibusque fontibus depromptam, referre. Quo ipso cuncta, quae illis opponi possunt, se vnico velut ictu prosternere existimant. Sed magnopere falluntur, cum non tantum nihil contra nos hac ratione efficiant, sed arma quoque suppeditent, quibus illorum impietas validissime impugnari potest. Quod ut ordine ostendimus, causas errorum, falsarumque opinionum in duas dispesci classes posse, obseruandum est; quarum altera *internas*, altera *externas* complectitur. Ad internas quod attinet, vt de iis primo loco dicamus, sensus, imaginationisque deprauatio, falsae ratiocinationes, prauaeque cordis propensiones ad eam pertinent. Et *sensus* quidem si rite dispositi non sint, variis erroribus occasionem praebere posse, notum est. Cum primis etiam hoc contingit, cum sensibus ea diiudicare aggredimur, quae intellectui conueniunt. Quae in re ipsorum athcorum errorem grauissimum statim deprehendere licet; qui, cum sensibus Deum assequi nequeant, eum esse negant; non alias, quam corporeas, dari substantias, perperam sibi persuaden-

dentes. Nos vero, cum asseramus, non sensibus, sed solo intellectu Deum concipi, ex sensuum aut vitio, aut abusu, hanc sententiam ortam esse, nulla ratione dici potest. Idem & de *imaginatione* dicendum. Ex ea, si rite se non habeat, aut limites sibi constitutos transiliat, errores grauissimos oriri, notum est. Ipsique rursus athei; certe nonnulli eorum, praeter alia & ideo in impium, quem defendunt, errorem ingrediuntur, quod uti nec sensibus, ita nec imaginatione, Deum eiusque attributa concipere valeant. Praejudicata enim ista, eaque falsissima opinione laborant, quicquid homines nec sensibus, nec imaginatione assequi valent, id reuera quoque non existeret. Nos contra, cum Deum spiritum esse asseramus, simul nec sensibus, nec imaginatione, sed solo intellectu eum concipi posse, asserimus. Vnde non magis ex imaginationis, quam ex sensuum aut deprauatione, aut abusu, opinio haecce oriri potuit. Quod si *intellectus* quodam vitio, aut praua quadam ratiocinatione in eam mortales inductos asseras, ostendendum tibi, quodnam hocce vitium sit, prauaque ista ratiocinatio detegenda. Hoc quamdiu athei facere nequeunt, tamdiu fateantur, necesse est, sententiam istam recte se habere, minimeque esse erroneam. Ad *inclinationes* autem cordis *propensionesque* quod attinet, prouti istae in hominibus sibi relictis, nec diuina gratia collustratis, deprehenduntur, tantum abest, ut isti potius vel maxime repugnent. Qui enim cupiditatum suarum ductum secuti, in quacvis vitiorum criminumque se dant genera, nihil molestius ferunt, quam si audiant, dari Deum, qui recte facta remuneraturus, scelera autem criminaque mortalium puniturus sit. Hinc de ipso Epicuro constat, ad negandam Numinis providentiam non alia magis re inductum fuisse, quam quod eam cum animi tranquillitate consistere non posse existimaret. Haecenus quidem recte, quia homo flagitiis variis, cupiditatibusque prauis deditus, si Deum, supremum iudicem, eiusque providentiam credat, animo tran-

quillo esse nequit. Quare, si quaestio instituat, num atheorum error, an eorum sententia, qui Deum esse credunt, prauis cordis inclinationibus tribuendus sit, non temere quenquam fore existimo, qui non prius, quam posterius asserendum censuerit. Haec vero omnia si paulò accuratius considerentur, non tantum ex internis illis errorum fontibus nihil, quod doctrinam de existentia Dei labefaceret, deriuari potest, sed nouum potius idque firmissimum contra ipsos atheos inde exurgit argumentum. Si enim infinita praecudicia, quae ex sensuum & imaginationis deprauatione, prauisque propensionibus oriuntur, & vndiquaque mentem hominis oppugnant, sententiam de Dei existentia, a prima hominum origine ad nostra vsque tempora constanter treditam, nec ex vilo errorum fonte deriuandam, labefacere, opprimere, aut obliterare non potuerunt, sequitur, eam minime pro erronea, sed pro veritate potius manifestissima, & diuinitus cordibus hominum infixataque inscripta, esse habendam. Contigit sane, vt homines falsos quamplurimos atque erroneos, immo absurdissimos de Deo sibi conceptus forniarent, quod vel ethnicorum in idololatriam plane ridiculam prolapsorum exemplo patet; idque ex causis errorum, fontibusque antea commemoratis, maximam partem ortum esse, nulli dubitamus. Sed tamen inter omnes hosce corruptae naturae, sensuum imaginationis, aliarumque causarum insultus, machinationes, aberrationes, vnica illa & praecipua veritas, *Deum esse*, apud plerosque firma, fixa & immota stetit, nulla-que ratione concuti atque obscurari penitus potuit. Iam quod ad causas externas errorum & praecudicatarum opinionum attinet, primo inter eas loco sese nobis offert *educatio*. Mirum non esse, in-quiunt athei, plerosque mortalium opinione de Dei existentia imbutos esse, cum liberi hoc ita acceperint a parentibus & praeceptoribus, deinceps eandem sententiam vltius propagaturi. Referendam itaque hanc sententiam inter praecudicatas opiniones reliquas, ab educatione ortas, & ita ad plures pro-
paga-

pagatas. Nos vero non equidem negamus, ad conseruandam atque propagandam hancce veritatem, educationem, institutionemue parentum & praeceptorum aliquid conferre; at huic vnice eam tribuendam, id quidem est, quod prorsus negamus, & sine insigni absurditate asseri non posse, contendimus. Experientia enim docet, educationem non vna eademque ratione vbique se habere. Immo, quod moribus opinionibusque in rebus fere innumeris, & integrae gentes, & singuli homines a se inuicem differant, id praeter alias causas educationi cumprimis, eiusque diuersitati, imputandum esse, nemo temere inficiatus fuerit. Qui ergo fieri posset, vt communis illa & a toto humano genere recepta sententia, a sola educatione orta esset? Immo cum tanta morum & opinionum diuersitas per educationem inter homines exorta sit, sola autem haec sententia, de existentia Dei, illibata permanserit, & ab omnibus gentibus sit adprobata, quis non videt, longe sublimiorem, diuinam scilicet, eius agnoscendam esse originem? Quaecere insuper ex his, qui a parentibus suis hanc se hausisse opinionem dicunt, iuuat, vnde parentes eam acceperint? Ad quod nisi inepte processum in infinitum admittere velint, non aliter responderi potest, quam extitisse aliquando parentes, qui aliunde, quam a suis parentibus, hanc opinionem acceperint, quod ad euertendam penitus atheorum impietatem sufficit ††. Dum hac ratione nihil se proficere sentiunt, a statu domestico ad *civilem* transeunt, religionem, adeoque & opinionem de existentia & cultu Numinis, inter callidorum hominum commenta politica referentes, ad continendam eo facilius in obsequio plebem comparata. Critiam sententiae huius inter veteres auctorem *cap. I. §. XII.* commemorauimus, cuius vestigia in atheismo hocce politico adornando prae ceteris NICOLAVS MACHIAVELLVS pressit, de quo *ibid. §. XXIV.* dictum, & recentiori aetate IOANNES TOLANDVS, cum reliquis legumlatoribus ipsum etiam Moſen, publicis eiusmodi impostori-

bus annumerans, vti itidem §. *XXVII.* obseruatum. Quam vero haec sine omni prorsus fundamento dicantur, sequentia docebunt. Primo quidem constat, licet Solon, Lycurgus, Numa, alique legumlatores religionem instituto suo accommodauerint, eamque ad obseruantiam legibus suis conciliandam, & continendum in obsequio populum, vtilem iudicauerint, non tamen ipsos religionem excogitasse, aut eius extitisse auctores. Hoc enim nullo idoneo ex historicis monumento comprobari potest. Deinde, et si de vno alteroue principe certum sit, eum religione, ceu iustrumento dominandi vsum esse; hoc tamen non de omnibus, immo nec de plerisque, sed saltem de paucissimis, dici potest. Ex eo vero, quod vnus alterue non tam religionem excogitauit, quam saltem ad reipublicae commoda ea vsum est, effectus hicce vniuersalis, seu totius humani generis, in admittendo & colendo Numine, consensus, minime consequi potuit. Praeterea, et si principes rerumque domini religione quandoque ad finem suum obtinendum vti possint. subinde tamen eandem obitare, quo minus cupitis potiantur, experientia docet. Hinc eos, si aliquando, vt commodis suis consulere, religionis remouere obstacula voluerunt, maximis grauissimisque se exposuisse periculis, notum est. Qua quidem ratione cum religio imperantium rebus non minus noxia quandoque, quam utilis esse queat; nemo temere eam in se spectatam pro eiusmodi inuento politico, quod & natales & conseruationem suam rationibus politicis vnice debeat, venditauerit. Ad religionem Mosaicam seu Israëliticam speciatim quod attinet, etsi non defuerint, qui Mosē diuinum virum imposturae per turpissimam calumniam redarguentes, in scienda ob rationes politicas religione auctoritatem Numinis obtentui summis, impudentissime contenderint, magnopere tamen eos falli, facillimo negotio demonstrari potest. Certe cum palam & aperte pleraque in conspectu populi Israëlitici gesta sint, quibus se diuinitus missum Moses comprobauit,

bañt, fraudi & imposturae locus esse non potuit. Maxima enim miracula inspectante, vidente, sentiente toto populo Israelitico edidit, adeo vt ipsi Israelitae vocem Dei in monte cum Mose loquentis audierint. Nec est, quod, quae Moses ipse hac de re scripsit, in dubium voces, cum Israelitae mendacii ipsum haud dubio redarguissent, nisi aut ipsi vidissent, ea reuera getta esse, quae narrauit, aut a maioribus suis hoc accepissent. Tantum vero abest, ut hoc fecerint, vt potius summa ista & incredibilis in obseruandis institutis Mosais constantia, quam in Iudaeis admiramur, non aliunde deriuanda sit, quam quod iusta successione a maioribus suis acceperint, edita a Mose ista miracula fuisse. Accedit, quod gentilium quoque scriptorum testimonio, miracula ista a Mose edita fuisse, comprobari queat. vt vel ex iis, quae ex EVMENIO refert EVSEBIUS, *libr. IX. praeparat. euangel. cap. VIII.* constat. Iungenda, quae hac de re dixi, in *hisor. eccles. vet. testam. per II. sect. I. ad §. I. pag. 511. seqq.* & ad §. XI. *pag. 533. seqq.* Sed necessitas praetermittendum, etsi Moses leges varias, tum ad religionem cultumque Numinis, tum ad statum ciuilem spectantes, Israelitis tradiderit, ipsam tamen religionem non instituit primus, quippe qua Israelitae iam pridem imbuti erant, sed a patriarchis acceptam, iussu Numinis institutis variis, ritibus, ceremoniis, legibus, pro illius temporis ratione, eam auxit & amplificauit. Et haec quidem, quae religioni patriarcharum accedebant, in quibusdam statui reipublicae Israeliticae iussu & voluntate Numinis erant accommodata; non tamen in omnibus, multo minus vnicus hic aut praecipuus Mosais religionis erat scopus, quippe qui ad aeternam potius Israelitarum salutem erat comparatus. De christiana vero religione si quis hoc asserere auderet, eam excogitatam hunc in finem, vt dominandi instrumentum esset, nae is se ipsum turpiter traduceret. Practerquam enim quod nec ipse Christus religionem primam introduxit, aut nouam condidit, sed veterem, aliam eius saltem constituendo

occo-

oeconomiam, continuauit; sane qui tum ipsius seruatoris, tum apostolorum conditionem considerauerit, nunquam in animum inducet, vt credat, politicis rationibus hac in re eos locum reliquisse. Est sane religio christiana ita comparata, vt in se spectata, commoda plurima reipublicae ciuilibusque societatibus adferat; sed huncce eius finem praecipuum esse, nemo, nisi eius plane experts sit, asseret; quae de re plura dixi, in *dissertat. de concordia religionis christianae statusque ciuilis, cap. I.* Cum vero insuper talia doceat, quae prauis cupiditatibus e diametro repugnant, his inductos homines ad eam aut excogitandam aut propagandam, nemo temere sibi persuasferit. Equidem, ex quo hinc inde dominans esse coepit, extitisse subinde homines, qui commodis suis eam accommodauerint, non diffiteor; sed hi, vt hoc ipso demonstrarunt, se indignos nomine christiano esse, ita nihil, quod religioni ipsi eiusque veritati aut praestantiae fraudi esse queat, inde sequitur, multo vero minus eam dominandi causa aut inuentam aut introductam esse, inde colligi poterit †††. Atque id quidem nunc nobis contra atheos sufficit †††

† Hæc *objectionis* nomen non videntur mereri; cum tantum Atheorum *sententiam* indicent, quo pacto Humanum genus ad opinionem de Deo, & cultum Diuinum pervenerit. Præterea si quod Athei dicunt, omnino verum foret; & nemo, nisi superstitione inductus, Deum crederet & veneraretur: res necdum esset confecta. Nam, licet rationes, quibus, ut illi crepant, hominum imbecillitas se moveri passa fuit, non valerent: inde tamen minime sequeretur nullas dari, quæ satis sunt validæ. Nihil ergo ad Rhombum facit, iis, qui pro Numinis existentia pugnant, ad aurem obgannire, hanc illorum sententiam inter præjudicia vulgi merito referri &c. Respondeant potius adversarii ad argumenta, quæ ab altera parte afferuntur; &, (si *Objectiones* ab *exceptionibus* discernere sciant) ut probent Deum non existere, argumenta, quibus hoc evincitur, afferant.

†† Præjudicium Auctoritatis & cujusvis generis alia, in rebus

bus Divinis dijudicandis, plus fati locum habere, ingenuus quisque fatebitur. v. PFAFFIUM *Prajud. Theolog.* Sed inde non consequitur, ut cuivis, qui Deum exiitēre credit, imputare liceat, ipsum absque ratione hanc sententiam tueri.

††† Conf. GROTIUM *de verit. Relig. Christi.* & STILLINGFLEET *Orig. S.*

†††† Obijciunt quoque *stupidiores* Athei, quod miraculājam non conspiciantur. Sed demonstrēt necesse esse, ut Deus sese nobis miraculis conspiciendum præbeat; cum luculenter de eius existentia, e Mundi systemate, aliisque indiciiis convinci possumus. v. quoque GROTIUM *l. l. L. 1. §. 18.* Cum his conveniunt irrisores illi, de quibus agit PETRUS *Ep. 2. C. 3.* Hi enim dixerunt: omnia ita, ut ab initio fuerunt, permanere; ut, si non existentiam Numinis, saltē adventum Domini cum specie negare possent. Apostolus vero exemplo diluvii ostendit, Orbem Terrarum maximam mutationem subiisse, atque adeo illorum argumentationem non procedere. FRANC. CUPE-
RUS, de quo in præcedentibus mentionem quoque injecimus, ita in confutandis Atheorum Objectionibus versatur, ut iis potius favere voluisse videatur. FENELONIUS nonnullas Atheorum exceptiones recenset, easque plane diluit.

CAP. VII.

REFUTATIO DOGMATVM

C V M

ATHEISMO CONIUNCTORVM
AVT AD EVM DVCENTIVM.

Σύνοψις.

Demonstratur, dari
providentiam Dei,
§. I.

Animam hominis & im-
materiam esse, &
immortalem, §. II.

Praeter animam hominis,
& alios dari spiritus,
seu substantias omnis
materiae expertes, §.
III.

Itemque vaticinia, seu

futurorum, & quidem
contingentium praedi-
ctiones, quae soli Deo
sint tribuendae, §. IV.

Vt & miracula, proprie
sic dicta, §. V.

Christianae religionis veri-
tas adstruitur, §. VI.

Itemque, diuina scriptu-
rae sacrae auctoritas,
§. VII.

§. I.

Non tantum esse Deum causam conditorem-
que huius vniuersi, sed omnia quoque,
quae condidit, eum sustinere, conseruare, di-
rigere, sapientissimeque gubernare, vt sine pro-
uida eius cura nihil, ne in minimis quidem re-
bus, contingat, nec sine benigno eius concursu
quid-

quidquam moueatur, vel ex ipsa eius, quae omnium mentibus insidet, notione, summaque adeo & infinita eius sapientia, benignitate, potentia, non minus ac ex rerum creaturarum infirmitate & indigentia, variis itidem, quae quotidie se nobis offerunt, vitae humanae casibus, aliisque argumentis, tam euidenter constat, vt nemo, nisi ratione omni destitutus, hac de re dubitare queat *. Indeque adeo, quam turpiter, qui Numinis prouidentiam negant, errent, elucescit.

- * Deum rerum a se creatarum, totiusque adeo huius vniuersi, hominum cunprimis, curam prouidam; eos conseruando, & ad motus eorum cunctos concurrando, tum dirigendo & sapienter omnia gubernando, gerere, etsi eiusmodi sit, vt nemo sanae mentis de eo dubitare debeat, sequentibus tamen euinci rationibus potest. Primo ex *summa Numinis sapientia* id patet. Hanc enim, qui Deum admittunt, simul admittere, necesse est. Sapientiae vero erat, non tantum mundum condere, sed ita eum instruere, & administrare, vt honor & gloria summa inde ad auctorem redundaret. Nullam autem si mundi curam gereret, nulla quoque creaturis ratione praeditis daretur occasio, conditori suo cultum honoremque exhibendi. Immo omnis cultus veneratioque Numinis cessaret, cum nullam tum haberent causam eum honore aut cultu prosequendi; immo & frustra hoc facerent, cum Deus, incurius rerum huius mundi talia non curaret, nec exigeret; eodemque adeo loco essent, qui aut honore aut approbrio eum afficerent. Quod profecto cum sapientia summa, adeoque ipsa Dei notione, e diametro pugnat. Patet idem vltcrius ex *finibus rerum omnium*, qui vt nouum pro Numinis prouidentia argumentum nobis suppeditant, ita prius illud confirmant. Vel partium singularum atque membrorum, quibus animalia quaecumque constant, structu-

structura, omnes conducet, ad certum finem ea esse comparata. Hoc ergo cum de membris partibusque ininutissimis coniter, multo magis de ipsis animalibus, & iterum multo magis de homine, animalium omnium praestantissimo, & rursus magis de toto hocce vniuerso dicendum fuerit. In finibus autem hisce ad se inuicem referendis & sibi subordinandis, necessario tandem ad vltimam quandam seu vniuersalem perueniendum est, qui profecto alius, quam sapientiae, potentiae, bonitatis diuinæ demonstratio, adeoque honor & gloria conditoris, esse nequit. Sed quo pacto vlla ad eum inde redundare gloria vllusue honor posset, si incurius & negligens rerum omnium, nullam earum curam gereret, cunctaque fusque deque ferri sineret? Immo contradictionem manifestam inuoluit, opus aliquod immensum, infinitae potentiae, benignitatis argumentum praebiturum, ad summam conditoris gloriam manifestandam producere, & rursus id ita abicere, atque negligere, vt, num honos an opprobrium inde ad conditorem redundet, perinde sit. At Epicurum, inquis, ceterosque, qui mundi creationem non admittunt, haec non ferunt. Sed cum hanc istorum hypothesin absurdissimam ineptissimamque esse, supra satis demonstratum sit, mundumque a Deo originem habere, necessario admittendum sit, haec omnino & Epicurum & ceteros atheos, omnesque, qui prouidentiam diuinam in dubium vocant, ferunt. Ex *bonitatis* porro & *potentiae diuinæ* consideratione sequens argumentum oritur: Si nullam Deus huius vniuersi curam gereret, inde hoc contingeret, quod aut non vellet, aut non posset hoc facere. Si enim & vellet & posset, certe curam gereret. Eum hoc non posse, nemo dixerit, cum ista impotentiae confessio summam in Deo argueret imperfectionem. Non magis tamen, cum hoc non velle, dici potest; quippe quod bonitati eius repugnaret, quae cum potentia Dei, ceterisque eius perfectionibus, pari passu ambulat. Bonitatis autem diuinæ erat, non tantum

tum creare mundum, sed conferuare atque dirigere, vt res creatae omnes iusto ordine ad finem a creatore illis constitutum deducerentur. Etenim, quis operator, inquit AMBROSIVS, negligat operis sui curam? quis deserat & destituat, quod ipse condendum putauit? Si iniuria est regere, nonne est maior iniuria, fecisse? cum aliquid non fecisse, nulla iniustitia sit; non curare, quod feceris, summa inclementia. Quod si aut Deum, creatorem suum, abnegant, aut ferarum & bestiarum se haberi numero censent, quid de illis dicamus, qui hac se condemnant iniuria? de offc. libr. I. cap. XIII. pag. 26. Si dicas, Deum equidem & velle & posse huius vniuersi curam gerere, sed hoc ei molestum esse, nec cum beatitudine eius conuenire, puerorum more loqui, & ipsemet, quid nescias dicere mihi videris. Sed hac de re deinceps. Benignitas bonitasque Numinis in prouida rerum omnium cura eo erit manifestior, si infirmitatem insuper indigentiamque rerum creatarum omnium consideres, quae nouum simul pro Numinis prouidentia asserenda argumentum suppeditat. Quam enim res creatae omnes nihil, vt existerent, conferre potuerunt, tam certum est, quod se ipsas conferuare nequeant. Non minoris enim potentiae est, conferuare & continuare existentiam, quam eandem producere atque largiri. Ipsasmet autem res creatas, vt existerent, non effecisse, & consideratio earum, & sua quemque conscientia tam euidenter docet, vt sine insigni stultia hac de re dubitari nequeat. Nec est, quod obuertas, maioris virtutis & potentiae fuisse, mundum condere, qui se ipsum conferuare; & sine concursu Numinis mouere, sineque eius gubernatione dirigere potuerit, quam talem, qui in his omnibus Numinis influxu, concursu, directione opus habeat. Primo enim, non de eo, qualem Deus mundum creare potuerit, quaestio est, sed qualem creauerit†. Cumque infana sit temeritas, si miserrimi homines existiment, se perfectius quid, quam quod Deus fecit, vel cogitatione assequi posse, ita, qui rectae rationis li-

mites non supergreditur, facile intelligit, mundum ita conditum, prouti summae Numinis sapientiae hoc erat conuenientissimum. Elto itaque, fuerit maioris virtutis & potentiae, mundum condere, qui nulla conseruatione, concursu, gubernatione indigeat, non tamen aequae minoris hoc fuisset sapientiae. In operibus autem diuinis rite aestimandis non tantum potentiae & virtutis, sed sapientiae quoque diuinae habenda est ratio. Conseruationis autem & gubernationis ista necessitas, id res creatas omnes ratione praeditas conducere potest, se vnice a conditoris sui dependere voluntate, nec sine eius nutu agere quidpiam ac suscipere posse, eoque magis ad eum colendum & venerandum, obsequiumque ei praestandum, omnia quoque beneficia, quae singulis fere momenti ab eo accipiunt, grato agnoscenda animo, esse obstrictas. Talem vero mundi dispositionem quis non praeferret ei, vbi res creatae ratione praeditae vix quidquam, quod creatori suo imputent, se inuenire sibi videri poterant. Denique & vel mediocris eorum, quae quotidie in vita humana sese nobis offerunt, consideratio, quemuis, mundum hunc sapientissime gubernari, facile conuincet. Si primo singulorum hominum vitam consideremus, multa circa natiuitatem, educationem, praeceptores, institutionem, instinctum ad certum vitae genus, & alia se nobis offerunt, quae primo intuitu, casu fortuito ita euenire existimamus. Quod si vero porro eosdem homines, magnis aliquando admotos muneribus, conspiciamus, in quibus talia agunt, quae singularem aut ecclesiae aut reipublicae mutationem adferunt, & quae efficere non potuissent, nisi conspirantibus ad eundem finem causis plurimis, ad hoc velut aptati & praeparati essent, quis quaeso tam hebetis ingenii aut duri pectoris fuerit, vt sine singulari Numinis & sapientissima directione ista contigisse, sibi persuasurus sit? Jam integras si consideremus res publicas, imperiaque orbis, eorumque incrementa, decrementa, mutationes, vicissitudines, conuerfiones, certasque obserue-

seruemus periodos, aut coecus sit oportet, aut supremam quandam in his omnibus agnoscat directionem. Sane non me fugit, causas quasdam politicas in his omnibus intercedere, quamadmodum & in rebus naturalibus interuentu causarum secundarum effectus omnes producuntur, sed his solis istas rerumpublicarum conuerfiones mutationesque tribui posse, ipsi peritissimi rerum ciuiliū magistri abnuunt. Idque adeo verum est, vt etiam quidam philosophi ex astrorum positu, alii ex fati legibus durissimis, alii aliunde conuerfiones istas mutationesque deriuare, aggressi sint. Docetque experientia quotidiana, vel minimae circumstantiae subitanēam mutationem efficere, vt consilia sapientissima effectū careant; quemadmodum ex eadem experientia constat, saepissime, cum de felici euentu nemo dubitat, res secus euenire, prospere contra cedere, cum de felici successu omnes desperant. Quodsi porro addatur, in tantis rerum humanarum vicissitudinibus, mutationibus, insperatisque euentibus, semper ramen constantem ordinem, & ad certum finem directionem conspici, tum sane omne de prouidentia quadam gubernatrice nobis eximetur dubium. Multo id luculentius adhuc patet, in mirabili ista ecclesiae christianae plantatione, conseruatione & propagatione. Cum quis humilem Christi seruatoris, dum in his terris vixit, conditionem, sortemque abiectam discipulorum eius, potentiam contra, auctoritatem & multitudinem aduersariorum, qui se Christo & apostolis opponebant, considerat, cum vero porro, hisce non obstantibus, doctrinam christianam totum impleuisse orbem, & tot gentes populosue, qui Christo nomen dederunt, secum expendit; cum denique mirabilem istum effectum causis aptissime respondere, animaduertit, ita quidem, vt eas causas ad hunc effectum producendum comparatas fuisse, nemo dubitare queat, etsi initio nemo mortalium cogitauerit, aut cogitare potuerit, quod hunc effectum producturae essent, haec omnia tam

evidenter diuinam arguere prouidentiam intelliget, vt nec in ipsis mathematicorum demonstrationibus maior euidentia requiri queat. Quodsi cum eiusmodi hominibus nobis res esset, qui scripturae auctoritatem admitterent. luculentissima eius testimonia rationibus hactenus allatis addi possent. Sanctissimi namque homines, quorum res gestas commemorat, Abrahamus, Isaacus, Iacobus, Moyses, Dauid, omnes vnanimi consensu & vno ore testantur, firmiter se credidisse, in tota vita sua nihil sine nutu & voluntate Dei sibi contingere potuisse, cumque remuneratorem esse recte factorum, scelerum autem iustissimum vindicem. Cum primis & Iosephus patriarcha hoc testatur, qui cum a fratribus venditus in Aegyptum deductus esset, Deo cuncta sapienter disponente haec ita euenisse, agnouit, vt patri fratribusque aliquando alimenta subministrare posset, *Gen. XLV. vers. 6. 7.* Hinc &, *vos quidem*, inquit, ad fratres verba faciens, *cogitaueratis contra me malum (sed) Deus cogitauit illud in bonum (conuertere) vt faceret, sicut est die hoc, conseruando in vita populum multum, Gen. L. vers. 20.* Ipse Deus apud Esaiam vatem, ego inquit, *produco lucem & tenebras; ego efficio pacem, & creo malum, cap. XLV. 7.* Amos, nihil esse mali in ciuitate, fatetur, *quod dominus exercituum non fecerit, III. 6.* Bona & mala prouenire ab altissimo, diserte Ieremias pronuntiat *Thren. III. 38.* Volucrum coeli & liliorum agri curam patrem coelestem gerere, optimus seruator noster docet, indeque concludit, multo magis homines de prouida Numinis cura certos esse posse. *Intuemini*, inquit, *in volucres coeli, non enim serunt, neque metunt, neque cogunt in horrea, sed pater ille vester coelestis alit eas, nonne vos multo praestatis eis? Matth. VI. 26.* Et iterum: *Quodsi herbam agri, quae hodie extat, & cras in clibanum coniicitur, Deus ita circumuestit, nonne vos multo magis, o exigua fide praediti! ibid. v. 30.* Immo ne passerculum quidem, nisi volente patre coelestium cadere, idem asserit, *Matth. X. vers. 29.*

Paulus

Paulus vero rem omnem conpendio quodam complexus est, quando, *in Deo*, inquit, *vinimus, mouemur, & sumus*, *Actor. XVII. 28.* Hisce omnibus & gentilium philosophorum de Numinis prouidentia effata adicere possem. Verum, praeterquam, quod iis facile carere queamus, caute admodum in iis versandum esse, nemo historiae philosophicae vel mediocriter peritus, dubitauerit; cum sub splendidissimis illorum de prouidentia diuina effatis, grauissimi subinde lateant errores. Quam facile autem aliquis hac in re labi queat, vel SALVIANI, Massiliensis presbyteri, exemplum nos condocere potest. Gentilium enim philosophorum testimoniis prouidentiam probaturus, hunc in modum disserit: *Probamus igitur ne illos quidem de incuriositate ac negligentia ista sensisse, qui verae religionis expertes nequaquam utique Deum nosse potuerunt, quia legem, per quam Deus agnoscitur, nescierunt. Pythagoras philosophus, quem quasi magistrum suam philosophia ipsa suspexit, de natura ac beneficiis Dei differens, sic locutus est: Animus per omnes mundi partes commicans atque diffusus, ex quo omnia, quae nascuntur, animalia vitam capiunt. Quomodo igitur mundum negligere Deus dicitur, quem hoc ipso scilicet satis diligit, quod ipsum se per totum mundi corpus intendit? Plato, & omnes Platoniorum scholae moderatorem rerum omnium consitentur Deum. Stoici eum gubernatoris vice intra id, quod regat, semper manere, testantur. Quid potuerunt de affectu ac diligentia Dei rectius religiosiusque sentire, quam ut eum gubernatori similem esse dicerent? hoc utique intelligentes, quod, sicut nauigans gubernator, nunquam manum suam a gubernaculo, sic nunquam penitus curam suam Deus tollit a mundo &c. de gubernat. Dei lib. I. pag. m. 3. 4.* Verum incaute admodum & Pythagorae & Stoicorum iusta effata huc trahit, quippe quae, Deum mundi esse animam, supponunt, adeoque atheismo certo modo patrocinantur; unde & prouidentiam eo sensu comprobant, quo & atheismam haud difficulter admiserint. Sed hoc *ὡς ἐν παρόδῳ*.

Nos id potius nobis nunc datum credimus, vt, postquam prouidentiam Numipis rationibus luculentissimis euicimus, ad argumenta etiam, quibus Epicuraci eam impugnant, quaeue *cap. III. ad §. I.* commemorauimus, respondeamus. Ad primum itaque quod attinet, quando obiciunt, multa in hocce rerum vniuerso existere, de quibus dici nequeat, *quod in hominum vsum condita sint*, eaque adeo omni carere vtilitate, indeque porro colligunt, ea casu fortuito extitisse, satis ostendunt, se neutiquam exacto iudicio, quae dicunt, expendisse. Primo enim si vel maxime nonnulla in hocce orbe reperiantur, quae homini commodum non adferunt, inde nondum sequitur, ea omni vtilitate carere. Est quidem hominis vtilitas inter fines creatori constitutos; sed hic nec vnicus est, nec praecipuus. Quare si quid esset, quod directe homini commodum non adferret, alia tamen ratione, aut ad integritatem, ordinem, decus huius vniuersi pertineret, vel quocunque modo sapientiam, gloriam creatoris manifestaret, de eo, quod vtilitate careret, vel superfluum esset, nulla dici ratione posset. Deinde, si ad exempla descendamus, ostendi haud difficulter potest, Epicureos multa pro inutilibus habuisse, quae reuera vtilissima non tantum, sed & maxime necessaria hominum generi sunt, vt vel ex iis, quae *cap. V. §. IV. & V.* diximus, apparet. Multa denique insignem hominum generi adferre possunt vtilitatem, etsi nobis non satis ea perspecta sit atque explorata. Cum enim angusti, quibus cognitio nostra circumscripta est, termini, nobis haud quaquam ignoti sint, non tam temeritas, quam insania esset, si quis asserere velit, hoc aut illud inutile vel superfluum esse, ideo quod vtilitatem vel necessitatem istius rei cogitationibus nostris non statim assequi possimus ††. Alteram rationem secus sentientibus, qua prouidentiam diuinam impugnant, *miseriae istae ac calamitates*, quibus omnes homines a primo natiuitatis momento, vsque ad vltimum vitae halitum, circumsepti sunt, suppeditant. Ad quam tamen, quae

quae prompte regeri queant, non desunt. Non equidem disceptabo, si mala physica cum bonis, quae singulis hominibus obtingunt, comparentur, sit ne plus bonorum in hoc mundo, an malorum †††. Legi enim possunt, quae erudite hac de re contra PETRVM BAEIVM disputat illustris auctor *des Essais de Theoreticque sur la bonté de Dieu, la liberté de l'homme, & l'origine du mal. part III. §. CCLI. pag. 431. seqq.* Nec abnuerim, nonnullos homines calamitates & misérias, quibus circumsepti sumus, plus, quam decet, exaggerare, quod idem illustris auctor monet. Multo minus inficiatus fuerim, multa mala & calamitates in hominum tantum imaginatione consistere. Enimuero, licet haec omnia concedam, plus scilicet bonorum in hoc mundo esse, quam malorum, homines in calamitatibus exaggerandis modum excedere, multos non futuros miseros, nisi se miseros vel esse, vel fore sibi imaginarentur; licet, inquam, haec omnia concedam, remanet tamen dubium, an calamitates istae & miseriae, quae reuera & citra imaginationem homines premunt, doloremque maximum subinde illis adferunt, cum bonitate Numinis conciliari queant? Respondeo, conciliari omnino posse, cum, quicquid verorum malorum homines premit, ipsis hominibus, non autem Deo, tribuendum sit. Nimirum discernenda hic primum vera mala sunt ab illis, quae perperam & falsa persuasionem pro malis habentur, cum mala non sint. Deinde, quod ad mala physica vere talia attinet, ea ex malis moralibus, seu hominum peccatis oriri, rotunde & citra ambages asserimus. Homines enim si non peccassent, nullis calamitatibus, miseriis nullis, nullis afflictionibus, aut cuiuscunque generis malis essent obnoxii. Quod ergo sua culpa homines libimet ipsi attraxere, id Deo tribui nequit, multo minus bonitati eius infinitae potest opponi. Omnis ergo questio ad moralis mali originem redit, de qua deinceps dicemus. Nunc saltem ad argumentum, quod

LACTANTIUS ex mente Epicuri proposuit, quoque

supra cap. I §. III. exhibuimus, simulque PETRO BÆLIO, *dict. histor. critic. voc. Pauliciens*, pag. 2324. insolubile videri diximus, paucis respondebimus. *Deus*, inquit, *aut vult tollere mala, & non potest; aut potest, & non vult; aut neque vult, neque potest; aut & vult, & potest* Respondetur, si potentiam Dei & voluntatem absolutam spectemus, quæ omnia efficere potest, quæ contradictionem non inuoluunt, & omnia etiam vult, quæ bonitati eius & sapientiæ conueniunt, dicimus, Deum & posse & velle mala quæuis tollere. Quodsi vero potentiam eius & voluntatem ordinatam spectemus, tum sane nec potest, nec vult mala tollere; ut tamen illud nec potentiae defectum, nec bonitatis in eo arguat imminutionem. Nimirum, postquam homo per libertatis suæ abusum, diuinam legem mirando, & a Deo deficiendo, omnem miseriarum cumulum sibi attraxerat, Deus quidem viam rationemque, ut inde emergere posset, ei constituit, atque monstrauit, idque diuinæ bonitatis erat; sed certo simul hoc fieri voluit obseruato ordine, idque diuinæ erat sapientiæ ¶¶¶. Hunc ergo qui obseruant ordinem id obtinent, ut, illorum intuitu, mala physica non amplius mala sint. Reliqui autem habent, quod sibi ipsis imputent. Quodsi ergo quæras, quæ causa sit, quod potentia & voluntas Dei sit ordinata, adeoque mala physica nec possit, nec velit tollere, in necessaria ista sapientiæ & iustitiæ cum bonitate diuina coniunctione facile eam inuenies. Non enim separanda sunt, sed coniungenda attributa Numinis; quod qui obseruant, ex omnibus istis difficultatibus facile se expedient. Atque hinc etiam cognoscere licet, quid ad rationem, ab origine mali moralis desumptam, quam tertio loco prouidentiae diuinæ hostes urgent, respondendum sit. PETRVS sane BÆLIVS argumentum Epicuri, quod ex LACTANTIÒ attulimus, de malis physicis intellectum insolubile esse, putat; quodsi vero ad mala moralia insuper transferatur, id plane inexpugnabile esse, sibi persuadet. Nos quidem luben-

tes fateamur, veram mali originem rationi minime perspectam esse, quam adeo nesciremus, nisi scriptura sacra nos de ea certiores reddidisset. Vnde & mirum non est, gentiliū philosophos mirum in modum fluctuasse, cum causa malorum illis reddenda esset, sed in varios quoque eosque interdum plane absontos errores prolapsos esse. Quantumvis autem ratio ista ignoret, nihil tamen inde contra providentiam Numinis colligi potest, multo minus id inde sequitur, quod cupit PETRVS BAELIUS. Cum enim ratio ex ipsa Dei notione, aliisque argumentis antea allatis, evidentissime cognoscat, Deum rerum huius vniuersi curam gerere, de causa autem & origine malorum nihil certi pronuntiare queat, absontum profecto & contra ipsam rationem esset, ex rei cuiusdam ignorantia, ad veritatem manifestissimam impugnandam argumentum ducere velle. Iniquius vero adhuc magisque absontum esset, ne ignorantiam nostram agnoscere, aut profiteri teneremur, ad hypothesein manifesto absurdam, e. gr. de duplici principio independenti, & notiones, quae menti nostrae insident, clarissimas evidentissimasque, euerterentem, prolabi. Quod vero scriptura hac de re docet, Deum hominem integrum labisque omnīs expertem, sed libertate praeditum, condidisse, hominem autem libertatis suae abusu omnia haec mala, quae illum premunt, sibi attraxisse, eiusmodi est, vt nec ratio ipsa, quod iure ei opponat, inuenire queat ††††. Cuncta enim eo redeunt, cum Deus lapsum hominum permiserit, vel non impediuert, quem per absolutam suam potentiam impedire potuisset, hoc diuinæ bonitati e diametro repugnare. Sed antea iam monuimus, & non satis inculcari potest, cum ex attributis diuinis argumentum ducimus, ea non separanda a se inuicem; sed coniungenda esse. Bonitatis itaque diuinæ consideratio ita instituenda, vt sapientiae quoque atque iustitiae habeatur ratio. Postquam ergo Deo visum, hominem, hoc est, creaturam rationalem condere, res ipsa postulauit, vt libertatem

ei concederet. Sine libertate enim reuera rationis
 vsus nullus est. Si ergo libertate praeditus esse de-
 bebat homo, violenta quadam ratione eum a pec-
 cato abstrahere minime conueniens erat; cetero-
 quin enim liber dici non poterat. Postquam vero
 per libertatis abusum lapsus erat, bonitatis diuinæ
 rursus erat, rationem ex miseria ista eluctandi ei
 ostendere; sapientiae tamen, simul & iustitiae, cer-
 tum ordinem ei praescribere. Ista ergo attributo-
 rum diuinorum harmonia & proportio si obserue-
 tur, nihil, quod iure desiderari queat, ratio inue-
 niet. Quartum tandem vltimumque superest argu-
 mentum, *improbis subinde cuncta prospere atque ex
 voto succedere, cum piis contra hominibus cum variis
 conficiendum sit calamitatum generibus.* Verum
 obseruare hic primo iuuabit, maiorem vt plurimum
 hominum improborum felicitatem nobis videri, quam
 reuera est. Non dicam, fortunam splendidissimam
 cum labore incredibili, maximis periculis, curis
 infinitis, plerumque coniunctam esse; sed id sal-
 tem moneo, cum hominibus improbis in fortuna
 quantumuis splendida constitutis, id quod praeci-
 puam humanæ felicitatis partem constituit, animi
 tranquillitas, desit, non posse non miserrimos esse,
 qui nobis videntur felicissimi. Et idem rursus di-
 cendum de iis, qui nobis miseri videntur. Si enim
 simul probi & honesti viri sunt, animus nullorum
 scelerum sibi conscius maximum etiam in summa
 miseria praebebit solatium, adeo vt reuera felicio-
 res sint, quam improbi, qui falsa persuasionem qua-
 dam multis videntur felicissimi. Nec id praetermit-
 tendum, quod vitae huius felicitas maximam par-
 tem perceptionibus, animique passionibus, absolua-
 tur. Pone ergo pauperem diuitemque hominem,
 quorum ille miser, hic felix censetur. Nonne fa-
 cile fieri potest, vt pauper ex pane, quem comedit,
 & aquae haustu, eandem, si non maiorem,
 delectationem capiat, quam diues, ob corruptum
 stomachum, ex cibi potusque deliciis exquisitis?
 Nonne ergo pauper aequè felix ac diues? Immo
 fieri

fieri potest, vt in paupertate constitutus plures gaudendi causas habeat, paucioresque dolendi, quam homo ditissimus. Munusculum enim leuissimum gaudio adficiet pauperem, cum contra, quod diuiti laetitiam adferre queat, non semper praesto sit, qui insuper cum ab omnibus tanti non sit, quanti fieri cupit, grauissima se affectum iniuria existimat, unde dolor, ira, indignatio, quorum omnium homo pauper immunis esse potest. Quis vero tuum negabit, pauperem, etsi multis miser videatur, reuera si non felicior, certe aequae felicem esse, ac diuitem, cuius omnes felicitatem praedicant. Quod vero diximus, eos, qui miseri videntur, si virtuti & honestati studeant, reuera non esse miseros, etsi ipsa ratio clare satis intelligat, luculentius tamen scriptura confirmat, quae calamitates, quae piis sanctisque hominibus obueniunt, iis longe vtilissimas esse, nos condocet, adeo vt hoc nomine etiam beati censendi sint. Namque *Dei amantibus omnia* (adeoque & aduersa quacuis) *ad bonum conferre scimus*, auctore Paulo apostolo *Rom. VIII. 28.* Et alibi: *Quem enim amat Dominus, castigat; & verberat, quemcunque filium acceptum habet. Si castigationem sustinemus, vt filiis nobis utitur Deus. Quis est enim Filius, quem non castiget pater? Ebr. XII. 6. 7.* Immo per multas miseras nos oportere in regnum coelorum intrare, idem gentium doctor pronuntiat, *Act. XIV. 22.* Idque ad exemplum Christi seruatoris, *Luc. XXIV. 26.* quem & nos, vt in aliis, ita hac in re imitari decet, *Rom. VIII. 17.* Atque hoc est *mysterium illud crucis*, quod homines improbi non capiant; illi autem, qui saluantur, summam Numinis sapientiam potentiamque in eo agnoscunt, *I. Cor. I. 18. II. 6. 7.* Ratio autem, si ex hoc dubio se expedire nequeat, eo minus tamen inde aliquid contra Numinis prouidentiam colligere potest, quod iudicium de probitate aut improbitate hominum longe sit difficillimum. Sane, qui in manifestis flagitiis viuunt, pro improbis sunt habendi; sed hosce ipsa illorum tot sibi scelerum mens conscia
satis

fatis miseros reddit. Rursus tamen non diffidendum, quosdam sine causa male audire, & pro improbis reputari, cum tales non sint; quemadmodum contra plurimi virtutis quandam speciem præ se ferunt, quorum animi grauissimis vitiis sedem & domicilium præbent. Esto vero, esse quosdam virtuti deditos reuera miseros, felices contra, qui vitiis indulgent, ne tunc tamen quidquam Epicuraci obtinebunt. Vt enim iniquissimum absurdissimumque est, ob dubium aliquid, vnde nos expedire non possumus, veritatem manifestissimam reiicere; ita longe satius & rationi conuenientius est, ex eo, quod probi homines miseri, improbi felices quandoque aut sint, aut videantur, colligere, dari post hanc vitam remunerationem recte factorum, scelerumque pœnam. Ita dubia omnia euanescent; viamque planam & facilem ratio videbit, statum præsentem huius mundi cum bonitate iustitiaeque Numinis conciliandi++++.

† Deum non potuisse Mundum condere, qui absque ejus conseruatione & gubernatione subsistat, mecum quisque fatebitur, qui agnoscit rerum *essentias* immutari non posse. Si enim ad *naturam* rerum, quæ præter Deum existunt, probe attendamus: statim videbimus, neque *existentiam*, qua hoc ipso momento gaudent, neque *Operationes*, quibus nunc sunt actuosæ, ad earum naturam necessario pertinere. Mentem meam, V. G. absque contradictione repræsentare Tibi potes, absque eo quod illam nunc existere statuas; ac ista existere potest, licet hoc tempore de alio plane argumento cogitaret. Unde colligo, cum nihil horum in natura rerum fundamentum habeat, neque (quum rerum *essentiæ* sint inuariabiles) habere possit; fieri non posse, quin omnia a Deo in sua existentia & operationibus conseruentur, & ad fines, quos Deus sapientissimus intendit, dirigantur. Eodem igitur argumento, quo probamus Mundum Originem suam Deo debere, ejusdem conseruationem &c. ipsi vindicamus. Nec est, quod quis obvertat, sententiam nostram Operibus Divinis multum derogare, cum nullos artifices magis admiremur, quam quorum opera continuo curari non opus habent. Nam ratio propter quam illa præ cæteris laudantur (i. e. quod artifices vel possessori tantas molestias non facebant)

respe-

respectu summi Numinis locum neutiquam habere potest.

†† v. quæ p. 298. monuimus.

††† LEIBNITII quoque sententia fuit, hunc Mundum, in quo mala reperiuntur, esse optimum. Quinam porro hac de re contra BÆLIUM scripserint, v. *Aut. Th. Dogm. C. de Providentia*, & apud STOLLIUM *Hist. Litt. P. 2. C. 3. §. 37.* quibus adde J. CLARKE *onderzoek over de reden en oorspronk van 't natuurlyk quaad*; item *over 't zedelyk quaad*. De LEIBNITII sententia videri potest WALCHIUS *Lex. Philos. voce Welt*, & *us. Philos. Leibn. & Wolff. in Th. P. 1. C. 3.*

†††† Suas quoque rationes habuit Divina sapientia, quo minus singulis tantum virium, quantum, ad viam, quam Deus constituit, ineundam, requiritur, largiri voluerit; sed paucos duntaxat huius gratiæ fecerit compotes.

††††† Licet fateamur, nos modum nescire, quo Deus peccatum in primo homine permiserit: certissimi tamen sumus, Adamum in omnibus a Deo dependisse, & Deum nihil fecisse, quod ejus perfectionibus fuerit contrarium, cum invictis argumentis Dei *sanctitatem* nullis fordibus inquinandam, & rerum omnium ab eo *dependentiam* probare possimus. Hoc sufficiat iis, qui obijciunt, e nostra sententia Deum peccatorum auctorem fieri. Addi tamen potest, cum in qualibet mentis actione *Physica* & *Moralis* bonitas distingui debeant, ac *hujus* absentia actionem peccaminosam reddat; Deum, cum istam bonitatem homini, eo, quo lapsus fuit, momento, non largitus fuerit, pro causa peccatum *efficiente* haberi saltem non posse. Neque *deficiens* causa jure vocatur, cum suo Officio haudquaquam defuerit, utpote qui nullo modo homini fuerit obligatus. Præterea, Deus in eo, quod actioni Adami *moralem* bonitatem denegaverit, gloriæ suæ *Manifestationem* unice intendit; homo autem, per defectum illius bonitatis, in eadem illa actione, alium plane habuit scopum. Si ergo illa Actio ad Deum ut causam primam referatur; fuit decentissima. Quatenus vero ut Adami actio consideratur, revera peccato inquinata fuit.

†††††† Confer ad hunc §. præter ea, quæ passim apud Theologos & Philosophos occurrunt, quæ habet GROTIUS

positus, quo pacto mori aut destrui queat, ratio capere nequit. Ad annihilationem enim, quod attinet, ea quo pacto sine infinita Numinis potentia fieri queat, non magis intelligi potest, quam quo pacto sine eadem potentia Numinis infinita quicquam ex nihilo fieri queat. Atque hoc perspectum probe exploratumque habuit TULLIVS, dum ex animae operationibus, eam simplicis naturae, adeoque indivisibilem, hinc & immortalem esse, recte collegit. *Quid multa?* inquit, *sic mihi persuasi, sic sentio, cum tanta celeritas animorum sit, tanta memoria praeteritorum, futurorumque prudentia, tot artes, tantae scientiae, tot inuenta, non posse eam naturam, quae res eas contineat, esse mortalem: cumque semper agitetur animus, nec principium motus habeat, quia se ipse moueat, ne finem quidem esse habiturum motus, quia nunquam se ipse sit relicturus; & cum simplex animi natura esset, neque haberet in se quidquam admistum dispar sui, atque dissimile, non posse eum diuidi; quod si non possit, non posse interire, &c.* in Catone maiore cap. XXII. pag. m. 1370 t. Primae huic, quae & principem inter omnes teret, pro animae immortalitate rationi alteram addo, minime itidem contemnendam, & a metu poenarum, qui improbos prauorumque facinorum sibi conscios vexat, desumptam. Nec enim aliunde quam ab isto metu, communis & ab omnibus fere gentibus recepta de inferis opinio orta; quae etsi a poetis, figmentis variis & fabulis aucta, & ideo a philosophis quibusdam, falsa a veris non caute satis discernentibus, explosa sit, certissimum tamen argumentum praebet, ex innato quodam conscientiae testimonio consistare, prae aëtorum, facinorumque malorum, poenas post hanc vitam expectandas esse, adeoque animam post hominis mortem superesse. Hinc SENECA, etsi ipsemet animae immortalitatem non credat, ex consensu tamen quodam hominum, inferos timentium aut colentium, eam probari posse, diffiteri nequit. *Cum de animarum, inquit, aeternitate differimus, non longe momentum apud nos habet, con-*
sen-

sensus hominum aut timentium inferos, aut colentium; epist. CXVII. pag. 577. Nec profecto vi aut robore suo argumentum illud, si recte capiatur, destituitur. Nulla enim, quaecunque etiam excogitetur, adferri causa poterit, ex qua metus hicce, quem tot homines non in vna aliqua gente, sed vbique terrarum in omniuis seculis, in se deprehendunt, deriuari queat. Quicquid de fabulis & commentis poetarum, quicquid de traditione maiorum, aut opinione a parentibus accepta, vel quacunque ratione propagata, dicatur, omnes istae causae sunt particulares, quae ad effectum suo modo vniuersalem & communem producendum non sufficiunt. Accedit enimvero, eiusmodi etiam homines improbos, qui ab omni credulitate sunt alienissimi, & de quibus dici nequit, vnam ex causis, quae vulgo adferri solent, apud eos locum inuenire, eundem metum subinde sensisse, adeoque vel inuitos veritati praeiussse testimonium ††. Atque haec ipsa consideratio ad tertium nos ducit argumentum, quod *iustitia divina* nobis suppeditat. Deum, iustissimum scelerum esse vindicem, tam certum est, quam manifestum est, Deum esse, hoc est, extra omnem dubitationem positum. Fateantur vero omnes, & ipsi Epicuraci, quoties contra diuinam prouidentiam disputant, maxime vrgent, bonos atque honestos viros subinde in hac vita miseros esse, cum improbis contra cuncta ex voto cedant. Hoc vero cum iustitia pariter ac bonitate Dei conciliari nequit, vt supra quoque iam obseruauimus, nisi recte factorum remuneratio & scelerum punitio post hanc vitam admittatur. Corpus vero hominis cum dissoluatur, quo pacto Deus recte remunerari, peccata autem punire posset, si anima non esset immortalis? Addendum hisce, quod merito quarto loco ponimus, *immortem omnibus immortalitatis votum*, immo praesensio quaedam, quae efficit, vt, si ab illis discedas, qui ob scelerum magnitudinem poenas aeternas timent, reliqui nihil magis in votis habeant, adeoque naturae humanae conuenien-

uenientius arbitrentur, quam animam, post eius a corpore solutionem, superesse. Obseruatu dignissima hac de re sunt verba CICERONIS: *Si in hoc erro, quod animas hominum immortales esse credam, libenter erro, nec mihi hunc errorem, quo delector, dum vivo, extorqueri volo; si mortuus, ut quidem minnti philosophi censent, nihil sentiam, non vercar, ne hunc errorem meum mortui philosophi derideant; in Catone maiore cap. XXIII. pag. m. 1371. Eundem fere in modum & SENECA: Quomodo molestus est iucundum somnium videnti, qui excitat; aufert enim voluptatem, etiamsi falsam, effectum tamen veri habentem: sic epistola tua mihi fecit iniuriam. Renocauit enim me cogitationi aptae traditum, & iturum, si licuisset, ulterius. Iunabat de aeternitate animarum quaerere, immo me hercule credere. Credebam enim facile opinionibus magnorum virorum, rem grauissimam promittentium magis, quam probantium. Dabam me spei tantae: iam enim fastidio mihi, iam reliquias aetatis infractae contemnebam, in immensum illud tempus, & in possessionem omnis aevi transiturus, cum subito experrectus sum, epistola tua accepta &c. epist. CII. pag. m. 502. seqq. Nimirum, licet & CICERO & SENECA, errore ducti, animae immortalitatem, euidenter probari non posse existiment, uterque tamen intimum animi sensum haud obscure proiendo, verissimum esse, quod persuadere sibi firmiter non poterant, demonstrat. Hisce & alias adhuc rationes addere poteram, quas tamen praetermitto, quod non omnes eiusdem sint ponderis, & ab aliis etiam allatae sint, qui ex instituto de animae immortalitate scripserunt; quos inter, si recentiores spectes, eminent, IOACHIMVS HILDEBRANDVS, de immortalitate animae rationalis ex solo lumine naturae apodicticis & topicis rationibus liquido ostensa: IOAN. EBERHARDVS SHWELINGIVS, in mente immortalis; VINCENTIVS PLACIVS, in demonstratione solida immortalitatis animae humanae ex solo lumine naturae facta, lingua germanica scripta: HARTSCHMIDIVS. in immortalitate animae humanae ex philosophorum*

veterum ac recentiorum argumentis demonstrata; KENELMVS DIGBAEVS, de immortalitate animae; alique †††. Adderem his HENRICVM MORVM, cuius immortalitas animae, quatenus ex cognitione naturae rationisque est demonstrabilis, extat tom. II. operum eius philosophicorum pag. 275. seqq. nisi quaedam, quae calculum non ferunt, admiscuisset. Sunt nonnulli, qui caeteris rationibus etiam testimonia veterum philosophorum adiiciunt, quae apud PETRV M DANIELEM HVETIV M legi possunt, in quaestionibus Alnetanis; siue de concordia rationis & fidei, libr. II. cap. VIII. §. III. pag. 155. seqq. conf. & FAC. FAYVS, in defensione religionis, &c. contra Ioannem Tolandum, part. I. cap. XXIV. pag. 132. seqq. Verum caute hac in re versandum esse, patet ex his, quae supra ad cap. III. §. II. disputauimus. Omnes enim illi, qui animae originem ex diuina essentia deriuabant, eamque iterum in hanc reuersuram contendebant, indestructibilem potius eam, quam immortalem asseriebant. Si denique & hic cum eiusmodi hominibus nobis lis esset, qui scripturae sacrae auctoritatem admitterent, res omnis plane confecta foret. Cum enim ea salutis obtinendae via, quam scriptura sacra nobis monstrat, hoc vel maxime nitatur fundamento, praemia recte factorum aeque ac scelerum poenas post hanc vitam expectandas esse, nemo nisi mentis omnis expers, se, salua scripturae auctoritate, animae in dubium vocaturum immortalitatem, facile intellexerit. Eaque & diserte, tum in veteri, tum in nouo testamento comprobatur. De veteri quidem nonnullos dubitare, aut aperte id negare scio, animae immortalitatem ex eo probari posse; sed profecto sine ratione. Enim vero dum Moses hominem ad imaginem Dei conditum docet, Genes. I. vers. 26. animae eum simul insinuare immortalitatem, recte obseruat EYSEBIVS, praeparat. euangel. libr. XI. cap. XXVII. Praeterea cum de Abrahamo Genes. XV. 15. dicitur, quod iturus sit ad patres suos, idque de corporis sepultura intelligi nequeat, quippe quae ei non in Chaldaea,

sed

sed in terra Cananaea obtigit, nihil aliud superest, quam ut de anima hoc capiamus, indeque, eam interitus expertem esse, concludamus. Quo pacto idem ex *Exod. III. vers. 6.* probari queat, ipsemet servator ostendit, *Matth. XXII. 31. 32.* Et si enim ibi de resurrectione mortuorum sermo sit, eadem tamen prorsus ratione animae immortalitas ex istis verbis colligi potest +++. Mitto reliqua, cum pro nostri instituti ratione haec sufficiant. Ex nouo testamento quicquam adferre, superuacaneum foret, cum nemo sanae mentis dubitet, in eo ubique animae immortalitatem supponi, & subinde verbis apertissimis confirmari. Luculentissima cum primis sunt verba servatoris *Matth. X. 28.* quippe quae exceptionem non admittunt. Ut vero ad argumenta etiam praecipua secus sentientium respondeamus, primo se nobis Epicuræi offerunt, quibuscum etiam alii faciunt, qui animam *materialem* adeoque & *mortalem* faciunt. Atque hoc primum praecipuumque argumentum est, quo ad mortalitatem animae probandam utitur T. LVCRETIVS CARVS:

*Principio quoniam tennem constare minutis
Corporibus docui, multoque minoribus esse,
Principiis factam, quam liquidus humor aquae est,
Aut nebula, aut fumus &c.*

libr. III. pag. m. 86. Verum committit hic LVCRETIVS petitionem eius, quod est in principio, ut in logicorum scholis loqui amant, sumitque quod nos non concedimus, animam materialem, & ex particulis minutissimis compositam esse. Eam enim materiae omnis expertem esse, ex operationibus eius luculenter supra demonstraui. Quam infeliciter autem Epicuræis, & ipsi cum primis LVCRETIO, res procedat, quando ex sua hypothese animae operationes explicare aggrediuntur, ad *cap. praeced. §. VII.* ostendimus. Alterum, idque non minoris momenti argumentum, quo Epicuræi vtuntur, ex eo desumptum est, quod mens animusue gignatur, ado-

lescat, vigescat, senescat, deficiatque cum corpore.
Hoc ita proponit LVCRETIVS :

*Praeterea gigni pariter cum corpore & una
Crescere sentimus, pariterque senescere mentem.
Nam velut infirmo pueri teneroque vagantur
Corpore; sic animi sequitur sententia tenuis.
Inde ubi robustis adoleuit viribus actas,
Consilium quoque maius & auctior est animi vis.
Post, ubi iam validis quassatum est viribus aevi,
Corpus, & obtusis ceciderunt viribus artus,
Claudicat ingenium, delirat linguaque mensque,
Omnia deficiunt, atque uno tempore desunt;*

loc. lic. pag. m. 87. Respondet quidem ad hocce
dubium LACTANTIUS, *instit. diuin. lib. VII. cap.*
XII. Sed cum eidem non satisfaciatur, & ut, quod
de origine animae obicitur, dissoluatur, hypothesein
etiam Pythagoraeorum, aliorumque, animam ex es-
sentia diuina ortam esse, quam deinceps reiicie-
mus, assumat, hanc eius responsionem nostram fa-
cere non possumus. Quare, quod ad originem
animae attinet, paucis & citra ambages assero, prin-
cipium hocce, cui LVCRETII argumentum innititur :
quicquid initium habet, idque habet finem, falsum est, &
nulla ratione admitti potest. Nihil enim prorsus ob-
stat, quo minus substantia, infinita potentia praedi-
ta, substantiam materiae omnis expertem producat,
quae uti corruptionis vel destructionis nullum in se
habet principium, ita etiam non potest non semper
subsistere, nisi ab eo, qui illam produxit, annihiletur.
Quodsi vim argumenti in eo ponas, quod ani-
ma cum corpore *gignatur*, quod & LVCRETIVS si-
bi velle videtur, indeque ita concludas, quicquid
gignitur, id etiam destruitur; rursus assumitur ali-
quid, quod nondum probatum est, & a nobis non
conceditur. Etsi enim anima tunc existere incipiat,
quando cum corpore vnitur, inde tamen non sequi-
tur, eam eadem ratione gigni, qua corpus gignitur.
De modo equidem, quo anima existere incipit, ra-
tio

tio nihil certi definire potest : hoc tamen aperte cognoscit, quod, cum anima sit spiritus, eo modo, quo corpora gignuntur, originem accipere nequeat. Atque hoc adeo manifestum est, ut plerique veterum philosophorum, Epicuracis saltem & paucis quibusdam aliis exceptis, praexistentiam animarum ante earum cum corporibus unionem, vel originem ex essentia diuina asserere maluerint, quam admittere, animas eadem, qua corpora, ratione, per generationem originem accipere. Quod vero anima cum corpore crescere & senescere videtur, vimque suam diuersimode pro diuersa corporis constitutione exerit, id non tam de ipsa anima, quam quibusdam eius operationibus est intelligendum. Cum enim ob arctissimam eius cum corpore unionem, in operationibus quibusdam corpore, cum primis autem spiritibus animalibus, seu instrumento, uti debeat, fieri aliter nequit, quam ut pro corporis diuersa constitutione diuersimode quoque vis animae se prodatur, & in ipsis eius operationibus diuersitas quaedam conspiciatur. Atque hinc patet, quid ad tertium LVCRETII argumentum respondendum sit, ex eo desumptum, quod animas non suis modo laboret morbis, sed a corporis etiam morbis attingatur :

*Huc accedit, uti videamus, corpus ut ipsum
Suscipere immane morbos, durumque dolorem;
Sic animum curas acris, luctumque metumque.
Quare participem leti quoque conuenit esse,
Quia etiam morbis in corporis animus errat
Saepe animus; dementit enim deliraeque satur;
Interdumque gravi lethargo fertur in altum
Aeternumque soporem oculis vultuque cadenti, &c.*

loc. cit. pag. 87. Namque arctissimae unionis, quae inter animam atque corpus intercedit, leges hoc postulant, ut mentis morbi in corpus, corporis autem, in mentem ipsam redundant. Cumque per corporis morbos, spirituum animalium, quibus vel maxime, seu instrumento, anima utitur, motus tur-

betur, adeo, vt nimis intendatur, vel rursus impediat, aut alio modo exorbitet, mentisque directionem respuat, mirum non est, mentem vim suam, ea, qua poterat, ac debebat, ratione, exercere non posse, sed in morborum corporis participationem quandoque venire. Nec tamen semper hoc contingit, sed interdum mens constanter in grauissimis corporis morbis vim suam ad extremum vitae halitum vsque demonstrat, quod pro nostra potius sententia argumentum minime contemnendum praebet ††. Reliqua, quae ab Epicuraeis adferri solent; ex haecenus dictis diiudicanda, & discussa iussuper sunt a PETRO GASSENDO, *syntagm. philos. Epicur. part. II. sect. I. pag. 29. seqq.* Iam quod ad Pythagoraeos ceterosque attinet, qui animam hominis ex essentia diuina ortam, in eam iterum aliquando reuerti, statuunt, etsi immortalitatem eius asserere videantur, reuera tamen indestructibilem potius, quam immortalem credere, iam supra ad *cap. III. §. II.* docuimus. In grauissimo autem eos versari errore, haud difficulter demonstrari potest. Si enim animae hominum ex diuina essentia sunt deterptae, & cum ea aliquando iterum vniendae, sequitur, essentiam Dei in partes plurimas esse diuisibilem, adeoque materialem. Quo pacto enim spiritus, hoc est, substantia materiae omnis expers, in partes diuidi, atque discerpi queat, nemo mortalium capere potest. Deum vero materialem, & in partes innumeras diuisibilem sibi fingere, tam ineptum, vt nihil ineptius cogitari queat. Accedit, quod meus hominis variis doloribus, passionibus, miseriis sit obnoxia, immo, quod prauis impiisque cogitationibus & cupiditatibus subinde scateat, & mox huc, mox illuc trahatur, vt, vbi pedem figere debebat, homo ipse nesciat. Quae omnia in ipsum Deum cadent, si mens nostra diuinae essentiae sit particula. Deus ergo ipse, hoc est, ens omnium perfectissimum, angetur, excrucietur, dolores sentiet, praua quaeuis cogitabit & concupiscet, mox huc, mox illuc feretur. Quae omnia non blasphema

tan-

tantum, sed ita insuper comparata sunt, vt a sanæ mentis homine asserti nequeant. Tolerabilior equidem Platoniorum videri poterat opinio, ex anima mundi hominum animas originem ducere, & in eam reuerti, statuentium. Sed, cum mundi animam inter ὑποστάσεις diuinas referant, iisdem difficultatibus preinuntur. Si enim materialis sit anima mundi, ὑπόστασις quædam diuina materialis, admittenda erit. Sin immaterialis, quo pacto diuidi atque in partes discerpi potest? Nec rectius se habet sententia Aristotelis, aut, si mauis, Auerrois, vnicum tantum numero intellectum, vnicamque omnium hominum esse mentem. Tam enim hoc absurdum est, vt non credam, quenquam hanc sententiam ideo admisisse, quod rationi eam conuenientem existimaret, sed quod ad absona quæuis credenda iis sufficeret auctoritas Aristotelis. Quo pacto enim ista vnius intellectus per omnes homines diffusio sine extensione quadam fieri possit, concipi nequit. Hoc ipso autem intellectus hicce vniuersalis materialis erit, iisdemque rationibus reiciendus, quibus animæ materialitatem impugnauimus. Cumque homines non tantum diuersas, sed & contrarias cogitationes sæpissime habeant, statuendum erit, eundem intellectum vno eodemque tempore infinitis modis sibi contradicere, & in vno homine affirmare, quod in alio negat, in vno adprobare, quod in alio improbat, in vno laudare, quod in alio vituperat, quod quam absouum sit, nemo non intelligit †††. Nec est, quod obuertas, diuersas eiusdem intellectus vniuersalis esse operationes, pro organorum diuersitate. Hoc enim licet in quibusdam eius operationibus forte procedat, ad omnes, cas præsertim, quæ a certa organorum dispositione non pendent, nullo modo trahi potest. Denique & illi falluntur turpiter, qui animam pro qualitate quadam, seu virtute ex materiae dispositione orta, & cum eius destructione cessante, habent. Etsi enim ex materiae dispositione qualitates quædam oriri queant, quæ formaliter, vt loqui solent, antea in materia non extiterunt, nulla ta-

men qualitas, nulla virtus, ex materiae dispositione elici potest, quae non radicaliter, & ad minimum quoad potentiam, antea in materia fuit. Animae vero facultates, intellectus & voluntas, cum nec radicaliter, nec quoad potentiam in materia existant, quocunque modo hanc disposueris aut dispositam fingas, nunquam illas inde elicias. Inter commenta itaque ludicra atque somnia haec sententia referenda est, quae homines sine anima statuit. Cum vero auctores istius sententiae, resurrectionem mortuorum statuant, adeoque & scripturae auctoritatem admittant, vel saltem admittere videri velint, omnia ea scripturae dicta illis opponi possunt, quae animam a corpore distinguunt, & eam post mortem superstitem esse, luculenter testantur, quorum praecipua antea iam indicauimus. Ad rationes autem, quae pro ista sententia in medium adferri possunt, responsum est, in *programm. de Arabicorum haeresi. quod extat in syntagm. dissertation. theologic. pag. 738. seqq.*

† Probavit quidem Cel. Auctor, vitam animae non nisi per annihilationem destrui posse; ex quo tamen non sequitur, nisi alia argumenta in auxilium vocemus, illam non annihilatum iri. Atheos tamen, qui Numen tanta potentia, quanta ad annihilandam animam requiritur, praeditum non agnoscunt, hac sola ratione de immortalitate animae convincere possumus.

†† Ut patet ex exemplo nobilis illius Angli, cuius supra quoque mentionem fecimus; quod absque horrore legi non potest. Conferatur etiam J. A. VAN DER MEULEN, viri Nobilissimi *Forum conscientiae, Dissertat. Praelim. 1. praesertim p. 22. & seq.*

††† Nimirum J. L. FABRICIUS *Orat. inaugural. operum pag. 49. S. WERENFELS dialogus de immortal. anima*, J. H. VAN LOM *diff. inaugural: & DU GARD Orat. quae Parisiis nuper prodiit*, sed magis argumentorum numero, quam iudiciis subacti iudicii excellet; conf. *journal des Savans Fevr. 1736. art. 1. Legi quoque merentur, quae disserit G. VAN DER MEULEN de Die Mundi Natali p. 233. & seqq. LAMPIUS van het steruen en den doods des menschen,*
7do

7de *Betrachtunge*, nec non *usus Philos. Wolff. & Leibnis. in Theol. P. 1. C. 4. §. 16. & seqq.* licet, quæ de distinctione inter *indestructibilitatem* animæ, qua essentia ejus a morte corporis perennat, ac ejusdem *immortalitatem*, qua simul in statu perceptionum distinctarum perseverat, & sui ipsius memoriam habet, L. PH. THUMMIGIUS docuit, ab aliis eo pretio, quo *l. l.* digna prædicantur, neutiquam æstimentur. v. quoque DRIESSENII *Lumen & Doctr. Conscientia P. 2. C. 11.* Argumenta, quibus, meo quidem iudicio, ductum rationis unice secuti, optime demonstramus, animam post mortem corporis non redigi in nihilum, sive, quod eodem redit, illam esse immortalem, sunt sequentia: 1. Quod a nemine exemplum substantiæ, quæ in nihilum sit redacta, afferri possit. Unde, *moralis* quadam certitudine, colligimus, respectu animæ exceptionem, absque ratione, non esse admittendam. Præterea Divina *sapientia* non videtur nobiliorem creaturam annihilaturam, quam ignobiliorem prorsus destruere non velit. 2. Quod *justitia* Dei exigit, ut mali, quibus, dum vivunt, sæpius omnia prospere evenire videmus, tandem promeritis pænæ luant; ac e consideratione Divinæ *Bonitatis* derivari possit, illos, qui in hac vita favorem Numinis sibi conciliarunt, quosque tamen haud raro malis fere obrutos cernimus, post mortem beatos fore. Cætera argumenta quæ mihi innotuerunt, vel ad has classes revocari possunt, vel adversariorum exceptionibus magis sunt obnoxia.

††† Conf. præter Theologos, MENASSEH BEN-ISRAEL *de Resurrect. mortuorum L. 1. C. 10. & seqq.* v. quoque quæ ad C. 3. §. 2. diximus.

† De *origine anima Humana* v. GULIEIMI ARNTZENII *diff. inaug.*

†† Aliquando videmus, homines moribundos majori acrimonia gaudere, quam per totius vitæ curriculum habuerunt. Scimus quoque Medicum quendam Amstelodamensem, cui idem a Doctissimo quodam Viro objiciebatur, eo redactum, ut, quid responderet, se nescire fateretur.

††† Conf. Scriptores, qui sententiam DEURHOFFII de *cogitatione universalis* refutarunt.

§. III.

Præter Deum, animamque hominis, alios adhuc existere spiritus, hoc est, substantias materiae expertes, intellectuque non tantum & voluntate, sed potentia etiam mouendi corpora, & in ea agendi præditas, nulloque cum corpore coniunctas, variae illorum, quæ certissimis documentis constant, nos dubitare non sinunt operationes. Falluntur itaque non tantum, sed impudentiam suam, & summam ad quiduis aut negandum aut impugnandum temeritatem produnt, qui & spirituum eiusmodi existentiam inficiantur, & cuncta, quæ de illis narrantur, aut sine discrimine, ausu iniquissimo reiiciunt, aut ad alias causas conatu prorsus irrito referunt. *

- * Vt in spirituum creatorum existentia probanda rite procedamus, primo id, ceu extra controuersiam positum, assumimus non esse *ἀδιώκτων*, eiusmodi substantias materiae expertes existere. Hoc si admittere athei aut pneumatomachi nolint, luculenta iis adferenda est ratio, cur spiritus, seu substantiae eiusmodi materiae expertes, existere nequeant. Eo minus vero hoc facere poterunt, quod vel ipsius mentis humanae exemplo euidenter hoc comprobari queat, quam spiritum, seu substantiam materiae expertem esse, per ea, quæ in præcedentibus diximus, vel inuiti concedere tenentur. Iam si nihil obstat, quo minus spiritus eiusmodi existere queant, ulterius hoc ab omnibus postulo, testimonia illorum, qui se per apparitiones eiusmodi spirituum, aut alias eorum operationes, de illorum existentia certiores redditos adfirmant, non sine causis grauissimis reiicienda esse. Inter hosce testes nonnullos saltem esse, qui neutiquam animum alios decipiendi ha-

habeant, adeoque veritatem dicere velint, non facile vel impudentissimus atheorum abnuet. Praeterquam enim, quod iniquissimum esset, tot homines sine causa in imposturae suspicionem adducere; fieri etiam prorsus non potuit, ut tot homines, quorum hac de re testimonia extant, temporum pariter ac locorum intervallo a se invicem remotissimi, et, velut conspiratione quadam facta, ad totum genus humanum decipiendum inter se consentirent. Quemadmodum vero ad minimum nonnulli, quae veritati consentanea sunt, hac de re dicere voluerunt, ita nullum plane est dubium, quin id facere potuerint. Sane sensus quandoque, si rite dispositi non sint, aut in operationibus suis quacunque ratione impediantur, falli posse, non diffiteor. Nec ignoro, quanta vis sit imaginationis, praesertim, si affectus vehementiores accedant. Inde vero qui colligit, semper errasse sensus, semperque homines deceptos per imaginationis vim fuisse, quoties spirituum operationes visu vel aliis sensibus perceperunt, perinde mihi agere videtur, ac qui a particulari ad universale argumentatur. Sane quidem circumspectione quadam hic opus esse, nec quasvis de spectris aut spirituum apparitionibus, narratiunculas statim admittendas esse, lubentes fatemur. Nec tamen inde sequitur, omnia de hisce testimonia reiicienda esse, praesertim, cum quaedam ita comparata sint, ut nec imposturae, nec sensuum fallaciae locus esse queat. Exempli eiusmodi adferre, nostri instituti non patitur ratio: legi vero merentur, quae HENRICVS MORVS congegit, in *antidoto aduersus atheismum lib. III. cap. VI. seqq. tom. II. opp. philosoph. pag. 105. seqq.* Praeter spectra, etiam commercia, quae magis ac sagis cum spiritibus malignis intercedunt, horum existentiam euidenter comprobant. Omnia enim ea, quae magi aut sagae de iis profitentur, in dubium vocare, aut corruptae imaginationi tribuere velle, a summa inipudentia parum abest. Non tantum enim subinde consentientes prorsus inter se *περισσότεροι* obstant, sed signa etiam

etiam in corpore conspicua, munera, quae a spiritibus acceperunt, & alii effectus, qui exceptionem non admittunt. Exemplum eius rei memorabile idem, quem iam laudavi, HENRICVS MORVVS exhibet, *loc. cit. cap. VII pag. 108. seqq.* Accedunt obfessiones, quas vocant, corporales, magno subinde cum spectantium horrore, & existentiam & potentiam malignorum spirituum demonstrantes. In quibus etiam, quae a melancholia aut aliis morborum generibus sunt, caute discerni velim ab iis, quae naturae operationes excedunt, ita talia subinde in iis occurrere, quorum nulla, si daemonis potentia non admittatur, ratio reddiqueat, nemo profecto sine summa temeritate negare poterit. Mitto reliquas rationes, quae passim ab iis allatae sunt, qui ex instituto contra πνευματόμαχος disputant, quos inter & IOSEPHVS GLANVILIUS laudandus, in *Sadducaismo triumphato*, anglicano idiomate scripto, sed anno MDCC I in germanicum translato IIII. Cum vero nonnulli ex iis, quibuscum hic nobis res est, scripturae auctoritatem admittant, vel saltem aperte respuere non audeant, eo libentius eius testimoniis utimur, quia longe plenius & euentius, quam ratio, de spirituum existentia & operationibus nos instruit. Nec omnia tamen congeremus, sed praecipua, quae ad nostram causam faciunt, delibabimus, remotis insuper, vel unico verbo, BALTHASARIS BECKERI ineptiis, quibus rebus clarissimis caliginem offundere allaboravit. Ipse primorum parentum lapsus argumentum pro nostra sententia nobis suppeditat, cum res ipsa satis doceat, per serpentem seductorem *Gen. III. 1. seqq.* infernalem genium intelligendum esse. Si cum BECKERO dicas, infernali genio seductionem primorum hominum ideo tribui, quod hi ad illius exemplum peccauerint, verbis apertis scripturae sacrae, *Genes. III. 4. 5. Ioan. VIII. 44. II. Corinth. XI. 3. Apoc. XII. 9.* vim inferes. Abrahamo tres apparuerunt angeli, *Genes. XVIII. 2. seqq.* quorum vnus increatus ille, seu filius Dei fuit, vt alibi extra contro-

uer-

uersam ponitur, reliqui vero duo creati, qui Lorthum cum familia ex Sodoma vrbe, ne vna cum impiis periret, eduxerunt. BECKERVS homines intelligit, & quidem prophetas. Cur vero semper vocantur angeli? Sed conticescere hominem Paulus iubet, hospitalitatis praemia ex eo commendans, quod infcius etiam Abrahamus angelos conuiuio exceperit, *Ebr. XIII. 2.* ††† Quae ratiocinatio apostoli inepta toret, si homines, & non angeli proprie sic dicti conuiuio ab Abrahamo excepti fuissent. Cum Deus legem promulgaret populo Israelitico, ingens quoque angelorum tuba clangentium adfuit turba, *Exod. XIX. 19.* Tonitrua hic & fulgura intelligit BECKERVS, Mosemque ad diuinae maiestatis opinionem in hominibus excitandam atque augendam ita loqui. Sed Moses a tonitribus fulguribusque diserte tubarum clangorem discernit, *loc. cit.* angelosque fuisse testatur, *Deut XXXIII. 2.* quod & Paulus confirmat, *Galat. III. 19.* Angeli, quocum Iacobus colluctatus est, *Gen. XXXII. 24.* & *seqq.* quiae populum Israeliticum per desertum in Palaestinam deduxit, *Exod. XXIII. 20.* *seqq.* ideo nulla videatur facienda mentio, quod is non creatus, sed increatus ille seu filius Dei fuerit. Qui vero luctam Iacobi in somno vel visione contigisse putant, & per angelum populi Israelitici ductorem columnam nubis & ignis intelligunt, nescire mihi videntur, quid dicant. Claudicatio Iacobi testatur, luctam non fuisse imaginariam. Angelus autem populi Israelitici ductor, non semel, sed saepius, a columna nubis diserte distinguitur. Spectrum porro illud Endoracum, quod Sauli vltima fata indicauit, *I. Sam. XXVIII. 7.* *seqq.* de alio, quam infernali genio, intelligi nequit. Ipsam enim Samuelis animam si Sauli apparuisse dicas, eam artibus magicis e beatorum sedibus euocari potuisse, simul concedas, necesse est; quod nemo nisi omni ratione destitutus sibi persuadebit. Qui autem ad vaticinae mulieris praestigias cuncta referre voluerit, illi simul admittendum, verulam istam ciuiliu rerum peri-

peritissimam fuisse, tantaque sagacitate praeditam, ut promte futura praedicere potuerit; quod omnem fidem superat; ne dicam, quod nulla arte humana Samuelis ita imitari vocem potuerit, ut non Saul, cui Samuel notissimus erat, quantumvis perterrefactus, statim fraudem animaduertere potuisset †. Tentator vero ille Christi seruatoris, quis alius, quam infernalis genius? *Matth. IV. 1. seqq.* Cum BECKERO enim asserere, in imaginatione haec omnia peraeta, qua Christus prauas cupiditates sibi repraesentauerit, ac si per eas tentaretur, ineptum non minus est, quam blasphemum. Nec felicius hoc telum declinant, qui aliquem ex Phariseis, aut aliis Christi aduersariis, tentatoris munere functum putant. Ut enim reliqua, quae gratis & sine omni fundamento assumuntur, taceam, quid causae fuisset, tentatorem hunc absolute διαβόλον vocare, cum alias scriptura Christi aduersarios, ceu homines certos describere & designare consueuerit. Cum diabolus cum Michaële angelo super corpore Moysis contendisse dicitur, *epist. Ind. vers. 9.* BECKERVS quidem doctores ecclesiae aut sacerdotes intelligit, quorum vnus corpus Moysis proferri idololatriae causa voluerit, cui alter resistit, aut quorum vnus pro legis Mosaicae obseruantia pugnauerit, renitente & reclamante altero. Scilicet, quia ita placuit, & quia fas sibi esse putat, quidlibet facere ex quolibet. Qui vero, quae *Zach. III. 2.* extant, paulo accuratius considerauerit, statim a propria & genuina verborum sibi minime discedendum esse significatione, intelliget ††. Mitto nunc, quae de officiis & ministerio angelorum bonorum scriptura nos condocet, quo circa natiuitatem, vitam, resurrectionem Christi functi sunt, *Luc. I. 11. 26. II. 9. 13. Matth. IV. 11. Luc. XXIII. 43. Matth. XXVIII. 2. Act. I. 10.* aut erga omnes homines †††, speciatim fideles, funguntur, *Psal. XXXIV. 8. Matth. XVIII. 10. XVI. 22. Act. X. 3. XII. 7. Ebr. I. 14.* item, quae de malignorum spirituum operationibus *Ephes. II. 2. VI. 12. 13. I. Petr. V. 8.*

8. alibique, commemorat. Enimuero haecce loca omnia in alium sensum detorquere, & per angelos bonos, homines pios, per daemones autem, improbos intelligere, ecquid aliud est, quam scripturam profanorum hominum ludibrio exponere, viamque illis ostendere, qua horrenda quacuis dogmata ex ea exsculpere & veritates manifestissimas eliminare queant. Si haec interpretandi scripturam ratio procederet, haud difficulter & athei eam ita interpretari possent, vt nullum in ea sibi inuenire videantur Deum. Quemadmodum vero ex haecenus dictis etiam patet, spectra dari, ita vltius id inde confirmatur, quod ipsi discipuli Critti, cum ipsum in mari ambulantiem conspicerent, spectrum sibi apparere existimauerint, *Marc. VI. 49.* Quae opinio eos quoque inuasit, cum Christus post resurrectionem illis appareret, *Luc. XXIV. 37. 39.* Quo ipso vt aperte significarunt, se spectra, seu spirituum apparitiones credere, ita dum Christus eos ob istam opinionem minime reprehendit, eos hac in re non errasse, firmiter inde colligimus. Magorum saepissime in scriptura sacra mentionem fieri, constat. Hoc vero nomine eiusmodi subinde homines designari, qui ope infernalis genii mirabilia perpetrabant, vel Aegyptiorum magorum exemplum *Exod. VII. seqq.* nomen dubitare sinit. Quae enim de iis narrantur, per praestigias mere humanas nulla ratione effici potuerunt. Quo pacto enim arte quadam humana fieri queat, vt baculus in medium projectus statim serpentis speciem referat, nemo dixerit. At diaboli praestigiis eiusmodi quid fieri posse, manifestum est; cum dubium non sit, quia summa celeritate corpus aliquod ex aëre formare queat, quod serpentis instar sit. Idemque de reliquis mirabilibus, ab Aegyptiorum magis editis, censendum + + +. Non minus vero & obsessorum a spiritibus malignis, saepissime, in nouo praesertim testamento, mentio iniicitur; idque ea ratione, vt, qui de morbo quodam aut melancholico, aut alio, id intelligere vellet, sana non amplius praeditus esse men-

mente cenferi queat. Qua de re fi quis dubitet, perpendat faltem daemouiacorum iftorum exemplum, quod *Matth. VIII. 26. feqq. extat.* Ipli daemones feruatore alloquuntur: *Quid tibi nobiscum rei eft, Iefus Dei fili? Hucine uenifti ante tempus vexatum nos?* Immo ab eo petunt, vt fibi liceat in porcorum gregem immigrare; idque cum impetralent, eundem praecipitem in lacum egerunt. Haec uero omnia quis de morbo quodam melancholico, aut alio, intelligeret? aut num porci eodem quoque correpti funt, cum in lacum ruerunt praecipites? Non minus & illuftria funt exempla, quae *Luc. XI. verf. 14. feqq. Matth. XII. verf. 22. feqq. XV. verf. 22. feqq. XVII. verf. 15. 18.* leguntur. Hunc ergo in modum cum fpirituum creatorum exiftentia fati ex ratione pariter ac fcriptura facra demonftrata fit, nihil aliud fupereft, quam vt ad rationes fecus fentientium paucis refpondeamus. Prima illorum eft: qui cum Epicuraeis, fpeciatim Thoma Hobbeſio, fpiritus dari, prorfus negant, eo quod non aliae praeter materiales dentur ſubſtantiae. Hi uero cum affumant, quod eft in quaefione, non eft, quod nos morentur, praefertim, cum contrarium, dari ſubſtantias materiae expertes, euidentiffime fupra demonſtratum fit. Altera illorum eft, qui fpiritus quidem admittunt, ſed materiales, adeoque in eam ingrediuntur ſententiam, nihil obſtare, quo minus ſubſtantia materialis cogitari queat. Quod quam abſorbum fit, itidem fupra iam demonſtratum eſt. Nec eſt, quod auctoritas ueterum philoſophorum, Pythagoraeorum maxime & Platonieorum, quoniam moueat, materiales ſpiritus ſtatuentium aut potius fingentium. Non enim inſolens iſtis fuit talia aſſerere, quorum ipſimet nullam reddere potuere rationem. Tertia illorum eſt, qui non tam exiſtentiam, quam operationes ſpirituum ſe impugnari uideri uolunt; quanquam operationes eorum in dubium uocando, praecipua ſimul argumenta, quibus exiſtentia probari poteſt, labefactent. Non concipi poſſe, aiunt, quo pacto ſpiritus, cuius eſſentia in

co-

cogitatione consistit, in materiam seu corpus agere, adeoque talia, quae spiritibus vulgo tribuuntur, edere possit. Sed falluntur & isti, dum erroneam animo concipiunt spiritus notionem, essentiam eius in cogitatione constituentes. Enimvero, si cuncta, quae de spiritibus nobis innotuerunt, paulo accuratius consideremus, is demum recte de iis philosophari merito censebitur, qui spiritum dixerit substantiam materiae omnis expertem, intellectu & voluntate, potentiaque mouendi corpora, & agendi in materiam, adeoque facultate mirabilia multa efficiendi, praeditam. Veram hanc & genuinam esse spiritus creati & a corpore seiuncti notionem, tum ex iis, quae certa & indubitata fide de spiritibus traduntur, tum ex ipsa animae nostrae consideratione manifestum est. Secus autem sentientium πρῶτον ψεύδος in eo consistit, quod essentiam spiritus in cogitatione constituunt ††††. Qua in re tamen maximopere falluntur. Etsi enim nullus spiritus sit sine cogitatione, adeoque facultas cogitandi inter proprietates spiritus recte referatur, inde tamen minime sequitur, ipsam spiritus essentiam consistere in cogitatione. Cessat itaque & corruit prorsus ista ratiocinatio: spiritus est res cogitans, ergo non potest mouere corpus, aut agere in materiam. Nec est, quod regeras, cum nos asseramus, spiritum esse materiae expertem, non magis, quo pacto substantia materiae expertis agere in corpus queat, concipi posse, quam quo pacto id facere queat res cogitans. Licet enim, quomodo substantia materiae expertis in corpus agere queat, nobis non constet, inde tamen res ipsa, seu quod eiusmodi facultas in spiritus cadat, minime vocanda est in dubium. Perinde enim hoc esset, ac si quis negare vellet, magnetem attrahere ferrum, ideo quod modum, quo hoc fiat, ignoret. Multa sane fiunt, quae, quo pacto fiant, nemo mortalium dixerit: haec autem omnia negare velle, extremae esset & impudentiae & stultitiae. Animam hominis habere facultatem, corpus, certaue eius membra,

E c

lin-

linguam, manus, pedes, pro lubitu mouendi, experientia magistra omnes nouimus. Nec tamen quisquam explicauerit, quo pacto ad minimum voluntatis nutum spiritus animales ita determinari possint, vt mox hoc, mox aliud membrum, idque mox hac, mox alia ratione moueant? Quod si vero quis eiusmodi motus negare vellet, ideo quod non caperet, quo pacto mens nostra in corpus agere queat, nonne rationis vsum amisisse merito censferetur? Nec est, quod cum BECKERO excipias, animae aliam hic esse rationem, quippe quae proprium corpus habeat; est enim anima aequae spiritus, ac angelus, adeoque, si nullus spiritus in corpus agere posset, nec anima hosce corporis nostri posset excitare motus. Praeterea exemplum istud eo praecipue pertinet, vt demonstremus, multa vt certa & explorata admittenda esse, de quibus tamen, quomodo fiant, dici nequit. Quare si vel maxime discrimen iuter animam & reliquos spiritus admittatur, ratiocinatio tamen firmo perstat talo. Nul- lum vero etiam est dubium, eadem facilitate, qua Deus animae humanae facultatem indidit, proprium corpus eiusque membra mouendi, eum etiam reli- quis spiritibus facultatem corpora extra se posita mouendi, vel certa ratione in ea agendi, concedere potuisse. Quod denique BECKERVS fundamenti lo- co supponit, & toti systemati suo substernit, ange- los malos post lapsum catenis vinctos in inferno ceu carcere detineri, nihilque adeo in hocce mundo efficere posse, plane friuolum est. Catenae enim, quas Petrus II. ep. II. 4. *catenas tenebrarum* vocat, non sunt materiales, sed spirituales, certamque & valde molestam potentiae angelicae circumscriptionem, in spiritibus malignis denotant. Quo ipso li- cet simul maligni isti spiritus cruciatus infernales in se sentiant, & ad certum etiam damnationis locum sint determinati; hoc tamen non obstat; quo mi- nus & ex permissione diuina, infernum suum secum circumferentes, in hocce mundo existere, & varias operationes edere queant. Qua de re eo minus du- bitan-

bitandum, quo certiora luculentioraque sunt, quæ in scriptura sacra hac de re prodita legimus.

† Ipsi *Amboinenses* testantur, *Cacodæmonem*, priusquam Lusitani & Batavi ad illorum oras appulissent, sapissime insularibus apparuisse. v. *Oostind. Voyagie onder p. W. VERHOEVEN P. 151. & seqq.* Miror quoque ZWIFTIUM dans le conte du *Tonneau* scribere: spectra ideo sibi suspecta esse, quod singulis duntaxat sese exhibeant, non vero pluribus simul; quum exempla, quæ contrarium affirmant, alii ubertim jam attulerint.

†† Qui tamen in eo erravit, quod putarit, animas mortuorum, subsidio vehiculorum aëreorum, vivis apparere. Num animæ post mortem appareant unquam? DRIESSENII *Homo Vetus & Novus p. 161. & seq.* ut & *dissert. de apparit. mort. vivis, ex pacto factis, Gedani Præsidi SCHEL- GUIGIO habita, consulantur.* Cæterum, quinam exempla apparitionum spirituum infernorum aliorumque collegerint, docet STOLLII *Hist. Litt. C. 3. P. 2. §. 59.* SIM. DE VRIES inter nostrates est notissimus; simul tamen notum est, hominem nugis nimium indulgisse. Videatur etiam HENNINUS *ad Ep. itin. I. J. TOLLII n. 21.*

††† Cum WIKRI, qui *de trasigiis Demonum* scripsit, aliorumque opera vulgaris sententia de immoderata spirituum malignorum & sagarum potestate, haud parum fuerat mitigata, nonnulli, inter quos GLANVILLIUS, & TH. ERASTUS *Dial. de lamiis & strigibus*, spirituum causam egerunt. Conf. STOLLII *l. c. §. 56.* BUDDI *Th. Dozm. L. 2. C. 2. §. 55.* qui eodem Capite multa, quæ cum fructu ad hunc §. conferri possunt, edisserit. Addatur J. ODE *dissert. ad §. 3. C. 3.* a nobis laudata.

†††† Alii ad LOTUM referunt, quo pacto argumenti vis minime infringitur. Nec est, quod quis objiciat, si verborum structuram sequamur, locum nostrum: *διὰ ταύτης γὰρ ἰλαθόν τίνες ξενίσαντες ἀγέλους*, verti debere per quam nonnulli nuntios hospitio accipientes latuerunt, i. e. malo fuerunt immunes. Ideoque Raabam respici, quæ exploratores, dum quærebantur, abscondidit. Etenim licet hæc sententia specienon careat: omni tamen fundamento destituitur, si attendamus, participium cum verbo *λαθίσαι*, e genio linguæ

Græcæ, per verbum finitum explicari debere, verbum λαοθάλαμῳ vero per adverbium *clam*, ac *occulte*, ut docet VIGERUS *de Idios. Gr. Lingua* L. 6. *Seft.* 1. §. 10. Videantur quoque ALBERTI, ELSNERUS, & RAPHELIUS, in *Herodoteis ad hunc l.* Alii autumant e narratione Mosaica patere, angelos illos fuisse increatos. Sed, si ita sese res habuerit; cur Apostolus *1. c.* eo respiciens, quum haud parum momenti ad officium quod inculcat commendandum attulisset, id non indigitavit? Præterea tertius ille, qui apud Abrahamum, dum duo reliqui Urbem jam peterent, remansit, nomine *Jehovah* ab iis diserte distinguitur *Gen.* 18. 22. Illo quoque præsentē, nomen *sacrum Adonai* cum *Kames*, absente vero, idem nomen cum *Patach* adhibetur: conf. *Gen.* 18. 3. cum *C.* 19. 2. Immo historię series haud obscure innuit, Dominum, qui postremus ab Abrahamo abierat, Loto cum sociis extra Sodomæ pomeria obvium fuisse factum. Quod simul ac factum fuerit, non duo ut antea, sed unus tantum loquens introducit; & quidem, quod alii non fecerunt, propria Auctoritate cuncta peragens: v. *Gen.* 19. 1. ad 17. *ait.* *vs.* 17. *et seqq.* Atqui hujus rei nulla sufficiens ratio, nisi e nostra Hypothesi, quam Cel. Auctor modo proposuit, dari posse videtur. Denique *vs.* 24. Satis clare innuitur, omnes adorandæ Trinitatis Personas eo tempore in tellure nostra non apparuisse.

† Conf. Auct. *Hist. Eccl.* V. T. *Per.* 2. *Seft.* 3. §. 27. & *dissert. Epist.* quam eidem Libro subjunxit. Adde SCHLÆGELIUM *l. c.* §. 28. *et seq.*

†† Conf. WOLFFI *curas Philolog.* Qui tamen forte in eo erravit, quod putarit locum *Zachariæ a Juda* non respici-

††† HOHEISELIUS verba *Jes.* 37. 7. quæ ita vertit: *ecce dabo spiritum contra ipsum*, haud leve argumentum contra BOKERUM ac ejus asseclas suppeditare arbitratur.

†††† Quo pacto magi prodigia edere potuerint? v. apud DOUGLÆM *Excurs.* ad locum *Exod.* 7. Extra fidem quæque non sunt, quæ de hodiernis Orientalium magis Periegetæ narrant.

††††† Etiam essentiam spiritus in cogitatione constitutus:

mus: inde tamen non sequitur: mentem in corpus agere non posse; ut plus millies ab aliis est demonstratum.

§. IV.

Vaticinia, seu praedictiones futurorum, & quidem contingentium dari, exempla certissima, & quae exceptionem non admittunt, euidenter probant. Eas vero, qui aut finitis creatisue spiritibus tribuunt, aut a naturali aliqua omnibusque hominibus insita facultate deriuant, nihil aliud agunt, quam vt limites intellectus finiti se prorsus ignorare demonstrent, irritoue & inani conatu causam quaerant, cuius vim effectus multis modis superat. Relinquitur itaque, & agnoscendas futurarum fortuitarumque rerum praedictiones, & soli Deo, ceu vero & vnico earum auctori,tribuendas esse. *

- * Vt erroribus atheorum aliorumque hominum profanorum de vaticiniis, rerumque futurarum praedictionibus, eo rectius obuiam eamus, duo nobis cunctanda sunt; alterum, dari omnino vaticinia seu rerum futurarum, & quidem fortuitarum, seu contingentium praedictiones; alterum, eas a nulla facultate hominis naturali, nulloue spiritu creato proficisci posse, sed soli Deo tribuendas esse. Ad prius itaque quod attinet, prouocabo nunc ad ipsum veterum philosophorum consensum, qui omnes, a Xenophane saltem & Epicuro si discesseris, futurarum rerum praedictiones admiserunt, vti supra ad *cap. III. §. IV.* obseruauimus; nec ea, quae veterum recentiorumque historicorum monumenta suppeditant, nunc commemorabo. Is saltem, quae certa & explorata sunt, insistam. Tamen si enim athei, quibuscum nobis hic praecipue res est, diuinam scripturae sacrae auctoritatem non admittant,

non tamen negare audebunt, prophetarum quemque eo vixisse tempore, quo vixisse perhibetur †. Quodsi ergo constet, ea, quae praedixit, longo demum post eam, qua vixit, aetatem contigisse, vaticiniisque eius accurate respondisse euentum, nullum amplius de ipsis vaticiniis seu praedictionibus supererit dubium. Sic Esaiam vatem, eo tempore, quo Hiskias rex, rerum apud Iudaeos potitus est, vixisse, ne impudentissimus quidem atheorum negauerit. Hic vero, vt plurima alia, quibus post multa demum secula accurate euentus respondit, praedixit, ita illud cumprimis a Cores seu Cyro Persarum rege, solum iri captiuitatem Babylonicam *Esa. XLIV. 28. XLV. 1.* Hoc vero cum liberrime fecerit Cyrus, haud dubio futurum contingens erat. Esaias autem tanto temporis ante acti spatio non tantum hoc praedixit, sed ita praedixit, vt nomen quoque regis exprimeret, qui nondum natus erat, immo quem nasciturum nemo mortalium scire aut cognoscere poterat. Idem de Daniele vate censendum. Hunc enim circa finem imperii Babylonic, & initium Persici, vixisse, adeo verum est, vt nec perditissimum atheorum id vocaturum in dubium existimem. Quod vero PORPHYRIUS iuratus christiani nominis hostis autumauit, librum Danielis, Antiochi Epiphanis aeuo, a quodam in Iudaea fauisse compositum, argumento est, de veritate vaticiniorum Danielis adeo eum fuisse conuictum, vt ne diuinam libri istius auctoritatem agnoscere cogere-tur, non aliter, quam per illepidum eiusmodi & inficetum figmentum inde se expedire potuerit. Tantum itaque abest, vt nostrae hoc noceat causae, vt nouum potius eidem robur conciliet, vti iam a me ostensum, in *dissertat. de veritate christ. relig. philosophor. gentil. obtrectionib. confirmata*, §. IX. in *synagm. dissertation. theologic. pag. 491.* Addo his prophetam, prophetis omnibus, qui unquam extiterunt, longe maiorem, ipsum Christum seruatorem nostrum. Eum sub Augusto imperatore natum, sub Tiberio cruci adfixum, mortuumque esse, nec Spinoza negat,

negat, nec vllus atheorum negare poterit. Non minus tamen & illud extra controuersiam positum, inter alia de Hierosolymitanæ vrbis templique deualtatione eiusmodi vaticiniæ eum edidisse, quæ euentus accuratissime comprobauit. Illa autem quis præuidere poterat, nisi aut Deus ipse, aut qui a Deo ea accepisset? Vt enim mere fortuita fuere, ita longo satis post prædictionem contigerunt tempore. Atque hæc cum istud, quod nobis probandum erat, extra controuersiam ponant; ita ea, quæ contra prædictiones eiusmodi Epicuræi vrgent, non adeo magni sunt momenti. Dum enim ideo eas negant, quod Deus rerum huius mundi nullam curam gerat, ex vno errore alium colligunt, ponantque ceu euictum, quod a vobis iam est profligatum. Immo inuertere quodammodo argumentum licet, rationesque ita subducere: cum rerum huius mundi, hominum præcipue, curam Deus gerat, verosimile prorsus esse, eum hominum, piorum præsertim & virtuti deditorum causa, quandoque futura reuelare, vt sciant, quid fugere ac euitare, quid contra conseruari atque eligere, debeant, vt intuitu eorum, quæ euentura sunt, rebus suis consulere queant. Nec maioris momenti est, quod iidem contendunt, cum nulli dentur spiritus, qui futura nobis reuelare queant, nullas quoque dari rerum futurarum prædictiones. Praeterquam enim, quod perperam iterum ceu certum ponunt, quod a nobis non conceditur, nullos dari spiritus creatos, nos etiam prædictiones futurorum non a spiritibus creatis, sed ab ipso Deo proficisci, asserimus. Sermo enim nobis est de futuris contingentibus, quorum præuisio vt in solum Deum cadit, ita spiritibus creatis non magis tribui potest, quam hominibus ipsis. Dum vero, quicquid de prædictionibus, oraculis, vaticiniis dicitur, inter aniles fabulas, figmenta & imposturas hominum referant, summæ præcipitantiæ & temeritatis, quocum vera sapientia minime conuenit, se reos esse, ipsimet demonstrant. Nimirum, positum hoc in more est

quibusdam philosophis, sed philosophorum nomine parum dignis, vt systematis cuiusdam, quod semel amplexi sunt, amore excoecati, quicquid ex suis principiis explicare nequeunt, statim, ceu fabulosum, fictitium, & merum commentum, reiciant. Quae tamen non ad indagandam, sed ad opprimendam veritatem rectissima via est. Nos antea iam exemplis eiusmodi, quae ipsi athei negare nequeunt, probauimus, praedictiones rerum futurarum dari. Quod autem ad praedictiones, vaticinia, & oracula, quae inter gentiles fuerunt, attinet, non equidem negamus, fraudes, imposturas, figmenta in hisce intercessisse; quaedam tamen ita comparata fuisse, vt cognitionem humana maiorem nemo non in iis admittere debeat, iam supra ad *cap. III. §. IV.* obseruauimus. Qui enim per oracula quandoque responsa dabant daemones, etsi ipsimet futurorum contingentium ignari, talia tamen praecidere subinde, & ex certis causis colligere poterant, quae vim humani intellectus longissime superabant. Vltimum itaque, idque praecipuum saltem superest dubium, an praedictio, adeoque & praecisio futurorum contingentium cum libertate hominis conciliari queat? Scopulus sane hicce est, ad quem plurimi naufragium fecerunt, mox ad vnum, mox ad alterum extremum declinando. Nonnulli namque ex decretis Dei absolutis cuncta, quae fiunt, deriuantes, Deum quidem futura praecidere, concedunt, sed hoc ipso, ea contingentia esse negant, eo quod propter decretum Numinis non possint non fieri ††. Alii autem, vt hominum libertati consulant, nec contingentiam tollant, negant, Deum praecidere res mere contingentes posse; adeoque & iuxta eosdem futurorum contingentium praedictio nulla erit. Eorum, qui SOCINI castra sequuntur, hanc esse sententiam notum est, idque vel ex IOANNE CRELLIO constat, de *Deo & attribut. diu. cap. XXIV.* In eandem nuper ingressus est vir quidam doctus, cuius hac de re extat meditatio dans *l'histoire critique de la republique des lettres, tom. VII. artic.*

artic. IV. pag. 131. seqq. Cum enim tum illorum sententiam, qui omnia ex decretis diuinis deriuant, tum eorum qui libertatem hominum cum praescientia contingentium conciliari posse existimant, reieciisset, ipse quidem, Deum futura contingentia eatenus saltem praeuidere, contendit, quatenus ex certis causis cognosci possunt. Cumque homines rerum usu pollebentes, & insigni prudentia instructi, multarum actionum euentus futuros praeuidere queant, Deum quidem, cuius cognitio multis modis perfectior sit, quam hominum, longe plura hac ratione praeuidere posse, & quidem talia, in quibus sagacissimi mortalium causas, vt pote latentes, perspicere nequeunt. Quodsi ergo regeras, hoc modo praescientiam diuinam futurorum contingentium ad meras coniecturas redire, respondet, cum Deus causas & principia, ex quibus hominum actiones processurae sint, certo sciat, certam quoque, & neutiquam mere coniecturalem hanc eius esse praescientiam. Cum vero facile videat vaticinia & praedictiones, quarum tot exempla scriptura sacra exhibet, huic vel maxime ob stare sententiae, in eo totus est, vt ostendat, ea ita comparata esse, vt Deus ex certis causis ea euentura cognoscere potuerit, quae euenerunt. Quod quam infeliciter auctori cedat, ipsa haec eius commentatio quemlibet facile condocabit. Rectius itaque sibi consulunt, & tutius incedunt, qui, euitatis duobus hisce extremis, mediam viam eligunt. Qui enim ex decretis diuinis cuncta deriuant, vt hominem omni libertate spoliant, ita non possunt non Deum tandem omnium praeuictorum causam auctoremque facere, quicquid etiam dicant, aut in quamcunque se vertant partem †††. Quod vt plane impium est, ita, qui ista praecipitia caute non euitant, absque deinde quacuis atque inepta admittere tenentur. Qui vero praescientiam futurorum contingentium Deo ab iudicant, infinitae eius perfectioni nimium quantum detrahunt; immo palam in eum iniurii sunt, chara iterum istum luculentissimum diuinitatis, quo Deus

vel maxime ab idolis vult discerni, *Esa. XLIII. 12. XLIV. 7.* ei adimentes. Quod si non aliter, quam per causas aut signa Deus futura cognoscit, non multum sane perfectior erit eius intellectus, quam hominis aut angeli. Sed ipsa vaticiniorum exempla haec commenta evidentissime refellunt. Cum enim Deus fata gentis Israeliticae in Aegypto, dum antea ipsi Abrahamo indicauit; cum captiuitatem Babylonicam, & post LXX annorum decursum, ex ea liberationem, eo tempore praenuntiavit, cum nemo mortalium, hoc vlla ratione fieri posse, sibi persuaderet; cum, quae circa natiuitatem, mortem & resurrectionem Christi contigerunt, multis antea seculis, quam haec fierent, praedixit; causas istas atque signa scire vellem, ex quibus Deus talia cognoscere potuerit. In omnem equidem hic se versat partem auctor antea laudatus, sed aut meras ineptias profert, aut eo tandem cuncta redeunt, Deum hoc aut illud decreuisse, itemque, intellectum diuinum perfectiorem esse humano. Sed dum ipse sententiam illorum, qui praescientiam Dei ex eius decretis derinant, reiecit, parum profecto sibi constat, dum nihilominus ipse ad decreta recurrit. Intellectum diuinum humano longe perfectiorem esse, lubentes concedimus, sed hoc auctorem parum iuvat, qui causas aut signa adferre debet, ex quibus Deus futura cognoscat, aut concedere, Deum etiam futura contingentia, qua talia, praevidere & praedicere posse. Et hoc quidem est, quod nos asserimus, media ita via inter duo ista extrema incedentes. Primo namque hoc requirit infinita scientiae diuinae perfectio. Deinde, exempla vaticiniorum & praedictionum, quae in scriptura sacra extant, hoc luculenter confirmant. Nec obstat hoc libertati hominis. Cognitionem enim atque praedictionem rerum, cum illarum existentia aut production, nullum habere nexum necessarium, vel humanae cognitionis exemplo condiscimus. Obicit equidem auctor antea laudatus, infinitatem scientiae diuinae non esse extendendam ad contradicto-

ria.

ria. Contradictionem autem inuoluere, si dicam, contingentia certo fieri posse. Quod enim certo non sit exiturum, hoc etiam non posse certo sciri. Certo autem si exiturum est, non erit contingens. Verum non hodie demum, aut nudius tertius, sed iampridem omniscientiae diuinae hostes hunc nodum contriuxerunt. Sed nihil efficiunt, siquidem id, quod ratione causae, quatenus libere agere potest, contingens, adeoque incertum & indeterminatum, est, posita hac vel illa causae actione, ceu certum & determinatum spectari, & eo modo certo ab intellectu infinito cognosci potest. Quod itaque id, quod reuera contingens est, ut certum spectari possit, non a praescientia diuina oritur, sed a certa conditione, posita scilicet certa causae actione, ex qua effectus hicce oritur. Et ita quidem cum satis euictum sit, dari praedictiones futurorum, ad alterum disceptationis nostrae caput progredimur, eas soli Deo tribuendas esse. Enim vero nec homini, nec ulli spiritui creato, facultatem futura contingentia praedicendi inesse, vel inde patet, quod nullo modo concipi queat, quo pacto intellectus finitus aliquid sine signis cognoscere queat. Futurorum autem contingentium cum nulla plane signa sint, manifestum est, quod nulla ratione ab intellectu finito cognosci possint. Nec est, quod excipias, cxi modum ignoremus, ideo rem ipsam non posse vocari in dubium. Id enim valeret, si res ipsa posita esset extra controuersiam. Hoc vero cum factum non sit, nec fieri queat, firmo ratiocinatio nostra stat talo +++. Accedit, quod non tantum scriptura sacra testetur, solius Dei esse, praedicere futura, ut iam antea ostendimus, sed quod ex ipsis ethnicis nonnulli hoc agnouerint, quorum hac de re testimonia laudavi, in *dissertat. an homines naturali polleant vaticinandi facultate?* §. XXII. vbi & §. XXIII. ad rationes ab AMMONIO in contrarium allatas, & a PETRO PETITO vberius explanatas, respondi. Non magis vero & illorum admittenda est sententia, qui naturalem quandam ad vaticinandum dispositionem ho-

homini tribuunt; cuius sententiae patrociniū magno conatu, nec sine adparatu eruditionis singulari, in se suscepisse PETRVM PETITVM, supra ad *cap. III. §. IV.* docuimus. Hanc vero dispositionem naturalem ad influxum diuinum recipiendum in mentis praecipue sublimitate constituit, ad quam quidem, ceu causae adiuuantes, accedant, temperamentum melancholicum, positus siderum, haustus halitus subterranei, aliaeque. Licet vero & BENEDICTVS DE SPINOZA ad vaticinia dispositionem naturalem requirat, differt tamen eius sententia a sententia PETITI, siquidem illius eo tandem redit, prophetiam merae imaginationis effectum esse, cum PETITVS contra influxum quendam diuinum requirat, saltem requirere videatur. Interim nec haec villo modo admitti sententia potest. Quid enim mentis sublimitas naturalis ad influxum diuinum recipiendum faciat, nulla, ne probabili quidem, ratione ostendi potest. Immo plures fuere inter prophetas veteris testamenti, in quibus naturalem istam mentis sublimitatem agnoscere non licet. Multo vero minus, quid aut temperamentum melancholicum, aut positus siderum, aut haustus halitus subterranei huc conferant, explicari solide potest. Ad rationes, pro ista sententia stabilienda in medium adferri solent, haud difficulter respondere licet. Quod enim de praeparatione ad vaticinandum, seu influxum diuinum recipiendum, dicitur, qua prophetae olim vsi sint, id vero caute & cum grano salis intelligendum est. Erant sane in gente ebraea scholae, seu societates quaedam, in quibus propheta aliquis ceu magister, vel praefectus, reliquis praeerat; a quo qui instituebantur, כְּנִיָּאִים *filii prophetarum* dicebantur. Sed probe obseruandum, *prophetarum* nomine eos olim venisse, qui rerum diuinarum erant periti, vt de iis verba ad alios facere possent, simulque canticis sacris atque psalmis laudes diuinas celebrare, suarum ducebant esse partium, adeoque & musices periti erant; conf. *I. Sam. X. 7.* Vnde, quo pacto discipuli isti atque filii propheta-

phetarum in scholis istis instituti, & ad prophetiam praeparati fuerint, constat, per doctrinae scilicet sacrae communicationem, qua rerum diuinarum notitia imbuebantur, tum & per preces, hymnos, similesque exercitationes. Quod dum fiebat, contingebat interdum, vt motus extraordinarios spiritus sancti sentirent, vt ex iis, quae de Saule *I. Sam. X. 5. seqq. XIX. 18. seqq.* narrantur, liquet. Musicam etiam instrumentalem cum canticis sacris ad animi adfectus aut sedandos aut excitandos eos adhibuisse, tum aliunde constat, tum exemplum Elisaei vatis *II. reg. III. 15.* nos dubitare non sinit. Ista vero praeparatio vti spiritualis erat, adeoque ad naturalem quandam animi dispositionem producendam minime comparata; ita multo minus per se facultatem vaticinandi seu futura praedicendi, producebat, quam Deus potius liberrime mox huic alii conferebat. Nec de omnibus sane filiis prophetarum dici potest, quod futura praedixerint; multo minus, quod per praeparationem istam hocce donum se impetrare posse existimauerint. Erat enim hoc eiusmodi, quod a sola Numinis voluntate, non autem a praeparatione naturali, pendeat. Sed nec ex natura indoleque somniorum, naturalis quaedam ad vaticinandum, vel influxum diuinum recipiendum, dispositio, probari potest. Cum enim, quae de euentu quodam futuro nos certiores reddunt, aut Deum, aut genium quendam, bonum vel malum auctorem habere queant, quid naturalis huc faciat dispositio, non video. Nec etiam explicari potest, qualis illa dispositio esse debeat, multo minus ratio dari, cur Deus aut genius aliquis citra certam dispositionem somnium aliquod immittere nequeant. Occurrunt equidem quaedam circa somnia, quorum certam rationem reddere difficile fuerit, sed vt ad ea solucunda hypothesis de dispositione certa, ad influxum aut Numinis aut genii recipiendum, non sufficit, quae & ob rationes allatas admitti nequit, ita & in hisce quaedam esse, quae nostram cognitionem superent, libere profiteri praestat. De oraculis gentilium iam antea dictum,

dictum, in hisce, præter hominum imposturas, infernalis genii operam intercessisse. Nihil itaque inde pro naturali ad vaticinandum facultate elici potest. Idem & de Sybillis dicendum: quarum eo minus exemplum nobis opponi potest, quod, quæ hodie Sybillis tribuuntur, oracula, conficta ab aliis & supposititia esse, iam pridem viri doctissimi demonstrauerint. ††††. Sed de hisce omnibus copiosius exposui, in *dissert. citata, an naturalis homines polleant facultate vaticinandi?* §. XXXII. & XXXIII.

† Si rei Historicæ imperiti non sint: istud negare non possunt. Audent tamen, ut patet ex exemplo SPINOSÆ, qui de Danielis Libro, cum PORPHYRIO sentit. v. VAN TIL *Op. Anal. Intrad. ad Proph. Danielis.*

†† Nihil, si Deum respiciamus, est contingens; & plane necessarium est; ut Præscientiam ex decretis Divinis derivemus, si Deo *certam ac independentem* notitiam futurorum, quæ enti summe perfecto negari non potest, tribuere velimus. Immo, quum supra vidimus, quasvis creaturarum actiones absque concursu primæ causæ fieri non posse: hinc merito colligimus, Deum, cujus *voluntas & scientia* sunt *immutabilis*, jam ab æterno decrevisse, quasnam actiones, ipso providente res creatæ suo tempore instituerent; & decreti sui conscium cuncta, quæ fierent, prævidisse.

††† Quod Celeb. Actor hypothese suæ serviens duriuscule loquatur: ipsi facile condonamus. Dicimus tamen: 1. nostram sententiam hominem omni libertate non privare; Nisi quis *independentiam* cum *libertate* confundat. 2. Eam quoque Deum prave actorum auctorem non facere; quod supra demonstrauimus. Doctissimus BUNDEUS patronus fuit *scientia media*, quam LUD. MOLINAM invenisse ferunt, cui tamen P. FONSECA hanc gloriam invidit. Conf. Auct. *Th. Dogm. L. 2. C. 1. §. 22.* quæ sententia cum iis, quæ sub signo †† disseruimus, consistere minime potest; & quam pluribus impugnarem, nisi instituti memor essem.

†††† Ideæ futurorum contingentium ad naturam mentis necess-

necessario non pertinent: nam mentem harum rerum ignaram absque contradictione nobis repræsentare licet. Patet itaque, neminem, præter Deum, facultatem futura prædicendi vi naturæ suæ habere.

†††† V. CAVE *Hist. Litt. ad annum* 130. adde P. CAMERARIUM *Horarum subcessiv. Cent. 3. C. 14. & Cent. 2. C. 11.*

§. V.

Potentia Dei infinita & ad omnia, quæ contradictionem non inuoluunt, sese extendens, nos nulla ratione, quin leges motus ab ipso constitutas iterum tollere atque suspendere possit, dubitare finit. Id vero subinde ab eo factum, exempla certissima, & exceptionem non admittentia, testantur. Errant igitur, & falluntur magnopere, qui, miracula a Deo aut edi non posse, aut edita non fuisse, contendunt. *.

- * Ad duo etiam hæc de miraculis disceptatio reuocari capita potest, quorum alterum est: an & a quo miracula fieri queant? alterum: num miracula reuera facta sint? Ad prius quod attinet: cum merito nunc ceu euictum ponamus, Deum existere, eundemque naturæ auctorem esse: cum nemo etiam, qui Deum admittit, dubitet, eum infinita potentia esse præditum; sequitur, etiam, eum naturæ leges, a se ipso constitutas, posse mutare, hoc est, miracula edere. Quæ atheorum princeps, BENEDICTVS DE SPINOZA hic in contrarium adferat, supra iam ad *cap. III. §. V.* indicauimus, atque reiecimus. Iuvat tamen ad ea penitus confodienda nonnulla addere. Quod fundamenti loco ponit, *nihil contra naturam contingere, sed ipsam æternam, fixam & immutabilem ordinem seruare*, sua sponte corrui, cum per turpissimam principii petitionem supponat, quod minime

minime cuiusdam est, Deum & naturam esse vnum idemque, vti iam *loc. cit.* obseruauimus. Loquitur equidem in asserti huius probatione homo valerrimus *de decretis diuinis*, vnde aliquis existimare posset, eum naturae ordinem ex libera Dei voluntate deriuare. Sed mox, quid sibi velit, indicat, quando, *leges naturae vniuersales mera esse decreta Dei*, asserit, *quae ex NECESSITATE & profectione naturae diuinae sequuntur; tractat. theolog. polit..cap. VI. pag. 68. 69.* Et paucis interiectis: *quicquid sit, per Dei voluntatem & aeternum decretum fit, hoc est, vt iam ostendimus, quicquid sit, id secundum leges ac regulas, quae AETERNAM NECESSITATEM & veritatem innolunt, fit, &c.* Atque hoc quidem ad fraudem ac fallaciam hominis detegendam, ipsumque eius principium euertendum, sufficit. Ceterum si natura a Deo distinguatur, vt omnino distinguenda est, principium hoc, *nihil contra naturam fit*, tum demum admittendum, si addatur: *sine voluntate creatoris.* Leges enim naturae a Deo semel stabilitae tamdiu firmiter persistunt, & mutari prorsus nequeunt: quamdiu ipse Deus, ceu naturae auctor, eas non tollit aut suspendit. Deum autem eas tollere aut suspendere non posse, si quis asserere vellet, illi simul admittendum esset, Deum nec naturae auctorem, nec omnipotentem esse, quorum vtrumque absurdum est. Non minus inepte ac friuole agit, cum *notam miraculi non nisi respectu ad hominum opiniones posse intelligi*, pronuntiat, & *nihil aliud significare, quam opus, cuius causam naturalem exemplo alterius rei solitae explicare non possumus, vel saltem ipse non potest, qui miraculum scribit & narrat.* Perinde enim hoc est, ac si rotunde dixisset, non dari miracula. Perperam vero itidem, & per ineptam principii petitionem supponit, nihil vnquam, quod non causam naturalem habeat, contigisse; indeque concludit, eos, qui miracula credunt, nihil aliud agere, quam vt suam prodant ignorantiam, innuantque, se eius, quod contigit, nescire rationem. Enim vero cum exempla in scriptu-

ra prostant, quae doceant, talia contigisse, quae non tantum ex causis naturalibus explicari nequeant, sed quae plane contra naturae ordinem sunt, frustra haec omnia dici, manifestum est. Non ignoro, quid ad haec, exempla regerat; sed hac de re deinceps erit dicendi locus. Vt vero ex dictis liquet, miracula esse posse, ita simul a solo Deo ea edi posse, palam est. Solius enim Dei est, leges naturae dare ac tollere, easdemque, si ei visum fuerit, suspendere; quemadmodum itidem *supraloc. cit.* copiosius iam haec explicauimus. Sequitur hinc sua sponte, ex miraculis firmiter existentiam Numinis demonstrari posse. Quod iterum negat SPINOZA, sed perperam. Omnia enim, quae hac de re adfert, sua sponte corruunt, cum iam demonstratum sit, posse miracula edi, sed a solo Deo; & deinceps reuera eiusmodi miracula dari, demonstrandum sit. Cum vero SPINOZA tanta sit impudentia, ut suam sententiam ex ipsa scriptura sacra probare audeat, paucis ea diluamus. Quod enim Deum ex miraculis cognoscere nequeamus, inde probari posse, putat, quod Moses prophetam seductorem, quamuis faciat miracula, non tamen admittendum, sed capitali adficiendum esse supplicio, diserte sanciat, *Deut. XIII. 1. Ex quibus*, inquit, *clare sequitur, miracula a falsis etiam prophetis posse fieri, & homines, nisi Dei vera cognitione & amore probe sint muniti, aequè facile ex miraculis falsos deos, ac verum posse amplecti. Nam addit: כי מנסה ווה יהוה אלהיכם אתכם* quoniam Iehoua vester Deus vos tentat, ut sciat, num cum amatis integro corde vestro & animo vestro. Sed inde quoque hoc palam esse, existimat, quod Israelitae ex tot miraculis nullum de Deo sanum conceptum sibi formare potuerint, cuius rei vel turpissima illa *μοσχολατρεία* euidentissimum argumentum praebeat. Asaphum praeterea, quamuis tot miracula audinisset, de Dei tamen prouidentia dubitasse, & fere a vera via deflexisse, nisi tandem veram beatitudinem intellexisset, *psalmo LXXIII. 11. seqq.* Immo ipsum Salomonem, cuius tempore res Iudaeorum floren-

tiffimae fuerint, suspicatum, omnia casu contingere, *Kobel. III. 19. 20. 21. IX. 2. 3. &c.* Verum haec omnia, si paulo accuratius ea consideremus, nihil ad rem facere, deprehendemus. Ad legem enim Mosaicam quod attinet, non in ea dicitur, falsos etiam prophetas posse facere miracula, sed *signa* saltem atque *portenta* eis tribuantur. Id autem facile concedimus, posse falsos prophetas per praestigias aut humanas, aut diabolicas, mirabilia perpetrare, quae ab imperitioribus pro miraculis habeantur, adeoque hoc sensu signa atque portenta edere; sed inde non sequitur, eos posse edere miracula, seu talia perpetrare, quae sublationem vel suspensionem legum naturae supponunt †. Quo pacto autem mirabilia eiusmodi opera a veris miraculis discerni queant, supra iam ad *cap. III. §. V.* docuimus. Non ergo negat Moses, ex miraculis verum Deum agnoscere posse; sed non temere quibusvis signis & portentis fidem adhibendam, praecipit, cum pseudo-prophetae per praestigias talia efficere queant, idque permittente Deo, ut hominum obsequium exploret. Nimirum cum difficile interdum sit, mirabilia per praestigias effecta a miraculis discernere, certissimum tamen criterium, quo praestigiae dignoscuntur a veris miraculis, est, si, qui eas edit, homines a lege divina, verique Numinis cultu, iis abstrahere annititur. Hoc enim, ut pseudopropheta agnoscamus, sufficit; simulque certissimo documento est, quantumvis mirabilia sint, quae perpetratur, ea tamen non esse miracula. At Israelitae, inquit, ex tot miraculis nullum de Deo sanum conceptum formare potuerunt. Sane Israelitae, qui miracula a Mose perpetrata adspexerunt, inde plene convicti sunt, verum Deum coeli terraeque conditorem esse, qui per Moysen ad eos locutus est, ex Aegypto eos eduxit, legesque in monte Sinai tulit. Et hac de re nemo Israelitarum dubitavit. Quod vero in idololatriam deinceps lapsi sunt, ac vitulum Numinis loco adorarunt, ideo factum, quod exultimauerint, se sub hocce symbolo vel imagine,

gine, verum Deum colere posse ††. Hinc vero robori argumenti, quod a miraculis pro Dei existentia desumitur, nihil decedit, quippe quod praecipue ad existentiam Dei comprobandam comparatum est, quam omnino etiam ille supponit, qui erroneum de Deo conceptum sibi format, vel non ea ratione eum colit, qua coli debebat. Praeterea, de Asapho quod dicit, eum de providentia diuina dubitasse, falsum est. Namque hoc saltem asserit, posse ex felicitate impiorum dubium quidem aliquod oriri, sed hoc statim euanescere, si quis ad finem seu exitum eorum attendat, *psalm LXXIII. 17.* Salomoni denique summam iniuriam SPINOZA facit, dum ea, quae ex mente sententiaque hominum profanorum dicit, ipsi regi sapientissimo tribuit †††. Atque hinc quidem patet, quam irritò conatu SPINOZA ostendere aggressus sit, ipsam scripturam docere, ex miraculis Numinis existentiam cognosci non posse. Nec rectius procedunt, quae in medium adfert, ut ostendat, *ipsam scripturam per Dei decreta & volitiones, & consequenter per providentiam nihil aliud intelligere, quam ipsum naturae ordinem, qui ex eius aeternis legibus necessario sequitur.* Hoc enim si verum esset, nullum ex scriptura probari posset miraculum. Ut vero hoc euincat, exempla quaedam profert: *In libro I. Schamuelis, inquit, cap. IX. v. 15. 16. narratur, quod Deus Schamueli reuelauit, se Saulum ad eum missurum, nec tamen Deus eum ad Schamuelem misit, ut homines solent aliquem ad alium mittere, sed haec Dei missio nihil aliud fuit, quam ipse naturae ordo; quarebat nimirum Saul (ut in praedicto capite narratur) asinas, quas perdiderat; & iam absque iis domum redire deliberans, ex consilio sui famuli Schamuelem prophe- tam adiuit, ut ex eo sciret, ubi easdem inuenire posset, nec ex tota narratione constat, Saulum aliud Dei mandatum, praeter hunc naturae ordinem habuisse, ut Schamuelem adiret.* Verum, quam friuola haec sint, nemo non intelligit. Etsi enim Deus aliquando naturae ordine uti videatur, non tamen iste or-

do naturae sine singulari Numinis directione concipiendus est. Quae directio uti ab ipso ordine naturae seu actione causarum secundarum diuersa est, & probe distinguenda, ita & decreta quoque diuina & mandata ab eodem diuersa esse, manifestum est. Sane quod Saul, cum patris alinas frustra quaesiuisset, iam domum reuerti vellet, a famulo admonitus Samuelem prophetam adiit, id quidem naturae quodam ordine contigit; nec tamen sine singulari Numinis directione, qui ut reliqua sic disposuit, ut eodem tempore, quo volebat, euenirent, ita mentem famuli Saulis ea ratione direxit, ut ei consilium de adeundo Samuele suppeditaret, & Saulis, ut consilium hoc acceptaret. Qua de re eo minus dubitandum, quia Deus dilerte ad Samuelem dixerat, se Saulem ad illum missurum. Haec verba cum aperte actionem quandam Dei significant, de solo ordine, seu eo, quod secundum naturae ordinem fieri poterat, ea capere, absolum prorsus atque ineptum foret. Licet autem Deus naturae ordine quandoque utatur, ita quidem, ut liberrime & pro arbitrio cuncta dirigat, non tamen semper hoc facit, sed quandoque ab eo discedit, aut illum plane immutat, ut in miraculis contingit; quae omnium euidentissime hanc impii hominis assertionem, *Dei decreta nihil aliud esse, quam naturae ordinem*, refellunt. Alterum vero, quo sententiam suam comprobare annititur, exemplum, hoc est: *In psalm. CV. vers. 24 dicitur; quod Deus Aegyptiorum animum mutauit, ut odio haberent Israelitas, quae etiam mutatio naturalis plane fuit, ut patet ex cap. I. Exodi, ubi ratio non leuis Aegyptiorum narratur, quae eos mouit, Israelitas ad seruitutem redigere.* Plane ac si causae primae concursus atque directio, cum causis secundis consistere nequeat. In eo nimirum modus agendi ordinarius, quo Deus utitur, ab extraordinario, quorsum miracula pertinent, differt; quod in illo, causarum secundarum ordinem naturae utatur; in his autem eum ordinem non obseruet. Et si enim in miraculis quandoque opera rerum

rerum creaturarum vtatur, non tamen hoc facit secundum ordinem naturae. Ordinarius vero ille agendi modus semper supponit concursum, directionem & gubernationem singularem Numinis. Quare & causae istae odii Aegyptiorum erga Israelitas *Exod. I.* commemoratae, locum habere potuerunt; & cum singularis in his omnibus simul intercesserit Numinis directio, etiam *psalm. CV. vers. 24.* dici potuit, Deum Aegyptiorum animos mutasse, hoc est, cuncta ita disposuisse, & causas secundas direxisse, vt ea euenirent, quae euenisse Moses memorat. Atque hinc, quid ad reliqua, ab eodem auctore allata, respondendum sit, patet. Sunt enim cuncta eiusdem generis. Superest, vt, quod alterum est nostrae disceptationis caput, paucis exequamur, & cum haecenus ostensum sit, miracula fieri posse, ea etiam facta esse, demonstramus. Res autem nobis non cum illis nunc erit, qui reiecta scripturae auctoritate, quaecunque narrat, in dubium vocant, quorum impudentiam deinceps castigabimus, sed cum illis, qui scripturam ita interpretantur, ne miracula vlla admittere cogantur. Quod quam infeliciter illis cedat, vel paucis quibusdam exemplis declarabimus, quae ipse iterum SPINOSA nobis suppeditat. Is vero ita hac de re loquitur: *Si igitur quaedam in sacris litteris reperiuntur, quorum causas reddere nescimus, & quae praeter, immo contra ordinem naturae videntur contigisse, ea moram nobis iniicere non debent: sed omnino credendum, id, quod reuera contigit, naturaliter contigisse; quod etiam ex hoc confirmatur, quod in miraculis plures circumstantiae reperiebantur, quamuis tamen non semper narrentur, praecipue cum stilo poetico canantur; circumstantiae, inquam, miraculorum clare ostendunt, ipsa causas naturales requirere. Nempe, vt Aegypti scabie infestarentur, opus fuit, vt Moses fanillam in aërem sursum spargeret, vid. *Exod. IX. vers. 10.* locustae etiam ex mandato Dei naturali, nempe ex vento orientali, integro die & nocte flante, Aegyptiorum regionem petierunt, & vento occidentali*

cidentaliter fortissimo eandem reliquerunt, vid. *Exod. X.* 14. 19. eodem etiam Dei iussu mare viam Iudaeis aperuit, vid. *Exod. XIV.* 21. nempe Euro, qui fortissime integra nocte flauit. Deinde, ut Elisa puerum, qui mortuus credebatur, excitaret, aliquoties puero incumbere debuit, donec prius incaluerit, & tandem oculos aperuerit; vid. *reg. libr. II. cap. IV.* 34. 35. Sic etiam in euangelio Ioannis cap. IX. quaedam narrantur circumstantiae, quibus Christus vsus est, ad sanandum coecum, & sic alia multa in scripturis repeririuntur, quae omnia satis ostendunt, miracula aliud, quam absolutum Dei, ut aiunt, mandatum requirere, &c. tract. theol. polit. cap. VI. pag. 76. Nimirum, ex circumstantiis quibusdam miraculorum putat colligi posse, ea ex causis naturalibus contigisse, aut si eiusmodi circumstantiae non adfuerint, esse eas subintelligendas; tandem, si haec omnia ad eleuanda miracula non sufficiunt, ad stilum poeticum se recipit. Talia nimirum excogitanda erant, ad manifestissima, quae scriptura sacra suppeditat, documenta eludenda. Sed haec omnia ita comparata sunt, ut sua se futilitate destruant. Ad circumstantias enim, quae aliquando memorantur, quod attinet, ex his intelligitur, Deum subinde mediis quibusdam in edendis miraculis vsu: sed ista media cum per se effectum, qui secutus est, producere non potuerint, sequitur, ea in numerum causarum naturalium non esse referenda; multo minus inde colligi potest, in miraculi istius perpetratione naturae ordinem non esse mutatum. Idque inde liquet, quod Deus eiusmodi aliquando mediis vsus est, quorum ad effectum istum producendum per se nulla efficacia, nullaque esse potuit proportio. Sic, cum ipse seruator in terram spueret, ex puluere & salua lutum conficeret, & eo oculos coeci hominis collineret, *Ioann. IX. vers. 6.* quis existimaret, luti istius in se spectati vim eam ac efficaciam fuisse, ut visum ei restituere posset? Sane, potuisset Christus idem vel vnico verbo efficere; quia tamen ei ita visum, hocce medio vti, ob causas grauissimas sapientissimasque, licet nobis non satis

fatis exploratas, eum hoc fecisse, non est, quod dubitemus. Interim hoc certum, medium hoc ita comparatum fuisse, vt per se hunc effectum nulla ratione producere potuerit, adeoque in numerum causarum naturalium non est referendum ††††. Atque idem de aliis eiusdem generis miraculis censendum. Cum vero etiam quaedam miracula occurrant, in quibus Deus nullo eiusmodi medio vsus est, SPINOZAE quidem videtur, tum eiusmodi quid esse subintelligendum. Quae vero nos ad hoc cogit necessitas? Scilicet fingendum aliquid est, ne miracula admittere cogamur. Cum Christus vnico verbo daemonia eiecit, aegrotos sanauit, mortuos resuscitauit, nullo sane vsus est medio; cuiusmodi nec subintelligi vlla ratione potest, cum scriptura diserte referat, nullum eum adhibuisse, sed mandato & sola voluntate peregissee omnia. Iam ad exempla, a SPINOZA in medium allata, haec difficulter respondere licet. Cum Aegyptii scabie infestandi essent, Moses fauillam in aërem sursum sparsit. Hoc pro causa naturali scabiei SPINOZA habet. Sed rationem primo nullam reddere potest, qui fieri queat, vt fauillae in aërem sparsio scabiem producat. Deinde, nec ipse SPINOZA, nec ullus mortalium alius, id efficere potest, vt fauillae in aërem sparsione scabies in aliis hominibus oriatur. Frustra itaque ista fauillae in aërem sparsio, pro medio, vel causa naturali scabiei, in Aegyptiis venditur. Locustae per ventum orientalem in Aegyptum aduectae, & per occidentalem inde iterum remotae sunt. Sed, vnde Moses sciuit, quod eo tempore ventus orientalis locustas aduecturus, & occidentalis iterum remoturus esset? Si dicas, ex reuelatione Numinis; parum quidem hoc atheis proderit, cum eodem plane iure dici queat, Deum extraordinaria quadam ratione hunc ventum excitasse, vt locustas & adueheret, & remoueret. Non itaque *mandato Dei naturali*, vt subdole SPINOZA loquitur, sed *arbitrario*, adeoque liberrime factum, vt locustae ea ratione in Aegyptum

tum adueherentur, & inde iterum remouerentur. Non minus vero & illud ineptum est; quod dicit: *eodem etiam Dei iussu* (scilicet naturali) *mare viam Iudaeis aperuit, nempe euro, qui fortissime integra nocte flauit.* Sed hic rursus scire velim, qui factum, vt eo tempore, quo Israelitis, vt Aegyptiorum furorem euitarent, mare transeundum erat, eurus flaret, iisque viam per mare rubrum sterneret. Qui ex causis naturalibus hoc deriuat, ei dicendum, casu fortuito hoc contigisse: quod tamen, qui rei circumstantias considerauerit, plane ineptum esse, statim intelliget. Obstat praeterea, quod Moses diserte dicat: *Et aquae illis instar muri a dextra eorum, Exod. XIV. 29.* Hoc enim quo pacto per solum euri statum contingere potuerit, nemo profecto dixerit. Sunt equidem, qui cum SPINOZA hocce telum euitaturi dicunt, poëticam hanc esse locutionem, quae proprie intelligi nec possit, nec debeat. Verum, licet haud difficulter concedamus, in cantico *Exod. XV. 8.* poëticam huius rei descriptionem esse, cum dicitur: *vento narium tuarum coacernatae sunt aquae, steterunt fluentia, quasi granorum acernus, in medio mari coagulatae sunt abyssi;* non tamen perinde censendum de stilo historico, ubi auctor rem, prout gesta est, velut oculis lectorum subicere annititur. Similitudinem enim illam, *instar murorum*, eum in finem Moses adhibuit, vt eo clarius rem exprimeret, & condoceret, vtrinque aquas constituisse, quae de re vt eo minus dubitaremus, addit: *a dextra eorum Et a sinistra eorum.* Sane, si hoc sibi non voluit, quod verba ista aperte significant, data opera ita locutus videri potest, vt lectores erroneas de transitu isto animo conciperent opiniones, quod tamen vel cogitare nefas esset. Sed ex instituto iam hac de re dictum, in *histor. ecclesiast. vet. testam. period. II. sect. I. ad §. XV. pag. 581. seqq.* Denique, quod ad Elisae miraculum attinet, puer, quem is excitauit, non mortuus credebatur, vt iterum subdole SPINOZA loquitur, sed reuera mortuus erat. Ei autem, quod aliquoties propheta

incu-

incubuerit, vt vitam illi restitueret, non ideo factum, quod hac ratione ceu medio quodam naturali calore iterum in eo excitare voluerit, sed quod solenne prophetis virisque sanctis esset, ex instinctu diuini spiritus, in edendis miraculis medijs quibusdam interdum vti, quae tamen per se effectum istum producere non poterant, vt antea iam monuimus. Quod enim aliquis hominem mortuum, si ei aliquoties incumbat, reuocare in vitam nequeat, neminem fugit, meritoque pro infano haberetur, qui id sibi aliisque persuadere vellet. Atque hinc reliqua, quae athei ad eleuanda scripturae miracula in medium adferre solent, facile diiudicari possunt ††††.

† Etiam si falsos doctores ope diaboli, Deo id permittente, miracula aliquando perpetrasse statuere vellemus: nihilofecius victoriam non obtineret SPINOZA. v. p. 216. & WERENSELSIUM, quem l. l. adduximus, ad hunc §. con-feras.

†† Ut docetur *Exod.* 32. 4, 5.

††† Nimirum Salomo l. l. loquitur de rerum omnium eventu, e mente ejusmodi hominum, qui non attendunt hominem immortali mente esse praeditum, ut luculenter patet ex *vs.* 21. C. 3. & quae C. 9. 2, 3. differit, sunt verissima, si ea tantum, quae hominibus in hac vita obveniunt, attendamus; absque eo quod hinc inferre liceat, *omnia casu contingere*; quum Deus, sapientissimo consilio, discrimen inter piorum felicitatem & miseriam impiorum, tam manifestis indiciis, quam quidem post obitum, in hac vita ostendere non voluerit.

†††† Christus, ni fallar, caeci oculos ejusmodi luto collevit, ut eo certius pateret, illum *miracula* visum recepisse. Videtur enim lutum, si oculi eo collinantur, iis, non tantum nullam opem afferre posse, verum potius summopere nociturum.

††††† Videantur porro STILLINGFLEET *Orig. S. L. 2. C. 3. & seqq.* GROTIUS *de verit. Rel. Chr.* WOLZELEY *Redelykh. van*
Ff 5 het

*het Schriftuur-gelove P. 2. C. 3. & HONERTUS Waaragtige
wegen L. 5. C. 1. §. 369. & feqq.*

§. VI.

Religio christiana cum nihil contineat, quod non cum veritate conueniat, nihil etiam, quod non maiestate Numinis dignum sit, cuncta contra, quae homini, vt aeternae salutis compos fiat, necessaria sunt, sufficienter prodat; documentis praeterea & testimoniis certissimis, omni-que exceptione maioribus, nitatur; sola etiam pro vera religione est habenda. Operam itaque oleumque perdunt, qui ad eam aut euertendam, aut labefactandam, omnes animi & diligentiae neruos intendunt.*

- * Christiana religio duplici spectari ratione potest. Primo, qua dogmata, non tantum propria, sed & communia, hoc est, quae in religione etiam naturali continentur; deinde solum qua dogmata propria. Priori modo spectata, a naturalistis quidem, qua dogmata illa communia, eius veritas admittitur; non aequè ab atheis. Nec tamen, vt hac de re contra hos ex instituto disputemus, necesse est, quia ex Numinis existentia, quam haecenus abunde demonstrauimus, eiusque prouidentia, itemque iustitia, ceterisque attributis, religio naturalis sua sponte fluit. Ad religionis autem christianae dignitatem & excellentiam omnino pertinet, quod non tantum nihil, quod religioni naturali repugnet, contineat, sed eam etiam purissima quadam ratione exhibeat, atque confirmet, immo perficiat. & quae ei ob naturalis luminis imperfectionem desunt, suppleat †. Qua propria dogmata spectata religio christiana iterum duplici ratione considerari potest; primo, prout religionem veteris testamenti, praesertim Israelita-
rum,

rum, per Mosen a Deo sancitam simul complectitur; tum, prout ea saltem exhibet, quae ad noui testamenti oeconomiam pertinent. Nobis quidem posteriori praecipue ratione hic in censum venit; nec tamen prior consideratio prorsus praeternittenda, cum haec simul inigne argumentum pro veritate religionis christianae, qua nouum testamentum spectatae, subministret. Ad veritatem autem religionis Israeliticae demonstrandam, sequentia saltem obseruare sufficit. I) Mosen reuera extitisse, eaque aetate vixisse, quavixisse perhibetur, multisque & magnis inclaruisse miraculis, vt, quae Dei nomine fecit, aut locutus est, eum a Deo accepisse, nulla ratione dubitari queat; II) eundem pentateuchi, seu librorum, qui ei tribuuntur, auctorem esse; III) nihil denique in hisce libris occurrere, quod non veritati sit consentaneum. Ad primum quod attinet, quotquot in terrarum orbe extiterunt, aut adhuc existunt, Iudaei, tot extant testes, qui nos, diuinum virum Mosen extitisse, legesque genti Israeliticae, quibus a reliquis gentibus omnibus distingueretur, dedisse, miraculisque, vt legibus illis diuina constaret auctoritas, effecisse, nos dubitare non sinunt. Tanta quidem est atheorum impudentia, vt, si hodie nulli amplius Iudaei essent, haud dubio strenue negaturi essent vllam eiusmodi in terrarum orbe vnquam extitisse gentem. Singulari autem Numinis imputandum est prouidentiae, quod hodiernum gens ista per orbem vniuersum dispersa extet, quae de iis, quae maioribus eius contigerunt, testimonium perhibere possit. Eo minus vero testimonio huic fides denegari potest, quo accuratori studio leges & ritus, quos a maioribus suis acceperunt, per multa secula ad se propagatos obseruant, cuius profecto rei nulla alia dari ratio potest, quam quod illi eorum maiores, qui a Mose leges istas ritusque acceperant, de diuina eius legatione plenissime fuere conuicti ††. Ad haec accedant profanorum scriptorum de Mose, rebusque ab eo gestis, testimonia, diligenter iam a FLAVIO IOSEPHO, *contra Apionem*, CLEMENTE Alexandrino,

drino, *strom. libr. I. CYRILLO, contra Iulianum lib. I. EVSEBIO, praeparat. euangel. lib. IX. cap. XLVII.* aliisque, collecta, quae rem omnem extra dubitationem ponunt. Addenda, quae & ipse hac de re dixi, *hisor. ecclesiast. veter. testam. period. II. sect. I. ad §. XXXVII. pag. 789. seqq.* Immo & miraculorum a Mose editorum tanta olim apud ethnicos fuit celebritas, ut eam ob rem subinde inter magos referretur, tum a NUMENIO Pythagoraeo apud EVSEBIUM *praepar. euang. libr. IX. cap. VIII.* tum a PLINIO, *hisor. natural. libr. XXX. cap. I. †††.* Alterum, quod ad veritatem religionis Israeliticae comprobendam facit, caput est, Moſen hunc pentateuchi esse auctorem. Id vero, cum abunde iam ab aliis, & a me ipſo quoque, in *hisor. eccles. vet. testam. period. II. sect. I. ad §. XI. pag. 541. seqq.* demonstratum sit, nunc merito, ceu euictum fatis a me ſupponitur ††††. Auctoribus, qui idem argumentum tractant, *loc. cit.* a me laudatis, addendus PETRVS ALLIX, in *consideratione rationabili librorum ſacrae ſcripturae, ad veritatem religionis chriſtianae demonstrandam, part. I. cap. V. seqq. pag. 32. seqq.* editionis, quae lingua germanica prodiit. Tertium itaque ſaltem caput ſuperest; nihil in hiſce libris contineri, quod non veritati ſit conſentaneum. Hoc vero ut demonſtretur, obſeruandum, quaecunque in libris Moſaïcis occurrunt, aut ad dogmata, aut ad facta poſſe referri. A dogmatibus ut incipiamus, ea aut ita comparata ſunt, ut ipſa ratio eo capere queat, e. g. Deum eſſe vnum, eum eſſe ſumme bonum, iuſtum, ſapientem, &c. aut caput rationis tranſcendant. De prioribus nullum eſt dubium. Inter poſteriora locum praecipuum tenent dogmata, de creatione mundi & Meſſia, futuro humani generis redemptore. Quemadmodum vero, quae de mundi rerumque omnium origine, Moſes litteris conſignauit, adeo nihil continent, quod rationi rectae repugnet, ut potius nullus philoſophorum veterum aptius ſyſtema explicandis rerum omnium originibus excogitauerit, aut excogitare potuerit, ita doctrina de Meſſia mundi redemptore, cum origine
pec-

peccati, quod homines per primorum parentum lapsum inuasit †, arctissime cohaeret, simulque iustitiae & bonitati Numinis tam concinne responder, viamque ad conciliandam peccati originem cum bonitate diuina pandit, vt ratio profecto nihil solidi, quod ei opponat, inuenire queat. Hinc vero &, quo pacto reliquis dogmatibus cum hisce connexis, sua constet veritas, patet. Ad dogmata etiam leges, Israelitis latae, referri possunt, quarum quaedam etſi a nostris moribus adhorraent, pro istius tamen temporis populique, cuius genio accommodatae fuere, ratione, ita comparatae sunt, vt summam Numinis sapientiam facile in iis deprehensuri sint, qui non data cōdecutire opera velint. Satis hoc ostenderunt viri docti, qui de causis rationibusque legum particulare populi Israelitici, ex instituto commentati sunt. Facta, quorum mentionem Moses facit, iterum duplicis generis sunt Vel enim talia sunt, de quibus gentium aliarum scriptoribus etiam aliquid innotescere potuit, vel talia, quorum notitiam solus suppeditare potuit Moses. In illis si consensus scriptorum profanorum adſit, eorum, quae Moses tradidit, veritas mirifice confirmatur. Sin vero dissensus aliquis deprehendatur, plurimae grauissimaeque adſunt causae, cur Mosi potius, quam aliis scriptoribus, adhibenda sit fides. Namque, vt alia taceam, cum Moses reliquis scriptoribus omnibus, longe sit antiquior, de rebus etiam antiquissimis longe certiora memoriae prodere potuit, quam scriptores, qui post multa demum cum exceperunt secula. Antiquissima etiam, quae ex profanis scriptoribus constant, historiarum documenta tam incerta sunt, tam obscura & ambigua, tot defectibus laborant, vt ea Mosi, non nisi de rebus certis sibiſque exploratis, scribenti, opponere velle, a summa parum abesset stultitia. Legenda, quae hanc in rem erudite diſſerit EDVARDVS STILLINGFLEET, in *originibus sacris*, lib. I cap. I. II. seqq. Multo magis adhuc stolidum pariter ac ineptum eſſet, in rebus, quarum notitiam accuratam solus

Moses

Moses suppeditare potuit, vti sunt, res patriarcharum, origo generis Israeliticae, & similia, aut STRABONEM, aut alium quendam scriptorem extraneum eidem opponere velle, quod IOANNEM TOLANDVM, in *origimbus Iudaicis*, facere notum est ††. Nec, quae de miraculis Moses refert, in dubium vocari possunt. Cum enim capite praecedenti demonstratum sit, miracula fieri posse, nec quidquam obstat, quo minus facta sint, nonnullorum etiam tanta fama & celebritas fuerit, vt in profanorum scriptorum monumentis eorundem fiat mentio, absolum profecto esset, narrationi de iis Mosaicae fidem denegare velle. His, quae pro veritate religionis Israeliticae in compendio disputauimus, addi adhuc possunt, quae de eodem argumento differit IAC. ABBADIE, de *veritate & certitudine religionis christianae*, *sect. III. cap. XVI. & XVII. pag. 331. seqq. qui & cap. XVIII. & XIX. ad rationes*, quae in contrarium ab atheis adferri solent, responderet. Iam christianae religionis, prout ab Israelitica veteri distinguitur, veritatem demonstrare haud difficile fuerit. Primo namque, cum christiana religio quoad ipsam rei substantiam cum Israelitica veteri vna eademque sit, huius demonstrata veritate, non potest non illius quoque veritas inde sequi. Non aliud enim discrimen intercedit, quam quod christiana religio quaedam paulo plenius & clarius exhibeat, quae in Israelitica obscurius adhuc proponebantur: itemque, quod in illa quaedam vt iam facta supponantur, quae in hac ceu futura adhuc spectabantur, & per vmbras varias atque imagines repraesentabantur. Immo ipsa illa vtriusque religionis harmonia, & concentus cum perennitate, quae inde oritur, & vaticiniorum veteris testamenti euentu, qui in nouo conspicitur, argumentum minime contemnendum pro christianae religionis veritate suppeditat. Vt tamen etiam argumenta, quae ei propria sunt, attingamus, obseruandum, christianam religionem itidem partim factis, partim dogmatibus niti. Quodd si ergo demonstraerimus, vtraque ita esse comparata,

vt veritas illis constet, de ipsius quoque religionis christianae veritate nullus amplius erit dubitandi locus. Ad facta quod attinet, ea iterum duplicis sunt generis. Quaedam tam manifesta sunt, vt dubio careant, & ab ipsis etiam atheis admittantur, e. gr. Iesum Nazarenum vixisse quondam in Iudaea, reum Romanarum potente Tiberio; plurimos habuisse discipulos, qui eius disciplinam secuti sunt, & doctrinam ab eo haustam propagarunt; eum a gentis suae sacerdotibus accusatum, damnatumque a Pontio Pilato, & cruci adfixum esse. Id enim non tantum christiani per omnes terrarum oras sparsi, constantissime profitentur, sed & Iudaei omnes, qui nunc sunt, & qui vnquam post illa tempora scripserunt, immo & pagani scriptores idem testantur; vt SVETONIUS, in *Clandio cap. XXV. c. CORNELIVS TACITVS, XV. cap. XLIV. PLINIVS Iunior, lib. X. epist. XCVII.* confert. & HVGGO GROTIUS, de *veritate christian. rel. lib. II. §. II.* Alia contra facta, quibus praecipue christianae religionis veritas innititur, ita comparata sunt, vt non aequè ab omnibus admittantur, immo ab incredulis & atheis negentur strenue, & prorsus reiiciantur; e. g. Iesum Nazarenum sine virili semine natum, ex Maria virgine; cum miracula maxima diuinam in eo arguentia potentiam, perpetrasse; postquam cruci adfixus mortuusque esset, iterum resurrexisse, &c. Horum ergo similiumque factorum, vt ostendatur veritas, obieruandum, apostolos testes horum factorum plane idoneos fuisse, & ita comparatos, vt plenissimam fidem mereantur. Quatuor namque potissimum idonei testis sunt conditiones, quas etiam si summo iure experiaris, cum ratione ab eo exigere queas: I) accurata rerum, de quibus testaturus est, scientia, II) probitas & fides, III) omnis proprii commodi abnegatio, IV) inuicta animi in asserenda testimoniū veritate constantia. Haec vero omnia in apostolos & euangelistas prorsus quadrare, nemo, nisi rerum omnium expers, negauerit. Iis enim, qui in con-

for-

fortium Christi adsciti, perpetui omnium eius actionum publicarum pariter ac priuatarum inspectores fuerant, accurata rerum ab eo gestarum scientia deesse non poterat. Homines probos, honestos, inculpatae vitae, & ab omni fraude ac fallacia alienos fuisse, ne ipsi quidem hostes illorum abnuerint, quemadmodum & experientia docuit, eos non lucri aut commodi cuiusdam causa ad propagandam Christi doctrinam inductos fuisse, sed mercedis loco opprobria, ignominiam, plagas, supplicia & varia cruciatuum genera retulisse. Quae omnia cum eos ab instituto illorum dimouere non possent, inuicta animi in asserenda testimonii veritate, constantia, inde satis elucescit. Legenda, quae hanc in rem disserit HERMANNVS WITSIVS, in *dissert. de miraculis Iesu, quaest. II. §. III. & seqq. in meletematibus eius Leidaensibus pag. 356. seqq.* & IOANNES CLERICVS, in *dissertat. de sinceritate apostolorum*, addita eiusdem tractatui de incredulitate, pag. 325. seq. Nonnulla praeterea ex his ita comparata sunt, vt extraneorum etiam scriptorum testimonio confirmari queant. Plurima namque Christum edidisse miracula, ipsemet auctor FL. IOSEPHVS, in notissimo illo de seruatore nostro testimonio, *antiquitat. iud. libr. XVIII. cap. IV.* nec dissidentur reliqui Iudaei, etsi per nomen tetragrammaton, aut alias artes illicitas, cum id fecisse, blasphemie iactitent. Legenda, quae hac de re collegit RAIMVNDVS MARTINI, in *pugione fidei part. II. cap. VIII.* & quae ad *b. l.* obseruauit IOSEPHVS DE VOISIN. Ad IOSEPHI equidem testimonium quod attinet, non me fugit, a plurimis viris doctis hoc in dubium vocari, & ceu supposititium relici. Sed genuinum illud esse, inuictis argumentis demonstraui CAROLVS DAVBZ, in *libris duobus pro testimonio Flauii Iosephi de Iesu Christo*, Londini, MDCCVI editis †††. Ex graecis ipse Iulianus apostata, etiam tum, quando ex instituto christianos impugnat, & facta Iesu extenuat, miracula tamen eius negare non sustinuit.

nuit. Ο δὲ Ἰησῆς, inquit, ἀναπείσας τὸ χεῖρις αὐτῶν παρ' ὑμῶν ὀλίγης πρὸς ταῖς τριακοσίαις ἰνιαυτοῖς ὀνομάζεται, ἐργασάμενος παρ' αὐτῶν ἔζη χρόνον ἔργον ἔδδεν ἀκοῆς ἄξιον· Εἰ μὴ τις οἶεται τὸς κυλλὰς καὶ τυφλὰς ἰάσασθαι, καὶ δαιμονῶντας ἐφορκίζειν ἐν Βηθσαιδᾷ καὶ Βηθανίᾳ ταῖς κώμαις τῶν μεγίστων ἔργων εἶναι; *Iesus autem paucis vestrorum ac deterrimis quibusque persuasit, trecentos aut circiter annos celebratur. Hic toto vitae tempore nihil admodum memoratu dignum, egit; nisi quis claudos ac coecos curare, & daemones correptos adinuare in pagis Betsaida & Bethania, magni alicuius facinoris numero habeat; apud CYRILLVM, libr. VI. aduers. Iulianum, pag. 19 tttt.* Ita ergo cum facta, quibus veritas christianae religionis innititur, sibi consent, de dogmatibus idem facili negotio demonstrari potest. Ea vel ita comparata sunt, vt a ratione etiam capi queant, vel vt eius circulos transcendant. De priorum veritate, cum ipsa ratio eam perspiciat, atque confirmet, nullum est dubium. Pertinent huc praecepta moralia quaeuis, in quibus recta ratio, quod reprehendi queat, adeo non inueniet, vt nihil praestantius, nihil rectius, nihil Deo & hominibus dignius, dici vel cogitari posse, omnes facile intelligant †. Res ipsa quoque docet, eam, quae religioni christianae propria est, doctrinam moralem, multis parasangis praestare doctrina morali gentilium philosophorum; quod cum alibi ex instituto demonstratum sit, hac quidem vice nihil ea de re addemus. Nec cum atheis, aut aliis religionis christianae hostibus super hisce magna nobis lis est, sed super iis praecipue, quae rationis captum superant, atque mysteria continent. Haec vero vt ab eiusmodi hominum insultibus vindicemus, primo quidem supponendum, ea quae sunt supra rationem non statim esse contra eam; adeoque, licet christiana religio quaedam contineat, quae rationis captum transcendunt, nihil tamen continet, quod reuera cum ratione pugnet. Demonstratum hoc subinde est a doctissimis viris, praecipue non ita

pridem ab illustri viro GEORGIO GVIL. LEIBNITIO, in *discursu de conformitate rationis & fidei*, praemis-
so ipsius *tentaminibus Theodiceae super bonitate Dei, libertate hominis &c* ††. Myſteria itaque ſunt cuius-
modi dogmata, quae non quidem contra, ſed ſu-
pra rationem ſunt, ſeu quae ratio ſibi relicta capere
nequit. Eiuſmodi vero myſteria cur admitti ne-
queant, nullam rationem video; immo adiutenda
eſſe, probari euidenter poteſt. Etenim cum in re-
bus naturalibus plurima occurrant, quorum nobis
rationes plane ignotae ſunt, licet res ipſae con-
ſtent, quis dubitet, multo magis in diuinis talia
occurrere? Nec enim omnia intellectus hominis
cognoſcere poteſt, quippe qui ſuis circumſcriptus
eſt limitibus. Atque haec ſane, quae noſtri intellectus
viribus aſſequi non poſſumus, nobis ſunt myſteria. Ita
namque intuitu virium naturalium intellectus dicun-
tur, etſi ex diuina reuelatione in tantum nobis inno-
teſcant, in quantum Deo ea nobis patefacere placuit.
Cum ergo quaeritur, an religio chriſtiana myſteriorum
expers ſit? ſenſus eſt, an talia Deus reuelauerit,
quae homo ſolis intellectus ſui viribus, ad lumi-
nis naturalis ductum, cognoſcere non potuit ††.
Hoc vero quemadmodum res ipſa docet, & exem-
pla eiuſmodi myſteriorum praeſto ſunt, ita ſimul
patet, nullam adferri poſſe cauſam, cur religio chri-
ſtiana myſteriorum expers eſſe debeat, aut cur ſcri-
ptura ita interpretanda ſit, ne myſteria admittantur.
Immo eam myſteriorum expertem eſſe non poſſe,
ex antea obſeruatis ſequitur. Cum enim intellectus
humanus ſuis limitibus circumſcriptus ſit, ſequi-
tur, multa in rebus diuinis eſſe, quae per ſe cogno-
ſcere nequit, quae adeo ipſius intuitu ſunt myſte-
ria. Eadem vero cum homini ad ſalutem ſcitu ne-
ceſſaria eſſent, diuinae bonitatis fuit, haec ei reuelare.
Scitu neceſſaria ad ſalutem myſteria iſta eſſe, inde
patet, quod totus ordo ſalutis iis innitatur, quod
alibi copioſius & ex inſtituto demonſtratur. Si quae-
ras, cur Deus ampliorem homini intellectum non
conceſſerit, vt ſine reuelatione cuncta cognoſcere
potue-

potuerit, periinde hoc est, ac si cum creatore expostulare velis, legesque ei praescribere, quas in homine condendo observare debuisset, vel etiam profundam illam caliginem, quae hominibus post tristem primorum parentum lapsum incumbit, dissimulare velle. Nec quicquam hac in re occurrit, quod aut indignum Deo, aut hominibus noxium sit, cum ipsa illa mytheria hominem suae imbecillitatis admoneant, & ad maiorem rebus diuinis reuerentiam exhibendam excitent. Et haec generatim monuisse sufficiat. Ad specialia descendere, instituti nostri non permittit ratio. Ex dictis autem facile respondere licet ad rationes, quibus athei veritatem christianae religionis impugnant. Ad facta illae partim pertinent, partim ad dogmata. Ad facta, quando e. g. nonnulli resurrectionem Christi impugnaturi, ipsam apostolorum fidem sollicitant, aut, cum BENEDICTO DE SPINOZA, eos decipi potuisse, contendunt, uti supra ad *cap. III. §. IV.* observauimus. Quo ipso tamen nihil aliud agunt, quam ut summam impudentiam prodant. Qui enim cogitat, quae antea de sinceritate apostolorum monuimus, & quam alienum ab illorum moribus fuerit, quemquam mortalium decipere; qui porro circumstantias resurrectionis Christi tam solícite commemoratas, & apparitiones non vni aut alteri, sed omnibus factas, & tot vicibus, repetitas, expendit, nihil praeter ineptissimas calumnias homines istos proferre, facile intelliget. Quae SPINOZA ad speciem quandam calumniae suae conciliandam excogitauit, iam in compendio profligavi in prolusione academica, qua *veritatem resurrectionis Christi contra Benedicti de Spinoza obreptiones assertam*, exhibui, quae extat, in *meditationibus sacris, syntagmati dissertationum theologicarum* additis pag. 47. seqq. sed idem etiam fecit IOANNES COLERVS, in *veritate resurrectionis Iesu Christi contra Spinozam & eius sectatores defensa*, quae vna cum *vita Spinozae*, gallicana lingua scripta, Hagae Comitum prodiit, anno M DCC VI. 8 ††††.

religionis opponunt, eo fere redeunt, nihil admit-
tendum esse, quod ratio capere nequeat. Nec aliam
rationem Christi admittere nolit, dum dicit, sibi
videri eos, qui, Deum naturam humanam assum-
pisse, asserunt, *nescire, quid dicant, immo non minus
absurde loqui, quam si quis dicat, quod circulus natu-
ram quadrati induerit*, vt supra ad cap. III. §. VI.
hanc eius mentem de incarnatione Christi pluribus
exposuimus. Sed manifestum est, eiusmodi homi-
nes rationis limites vltra, quam par est, extendere;
adeoque, dum ratione vel maxime vti videri volunt,
se ratione prorsus destitutos, ostendere. Poterant,
si vellent, ex quotidiana condiscere experientia, ra-
tionem multis laborare infirmitatibus; plurima quo-
que esse, quae nemo mortalium rationis acumine
penetrare potest. Quae ergo temeritas! quae im-
pudentia! nihil, quod ratio capere nequeat, admit-
tere velle †! Tandem nec illud praetermittendum,
quod athei tum reliquas religiones omnes, tum
speciatim christianam pro callidorum hominum com-
mento, ad continendum in obsequio populum, ha-
beant. Quemadmodum vero iam vel cap. V. §. I.
ostendimus, ne vnico quidem exemplo probari pos-
se, religionem a principe quodam, aut legistato-
re, inuentam primum aut introductam; etsi subin-
de religione, qua iam antea homines imbuti fuerunt,
ceu dominandi instrumento vti sint: ita multo mi-
nus de Mose hoc dici potest, quod aut religionem
inuenerit primus, aut eadem ceu dominandi instru-
mento vltus sit. Israeliticam enim religionem eo
minime comparatam esse, ipsa eius consideratio do-
cet, cum omnia eo spectent, vt ipsi Deo ceu regi
ac domino suo obsequium, honorem ac veneratio-
nem exhibeant. Moses etiam vt ipse dignitatem
regiam non vsurpauit, ministri saltem fidelis mune-
re functus, *Ebr. III. 2.* ita nec ad posteros eam
transmisit, aut transmittere voluit, immo ne sa-
cerdotium quidem sibi aut posteris vindicauit, cum
id in Aaronem eiusque filios contulerit. Miracula
autem quae edidit, quibus fidem dictis conciliauit,

vt inde, a Deo se missum, intelligerent, palam & inspectante populo edidit; & ita se gessit, vt ne minima quidem fraudis aut imposturae subesse suspicio potuerit. Sed ab istis impiorum hominum calumniis abunde iam vindicauimus Moſen, in *hystor. ecclesiast. vet. testam. ad period. II. sect. I. §. XI pag. 533. seqq.* De Christiana autem religione, prout ab Israelitica distinguitur, si quis dicere vellet, eam vt reipublicae rationibus inferuiret, inuentam aut excogitatam, nae! is se ipsum traduceret turpiter. Doctōris enim saltem munere ipse seruator functus est, cui reipublicae conseruatio non fuit curae; & apostoli piscatores erant, hominesque plebei, quos reipublicae rationibus religionem accommodasse, nemo, nisi rerum omnium expers, dixerit. Et quid opus erat, religionem christianam hunc in finem excogitare, cum & Israelitica, aut ipsa etiam naturalis, eundem in finem adhiberi potuisset? Est sane christiana religio haecenus reipublicae rationibus conueniens, quod eas sectari virtutes homines docet, quibus firmitas stabilitasque imperii innititur, interim eadem prauis mortalium cupiditatibus prorsus aduersatur, quibus tamen vel maxime indulgere solent, qui ciuiliū rerum administrationem sibi vindicant. Esto etiam, fuisse nonnullos, qui speciatim christiana religione, ceu instrumento dominandi, vel potentiam, auctoritatem, imperium sibi comparandi, vel haec omnia conseruandi vsi sint; id tamen ipsi religioni tribui nequit, cuius longe alium scopum esse, dogmata eius satis superque ostendunt, multo minus eam ideo aut inuentam aut excogitam dici potest, cum non rerum dominis aut principibus, sed ipsi seruatori & apostolis, hominibus a rerum ciuiliū administratione longissime remotis, originem debeat ††.

† Jam aliis observatum est, PORPHYRIUM, &, qui cum ille post Christum natum floruerunt, e Philosophis plurimos, longe melius de rebus Diuinis differere, quam illi, qui

ante hoc tempus vixerunt, & quibus Religio nostra non innotuit.

†† Quum scripta Mosi ab eorum origine, teste historia Mo-
saica, inter Israëlitas extiterint & (quod maxime atten-
dendum) fuerint notissima: securi plane sumus, Mosem
revera extitisse. Illis enim, qui eo tempore vixerunt, quo
pentateuchum tanquam recens conscriptum populo trade-
batur, persuaderi neutiquam poterat, Ducem illorum
famosissimum hunc librum nuper exarasse; nisi probe sci-
rent Ducem istum cerebri figmentum non esse. Ab iis
vero memoria huius viri continua serie ad posteros fuit
propagata. Nec est, quod quis excipiat, veteratorem quen-
dam, qui eosdem libros Mosi nomine subdole adornave-
rat, longe post illa tempora, quibus Moses vixisse fer-
tur, Israëlitas eo induxisse, ut crederent pentateuchum,
licet nunc demum exaratum, nihilofecius continuo inter
ipsos lectum fuisse: nihil enim quod fidem magis respuit
excogitari potest. Objicies forsan; me pro lubitu supponere,
veteratorem ejusmodi necesse habuisse, simul docere; scripta,
quæ alieno nomine confinxerat, jam ab initio R. P.
omnium manibus fuisse versata, idque neminem e gente
Israëlitica nescire. Sed, quæso! attendas, ipsum scripto-
rem pentateuchi, & reliqua historiæ S. monumenta idem
aperte testari &c. Eodem quoque modo evinci potest,
Mosem revera miraculis inclaruisse, eumque pentateuchi
auctorem esse. v. quoque BURNET *Verklar. der 39. Artik.*
p. 100. & seqq.

††† *Apud VUNNING puteus QUONIN est, quem Senex quidam
baculo suo terram sicciosam percutiens, produxisse dicitur.
Ita in SUCHUEN apud KIATING rivulus CHOCUNG, ex quo
semina quadam puerum in arundine latentem & plorantem
extraxisse, ac pro suo filio domi educasse dicitur. Utraque
narratio historiam Mosi adumbrare videtur. NIEUHOF Leg.*
Bat. P. Ult. p. 122.

†††† V. quoque Auctoris *Theol. Dogm. L. 1. C. 1. & 2. &*
HONERTI waargt. wegen. L. 5. §. 71. & seqq.

† Cum Moses doceat humanum genus per Adami lapsum
ad summam miseriam redactum esse: non nulli putant, id
cum ratione consistere non posse; quoniam Deus hoc pa-
cto inique cum hominibus egisse videretur. Responde-
mus

mus autem. 1. Adamum æque aptum natum fuisse ad officia, quæ Deus ipsi injunxerat, suo posteriorumque nomine præstanda; ac quilibet ex ejus posteris, licet in statu rectitudinis esset positus, ad id observandum, quod proprii tunc officii fuisset. 2. Deum, si Adami posteris in eo, ut repræsentativo Capite, non fuissent considerati, summo jure illos æternum explorare potuisse, absque gloriæ cælestis promissione. 3. Nihilominus e sacris litteris elici posse; Adamum ipsum non tantum, si per aliquod tempus in statu explorationis constanter se gessisset, verum etiam ejus posteros, omni lapsus periculo fuisse eximendos & mañandos gloria cælesti. Ponamus itaque, nos omnes eo tempore, quo Deus cum Adamo fædus iniit, jam præsto fuisse; ac optionem nobis esse datam, num parenti nostro, ea, qua diximus, conditione, partes nostras demandare vellemus? num vero ipsi rem nostram agere, absque spe pulcherrimi illius præmii, æternum explorandi? Prius profecto cooptassent omnes, qui summæ dementiæ rei haberi non vellent. Opportet enim mente capti sint, qui, licet tantumdem inde emolumenti sperare non possint, in perpetuum pericula subire malunt, quam eadem ad breve tantum tempus adire, certissimi quidem, se si eluctentur, beatissimos fore. Quid ergo Deum injuriæ postulamus, quod nos in eo statu posuerit, quem, (si rem a priori contemplemur) præ altero, in quo nos absque injuriâ ponere potuisset, procul dubio exoptassemus omnes, si Adamo cœvos esse, & optionem habere licuisset? Lectorem interim rogatum volo, ne per *periculum*, qua voce aliquoties usus sum, quidpiam intel- ligat, quod a rei natura est alienum.

†† Strabonicam Judææ descriptionem Mosaicæ quoque præfert, & cum hodierno situ & statu soli magis convenire dicit p. 138. & seqq. Sed respondent viri docti, de tractu tantum Hierosolymitano, qui fertilitate aliis Palestinæ partibus cederet, STRABONI sermonem esse; & præter Mosen, non tantum ARISTÆUM & HECATÆUM, verum etiam JOSEPHUM, C. TAGITUM *Hist. L. 5. C. 6.* JUSTINUM, EUSEBIUM ac HIERONYMUM, STRABONI opponunt. Conf. BUDDÆI *Hist. Eccl. P. 2. Sect. 1. §. 3.* & VITRINGAM in *Jes. T. 1. p. 199. & p. 642. & seq.* Provocat quidem TOLANDUS ad Statum Palestinæ hodiernum: ecquis vero nescit, regiones fertilissimas, ob neglectum culturæ & alias rationes, tractu temporis fieri steriles?

Ne dicas quoque Judæam præruptis rupibus obfitam esse, ideoque nunquam tam feracem, quam quidem a Mose describitur, esse potuisse. Observat enim Vir doctissimus HENR. MAUNDRELL in *Itin. suo ad dicm 25. Martii*, rupes istas præcis temporibus terra obductas fuisse; quæ accolarum cura, lapidibus murorum instar ad montium latera dispositis, sustinebatur; deinceps vero, cum ea regio vastata fuit, decidit; ut e vestigiis, quæ supersunt, colligi posse, idem quoque testatur. Heic quoque monere liceat; ea, quæ de *Hycfis* e MANETHONE refert FLAVIUS JOSEPHUS L. 1. *Contra Apion.* cum narratione Moisaica de fatis Israëlitarum in Aegypto, licet etiam J. MARSHAMI sententia vera foret, egregie convenire; & pyramides illas notissimas ab Israëlitis exstructas esse, summo jure conjici posse, si moles illæ essent lateritiæ, & non lapideæ, quod post HERODOTUM, aliosque recentiores periegetæ diserte testantur, v. DU MONT *Itin. P. 2. Ep. 2. & SANDYS p. 110.*

††† Qui reperiuntur, ut & plura quæ huc spectant, in calce editionis HAVERCAMPIANÆ; adde elegantissimam disert. D. MARTIN, &, quod observat A HINCKELMANNUS præfationis quam *Corano* præmisit p. 10. idem testimonium, ex libello de miraculis infantie Christi, qui *Evangelium Petri* vocari solet, in *Coranum* transcriptum esse. Ergo jam seculo 7, quo Alcoranus fabricatus fuit, fuit notissimum. Immo & diu ante; quoniam Evangelium illud, quod Petro, falso licet, inscribitur, EUSEBIO jam commemoratum fuit.

†††† Cum ALEX. SEVERUS, juxta LAMPRIDIUM *Al. Sever. C. 29. Christum* in larario, una cum *Abrahamo* ac *Orpheo* coluerit: videtur quoque miracula Christi credidisse. Plura videantur apud *historia Ecclesiastica* Scriptores, & HUXTUM *Demonstr. Evang.* Sicco tamen pede transire non possum. quod e *Sinensi historia* HADR. GRESCONII observat WHEISMANNUS *Hist. Eccl. N. Test. T. 1. p. 18*; adnotasse *finas in rerum suarum monumentis, ad id tempus, in quod annum ætatis Christi XXXII. nos Christiani conferimus, circa mensem Aprilem, solare deliquium, præter ordinem nature contigisse &c.* Denique animadverti meretur, Muhammedanos, simul & Judæos, de miraculis Christi multa concedere, quæ veritatem Religionis nostræ adstruunt. MARACCIUS *Predr. P. 2. p. 75.*

† Legi

† Legi merentur, quæ de inscriptione quadam Lugduni
Celtarum inventa, notat BURNETUS *Epist. Itiner.* 1. p. 2.
& 3.

†† v. quoque *Vernunftige Gedanken über die geheimnisse der
Christen überhaupt, und insonderheit über das Geheimniß
der Heiligen Dreyeinigkeit* von J. A. BUTTSTETT, Lipsia
& Gualferbyti, Anno 1735. Idem Auctor alteram quoque
dissertationem jam edidit. v. *Lipsiensium Nemen Zeitungen
von gelehrten Sachen*, 24. Sept. 1736. LOCKII & BELLII
sententia, qui putant id, quod *supra* rationem est, quoque
contra rationem esse, solidissime ab eo refutatur. Adde
Ufus Philos. Leibnis. & Wolff. in Theol. diff. Prelim. C. 1.

††† *Et quæ, licet a Deo revelata sint, capium hominis supe-
rant.* Aliquando tamen vox *mysterium* laxiori sensu su-
mitur.

†††† Præter DITTONUM, de quo *supra* locuti sumus, videat-
ur Anonymus ille, qui nuper eruditissimum tractatum,
cui titulus: *De grose Heildag der Christenheid*, Hagæ Comi-
tum edidit. Auctor in eo est, ut ostendat, quo pacto
præcipuè difficultates, quæ in historia resurrectionis oc-
currunt, facillime tolli queant. Utinam (quod hæcenus
factum nescio) promissis stare vellet! quod, si adhuc in
vivi sit, ex animo precor.

† Ratio, *objective* sumta, est *Nexus veritatum*; *subjective* si
sumatur, est *perspicientia illius nexus*. Catena veritatum
connexarum est infinita; intellectus noster vero finitus.
Hic ergo totam veritatum catenationem perspicere ne-
quit. Mirum itaque non videatur, quod *mysteria* assequi
non valeamus. *Mysteria* enim non sunt quidem *supra*
rationem, *objective* sumtam; (nam ad seriem veritatum
pertinent) sed *subjectivam* rationem, quatenus in nobis
est, longe superant, sublimiori loco posita, quam ut in-
tellectus nostri acies eo penetrare possit. Quum Deus vero
universum veritatum nexum probe noscat: recte observat au-
ctor, illos temere & impudenter agere, qui statuunt nihil
ab eo revelari posse, quod ratio capere nequeat &c.

†† Ad hunc § præter STILLINGFLEET, GROTIUM ac ABBA-
DIE, conferantur MARACCIUS qui religionem nostram
sontra Muhammedanos tuctur *Prodr. P. 3. & 4. ut &
passim*

passim in notis ad *Caramum*, LARDNER *Geloofwaardigheid van de Evangelie-geschiedenisse*; alii denique, quos laudat JOH. ALBERTUS FABRITIUS, (cujus obitum boni quivis deplorant) in *Syllabo scriptorum*, qui *Verit. Rel. Chr. adversus Atheos &c. adferuerunt*.

§. VII.

Diuina denique scripturae sacrae auctoritas tum ex ipsius doctrinae, quae in ea proponitur, origine, veritate, sufficientia, tum ex aliis argumentis tam euidenter elucescit, vt, qui eam agnoscere nolunt, nihil aliud agant, quam vt animum ad repudiandam veritatem obfirmatum prodant. Nec, quae in contrarium adferri possunt, argumenta tanti sunt, vt vim & robur immotum eorum, quibus diuina haecce scripturae auctoritas demonstratur, infringere aut labefactare queant. *

- * Cum de argumentis, quibus diuina scripturae sacrae auctoritas atque *θεοπνευσία* probari queat, sumus solliciti, ea intelligimus, quibus fides, quam vocant, humana progignitur. Fides enim diuina ex spiritus sancti testimonio, quod fideles per ipsam scripturae sacrae efficaciam, quando haec in illorum animis, illuminando eos, atque conuertendo, sese exerit, sentiunt, oritur †. Hanc vero ab atheis frustra postulaueris, quippe qui verbum diuinum repudiando atque contemnendo, vim eius atque efficaciam sentire nequeunt. Interim ea, quae humanam fidem progignunt, ita comparata sunt, vt recte intellecta & iunctim sumta, firmissimae aequipollere demonstrationi merito censeantur. Omnia autem edifferere aut copiose explicare, instituti ratio non patitur. Praecipua saltem, cundo per summa rerum capita, indicabimus. Primum ipsa *doctrinae*,

nae, quae in scriptura sacra continetur, *origo* sup-
 peditat. Eius enim summa cum eo redeat, quod
 homini per primorum parentum lapsum in finitimam
 miseriam detruso, via ad salutem per Messiam ite-
 rum pandenda sit, eiusmodi quidem hoc est, ut ra-
 tio haec ignoret, nec tamen, haec ita se habere,
 negare queat. Sunt enim bonitati & iustitiae diui-
 nae plane consentanea. Ab ipso itaque Deo cum
 istud miseris mortalibus reuelatum sit, nullum etiam
 est dubium, quin scriptura, quae reuelationem hanc
 proponit, Deum auctorem habeat. Alterum argumen-
 tum scripturae sacrae *veritas* praebet. Nec enim vllius
 erroris aut qua facta, aut qua dogmata, conuinci po-
 test; id quod cum ad §. *praecedentem* euidenter de-
 monstratum sit, ut hic id repetamus, necesse non
 est. Namque, quod de religionis christianae veri-
 tate ibi diximus, id de scripturae sacrae veritate
 procedit; quam summam & admirabilem prorsus
 esse, tamdiu firmiter credimus, donec euidenter
 probetur contrarium. Cuius argumenti vim & effi-
 caciam ut eo rectius intelligamus, probe obseruan-
 dum, nullum vnquam etiam a sapientissimo mor-
 talium elaboratum esse scriptum, quod non (nisi
 ex ipsa scriptura desumptum sit) errores quosdam,
 falsasque opiniones, contineat. Vel praestantissi-
 morum philosophorum, Platonis, Aristotelis, &
 inter latinos Ciceronis, exemplo hoc patet. In
 humanis itaque vñribus cum positum non sit, scrip-
 tum aliquod, quod omnis erroris expertus sit, prae-
 sertim in rebus tam magni momenti, componere,
 sequitur utique, pro diuino illud habendum, in quo
 veritas vbique ita sibi constat, ut ne minimus qui-
 dem error locum inueniat. Accedit porro, quod
 tertium simul argumentum erit, *consensus* mirificus
 atque *harmonia* tot scriptorum, qui libros biblicos
 ex instinctu spiritus sancti composuerunt. Cum
 enim vix vnus homo, quantumuis sapiens sit &
 eruditus, sibi constet, raro admodum autem duo
 aut tres de vno eodemque argumento scribentes
 prorsus inter se consentiant, diuini sane operis cer-
 tissimum

tissimum est indicium, si tot homines, temporum, quodammodo etiam locorum, interuallo a se invicem remoti, in doctrina salutis, quam proponunt, tam mirifice inter se conspirent, consentiant. Cuiusmodi consensionis exemplum cum inter humanos scriptores non extet, diuina scripturae sacrae auctoritas recte inde euincitur. Sed quarto loco etiam *sufficientia* scripturae hic est commemoranda. Plenissime enim, quae hominibus ad salutem consequendam necessaria sunt, exhibet. Quae enim de miseria humana, eiusque origine & profunditate, itemque de ratione per fidem in Christum inde eluctandi, seu vnico salutis obtinendae medio, cognitu sunt necessaria, ratio aut plane ignorat, aut admodum obscure cognoscit. Eadem ipsa vero ratio euidenter cognoscit, bonitati diuinae consentaneum esse, medium aptum & conueniens iustitiae diuinae, hominibus suppeditare, per quod liberari a peccatis ac a calamitatibus omnibus queant. Cuiusmodi medium cum diuina reuelatio, quam scriptura sacra sistit, nobis exhibeat, & sufficienter, quae de his omnibus scitu sunt necessaria, tradat, eam a Deo ipso profectam esse, sua sponte inde sequitur. Erudite & copiose hoc argumentum tractat VINCENTIVS PLACCIVS, in *fructu pleniori philosophiae moralis*. Quinto nec illud praetermittendum, scriptores sacros earum imbecillitatum, quas in aliis scriptoribus deprehendimus, prorsus immunes esse. Nec enim, quod aliis scriptoribus solenne, eos aut voluptati, aut ambitioni quicquam dedisse, deprehendimus, aut gloriae cupiditate inductos ad scribendum accessisse; sed vnice hoc eos magno studio, omnique conatu egisse, vt ad veri Numinis agnitionem, pietatisque studium, mortales perducerent. Immo, quod sexto notari poterat, scriptorum biblicalium indoles atque adfectus, a genio & adfectibus aliorum scriptorum adeo differunt, vt nulla ratione conueniant, cum illi perpetuum velut bellum ambitioni, voluptatis cupiditati, aliisque vitis indixerint, nec vllum illicitae cupiditatis vestigium

reli-

reliquerint, quod profecto de nullo scriptorum gentilium, quantumvis cautus aut sapiens fuerit, dici temere poterit. Praeterea scriptura sacra, quod septimum argumentum erit, de rebus plurimis nos informat, quas, sine ea si essemus, plane ignoraremus; quo ipso & plurima soluit dubia, & rationem in rebus maximi momenti, certam animi scientiam tranquillitatemque consequendi, nobis suppeditat. Quod cum nullum scriptum humanum efficiat, aut efficere queat, diuina iterum scripturae sacrae inde elucescit auctoritas. Hoc ut eo rectius capiatur, iuuabit primo phaenomena omnia, de mundi rerumque omnium speciatim hominum, origine, deque origine mali, de inuentione & propagatione artium & scientiarum ††, de linguarum diuersitate, & quae reliqua sunt eiusdem generis, proponere; simulque historicorum, & philosophorum veterum, de his omnibus sententiam perquirere. Tum sane deprehendemus, historicos de hisce omnibus nihil certi tradidisse; philosophos autem, dum principium aliquod, quod hisce phaenomenis omnibus soluendis explicandisque sufficeret, excogitare voluerunt, in absonas quasuis atque ridiculas incidisse opiniones, dum aut cum Aristotele mundi, prouti est, aeternitatem defenderunt, aut cum Epicuro homines fungorum instar ex terra erupisse, asseruerunt, aut simile quid, quo ignorantiam suam, mentisque imbecillitatem proderent, commenti sunt. Si contra ea assumas, quae scriptura sacra suppeditat, de his omnibus principia, cuncta, quae se offerunt, phaenomena, tam apte, tam concinne solui & explicari possunt, ut nullum remaneat dubium, simulque fatendum, nihil convenientius ab illo philosophorum dictum, aut dici potuisse. Octauum argumentum *vaticinia* suppeditant, eorumque complementa. Totam scripturam vaticiniis velut scatere, nullumque fere librum esse, veteris praefertim testamenti, qui non vaticinia quaedam contineat, notum est. Vaticinia etiam, seu rerum futurarum, & quidem contingentium, praedictiones, solum

solum Deum auctorem agnoscere, luculenter, ni fallor, supra euicimus. Nunc id saltem addendum, duplici potissimum ratione ex vaticiniis, eorumque complemento, diuinam scripturae sacrae auctoritatem comprobari posse. Primo quidem, si ipse scriptor, cuius liber in scriptura sacra extat, etiam simul vaticinia de rebus futuris ediderit, vt Esaias, Ieremias, alique prophetae, & Dauid rex sanctissimus in psalmis. Immo & ipse Moses non tantum aliorum vaticinia refert, vt Iacobi, *Gen. XLIX.* & Bileami, *Num. XXIV.* sed ipse quoque nonnulla praedixit, vt vel ex *Dent. XXXIII.* liquet. Eos enim, qui hac ratione se veros prophetas demonstrarunt, etiam reliqua, quae scripserunt, ex diuina inspiratione protulisse, non est, quod dubitemus. Quae tamen tum demum rite procedit rationcinatio, si reliqua diuinae inspirationis *πνεῦμα* conspirent †††. Ceteroquin enim fieri omnino potest, vt aliquis quaedam ex diuina reuelatione praedicat, nec tamen inde sequatur, omnia, quae idem auctor, etiam ex proprio motu aut instinctu scribit vel loquitur, esse *θεοπνευστα*. Deinde, totus ille contextus & ordo vaticiniorum rite expendendus, simulque considerandum, quo pacto omnia illa, quae ad oeconomiam regni gratiae in nouo testamento instituendam pertinent, qua singulas partes, accurate fuerint praedicta, euentu omni rite comprobante. Hinc enim euangelii, prout in nouo testamento annuntiatum est, simulque totius doctrinae sacrae origo diuina euidentissime elucescit, simulque scripturae, quae ad eam hominibus manifestandam tota comparata est, auctoritas diuina comprobatur. Hinc vero &, quid de *miraculis* censendum intelligitur, ex quibus merito nouum argumentum petitur. Per ea enim tum Mosis, tum Christi & apostolorum doctrinam confirmatam, eo minus dubitandum, quo certius est, & edita ab iis miracula, & sola Dei virtute ea edi posse, vti supra euidenter demonstrauimus ††††. Ex diuina autem ipsius doctrinae origine recte auctoritatem diuinam

nam scripturae sacrae colligi, antea iam obseruauimus. Certe manifestatio doctrinae coelestis parum hominibus profuisset, nisi ab iis etiam litteris fuisset consignata, & ad posteros propagata, quos diuina spiritus gratia extra erroris constituit periculum. Quod cum diuina bonitas, hominumque salus, requirat, quis dubitet, eum hoc fecisse? Ad haec omnia denique accedit singularis in illo scripturae maiestas, & in modo proponendi Θεωπνεσία, adeo, ut nihil, quod Deo indignum sit, si modo cuncta recte intelligantur, & ad scopum specialem cuiusque auctoris accurate attendatur, in scriptura sacra deprehendatur. Quod eo magis iterum mirandum, quo plures fuere scriptores, qui libros scripturae sacrae composuerunt, ingenio quidem & dicendi genere diuersi, sed in eo mirifice inter se conspirantes, quod nihil vnquam scripserunt, quod non a Scriptore Θεωπνεύσω scribi aut dici debuerit ††††. Mitto reliqua ab aliis iam allata, qui hocce argumentum ex instituto tractant, quod theologi facere solent, quoties de scriptura sacra agunt, ex quibus speciatim laudandus AEGIDIUS HVNNIVS, in *tractatu, de sacro-sancta maiestate, auctoritate, fide ac certitudine sacrae scripturae propheticae & apostolicae veteris ac noui testamenti*; itemque E. IOANNES MVSAEVSNOSTER, in *introd. in theolog. part. II. cap. VI. pag. 458. seqq.* quibus ex reformatae ecclesiae doctoribus praeter alios addendus ISAACVS IAQVELOT, cuius non ita pridem, & quidem post auctoris mortem, prodit *Traité de la vérité & de l'inspiration des livres du vieux & du nouveau testament*, Amstelodami anno M DCC XV. 8. conf. & IAC. ABBADIE, de *veritate & certitudine religionis christianae sect. III. cap. II. pag. m. 200. seqq.* Iam ad argumenta quod attinet, quibus athei diuinam scripturae sacrae auctoritatem impugnant, cuncta eo redeunt, quod falsa quaedam, erronea, contradictoria, similiaque in ea sibi obseruasse videantur, quae cum diuina eius origine nullatenus consistere queant. Ad ea vero in specie descendere, & cuncta, quae hinc inde congerunt, diluere

diluere ac dissipare, cum integri voluminis res sit, adeoque nostri instituti non patiatur ratio, generatim saltem quaedam nebulis eiusmodi dispellendis inferitura, obseruabimus. Primo quidem omnes, qui vsum rationis non prorsus amiserunt, facile mecum consentient, iniquissimum esse, argumentis certissimis, euidentissimis, praegnantissimis, ideo denegare fidem, quod dubia quaedam ac difficultates, ad caput insuper causae minime spectantes, occurrant, ex quibus tam promte nos expedire nequeamus. Res ipsa namque postulat, vt, si eiusmodi quid contingat, nostrae mentis potius accusemus imbecillitatem & agnoscamus ignorantiam, quam relicere aut negare ea, quae sua luce radiant, & a sanae mentis homine reici aut negari nequeunt. Eo magis vero, quod alterum est nostrae obseruationis caput, hoc aequitati est consentaneum, quod plerique scripturae sacrae libri temporibus antiquissimis, in locis etiam a nostris remotissimis, & quae varias deinde mutationes subirent, fuere compositi; hinc & subinde ad eiusmodi circumstantias historicas aut geographicas respiciunt, quae nobis non possint non esse ignotae. In eiusmodi vero libris quid mirum, si quaedam occurrant, quae difficultate quadam laborant, minusque sunt expedita? Quam vero ineptum & prorsus absonum est, in eiusmodi dubiis auctoris potius inscitiam aut negligentiam accusare, aut pugnas & contradictiones fingere malle, quam suam agnoscere ignorantiam! Accedit porro, quod veteris testamenti libri eiusmodi lingua scripti sunt, qua iampridem loqui homines desierunt, & in qua non alia monumenta, quam quae scriptura sacra continet, ad nos peruenere. Eius itaque linguae indolem genuinam, intimosque recessus, perspicere, vt longe est difficillimum, ita certissimum, plurimas difficultates ex istius ignorantia oriri; quae statim cessaturae essent, si indolem geniumque eius accuratius perspectum haberemus. Haec similiaue qui rite & accurate secum expenderit, difficultates omnes, quae

hac

hac in re oriri possunt, promte superabit †. SPINOZAE autem, quas supra ad *cap. III. §. VII.* commemorauimus, rationes vix dignae sunt, quae in censum veniant. Prophetiam, futurorumque praedictionem, pro mera imaginatione haberi non posse, sed vim diuinam arguere, abunde liquet ex iis, quae in praecedentibus hac de re disputauimus. Vnde & quae de prophetis ipsis, stolide non minus, quam blasphemae, pronuntiauit, sua sponte corrunt. Ineptum etiam prorsus est, quod in *tractat. theologic. polit. pag. 29.* dicit, *Christum suas rationes opinionibus & principiis vniuscuiusque accommodasse.* Nimirum; cum ad Phariseos verba faciens, dixit: *Si Sathanas Sathanam eiicit, aduersus se ipsum diuisus est, quomodo ergo stare potest regnum eius? nihil, nisi, si SPINOZAE credimus, Phariseos ex suis principiis conuincere voluit, non autem docere, dari daemones, aut aliquod daemonum regnum, &c.* Sed fallitur homo impius, aliosque fallit. Sane, si vel maxime seruator ex hypothesi concessa aliquando contra aduersarios suos disputasset, inde tamen nondum sequeretur, eum rationes suas opinionibus & principiis vniuscuiusque accommodasse. Falsissimum autem est, seruatorem hic ex mente saltem ac hypothesi Phariseorum locutum, cum ex aliis scripturae locis quam plurimis constet, & dari daemones, & eorum aliquod regnum esse. Quod porro de apostolis dicit, eos in circumstantiis de resurrectione Christi fuisse deceptos, id itidem antea iam profligauimus. Friuolum etiam prorsus est, quod *loc. cit. pag. 339.* scribit: *Longas Pauli deductiones & argumentationes, quales in epistola ad Romanos reperiuntur, nullo modo ex reuelatione supernaturali scriptas fuisse, concedo ††.* Discrimen enim facere debuisset inter reuelationem, stricto sic dictam, qua Deus alicui ea reuelat, quae prorsus ei ignota erant, & inter inspirationem, qua Deus ea, quae antea equidem nota erant, per inspirationem tamen, qua verba, qua rem ipsam suggerit, vt omne erroris periculum adunatur, taliaque scriptores sacri

proferant, quae pro verbis vere diuinis haberi queant. Negari enim equidem nequit, scriptores sacros talia quandoque protulisse, quae aliunde eis etiam nota erant, quaecumque reuelationem itricte sic dictam non requirebant; utpote quae ipsi viderant, audierant, ab aliis acceperant, aut iusta ratiocinatione & discursu quodam, ex veris principiis deducebant, colligebantque. Quae enim Moyses, quae Iosua, de rebus sui temporis litteris consignarunt, maximam partem non modo viderant, sed ipsimet etiam gesserant. Matthaeus atque Ioannes testes *ἀποστόλοι* illorum fuerunt, quae de Christo litteris consignarunt. Vnde & Ioannes dicit: *Quod fuit a principio, quod audiimus, quod vidimus oculis nostris, quod & spectauimus, & nostris ipsis manibus tetigimus (de sermone vitae loquor, qui vita patefacta est) id, inquam, & vidimus & testamur, &c.* I. Ioan. I. vers. 1. 2. Pari ratione & Lucas, de rebus Christi seruatoris ea scripta esse, litterisque consignata testatur, quae tradiderunt, qui ab initio & spectatores & administratores rei fuerunt, cap. I. vers. 2. Nihilofecius, etsi haec, quae viderant, audierant, aut alia ratione sciebant scriptores sacri, illis nota erant, spiritus tamen sanctus ea omnia, qua verba, qua rem ipsam, illis suggerebat, ne vlla in re fallerentur, & ut ita scriptores vere *θεοπνευστοι* dici possent †††. Et hac etiam ratione intelligendum, (ut hoc *ὡς ἐν παρόδῳ* moneam) quod alicubi scripsi, scriptores noui testamenti nonnulla ex cabbala pura, seu doctrina catechetica Iudaeorum veterum accepisse; seu quasdam oraculorum veteris testamenti interpretationes allegoricas, apud Iudaeos iam ceteroqu岸 receptas adhibuisse, & more in gente ebraea recepto excogitasse, tom. I. obseruat. Hallens. obseruat. I. §. VIII. pag. 10. Intelligendum namque hoc est, ut res ipsa docet, salua *θεοπνευστία*. Etsi enim de rebus quibusdam aut ex theologia iudaica, aut experientia, vel sensuum testimonio notis, scribebant, haec omnia tamen aequae ac discursus, quos ipsi for-

formabant, & ratiocinationes, spiritus sanctus, qua verba, qua res ipsas, illis suggerebat. Interim ipsis scriptoribus, ceu causis secundariis, hic actus *cogitandi vel excogitandi, ratiocinandi, differendi* tribui potest, & subinde etiam solet, vt tamen causa primaria, seu spiritus sancti inspiratio, non excludatur, sed supponatur. Reliqua, quae SPINOZA, & cum eo THOM. HOBBSIVS, & ISAAC PEYRE-RIVS contra scripturae sacrae auctoritatem adferunt, eo redeunt, quod multa falsa, erronea, contradictoria, contineat, quodue Moses ipse non sit auctor pentateuchi, & quae reliqua sunt eiusdem generis; ad quae quid generatim respondendum sit, iam antea indicatum; speciatim vero istorum hominum sophismata profligavit PETRVS DANIEL HVETIVS, in *demonstratione euangelica*, & qui nuper diligenter hac in re versari coepit, vir clarissimus, IOAN. GOTTLOB CARPZOVIVS, in *introductione ad libros historicos bibliorum veteris testamenti, &c.* In contradictionibus apparentibus soluendis iampridem operam studiumque collocarunt scriptores harmonici, vt MICHAEL WALTHERVS, in *harmonia biblica*, qui tamen aliis multa adhuc rectius monendi reliquerunt occasionem: nonnulla etiam AVGVSTVS PFEIFFERVS, in *dubiis vexatis*, & alii eiusdem generis scriptores, attingunt †††.

† Omnes illos, qui ea, quae de efficacia scripturae S. dicuntur, pro nihilo putant, rogatos velim, ut animum suum directioni S. litterarum submittendo, experimentum capiant, quanam vis sit verbi Dei.

†† Hic notare iuvat, virum summum NIXWENTYTIUM divinam S. Scripturae originem probare e rebus Physicis, quae in ea memorantur, & quae non nisi diu post illa tempora, quibus S. Scriptura exarata fuit, Philosophis innotuerunt. Oportet tamen ut rem prudenter instituamus: ne 1. vi quadam talem e verbis sensum exculpamus, qui nostro quidem scopo commodissimus videtur, genuinus tamen non est. 2. Ne argumenta desumamus

ab iis, quæ quidem in S. Codice notata legimus, sed ab ejusmodi hominibus fuerunt prolata, qui a spiritu sancto æcti non fuerunt. Hos inter jure referri videntur Amici Jobi &c. 3. Cogitemus simul, nos parum scire de Historia Philosophica Orientali prisci ævi; adeoque plura forte Philosophorum diligentia jamdudum inventa fuisse, quæ a nobis inter recens inventa referuntur.

††† Si ejusmodi Propheta profiteatur, se reliqua quoque, quæ scripsit, ex Divina inspiratione protulisse; & contrarium evinci non possit: cum ratione ipsi fidem denegare non possumus.

†††† Idem argumentum MAHUMET ad doctrinam suam confirmandam adhibere ausus non fuit: cum in Alcorano suo ingenue fateatur, se nullum miraculum facere potuisse v. MARACC. *Prodr. P. 2. C. 3.* Occurrit quidem in Corano vox *Ajaton* i. e. signum: sed ab ipsis Moslemis pleurumque pro aliquo Alcorani versiculo accipitur. v. MARACC. *l. l.*

††††† Quum nemo melius loquatur, quam qui *pure, concinne, ornate & congruenter* loquitur; ut recte docet HEINECCIUS *Stili cult. fund. P. 1. C. 2. §. 2.* mirabilis sane est perfectio Stili scriptorum sacrorum, qui hæc omnia ad amussim observarunt. De quo tamen ut cum ratione judicium feras, necesse est, non tantum ut bene scias, quænam melioris stili proprietates sint habendæ: verum etiam ut genius linguarum Orientalium plane tibi ignotus non sit. Ignorantiam suam simul & impudentiam produnt, qui hisce adminiculis destituti nihiloscus S. litterarum stilum exagitare audent. Est forte, quod quis objiciat, scriptores sacros *congruenter* rebus, de quibus pertractant, loqui non potuisse; quum quo usi sunt, Orientalium dicendi genus sit tumidum, & paucas ideas multis verbis exprimat. Verum id hominum potius, significantissimo hoc dicendi genere abutentium, quam ipsius sermonis vitio adscripserim. Sin autem (quod a scriptoribus sacris factum videmus) cum exacto delectu sermo instituat, nihil pulcrius simul & pressius, quam quod e genio linguarum Orientalium, Hebraicæ præsertim, dictum est, excogitari potest. Floridum quoque Orationis genus, quum se elegantia magis, quam decentia, commendat; a gravissimis S. codicis scriptoribus adhibitum non fuit.

De

De Græco N. T. Stilo videantur lucubrationes virorum doctorum, qui quotidie in dias luminis auras prodeunt.

† Fieri non potest, quin in vetustissimis libris occurrant quædam, quæ secum invicem pugnare videantur. Si post aliquot ætates in monumentis ævi nostri legant posteri, excercitum quendam supra decem equorum millia non habuisse; eundem vero fame aliisque incommodis octodecim millia perdidisse: fidem nostram suspectam forte habebunt; nescientes Belgas, qui nunc vivunt, per equos interdu *equites* intelligere, interdum vero eadem voce ampliori significatione uti. Hæc & similia, cum ab ore Cel. ALPHENII penderem, summo cum fructu audiui.

†† Nemo cum Spinosa paria faciet, qui sermones Pauli sedulo meditetur, ac ALPHENIUM, NICOLAUM HARTMANNUM similesque commentatores conferre velit.

††† Divina inspiratio nobis est: *Efficax operatio Spiritus sancti, qua ea, qua ceteroquin non scrivissent, scriptoribus sacris SUGGESSIT; eosque, tum in iis, tum in reliquis, qua ratione ac experientia didicerant, conscribendis, ita DIREXIT, ut ad honorem Dei, ac Ecclesiæ usum melius conscribi non possint.*

†††† Ut quis convincatur scripturam S. (ac proinde doctrinam Christianam, quæ in ea docetur) a Deo esse profectam: in antecessum demonstretur, omnes S. codicis libros in *archivo* Dei Regis Israël, ac deinceps in *archivo* Christi, Ecclesiæ primitivæ, tanquam genuina regni monumenta & diplomata, fuisse asservatos. Hoc pacto enim evincitur, eosdem libros corpus quoddam constituere; & argumentis, quibus Divinam Originem hujus illiusve libri probamus, Divinitatem integri corporis simul probari posse. Videantur, qui de *Canone S. Scripturæ*, commentati sunt. Si quis de eo jam convictus fuerit: ex eo quæ-
siverim. 1. An experientia non didicerit, humanum genus peccatis inquinatum esse; ac simul agnoscat de eo æternum confectum esse, nisi via, per quam peccatores cum irato Numine in gratiam redeant, quæque tamen a nobis ipsis inveniri non possit, divinitus doceatur? 2. An *probabile* non sit, Deum, cujus *potentia infinita* est, *voluntatem* quoque se cum hominibus in gratiam redigendi habere; ideoque alicubi Divinam revelationem, quæ viam, qua

ad cælum itur, doceat, extare? id vero *diffimile non esse*, derivamus in primis ex intuitu *sapientia & longanimitatis Dei*, quum cæteroquin gentem humanam peccaminosam tam diu tolerare voluisse non videatur. Adde *consensum* plurium gentium, quæ revelationes, quas a Deo accepisse ferunt, ostentant. Quod si quis in iis, quæ hæcenus proposuimus, non idem cum nobis senserit: conferat *WOLZELEY Redelykheid van het Schriftnur-gelove P. 1. C. 7. & seqq. & dissert. S. WERENFELSII de Præstantia Rel. in S. S. revelate, huiusque revelat. necessitate*. Querimus 3. an uspiam aliquod scriptum inveniat, quod cum ratione pro revelatione Divina haberiqueat; præter scripturam S.? Quod cum nemo, ut opinor, dixerit; corollarii loco, ex præcedentibus derivamus; S. nostrum Codicem *probabiliter* verbum Dei esse. Nec juvat, si excipias; ejusmodi forte revelationem apud gentes orbis adhuc ignoti inveniri. Id enim credibile non est. Nam si *figuram* orbis & narrationes periegetarum una attendamus: frustra præter gentes, quæ jam innotuerunt, alias quæsieris; saltem quæ plus minus effratæ non sint, & apud quas Divinam revelationem extare, ulla specie suspicari possumus. Neque hic subsisto: verum S. Scripturam Deum auctorem habere, sequenti modo *certissime* evinci posse arbitror. Supponamus (quoniam nemo, nisi insipidus id negaverit) Deum, quodcunque ipsi visum fuerit, nobis revelare posse. Ex quo sua sponte sequitur, dari characteres, quibus ea, quæ Deus revelat, internosci nobis queant. Pone itaque, librum quendam 1. nihil docere, quod *rationi & experientia* sit contrarium; licet de *variis & gravissimis* rebus in eo agatur; 2. viam salutis ita in eo pandi, ut *mysteria*, quæ eo *sine* docentur, sua se decentia commendent; 3. Stilum ita esse comparatum, ut modo diximus; dum insuper nihil, quod scopum non ferit, in eo reperiatur, & cuncta rectissimo ordine sint disposita; 4. neque tamen auctorem aliorum scrinia compilasse; sed ad summum monumenta quædam historica in usus suos convertisse; 5. non deesse miracula, testificantia librum istum Divinæ esse originis; 6. eundem librum mirifice esse conservatum, & plurimos doctrinam, quæ in eo præcipitur, secutos esse; quo pacto per omnem seculorum decursum homini deperdito viam ad cælum potuerit monstrare, & haud paucis re ipsa monstraverit; 7. denique prædictiones rerum futurarum, quas intellectus finitus prælagire minime potest,

test, in eo reperiri. Pone, inquam, talem librum uspiam extare, ejusque imaginem ad vivum depictam sedulo contemplari contende: fallor, vel mecum agnoveris; Deum, si quidpiam, quod a dæmonum aliorumve impostorum fallaciis discernere valeamus, revelare queat, pro auctore ejusdem scripti habendum esse, coque rationem, qua æternum exitium evitemus, indicare voluisse. S. scripturam vero ita comparatam esse, invictis argumentis demonstrari potest. Verum, per temporis & spatij angustias, hæc pluribus exsequi non licet. Vide quæ supra jam dicta sunt, ut & STILLINGFLEET, WOLZELEY, aliosque. Methodum nos tantum indicavimus, qua evinci potest, codicem sacrum Divinæ esse originis.

CAP. VIII.

SUPERSTITIO QUID ET QUOTVPLEX?

SPECIATIM

DE IIS SUPERSTITIONVM GENERIBVS, QVAE DIRECTE CIRCA NVMINIS CVLTVM VERSANTVR.

Σύνοψις.

*A*theismum evitaturi, baud raro in superstitionem, ceu alterum extremum prolabuntur; superstitionis quid? §. I. Discrimen inter supersti-

tionem, & veram religionem, §. II.

Prima superstitionis species est, quæ circa objectum cultus divini aberrat, unde idololatria,

H h 4

latia, crassior & subtilior, §. III.

Pertinet huc illorum quoque error, qui Deo ea tribuunt, quae ei non conueniunt; item, qui motus & instinctus naturales pro diuinis habent, unde enthusiasmus, §. IV.

Altera superstitionis species circa modum cultus diuini versatur, idque ea primum ratione, ut nonnulli mandatum diuinum se sequi existiment, sed non re-

cte illud intelligant, §. V.

Huc & illi pertinent, qui in solo Numinis cultu externo, spem omnem salutis collocant, unde religio superficialis, §. VI.

Uterius progrediuntur, qui ipsimet colendi Deum quandam rationem sibi fingunt, unde idololatrya, §. VII.

Quae circa ritus praecipue & ceremonias, occupatur, §. VIII.

§. I.

VT ratio admodum homines in regia veritatis via, quae inter duo extrema media est, consistunt, ita in Numinis praecipue cultu hoc contingit, dum plurimi atheismum euitaturi in contrarium currunt, * Deumque equidem & credunt & colunt, sed peruerse admodum, nec ea, qua hoc fieri debebat, ratione. Hinc *superstitio*; quo nomine nihil aliud, quam praepostera atque peruersa colendi Deum ratio, intelligitur. **

* Atheismus & superstitio duo scopuli sunt sibi inuicem e diametro oppositi, ad quorum alterutrum facile naufragium faciunt, qui non satis caute

ac circumspecte incedunt. Non male IOANNES TOLANDVS: *Atheismus ergo & superstitio sunt veluti animorum scylla & charybdis. Sed extrema haec tam sunt evitanda, quam sequenda religio est, in medio sita; adeisidæmon. §. XXIV. pag. 79.* Satis quidem egregie, modo serio, & ex animi sententia, & non saltem ad fucum incautis faciendum ista dixisset. Eum enim reuera superstitionem a religione non distinguere, sed vtramque vno eodemque loco habere, ex dicendis patebit.

** THEOPHRASTVS superstitionem ita describit: *Ἀμίλει ἡ δεισιδαιμονία δέξιν εἶναι δειλάα πρὸς τὸ δαιμόνιον.* Superstitionem sane definire possumus, meticulosum erga Numen affectum; in characterib. morum, pag. 47. ISAACVS CASAVBONVS, ad b. l. observat, alios superstitionem ita definire: *δεισιδαιμονία ἐστὶ φόβος θεῶν καὶ δαιμόνων.* Sed Theophrastus, inquit, voce δαιμόνων & deos, & daemones complexus est, & quicquid divinitatis esse particeps male sana putavit antiquitas. Aëdit porro: *Δειλίαν* accipe metum alium ab eò, qui pijs decet. Seite enim Varro apud Augustinum dicebat, *Deum a religioso vereri, a superstitioso timeri.* Recte quidem, cum reuerentia Numinis seu timor cum amore coniunctus, & recta ratione innixus, pars praecipua sit verac religionis; vti contra ex metu serui vel puerili, ac irrationabili, superstitio, seu peruersa Deum colendi ratio proficiscitur. Luculentius hoc ex infra dicendis patebit, cum de causis superstitionis verba faciemus. Ne autem causam superstitionis cum re ipsa confunderemus, eam per praeposterum ac peruersum Numinis cultum definire maluimus, voce insuper nec strictè nimis, nec nimis late, sed in ea amplitudine accepta, vt omnes superstitionis species, deinceps enumerandas, complecteretur. Coniuncta etiam cum superstitione est *credulitas*, nisi & hanc inter causas eius referre velis, quae & latius patet, cum & credu-

dulitas sine superstitione esse queat, ad varia quippe obiecta sese extendens †.

† De voce *superstitio* videatur VOSSIIUS *de orig. & progressu Idolol.* L. I. C. 3. & JOH. OWENUS *Theologum* : L. I. C. 8. §. 56. de usu nominis Græci *δυσδαίμονια* consultatur J. C. SUICERUS *Thesaur. Eccles.* T. I. p. 827.

§. II.

Atque hinc quantopere *vera religio & superstitio* a se inuicem differant, patet. Illa non alium, quam verum Deum, & ea quidem ratione, qua coli vult ac debet, colit; hæc aut aliud quid, quam verum Deum, aut alio saltem modo, aliaque ratione, colit. Illa immotis certisque nititur veritatibus, quas sanæ mentis homo repudiare nequit; hæc adfectibus prauis, figmentis, commentisque subinde ludicris, quæ sanæ mentis homo nunquam admisit. Vnde ratione omni se destitutos demonstrant, qui religionem cum superstitione confundunt, nec hanc ab illa differre, sibi aliisque persuadere annuntur. *

* Eo diligentius, hoc, quod, ni fallor, luculenter exposui, obseruandum est, religionis & superstitionis discrimen, quod solennius est atheis, hæc inter se commiscere, & sub superstitionis nomine etiam religionem refutare atque traducere. Sane quidem non negauerim, veteres quandoque religionis voce pro superstitione uti, ut cum T. LVCRETIUS CARVS, de *natura rerum lib. I.* dicit:

Tantum religio potuit suadere malorum.

Quæ verba cum IOANNES TOLANDVS adduxisset, subiicit: *Vbi notandum est, religionis voce in plerisque*

que auctoribus classicis non genuinam denotari pietatem, aut internum Numinis cultum; sed pro quavis absurdissima superstitione usurpari, (quod mille possemus demonstrare exemplis) ac maxime pro externis ritibus & ceremoniis; quo sensu idem Lucretius notari debet, quando dicit:

Religio peperit scelerosa atque impia facta,

adeisidaem. pag. 70. Verum & illud certum est, minus accurate loqui, qui hac voce ita vtuntur, quemadmodum alii caute & circumspicte religionem a superstitione distinguunt. LVCRETIVM autem hoc non facere, mirum non est, cum Epicuracis, utpote atheis, omnis religio non nisi mera videri potuerit superstitio. Ceterum etsi TOLANDVS haec velut improbando referat, & subinde testetur, se religionis ac superstitionis discrimen agnoscere, reuera tamen omnia saltem ad caliginem imperitorum animis offundendam pertinent. Cum enim non alium, vt supra iam demonstratum, quam ipsam naturam admittat Deum, quaenam quaeso eius potest esse religio? aut nonne omnis religio reuera vana & inepta, hoc est, mera superstitio ei videri potest? Sed, vt reliquis atheis, ita & TOLANDO solenne est, vocibus ludere, simulque illudere lectoribus. Sapientiam namque, religionem, pietatem, dum in ore habent, nihil aliud intelligunt, quam cognitionem rerum causarumque naturalium, quam induratus animus omni metu, tum praesentium, tum futurorum, exsolutus, & ad omnes casus paratus sit, nec vacillet vnquam, aut turbetur, eo, quod probe sciat, nihil esse, nisi naturale, nec contingere quicquam, nisi quod secundum ordinem naturae necessario contingere debebat. Paucis: talis iuxta atheos est vir pius & religiosus, in quem illud VIRGILII quadret:

*Felix! qui potuit rerum cognoscere causas,
Atque metus omnes & inexorabile fatum
Subiecit pedibus, strepitumque Acherontis auari,
Georgicor.*

Gorgicor. libr. II. vers. 415. Atque hinc, qualis & TOLANDI, quam prae se fert, religio sit, intelligere licet, quam & ex callidae dissimulationis tenebris euolutam exhibet IAC. FAYVS, in *aesensione religionis* &c. *part. I. cap. IV. pag. 25. seqq.* Ceterum, quod diximus, nonnullos gentilium, ex ipsis etiam philosophis, religionem a superstitione rite discernuisse, id vel CICERONIS testimonio constat, qui & utriusque vocis veram originem simul nos conducet: *Cultus autem deorum est optimus, idemque castissimus, atque sanctissimus, plenissimusque pietatis, ut eos semper pura, integra, incorrupta & mente & voce veneremur; non enim philosophi solum, verum etiam maiores nostri superstitionem a religione separauerunt. Nam qui totos dies precabantur, & immolabant, ut sui sibi liberi superstites essent, superstitiosi sunt adpellati, quod nomen postea latius patuit. Qui autem omnia, quae ad cultum deorum pertinent, diligenter retractarent, & tanquam relegerent, sunt dicti religiosi, ex relegendo, ut elegantes ex eligendo, tanquam a diligendo diligentes, ex intelligendo intelligentes. Hic enim in verbis omnibus inest vis legendi eadem, quae in religioso. Ita factum est in superstitioso & religioso, alteram vitii nomen, alteram laudis; de natur. deor. libr. II. cap. XXVIII. pag. m. 1224. †*

† Actiones superstitiosae licet intuitu Dei fieri videantur: ita tamen non fiunt, ut homo in iis peragendis impulsu perfectionum Divinarum duci jure haberi possit; quæ vera cultus est definitio, quam dedit WOLFFIUS.

§. III.

Cum vero non una ratione a recto Numinis cultu homines aberrare queant, non unum quoque datur superstitionis genus*. Primo autem loco merito illi commemorandi sunt, qui non verum Deum, sed eius loco aliud quid, ut solem,

lem, lunam, ceteraque coeli sidera, aut reliquas res creatas, vel ipsos etiam homines colunt. Quae superstitionis species *idololatriae* nomine venit, estque vel *crassior*, cum quis directe & ipsa animi sententia rebus creatis diuinitatem tribuit, vel *subtilior*, cum quis indirecte & animi adfectu idem facit, amore, qui soli Deo debetur, se ipsum, vel alios homines, aut res creatas prosequendo, vel alia ratione. **

* Duplici potissimum ratione contingere potest, ut in Numinis cultu se peruerse gerant homines; primo, si circa *obiectum* cultus religiosi, deinde, si circa *modum*, a recto tramite aberrant. Hinc omnia superstitionum genera ad duas velut classes reuocari possunt. Si circa obiectum aberrent, *idololatria* inde oritur, quam nonnulli a superstitione distinguunt, hac voce illud vitium designantes, quo circa modum aberratur, quos etiam secutus sum in *institutionib. theolog. moral. part. II. cap. III. sect. I. ad §. LXXIX.* Hic vero vocem superstitionis in latiori, ut antea iam monuimus, ambitu sumimus, prout omnem, quae in cultu Numinis conspicitur, perueritatem denotat, siue ex obiecto, siue ex modo oriatur.

** De origine, progressu, & praecipuis generibus crassioris idololatriae, dictum a me in *histor. ecclesiast. vet. testam. ad per. I. sect. II. §. XII. pag. 241. seqq.* ubi & auctores, qui hac de re ex instituto egerunt, laudaui. Nec perfunctorie obseruandum puto, quod ibidem luculenter, ni fallor, ostendi, crassiorem idololatriam a subtiliori originem trahere. Paucis autem, sed ἐμφαιτικῶς, crassiorem illam idololatriam describit gentium doctor optimus Paulus, de gentilibus asserens, eos *gloriam immortalis Dei ad imagines / miles hominis mortalis, & volucrum & quadrupedum, & serpentium transtulisse*, Rom. I. vers.

vers. 23. Sed ab ista idololatria, cuius foeditatem & absurditatem ipsa ratio facile intelligit, (quemadmodum & philosophi, ac qui sapientiores fuerunt inter gentiles, intellexerunt) liberata hodie per Dei gratiam magna orbis pars est, postquam religio christiana a plerisque gentibus est recepta, etsi adhuc quaedam eiusmodi tenebris immersae hinc inde reperiantur. Inter ipsos vero christianos, praesertim in ecclesia Romana, non deesse, qui non procul ab ista idololatria absint, constat, & alibi ex instituto docetur †. De subtiliori idololatria idem gentium doctor Rom. II. 22. eleganter loquitur: ο βδελυσσόμενος τὰ ἰδωλά, ἱεροσολαῖς. Nimirum, qui sibi ipsis, aut sui causa, rebus creatis, ut avaritiam, ambitionem, voluptatisque cupiditatem expleant, plus, quam decebat, tribuunt, quantumvis externam idolatriam detestentur; reuera tamen nihil aliud agunt, quam ut, quae Deo debentur, ei eripiant, omnique eum spolient honore ac veneratione ††. Iungenda, quae hac de re dixi, institution. theolog. moral. part. II. cap. III. sect. I. ad §. LXXIX.

† v. JURIEU *prejugez legitimes contre le Papisme* P. 2. C. 3. & 4. conf. quoque *Bibliothèque Britannique* T. 1. p. 1. art. 6.

†† Cum bonum apparens sub specie honestatis nobis illudit, oritur *Ambitio*; quoties jucundi speciem induit, *Veluptas*; dum vero *Utile* videtur, *Avaritia* nascitur. Conf. HENNECCIUM *elem. Philos. mor.* C. 2. sect. 3. §. 73. & 74. eo respicere videtur JOANNES Ep. 1. C. 2. vs. 16. & ad tria haec capita omnis subtilior idololatria referri potest.

§. IV.

Referre ad hancce classem quodammodo & illos licet, qui per errorem, nimiamque credulitatem, Deo ea tribuunt, quae ei minime tribuenda erant. Nec illi tantum hic peccant, qui
non-

nonnulla de Deo sibi credenda putant, quae neutiquam a Deo, vt crederentur, sunt reuelata, * sed & qui instinctus motusque mere naturales, pro diuinis habent; eo difficilius ab errore liberandi, quo grauius se admissuros crimen metuunt, si quae diuina esse putant, ceu humana aut naturalia, reiicerent atque repudiarent. Vnde &, quousque *enthusiasmus* hic locum sibi vindicet, patet. **

* Vt vera religio sibi constet, non tantum circa obiectum verum cultus religiosi versari debet, sed idem etiam obiectum rite cognoscendum est. Nec enim verum Deum recte colere potest, qui eum non recte cognoscit. Deum autem non recte cognitum qui colit, eum peruerse colit, adeoque & superstitionis reus est. Tam late autem haec superstitionis species patet, quam ipsa Dei cognitio vera extenditur. Plurima autem esse, quae homines a Deo sibi reuelata esse, imaginantur, cum reuelata non sint, exempla quotidiana, vt dogma de *transubstantiatione*, de *purgatorio*, similiaque, in ecclesia Romana, sed alibi quoque, obuia, docent.

** De enthusiasmo, variisque eius generibus, causis item & reliquis eo spectantibus, ex instituto dictum *institution. theolog. moral. part. I. sect. V. §. XVIII. seqq.* quae vt hic repetamus necesse non est. Eo minus autem ad superstitionem cum referre dubitavi, quod non tantum Deum peruerse colant, qui hocce morbo laborant, sed quod plerumque fons & scaturigo multorum aliorum actuum sit, quibus Deus peruerse colitur, & superstitio sese exerit. Intelligimus autem hoc de enthusiasmo vere tali, sumra voce in partem deteriorem. Motus enim credentium vere diuinos, aut enthusiasmi aut superstitionis nomine insignire velle summum foret piaculum †. Obseruandum hoc contra atheos, similes-

lesque homines profanos, quibus vera & falsa, bona & mala, diuina & naturalia, inter se confundere uolupte est.

† Conf. BÜTTSTETT I. supra laudato, in *præfat.*

§. V.

In modo etiam verum Numen colendi, vel maxime superstitio sese exerit; idque iterum non una ratione. Interdum enim ipsum Numinis mandatum in eius cultu se sequi homines existimant, per errorem tamen, falsamque imaginationem, non recte illud intelligentes, aut ultra, quam par erat, extendentes. Cumque leges diuinae vel negatiuae sint, vel affirmatiuae, in utrisque quandoque superstitio campum amplissimum, in quo vim suam exerat, inuenit.*

- * Omnis equidem superstitio non Dei mandato, sed figmentis, vanisque ingenii humani commentis, nititur. Interdum tamen contingit, ut species quaedam iuris ac mandati diuini adit, quae in aliis generibus superstitionis deest, de quibus deinceps dicemus. Nunc ergo de ea superstitione loquimur, quae speciem quandam mandati diuini habet, per erroneam legis interpretationem, aut indebitam ad ea, quae nec prohibita sunt, extensionem, idque tum qua omissionem, tum qua commissionem. Vtriusque exempla passim prostant. Ad omissionem superstitionis referre licet illa Apostoli: *μηδὲ ἄψυ, μηδὲ γένου, μηδὲ θύτης, Coloss. II. 21.* Erant nimirum in primitiua ecclesia, qui haud dubio ex superstitiosa Phariseorum schola, prodierant, qui sibi aliisque persuadebant, nefas esse, hoc aut illo ciborum genere vesci, quia a Deo prohibita essent; immo

immo nefas esse, hoc aut illud attingere, ne quis pollueretur; sed legitimas quoque nuptias damna-
bant, & inter vetita referebant. Nimirum Deus
equidem in veteri testamento certas de animalibus
puris & impuris leges sanciuerat, itemque de im-
puritate, quam quis ex cadaueris, aut alterius rei
impurae, contrectatione contrahere poterat. Hasce
leges recte obseruabant ii, quibus datae erant, &
quamdiu vim habebant obligandi. Sed, qui illas
aliis etiam obtrudebant, easque obseruandas con-
tendebant, cum earum obligatio iam cessaret, su-
perstitionis rei erant. Multo magis eodem crimine
se obstringebant, dum nuptias a Deo prohibitas fin-
gebant, quae tamen licitae erant; cuiusmodi homi-
nes in veteri ecclesia extitisse, ex constitutionibus,
quas vocant, apostolicis discimus: τοιαῦτα καὶ νῦν
ἐποίησαν οἱ δυσωνυμοὶ, διαβάλλοντες ἀμειβίαν,
γάμον, πρένοιν, τεκνογονίαν, κ. τ. λ. *consimiles*
libros nunc quoque ediderunt inauspicati homines, ca-
lumniantes creationem, nuptias, promidentiam, pro-
creationem liberorum &c. lib. VI. cap. XVI. †. Sunt,
qui putant, apostolum, *loc. cit.* ad Pythagoraeos,
vel Gnosticos potius, qui ex Pythagorae schola
quaedam acceperant, respicere, eo quod abstinentia
ab esu animalium haud vltima pars disciplinae Py-
thagoraeae esset; vid. HVG. GROTIUS, atque HEN-
RIGVS HAMMONDVS, ad *b. l.* Quod minus equidem
verosimile mihi videtur, cum, quae apostolus ad-
fert, pharisaicam superstitionem satis aperte redo-
leant. Interim ipsa illa Pythagoraea ab esu anima-
lium abstinentia, superstitionis eiusmodi, de qua
hic verba facimus, exemplum praebet; ex hac quip-
pe opinione orta, quod omnium inter se esset co-
gnatio quaedam, & anima ex vno corpore in aliud
transiret. Hanc enim istius rei causam, de absti-
nentia illa differens, adfert SENECA: *At Pythago-*
ras, omnium inter omnia cognationem esse, dicebat,
& aliorum commercium in alias atque alias formas
transeuntium; epist. CVIII. pag. m. 534. Etenim,
si temperantiae causa saltem ab esu animalium ab-

stinuissent; si non laudem, certe excusationem promeruissent. Sed, cum errore vano ducti, ob rationem allatam, cum iure naturae illicitum putarent, si, quae a **SENECA** dicta, admittamus, a superstitione quadam absolui non poterant. Et ea quidem ratione saepissime homines vetitum aliquid esse, sibi imaginantur, quod vetitum non est. Rursus vero & praeceptum aliquid esse putant, quod tamen praeceptum non est. Exemplum rursus Pharisei praebent, praeter alia in phylacterijs haud exiguum religionis partem constituentes, inque iis ad ineptias usque superstitiosi, vii ex iis, quae ipse **R. MOSES MAIMONIDES**, *tractat. de Thepbillin*, aliquae eiusdem gentis magistri de iis disputant, patet. Errore namque ducti ab ipso Mose eiusmodi quid sibi praeceptum esse, existimabant, *Exod. XIII. 16. & Deut. VI. 8.* cum tamen istorum locorum is minime sensus sit, ut alibi ostensum ††. Legenda, quae in compendio hac de re differit **AVGVSTVS PFEIFFERVS**, in *antiquitatib. ebraic. selectis cap. XI. cum primis §. IV.* In hisce tamen omnibus rite diiudicandis cautio adhibenda; primo quidem, ne in alterum curramus extremum, & ea aut prohibita aut praecepta negemus, quae reuera prohibita aut praecepta sunt; multo minus eos, qui euitant, quae reuera prohibita sunt, aut faciunt, quae sunt praecepta, statim superstitionis arguamus †††. Si quis enim, e. g. ad monitum apostoli *Rom. XII. vers. 2. τὸ σχῆμα* huius mundi in sermone, gestu, aliisque rebus, quae vulgo pro indifferentibus habentur, sed reuera illicitae sunt, assumere nolit, tantum abest, ut iure superstitionis argui queat, ut suis potius quam rectissime rebus consulat. Deinde, si quis forte per imbecillitatem ductus in errore quodam versetur, non statim ceu homo superstitiosus traducendus aut reiciendus est. Tales enim tolerandos, & aequo ferendos animo, immo cauendum, ne temere eos offendamus, Paulus apostolus nos condocet, *Rom. XIV. 15. seqq. it. I. Corinth. VIII. 11. 12. 13* †††.

† Mira

† Mira sunt quæ de conjugio a Fanaticis docentur. Impia tamen potius quam superstitiosa ea dixeris, quæ DAVID GEORGII docuit. v. Nic. BLESIDIUM in *ejus vita* p. 24. & seqq.

†† Conf. CLERICUM ad Exod. 13. 9.

††† Quod sæpiusculè a cujusvis ordinis hominibus, sive per inconsiderantiam, sive per malitiam, fieri videmus.

†††† Quod homines nonnulli, qui Pietati nomen dederunt, voce nimis lenta loquantur, & gestibus nimium austeris tædium spectatori creent, negari non potest. Eos nihilo secius diligere debemus, quoniam Deum colunt ac amore prosequuntur. Loquor enim de vere piis; non vero de hypocritis. Omnes autem, qui in iis, quæ jam diximus, peccant, hypocritis annumerare, temerariæ & impudentissimæ indolis est indicium.

§. VI.

In eundem hic censum merito & illi veniunt, qui in solo cultu Dei externo spem omnem salutis collocant, de interno, seu animo a vitiorum sordibus per veram poenitentiam purgando, parum solliciti. Placet namque plerisque mortalium ista colendi Deum ratio, eo quod cum pravis, quibus indulgent, cupiditatibus, eam consistere posse, sibi persuadent. Quia tamen reuera & hic peruersus praeposterusque Numinis cultus est, non alio, quam superstitionis nomine est insigniendus, quamvis aliis *religio superficialia*, eodem tamen sensu, dicatur. *

* Loquimur de eo cultu Numinis externo, qui ab eo praeceptus est, aut saltem a Deo praecepto non aduersatur. Hic enim etsi in se spectatus recte se habeat, & non modo licitus sed quandoque prorsus necessarius sit, in meram tamen

superstitionem degenerat, quando homines eo solo, missō cultu interno, se Deo placere posse, existimant. Quid enim aliud peruersa ratio Numen colendi est, si hoc non est? Mirifice mihi semper placuerunt, quae hac de re scripsit SAMUEL PFENDORFIVS: *Est praeterea & illud circa diversitatem religionum in vniuersum obseruandum, complures earum satis habere, actibus ac ritibus quibusdam exterioribus desungi, qui etiam absque interiore emendatione & sanctimonia animae peragi possunt; quam tamen Deus praecipue in genuino sui cultu requirit. Idque inde prouenit, quod ii, quois Deus veram religionem, irrepente paulatim tepore ac segnitie libidinibus frenum iniicere, animumque iisdem expurgare, durum nimis indicarunt; eoque demum deuoluti sunt, ut exterioribus acquiescerent, ac eiusmodi religionem comminiscerentur, per quam cupidinibus suis indulgere possent, ac simul tamen de pace Numinis opinionem conciperent. Illi autem, qui sibi met ipsis religionem inuenerunt, omnes in eo consensere, ut eandem fere ad exteriores quosdam actus redigerent, qui etiam ab impurissimis hominibus exacte obseruari possent. Sicuti & fieri non potest, ut citra diuinam reuelationem humanum ingenium religionem possit excogitare, quae ad purificandum animum pertingat. Vnde in vniuersum religionem possis diuidere in solidam & superficialiā, seu histrionicā. Sane, si omnes commentitias religiones, veteres iuxta ac recentes excutias, omnes ad superficialiarum classē referendas agnoscas, quae fere certis ritibus absoluuntur; ac si maxime quid de moribus adspargant, id tamen expurgandis humani pectoris sordibus haud quidquam sufficit. Sacrum autem codicem euoluenti perpetuus labor diuini spiritus adparebit circa eam opinionem animis hominum eradicandam, quasi ad cultum diuinum qualescunque actus externi sufficiant, nisi interna animi purificatio adfuerit. Et quanquam sapientiae diuinae placuerat, populum Israēliticum opusarum iugo ceremoniarum adstringere, ac praecipue per sacrificia futuram mundi expiationem a Messia praestandam ipsorum animis subinde ingerere :*

tamen

tamen cum isti in solis istis ritibus defixi haerent, ac demum Messiae fere obliti, per victimas reuera animi sui labem expiare, ac earum animas in sui locum substitui sibi persuaderent, adeoque totum cultum *Leuiticum* in *superficiariae* religionis instrumentum verterent, Deus per prophetas eum errorem subinde castigabat, uti & quod legi morali qualicunque actus externi obseruantia satisfieri putarent. vid. I. Sam. XV. 22. Psalm. L. 8. seqq. Esa. I. vers. 1. seqq. XXIX. 13. Ierem. VI. 20. VII. 3. Amos. V. 21. seqq. Mich. VI. 6. 7. 8. & passim. Sic & Saluatori nostro maximum fuit certamen cum sui temporis Iudaeis, qui diuinitus traditam religionem fere in *superficiariam* verterant; vid. Matth. V. 20. seqq. VI. 1.-18. XV. 1.-20. XXIII. 13.-28. Marc. VIII. 1. 23. Luc. XI. 38.-47. XIV. 33. XVII. 20. 21. in iure feicali diuino, seu de consensu & dissensu inter Protestantes, &c. XI. pag. 42. seqq. Non minus lectu digna, quae de Romanensibus subiicit, eorum totam fere religionem *superficiariam* esse. Nec tamen aut Iudaei soli, aut Pontificii hocce morbo laborant, ad quem omnes homines natura sua sunt pronissimi. Quo enim illis molestius est cupiditatibus prauis, quibuscum verus & internus Numinis cultus consistere nequit, quippe qui animum purum castumque, Deique amorem, omnibus huius seculi rebus praeferentem, requirit, frenum iniicere, eo audius eam religionis speciem arripiunt, qua se Deo gratos esse putant, etiamsi vitiorum sordibus immeriti mancant. Quare ut olim in scriptis prophetarum veteris testamenti nihil fere frequentius, quam quod Iudaeos hoc nomine obiurgauerint, demonstraerintque, preces, sacrificia, ieiunia, si fides, seriumque pietatis ac virtutis studium, absit, Deo minime grata esse; ita & ad hodiernum vsque diem cordatissimi quique doctorum ecclesiae evangelicae idem sibi datum crediderunt, ingentem illam, quae per errorem huncce plurimis mortalium infertur, stragem perspicientes, aegerrimeque ferentes. Neutiquam autem haec ita capienda sunt, ac si cultui

externo Numinis legitimo hac ratione quidquam derogetur. Hic enim prout ad cultum internum promouendum, ac conseruandum facit, non tantum utilis, sed prorsus necessarius est, legeque diuina nititur. Eadem enim lex, quae iubet, vt Deum colamus, simul etiam iubet, vt media cultum internum promouere apta, adhibeamus. Idque cum ipsa ratio dicitur, haftenus etiam dici potest, cultum externum niti iure naturae †, prout ex ipsa ratione nobis innotescit. Prout vero cultus diuinus externus eiusmodi quid supponit, quod ex reuelatione tantum constat, vti sacramenta, & tota euangelii doctrina, directe quidem ratio de eo nihil cognoscit; quod & de legibus particularibus, quibus cultus externus veteris testamenti nitebatur, intelligendum: quanquam in hisce omnibus principium illud generale iuris naturae, homini ea omnia facienda, quibus salutem suam promouere potest, fundamenti loco subternatur. Cultus praeterea externus, in se & absque cultu interno spectatus, animas hominum a vitiorum sordibus purgare nequit ††; prout autem ad excitandam, fouendam, confirmandam fidem, qua hominum corda purgantur, *Actor. XV. 9.* necessarius est, facile intelligitur, quousque etiam ad cordium purgationem aliquid conferre queat. Sed necessitatem cultus externi legitimi, & in vsu suo recte spectati, pluribus adstruxi in *institut. theolog. moral. part. II. cap. III. Sect. 2. §. XVIII. seqq.*

† Quod tamen a nonnullis in dubium vocatur, quos Auctor refellit *Theol. Mor. P. 2. C. 3. sect. 2. §. 1. & seq. ut & §. 18.*

†† Conf. quoque celeb. CANZIUM *us. Philos. Leibnis. & Wolff. in Theol. T. 2. P. 2. C. 7.*

§. VII.

Subinde & ulterius homines progrediuntur,
&

& sibi met ipsis cultum quendam Numinis externum fingunt, qui nec mandato diuino speciali nititur, nec generali, dum ad cultum internum aut promouendum, aut conseruandum, nihil facit. Quo grauius autem peccant, in eo omnem religionem collocantes, eo turpior est superstitio, cuius hoc ipso rei fiunt; quae speciatim *ἑτεροθρησκείας* nomine venire solet. *

- * Vox *ἑτεροθρησκείας*, qua Paulus *Coloss. II. vers. 23.* vtitur, *cultum voluntarium & spontaneum* denotat, vt ERASMVS SCHMIDIUS, ad *b. l.* pluribus ostendit. Paulus tamen in malam partem eam accipit, eaque superstitionem illorum designat, qui *ἐντάλματα & διδασκαλίας ἀνθρώπων* docebant. Hi autem quoniam sub *προφάσει* cultus spontanei & voluntarii illud faciebant, ideo gentium doctor *ἑτεροθρησκείαν* illis tribuit. Vt enim reliquis mortalium vitiis, ita & superstitioni non temere color aut species deest, qua incauti fallantur; conf. ABR. CALOVIUS, ad *Coloss. II. 23.* Potest equidem generatim omnis superstitio hac voce designari, cum homo supersticiosus in peruersa colendi Deum ratione, non mandatum aut praeceptum diuinum, sed suum potius ingenium, suumque arbitratum, sequatur: speciatim tamen rectissime de iis adhibetur, qui cultum Numinis, omni mandato diuino speciali & generali destitutum sequuntur, adeoque nihil aliud, quam *ἐντάλματα & διδασκαλίας ἀνθρώπων* pro norma habent & in eo omnem religionem collocant. Tales vtiq; apostolus, *loc. cit.* designat. Vnde & quo pacto haec superstitionis species a praecedenti differat, patet. Illicitam autem prorsus esse eiusmodi *ἑτεροθρησκείαν*, haud difficulter probari potest. Cultus enim Numinis maiestati eius & dignitati respondere debet; adeoque solus Deus, quo pacto coli velit, hominibus potest reuelare. Id au-

tem abunde fecit, primo quidem quodammodo per rectam rationem, sed plenius & sufficienter per reuelationem. In hocce itaque cultu, qui non acquiescit, stolido conatu aliquid sibi tribuit, quod hominum vires longissime superat, immo ipso velut Deo sapientior sibi videtur. Cultus præterea Dei respondere debet eius cognitioni. Prout ergo homo non aliter Deum cognoscere potest, quam prout se hominibus reuelauit, ita nec aliter eum colere debet, quam prout se coli velle ipsemet ostendit. Non alia denique causa est, cur milere mortales ad *εὐλοθεῖαν* adeo proni sunt, quam quoniam hac ratione religionem se inuenturos sperant, quacum prauae illorum consistere queant cupiditates. Quo ipso animum peruersum satis superque indicant. Deus equidem in veteri testamento per leges speciales populo Israelitico datas, nonnulla fanciuit, quae in se spectata, sunt arbitraria. Quemadmodum vero Deo causae grauissimae sanctissimaeque fuere, cur illud faceret, quae alibi ex instituto explicantur; ita quod Deus fecit, non statim hominibus imitari fas est. Habent mortales satis superque quod agant, si ea obseruare rite velint, quae interni cultus ratio, sed externi quoque, prout mandato diuino nritur, ab omnibus postulat, vt suis in cultu Numinis inuentis facile carere queant. Quod si etiam semel ea in re ingenio suo indulgere coeperunt, facile ad absona quaeuis, inepta & Deo plane indigna prolabantur. Non ethnicorum impias superstitiones, bacchanalia †, eleusinia sacra, & reliqua commemorabo, in quibus eo vsque illorum insania processit, vt eiusmodi institutis se Deum colere arbitrarentur, quibus non poterat non vel maxime offendi, immo quibus nihil turpius, nihil execrabilius cogitari potuit. Namque & inter eos, qui christianorum nomine veniunt, non defuerunt, qui ineptae eiusmodi & prorsus absontae superstitionis exemplum praeberent. Inter veteres haereticos & Ascitae commemorantur, quasi *Vtrarios* vel *Vtricularios* dicas, a voce *ἄσχος*, quae *utrem* significat;

cat; quem gestare, inquit AVGVSTINVS, perhibentur inflatum & apertum circumire bacchantes, tanquam ipsi sint euangelici vires noui, vino nouo repleti; de haeresib. cap. LXII. Iungendi his Pattalorinchitae, qui, vt idem Hipponensium praesul auctor est, in tantum silentio student, vt naribus & labris suis digitum opponant, ne vel ipsam taciturnitatem voce praeripiant, quando tacendum sibi esse arbitrantur? qui tamen simul profitetur, cum πάτταλος graece palus dicatur, δάκτυλος autem digitus, se nescire, cur non Daetylrorinchitae potius dicti sint, quam Pattolrinchitae; ῥίγρον enim significare nasum, loc. cit. cap. LXIII. Nec praetermittendi Heraelebnitae, de quibus idem auctor: Feruntur autem suos morientes nouo modo quasi redimere, id est, per oleum, balsamum, & aquam, & inuocationes, quas hebraicis verbis dicunt, super capita eorum. loc. cit. cap. XVII. Quis vero non miretur Ophitas, a serpente seu colubro dictos, quem nutriebant & venerabantur, qui & incantante sacerdote egrediebatur de spelunca, & ascendebat super altare innixum speluncae, & oblationes eorum lambebat, & postquam circa eas se inuoluerat, regrediebatur ad speluncam, & ita confringebant oblationes in eucharistiam, quasi a serpente Christo sanctificatas, vt idem AVGVSTINVS auctor est, loc. cit. cap. XVII ††. Immo quis non cum summa detestatione abominetur Cataphrygum & Pepuzianorum, item Gnosticorum & Manichaeorum sacra; quorum illi sanguini humano, hi semini panem eucharisticum permiscuisse dicuntur? Ad istam vero tandem insaniam, quid aliud, quam ε'δελοθρησκε'α homines perduxit? Verbo enim diuino si stricte inhaesissent, nec suo ingenio, nouumque cultum comminiscendi libidini, nimium indulgissent, nunquam ad istum impietatis & stultitiae peruenissent gradum.

† Bacchi sacra ipsis gentilibus erant inuisa. BUDDEVS Hist. Eccl. V. Test. T. 1. p. 544. Eleusinia quoque pessime audiunt. v. l. c. p. 811.

†† De origine cultus serpentum nuperrime egit UR. FREUDENBERGERUS, qui cum deducit a Diaboli conatuprimum Euangelium irritum faciendi. *Tempe Helvetica* T. 1. *Secl.* 1. *Art.* 5. conf. tamen *Secl.* 3. *Art.* 9.

§. VIII.

Ista superstitionis species, quam ἐθελοθρησκείαν dicimus, in ritibus maxime ac ceremoniis variis sese exerit. Enimuero vt cultus Numinis externus sine ritibus ac ceremoniis esse nequit, cum inter christianos etiam πάντα εὐσχημόνως καὶ κατὰ τάξιν fieri debeant; ita, qui ritus & ceremonias superfluas minusque necessarias aut exco- gitant, aut sectantur, ita quidem, vt, si non omnem tandem religionem, praecipuam tamen eius partem, in iis collocent, eiusmodi ἐθελοθρησκείας & superstitionis reos esse, non temere quisquam negauerit. *

- * Exempla plurima eiusmodi superstitionis & ἐθελοθρησκείας Romagenfes praebent, qui, vt SAMUEL PUFENDORFIUS recte pronuntiat, simplicitatem genuinae religionis christianae infinitis ceremoniis adornarunt, exteriora sensuum distinentibus, nulla cordis munditie. Exempli causa, ita idem pergit, tetigisse suffecerit precum plerumque non intellectarum, ac in summis labiis natarum battologias, expresse a salvatore improbatae, Matth. VI. 7. quas ad rosarii globulos admetiri moris est. Quo sine recens scriptor gallicus ab omnibus feminis Hispanicis lautae conditionis rosaria gestari tradit, tantum non in terram propendentia, quae sine fine recitent, dum per plateas incedunt, inter chartarum ludum, inter confabulationes cum aliis; quin, dum amoribus operantur, dum mentiuntur, aliosque traducunt. Inter ista semper ad rosarii ductum aliquid demurmurant, etiam ubi in magno hominum coetu

coetu versantur, &c. in iure feciali diuino §. XI. pag. 44. 45. Sed praeter *rosaria* huc etiam pertinent *processiones solennes, aqua lustralis, horae canonicae, unctio extrema, vestimentorum*, quorum in sacris vsus est, *genera varia*; in quibus nonnulli insuper per interpretationem allegoricam magna mysteria quaerunt, & quae alia sunt eiusdem generis, numero fere infinita, de quibus, qui de ritibus Romanae ecclesiae ex instituto egerunt, IO. STEPHANVS DV-RANTVS, BARTHOLOMAEVS GAVANTVS, IO. BAPTISTA CASALIVS, aliique, plura suppeditant †. Haec enim omnia, & quae reliqua sunt eiusdem generis, cum nullo Numinis mandato, nec generali, nec speciali, nitantur, internumque Numinis cultum impediunt potius, quam promoueant, non alio profecto, quam superstitiosae *ἰδεοδγκειῖας* loco, haberi possunt.

† Conf. J. DALLÆUM *adversus Lat. de cultus relig. obiecto traditionem.*

CAP. IX.

D E

IIS SVPERSTITIONVM GENERI-
BVS, QVAE INDIRECTE CIRCA
NVMINIS CVLTVM VER-
SANTVR.

Σύνοψις.

*I*llae hominum opinio-
nes, actionesque, qui-
bus rebus creatis, aut
mediis gratiae, ea tri-
buunt, quae illis tri-
buenda non erant, ut
indirecte Numinis cul-
tum euertunt, ita su-
perstitionis nomine iti-
dem recte insigniuntur,
§. I.

Pertinent itaque huc qui
mediis gratiae non eo,
quo par erat, modo,
nec eum in finem, in
quem constituta sunt,
utuntur, §. II.

Deinde illi, qui rebus
creatis, & primo qui-
dem spiritibus, plus,
quam decebat, tri-

buunt, unde magia,
& artes magicae, §.
III.

Non minus & illi, qui
ea ratione circa effica-
ciam & operationem
astrorum aberrant, un-
de superstitione astrologi-
ca, §. IV.

Superstitio & credulitas
hominum circa plan-
tas, lapides, animan-
tium partes; item, cir-
ca litteras, voces,
characteres; ubi & de
amuletis periaptis, si-
milibusque, ut & de
omnibus, §. V.

Temporum, locorum, no-
minumque propriorum
fatalitas, superstitione
non

*non caret, §. VI. nequeunt, condiscere
Denique & illi rebus cupiunt; unde & su-
creatis, plus quam de- perstitio diuinatoria,
cebat, tribuunt, qui cutus iterum variae
ex iis futura, quas sunt species, §. VII.
reuelare, aut indicare*

§. I.

Solent subinde miseri mortales ex animi leuitate, stolidaque credulitate, multa fuscipere, quae directe quidem ad cultum Numinis non pertinent, indirecte tamen eundem evertunt, adeoque cum vera religione consistere nequeunt, hinc & merito itidem superstitionis nomine comprehenduntur. Illas nimirum hominum opiniones actionesque cumprimis indigito, quibus rebus creatis, aut ipsis etiam mediis gratiae, ad hominum salutem a Deo ordinatis, ea tribuunt, quae Deo potius tribuenda erant, vel aperte saltem hominem eiusmodi, honorem Deo debitum illi non reddere, arguunt. *

* Sunt ea, quae hic in censum veniunt, maximam partem ita comparata, ut, cum ex inepta & prorsus ridicula credulitate proficiscantur, summumque iudicii defectum in eiusmodi hominibus arguant, pro stultitiae potius, quam superstitionis documentis habenda videantur. Quemadmodum vero haec omnia ex unico fonte, nimia & inepta credulitate, accedentibus tamen adfectibus diuersis, ut deinceps dicemus, profluunt, ita, licet directe quidem circa Numinis cultum non versentur, cum vero tamen & genuino cultu consistere nulla ratione possunt, & hactenus rectissi-

rectissime superstitionis nomine insigniuntur. Qui enim mediis gratiae, verbo Dei, & sacramentis, alium in finem vtitur, quam in quem Deus ea constituit; qui spiritibus malignis ea tribuit, quae Deo tribuere debebat, vel contra Numinis mandatum, eorum ope & auxilio vti conatur; qui intempestiva curiositate ductus, ex astrorum positu aut aliis signis futura, quae Deus reuelare noluit, cōdiscere an nititur; qui ad mala euitanda, morbosque depellendos, non mediis a Deo ordinatis, sed characteribus, amuletis, similibusque vtitur, aut alia eiusdem generis designat; de eo sane, quod Deum, vt decet, & vt vera fides postulat, diligat, timeat, fiduciamque in eo solo collocet, (quae cultus interni summa est) dici nequit. Accedit, quod in hisce omnibus ad credulitatem ineptam praeus aliquis adfectus, auaritia, metus inconsultus, & diffidentia in Deum, aut intempestiva cupiditas per illicita aliquid obtinendi, accedat; qui profecto cum sincero Numinis amore, aut timore filiali, consistere nequit.

§. II.

Et ad media quidem gratiae, vt de iis primo loco dicamus, quod attinet, cum ea non alium in finem a Deo constituta sint, quam vt per ea rite & legitime vsurpata, fides hominum excitetur, alatur, foueatur, confirmetur, grauissime peccant, turpissimaeque superstitionis rei sunt, qui ea non tantum non eo modo, sed & ad longe alium finem, saepe etiam talem, qui adfectum prauum animique vitium arguit, vsurpare nulli dubitant; fructu non tantum, quem inde ceteroquin percipere poterant, se ipsos priuantes, sed extremam etiam perniciem sibi attrahentes. *

* Non

- * Non de illis nunc loquor, qui verbo diuino & sacramentis, ceu opere, vt vocant, operato, vtuntur, existimantes solum vsum externum, siue attentione, siue emendatione, sine fide, sibi commodum aliquod allaturum; quod prohi dolor! plurimi faciunt, se ipsos misere decipientes; quanquam nec ipsi ab hacce superstitione excludendi sint; sed de illis praecipue sermo est, qui crassissima quadam ratione, mediis gratiae ad fines prorsus illicitos, ex stolida credulitate abutuntur. Possent hic & ludaei commemorari, quorum impiae ineptiae de nomine tetragrammato, eiusque in miraculis perpetrandis abusu, satis superque notae sunt. conf. IOANNES COCCEIVS, ad *tract. talmud. Sanhedrim cap. XI. exc. XXI.* item IOAN. IAC. HVLDRICVS, in *notis ad librum Toledot Ieschna, pag. 18 †.* Sed ad ipsos statim christianos me confero, quorum nonnullos tanta dementia cepit, vt, nominum diuinorum, *Deus, SS. Trinitas, Iehoua, Iesus,* aut scripturae sacrae, vel quarundam eius partium, in curandis morbis vim quandam & efficaciam singularem esse, sibi persuaderent. Sic fuerunt, qui sibi imaginarentur, febrem curari posse, si quis initium euangelii Ioannis collo appendat ††; & quae alia eiusdem generis stolidi prorsus & inepta sunt figmenta. Sunt, qui apud ethnicos iam eiusmodi quid in vfu fuisse, sibi persuadent, cum HOMERVS, *odys. XIX.* e vulnere manantem sanguinem carmine repressum scribat, cuiusmodi quid & PLATONEM, *lib. IV. de republ.* PLINIVM, *hystor. nat. lib. XXVIII. cap. II.* ALEXANDRVM TRALLIANVM, *lib. IV. cap. IX.* aliosque, referre, ex AVGERIO FERRERIO, in *vera methodo medendi lib. II. cap. XI.* commemorat GEORGIVS PASCHIVS, de *inuentis nonis, quorum accurratori cultui facem praetulit antiquitas, cap. VI. §. XXIII. pag. 393.* Eiusdem commatis est, quod nonnulli psalmum centesimum nonum eum in finem ad certum tempus recitant, vt inimicis suis necem inferant. Iam antiquissimis temporibus hunc abusum in ecclesia christiana obtinuisse, ex quibusdam histori-

stororum monumentis colligas. Certe ante Lutheri tempora admodum solenne hoc fuisse, vel ex *epistolis obscurorum virorum* condiscere licet. Cum enim Leo X. pontifex Reuchlino partocinaretur, quidam illorum dixisse fertur: *Ego non spero, quod papa erit tam stultus, quod faciet; si faciet, volumus per vniuersum ordinem nostrum contra ipsum legere istum psalmum: Deus tandem &c.* Hoc enim psalmi illius contesimi noni in versione latina est initium; *vol. II. pag. 135.* Franciscanis speciatim monachis hoc olim in more positum fuisse, auctor est IOANNES CALVINUS: *Res minime occulta est, si quis hostem capitalem habeat, quem velit perditum, conducere ex monachis aliquem, qui quotidie hunc psalmum recitet. Immo scio, in regno Galliae primariam quandam seminam conductitios in Franciscanis habuisse, qui vnigenito filio hac forma imprecarentur; commentar. in psalm. CIX.* Nec hodie deesse, qui impia & inepta superstitione abrepti, eadem ratione psalmo isto abutuntur, legique hac de re meretur erudita dissertatio IOANNIS ANDREAE SCHMIDII, theologi Helmstadiensis clarissimi, de abusu *psalmi CLX. imprecatorii*, Helmstadii anno M DCC VIII habita; in qua & §. IX. ex MARTINI DELRIONIS *disquisit. mag. libr. III. part. II. quæst. IV. sect. IX.* doceatur, fuisse, qui ad furem inueniendum eundem psalmum adhiberent. Eiusdem superstitionis rei sunt, qui de rei cuiusdam euentu solliciti, sacrum codicem aperiunt, ex primo, quod illis se offert, dicto omen aliquod, seu responsum velut diuinum, accepturi; vnde *biblicae* †††, iam olim inter christianos frequentatae, vti *Homericæ & Virgilianæ* apud ethnicos de quibus legendus ISAACVS CASAVBONVS, ad *Spartiani Hadrianum*, cap. II. alique, laudati IO. ALBERTO FABRICIO, *bibliograph. antiquar. cap. XII. pag. 420.* Quemadmodum enim nullo argumento probari potest, Deum hac ratione voluntatem suam hominibus manifestare, ita sacrum codicem eum in finem nobis non esse concessum, constat. Sed de diuinatione, variisque eius generibus, dein-

deinceps erit dicendi locus. Sacramentorum vero non minus, quam verbi diuini, grauissimum ad superstitionem eiusmodi fuisse abusum; vel *purgatio illa per sacram eucharistiam*, antiquis Germanis recepta, demonstrat. Nec enim profecto ad causas occultas explorandas, aut detegendas, sed ad fidem confirmandam, corroborandamque, a Christo seruatore sacram coenam institutam nouimus. Mirum vero, omnino in concilio Wormatiensi *cap. XV.* impiam hancce diserte probatam fuisse superstitionem. Formulam simul litius rei ex hisce GRATIANI verbis cognoscere licet: *Saepe contigit, ut in monasteriis furta perpetrentur, & qui haec committunt, ignorentur. Idcirco statuimus, ut, quando ipsi fratres de talibus se expurgare debuerint, missa ab abbate celebretur, vel ab aliquo, cui ipse abbas praeceperit, praesentibus fratribus; & sic expleta missa omnes communicent in haec verba: corpus Domini sit mihi in probationem hodie; can. II. quæst. V. cap. XXXIII.* Exempla eius rei apud medii aevi scriptores hinc inde occurrunt; ex quibus quaedam exhibet PAVLVS HACHENBERGIUS, in *Germania media, dissertat. III. §. XXII. pag. 89 seqq.*

† Ut & MENASSEH BEN ISRAEL *Conciliat. ad Exod. 3. 14.* Neque ab omni superstitione absolvi possunt Turcæ, quum chartas, in quas temere incidunt, ad quosvis usus adhibere non auint, eo, quod forte Dei nomen in iis scriptum sit. Potiori saltem jure excusantur Persæ, qui nomina Divina, reverentiae ergo, in summo chartarum margine scribere solent, inde, ubi res postulat, a lectore repetenda, & spatio quodam in textu, ubi nomen Dei legi oportet, vacuo relicto. CHARDYN *Itin. Pers. P. 1. C. 22.*

†† ISID. PLEUSIOTA loquitur de *Euangelis parvis*, quæ mulieres collo appendebant. De ratione hujus denominationis vid. J. B. CASALIUS *de veter. sacr. Christ. ritibus P. 3. C. 48.* qui quoque plura, quæ ad hunc § spectant, congeffit.

††† Conf. BINGHAMI Orig. Eccles. Vol. 7. p. 241. & seqq.
qui quoque Vol. 6. p. 487. de purgatione canonica videatur.

§. III.

Inter res creatas, quae superstitioni occasionem praebent, primo ipsi spiritus se nobis offerunt, praesertim maligni illi. Fuerunt enim omni tempore, & hodie adhuc sunt, quos tanta mentis coecitas, tanta stupiditas cepit, vt, etiamsi isti spiritus non nisi hominum perniciem quaerant, nihilque sine Numinis permissione agere aut efficere queant, in Numinis tamen dedecus & opprobrium, eorum opera ad res varias, quae supra hominum vires positae sunt, efficiendas, aut futura & occulta resciscenda, vt nulli dubitarint. Hinc *magia*, cum artibus variis eo spectantibus, quam si quis cum Numinis cultu consistere posse, sibi persuadeat, eum, quid dicat, quidue sentiat, prorsus ignorare, necesse est. *

- * Magiae nomine nobis nunc neutiquam cognitio quaedam occultarum naturae virium, & facultas per eam, aut alias scientias, supra vulgi captum positae, vt, accuratiorem matheseos peritiam, talia efficiendi, quae aliis mirabilia videantur, venit, quamue *magiam naturalem* vocant, sed, quae vltatior hodie & receptior vocis est significatio, artem eiusmodi aut operam ea designamus, quae auxilio & adminiculo daemonum res mirabiles vel facit, vel facere simulat. Qui enim ex commercio, quod cum daemonibus habent, res stupendas efficiunt, *magi* vulgo dicuntur †. Et eiusmodi quidem magum dari, etsi cum PLINIO, *hisor. natur. lib. XXX. cap. II.* omnes illi, qui spirituum creatorum existenti-
tiam

tiam in dubium vocant, de quibus supra dictum, negent, rationibus & documentis inuictis demonstrari potest. Enimuero existentiam & operationes spirituum creatorum, ceu satis supra demonstratas, nunc supponimus. Supponimus itidem, ceu euictum, spiritum creatum esse substantiam immaterialem, intellectu, voluntate, & potestate, sed limitata, corpora mouendi, variasque operationes edendi, praeditam. Quae cum ita sint, non video, quid obstat, quo minus eiusmodi spiritus aliquando hominibus adparere, cum iis colloqui, pacta inire, aliquid promittere, & in eorum gratiam aliquid praestare queant, quod hominum ceteroquin vires superat. Stultum equidem plane & ineptum est, pactum cum malignis spiritibus inire, quibuscum nullam iuris communionem homines habent; nec minus stultum, pactis aut promissis illorum fidere, qui nullo religionis vinculo, quo minus promissa violent, tenentur; haec omnia tamen non obstant, quo minus reuera homines cum spiritibus pacta ineant, aut eorum promissa acceptent, prout multa alia, quibus ratio non constat, designare solent. Nihil ergo aliud superest, quam vt demonstretur, homines daemonum opera subinde talia effecisse, quae quidem pro miraculis non sunt habenda, quippe quae nec a spiritibus creatis edi posse, demonstrauimus, hominum tamen vires multum superant. Sane, quae de artibus magicis, earumque efficacia narrantur, non vno omnia habenda loco, probe scio. Quae enim poetae aut alii quidam, qui in mentiando poetis dubiam reddere palmam annuntur, referunt, nemo sanae mentis crediderit. Eiusmodi ea sunt, quae post alios OVIDIVS, in libris *metamorphoseon* refert, de Circe & Medea, deque fociis Diomedis in aues conuersis, quae longo post tempore circa templum eius volitauerint; de fociis Ulixis a Circe in bestias mutatis, & quae reliqua sunt eiusdem generis, quibus nec simplicissimi mortalium temere fidem adhibuerint. Mirari saltem animum subit, veteres tam absorta de efficacia ar-

tium magicarum credidisse, quae non a veritate modo abhorrent, sed ne minimam quidem speciem versimilitudinis habent; vt cum VIRGILIUS mulierem eiusmodi artium peritam ita describit:

*Haec se carminibus promittit solvere mentes,
Quas velit; ast aliis duras immittere curas,
Sistere aquam fluviiis, & vertere sidera retro,
Nocturnosque ciet manes; mugire videbis
Sub pedibus terram, & descendere montibus ornos;*

lib. IV. *Aeneid.* vers. 487. seqq. Missis autem hisce, nonnulla in historiarum monumentis occurrere, quibus non temere deneganda fides, nemo nisi perfrictae frontis homo inficiatus fuerit. Quodsi quis vero vel maxime profanorum scriptorum testimonia non admiserit, ea tamen, quae ipsa scriptura sacra suppeditat, repudiare nefas fuerit. Suffragari vero etiam experientiam, & recentiores scriptores talia adferre, quae omni exceptione maiora sint, iam supra ad cap. III. §. VII. observatum. Ad originem magiae quod attinet, PLINIUS quidem eam e medicina natam asserit. *Natam primum*, inquit, *e medicina* (magiam) *nemo dubitat; ac specie salutaris irrepsisse, velut altiore sanctioremque, quam medicinam; histor. nat. lib. XXXI. 1. cap. I.* Quod haud dubio de falso iactata magia intelligit. Veram enim magiam, quae daemonum opera mirabilia perpetrat, eum reicere, antea iam observavimus. Interim recte IOANNES FILESACVS, cum eandem PLINII sententiam adduxisset, addit: *Verius dixisset Plinius, magiam ex curiosa res abditas cognoscendi vel habendi cupiditate enatam. Neque tamen negauerim, magiam maximum medicinae praetextu incrementum accepisse, & magos plurimos medicinae faciendae specie istam infamiae labem huic arti affricuisse; de idololatria magica; pag. 26.* Certum namque est, pravis mortalium cupiditatibus, avaritiae cumprimis, & intempestivae curiositati, qua homines ad rerum abditarum cognitionem feruntur, vt alias artes su-

pere

perstitioſas, ita & magiam cumprimis originem ſuam debere. Longius peticum, quod BENEDICTVS PRÆRÆRIVS originem magiae ex ipſo paradifo arceſſit, eo quod diabolus ſub forma ſerpentis, vel in ſerpente naturali latitans, primis parentibus adparuiſſet, cum eos ad comedendum de fructu arboris vetitae induceret; de *magia, obſervatione ſomnior. & diuination. astrolog. lib. I. cap. XIII. pag. 127.* Diabolum tamen ad ſtolidae iſtius impietatis inuentionem, ac propagationem, plurimum contuſiſſe lubens fateor. Pravis enim hominum cupiditatibus, qua eſt calliditate, ad eos in foediſſima quacuiſ ſtolidiſſimaeque praecipitandos, iampridem vii didicit. Vnde non immerito LACTANTIUS omnium maleficarum artium inuentores & magiſtros daemones fuiſſe, pronuntiat: *Eorum inuenta ſunt astrologia, & aruſpicina & auguratio, & quae dicuntur oracula, & necromantia, & ars magica, & quicquid praeterea malorum exercent homines vel ſalam, vel occulte, quae omnia per ſe falſa ſunt, vt Sibylla Erythraea teſtatur; inſtitution. diuin. lib. II. cap. XVI.* Quorſum & ea pertinent, quae egregie hac de re diſſerit CYPRIANVS, de *idolorum vanitate cap. IV. pag. m. 157.* Sed ipſius PORPHYRII quoque teſtimonio hoc confirmat EVSEBIUS, *praeparat. euangel. lib. V. cap. XI.* aſſerentis, daemones ipſos, qui deorum loco habeantur, quo ſuperſtitionum ritu ſecum agi vellent, homines docuiſſe. Legenda quoque, quae idem EVSEBIUS. *l. c. cap. VIII. & XII.* ex eodem Porphyrio adfert. Ad cauſas vero, quibus homines ad iſtam ſuperſtitionem induciti, vel in ea magis confirmati ſunt, acceſſit etiam peruerſa de ſpiritibus ſeu geniis, opinio; cumprimis error ille, qui multorum olim animos inuaſit, ſpiritus, etſi inuiſibiles, non tamen prorsus immateriales eſſe, ſed corpore tenuiſſimo praeditos. Hac enim ſententia admiſſa, ſequitur, eos etiam rebus quibusdam corporeis delectari, hinc & placari varia ratione, & ad hominum obſequium adduci poſſe; quod praecipuum magiae fundamentum eſſe, nemo temere ne-

gauerit ††. Hinc & praeter orientales, Chaldaeos maxime, Pythagorae & Platonici, qui hunc in modum de spiritibus philosophabantur, magiae aut deditos, aut suspectos fuisse, constat. De primo nefandae artis auctore nihil certi dici potest, etsi, eam longe antiquissimam esse, constat. Zoroastrem, primum eius inuentorem esse, vulgo asseritur; de quo cum incerta omnia sint, praesertim, si antiquissimus ille, qui hoc nomine venit, siue Chaldaeus, intelligatur, aliam quendam ex prima antiquitate celebrem virum sub hocce latitare nomine, viri docti existimarunt. Nonnulli namque, Chammum Noachi filium eo tegi, putant, quem adeo & magiae inuentorem ferunt, vt PETRVS COMESTOR, *hystor. scholastic. in genes. cap. XXXIX.* quae licet & recentioribus quibusdam se probauerit sententia, reiiicitur tamen a SAMVELE BOCHARTO, *geograph. sacr. libr. IV. cap. I. pag. m. 232.* Alii vero Misraimum Chami filium se hic inuenisse arbitrantur, vt auctor *recognitionum*, quae sub CLEMENTIS nomine extant, *libr. IV. §. XXVII. pag. 537. ex edit. IO. BAPTISTAE COTELERII*; alii alium quendam. Sed quam lubrico haec omnia nitantur fundamento, & quilibet facile intelligit, & ex iis etiam patet, quae hac de re dixi, in *hystor. Ecclesiast. veter. testam. ad period. I. sect. III. §. XXII. p. 441.* Quicquid vero huius sit, antiquissimam esse hanc mortalium insaniam, negari nequit, cum iam Mo- sis tempore in Aegypto homines eiusmodi extite- rint, qui daemoni opera mirabilia quaedam effi- ciendo, miracula eius imitari ausi sunt. Nec Deus per Mo- sen tam graues poenas aduersus magos con- stituisse, nec tam seuerè eorum consuetudinem & congressum Iudaeis interdixisset, nisi iam tum eo- rum ars, sicut hominibus exitiosa erat, sic nota & celebris fuisset. Porro circa belli Traiani tempora claram fuisse magiae famam, nonnulli ex HOMERO colligunt, praesertim ex iis, quae de Vlyssis erro- ribus commemorat. Siquidem Protea & Syrenum cantus apud eum non aliter intelligi volunt; quan- quam

quam non desint, qui alia ratione ista explicent; Circe vtique ex inferorum euocatione hoc solum agi.†††. Inter praecipuos autem artium magicarum magistros, qui apud veteres fuere, maxime celebratur Osthanes, de quo PLINIVS: *Primus extat (ut equidem inuenio) commentatus de ea Osthanes, Xerxem regem Persarum bello, quod is Graeciae insulit, comitatus, ac velut semina artis portentosae sparsisse, obiter infecto, quacunque comaeuerat, munda. Cumque monuisset, a nonnullis ante eum, Zoroastrem alium Proconnesium poni, addit: Quod certum est, hic maxime Osthanes ad rabiem, non audacitatem modo scientiae huius, Graecorum populos egit; hist. natur. lib. XXX. cap. I. pag. 296.* Nimirum id egit infernalis genius, vt mortalibus persuaderet, omnem istam artem magicam caulis quibusdam naturalibus, sed occultis, niti; vnde facile inducti sunt, vt crederent, eam non modo prorsus innocentem esse, sed sapientiae quoque atque eruditionis partem singularem constituere. Quoque proniores natura homines sunt, ad occulta quaeuis atque arcana cognoscenda, praesertim, si sapientiae & eruditionis nomine ista cognitio iis ablandiatur, eo maiori impetu ad talia abripiuntur. Mirum itaque non est, quod apud veteres nonnulli ex iis, qui naturae arcanis rimandis incumbabant, & sapientiae studio dediti erant, simul magiam illam illicitam, ceu sapientiae partem auide arripuerint. Idque Persarum magis (quo nomine philosophi apud eos veniebant) si non omnibus, certe quibusdam vsu venisse, nullus dubito. De Graecorum philosophis idem asserit PLINIVS: *Certe Pythagoras, Empedocles, Democritus, Plato, ad hanc (magiam) descendam nauiganere, exiliis potius, quam peregrinationibus, susceptis. Hanc reuersi praedicauere, hanc in arcanis habuere; loc. cit.* Quae tamen non prorsus admitenda existimauerim. Certe fieri potuit, vt, cum in peregrinationibus suis occultas & arcanas orientalium gentium scientias sectarentur, sub hac specie etiam magiam delibarent; quae & ab hypothe-

sibus Pythagorae, Platonis, aliorumque, qui totum fere orbem spiritibus corporeis replebant, minime abhorret. Nec tamen PLINII ad hoc sufficit auctoritas, ut nobis persuadeatur, hosce philosophos reuera magos fuisse, seu artes illas illicitas aut adprobasse suo calculo, aut vsurpasse; multo vero minus de Democrito hoc quisquam sibi persuadebit, in cuius quippe, ut & in Epicuri systemate spiritibus locus non concedebatur. Hinc & hosce philosophos, speciatim Pythagoram, Empedoclem atque Democritum, ab ista suspitione liberat GABRIEL NAVDAEVS, *apolog. pour les grands hommes soupçonnez de magie, cap. X. & XII. pag. 136. seqq.* Inter Pythagoraeos autem atque Platonicos, nonnullos fuisse, qui magicarum artium admodum fuere suspecti, negari nequit; idque haud dubio ex illorum de natura & indole spirituum philosophandi ratione, ortum est, ut antea obseruauimus. Prae reliquis omnibus autem hoc nomine celebris est APOLLONIUS ille TYANENSIS, philosophus Pythagoraeus, cuius vitam resque gestas litteris consignauit PHILOSTRATVS; de quo tamen viri docti in diuersas abeunt sententias. Plerique enim veterum pariter ac recentiorum eum magis annumerant; quod & ex ipsis ethnicis nonnullos fecisse, non tantum ex LVCIANO atque APVLEIO colligas, sed ipse quoque adeo hoc non dissimulat PHILOSTRATVS, ut potius hanc ei abstergere labem passim annitatur. Alii contra eum a magiae suspitione liberare conantur, PHILOSTRATVM, & quos ille secutus est, mendacii accusantes, in iis praesertim, quae humanae potentiae modum superant, quibuscum & GABRIEL NAVDAEVS facit, *loc. cit. cap. XII. pag. 187.* Cumque inter hos nonnulli Apollonium, nihil eorum, quae PHILOSTRATVS ceu admiranda narrat, praestitisse contendant, alii contra non equidem negandum putant, multa eum admiranda edidisse, at non per artem magicam, sed quod rerum naturalium esset peritissimus, causasque earum occultas cognituras haberet atque perspectas. Quicquid horum sit,

Id certum, & viris eruditis luculenter demonstra-
tum, PHILOSTRATI narrationi fidem non habenda-
dam, immo omnia ista a gentilibus conficta esse,
vt Christi seruatoris miraculis fidem eo facilius de-
traherent, vel ab aliis etiam similia edita dicere pos-
sent, prudens harum rerum existimator non temere
dubitauerit. Sed legenda, quae erudite hac de re
disputat B. GOTTFRIEDVS OLEARIVS, in *praefatione*
PHILOSTRATI operibus praemissa; & quae ipse in
compendio dixi in *dissertat. de veritate religionis*
christianae, philosophor. gentil. obreftationib. confir-
mata, §. X†. Cum christianae doctrinae luce orbis
collustraretur, magnam quidem partem istae infer-
nalis genii tenebrae discussae, non tamen prorsus
dissipatae sunt; cum ad hodiernum vsque diem non
desint, qui eiusmodi artes nefandas consecutur,
& daemonum opera, quae cupiunt, se impetratu-
ros, ridiculo, non minus, quam impio errore sibi
persuadeant. Nihil de Arabibus quibusdam, Al-
chindo, Geber, Artephio; nihil de Alberto magno,
Raymundo Lullo, Arnoldo Villanouano, aliisque
dicam, cum haud nesciam, horum omnium patro-
cinium in se suscepisse GABRIELEM NAVDAEVN,
loc. cit. cap. XIV. pag. m. 246. seqq. qui & cap. XV.
pag. 285. Henrici Cornelii Agrippae causam egit,
quod & PETRVS BAEIVS facit, *diction. histor. crit.*
voc. Agrippa, pag. 109. seqq. Nec enim is ego sum,
qui viris innocentibus magiae inurere infamiam ve-
lim, si modo omnes innocentes sint. Inter ea, quae
Agrippae innocentiam dubiam reddere possunt, prae-
cipuum locum tenet opus eius de *occulta philoso-*
phia; ad minimum operis istius *liber quartus*, quem
artes & ritus magicos, supersticiosos, abominabiles
continere, nec illi ipsi, qui eius patrocinium in se
susceperunt, negant; simul tamen, cum Agrippae
esse, abnuunt, perperam & sine ipsius culpa a bi-
bliopola auaro cum reliquis libris, qui Agrippae
sunt, additum, contententes. Ita GABRIEL NAV-
DAEVN, *loc. cit. pag. 294.* Tres autem priores li-
bros, non desunt, qui mystice & allegorice expli-

candos autumant, ad omnem magicæ impietatis suspicionem ab auctore auertendam ††. Haec vero omnia ut aliis accuratius inquirenda relinquo, ita vel quarti istius libri exemplo, quisquis etiam eius auctor sit, constat, fuisse eo tempore homines, uti adhuc hodie sunt, qui impiis stolidisque eiusmodi artibus pretium aliquod statuerent. Eiusdem vero etiam generis sunt *Clavicula Salomonis*, item *Semiphoras* & *Schemhamphoras Salomonis regis*, & alia, lingua etiam germanica, sub specioso, sed fallaci *theosophiae pneumaticae* titulo edita; vid. GEORG. PASCHIVS, de *inuentis non-antiquis*, cap. VII. §. XV. pag. 579. Non tamen dissimulandum, esse qui in hocce scripto, *clavicula Salomonis*, sub portentosis nominibus, magicisque mysteriis, artificium steganographiae latitare, existimant; quae & viri clarissimi; IO. ALB. FABRICII est sententia, qui plura hac de re suppeditat, in *codice pseu-depigrapho vet. test. p. 1953*. Iam ad rem ipsam, quod attinet, constat, impiae & infelicis artis ritibus, ceremoniis, characteribus, vocibus sacris aut peregrinis, formulisque uti, quibus spiritus adducant, & ab iis ut voluntati suae morem gerant, impetrent. Cum vero nemo temere tam stupidus, tamque omnis rationis expertus sit, qui sibi persuadere queat, eiusmodi rituum, vocum, characterum, formularum, vim quandam naturalem in adducendis, mouendisque spiritibus esse posse, quaeri posset, qui itaque fiat, ut quandoque magi hac ratione, quod volunt, impetrent, & spiritus ad nutum paratos habeant? Sed quilibet paullo accuratius ista omnia ponderans, facile infernalis genii fallaciam perspiciet, qui talia, quantumvis inepta & stolidia, istis hominibus persuasit, ut impiam stoliditatem eo minus animaduertent, existimantes per causas naturales, sed occultas abditasque, ista perfici. Qui enim per causas arcanas, sed naturales tamen, aliquid, quod mirabile sit, se efficere posse, putat, se non adeo malum credet. Immo obtinere hac ratione potuit, & reuera etiam obtinuit, ut stolidissima impietas pro parte

te quadam eruditionis & sapientiae haberetur. Nec est, quod quenquam moueat, spiritus interdum videri per eiusmodi artes cogi, magosque illis impetrare aliquid posse. Si enim vera omnia sunt, quae hac de re feruntur, fieri potest, vt daemones inferiores a superiori, quocum magis pactum intercedit, cogantur ad aliquid faciendum, quod magi per eos effici cupiunt; aut etiam dicendum, nullam coactionem, nullumque hic adesse imperium, sed malignos spiritus talia simulare, vt homines, qui illorum opera vtuntur, eo magis in superstitione, & vano, de artium istarum praestantia, errore corroborent. Ex gentilibus has similesque difficultates, quae magiae opponi possunt, vidit, & ingenue proposuit ipse PORPHYRIVS, in *epistola ad Anebonem Aegyptium*, quam IAMBlicHI libro *de mysteriis* praemittit THOMAS GALE; ex qua etiam nonnulla adfert EVSEBIVS, *praeeparat. euangel. libr. V. cap. X. pag. m. 197*. Eo maiores autem istae difficultates erant intuitu gentilium, quod hi spiritus illos, quorum opera magi utebantur, pro diis, quos colebant haberent. Hinc istae quaestiones PORPHYRII: Quomodo magi inuocent & obsecrent daemones tanquam superiores, & iisdem tamen tanquam inferioribus imperent, & quod volunt, facere eos cogant? item, cur dii magorum iubeant, homines esse iustos, ipsi autem a magis iussi multa patrent iniqua & flagitiosa? & quae alia sunt eiusdem generis. Respondere equidem ad hasce PORPHYRII dubitationes conatus est IAMBlicHV S in libro *de mysteriis*; sed ea quidem ratione, vt ad incredibilia & absurda quaedam euitanda, longe magis incredibilia longeque absurdiora asserat, difficultatesque non tollat, sed augeat. Diuersae etiam magiae solent constitui species. Plerique veterum, Platoniorum praecipue, duplicem faciebant magiam, *theurgiam* scilicet, quam vocabant, & *goëtiam*, seu *necromantiam*. Theurgia bona illis atque laudabilis erat, qua certis quibusdam hostiis & sacrificiis, munditia itidem quadam animae, & corporis, aliisque sacris ceremoniis, bonos ac bene-

beneficos daemones inuocabant, eorum afflatu & auxilio, & occulta manifestaturi, & futura praenuntiaturi, & miranda edituri opera. De hacce *theurgia* multa IAMBlichVS de *mysteriis*, PROCLVS libro de *sacrificio & magia*, PORPHYRIVS libro de *sacrificiis*, & ex eo AVGVSTINVS de *ciuit. Dei libr. X. cap. IX.* Qua quidem in re mirificam infernalis genii illusionem conspiciere licet, qua etiam viri ingenio praestantes inducti per summam coecitatem, bonos genios se colere, idque magna cum pietatis specie, existimabant, cum tota ista impictas ad honorem diabolo exhibendum pertineret. *Goëtia* vero seu *necromantia* illis dicebatur, quae mortuos excitabat, & consulebat, & per eos responsa de rebus occultis vel futuris reddebat. Simile fere discrimen artium eiusmodi nefandarum, etiam in scriptura sacra, speciatim ex *Deut. XVIII. vers. 10. seqq.* obseruare licet. Inter varios enim impiae superstitionis magistros ibi recensentur **מכשפים** *magi*, praestigiatore^s ††, qui magica arte & opera daemonum, miranda quaedam perpetrabant, vt magi Pharaonis, qui virgas suas in serpentes vertere videbantur, ad quos vt proxime accedebant **חוברים** *incantatores*, qui verbis & carminibus quibusdam mirabilia perpetrabant, ita ab vtrisque diuersi erant **בעלי אוב** *Pythonici*, seu qui spiritum Pythonis habebant, & certis artibus spiritus eliciebant, qui, vt ipsi putabant, mortuorum excitarent manes, a quibus, quaecumque vellent, condiscerent. Ita namque hasce voces explicandas esse, luculenter, ni fallor, ostendi in *hisor. ecclesiast. veter. testam. period. II. sect. I. ad §. XXXVI. pag. 776. 777.* Magis accommodare ad eam, quam hodie obseruare licet, impietatis istius rationem, dici posset, aliam magiam *directe* talem esse, quae fedus aliquod expresse seu explicitum cum infernali genio initum supponit; aliam, *indirecte* talem, quae per ritus, ceremonias, characteres, formulas, daemonum opera vtitur; etsi fedus eiusmodi non praecesserit. Constat enim, nonnullos artibus eiusmodi vti, etsi iis constitutum non

non sit, fedus aliquod cum infernali genio inire. Interim, cum nemo daemonis maligni opera uti queat, quacunque etiam hoc faciat ratione, nisi simul gratiae diuinæ renuntiet †††, dum hoc ipso ad castra velut iurati hostis Dei transit, non minorem reuera huius, quam illius magiae impietatem esse, nemo non intelligit. Generationem etiam detestanda criminis huius hinc elucescit *foeditas* †, cum animum ad ea, quae Deo maxime aduersa sunt, destinato consilio perpetranda, & ad Deum summa, quantum in misero isto homine est, iniuria afficiendum, obfirmatum, summamque adeo, quae cogitari potest, malignitatem arguat. Quo grauius enim infernalis genii erga Deum est odium, quo atrocior rebellio, qua contra conditorem suum insurrexit, eo detestabilius est illorum flagitium, qui cum eo inire fedus, aut quacunque ratione opera eius uti in animum inducunt suum. Non minor autem istorum hominum, qui talia designant, *stultitia* est, quam impietas. Praeterquam enim, quod potentia infernalis genii suis limitibus sit circumscripta, scire, si vellent, facile possent; se inuito Numine nihil ab eo obtinere, aut ipsius opera perficere posse. Deum itaque, a quo omnia, quae illis salutaria sunt, obtinere possent, tam grauius offendunt, ut ab eo, qui sine Numinis permissione nihil prorsus efficere potest, aliquid impetrent. Nec vilo exemplo doceri potest, per artes magicas aut diuitias, aut honores, aut simile quid homines impetrasse. Aut mera illusio fuit, quicquid hac ratione obtinuerunt, aut ita minutum vel exiguum, ut impotentiam diaboli manifesto inde intelligere liceat. Prorsus vero ridiculum est, dum pacta cum eo ineunt. Quasi vero vlla ratio sit, quae pessimum spiritum ad pacta seruanda inducere queat. Non religio potest, quippe cuius est expers; non magnanimitas, aut vlla alia, virtus, quae in eum, qui totus ex vitis est compositus, non cadit: non lex quaedam, cum violare, non seruare legem, illi proprium sit. Recte denique & *superstitionis* eiusmodi homines arguuntur

tur. Praeterquam enim, quod absurdissima credulitas in eo elucescit, quod ritibus, vocibus, characteribus, formulis vim eiusmodi tribuunt, qua nulla ratione gaudere possunt; subinde etiam contingit, ut Deum se colere existiment, etsi ea, quae Deum maxime offendunt, committant Maior autem peruersitas cogitari nequit, quam si quis existimet, cultum Numinis cum summa impietate consistere posse. Immo quod magis adhuc mirandum, in ipso nefandarum artium exercitio, nominibus diuinis scripturae dictis, formulis sacris & precationibus vtuntur, ac si a Deo ipso aliquid impetrare possent, dum diabolo, operam eius & ministerium expetentes, seruiunt. Qui summus prorsus & stultitiae, & impiae superstitionis, merito censetur gradus.

† Vocem *magus* nonnulli derivant a nomine Persico *mag*, quod notat presbyterum Persicum, praesertim ex ignis cultoribus. v. A. PREIFFERER *Op. Philol. p. 469. & seq.* Plura videantur apud H. VON SEELEN in *notis ad BURTONI Asiosam veteris ling. Persica. pag. 44.* quem laudat LAMPIUS *Orat. de insign. Acad. Traj. p. 29.*

†† Idem dici posse videtur de sententia clar. RUDIGERII aliorumque, de qua videatur M. RANFTS *Tractat von den kauen der todten in Grabern p. 39. & seqq.* Hi nimirum demones quosdam fingunt, qui corpore elementari sunt instructi, ac eundem inter spiritus tenent locum, quem bruta in hoc orbe visibili. Hisce quoque quaslibet apparitiones, & quae sunt ejusdem generis plura, attribuant.

††† HARDTIUS eo inductus est, ut Circen non personam, sed locum, Cirram nempe Phocidis urbem, crediderit. v. REIMMANN. *Iliad. post Homerum p. 285.*

† Conf. J. L. MOSHEMII *diff. de figuris Telesticis APOLLONII TYANÆI, Biblioth. Brem. Class. 3. Fasc. 1. Art. 1. nec non ejusdem Obs. Sacr. &c. L. 1. C. 6.*

†† Conf. *Aman. list. T. 2. p. 588. & seqq.*

††† CLE-

†† CLERICUS *ad Exod.* 7. 11. vocem מְכַשְׁפִּים yertit *divinos*. Apud Arabes nempe *chafschapha* denotat *revelare aperire*; quod munus fuit divini, qui res arcanas aperit. חוֹכְרִים vero dicuntur a חָכַר *sociare*, atque inde *constringere*, *vincire*. Hi enim incantamentis suis hominem ponebant extra libertatem naturalem. Conf. VITRINGAM *ad Jes.* 47. 9. Qui quoque de אֵיב כַּעֲלִי videri meretur *ad Jes.* 2. 6. ut & *ad C.* 8. 19.

††† Cum Dominicani Bernenses, quorum historia est notissima, ad Magicam artem se converterent, Deum discrete abnegarunt. BURNET *Ep. lin.* 1.

† Ipsi ethnici interdum magos perstringunt; præsertim tamen ob eorum præstigias ac imposturas BUDD. *Hist. Eccl. V. T. Per. 2. Sect. 1. p.* 621.

§. IV.

A spiritibus si discedamus, astra occurrunt, quorum usus, qui manifestus est, & ab omnibus facile agnoscitur, cum hominibus non sufficeret, ea itidem, inepta credulitate abrepti, in superstitionis verterunt occasionem, eiusmodi vim & efficaciam illis tribuendo, quae uti in Numinis providentiam pariter ac hominum libertatem palam iniuria est, ita a vera & genuina ratione Deum colendi eos non auertere. Quo nomine & merito *astrologia* ceu vana, inepta, impia & superstitiosa damnata, & a viris sapientibus rejecta est ac repudiata.

* Astrologiae inventio Chaldaeis vulgo tribuitur, quibus tamen gloriam hanc dubiam reddere voluerunt Aegyptii. Id certum, iam in utraque gente antiquissimis temporibus eam floruisse †. Apud Chaldaeos autem præcipua quadam ratione exculta videtur, unde & factum, ut astrologi *Chaldaeorum* nomi-

nomine venirent. TVLLIVS id confirmat, qui, cum dixisset: *Principio Assyrii, ut ab ultimis auctoritatem repetam, propter planitiem magnitudinemque regionum, quas incolabant; cum coelum ex omni parte patens atque apertum intuerentur, prædictiones motusque stellarum observarunt: quibus quid cuique significaretur, memoriae prodiderunt; addit: Qua in ratione Chaldaei, non ex artis, sed ex gentis vocabulo nominati, diuturna observatione siderum scientiam putantur effecisse, ut prædici posset, quid cuique euenturum, & quo quisque fato natus esset; tum de Aegyptiis subiicit: Eandem artem etiam Aegyptii longinquitate temporum innumerabilibus pene seculis consecuti putantur; de diuinis. libr. I. cap. I. De Aegyptiis & HERÓDOTVS testatur, ab iis excogitatum, μήτις τε καὶ ἡμέρη κτάσθην θεῶν ὅτεν ἐστὶ καὶ τῇ ἑκάστος ἡμέρῃ γεννόμενος ὁτέοις ἐκτρέφεσθαι, καὶ ὅπως τελευτήσῃ, καὶ ὁκοῖός τις ἔσται quis mensis diesue cuius deorum sit, & quo quis die genitus, qualia, fortietur, & quam mortem obibit, & qualis erit; hist. lib. II. cap. LXXXII. Sunt, qui ipsum Abrahamum pro astrologiae inuentore venditant, quod & EVPOLEMVS fecit apud EVSEBIVM, praeparat. euangel. lib. II. cap. XVII. contra quos operose disputat PETRVS LAMBECIVS, in prodromo histor. litterar. libr. I. cap. IV. §. III. pag. 43. cuius rationes expendi in introd. ad histor. philos. Ebraeor. pag. 18. Quod si astrologiae nomine ea ars intelligatur, quae ab Arabibus ad Europaeos propagata, hodie vulgo eo nomine venit, eam, cum vana, inepta & superstitiosa sit, Abrahamo tribui non posse, certum est. Interim de antiquitate artis huius nullum superest dubium. Cumque vel ex Deut. XVIII. 10. seqq. constet, iam ante Moſis tempora varias artes diuinatorias in vsu fuisse, facile inde colligas, de diuinatione ex astris idem esse censendum. Immo sunt, qui per מַעֲנִינִים qui ibi commemorantur, astrologos intelligunt, quibus exemplum praeiuit MOSES MAIMONIDES, in tractat. auodab sarah, cap. XI. Conferenda, quae hac de re dixi, in histor. eccles. vet. testam. period. II. sect. I. ad §. XXXVI.*

XXXVI. pag. 776. Vtut autem antiquissima sit ista Chaldaeorum disciplina, non tamen tantae vetustatis fuit, quantam artis eius magistri illi olim tribuebant, quae cum veris ac genuinis historiarum monumentis nulla ratione conciliari potest ††. Hoc ex ipsis ethnicis FAVORINVS iam obseruauit, apud A. GELLIVM docens, *disciplinam istam Chaldaeorum tantae vetustatis non esse, quantae videri volunt; noct. Attic. libr. XIV. cap. I.* Atque hinc idem etiam philosophus rectissime argumentum ducit, hanc artem ea ratione, qua Chaldaei, vel eius magistri, hoc tradebant, non esse inuentam. Inter multa alia enim, quae contra astrologos disputat, & haec contra eos ex ipsius mente GELLIVS adfert: *si isto modo coepta fieri obseruatio est, ut animaduertetur, quo habitu, quaque forma, quaque positura stellarum aliquis nasceretur; tum deinceps ab ineunte vita, fortuna eius & mores, & ingenium, & circumstantia rerum negotiorumque, & ad postremum finis etiam vitae expectaretur; eaque omnia ut usu venerant, litteris madarentur; ac postea longis temporibus, cum ipsae illae eodem in loco eodemque habitu forent, eadem ceteris quoque euentura existimarentur, qui eodem illo tempore nati fuissent: si isto, inquit, modo obseruari coeptum est, & ex ea obseruatione composita quaedam disciplina est, nullo id pacto potest procedere. Dicant enim, quot tandem annis, vel potius, quot seculis, orbis hic obseruationis perfici quauerit &c. Possent & alia adhuc adduci, quo minus ex istis obseruationibus certi canones formari potuerint, de quibus legendus CLAVDIVS SALMASIVS, de annis climactericis; add. 10. CLERICVS, in indice philologico ad Thomae Stanleii histor. philos. oriental. voc. astrologia. Quantum autem incerta & fallax esset ista Chaldaeorum disciplina, locum tamen haud vltimum in illorum, aliarumque gentium; philosophia, cum aliis eiusdem generis artibus obtinuit. vid. THOM. STANLEYVS, loc. cit. libr. I. sect. II. cap. XVI. De progressu autem, fati, scriptoribus astrologicae artis, etsi multa dici possent, ea tamen huius loci non*

sunt. Pleraque GERHARDVS IOANNES VOSSIUS exhibet, de *scientiis mathematicis*; praecipuos scriptores astrologicos indicat IO. HENRICVS BOECLERVS, in *bibliographia critica*, accuratius nuper a IOANNE GOTTLIEB KRAVSIO edita, cap. XXXV. itemque LEONHARDVS CRISTOPHORVS STVRMIVS, de *nat. & consuet. matheos* pag. 364. *seqq.* Resuscitata hacce astrologorum disciplina cumprimis ab Arabibus fuit †††, cum litterae per barbararum gentium incurfionem, Graeciamque & Italiam deualutam, ex Europa pulsae, sedem velut apud eos fixissent. Ab iis autem cum aliis opinionum portentis partim ad impietatem, partim ad superstitionem ducentibus, ad Europaeos iterum propagata, seculo cumprimis decimo quinto, & decimo sexto, illorum occupauit animos, qui & ad impia quacuis atque inepta se abripi passi sunt, vt vel HIERONYMI CARDANI exemplo patet, de quo supra verba fecimus. Fuerunt tamen & eodem tempore, qui acriter vanitati & superstitioni astrologorum se opponerent, vt ex mox dicendis patebit. Mirandum vero, multos viros, cetera doctos & sapientes, ea peste illo tempore afflatos fuisse, quod & PHILIPPO MELANCHTHONI contigisse nouimus. Immo non defuerunt, qui infelici connubio cum ipsa theologia astrologiam coniungerent, in varios inde errores praecipites dandi. Certe VALENTINVM WEIGELIVM tum huic, tum aliis eiusdem generis artibus, arcani quid praeseferentibus multum tribuisse, constat: qua in re & alii eius exemplum imitati sunt. Postquam autem ea philosophandi ratio, quae RENATVM CARTESIVM auctorem habet, inualuit, astrologicae artis auctoritas magis magisque imminuta est. Quia enim cum eius hypothesibus astrologorum nulla ratione conciliari poterat disciplina, id maxime discipuli eius dedere operam, vt vanitatis hanc artem arguerent, eamque prorsus exploderent. Nec tamen hodie adhuc desunt, qui aliquod ei pretium statuunt, vt vel certamen illud, quod LEONHARDO CHRISTOPHORO STVRMIO, cum LV-

DOVICO

DOVICO HANNEMANNO, ante aliquot annos hac super se intercessit, variis scriptis vtrunque editis agitarum, testatur. Diuersa vtique virorum doctorum omni tempore de astrologia fuisse iudicia, aliis eam laudantibus ac propugnantibus, impugnantibus & vituperantibus eam aliis. Praesertim, ex quo per Arabes, vti dictum, ad Europaeos propagata, ceu pestis quaedam animos multorum afflavit, integris operibus eius vanitatem ostendere aggressi sunt HIERONYMVS SAVANOROLA, *aduersus astrologiam dininatricem*, IOAN. PICVS MIRANDVLANVS, in *libris XII. aduersus astrologos*, aliique. Sed IOANNES quoque SARESBERIENSIS, *lib. II. polycrat. cap. XIX. BENEDICTVS PERERIVS, de magia, obseruatione somniorum & dininatione astrologica lib. III. pag. 210. seqq. PAVLVS MERULA, libr. II. Cosmographiae generalis cap. XVI. GERH IOANNES VOSSIUS, theologiae gentilis lib. II. cap. XLVIII. PETRVS GASSENDVS, lib. VI. phys. sect. II. itidem contra eandem artem diuinariam argumentis pugnarunt validissimis †††. Labascenti quidem & holtium telis obrutae arti huic suppetias ferre ausus est IOAN. BAPSISTA MORINVS, in *astrologia gallica, propriis principiis & rationibus stabilita*; sed nihil aliud effecit, quam vt intelligeretur, quid ingenii in causa quadam desperata defendenda, valerent vires. Enim vero, vt meam quoque paucis, & tribus tantum verbis, aperiā sententiam, vim quandam & efficaciam lingularem siderum coelestium in haec sublunaria esse, praesertim, quod ad tempestatum vicissitudines, similesque effectus, atinet, itemque ad corporum variorum affectiones, mutationesue, quae hisce quidem causis tribui possunt, non prorsus negandum censeo †. Nec ex eo, quod nobis modus ratioque, qua corpora tam immenso spatio a nostra tellure distantia in ea aliquid efficere queant, non constet, statim res ipsa in dubium vocanda. Multa namque quotidie occurrunt, de quibus non dubitamus, ab hac vel illa causa ea effici, etsi modum, quo hoc fiat, aut ingoremus, aut non, nisi per coniecturam, sciamus. Monui hoc iam, in *differ-**

tat. de cultura ingenii, quae extat in *selectis iuris naturae & gentium*, cap. I. §. XVI. Astrologi autem primo in eo peccant, quod vim illam operatione inque siderum coelestium, etiam qua effectus inere physicos, v. g. tempestatum mutationem, cognitam sibi penitus & perspectam iactitant, quam tamen eos ignorare nunquam fere non experientia docet; item, dum maiorem, quam debebant, in hisce sideribus vim tribuunt; cum denique, pro certa venditant, artem, quae dubiis prorsus atque incertis nititur fundamentis. Magis vero adhuc peccant, dum eandem siderum efficaciam ad moralia extendunt, hominum vitam, salutem, interitum, mentis quoque decreta consiliae, fortunam praeterea secundam & adversam, similiaque, ex aliorum positu derivantes. Enimvero, quo pacto sidera talia efficere queant, nulla ratione intelligi potest. Neque hic exceptio, quam antea protuli, procedit, multa quotidie contingere, quae, quomodo eveniant, ignoremus. Non tantum enim ista siderum quoad moralia haec efficacia, ab omni verosimilitudinis adhorret specie, sed ne quidem possibilis est. Cum enim sidera corpora sint, mente destituta, si effectus quosdam in hisce sublunaribus producant, ii non alii, quam mere naturales, qui per se ad moralia non pertingant, esse possunt ††. Praeterea totus illae astrologicae vanitatis apparatus, signa zodiaci, domus planetarum, & quae reliqua sunt eiusdem generis, cum nullo certo nitatur fundamento, inter otiosorum hominum referenda esse commenta, iam pridem viri docti pronuntiarunt. Sed & inde artis istius vanitas elucescit, quod eius magistri ex illis siderum aspectibus futura canunt, qui tempore natiuitatis fuere, cum tamen rarissime momentum temporis, quo quis natus est, cognitum & perspectum habeant. Ne quid nunc de eo dicam, quod causas proximas, a quibus praecipue hominum mores progignuntur, parentum indolem, sobolis nutritionem, educationem, aëris circumfusi conditionem, supine & secure praeteruolent, ut eo tutius ab astris fata hominis arcessant. Hisce, aliisque

que argumentis grauissimis, cum astrologi premuntur, nihil aliud iis relictum est, quam vt ad experientiam prouocent. Ad hanc enim ceu ad sacram confugere anchoram solent. Sed hanc fallacem admodum esse, illorumque minime confirmare placita, ipse iam vidit, recteque animaduertit CICERO: *Quam multa ego Pompeio, quam multa Crasso, quam multa huic Caesari a Chaldaeis dicta memini; neminem eorum, nisi senectute, nisi domi, nisi cum claritate esse moriturum: id mihi permirum videatur, quemquam extare, qui etiam nunc credat iis, cum praedicta quotidie videant, vel ex euentu refelli, libr. II. de diuinat. cap. XCIX.* Nec morari quenquam potest, quod dicunt, euenire tamen interdum, quae divinatores illi praedicunt. Cum enim multo plura sint, quae non eueniant, cur incidisse eos casu in veritatem non arbitremur? Ita quidem rectissime IOANNES PICVS, Mirandulae comes, colligit, qui & multa alia hanc in rem addit, *lib. II. contra astrologos cap. II.* Fieri tamen potest, vt infernalis quoque genius astrologicae praedictioni se immisceat †††, quod praecedente eodem IOANNE PICO ipse diserte asserit THEOPHRASTVS PARACELSVS, cuius hac de re locum admodum memorabilem, ex libro eius de *arte praesaga* exhibet GEORGIVS PASCHIVS, in *inuentis nou-antiquis*, cap. XII. pag. 595. seqq. Certe & PETRVS BAEIVS ita iudicavit, si astrologi vera praedicant, hoc ex commercio atque pacto cum daemone proficisci, in *dictionar. historico-crit. voc. Rugeri*, pag. 2627. Ceterum tanta est astrologorum siue temeritas, siue stultitia, vt non tantum singulorum hominum, sed imperiorum quoque ac rerum-publicarum fata astris subiiciant; eorum incrementa, decrementa; mutationes, euersionesque hinc deriuantes. Sic iam olim Romae vrbis genesin Varrone rogante delineauit L. Tarrutius Firmianus, vt, in *Romulo*, auctor est PLVTARCHVS. Aliud eiusdem vrbis exhibuit Vettius Valens, Antiochenus; bina alia LVCAS GAURICVS, in *tractatu primo astrologico*, qui & Bononiae, Florentiae, Venetia-

netiarum, Patauii, aliarumque urbium fata ex astris deriuare voluit. HIERONYMVM CARDANVM simili temeritate regnorum urbiumque fata ex astris diuinare ausum, notum est. Sed plurium quoque urbium themata a graecis olim philosophis excitata & collecta notat CLAVDIVS SALMASIVS, de *annis climactericis*, pag. 533. Plura hac de re collegit IOAN. FRIDERICVS MAYERVS, in dissertatione: *utrum fata mundi regnorum & urbium dependant ab astris?* In his omnibus vero astrologos non tam diuinare, quam nugari, recte dixeris. Cum enim nulla excogitari ratio queat, cur vnus hominis decreta & actiones a stellis proueniant, quis tandem sibi persuaserit, rerumpublicarum, quae tot hominum libere agentium consiliis reguntur, fata hinc deriuari posse? Taceo vero, quod ipse astrologorum dissensus artis vanitatem satis superque prodant. Nec tamen impietas ac stultitia eorum hic substitit. Religionum enim, & inter reliquas ipsius christianae fata, astris adscribere nonnulli eorum non dubitarunt. Auctor quidam supposititius, qui sub OVIDII nomine de *vetula* scripsit, quine seculo post Christum natum vndecimo vel duodecimo vixisse videtur, iudaicam religionem suspendit a coniunctione Iouis cum Saturno, Chaldaeo-Perficam a coniunctione Iouis cum Marte, Aegyptiaco-Graecam a coniunctione Iouis cum sole, Romanam a coniunctione Iouis cum Venere, christianam a coniunctione Iouis cum Mercurio, & Muhammedanam denique a coniunctione Iouis cum luna. Versus eius, quibus suam sententiam exprimit, exhibet IOAN. FRIDERICVS MAYERVS, in *disputat. II. utrum fata religionum pendeant ab astris?* §. I. Simile quid iam antea in mentem venit ABVMASARI, cuius hac de re locum integrum exhibet IOANN. SELDENVS, de *synedrionis Ebraeorum*, libr. II. cap. VII. Eiusdem stultitiae reus est PETRVS ALLIACENSIS, a prioribus tamen in eo dissentiens, simulque artis vanitatem prodens, quod non Mercurium, sed solem, christianae religionis auctorem existimat, vnde factum sit,

fit, vt dies solis a christianis sacrosanctus habeatur, quemadmodum apud Iudaeos, quorum religionem & ipse Saturno tribuit, dies Saturni, & apud Muhammedanos, quorum superstitionem a Venere profuxisse, cum Abumafare opinatur, dies Veneris; cachinnis ideo merito exceptus a FRANCISCO MATHAEO VAYERIO, tom. I. opp. pag. 275. seqq. Eundem in modum & HIERONYMVS CARDANVS nugatur, etsi in quibusdam iterum a reliquis dissentiens. *Leges christiana*, inquit, & *iudaica a Deo sunt*, fortuna tamen militantium a superioribus gubernatur. *Iudaica a Saturno*, vel eius stella, vel potius utroque. *Christiana a Ioue & Mercurio*. *Mubamethi a Sole & Marte*, aequaliter dominantibus: unde iustitiam custodit, verum cum impietate & crudelitate magna. *Idololatrica a Luna & Marte*. Soluitur autem vnaquaeque lex a suo contrario. Saturnum debellat Iupiter auctoritate, & Mercurius ratione. Ionem & Mercurium debellat Mars, non audiens rationes, & saeuens contra auctoritatem. Martem & Solem debellant Saturnus & Venus, haec lascinia, ille dolis. Martem & Lunam Sol & Iupiter destruunt, auctoritate, dignitate & veritate. Ob hoc christiani erigite capita; qui potest capere, capiat; de supplemento Almanach cap. XXII. Immo alibi eo vsque infaniae progreditur, vt, christianae religioni finem & interitum imminere, ex astris colligat. Cum enim ad PTOLOMAEI tetrabibl. libr. II. cap. IX. text. LX. thema Christi genethliacum, de quo deinceps, exposuisset; naturaliter, addit, *legem christianam esse legem pietatis, optimeque institutam, nullumque habituram finem, nisi post reditum eclipticarum, in quo fiat nouus status vniuersi*. Similia & alii habent: THOMAS contra CAMPANELLA ex astris colligit, instare tempus, quo totus mundus ad cultum veri Dei sit perducendus, de sensu rerum, pag. 64. Ne quid autem ad extremum stultitiae ac impietatis gradum decesset, faciunt etiam; qui ipsius seruatoris genelin astris submittere non dubitarunt. Haud vltimum inter eos iterum locum tenet HIERONYMVS CARDANVS, qui

sententiam hanc, quam, ut ipse fatetur, per viginti annos timide fouit, neque ausus fuit edere, tandem tamen commentario suo in PTOLOMAEI *libr. II. de astr. ind. cap. IX. text. LIX.* inseruit; cuius summam exhibet GEORGIUS PASCHIVS, de *inuentis non-antiquis cap. VII. §. XVII. pag. 387.* Immo & patronum atque defensorem nactus est IO. BAPTISTAM, MORINVM, qui in *praefat. apologet. astrologiae gallicae* causam eius strenue egit. Nec tamen aut solus aut primus fuit Cardanus, quem ista dementia cepit, etsi stolidi ambitione abreptus, aliorum exemplo ad sui defensionem uti noluerit, ne tam pulchri inuenti se ipsum priuaret gloria. Recentissimus autem inter eos, qui ante illum simile quid tentarunt, est Tiberius Ruffilianus Sextus, Calaber, qui sub Leone x pontifice vixit, & cum ob istam audaciam aliorum censuris vexaretur, *apologeticum aduersus cucullatos* edidit, ubi thema natiuitatis Christi sub tribus diuersis schematibus exhibuit, vel ut GABRIEL NAUDAEVS, in iudicio de *Cardano* loquitur, *tria Christi genesios themata secundum tres rationabiles differentium doctorum opiniones luculenter enarrauit.* Ante eum idem fecit Petrus de Alliaco, archiepiscopus Cameracensis, qui circa initium seculi decimi quinti floruit, in *elucidario astronomicae concordiae.* Huic autem exemplum iam praeiuit Albertus magnus, cui eruditionis gloria pro temporis iustis, quo vixit, conditione, non est deneganda, etsi idem simul a quibusdam artibus superstitiosis, immo ipsi magiae addictus credatur, ab aliis tamen defensio aut excusatus. Primus omnium vero, qui ad hanc impietatem animum adiecit, fuit Albumasar, qui circa annum Christi DCCC XLIV vixisse creditur, & non tantum Muhammedis, sed & Christi seruatoris vitam astris alligare non erubuit. Legenda, quae de hisce ex GABRIELIS NAUDAEI iudicio de *Cardano*, antea laudato, in medium adfert PETRVS BAEIVS, in *diction. historico-crit. voc. Cardanus pag. 806.* add, GEORGIUS PASCHIVS, de *inuentis non-antiquis, cap. VII. §. XVII. pag. 387. seqq.* IO. ANDREAS SCHNIPVS,

DIVS, theologus Helmstädiensis clarissimus; in *dissertat. de themate Christi natalitio*, & IOAN FRID. MAYERVS, *dissert. I. utrum fata religionum dependant ab astris*, § III. Non ergo est, quod quis miretur, fuisse, qui & B. Martini Lutheri fata, simulque, quam tam felici successu aggressus est, ecclesiae reformationem, ex astris derivarent; in malam quidem cuncta interpretantes partem, & haereseos quam vocant, ortum, aequae ac tanti haeresiarchae natiuitatem, in siderum adspectus conferentes, Agmen hic iterum ducit HIERONYMVS CARDANVS, in *libro de genituris num.* XI. Idem fecit FRANCISCVS IVNCTIVS, referente & adprobante FLORIMVNDUS RAIMVNDUS, *lib. I. de origine haeresum cap. V.* & alii. Hi vero omnes non potuerunt non turpiter se traducere, cum de anno natali Lutheri nihil certi constet. Lepidum vero prorsus est, quod, cum ipsi illi auctores, qui Lutheri fata astris tribuunt, de anno natiuitatis inter se dissentiant; in euentibus tamen, qui illis iam noti erant, consentiant egregie; quo nomine & illorum stultitiam ridet PETRVS GASSENDVS, *tom. I. opp. p. 505. conf.* & IO. FRID. MAYERI *dissertat. I. utrum fata religionum pendeant ab astris?* §. I. II. Atque ex haecenus quidem dictis, ut & impietas & vanitas astrologicae artis satis elucescit, ita nemo quoque temere dubitauerit, eos, qui illam exercent, aut fidem ei adhibent, recte *superstitionis* argui. Non negauerim, fieri posse, ut per astrologiam aliquis & ad atheismum seducatur; quemadmodum & nonnullos astrologos inter atheos relatos constat, uti de ipso HIERONYMO CARDANO supra *cap. I. §. XXIV.* observauimus; simul tamen fatendum, & raro id fieri, & inter omnes atheos eos merito pro ineptissimis haberi, ut itidem *cap. II. ad §. IX.* ostensum. Dum vero plerique astrologorum Deum quidem admittunt, eumque se colere sibi persuadent, & nihilo scius homines, astrorum imperio eos subiicendo, omni libertate, Deum autem reuera providentia & mundi gubernatione priuant, eam, quam sequun-

tur, colendi Deum rationem non modo peruersam, sed reuera ridiculam esse, adeoque non alio, quam superstitionis nomine insigniendam, nemo non intelligit. De reliquis artibus diuinatoriis, quarum quaedam cum astrologia arctissimo vinculo coniunctae sunt, deinceps dicemus †††.

† *Jes.* 47. 12. docemur, Chaldaeos hanc artem a *iuuentute sua* excoluisse. conf. VITRINGAM.

†† Conferatur J. PERIZONIUS *Orig. Babyl.* C. 1. C. 2.

††† De Astrologia judiciaria Sinensum v. NIEUHOFF *Leg. Batav. P. ult. p.* 14.

†††† Addantur BÆLIUS alique, quos citat STOLLIUS *Hist. Litt. P. 1. C. 7. §. 61.*

† Qualis sit vis solis in tellurem nostram, omnibus notum est. Quum quoque æstus marini tempore plenilunii aut novilunii sint maiores, quam dum luna est in quadraturis; mirum non est, plurimos causam hujus æstus, ex parte saltem, lunæ adscripsisse. An corpora quorundam animalium cum incremento lunæ incrementum capiant, ea vero decrescere minuantur, a non nullis in dubium vocatur. Reliquos vero planetas, qui cum tellure circa solem ducuntur, in orbem nostrum singularem efficaciam habere, quantum scio, non constat. De Stellis fixis aliisque, quæ ad systema solare non pertinent, idem quoque dicimus.

†† Si sidera corpora nostra afficiant; fieri utique potest, ut eorum effectus ad moralia pertingant. Mens enim nostra, pro varia corporis constitutione, varie afficitur. Ne quis tamen putet, me de Astrologorum prædictionibus præclare nimis sentire, illas esse vanas libere pronuntio. Si enim experientiam consulamus: non constat siderum vires esse tantas, quantas homines isti perhibent. Immo nimia siderum a tellure distantia, & mores hominum eodem tempore ac iisdem locis natorum dissimilimi, contrarium evincere videntur. Et licet concederemus, omnia, quæ illi crepant, ab astris in nostra tellure produci: inde tamen non sequitur, Astrologos suæ artis auxilio ea præfagire posse. Quinimo id plane impossibile
esse,

esse, alii jam evicerunt; & eventus ejusmodi prædictiones, licet casu interdum eveniant, plerumque tamen eludit. Ne jam dicam, S. litteras, quarum Divinam auctoritatem supra probatam vidimus, & viros summos & rei Astronomicæ peritissimos, Astrologiam divinatricem penitus improbare. Conf. quoque J. ODE *Philos. Nat. Princ. P. 2. L. 1. Sect. 11.*

†† Fieri posse, putat MARACCIUS *Prodr. P. 2. p. 80.* ut fantas aliquid cooperetur in ludionibus & histrionibus nostris. Idem in Astrologis, justo Dei judicio, fieri potest.

††† Hic commodè monere possumus, illorum sententiam, qui cometas pro signis futurarum calamitatum habent, ab aliis inter superstitiosorum hominum ludibria ac aniles fabulas referri. 1. Quod cometæ sint sidera perpetua, remota forte ultra planetas, & propterea nobis invisâ, licet, cum ad inferiora descendant, a nobis conspiciantur. Duo itaque hic probanda veniunt: cometas nimirum, pro corporibus perpetuis, & qui motum possident regularem, habendos esse; ac inde colligi posse, illos inter malorum præsagia jure non haberi. De priori videatur JAC. BERNOULLI *Conam. novi system. cometarum*, NEWTONUS *Philos. Nat. Princ. Math. p. 439. & seqq.* DESAGULIERS *Naturkunde p. 402. & seqq.* Posterius negat BERNOULLI *l. l. p. 62. & seqq.* licet prædictiones ex cometis, alias ob rationes, rejiciat. 2. Quod cometæ plerasque telluris nostræ regiones peragrent, easque adspiciant; caudam quoque, modo in hanc, mox in aliam cæli plagam, nonnunquam promittentes. Unde sequi putant; crinitas hasce stellas pro signis particularibus, qualia tamen perhibentur, haberi non posse. 3. Quod mirum non sit, si, dum cometa appareat, bella, aliæque calamitates impendeant: cum nulla ætas hisce malis unquam caruerit. 4. Quod, si hæc facies futurarum calamitatum essent prænuntiæ, ad improbos ad meliorem vitam revocandos: mirum videri possit, sapientissimum Numen, in verbo suo, tantæ rei nullam significationem dedisse. Adde, quod Deus e contrario homines monuerit: ob signa caloræ ne consternerentur, quia gentes conseruantur ob ea. *Jer. 10. 2.* Plura vide apud celeb. J. GEORG. GRÆVIUM *Orat. de Cometis*.

§. V

Nec in coelo modo, sed & in tellure nostra innumera fere superstitiosa credulitas inuenit, quae in rem suam vertat, & quibus ceu scopulis quibusdam adhaerescat. Namque & radicibus quibusdam, plantis, gemmis, lapidibusque, & partibus animalium, eiusmodi efficaciam & virtutes tam mirabiles tribuunt, quibus non tantum non gaudent, sed quae indoli etiam eorum ac naturae prorsus repugnant *. Idem & de litteris, signis, characteribus, similibusque stolidae vanitatis monumentis, obseruandum **: itemque, de amuletis, periaptis, & aliis superstitiosorum hominum commentis longe ineptissimis ***. Tandem & eodem habendi loco, qui prosperum aut infaustum rerum euentum ex rebus variis, quae casu fortuito illis obueniunt, deriuantes, omnia vbique captant *. Hi vero omnes non ignorantiam modo suam & credulitatem, sed & diffidentiam in Numinis prouidentiam prodentes, relictoque ordine diuinitus praescripto, nimia, quod cupiunt, obtinendi auiditate abrepti, ad inusitata, singularia, vetita prolabentes, a superstitione, qua Deum grauissime offendunt, absolui nequeunt. **

* Sic gemmis quibusdam virtutem fugandi daemones, & spectra repellendi, plantis quibusdam, & animalium nonnullorum partibus, certa ratione adhibitis, virtutem aliorum amorem nobis conciliandi, aut alios etiam adducendi, vt dormientes secreta quaeuis reuelent, tribuunt; & quae alia sunt eiusdem generis, in libro de *virtutibus lapidum, herbarum,*

Et c. aliisque scriptis, quae sub ALBERTI magni nomine circumferuntur; in ALEXII PEDEMONTANI *libris septem de secretis*; ANTONII MIZALDI *centuriis memorabilium*, IOAN. BAPTISTAE PORTAE *magia naturali*, IO. IACOBI WECKERI *libris septendecim secretorum*, similibusque, obuia. Nonnulla quoque huc spectantia refert, & lepidissime exagitat, auctor ingeniosissimus, libri gallicano idiomate scripti, sed in germanicum translati, *Historie oder Erzeblung der seltsamen Einbildungen, welche Monsieur Ousie aus Lesung solcher Bücher bekommen, die von der Zauberey Et c. und andern aberglaubischen Dingen handeln Et c. cum primis part. I. cap. VII. Et VIII. p. m. 59. seqq.* Non equidem negauerim, plantarum, aliarumque rerum corporearum vim & efficaciam non prorsus nobis cognitam esse; sed ea, quae in fugandis daemonibus, in flectendis hominum animis, & quae alia eiusdem generis sunt, iis tribuitur, ita comparata est, vt, cum nullus, immo ne possibilibus quidem inter causam & effectum deprehendatur nexus, non possit non inter inania, vanissimaeque hominum superstitionum commenta, referri †.

- ** Exemplum vel illi praebent, qui per verba, signa, & characteres eiusmodi, varia morborum genera curari posse, existimant. Qua de re GEORGIVM PASCHIVM audire iuuat: *Praeter haec est alia, celebrata a multis curatio, qua difficiles ac periculosi morbi plurimi nulla prorsus vel potione medica, vel aliis sumtis pharmacis sanantur. Fitque illa, quam recte dixeris magicam, vel per verba, vel per characteres. Verba, quae vel demurmurari solent, vel clara voce pronuntiari, sunt vel σμμαντικὰ, siue significantia, vel ασμμαντικὰ, siue non significantia. Huius generis sunt illa lippis Et tonsoribus nota vocabula: Abracadabra, Sator, Arebo, Tenet, Otera, Rotas; item: Chunrat, Cara, Sarite, Abrac, Aman, Gibel, Got, Irioni, Khiriori; Et quorum ad luxationis Et fracturae curationem vsus est: Matas, Denatus, Davies, Dardaries, Araries Et c. aliaque stoliditatis*

tatis plena quam plurima, ab auctoribus passim notata, quae hic recensere operae pretium non est. Vocum autem significantium aliae sunt peregrinae, ex graeca, ebraea, aliisque linguis, arcessitae; aliae domesticae, eaeque vel profanae, vel sacrae, harumque imprimis magnus, gravissimam Numinis vindictam incurrens, abusus est &c. Interiectis deinde nonnullis, de characteribus idem auctor ita pergit: Ad characteres quod attinet, Theophrastus Paracelsus prae aliis in eo est, ut varios diversissimosque praescribat modos, quibus plurimi morbi facillime depellantur, quam quidem per signa curandi methodum licet ex minus probato fonte oriri, ipse harioletur, integrum tamen esse scribit, de causis morborum innisibil. quaeft. I. pag. 34. a diabolo remedia recipere, cum in hominum salutem ea cedunt. Habetque is inter alios vanissimae suae artis magistrum Quintum Senerum Samonicum; seculi post Christum natum tertii medicum, qui inter carmina, quae de febribus scripsit, contra hemitritaeum sequentem composuit conum, collo appendendum: ABRACADABRA &c. de innemis non-antiquis, cap. VI. §. XXIII. pag. 392. 394. Versus, quibus Quintus Senerus Samonicus hocce arcanum expresit, hi sunt:

*Inscribes chartae, quod dicitur ABRACADABRA,
Saepius & subter repetes, sed detrahe summam,
Et magis atque magis desint elementa figuris,
Singula quae semper rapies, & cetera figes,
Donec in angustum redigatur littera conum,
His limo nexis, collum redimire memento &c.*

Vnde ista superstitio, de Abracadabra, quae hodie adhuc perdurat, orta sit, non temere dixeris. Non contemnenda tamen videtur coniectura IO. SELDENI, a Basilidianorum Abraxas eam ortam esse. Certe, Samonicus, ut idem observat, praeceptor Gordiani junioris erat; haeretici autem Basilides & Valentinus, centum plus minus annos eum anteverunt, & sub Adriano & Antonino philosopho, putram religionem inquinaverunt †; de diis Syris syntagm.

I. cap.

I. cap. II. pag. 118. 119. Ad rem ipsam quod at-
tinet, non temere quisquam, nisi rerum omnium
ignarus dixerit, ipsarum litterarum, vocum cha-
racterum, quandam ad hosce effectus producendos
vim ac efficaciam esse posse. Certe, qui eiusmodi
quid sibi persuaserit, quod rationi tam manifeste
repugnat, cum ipsa ratione, si modo aliquam ha-
bet, insanire dicendus est. Quodsi autem vnquam
litterae, voces, characteres, similiaque aliquid effe-
cisse videntur, tum aut imaginationi hominum id
tribuendum, cuius in curandis morbis vim singula-
rem & prorsus admirabilem esse constat; aut faten-
dum, & daemonis hic intercessisse operam, quo qui-
dem sensu eiusmodi morbos curandi ratio recte ma-
gica dicitur.

*** Amuleti, vel vt alii loqui malunt, amoleti (ab
amoliendo dicti) nomine corpus aliquod venit,
characteribus, imagine & figura certa insignitum,
vi singulari ad pellendos morbos, mala quaevis
auerruncanda, aliosque effectus mirabiles edendos,
praeditum. Quaedam de coelo delapsa putantur;
plurima vero arte parantur. Illa, si nonnullos au-
dias, vel maiora sunt, vt Graecorum palladium,
& ancile Romanorum †; vel minora, vt nummi
quidam aurei, quos nonnulli coelo delapsos, nescio,
maiorine stoliditate fingant, an impudentia aliis per-
suadere conentur. Arte comparata amuleta vel ma-
iora itidem statuuntur, vel minora. Illa formis ani-
malium aemulabantur, quandoque etiam ad formam
humanam efficta, vel integram statuam, vel partem
referebant. Haec vero corporum naturalium siue
integrorum, siue mutilorum speciem exhibent, re-
bus artificiosis, annulis, gemmis, & lapidibus pre-
tiosis, non exclusis. Huc & lamellae signorum zo-
diaci, & planetarum, sub certa constellatione fa-
bricatae, pertinent; vid. GEORGIVS PASCHIVS, de
iunentis non-antiquis cap. VI. §. XXIII. pag. 395.
seqq. ††. Eiusdem fere commatis sunt figu-
rae Talismanicae, seu simulacra, vel imagun-
culae, sub certa constellatione confectae, qui-
bus

bus praeter vim varios effectus mirabiles edendi, etiam facultatem quandam ad interrogata respondendi, & praedicendi futura, tribuunt. Eas non vnius esse generis, intelligere licet ex iis, quae IAC. GAPPARELLVS de iis tradit, in *curiositatibus inauditis*, cap. VI. pag. 102. *seqq.* cum primis autem ex iis, quae copiose & erulite ad h. l. notauit GREGORIUS MICHAELIS, num. LIX. pag. 257. *seqq.* Sunt nonnulli, qui figuras hasce Talismanicas a veterum Teraphim, quorum in historia sacra iam tempore Iacobi patriarchae, mentio iniicitur, deriuandas censent; quod si verum esset, summam illarum antiquitatem argueret. Verum horum neutiquam certo nititur fundamento sententia, Teraphim namque antiquissimis temporibus nihil aliud erant, quam statucae, quas nonnulli maioribus suis ad memoriam eorum conseruandam consecrabant; mox autem accedente superstitione, ad benedictionem a maioribus impetrandam, cultu diuino prosequerantur. Post Moysi vero demum tempora, cum magicæ artes apud Chaldaeos incrementum sumissent, diuinationis quoque facta sunt instrumenta; quod quæ ratione intelligendum sit, in *histor. ecclesiast. veter. testam. ad period. I. sect. III. ad §. XXII. pag. 428.* exposui. Inde vero nondum constat, Teraphim imagunculas fuisse sub certa constellatione, ad effectus mirabiles edendos, fabrefactas. Veterum etiam haereticorum, speciatim Basilidianorum gemmae, vocem notissimam *Abraxas*, quod summi Dei, vt nonnulli putant, apud eos nomen fuit, referentes, an satis accurate pro figuris Talismanicis habeantur, dubito: inter amuleta magica recte eas referri, certum est. Legendus de iis IOAN. MACARIUS, canonicus Arianus, in disquisitione posthuma, de *gemmis Basilidianis*, quae inscribitur: *Abraxas*, seu *Aristobistus*, quam IOANNES CHIPLETVS, canonicus Tornacentis, publici iuris fecit, simulque & aliam ipse dissertationem adiunxit, quae inscribitur: *Abraxas Proteus*, seu *multiformis gemmae Basilidianae portentosa varietas*, in qua centum & viginti gem-

gemmas Basilidianas exhibet, & commentario illustrat; Antuerpiae anno M DC LVII 4to. Quicquid huius sit, iam antiquis temporibus, Talismanicas figuras in vſu fuiſſe, & apud orientales populos, cuinprimis Arabes, ſuperſtitioni, ſpecialim aſtrogiae admodum addictos, originem accepiſſe, non abnuerim. Seculo poſt Chriſtum natum decimo tertio ROGERVM BACONEM, & decimo quarto PETRV M APO- NENSEM artem eiſusmodi figuras conficiendi profeſſos eſſe, conſtat, viriſque eruditis eſt obſeruatum; conſ. GEORGIVS PASCIVS, de *inuentis non-antiquis*, cap. VI. §. XXIV. pag. 399. Nee recentiori aetate de- fuiſſe, qui tum figuris eiſusmodi Talismanicis, tum aliis amuletiſ vii quendam ſingularem tribuerent, pretiumque eiſusmodi nugis ſtatuere, Henrici Corneliſ Agrippae, Theophraſti Paracelſi, Iacobi Gaſ- farelli, aliorumque exemplis condoceri poteſt. Et GAFFARELLVS quidem, in *curioſitatibus*, quas vo- cat, *inauditis* cap. VI. pag. 102. ſeq. valde operoſus eſt, vt Talismanicas imagines defendat. Id vel in- ſcriptio capitiſ docet: *poſſe ſecundum orientales figu- ras quasdam certo coeli poſitu confici, quae naturaliter & abſque daemonum ope animalia noxia depellant, ventos, flamina & tempeſtates auertant, variis deni- que morbiſ medeantur.* Tribuſ vero maxime argu- mentiſ iſtam figurarum vel imaginum efficaciam probare annitiſ: quorum primum ab aſtrorum in- fluxu petituſ eſt; alteruſ a vi *συμπληρωμα* ſeu ſimi- litudiniſ; tertiuſ denique ab experientia. Ab vlti- mo, in quo maximum haud dubio cauſae praefi- diuſ ponit, diuſ ordituſ, exempla plurima cumu- lat, quibuſ putat, iſtam imaginum efficaciam pro- bari poſſe. Ad quod tamen quid reſpondenduſ ſit, quilibet, non proruſ perfunctorie cuncta ſecum expendens, facile intelligit. Ne quid enim de eo dicam, quod teſtimonia auctorum, ex quibuſ exem- pla iſta depromſit, non vno omnia habenda ſint lo- co, inmo quaedam ita comparata, vt non ſine ra- tione in dubiuſ vocari queant, de effectu quidem, ſi locuſ inueniant, certiores noſ reddere poſſunt,

M m

minime

minime autem de causa, naturalisne sit, an praeternaturalis? Neque enim de eo quaestio est, an eiusmodi imagines aliquando efficaciam quandam, e. g. in morbis pellendis, habeant. Hoc enim non prorsus negauerim. Sed de eo quaeritur, num effectus hic naturalis sit, an vero daemonem auctorem habeat? Praeterea, num effectus per se causam sequatur? quaeritur, non autem, an id per accidens fiat. Intercedente enim hominis imaginatione, effectum salutarem aliquando sequi posse, nemo temere inficiatus fuerit; qui tamen imagini eiusmodi vel figurae, ceu causae, tribui nullatenus potest. Corruit hinc alterum auctoris argumentum, a *εμπαθεια* petitur. Quemadmodum enim voces istae *εμπαθεια* & *ἀντιπαθεια* ††† non alio loco habendae, quam reliquae qualitates occultae, quibus, qui istis vtuntur, non tam phaenomenorum naturalium causam reddunt, quam suam profitentur ignorantiam; ita in explicanda ista *εμπαθίας* efficacia auctor ad ea dilabitur, quae vim quidem singularem imaginationis probant, causam tamen, quam defendendam suscepit, parum iuuant. Reliqua autem aut nihil probant, aut digna non sunt, quae in censum veniant. De tertio, quod antea primo posuimus loco, quid iudicandum sit, argumento, astrorum scilicet influxu, patet ex iis, quae supra de astrologia fuisse disputauimus. Ad obiectiones quidem secus sentientium respondere conatur GAFFARELLVS, *loc. cit. cap. VII. pag. 137. seqq.* sed ea ratione, vt causae suae imbecillitatem prodatur potius, quam vt robur aliquod seu praesidium illi adferat. Nihil itaque aliud superest, quam vt haec omnia *περίεργον* illis, igne dignissimis, quorum *Astor. XIX. 19.* mentio iniicitur, annumeremus. Iureque adeo & in veteri ecclesia, qui talia aut vsurparent, aut conficerent, aut artes eiusmodi profiterentur, damnati sunt, & ab ecclesiae communione remoti, vt vel ex concilio Laodiceni, *can. XXXVI.* liquet: *Quod non oportet eos, qui sunt sa-*
crati

crati vel clerici, esse magos vel incantatores, vel mathematicos ††††, vel astrologos, vel facere ea, quae dicuntur amuleta, quae quidem sunt ipsarum animarum vincula, eos autem qui ferunt, eiici ex ecclesia iussimus. Immo ab ethnicis imperatoribus, quod mireris, ista superstitione prohibita, graviterque punita fuit. De Antonino namque Caracallo AELIVS SPARTIANVS refert: damnati sunt, & qui remedia quartanis tertianisque collo annexa gestarent: in vita Antonini Caracalli cap. V. pag. m. 716. Ad quem locum quae is. CASAVBONVS notat, cum observatu digna sint, hic legisse, poenitebit neminem: Plena sunt monumenta Graecorum, & Latinorum huiusmodi remediis. Graeci περιπτα & περιμματα, interdum & ιξαθηματα nominant. Fere autem cum magicorum verborum suffragio ista amuleta adhibebantur; quam vanitatem omnium seculorum sapientes damnavant. Mirum vero, adeo severe in eos, qui talia remedia gestarent, ab eo principe, omnium, nisi fallor, primo fuisse animadversum; quem curiosis artibus fuisse deditissimum, testibus Dione & Herodiano constat nobis. Ita nempe videas libidinosissimum quemque principum legem Iuliam de adulteris plurimum saepe urfisse. Haesit diu in animis veterum christianorum approbatio & studium horum remediorum. Quare Ioannes Chrysostomus, & alii pii sanctique viri, multis locis scriptorum suorum gravissime in eos sunt inuicti, qui more pagánico περιπτα annexerent; extantque de horum poenis canones multi in antiquis patrum conciliis &c. A christianis imperatoribus deinceps itidem leges variae conditae sunt, quibus tum hoc genus, tum aliae species omnes veuitarum artium coërcebantur. De Constantii temporibus verba faciens AMMIANVS MARCELLINVS, nam si qui, inquit, remedia quartanae vel doloris alterius collo gestaret, sine per monumentum transiisse vespere maleolorum argueretur iudiciis, ut veneficus, sepulcrorumque horrores, & errantium ibidem animarum ludibria colligens vana, pronuntiatu reus capitis interibat, libr. XIX. cap. XII. pag. m. 251. Ad quem MARCELLINI locum quae

FREDERICVS LINDENBROGIVS notauit, itidem lectu digna sunt. Sed mitto reliqua, quæ hac de re dici possent.

† De *Moly*, *Nepenthe*, & *radice amara Patrocli*, ab Homero commemoratis, vide REIMMANNI *Iliad. post. Homerum* p. 159. & seqq.

† De *Abracadabra* videantur quoque PH. CAMERARIUS *Hor. Subcis. cent.* 2. C. 76. & G. J. VOSSIUS *de origine & progressu Idololatriæ* L. 1. c. 8.

† STEPH. LE MOYNE ancile *διοπερις* excogitatum putat ex eo, quod Deus in scriptura vocetur *cypheus suorum Gen.* 15. 1. &c. v. TH. GUTBERLETHUM *de Saliis C.* 14. de anciliis quoque HIER. COLUMNA ad Q. ENNII *fragmenta* L. 1. *Annal.* p. 41. Edit. HESSELIANÆ.

†† De amuletis v. CAMERARIUM *l. l. & Cent.* 3. C. 30. nec non J. B. CASALIUM *de vet. Sacr. Christ. ritibus.* C. 48. qui quoque de origine illius ritus, quo effigies *Agni Dei* in bullarum morem efformatur, videri potest. Lectu dignissima quoque sunt ea, quæ habentur in *Antiquit. Neomag.* Venerandi SMETII p. 19. & seqq.

††† v. WALCHIUM *Philos. Lex.* voce *Anipathie*, & MORHOVIUM *Polyb. Philos. L.* 2. c. 8.

†††† Per *Mathematicos* hoc loco, ni fallar, ejusmodi intelligentur homines, qui se de scientia futurorum ex astris vel alio modo acquisita jactabant. Junguntur propterea *Chaldeis* in fragmento quodam ULPIANI, quod ab aliis sæpius adductum vidimus. *Mathesin* cæteroqui, quæ quantitatum est scientia, Theologo necessariam, vel saltem utilissimam esse, ostendit SCHEUCHZERUS *Praefat. de Math. usu in Theologia.*

* Ominum ejusmodi captatio, vt longe frequentissima olim apud ethnicos fuit, ita nec hodie inter christianos desit, immo tam firmiter multorum animis infixæ haeret, vt inde vix euelli posse videatur. Et ad ethnicos quidem quod attinet, non defuerunt inter eos, qui homines omnia captantes superstitionibus

nis arguerent. Qua de re ipsum THEOPHRASTVM audire iuvat, qui supersticiosum hominem delicias, haec de eo obseruat, quae breuitatis studio latino tantum idiomate referemus: *Superstitiosus vero is est, qui elatis manibus & aqua lustrali adpersus e templo, folium lauri tenens, integrum diem ita ambulet. Si viam mustela ingrediente eo transcurrerit, non ante progredietur, quam alius prior transierit, aut ipse tres lapides trans viam miserit. Serpentes si viderit in aedibus, sacellum eo loco exstruet. Lapidem vinctos, qui sunt in triniis, solet oleo ex ampulla perfundere, nec prius discedere, quam posito genu eos fuerit veneratus. Quod si mus sorte farinae follem arrosarit, adit ad interpretem, & quid facto sit opus, eum percontatur; qui si respondeat, cerdoni nimirum tradendum esse illum follem, ut sarciatur, supersticiosus iste neglecto arioli responso, religioni rem habens, exinanitum sacrum a se amolietur. Solet etiam demum crebro purificare; sepulchrum nullum insistere; ad defunctorum iusta nullus accedere, neque item ad ullam vnuquam puerperam. Insomnium porro si viderit, pergere ille ad somniorum interpretes, ad diuinos, ad augures, sciscitaturus, cui Deo, cui Deae vota sint facienda. Et ut sacris initietur, ad Orpheotelestas singulis mensibus cum uxore, aut, si uxori non vacet, cum nutrice & filioliis suis itat. Praeterea in compitis, antequam inde discedat, aqua in caput aspersa se lustrat. Piatricibus quin etiam ascitis iubet se sequillae aut catuli circumlatione purgari. Quodsi quem mente captum aut comitalem viderit, solet inborrescens in sinum sibi despungere; in characterib. morum, cap. de superstitione pag. m. 47. Non luculentius sane ista circa omnia superstitio describi poterat. Audire tamen etiam hac de re AVGVSTINVM iuvat, cuius eo libentius verba recito, quod simul eam, de qua antea diximus, superstitionem, quae verbis, characteribus, similibusque rebus vim singularem tribuit, perstringit. Ad hoc genus, inquit, pertinent omnes etiam ligaturae, atque remedia, quae medicorum quoque disciplina condemnat, siue in praecantationibus, siue in quibusdam*

votis, quas characteres vocant, sine in quibusdam rebus suspendendis atque illigandis, vel & salandis quodammodo, non ad temperationem corporum, sed ad quasdam significationes, aut occultas aut etiam manifestas; quae mitiore nomine physica vocant, ut non quasi superstitione impliare, sed natura prodesse videantur, sicut sunt in aures in summo aurium singularum, aut de struthionum ossibus ansulae in digitis, aut cum tibi dicitur singultienti, ut dextera manu sinistrum pollicem teneas. His adiunguntur millia inanissimarum observationum, si membrum aliquod salieris, si iunctim ambulantes amicus lapis, aut canis, aut puer medius interuenerit; atque illud, quod lapidem calcant, tanquam diremtores amicitiae, minus molestum est, quam quod innocentem puerum colapho percutiunt, si pariter ambulantes intercurrerit. Sed bellum est, quod aliquando pueri vindicantur a canibus. Nam plerumque tam superstitiosi sunt quidam, ut etiam canem, qui medius interuenerit, ferire audeant, non impune; namque a vano remedio cito interdum ille percussorem suum ad verum medicum mittit. Hinc sunt etiam illa; limen calcare, cum ante domum suam transit; redire ad lectum, si quis, dum se calceat, sternutauerit; redire domum, si procedens offenderit; cum vestis a soricibus roditur, plus timere superstitionem futuri mali, quam praesens damnum dolere. Vnde illud eleganter dictum est Catonis, qui, cum esset consultus a quodam, qui sibi a soricibus erosas caligas diceret, respondit: non esse illud monstrum, sed vere monstrum habendum fuisse, si sorices a caligis roderentur; de doctrina christiana libr. III. cap. XX. pag. m. 20. Nec tantum homines plebeios, sed magnae etiam dignitatis viros tam ridicula superstitione laborasse, deprehendimus. De Augusto namque imperatore SVETONIVS refert, cum auspicia quaedam & omina pro certissimis obseruasse. Si mane, inquit porro, sibi calceus perperam, & sinister pro dextero induceretur, ut dirum; si terra marino ingrediente se longinquam perfectionem forte rotasset, ut laetum, maturique & prosperi reditus. Sed

ostendit

ostentis praecipue monebatur. Enatam inter iuncturas lapidum ante domum suam palmam, in complanum decorum penatum transtulit, utque coalesceret, magno opere curavit, &c. in *Augusto* cap. XCII. Iam antea cap. LXXXIII. de eodem dixerat: pumilos atque distortos, & omnes generis eiusdem, ut ludibria naturae, malique ominis abhorrebat. Immo huc tota haruspiciū atque augurum pertinet disciplina, apud Romanos adeo decantata, irrita quidem a sapientioribus †, non alio tamen fundamento, quam quod omnia praebent, innixa; de qua praeter CICERONEM ipsum libris duobus, de *divinatione*, Romanarum antiquitarum scriptores legendi, speciatim BVRCARDVS GOETHELF STRVIVS noster, in *syntagm. antiquitatum Romanar.* cap. VI. pag. 252. seqq. Iungenda & ANDR. CHRISTIANI ESCHENBACHII dissertatio, de *auguriis veterum*, quae nona est inter *dissertationes eius academicae* iunctim editas, pag. 551. seqq. ut reliquos, qui hac de re ex instituto egerunt, mittam, laudatos iam IO. ALBERTO FABRICIO, *bibliograph. antiquar.* cap. XII. pag. 410. & 411. Romanos cum aliis idololatriae & superstitionis generibus, istam quoque omina & auguria captandi disciplinam, ab orientis populis, eiusmodi nugis ad insaniam usque deditis, accepisse, non est, quod dubitemus. Apud hos enim cum reliquis artibus divinatoriis hanc quoque in usu fuisse, neminem fugit. Quin immo & ipse Moses iam huius rei mentionem iniecit, siquidem *Dent. XVIII.* 13. מַנְחָשִׁים, hoc est, ὁ ὀμνίζόμενος, ut LXX interpretes vertunt, commemorantur; quo nomine omnium eiusmodi captatores indigitari, iam observatum, in *hisor. eccles. vet. testam. ad period. II. sect. I. §. XXXVI.* pag. 777. Ab ethnicis ad christianos hanc superstitionem transiisse constat, &, nisi experientia doceret, veterum ecclesiae doctorum nos minime sinerent dubitare testimonia. Ipse IO. CHRYSOSTOMVS, *orat. XXI. ad populum Antiochenum*, hac de re conqueritur, simulque exempla stolidae istius va-

nitatis adfert : τί ποτ' ἐστὶ συμβολά Φησι ; πολλάκις
 ἐξελθών τις τὴν οἰκίαν τὴν ἑαυτοῦ, εἶδεν ἄνθρωπον ἑτερόφ-
 θαλμον ἢ χαλέοντα, καὶ οἰωνίσατο τὸ τοιοῦτον Σατα-
 νικὴν ἢ γὰρ ἡ ἀπάντησις τῷ ἀνθρώπῳ πονηρὰν ποιεῖ τὴν
 ἡμέραν γένεσθαι, ἀλλὰ τὸ ἐν ἀμαρτίαις ζῆν. *Quid
 enim sunt omina, talis ait; quod saepe quis, si domo
 sua egressus, viderit hominem altero orbatum oculo, aut
 claudum, & inde ominatus fuerit. Istud est pompa
 Satanica. Non enim occursum istius hominis facit, ut
 improspere tibi sit dies; sed quod in peccatis vivas. Et
 iterum: εἶπω καὶ ἕτερον καταγελάσειν; αἰχνομαχίᾳ
 καὶ ἐρυθρῷ, ἀναγκάζομαι δὲ ὁμῶς τὴν ἡμετέραν σω-
 τηρίαν εἰπεῖν· ἐὰν ἀπάντησιν παρθένης, Φησὶν, ἀπρακ-
 τὸς ἡ ἡμέρα γίνεται· ἐὰν δ' ἀπάντησιν πέρνη, θεξιά
 καὶ χρυσὴ καὶ πολλῆς ἐμπορίας γέμεσθαι. Dicamne &
 aliud multo magis ridiculum? pudore suffundor & eru-
 besco; at cogor interim in salutem vestram id dicere.
 Si virgo obuiam fiat, ait, hic dies (mibi) sit impro-
 sper. Si vero occurrat meretrix, opportunus ille dies,
 & utilis, & lucrosus est. Plura eiusdem generis qui
 desiderat, is adeat ANTONII VAN DALE, *dissertatio-
 nes de origine & progressu idololatriae, dissertat. III.
 pag. 364. seqq.* Hodie adhuc nihil temere frequentius
 esse, apud homines superstitiosos, omnium variorum
 captatione, satis interdum ridicula, notum omnibus
 est. Exemplum etiam pro dolor! quotidie sunt obuia,
 apud IOANNEM CHRISTOPHORVM MANLINGIVM le-
 gere licet, in libro germanico idiomate edito: *Denck-
 würdige Curiositäten derer so wohl inn-als auslendi-
 scher abergläubischen Albertaten, als der weiten Welt
 allgemeinen Götzens, &c. capite cumprimis XIII.
 pag. 296. seqq.* Atque ex haecenus dictis characte-
 rem hominis superstitiosi intelligere licet, quem &
 eleganter atque concinne exhibet vir doctissimus,
 ingeniosissimusque, SAM. WERENFELSIVS, in *differ-
 tat. de superstitione in rebus physicis p. m. I. Malum,*
*inquit, superstitionem designans, non infrequens, at
 bonae mentis inimicissimum, quod si quis semel imbi-*
*bit,**

bit, nihil tam ridiculum, atque ab omni veritatis specie alienum est, quod fidem apud ipsum non inueniat. Omnia hic timebit somnia; ad omnia expauescet omina; nunc canis illum, nunc cornix, nunc vlula terrebit; si, quot annos sit victurus, scire auet, ex cuculo id quaeret; quoties dextra auris tinniet, laetabitur; sinistra, moerebit; quoties amabit, philtum sibi datum conqueretur. Nihil incipiet, quin prius calendarium inspexerit,

capiendo nulla videtur

Aptior hora cibo, nisi quam dederit Petosyris.

Siderum ignes peius metuet, quam cum proximus ardet Vcalegon. Venam sibi secari non patietur, nisi impetrata a planetis venia. Semen terrae non committit, cum terra, sed cum luna id iusserit. Caput tonderi inebit, cum luna est aut in leone, vt capilli instar villorum leoninorum rigescant, aut in arietem, vt instar cornuum arietinorum crispentur. Quicquid crescere volet, crescente hoc sidere, quod sensim diminui, decrescere, inchoabit. Cum in tauro luna est, nunquam adduci poterit, vt medicamenta hauriat, ne animal hoc rumigans medicamentum enomere cogat. Vitabit mare, quoties Mars est in medio coeli, ne bellator iste Deus piratas aduersus se suscitet. Arborem seret in Tauro, vt signum hoc, quod fixum astrologis appellari solet, altius eam in terram defigat. Si quando adire volet principem, expectabit, donec luna consocietur soli; tum enim salutaris est minoris cum maiore societas. Domo egrediens nihil magis metuet, quam inuidi oculi adspectum: peregre abiens, lupi non tam dentes timebit, quam inprouisum intuitum, ne is facultatem sibi loquendi adimat; domum reuersus verebitur identidem, ne forte basiliscus ex ovo galli sui prodeat, qui venenato se adpectu interficiat. Optaret quidem, vt bona sua post mortem ad amicissimos redirent, sed manu ea nescio quibus relinquere, quam testamentum condere, metuens, ne statim a condito testamento moriatur. Annum climactericum praetergressus, non aliter laeta-

bitur, ac si ex mortis ungulis elapsus esset. Si forte vulneratur, unguentum non vulnere, sed quod efficacius est, telo, quo sauciatus est, allinet. Aegrotus praescriptas pilulas pari numero nunquam deglutiet; herbis non utetur, nisi sancta quadam hora decerpitis; morbum nova quadam arte instar germinis transplantabit, cuique volet, arbori inseret. Febrim non phar-macis expellet, sed, quod praesentius est remedium, ungues resectos cancroque alligatos anersus post tergum, ut Dencalion lapides, ex quibus novum hominum genus ortum est, in proximum flumen proiciet &c. Recte vero idem vir doctus paucis interjectis addit: En! superstitiosi nostri imaginem, quae si cui hyperbolica videtur, agnoscimus, huc usque insaniae non omnes venire, hanc indicii intemperiem in aliis maiorem, minorem in aliis esse; at reperiuntur certe, qui haec prope omnia bisque ipsis ineptiora & credunt & profitentur, &c ††.

† Apud ENNIUM aliquis ita loquens introducitur:

*Non habeo denique nauci Marsum augurem,
Non vicani haruspices, non de circo astrologos,
Non Isiacos conjectores, non interpretes somnium:
Non enim sunt ii, aut scientia, aut arte divinei;
Sed superstitiosi vates, impu- tentesque harioli,
Aut inertes, aut insanei, aut quibus egestas imperat &c.*

v. *Fragmenta ex Telamone.* Ex quibus verbis id saltem derivare licet; non defuisse inter Romanos ætate Ennii, qui vatum superstitionem, aruspicumque & augurum ineptias perfectas haberent. conf. etiam COLUMNAM.

†† Non defunt quoque, qui expavescunt, cum tredecim, ni fallar, homines iisdem epulis accumbere videant; qui bella & atrocissimas cædes instare clamitant, si quis alteri salem administraverit, &c. Hisce nugis immorari Animus nobis non est; ac in iis recensendis, cum harum rerum professores ipsi non conveniant, & nos in hac arte simus rudes; gravissimos facillime errores committerem. Id tamen monendum duxi; nonnullos hac superstitione confictari, qui citra omnem pudorem omnes illos, qui Deum

Deum sincero & fervido affectu colunt, superstitionis reos agunt.

- ** Vt eo rectius cuncta, de quibus hactenus diximus, diiudicari queant, observandum primo, non quemlibet in rebus phyticis errorem statim pro superstitione habendum, sed si quis vana & inani perlatione ductus, causis quibusdam eiusmodi effectum tribuat, qui quo nexu cum causa cohaereat, nemo mortalium, quantumvis rerum naturalium peritus, ingenii acumine praeditus, perspicere valeat. Deinde, cum, qui inter causam & effectum intercedit, nexus, vel *generalior* vel *specialior* sit; lubentes concedimus, speciallorem saepius nos latere, vt tamen ideo effectus minime sit in dubium vocandus, multo minus, qui nexum istum nescit, & nihilofecius causae effectum tribuit, superstitionis arguendus sit. Experientia sane quotidiana docet, multos dari effectus, de quorum causis non est dubitandum, etsi nemo mortalium nexum specialem causae & effectus explicare queat. Praeterea, cum nexus, qui inter causam & effectum intercedit, vel *certus*, vel *verisimilis*, vel *possibilis* sit, manifestum est, eam demum perlationem superstitionis notam incurtere, quae effectum cum causa coniungit, cuius nexus virorum perspicacium iudicio nec verisimilis nec etiam possibilis est. Eleganter haec omnia illustrat, quem antea iam laudauimus, SAMVEL WERENFELSIUS, *loc. cit. §. I. seqq. pag. 5. seqq.* Sunt porro haec maximam partem ita comparata, vt directe quidem religionem Numinisque cultum non attingant, sed ignorantiam potius nimiamque credulitatem arguant. Vnde is ipse, quem modo laudauimus, vir doctissimus, de *superstitione*, inquit, *hic loquimur, non quatenus rationi aduersatur; non ea, quam theologi condemnant, sed quam philosophi rident; non ea, quae stultitia; non denique de ea, quae aut falsum numen, aut verum ineptis ceremoniis placat, aut a daemonibus auxilium expectat; sed de ridiculo quodam in rebus naturalibus errore, qui virtutem causis attribuit, quae illis conuenire nullo pacto potest, loc. cit. §. I.* Nihil.

Nihilofecius, cum homines eiusmodi ineptiis additi, mediis a Deo nec ordinatis, nec probatis, ad finem consequendum vtantur, & cum credulitate & stultitia, pravae plerumque coniunctae sint cupiditates, cum filiali insuper Dei timore & fiducia ista conciliari nequeant, nullum plane est dubium, quin ad minimum indirecte cum vera religione, cultuque Numinis genuino, pugnent, adeoque & hoc nomine, ceu peccata grauissima condemnentur merito, atque reiiciantur.

§. VI.

Singulari quadam ratione circa tempora *, loca **, & nomina propria, quae hominibus imponi solent ***, mortalium sese exerit superstitio. Etsi enim manifestum sit, hisce omnibus ad effectus, qui illis tribuuntur, producidos, nullam vim esse, nullamque efficaciam, nihil tamen solennius frequentiusque, quam vt bona quaedam aut mala hominibus adferre credantur, adeoque *fatalitas* quaedam iis tribuatur. Quod qui faciunt, vt subinde nimiam credulitatem suam produnt, ita simul in diuinam iniurii sunt prouidentiam.

- * Antiquissimis iam temporibus ea persuasio hominum animos inuasit, vt quosdam dies faustos prosperosque, infaustos alios, crederent. Per associationem enim idearum plerisque mortalium, facile admodum contingit, vt tempori, quo aliquid accidit, tribuant, quod longe aliis causis tribuendum erat. Hinc itaque diem, quo sibi aduersi quid euenit, ceu causam mali, infaustum sibi esse, existimant, & inde porro concludunt, quoties ille quotannis recurrit, eundem semper infaustum esse. Hinc apud Romanos dies quidam infausti censebantur, quos & *atros* adpellarunt, eo quod olim iis exercitus eorum

rum clade quadam grauiori adfectus esset, vel alia quaedam memorabilis calamitas reipublicae contigisset. *Dierum vero*, inquit ALEXANDER AB ALEXANDRO, *quidam fausti & agendis rebus felices, quidam atris & tristi omine infames habiti: quibus aliquid moliri, aut nouae rei inceptare, euentus exitialis erat. In his exercitum conscribere, legiones educere, manum cum hoste conserere, sponsalia inire, peregre proficisci, aut quidquam publicae vel priuatae rei moliri, inceptu foedum & exitiale aestimarunt. Obseruatumque fuit, ut, qui hostes bello tentare, vel acies eo tempore committere curarent, rem in non mediocre periculum discrimenque adducerent, magno postea exitio consecuto. Fuisse autem atros dixere dies post Idus Quintiles ad quintum decimum calend. Sextiles, duplici clade insignes, quo ad Cremeram Fabii caesi, & quo ad Alliam foede Romani a Gallis fusi fugatique fuere: quibus grauius adfecta & in extremum discrimen adducta Romana res fuit; &c. genial. *dier. lib. VI. cap. XX. pag. m. 1137. 1138.* Confirmant haec AVL. GELLIVS, *noct. Atticar. lib. V. cap. XVII.* MACROBIVS, *Saturnal. lib. I. cap. XVI.* & ante hos TITVS LIVIVS, *historiar. libr. V. cap. I.* Scriptores quoque Romanarum antiquitatum copiosius hoc edisserere solent. Non tantum vero Romanis, sed aliis quoque gentibus, dies quosdam aut infelices aut fortunatos, exemplis quam plurimis docet is, quem iam laudauimus ALEXANDER AB ALEXANDRO, *loc. cit. pag. 1141.* De Graecorum speciatim diebus auspiciatis legendus AELIANVS, *variar. historiar. libr. II. cap. XXV. pag. m. 109. seqq.* Obseruatum etiam fuit, singulis quandoque hominibus dies quosdam fatales fuisse †, ut aut prospera aut aduersa, aut vtraque, certo anni mensisque die experti fuerint. Sic diem VI Aprilis fatalem ferunt fuisse Alexandro magno, quippe quo natus sit, quo Darium etiam vicerit, & denique mortuus sit. Eodem die, addum, conflagrasse templum Dianae Ephesinum, in praefagium incendii ab Alexandro per totam Asiam excitandi, immo & Graecis eodem die memor-*

morabilem ad Plateas victoriam a Persis retulisse, & in pugna quadam navalj discessisse superiores. Pompeium porro aiunt magnum, natum fuisse die trigesimo Septembris, eodemque ob victorias in Asia reportatas, & occupatam Hierosolymam, triumphasse, sed eodem quoque in Aegypto interfectum esse. Mitto alia eiusdem generis, quae magno numero adferri possent; quorum nonnulla leguntur, in IOANNIS CHRISTOPHORI BECMANNI *lineis doctrinae moralis*, cap. VII. §. IV. Non equidem negaverim, diuinam in hisce subinde arcana quadam ratione se prodere prouidentiam, adeoque non omnia, quae hac de re traduntur, contemnenda esse promiscue atque reiicienda. Cauendum tamen, ne ad absolutum aliquod Numinis decretum aut fatum Stoicum, in prouidentiam diuinam palam iniuriam, prolabamur. Cauendum praeterea, ne ipsi temporis, cuius in rebus producendis nulla est efficacia, tribuamus, quae ab aliis causis profecta, certo ac determinato tempore sese exerunt. Hoc enim qui faceret, ignorantiae & superstitionis merito reus censeretur. Minus vero recte etiam a nonnullis huc vaticinia scripturae sacrae de rebus futuris, referuntur, quae certo & determinato tempore euenire debebant, c. g. *Genes. XV. 16. Dan. IX. 24.* In hisce enim quod euentus, etiam qua temporis rationem accurate responderit, non ob fatalitatem quandam temporis, aut similem causam, factum; sed Deus per omniscientiam suam vidit, isto tempore euentura, quo euentura ea praedixit. Multo vero minus ipsi temporis in hisce euentibus efficacia quaedam tribuenda, quod sine summa stoliditate fieri non posset. Facile autem ex dictis etiam intelligitur, quid de *annis climactericis* censendum, de quibus ex instituto egit CLAVDIUS SALMASIVS; conferendus vero etiam est CENSORINVS, de *die natali*, cap. XIV. legendaque, quae ad *b. l.* obseruauit HENRICVS LINDENBROGIUS, pag. 95. *seqq.* Nimirum ipsius temporis, aut numerorum, nullam in hisce vim & efficaciam esse, quilibet facile intelligit.

git. Fieri tamen potest, vt ex aliis causis, quas recentiores rerum naturalium & medicarum consulti explicant, sensim mutatio quaedam in corpore humano contingat, quae singulis maxime se exerat, & conspicua euadat, septenniis. Praeter haecenus commemorata, multa alia sunt superstitionum circa dies, festos cumprimis, & sanctorum nominibus in factis consecratos, genera, quibus homines plebei ad infaniam vsque dediti sunt, quae in compendio exhibet IO. CHRISTOPHORVS MAENLINGIVS, in *denkwürdigen Curiositäten derer so Wohl in-als ausländischen Albertaten*, &c. cap. VIII. pag. 187. seqq. qui & cap. IX. pag. 216. seqq. superstitiones eiusmodi hominum ineptias circa septimanas, menses, & annos, commemorat.

† PH. CAMERARIUS *Hor. Subcis. Cons. I. c. 82.* annum LXIII. viris magnis plerunque fatalem esse docet. Immo id observatum esse in multa hominum memoria, expertumque in senioribus plerisque omnibus, ait A. GELLIVS *Noct. Att. L. 15. C. 7.*

** Loca quaedam hominibus fatalia esse, iidem nonnulli sibi persuadent. De Mülberga, ad quam Ioannes Fridericus, Saxoniae Elector, a Carolo Caesare captus est, verba faciens AVG. THVANVS, huius loci nomen, inquit, viris principibus male ominosum semper fuisse, a viris curiosis rerum Germanicarum observatum est, si quidem ad Mülbergam in Bavaria Ludonicus IV. imperator, Fridericum ducem Austriae, & Henricum fratrem, anno M CCC XXIII. Robertus item imperator centesimo circiter anno post Bernardum, Badensem Marchionem, ad Mülbergam supra Nemetes cepit; *historiar. libr. IV. pag. m. 115.* Alia exempla adfert IOANNES CHRISTOPHORVS BECMANNVS, in *lin. doct. moral. cap. VIII. §. V. pag. 195.* Sed, quod de diebus, aliisque temporis partibus, diximus, idem & de locis observandum. Fieri sane potest, vt in vno eodemque loco calamitas quaedam homines aliquoties excipiat. Quod cum aut casu plane fortuito contingere queat, aut ex aliis causis,

causis, occultis iis quidem, procedat; per idearum associationem loco ceu causae effectum tribuunt, cuius tamen in eo producendo, vis nulla, nulla-que est efficacia. Hinc tamen imaginatio ad credulitatem prona, fatalitatem locorum fingendi occasionem arripit. Hanc vero si vel maxime experientia confirmaret, certum tamen, non locis, aut eorum fatalitati, sed aliis causis effectum istum tribuendum esse. Interim contingit, vt homines superstitiosi temporum locorumque fatalitatem plus timeant, quam iram Dei, immo per eiusmodi timorem superstitiosum a fiducia in Deum collocanda se auerti patiantur †.

† De superstitione circa loca v^o 1. Reg. 20. 23.

*** Varia iterum & multiplex hominum circa nomina propria est superstitio. Qui liberis suis sanctorum celebriumque virorum nomina imponunt, parentes, haud raro sibi persuadent, illos non posse non hisce similes euadere, siquidem idem habeant nomen. Plane, ac si nudum nomen per vim quandam magicam mentem moresque hominum mutare, ac ex stupidis ingeniosos, ex flagitiosis probos ac virtuti deditos, efficere posset. Sunt etiam, ex Iudaeis praecipue, qui nominum mutationem ad morbos depellendos, immo ad hominem a mortis periculo liberandum, plurimum valere sibi persuadent. Collegit talia IOAN. CHRISTOPHORVS MAENLINGIVS, in *den denkwürdigen Curiositaeten derer so wohl in als auslaendischen aberglaubischen Albertaeten*, cap. XIV. pag. 317. seqq. Solent & subinde nomina quaedam fatalia commemorari. Nomen Ferdinandi Hispanis, Leopoldi domui Aultriacae, Ludouici Galliae auspiciatum, Iacobi contra Scotiae regibus infaustum esse creditur; confer. IO. CHRISTOPH. BECMANNVS, *lin. doctrin. moral. cap. VIII. §. III. pag. 185* Id quidem constat, nominum impositionem aut mandato Numinis, aut eius institutu, olim factam, mysterio non caruisse; quamuis ideo pro

facra-

fac
re
ad
mi
ste
28.
ber
rur
hac
noi
diu

† Illo
ante
locc
veri

†† N
tali
aut

C
di al
impe
si in
varia
orta
credu
ro ill
ter e
dum
praet
posse
& al
nec

sacramento non sit habenda. quod nonnullos facere a me obseruatum est, in *hisor. eccles. vet. testam. ad period. I. sect. I. §. XXV. pag. 129. 130* †. Multo minus mutatio nominis, Dei mandato facta, mysterii expers censenda; conf. *Gen. XVII. §. XXXII. 28.* Nec vituperandum illorum institutum, qui liberis sanctorum virorum nomina imponunt, vt horum eo ardentiori studio imitentur virtutes ††. Sed haec omnia ita comparata sunt, vt superstitio circa nomina, antea commemorata, nullum inde praesidium capiat.

† Illorum equidem sententia, qui impositionem nominum, antequam circumcisio a Deo praecipita fuit, sacramenti loco mandato Numinis usitatam fuisse, autumant, omni veri specie non destituitur.

†† Non probanda tamen videtur illorum consuetudo, qui talia liberis suis nomina imponunt, in quibus nomen Dei, aut Servatoris auditur. v. *Exod. 20. 7.*

§. VII.

Cum intempestiua maxime futura praenoscendi auiditas multos mortalium ad superstitionem impellat, nec temere quicquam sit, quod non, si in signum aliquod futuri euentus arripiatur, variam interpretationem admittat, plurima hinc orta sunt diuinationum genera, ad fallendos credulos perquam accommodata. Latissime vero ista diuinatoria superstitio patet, cum praeter ea, quae ceu causa ad effectum producendum praebere indicium creduntur, aut modo praeternaturali & efficere quid, vel praedicere posse existimantur, de quibus haecenus dictum, & alia sint, quae nec causae rationem habent, nec praeternaturali virtuti, qualis est spirituum,

N_n

tri-

tribuuntur, & tamen ad futura indicanda apta esse, stolta prorsus censentur credulitate. In quibus cum itidem rebus creatis ea tribuant, quae soli Deo propria sunt, animumque in Numinis voluntate minime acquiescentem prodant, grauitur & hosce peccare, positum est extra omnem controuersiam*.

- * Quae superstitiosi homines per ineptam credulitatem rebus creatis tribuunt, ad duo reuocari capita possunt. Vel enim ab iis aliquid *effici* putant, dum e. gr. sanitatem, morborum depulsionem, diuitias, honores, prospera, aduersa & reliqua eiusdem generis, illis imputant; vel *futurorum* indicationem ab illis expectant. Quaedam vero ita comparata sunt, vt vtroque nomine superstitiosis inseruiant, dum & effectum quendam illis ceu causae tribuunt, & futurorum quoque significationem ab illis expectant; e. g. mali genii, & astra. Namque a spiritibus malignis & operam seu auxilium in quibusdam, & futurorum significationem, homines artibus magicis addicti sibi pollicentur. Sic & astra efficere non minus, quam significare prospera & aduersa hominum creduntur. Haec vero cum ad priorem classem, de qua haecenus dictum, merito referantur, nunc autem de iis, quae alteram classem constituunt, seu ad futurorum indicationem tantum pertinent, dicendum sit, ratio facile intelligitur, cur, cum vltimo loco de superstitione diuinatoria agere nobis constitutum sit, *magicarum* diuinationum iam in antecedentibus injecta sit mentio. Factum namque hoc, vt diximus, ideo est, quia spiritus maligni & astra ad primam obiectionis classem recte referuntur, cum homines creduli non tantum futurorum indicationem, sed alios quandoque effectus ab iis proficisci posse, sibi persuadeant, immo interdum ceu causam futurorum effectuum ea considerent. Ad ea itaque, de quibus hic loquimur, diuinationum quod attinet genera, tanta est illorum multitudo, vt numerum

iterum inire difficile, de omnibus verba facere, magni voluminis res futura esset. SAMUEL WERENFELSIVS, vir clarissimus, cum bene obseruasset, quia ex causarum effectuumque minime cohaerentium colligatione, ceu foecunda matre, tot superstitionum genera, hominibus non minus ad signum ex re qualibet desumendum pronis, prout ex quolibet cuiuslibet facere causam iis solenne est, eleganter & ingeniose more suo addit: *Hinc tot sunt diuinandi genera, ab hominibus excogitata, ut, si nomina eorum paginae huic infarcire vellem, ultra octoginta Graeca adducerem vocabula, pleraque composita cum nomine μαυτεία; prorsus, ut, si quis Grammaticus (ut sunt in his rebus curiosi) ex me quaereret, quodnam in Graeca lingua, quae omnium maxime compositis abundat, vocabulum sit, quod plurimas admittat compositiones, dicerem, verbum, esse μαύρομα; hinc enim duo descendunt nomina μαύρα & μαυτεία, quorum composita non contemnendum vocabularium constituere possent; de superstitione in rebus physis, §. VII, pag. 21. seqq. Non desunt tamen, qui in variis diuinationum generibus recensendis operam studiumque collocarunt, quod post CICERONEM libris duobus de diuinatione, ex instituto egit CASPAR PEVCERVS, in libro notissimo, de variis diuinationum generibus, itemque HIERONYMVS CARDANVS, de rerum varietate cap. LXVIII. seqq. IANVS BOISSARDVS, de diuinatione & magicis praestigiis cap. V. pag. 15. alique. In compendio etiam praecipua diuinationum genera secundum alphabeti ordinem recenset IOAN. ALBERTVS FABRICIVS, in bibliographia antiquaria cap. XII. pag. 409. seqq. Nos missis reliquis, utpote hodie maximam partem ignotis, de geomantia saltem & orinomantia quaedam obseruabimus. Per geomantiam nimirum eiusmodi ars diuinatoria intelligitur, quae per puncta, vi quadam coelesti, ut putant, in chartam proiecta, & ad figuras reducta, rerum euentus praenuntiat. Paulo plenius rem exprimit CASP. PEVCERVS, dum,*

geomanticae, inquit, coniectationes fiunt ex punctis sedecim sorte constitutis. Figuras ipsas auctores primi composuerunt ex punctis digestis in certas species, nescio, an casu vel iudicio, & ad duodecim zodiaci signa septemque aptarunt planetas, ut hoc praetextu persuaderent imperitis, e coelo in figuras illas, dum ab artifice formantur, illabi atque influere vim nouam, quae si in certa domicilia schematis ad imaginem visitam thematis coelestis constructi, disponantur, significant ea, quae astra ipsa hoc positu, natius sua vi terrenis omnibus, ac hominum generi praecipue inferant, designentur; de variis diuination. generib. pag. m. 220. Vnde simul patet, geomantiae cum astrologia conuenientiam quandam intercedere, inmo illam pro huius filia non sine ratione a quibusdam haberi. Fuerunt, qui ex instituto geomanticae huius artis arcana panderent, quos inter haud postremus est ROBERTVS FLVD siue DE FLVCTIBVS, cuius extat liber: *de animae intellectualis scientia, seu geomantia, hominibus appropriata, quorum radii intellectuales extrinsecus, hoc est, circa negotia mundana versantes, & e centro dissipati, in centrum recolliguntur; in fasciculo geomantico, qui anno M DC LXXXVII prodiiit, cum aliis eiusdem commatis scriptis editus. Post FLVD-DIVM & alii quam plurimi ingenii vires in hocce campo exercuerunt; praesertim, cum ante annos circiter quatuordecim haec superstilitio multorum in Germania animos ceu pestis quaedam inuaderet, varii libelli germanica lingua scripti, hac de re lucem adspexerunt publicam. Summam rei in compendio exhibet, quem iam laudavi, CASP. PEYCERVS, l. c. item IOACHIMVS FORTIVS RINGELBERGIVS, in operibus, iunctim anno M D LVI Lugduni editis, pag. 540. cum primis autem legenda IO. ANDR. SCHMIDII, theologi Helmstadiensis clarissimi, peculiaris de geomantia dissertatio. Vanissimam vero esse hancce geomantiam, aeque ac reliquas eiusdem generis artes diuinatorias, & per se facile intelligitur, & inde etiam patet, quod nulla causa, cur hac ratione hominibus futura innotescant, assignari*

gnari queat. Ex astris, si vim istam futura indicandi arceffas, caedem contra geomantiam militabunt rationes, quibus astrologiam supra impugnauimus. Si ad nescio quem spiritum motorem, quem alii iactitant, te recipias, incertum per aequae incertum probabis. Sed ex ipsa forte mente hominis causa istius rei arceffenda? Ita quidem artis huius magistri ac defensores existimant, quippe qui ad hancce diuinationem velut ecstasin quandam requirunt, hoc est, abstractionem radiorum mentis ab omnibus rebus siue negotiis peregrinis. Nam, *vt in raptu magno, inquit, mentis & animae radii sursum ad diuinam essentiam attolluntur, ibique aggregantur, sic etiam in hoc raptu minori animae humanae radii foras emissi, & passim dispersi reuocantur ad centrum suum, & in mentem reflectuntur; atque ita homo, qui antea propter lucis suae diffusionem erat obscurus iam illuminatur, fitque gloriosus per radiorum expansorum congregationem.* Ita rationem hanc exprimit GEORGIVS PASCHIVS, de inuentis non-antiquis, cap. VII. §. XIX. pag. 599. quae tamen aut reuera nihil significat, aut animae humanae naturalem quandam vaicinandi facultatem tribuit. Hoc vero perperam fieri, abunde ex iis liquet, quae supra hac de re disputauimus. Nec vana tantum est ars geomantica, sed & superstitiosa, hominibus aut aliis rebus creatis tribuens, quae soli Deo sunt propria, prauisque saltem hominum cupiditatibus & intempestiuo futura sciendi desiderio, cui cum acquiescentia in Numinis voluntate non bene conuenit, originem debens †. Fuerunt, qui vanitatem artis istius ex instituto demonstrarunt, quod & in compendio solide satis fecit CASP. PEVCERVS, loc. cit. Ipse quoque eam agnouit HENR. CORNELIVS AGRIPPA. Cum enim aliquot scriptores geomanticos recensuisset, addit: *scripsi & ego quandam geomantiam ab aliis longe diuersam, sed non minus superstitiosam fallacemque, aut, si vultis, dicam etiam, mendacem; de vanitate & incertitudine scientiar. cap. XIII. pag. 76.* Ad onir mantiam denique quod attinet, antiquissimam eam esse, im-

mo olim partem quandam eruditionis & sapientiae constituisse, nemo tam ignarus rerum omnium est, qui nesciat. Certe, cum Pharaó, qui tempore Iosephi rerum in Aegypto potiebatur, de somnii sibi oblati significatione sollicitus esset, a חכמים sapientibus, & חרטמים divinis suis, quos eum in finem convocauerat, eam discere voluit. Quod ab iis profectó non postulasset, nisi, cum aliis superstitionis partibus, artem interpretandi somnia, professi essent ††. De Nebucadnezare quoque magno, Babyloniae rege legimus, quod a sapientibus Chaldaeorum non tantum interpretationem, sed indicationem somnii, cuius oblitus erat, postulauerit; his quidem indicationem, ceu positam supra hominum vires, deprecantibus, interpretationem autem, haud dubio secundum regulas artis, pollicentibus, *Daniel. II. vers. 3. 4.* Sunt omnino, qui aut Abrahamo, ut SVIDAS VOC. *Abraham*, aut Iosepho patriarchae, ut IUSTINVS, *hystor. lib. XXXVI. cap. II.* onirocritices inuentionem tribuunt. Sed cum vanis ea superstitionis artibus a numeranda sit, existimationi & sanctitati patriarcharum magnam, qui ita sentiunt, adspargere labem, vel me non inonente quilibet facile intelligit, & a me iam obseruatum est, in *hystor. ecclesiast. vet. testam. ad period. I. sect. III. §. XXI. pag. 402. 403.* item *ad period. II. sect. I. §. XXXVI. pag. 784.* Sane, patriarchis, aliisque viris sanctis, somnia diuinitus olim oblata constat, significationem quoque somniorum, aliis oblatorum iis a Deo indicatam, vel Iosephi nos minime dubitare finit exemplum. Ista vero cum haud dubio infernalis genius imitaretur, interdum vero & ex causis naturalibus contingeret, ut, quae futura erant, per somnium antea hominibus repraesentarentur, facile nonnulli superstitioni dediti, & rerum futurarum auidi, in eam ingredi sententiam potuerunt, somnia in vniuersum eum in finem hominibus obtingere, ut, quae illis euentura sint, ostendant. Cumque euentus, qui forte huic aut illo somnio respondissent, notassent, non praetermissa

missa analogia vel similitudine, quae inter imagines, & res per imagines exhibitae intercedit, ex hisce obseruationibus certas tandem sibi confecerunt regulas, quod & in aliis diuinationibus factum recte obseruat HERODOTVS, *hystor. libr. II. cap. LXXXII. pag. 119.* secundum quas somniorum interpretationem instituerent; vnde tandem onirocritica enata. Ab orientalibus ad Graecos hanc somniorum disciplinam transiisse, testantur scriptores onirocritici, quorum aut scripta aut nomina ad nos peruenere, vt Artemidorus Daldianus, de quo, vt & reliquis legenda, quae IOANNES ALBERTVS FABRICIVS obseruauit, *bibliothec. graec. libr. IV. cap. XIII. pag. 426.* Non minus vero & apud Iudaeos, cum aliis superstitionis generibus onirocriticam in vfu fuisse, vel ex tractatu talmudico *Berachoth cap. IX.* liquet; exhibetque in compendio illorum regulas AVGVSTVS PFEIFFERVS, in *panfophia Mosaica, cap. XII. pag. 485. seqq.* Sed & hodie inter nos non deesse, qui somniorum & significationi & interpretationi plus, quam decebat, tribuunt, & experientia docet, & tot libelli onirocritici lingua quoque germanica scripti nos dubitare non sinunt. De toto autem vt eo rectius statuatur negotio, id cumprimis obseruandum, somnia non vnus eiusdemque esse generis. Quaedam enim auctorem Deum habent, quibus futura significari nemo dubitauerit, & exempla quoque plurima in scriptura sacra obuia testantur. Sunt etiam ea plerumque ita comparata, vt eorum significatio statim patescat, aut alia ratione, quod factum quandoque nouimus, a Deo ipso suppeditetur. Interdum vero & ab infernali genio ea proficisci, itidem non est, quod dubitemus. Praeterquam enim, quod & hoc experientia testetur, tam opportunam occasionem, in varia peccatorum genera praecipites dandi homines, eum praetermittere, credibile non est. Et licet futura contingentia, malorum non minus spirituum, quam hominum captum multum superent, nullum tamen est dubium, quin ex iis, quae ex certis causis innotescunt,

maligni spiritus longe plura cognoscere queant,
 quam homines, adeoque & hominibus, aut per som-
 nia, aut alia ratione, reuelare. Tandem vero ex
 causis naturalibus contingere potest, vt ob tempe-
 ramenti, quo quisque gaudet, rationem, morbi vel
 aliae corporis mutationes, & quae cum hisce vin-
 culo quodam connexa sunt, in somnio alicui offer-
 rantur, quamquam & in hisce singularem subinde
 Numinis accedere directionem, neutiquam negaue-
 rim. Atque hinc quidem vt facile intelligitur, non
 omnia contemnenda, aut eodem habenda esse somnia
 loco, ita simul pleraque vana & inania, & pro
 imaginationis vagae, mentisque directione destitutae,
 effectibus reputanda esse, manifestum est †††. Nec
 turpius se traducere potuerunt etiam philosophi,
 quam dum neglecto hocce, quod antea obseruauimus,
 discrimine, eandem vim omnibus somniis
 tribuentes, eius rei causam inquirere aggressi sunt.
 Qua de re audire iuuat HENRICVM CORNELIVM
 AGRIPPAM: Cui artificio (somnia-
 rum Interpretationi) etiam & quidem magni philosophi haud parum tri-
 buerunt, praecipue Democritus, Aristoteles, & eius
 sectator Themistius, atque Sinesius, Platonius, sic
 innitentes exemplis illis somniorum, quae casus aliquis
 vera fecit, vt inde nihil frustra somniari suadere co-
 nentur. Dicunt enim, quod, quemadmodum coelestes
 influxus in corporali materia formas producunt diuer-
 sas, sic ex eisdem influxibus in potentia phantastica,
 quae organica est, phantasmata imprimi coelesti dispo-
 sitione effectui cuiuspiam producendo consentanea, ma-
 xime vero in somniis, quia animus tunc a corporeis
 externisque curis relaxatus, liberius diuinos illos susci-
 pit influxus: unde multa dormientibus in somniis in-
 notescunt, quae latent vigilantes. Hac itaque potissi-
 mum ratione ipsis somniis veritatis opinionem conciliare
 nituntur. De causis tamen somniorum tam intrinsecis,
 quam extrinsecis, non omnes in vnam sententiam con-
 ueniunt; vnam Platonici illas referunt in species &
 notiones animae concretas. Anicenna in intelligentia-
 rum vltimam mouentem lunam, medio illius luminis,

qua

quo irradiatur phantasia hominum, dum dormiunt. Aristoteles refert in sensum communem, sed phantasticum. Auerroës in imaginatiuam. Democritus in idola a rebus decisa. Albertus in influxum superiorum, mediis tamen quibusdam speciebus, quae continuo defluunt de coelo: medici in vapores & humores haec referunt; alii in affectus & curas vigiliae; aliqui Arabes in potentiam intellectualem: alii dicunt a potentiis animae & influxu coeli & simulacris dependere. Astrologi illa a suis constellationibus causare volunt: alii causas illorum in aërem circumdantem penetrantemque referunt; de vanit. & incertitud. scient. cap. XXXIX. pag. 158. Quamcunque autem ex hisce eligas causam, eam minime sufficientem esse, ut intelligatur, cur futura in somniis innotescant, statim deprehendes. Quo ipso ut praecipuum onirocriticae artis fundamentum collabascit, ita eius vanitas inde quoque recte colligitur, quod regulae, quas artis illius magistri tradunt, analogia quadam & similitudine imaginum & euentuum, incerta prorsus & lubrica, & pro imaginationis foecunditate mox in hanc, mox in aliam partem vertenda, itemque experientia, quam iactant, fallaci prorsus & saepissime regulas erroris & mendacii arguente, nitantur. Quae omnia quam lubrica sint, quamve futilia, nemo non intelligit. Vnde & nemo facile, nisi quem aut intempestiua curiositas, aut adfectus prauus in transuersum egerint, fidem eiusmodi commentis adhibebit, simul vero hoc ipso, quam alienus a vera pietate & genuina Deum colendi ratione sit, demonstrabit †††.

† Provocant quidem hujus artis magistri ad c. 8. vs, 8. *Libri sapientia*: verum, praeterquam quod liber iste Divinae non sit originis; l. l. quoque de *Geomantia* nulla sit mentio.

†† De somniorum interpretatione apud Aegyptios y. *CLERICUM ad Gen.* 41. 8.

††† Si vera sint, quae de *Vampyris* eorumque in somnio apparitione nonnulli haud ita pridem tradiderunt: mira profecto aliquando est vis imaginationis in somniantibus.

††† Licet iis, quæ Cel. Actor hucusque differuit, plura addi possent: nihiloscuius, cum ad finem properem, cæteris missis, de *Chiromantia* pauca demum monebo. Ea nimirum ars intelligitur, per quam e manuum forma, earumque lineis, pilis ac unguibus, non tantum deinde & moribus, verum etiam de fortuna alicujus, iudicium fertur. v. CAMERARIUM *Hor. subcis. cent. 2. c. 46.* & conferatur *L'art de connoître les hommes par DE LA CHAMBRE L. 2. C. 7.* Hanc veto artem, dum ultra sanæ Physiognomiae fines, & quidem ad futura prænuntianda, se extendat, vanam esse, ex iis quæ de Geomantia ac Oniromantie in præcedentibus dicta sunt, facillime colligitur. GOCLENIUS tamen, aliique, qui paria cum eo faciunt, provocant ad *Job. 37. 7.* ubi in versione vulgata legitur: *Qui in manu omnium hominum signat, ut moverint singuli opera sua.* Verum, si id voluisset Elihu: in textu Hebraico legeretur: *אֱנִשִּׁי מַעֲשָׂהוּ הָאֲנָשִׁים מַעֲשֵׂיהֶם* loco *אֱנִשִּׁי מַעֲשָׂהוּ* & accentus distinctivus, non supra *לְדַעַת*, sed supra *אֱנִשִּׁי* esset positus. Videatur autem de genuino hujus loci sensu, præter commentatores, PFEIFFERUS *dub. Vex. ad hunc locum.* Doctissimus REIMARUS in eleganti paraphrasi, quam HOFFMANNI commentario subjunxit, novam, nec contemnendam dedit expositionem; ita enim verba vertit: *Laborem (rusticum) cujusque hominis obsignat, ut agnoscans omnes operarii ejus.* Sensus hicce est: *Deum tempore hierno nivibus & imbribus ad agros latificandos invectis, Agricolationem homini mandatam confirmare, & promovere.* Utor jam verbis viri summi A. SCHULTENS; cui quoque REIMARI sententiam minime displicere, quum conatum excellenti ingenio dignum nuncupet, sibi quisque facile persuadebit. Cæterum, quæ Cl. SCHULTENS ipse, in commentario suo, ad locum nostrum observat, ut cætera omnia, a tanto viro proficisci merentur; & meo encomio nullo modo egent. Hæc dum Scribo, in memoriam redit MAHUMETUM ipsum *Sura 5. vs. 4.* Sortilegium per sagittas improbare, ut & *vs. 99.* Non repugno tamen, si quis conjiciat impostorem, non odio divinationum, sed quia alea suos abstinere voluit, id iis interdixisse. conf. SCHULTENS *Anim. in Job. 40. 25.*

CAP. X.

D E

CAUSIS, EFFECTIBVS, PROPRIETATIBVS ET REMEDIIS SUPERSTITIONIS.

Σύνοψις,

Superstitionis causae, §. I. *Proprietates & adiuncta*,
Effectus, §. II. *Remedia*, §. IV.

§. I.

INter causas superstitionis praeter naturalem omnium hominum corruptionem, indeque ortam ad praua quaeuis inclinationem *, aliasque generales **, imaginatio maxime rationis regimen respuens ***, & hinc subinde originem ducens nimia credulitas* in censum venit. Nec praetermittenda tamen, quae haud raro cum imaginatione deprauata coniuncta sunt, & superstitioni occasionem praebent, idearum associatio **, causarum & effectuum minime cohaerentium apparens, falsoque creditus nexus ***, itemque dicta aut effata veterum minus recte intellecta *, & quae reliqua sunt eiusdem generis.

- * Corruptionis istius naturalis a lapsu primorum parentum deriuandae, etsi nemo mortalium sit immunis, non vna tamen eademque ratione in omnibus

bus se exerit. Aliter enim in illis, qui in statu *securitatis*, aliter in illis, qui in statu legali & *seruitutis* constituti sunt, vim suam demonstrat. Vt enim illi ad *atheismum*, ita hi ad *superstitionem*, crassiori aut subtiliori quadam ratione, pro aliarum causarum vna concurrentium diuersitate, proueniunt. Qua de re cum alibi dictum sit, ea vt hic fusius edisserantur, necesse non est.

- ** Ad causas istas generales, propensiones & inclinationes naturales, ex corporum praecipue constitutione seu temperamento ortae, pertinent. Pro harum enim diuersitate diuersimode etiam homines in cultu Numinis sese gerere solent. Eos qui ambitioni dediti sunt, ad *atheismum* pronos esse, supra docuimus, ad *cap. IV. §. I.* Auaros autem, qui & plerumque temperamento melancholico gaudent, ad *superstitionem* procliuēs esse, iam observatum, in *institutionib. theol. moralis, ad cap. I. sect. IV. §. LXXI.* Varia autem ratione fieri potest, vt eiusmodi homines *superstitionis* oestro percellantur. Melancholici meticulosi sunt. Ineptus autem & scrupulis metus in *superstitione* vtramque haud raro facit paginam. Homo meticulosus quidlibet facile pro quolibet arripit, & ipsum diabolum pro Deo colit †, modo a metu suo ea ratione vtrunque liberari queat. Iudicii praeterea defectus, quo eiusmodi homines laborant, efficit, vt nihil tam absurbum, tamque puerile sit, quod non tandem sibi persuaderi patiantur. Hinc & creduli sunt, narrationibus, commentis, anilibusque fabulis facile fidem adhibentes. Auaritia praeterea, qua plerumque laborant, non tantum auget atque confirmat hunc *superstitionis* adfectum, sed ita eos excoecat, vt haud raro ad vltimam stultitiae lineam progrediuntur. Hinc olim ex parte crassioris idolatriae origo, dum homines a sole, luna, ceterisque coeli sideribus, plurima sibi promittebant commoda. Hinc magia, illicitaque cum spiritibus malignis commercia, cum in finem inita, vt thesauris absconditis

tis potiantur, vel alia ratione diuitias consequantur. Vix etiam alios, quam vetulas, aut qui iis similes sunt, eo vsque infaniae progredi videas, cum in iis auaritia, credulitas, ceteraque, quae cum hisce coniuncta sunt, vitis dubia fere inter se palma dimicent. Nec tamen homines sanguineo temperamento praeditos, pronosque adeo ad voluptatem, superstitionis prorsus immunes esse, existimandum. Et si enim sua natura ad statum securitatis, hinc & ad atheismum practicum sint procliuiiores, quia tamen iidem ad credulitatem propendent, & per vim imaginationis subinde in transuersum aguntur, aliquando superstitioni locum relinquunt, praesertim, si educatio, conuersatio, vitae genus, aliaeque causae morales ad hanc potius, quam ad atheismum, ducant. Cumque feminini sexus mores maximam partem temperamento sanguineo respondeant, cur & hic ad superstitionem pronior sit, quam ad atheismum, ratio intelligitur. De feminis enim atheis vix quicquam in historiarum monumentis legeris, nisi quasdam ex iis, quae philosophiam coluerunt, speciatim Epicuraeam, huc referre velis, de quibus AEGIDIUS MENAGIUS consulendus, in *historia mulierum philosopharum*, pag. m. 498 ††. Neque tantum ob credulitatem subinde & iudicii defectum, qui voluptati dediti sunt, facile ad superstitionem abripiuntur, sed &, quod facillime putant se cultu Numinis defungi posse, aeternamque salutem consequi, si in externo subsistant cultu, de interno autem, animoque a vitiorum sordibus purgando, minime sint solliciti, quippe quod molestum nimis illis videtur. Quod vt ad certam saltem superstitionis speciem pertinet, ita illud simul obseruandum, non vna eademque ratione apud omnes illam se exerere, sed aliter hoc fieri in melancholicis & auaris, aliter in sanguineis, & voluptates corporis ceu summum bonum sectantibus. Ad cholericos vero seu ambitiosos quod attinet, illos vel maxime ad atheismum pronos esse constat, & supra etiam docuimus, sed ita tamen hoc capiendum, nisi educatio,

tio, vitae institutum, ac aliae causae morales ob-
stent, &, quo minus naturae corruptae vis hac ra-
tione in illis sese exerat, impediunt. Per educatio-
nem enim, aliasque causas morales, fieri quando-
que potest, vt non minus ac reliqui homines ad su-
perstitionem ducantur, & iudicii, quo pollent, vis
ita imminuatur, & obscuretur, vt interdum inepta
quaeuis atque ridicula calculo suo adprobent. Prae-
ter naturalem istam inclinationem propensionemque,
de qua haecenus diximus, ad causas generales su-
perstitionis reliquae etiam causae morales, *educatio*,
institutio, *imitatio*, ceteraeque pertinent. Quanta
enim harum omnium in intellectu corrumpendo,
& variis erroribus imbuendo, vis sit & efficacia,
neminem fugit, & saepius iam a philosophis est de-
monstratum. Nutrices, feminaeque plebeiae, qui-
bus plerumque prima infantum educatio committit-
tur, cum superstitionibus & ineptis opinionibus to-
tae fere scateant, mirum non est, commenta ista
tenerrimorum infantum animis impressa tam altas
radices agere, vt deinde vix, ac ne vix quidem,
eiici queant. Deinde nec *ignorantia* hic praetermit-
tenda, qua plerique mortalium laborant, quae so-
la nonnulli inducti, superstitiones ineptis pretium
aliquod statuunt; hoc iis mox denegaturi, si rectius
fuerint eruditi †††.

† Quod Indos facere cuilibet notum est.

† Huc quoque a nonnullis referuntur Uxor Jobi, Uxor
Periclis Aspasia, filia Fr. van den Ende & quaedam aliae.
v. REIMANNUM *Bibl. Brem. Cl. 6. Fasc. 5. Art. 2.*

††† Venerandi KULENKAMPPI *dissert. de praesidio Auctori-*
quae quoque Tom. 10. der Godgel. Historische vermaakelyk-
heden reperitur, cum iis, quae Cel. Auctor hoc loco dis-
serit, contulisse, paenitebit neminem.

** Quanta imaginationis extra orbitam deflectentis vis
sit & efficacia, non temere quenquam fugit. Ad
super-

superstitionem autem varia ratione imaginatio aliquid confert. Primo enim, per eam effectum aliquem existeret, quandoque nobis persuademus, qui tamen reuera nunquam exitit. Saepius contingere, notum est, ut homines in adfectu praesertim vehementiori constituti, aliquid sibi audire, aut videre videantur, quod reuera nec vident, nec audiunt. Varia, quibus hoc probari queat, exempla collegit BALTHASAR BECKERVS, in *mundo fascinato, lib. IV. cap. I.* qui tamen haec ultra, quam par est, extendit, dum semper hac ratione homines falli, quoties spectra vident aut audiunt, inde colligit, quod supra iam refutauimus. Aliquando hac ratione homines decipi, negari nequit, & experientia testatur. Deinde vice versa contingit, ut per imaginationem effectus producat, qui cum ad aliam causam refertur, dici non potest, quantopere inde confirmetur & excitetur superstitio. Sciunt medicorum filii, & quotidiana experientia condocentur, quanta imaginationis in curandis morbis, iisdemque aut mitigandis, aut exasperandis, vis sit & efficacia. Quod reges quidam solo contactu strumas sanarunt †, non aliunde, quam ex viribus imaginationis deriuandum, iam pridem viri docti, harumque rerum periti, pronuntiarunt; idque ex instituto etiam euicit vir clarissimus CHRISTOPHORVS BECMANNVS, in *oratione de regum nostri temporis dono strumas sanandi*, quae inserta est *notitiae eius dignitatum illustrium, pag. m. 129. seqq.* ubi simul aliis exemplis, prorsus ad rem nostram facientibus, idem comprobat, dum, sic diuinorum, inquit, *tutelarium appensa nomina, aquae benedictae lustratio, lapilli, carbones, radices, stato tempore, stata hora effossae, aliquando medicinam faciunt, quia, dum opinione trahuntur aegri spiritibus instigatis, in pristinam libertatem se asserunt. Sic magicos characteres, verba, sigilla, incantationes ideo successu aliquando non destitui videmus, non quia reapse praestant aliquid, sed quia imaginatione excitati & corroborati aegrorum spiritus extrema moluntur, & carceribus suis se eximunt; &c. pag. 136. Tandem* &

& hac ratione imaginatio ad superstitionem aliquid confert, si homines ex similitudine quadam aut relatione, quae inter res diuersas intercedit, statim nexum quendam causalem sibi effingunt. Latissime hancce patere causam, & foecundam superstitionis variae matrem esse, accurate & eleganter more suo obscruat SAMVEL WERENFELSIUS, & exemplis quibusdam declarat: *Sunt, inquit, qui putant, eas herbas iis humani corporis partibus seruandis aptissimas esse, quarum similitudinem quandam, signaturam appellare solent, referunt. Hic quis non videt, in hac similitudine nullam virtutem physicam latere posse? quid enim illa monebit? Inde fortasse haec opinio originem traxit, quod semper observatum est, plantas atque animalia sibi similia generare; hinc, ut fit, similitudini nescio, quae vis tribui coepit, quae aliis causis adscribenda erat. Qui omnia pleniora esse plenilunii, quam noui-lunii, tempore autumant, pisces, ostreas, cancos, ossium medullas, & quid non, primum in istam opinionem inciderunt, eodem prorsus argumento ducti; plenitudinem enim lunae nescio quid sibi simile in terris producere putarunt, non secus ac lupo lupum, canis canem &c. Ex inepta hac persuasionem, quae similitudini physicam tribuit efficaciam, omnia pene fluxerunt astrologorum deliria, quicquid in terris est, ideo tale est, quia in coelo simile quiddam reperitur. Mercurius fuit quidam mirae solertiae homo, post mortem in numerum deorum relatus; huic attribuitur illa stella, quae vulgo stella Mercurii vocatur: haec non tantum eandem habet, quam Mercurius in terra habuit, solertiam, sed virtutem etiam parem solertiam hominibus in terra nascentibus infundendi. Hinc astrologorum regula: cum puerum praeceptoribus trades, fac, ut Mercurius benigno aspectu adspiciat lunam lumine auctam; dissert. de superstitione in rebus physicis, §. V. pag. 14. seqq. Sed legi etiam merentur, quae idem auctor vltius hac de re disserit §. VI. pag. 16. seqq. Imaginationi etiam, ut & hoc adhuc addam, quandoque, saltem ex parte,tribuendum, quod nonnulli tantum superstitioni locum*

cum facile relinquant, sed in ea ita obfirmant animum, ut nulla ratione ab ea dimoueri queant. Contingere namque videas, ut homines, qui non tantum explicare nequeunt, qua ratione fieri possit, ut causa haec hunc effectum producat, sed & qui saepius experientia conuicti sunt, frustra eiusmodi effectum ab ista causa expectari, a sua nihilominus opinione. Rationem si quaeras, hanc omnium promptissime in imaginatione, vana ea utique atque inani, deprehendes. Nimirum, si effectus, quem sperarunt, non secutus est, nec ex ista causa sequi potuit, innumeras exceptiones foecunda imaginatio illis suppeditat, non omnia, v. g. in usu alicuius remedii superstitiosi, rite fuisse obseruata, mox hoc, mox aliud quid obstitisse, quo minus effectus sequi potuerit: paucis, dubitandum non esse, quin effectus sequi possit, etsi nunquam sequatur, & ratio nullam, ne possibilem quidem, inter causam & effectum nexum videat. Lepidissime ridiculam istam vim imaginationis delineat & exagitat auctor libri: *Historie oder wunderliche Erzehlungen der seltsamen Einbildungen, welche Mr. Ouse aus Lesung solcher Bücher bekommen, die von der Zauberey &c. handeln*, cum primis cap. VII. quam & in toto hocce libro talia occurrunt, quae vim imaginationis in superstitione demonstrant; quae uti lectu digna sunt, ita tamen nec dispendium, auctorem fallaciam imaginationis ultra, quam par est, extendere; quod obseruare iuuat, ne in alterum extremum incidamus, dum alterum euitare volumus.

† Quod tamen, ut opinor, perraro succedit.

- * Qui imaginationi suae habenas ultra, quam par est, laxant, vel adfectibus praepediti, eam in ordinem redigere nequeunt, quod haud raro melancholicis & sanguineis contingit, etiam creduli esse solent. Vis enim iudicii per imaginationis vehementia impeditur, quo minus cuncta aequa lance ponderare &

& ab inanibus solida, vera a falsis discernere queant. Hinc vero superstitioni campus latissimus panditur. Parum eiusmodi hominibus est, illis, quorum magna apud eos est auctoritas, in omnibus, nullo discrimine, adhibere fidem, sed, quicquid plebei homines, quicquid mulieres vetulae narrant, id auide arripiunt, id firmiter credunt, nec dubium amplius ullum, quin id ita se habeat, animum subire patiuntur, grauius subinde illis irascentes, qui aliud quid, etiam rationi sit conuenientissimum, illis persuadere annuntur. Quo prouiores autem nonnulli sunt ad credulitatem, eo diligentiores alii sunt, ad quiduis excogitandum & eiusmodi hominibus persuadendum; unde fabularum & commentorum, quibus superstitio ceu fulcris quibusdam innitur, nec finis nec modus est. Quanta vero hinc eius incrementa, nemo non intelligit †.

† Conf. KULENKAMPFIUM l. l. Nimia hac credulitate, diverso tamen modo, laboramus omnes. Pauci vero perverso sui amore ita non impediuntur, ut eam, dum in aliis rideant, in se deprehendant ipsi.

** De idearum associatione, ex instituto a me dictum, in *institutionib. theolog. moral. ad cap. I. sect. V. §. IX. pag. 233. seqq.* Superstitioni quo pacto occasionem praebeat, facile intelligitur. Si enim v. gr. in die quodam alias memorabili, alicui aut aduersi aut prosperi quid eueniat, tum idea istius diei cum idea calamitatis aut felicitatis, quae eodem nobis obigit, coniungitur. Recurrente itaque idea istius diei, reuocatur simul idea calamitatis aut felicitatis, quae eodem nobis obigit. Hinc persuasio ista superstitiosa, supra nobis notata, dies quosdam per se faustos aut infaustos esse. Idem de locis censendum, quorum, quae iis a quibusdam tribuitur fatalitas, non ex alio arcessenda fonte. Omnium quoque plerorumque, quibus superstitiosi homines adeo delectantur, eadem origo. Quaecunque enim nobis in prospera aut aduersa fortuna constitutis occurrunt, eorum ideae cum ipsa infortunii aut felicitatis

citatis idea colligantur, etsi ceteroquin nullum inter se nexum habeant. Idea itaque rei eiusmodi recurrens, statim infortunii aut felicitatis ideam resuscitat: hinc persuasio, rem istam pro bono aut malo habendam omine.

*** Nexus ille apparens, falsoque creditus, causarum & effectuum, ex imaginatione & credulitate, concurrente & subinde idearum antea memorata associatione, ortus, utramque fere in variis superstitionis generibus facit paginam, uti vel ex dictis abunde constat. Diversa autem ratione homines in eiusmodi errorem induci possunt. Similitudo quaedam & conuenientia, quae inter eas deprehenditur, aut quam imaginatio fingit, interdum plurimum eo confert; interdum vero & experientia quaedam temere credita, omnique fundamento destituta, id hominibus persuadet, aut idearum associatio, ut antea dictum, eiusmodi cogitationibus occasionem suppeditat. Quandoque & omnes istae causae, diversa tamen ratione, ad nexum istum persuadendum concurrere possunt. Undecunque autem ista persuasio oriatur, eam subinde animam velut superstitionis constituere, certum est. Si enim recte secum perpenderent homines, nexum eiusmodi causarum & effectuum non tantum non verisimilem, sed nec possibilem esse, nunquam sibi persuasuri essent, a tali causa eiusmodi proficisci posse effectum. Cautione quadam hic opus esse, probe scio, ne temere causae & effectus nexum minus possibilem esse, nobis persuadeamus. Sed hac de re iam supra dictum. Neque tantum in rebus phyticis, adeoque indirecte saltem ad religionem spectantibus, sed & in theologicis haec observatio locum habet. Enimvero, si quis solum cultum Numinis externum absque interno aut omnino solas ceremonias ritusque ad salutem consequendam sufficere arbitratur, nonne causae effectum tribuit, qui ab ea nullo modo nullae ratione expectari potest? Aquam lustralem pontificiorum, signum crucis externum, absque interna

mentis deuotione, exorcismus ecclesiae Romanae, & quae reliqua sunt eiusdem generis, quibus magna vis & efficacia in pellendis spectris, eiciendis daemonibus, variisque beneficiis spiritualibus in homines deriuandis, tribui solet, huc itidem referenda esse, nemo non intelligit †.

† Dantur quidem viri cordati inter Pontificios, qui futilitatem cultus externi, a quo internus est seunctus, agnoscunt: fidem tamen superat, & vix absque dolore mentem meam in id defigo, quantopere plurimi eorum, quibus cura animarum inter illos est demandata, in re tanta laborent! Fateor quidem ac ingemisco, dari quoque inter Ecclesiae nostrae ministros, qui vitae spiritualis plane sunt imperiti, ac de officiis, quae eo spectant, gregem suum segnus erudiunt: at certe ingenuus quisque & rerum gnarus mecum simul fatebitur, cultum internum maiori sedulitate & contentione apud nos, quam in Romana Ecclesia, inculcari.

• Vt superstio temere saepius quilibet arripit, ita si recte & innocenter ab aliis dicta, quandoque eadem occasionem praebeant. Vim & efficaciam verbi diuini satis laudari non posse, nemo temere abnuerit. Hoc si superstiosus audiat, statim ex solo eius vsu externo, si vel maxime id non intelligat, aeternam salutem sperabit; aut omnino partem eius schedulae inscriptam, colloque appensam, curare febrem sibi persuadebit. Si quis vel ioco dixerit, bonum non esse, si iter facienti lupo occurrat, eo quod periculum forte ab eo imminet, superstiosus statim omen aliquod siue praesagium inde faciet. Pertinet huc, quod a nonnullis, speciatim a MAGNO DANIELE OMEISIO, in Altorfina quondam academia professore celeberrimo, obseruatum, ex symbolis quibusdam Pythagoricis, sensu simplici & communi intellectis, varios ritus ac superstitiones hodie adhuc durantes, originem traxisse videri, in *mantissa ad ethicam Pythagoricam*, pag. 123. Ex horum numero sequentia sunt: 1) *Ne speculum ad lucernam intueri.* Hocce enim effato cum

cum vir sapientissimus id sibi vellet, vt homo seipsum recte nosceret, & consideraret, non ad alienam lucem siue scientiae, siue laudis ab adulatoribus profectae, sed ad diem ac solem veritatis, quae omnibus patet ac lucet, nec pro veris falsa ostendit, alii κατὰ ῥητὸν hoc intelligentes, errori seu superstitioni, hodie adhuc receptae, occasionem praebuere, qua nonnulli inducti noxium esse credunt, si quis ad candelae seu lucernae lumen se in speculo intueatur. ii) *Offensa in vestibulo turpi vetula non egredere.* Quo symbolo cum docere voluerit, res illas, quarum turpia sunt principia, non esse prosequendas, mos inde forte, in quibusdam Germaniae adhuc vsitatus locis, ortus est, vt, si quis mane domo egrediens, praecipue kalendis Ianuariis, primo vetulam sibi obuiam habeat, inde dirum ac infelix omen accipiat. iii) *Sal apponendus.* Hocce dicto monere voluit Samius senex, vt sal condiendis cibis est aptus, ita ad omnes actiones & sermones nostros adhibendam esse prudentiam. Alii vero cum id simpliciter acciperent, factum inde, vt sal mensis sacer haberetur, religionique sibi nonnulli ducerent, reliquos cibos ante salem apponere. Romanos certe credidisse, *mensas fieri sacras salinorum appositu*, ex ARNOBIO docet IUSTVS LIPSIVS, *Saturnal. libr. I. cap. II* †. Plura eiusdem generis auctor antea laudatus *loc. cit.* exhibet.

† Notum est, quanta apud Graecos & Romanos, maxime in sacris, salis fuerit Auctoritas: videatur CLERICUS ad *Lev. 2.*

§. II.

Effectus superstitionis tum intuitu eius, qui hocce morbo laborat, tum aliorum, quibuscum eiusmodi hominibus negotium intercedit, considerari possunt. Priori modo si spectentur, vt

exactissimus, & nihilofecius prauis impurisque de-
 ditus cupiditatibus. Qua de re si quis dubitet, vel
 Phariseorum exemplo rectiora condoceri potest;
 conf. *Matth. XXIII. vers. 25. 26. 27.* Immo non
 tantum superstitio cum vitiis grauissimis consistere
 potest, sed iis etiam fouendis & alendis inseruit.
 Efficit enim vt homines sibi persuadeant, Deum vt-
 pote cultu isto externo & rituum obseruatione pla-
 catum, satis sibi propitium esse, vt iam strenue in-
 dulgere prauis cupiditatibus possint, nec tamen de
 aeterna salute consequenda vlla ratione sibi sit du-
 bitandum. Qua quidem persuasione ad conseruanda
 & augenda vitia, veram autem mentis emendatio-
 nem impediendam, ac sufflaminandam, nihil temere
 efficacius cogitari posse, omnes puto facile mecum
 consentient. Neque tamen inde inferendum, ac si
 superstitio ipso atheismo sit deterior. Quantumuis
 enim & cum vitiis grauissimis consistere queat, &
 iis fouendis quandoque inseruiat, nullum tamen est
 dubium, quin homo eiusmodi, cum Deum scele-
 rum vindicem credat, eius metu quandoque a pec-
 catis quibusdam perpetrandis, retineatur, cum
 atheus contra nullo prorsus constringatur vinculo,
 quo minus libere cupiditatibus quibusuis frena la-
 zet, & in quacuis ruat flagitia, modo poenae ciui-
 lis metus non obftet. Sed hac de re iam supra di-
 ctum, ad cap. IV. §. IV.

- ** Cum homines superstitiosi certum, cui insistant,
 fundamentum non habeant, vanaque & incerta in
 plerisque ducantur persuasionem, metu practerea prorsus
 seruili, aut variis etiam cupiditatibus, nunquam
 non agitentur, nusquam, vbi conuiescere possint,
 aliquid inueniunt, suntque adeo mortalium longe
 miserrimi. Eleganter hoc exprimit TULLIUS, de
 superstitione ita verba faciens: *Instat & urget,* (su-
 perstitio) *& quo te cumque verteris, prosequitur;*
sive tu vatem sive tu omen audieris, sive immolaris,
sive auem adspexeris; si Chaldaeum, si haruspiciem
videris; si fulseris, si tonuerit, si tactum aliquid erit
 O o 4 de

de coelo, si ostenti simile natum, factumue quidpiam; quorum necesse est, plerumque aliquid eueniat, ut nunquam liceat quietam mentem consistere. Persugium videtur omnium laborum & sollicitudinum esse somnus; at ex eo ipso plurimae curae metusque nascuntur; qui quidem ipse per se minus valeret, & magis contemneretur, nisi somniorum patrocinium philosophi suscepissent, &c. de diuinat. lib. II. cap. LXXII. pag. m. 1278.

- De odio immani, quo homines superstitiosi interdum alios, qui non easdem secum sententias fouent, prosequuntur, deque ingentibus, quas subinde in ecclesia pariter ac republica dederunt, turbis, multae passim extant virorum doctorum querelae †. Quae ut neutiquam fundamento destituuntur, ita nobis, ut, quae distinguenda rite & a se inuicem separanda sunt, confundamus, committendum non est. Fieri sane potest, immo saepissime fieri experientia docet, ut superstitio seu falsa de Numinis cultu persuasio homines incendat, ut alios acerrimo odio prosequantur. Quamcunque autem tum de Deo eiusque cultu opinionem habeant, certum tamen est, eam pro vera religione habendam non esse, a qua quippe eiusmodi mores prorsus alieni sunt. Causa autem, cur tanto odio alios a se dissentientes insectentur, haec est, quod aegerrime palladium suum, in quo omnem spem vitae ac salutis collocant, sibi eripi patiantur. Quam enim eiusmodi homines semel ingressi sunt consequendae salutis viam, eam, utpote sua opinione optimam, tutissimam, facillimam, aegre dimittunt, adeoque non possunt non illis irasci acriter, qui eam reiicere aut contemnere audent. Accedit, quod tum demum firmiter religioni suae adhaerere sibi videantur, si reliquos omnes odio acerrimo prosequantur, idque adeo Deo longe gratissimum esse sibi persuadent. Idque ipse seruator significauit, cum ad discipulos suos dixit: *eritque tempus, cum omnes Deum a se coli putabunt, qui vos interfecerint; Ioan.*

XVI. 2. Atque ipsi hoc satis suo exemplo comprobant Iudaei, quorum primum in Samaritanos, deinde in christianos, odium longe vehementissimum, atrocissimumque, neminem fugit ††. Inter ipsos gentiles etiam contingebat, vt, qui deorum cultu dissentiebant, acerrimo se inuicem prosequerentur odio, iuxta notissimum illud IUVENALIS testimonium:

*Inter finitimos vetus atque antiqua simulas,
Immortale odium, & nunquam sanabile vulnus,
Ardeat adhuc Umbos & Tentyra; summus vtriusque
Inde furor vulgo, quod numina vicinorum
Odit vterque locus, cum solos credit habendos
Esse deos, quos ipse colit, &c.*

satyr. XV. vers. 33. Quantus deinceps gentilium contra christianos fuerit furor, neminem fugit, nisi qui hospitem plane ex veteris ecclesiae annalibus retulit animum. Quicquid calumniarum, quicquid obtreccionum, quicquid suppliciorum & cruciatuum excogitari potuit, hoc adhibuerunt, vt christianos opprimerent, obruerent, & prorsus delerent. Legere ea licet in B. CHRISTIANI KORTTHOLTI *Pagano obtreccatore*, in compendio autem, & vnico velut fasce comprehensa, in PHILIPPI CAMERARII operis *horarum subiectarum seu meditationibus historicis*, cent. I. cap. XXXIX. pag. 175. Nec inter ipsos pro dolor! christianos exempla defunt, quibus idem probari queat. Acerrimae illae inter varias sectas, quae per omnia fere secula exortae sunt, contentiones, cum contumeliis & conuiitiis atrocissimis coniunctae, & in grauissimas vexationes, si modo alterius partis vires hoc permitterent, rupturae, id satis superque testantur †††; cumprimis autem Romana ecclesia, igne & ferro crudelissime in omnes a pontificis decretis dissentientes, seu haereticos, hoc est, homines, ecclesiae illius sententia, tam flagitiosos, vt nullum sit tam atrox suppliciorum genus, quo non iustissime

adficiantur, faeuens, exemplum eius rei luculentissimum praebet. Hinc tot homines honore & fortunis spoliatos, actos in exilium, coniectos in carceres, compedibus vinctos, damnatos ad triremes, alios gladio, alios laqueo, igne rursus alios e medio sublato videas; non aliam ob causam, quam quod coeco obsequio aliorum vt amplecterentur in religione placita, a se impetrare non potuerint †††. Tam immani autem odio si quis statim alios in quibusdam a se dissentientes prosequatur, illi autem, qui dissentiunt, non minori studio se contra eiusmodi insultus defendant, quantae inde in ecclesia oriantur turbae, facile cogitari potest; idque & experientia testatur. Nec ecclesia modo, sed ipsa quoque respublica subinde hac ratione concutitur, atque conquassatur. Ecquis enim ignorat, quot quantaeue rebelliones, quam atrocia bella, religionis causa excitata sint? Cumque bella quaeuis maximopere sint formidanda, & caedibus, rapinis, incendiis cuncta compleant, hinc & vrbes solo aequent, florentissimasque regiones miserum in modum deuastent, ea tamen, quae religionis causa geruntur, longe reliquis esse funestiora, constat, quippe in quibus furore quodam concitati homines superstitiosi crudelitatem in laude ponunt, eo se Deo gratiores esse, sibi persuadentes, quo atrocius in hostes, Deo quippe, vt putant, ob alias opiniones inuisos, faeuiunt. Vt autem cuncta, quae hic in censum veniunt, eo rectius diiudicari queant, diligenter obseruare iuuat, non de quauis superstitione, sed ea praecipue, quae directe circa Numinis cultum versatur, quae diximus, intelligenda esse, quemadmodum & haec ipsa superstitio diuersos habet gradus, hinc &, si crudelitatem odiumque erga alios spectes, diuersos effectus. Praeterea coniuncta haud raro est cum aliis adfectibus; vt quod homines ambitione aut vindictae cupiditate, aut aliis vitiis impulsu faciunt, id ex zelo quodam pro religione & opinionum, quibus imbuti sunt, veritate se facere, & ipsimet, turpissimo errore delusi credant,

dant
prim
cer
git
que
nac
hibe
sua
per
teq
tiur
ue.
in c
ade
reti
tar
eff
gic
au
diu
aus
sup
mu
tu
fa
tu
rei
dic
for
dis
eff
flu
† Co
&
†† E
ur
ti
vi

dant, & aliis aliquando facile persuadeant.* Cum-
 primis autem a superstitione turpissima caute dis-
 cernenda est hypocrisis. Haud raro enim contin-
 git, vt nonnulli religionem ambitioni suae, aliis-
 que cupiditatibus obtendant, cumque reuera doctri-
 nae, pro qua tam acriter pugnant, fidem non ad-
 hibeant, ac si religionis causa cuncta agant, per-
 suasum cupiunt, sub speciosa ista *προφάσει*, im-
 perii, quod in alios moliuntur, limites longe la-
 teque proferentes, aut istud contra secus sentien-
 tium insultus egregie confirmantes, corroborantes-
 ue. Exemplum iterum Romana praebet ecclesia,
 in qua nonnullos quidem falsa persuasionem ductos,
 adeoque ex mera superstitione, maximo contra hac-
 reticos odio flagrare, nullus equidem dubito; nec
 tamen, praesertim inter primi ordinis praesules de-
 esse existimo, qui religionis omnis expertes, reli-
 gionem tamen vbique consiliis suis obtendunt, vt
 auctoritatem suam, potentiam, imperium, opes,
 diuitiasque maiores aut acquirant hac ratione, aut
 augeant, amplificentque. Non omnia itaque ipsi
 superstitioni tribuenda, quae aut a superstitionis ho-
 minibus, aut sub religionis etiam praetextu agun-
 tur. Praeterea, quantumvis foeda sit superstitionis
 facies, quam & ita, vt decet, exhibuimus, quan-
 tumvis etiam magna ex ea in ecclesiam pariter ac
 rempublicam redundant incommoda, vt summo stu-
 dio fugienda sit & euitanda, quia tamen humanae
 societatis vincula non conuellit penitus ac labefa-
 ctat, atheismum foediorum adhuc magisque noxium
 esse negari nequit. Sed hac de re supra iam ex in-
 stituto dictum est, ad *cap. IV. §. V* ††††.

† Conf. PFAYII *dissert. de praepiudiciis Theol.* §. 11. & seqq.
 & CAMERARII *horas subcis.* Cent. 1. C. 40.

†† Est quippe genti isti quaedam pertinacia, nec ulla fuit
 unquam religionis tenacior. Ad hæc, ut Iudæorum na-
 tio omnibus orbis nationibus peculiariter est inuisa: ita
 vicissim omnes execrantur illi, & pro impuris ac impiis
 habent.

habent. Ita ERASMUS, ut CAMERARIUS notat *Cent. 3. C. 11.* qui quoque diversis locis mentionem facit *Assassinorum*, qui in expeditionibus Christianorum in Orientem, solenni voto spondebant se in principes omnes scituros esse, qui ipsorum sectæ adversarentur, quod per speciem cuiusdam paradysi voluptatis, Rex sive Dominus eorum ab iis impetraverat.

†† Videatur PFAFFIUS l. 1. c. §. 19. & 20. ubi de odio Theologico & studio partium eleganter disserit.

††† Recte MORNAYUS Romanum presbyterum depingit, ut sanctitatis titulo tumidum, profanum & sanctorum sanguine ebrium: id enim a nemine, qui in historia Ecclesiastica hospes plane non est, ac animum a præjudiciis habet vacuum, negari potest.

†††† Hic notare juvat S. WERENFELSIUM invictis argumentis probatum dedisse, neminem mortalium jus habere alterum cogendi, ut sibi in religione assentiatur, in *Epist. de jure in conscient: ab homine non usurpando.* v. quoque differt. pro plebis judicio de dogmat. fidei, quæ simul cum illa epistola in *Opusculis Theol. Philof. & Philol.* WERENFELSII reperitur. De eodem argumento egerunt quoque G. NOODT, BÆLIUS alique. Legi etiam merentur, quæ habet PFAFFIUS in laudata differt. §. 27.

§. III.

Proprietates & adiuncta superstitionis sunt *irrationabilitas* *: & *pertinacia*, dum aegre, ut mentem sententiamque mutant, se induci patiuntur, hinc & difficulter admodum a morbo isto liberari possunt **: quibus quaedam velut *uniuersalitas* accedit, quia nulla gens, nullusue in orbe est populus, quamcumque etiam profiteatur religionem, nullum præterea vitæ genus, quod non labe ista adpersum & commaculatum deprehendatur ***.

* Si

* Si
pot
ind
exp
pro
aff
tio
qu
cu
ha
qu
ch
eff
pi
ter
ho
qu
nc
at
sit
nis
qu
m
m
&
in
fu
fu
pe
pr
ill
ne
** F
pe
ue
re
m
ra
cc

* Si rationis dictamen homines superstitiosi admittere possent, non essent superstitiosi. Id vero ab illorum indole plane alienum. Dum enim imaginationem, experientiam falso iactatam, auctoritatem aliorum, pro norma & regula assument, & quicquid insuper affectus male sanus suadet, promte arripiunt, rationi locus esse nequit. Generatim hoc tum de ea, quae directe, tum quae indirecte circa Numinis cultum versatur, superstitione intelligendum. Ad hanc enim quod attinet, qui a daemonibus expectant quae ab iis praestari nequeunt; qui per verba & characteres morbos pellere, & mirabilia quaevis efficere annuntiant, aut quae his similia sunt, suscipiunt, recte rationi bellum apertum indixisse, nemo temere dubitauerit. Non minus tamen & de illis hoc censendum, qui cum vitiis suis cupiditatibusque, quibus indulgent, pravis, Deum offendere non desinant, ritibus actibusque quibusdam externis, aut, quae ipsi sint commenti, cum placari posse, sibi pueriliter persuadent. Quis enim vel rationis ductum sequens existimare posset, Deum, qui spiritus est purissimus sanctissimusque, eiusmodi externis delectari, cum interea mens hominum omni impuritate coinquinata sit? Hinc & ipse apostolus hanc superstitionem ceu *ἄλογον* in ethnicis damnauit, eique *λογικὴν λατρείαν* opposuit, *Rom. XII. 1.* Cum vero non tantum cum superstitione coniuncta sit irrationabilitas, sed haec per illam etiam magis magisque augeatur, ut ad 6. praecedentem obseruatum; hanc & inter adiuncta illius, & inter effectus, certa ratione referri posse, nemo non intelligit.

** Etiam hac de re non temere quis, qui indolem superstitionis paulisper expenderit, dubitauerit. Enimvero ad eam superstitionem quod attinet, quae directe circa Numinis cultum versatur, cum sibi eiusmodi homines firmiter persuadeant, se solos veram rationem Deum colendi tenere, quam & sine periculo salutis aeternae iacturam faciendi dimittere non possint,

possint, fieri aliter nequit, quam vt sint longe pertinacissimi. Mirum itaque non est, quod nonnulli mortem potius subire, & extrema quacuis pati, quam a sententia, qua semel imbuti sunt, discedere parati sint. Habet enim superstitio non minus suos martyres, quam vera religio †. Dantur tamen, vt in ipsa superstitione, ita & in pertinacia, certi gradus. Nec eodemque omnes habendi sunt loco. Prout enim variae concurrunt causae, diuersos etiam in eiusmodi hominibus obseruare licet pertinaciae gradus. Melancholicos enim, qui natura sua pertinaces sunt, si superstitione laborent, quod plerumque contingit, longe pertinaciores esse sanguineis, si & hos eadem forte pestis inuadat, quod fieri quandoque posse, supra monuimus, non temere quis dubitauerit. Ad eam vero superstitionem quod attinet, quae indirecte Numinis cultum attingit, non minus quandoque pertinaces homines reddit; siquidem imaginationis, quae vtramque ibi facit paginam, ea vis est & efficacia, quemadmodum supra itidem obseruauimus, vt, si experientia vel centies eiusmodi homines fallat, nunquam tamen persuaderi sibi patiantur, effectum, quem causae tribuunt, ab illa proficisci non posse, sed aliud quid, quod ipsimet nesciunt, obitare, quo minus effectus ille semper sequatur. Vtramque igitur superstitionis speciem, priorem tamen magis, quam posteriorem, inter morbos, qui difficulter curari possunt, referre licet. Nec tamen prorsus est immedicabilis, si modo quis remedia, quae scriptura sacra & sana ratio suppeditat, de quibus deinceps dicemus, rite adhibere velit.

† V. 1. Cor. 13. 3. De martyribus e Marcionitis agit WEISMANNUS *Hist. Eccl. N. T. Tom. 1. p. 131. & seq.* & PRÆVIUS §. 6. *dissert. de Praejudiciis Theol.* recte monet: dari martyres, non tantum veritatis, verum etiam opinionum & praedudiciorum, immo & passionum suarum.

*** Cum causae superstitionem progignentes tam late
pa-

pateant, fieri aliter nequit, quam ut ipsa quoque
 superstitio multorum occupet animos. Quod dixi-
 mus, nullam gentem esse, quaecunque etiam in
 religione sequatur placita, quae superstitionis pror-
 sus sit immunis, facili negotio comprobari potest.
 Quarundam equidem, ut Iudaeorum, prout hodie
 se habet, ethnicorum, & Muhamedanorum religio,
 tota fere superstitiosa est; observare tamen apud
 eos plurima licet, quae specialiori quadam ratione
 superstitionis nomine sunt insignienda. De Iudaeo-
 rum credulitate, fabulae & commenta rabbinorum,
 numero fere infinita, simulque tam portentosa, ut
 ne speciem quidem verosimilitudinis habeant, abun-
 de testantur. Fabulae autem temere creditae, super-
 stitionis foecundam segetem suppeditant. Exem-
 pla superstitionis iudaicae, ridiculae quidem, satis-
 que ineptae, qui desiderat, is IOAN. BVXTORFFII
synagogam iudaicam, similiaque de rebus Iudaeorum
 scripta adeat, in quibus magna copia ea inueniet †.
 De ethnicis & Muhammedanis †† aliquid dicere su-
 peruacaneum foret, cum nemo temere tam rudis
 rerum omnium sit, ut nesciat, eos ad delirium vs-
 que superstitioni deditos esse. Varia de iis in vnum
 collecta exhibet IO. CHRISTOPHOR. MANLINGIVS,
 in *den denkwürdigen Curiositäten derer so wohl in-als*
ausländischer abergläubischen Albertaten, &c. ubi cap.
 II. de Iudaeorum, cap. III. IV. & V. de Persarum,
 Turcarum & Arabum, cap. VI. de Indianorum seu
 ethnicorum superstitione, agit; immo & cap. VII.
 de christianorum. Hos equidem, si sui nominis
 vim implere vellent, ab impietate aequae ac super-
 stitione longissime remotos esse oportebat; sed plu-
 rimos ad alterutrum ex hisce scopulis allidi, nau-
 fragiumque verae fidei facere, ipsa quemuis con-
 docet experientia. Nec vlla inter ipsos christianos
 facta est, in qua non superstitionis aequae ac im-
 pietatis exempla quotidie occurrunt. At hoc inter
 eos intercedit discriminis, quod quaedam supersti-
 tionem pro ipsa religione, aut eius certe parte mi-
 nime contemnenda habeant, eamque adeo adpro-
 bent

bent calculo suo atque defendant. Romanenses hoc facere, neminem fugit, apud quos ritus & ceremonias maximam fere cultus diuini partem absolueri constat, & supra iam ad *cap. VIII. §. VI. & VIII.* nobis est obseruatum. Cumque eiusmodi ritus sint, quos Deus non praescripsit, qui insuper omni vsu destituuntur, & subinde ad pompam saltem sunt comparati, plurimi etiam solis istis ritibus vim Numen placandi, istudque sibi reddendi propitium tribuant, a superstitione foedissima eos liberari non posse, manifestum est. Sunt equidem, fateor, & in nostra ecclesia, qui cultui externo, immo & interdum ritibus & ceremoniis plus, quam decebat, tribuunt, adeoque superstitionis cuiusdam rei fiunt. Sed maximum hic inter nos & Romanenses intercedit discrimen. Non alium enim Numinis cultum externum, nec alios ritus ac ceremonias, quam quae ad cultum internum promouendum aliquid faciunt, adeoque mandato Numinis saltem generali nituntur, adprobamus. Deinde actibus externis, ritibusque, nullam vim aut efficaciam per se Numen placandi, aut eius fauorem conciliandi hominibus tribuimus, sed tum demum externa omnia rite se habere, contendimus, atque docemus, cum cultus internus, qui vera in Iesum Christum fide absoluitur, per ea incenditur, alitur, fouetur, promouetur. Quodsi itaque nonnulli inter nos vita forte, moribusque, aut alia ratione ostendunt, se externis actibus plus, quam decebat, tribuere, adeoque superstitionis cuiusdam iure argui, illi testantur, se a vera & genuina ecclesiae nostrae sententia alienos esse. Quare ecclesiae euangelicae, quae veram puramque doctrinam B. Lutheri opera a variis errorum sordibus repurgatam, profitetur, laus haecce propria manet, quod, ut ab errore omni, ita & superstitione procul est remota. Nec contrarium ex eo probari potest, quod ritus quosdam ex Romana ecclesia, speciatim exorcismum, retinuimus. Ratione enim innocentissima hoc a nobis factum, res ipsa testatur. Nec enim ipsis ver-
bis,

bis, aut formulae, vim expellendi daemonem tribuimus, sed peccati originalis, quocum omnes nascimur, gravitatem significamus, quae tanta est, ut per naturae conditionem simus filii irae, *Eph. II. 3.* & servi diaboli, *Ebr. II. 14.* simulque innuimus, per baptismum, seu lauacrum regenerationis, infantes liberari a servitute ista & potestate infernalis genii, quam in omnes a federe Dei alienos habet, & ex filiis irae filios fieri gratiae, aeternaeque vitae, si in statu regenerationis perseverent, heredes. Quae commonefactio ut perquam utilis, ita ab omni quoque superstitione prorsus est aliena. Pari ratione & ad reliqua, quae nobis obijciuntur, facili ratione responderi potest; quod cum ab aliis iam factum, hisce non immorabimur †††. Ad reliqua potius ut progrediamur, nullus quoque inter homines status est, qui superstitionis prorsus immunis censeriqueat. Ad statum enim, quem vocant, *politicum*, quod attinet, eum non prorsus hic eximendum esse, vel ea, quae de *auguriis* & *auspiciis Romanorum*, de *locis* itidem, *nominibus*, *temporibusque fatalibus*, quibus imperiorum mutationes, prosperaeque & aduersae, quae iis eveniunt, tribui solent, diximus, satis testantur. Nec existimandum, aut principes rerumque dominos, aut civiliū rerum administratos, expertes superstitionis esse. Immo quo vehementioribus hi quandoque agitantur cupiditatibus, quae rationis omne extinguere lumen aptae sunt, quoque minorem in ratione instruenda & rite excolenda industriam ponunt, eo superstitioni addictiores istos esse oportet. Ipse Alexander, cui res praeclare fortiterque gestae magni cognomen peperere, non intactus erat ea superstitione mentis, ut Q. CURTIUS RUPEVS loquitur, *lib. IV. cap. VI.* immo superstitionis potens non erat, ut idem auctor pronuntiat, *lib. VII. cap. VII.* Aristandro vari eum credulitatem suam addixisse, alibi asserit: *Qui post Darium victum ariolos & vates consulere desierat, rursus ad superstitionem, humanarum gentium ludibrium, reuolutus, Aristandrum, cui credulitatem suam addixerat, explorare euentum rerum sacrificiis iubet; l. 6.* Idem cum

cum post Cliti caedem solatii expers viveret, somnii saltem cuiusdam commemoratione ab Aristandro erigi iterum atque reuocari potuit: *Ἀριστάνδρῳ δὲ τῷ μάντεις ὑπομνήσκοντος αὐτὸν τὴν τε ὄψιν ἢ εἶδεν περὶ τῷ Κλεΐτῃ, καὶ τὸ σημεῖον, ὡς δὴ πάλαι καθειμαρμένων, τέτων ἔδοξεν ἐκδιδόναι.* At cum vates Aristander visum illi quod de Clito fuerat ei representatum ἔσ' prodigium subiiceret, iam dudum haec in factis fuisse, visus est animum relaxare. Ita PLUTARCHVS, in *Alexandro* p. 694. De Augusto iam supra diximus; possetque idem exemplis in numeris comprobari, si modo iis in re non dubia opus esset. Immo flagitiosissimos principum vel maxime superstitiosos fuisse, gentium annales testantur. Patetque id vel ipsius Neronis exemplo, de quo id obseruat C. SVETONIUS TRANQVILLVS, in *Nerone* cap. XXXIV. XLI. XLVII. Sed & de Catilina, Caligula, Heliogabalo idem constat. Legenda, quae de his aliisque differit PETRVS BAEIVS, *pensées diverses* part. I. §. CXXX. pag. 251. seqq. De Attila Hunnorum rege, non alia magis re, quam barbarie & crudelitate, noto, CALLIMACHVS Cyrenaeus: *Religioni, persuasionibusque de diis a sua gente susceptis, usque ad superstitionem addictus; in Attila.* Nec milites, virosque, qui castra sequuntur, expertes labis huius, quae omnes vexat, credas. Nihil frequentius in historicorum monumentis, quam quod calidi duces, mox solis ac lunae eclipsis, mox tonitru ac fulguris terroribus, aut cometarum apparitionibus, similibusque *turbamentis vulgi*, vt C. CORNELIVS TACITVS vocat, ad flectendos superstitiosorum militum animos, prout id e re sua esse duxerunt, vsi sint. Exposuit ista peculiari, de *turbamentis vulgi* dissertatione, IO. CHRISTOPHORVS BECMANNVS, cap. cum primis II. Immo sunt quaedam superstitionis genera militibus propria, dum aut verbis formulisque magicis, aut alia ratione, se contra quosuis globorum & gladiatorum ictus tutos, adeoque inuulnerabiles reddere annuntur, & quae

his

his sunt similia, quorum quaedam IOAN. CHRIS-
TOPH. MANLINGIUS exhibet, *libro citato, cap. XI.*
pag. 261. seqq. vbi de *militum superstitione* verba fa-
cit †††. A politico statu, si ad *ecclesiasticum* trans-
eamus, amplissimum itidem superstitionum depre-
hendemus campum. Ea praecipue, quae circa Nu-
minis cultum directe versatur, ab ipsis haud raro
sacri ordinis viris alitur, fouetur, immo & quan-
doque defenditur, tum quod illorum interest, ea
homines imbutos esse, tum quod plurimi eodem &
ipsi morbo laborant, in peruersa ista praeposteraque
colendi Deum ratione spem omnem salutis ponen-
tes. Vtrumque iterum vel Romanae ecclesiae exem-
plo luculenter patet. Istius contra superstitionis,
quae indirecte circa Numinis cultum versatur, *sta-*
tus domesticus exempla quotidie innumera suppeditat.
Siue enim pecori concilianda sit foecunditas,
siue fertilitas agris, aut damna quaeuis a re fami-
liari auertenda, si fortunarum procurandum iucere-
mentum, si morbi a liberis iumentisque pellendi,
superstitio statim vel mille remedia, quibus haec omnia
& longe plura effici queant, suppeditat. Quid vero de
ominibus dicam? quae homines plebei sine fine captant,
vt de anni prouentu, de suis aut liberorum fati futuris,
certiores reddantur, & num hoc aut illud negotium
ex voto successurum sit, resciscant. Inter ipsos etiam
fures atque latrones stolidae superstitionis deprehen-
dere documenta licet. Si enim annulum ex catena,
qua quis in patibulo suspensus est, aut manum vel
digitum hominis suspenso secum gestent, prospere
feliciterque facinora sua sibi cessura, firmiter sibi
persuadent; vt reliqua, quae eiusdem generis, qui-
bus soporem hominibus, ne expergiscant, inducere,
aut alia ratione securitatem in facinoribus suis per-
petrandis sibi conciliare conantur, taceam. Possem
ulterius ostendere, nullum vitae humanae actum no-
tabilem esse, qui superstitioni non inseruiat, simul-
que speciatim de superstitione circa *natiuitatem ho-*
minis & baptismum, circa *sponsalia & nuptias*, circa
aegrotos, mortem & sepulturam, varia in medium ad-

ferre; sed cum maximam partem haec longe notissima sint, & nobis ad finem tandem properandum sit, his diutius non immorabimur.

† Nemo quidem negat, gentem judaicam hodie superstitione confictari: non desunt tamen, qui ineptas & superstitionas Talmudicorum narratiunculas allegorice interpretari student; & talia ex iis exsculpunt, de quibus forteam auctores ipsi ne per somnium quidem cogitarunt. Primos tamen talium fabularum architectos eas non omnes improprie intellexisse, A. PFEIFFERUS *Theol. Jud. atque Mohammed. Exercit. 1. lib. 31.* hisce probare annititur. 1. quod saepius *αυτοψίας*, aliaque quæ narrationem confirmant, urgeant; quod in parabolis fieri non solet. 2. Quod tacitis saepe objectionibus, quæ fidem eorum suspectam reddere possent, occurrere studeant: superfacaneo sane labore, nisi commenta sua, eo adornassent animo, ut apud credulam plebem fidem invenirent. 3. Quod fabulis suis ipsi nullum addant *επιμύθιον*; immo addere non potuissent, quum saepius ita comparatæ sint, ut nullum habere queant. 4. Denique, quod ex ipso scripturæ sacre textu eas probare allaborent quoad plerasque circumstantias: manifesto indicio, nugatores illos suis ineptiis veritatis fucum obtendere voluisse.

†† Inspiciatur PFEIFFERUS *l. l. Exerc. 6. & 7.* MARRACCIUS in *Prodromo & ubivis ad Alcoranum*. Muhammedanos ab omni superstitione esse immunes nemo temere dixerit: illorum tamen religionem commentis adeo insulsis, ut vulgo creditur, refertam esse, a veritate est alienum. De eo si quis dubitet: adeat HADR. RELANDUM *de Relig. Mohammed.* SANDYS quoque in suo itineralio commemorat, AVICENNAM cuncta quæ de Paradiso ejusque deliciis Moslemi docent, allegorice fuisse interpretatum.

††† Obvium quidem est, quid in Reformatorum vita, non nullorumque cultu superstitiosum sit: de eo tamen convicti sumus, ecclesiam nostram præ cæteris a superstitione esse purgatam. Neque, quæ Cel. Auctor sibi ipse objicit, a quopiam nobis obijci possunt.

†††† Milites, qui sectæ Pontificiæ sunt addicti, interdum schedulas secum circumferunt, in quibus nomen sancti alicu-

alicujus vel simile quid, febriculosi monachi scripserunt. Si illarum virtute contra gladiorum & globorum ictustuti sint: mirum est multa illorum millia eadem strage aliquando perire, licet pretiosas hasce chartulas, ad ultimum vitæ halitum, sedulo asservaverint.

§. IV.

Medela denique tum demum rite adferetur superstitioni *, si a praeiudicatis falsisque opinionibus, inepta cumprimis credulitate, liberetur intellectus **; simulque imaginatio intra iustos limites coërceatur ***; voluntas autem a pravis cupiditatibus, speciatim & ab avaritia purgetur *. Qua in re vt legitima verbi diuini tractatio cum precibus deuotis coniuncta, vtramque merito paginam facit **, ita & philosophiae verae & genuinae studium sobrium, minime contemnendum est ***.

- * Remedia superstitionis aequae ac atheismi vel *παραφυλακτικά* sunt, vel *θεραπευτικά*. Ad illa pertinet educatio, institutio, conuersatioque. Haec enim omnia si superstitioni faueant, ad corrumpendas mentes ingenuas, & hocce veneno inficiendas, plurimum valent; rursus tamen, si ita, vt decet, comparata sint, ad praemuniendos contra hancce pestem iuuenum animos vim egregiam habent & prorsus singularem. Minus sane frequens esset hicce morbus, nisi plerique mortalium a prima infantia a nutricibus, parentibus, praeceptoribus, eodem inficerentur, & deinceps inter eos, qui eo laborant, viuendum esset. Quousque autem aut in nostra, aut aliorum positum sit potestate, hisce remediis vti, quilibet facile intelligit †. Nos hic de *θεραπευτικοῖς* praecipue sumus solliciti, quorum summa eo redit, vt eiusmodi homines ad stultitiae suae & miseriae

agnitionem perducantur. Hoc si obtinneris, reliqua facile procedent. Non itaque argumentis multis, aut disputationibus opus est, vti contra atheos. ††. Detexisse enim superstitionem, est eam refutasse. Nec rationibus eiusmodi homines pugnare solent, quippe quibus destituuntur; sed cuncta ad imaginationem, experientiam, sed falso aditatum, narrationes aliorum redeunt, quae cum lubrica sint & infirma, explodi statim, si fides eis non adhibeatur, & ita vnico ictu prosternei possunt.

† Quum nutrices & famulae pusionum animos, innumeris, de spectris & terriculamentis, narratiunculis, corrumpere solent: officio suo defunt parentes, si de isto quieti sint, ac omni virium contentione familiam suam ab infestis haece ineptiis detertere non studeant.

†† Quum Polytheismus jure quodam ad idololatriam, hæc vero ad superstitionem laxiori sensu sumptam referri queat; & viri summi in ea opinione versentur, unitatis Divinae ideam minus evidentem esse, quam ejus existentiam: alienum non erit hoc loco paucis demonstrasse, unicum tantum Deum existere. Per Deum intelligimus tale ens, quod omnes absolutas perfectiones possidet, nec ullo laborat defectu. Ergo si Duo, vel plures Dii existant: alter alterum ut cognoscat, necesse est. Cæteroque enim illorum perfectioni aliquid deesset. Summa autem perfectio, ad quam quoque perfectissimam Dei scientiam referimus, est fundamentum existentiae Divinae. Ponamus itaque par Deorum existere, quorum alterum, nostro & lectoris commodo, A, alterum vero B vocabimus. A, ut patet ex præcedentibus, absque notitia B existere nequit. A vero notitiam illam habere non potest, nisi B jam existere supponatur. Ratio enim quod Deus iste ab A cognoscatur, cum is ab A non dependeat, non in A, sed in ipso B quaeri debet. Existentia Dei B idcirco ordine naturæ præcedit notitiam illam, quam Deum A de isthoc Numine habere diximus. Eadem igitur existentia vñ B natura prior est existentia alterius Dei A. Nam fundamentum existentia vñ A, ut modo vidimus, est ipsa illa notitia cum reliquis ejusdem Dei perfectionibus. Nihiloscilicet eadem methodo probare possumus, B ex-
istere

stere non posse, nisi A ipso illo B natura prior statuatur. Cum igitur ut A & B simul existant, B suo sodali prior natura & posterior esse debeat; idque sit longe absurdissimum: sequitur absque absurditate par Deorum fingi non posse. Idem argumentum de vi sua nihil amittit, si quis tria vel plura Numinaingat. Verum ad alterum jam pedem promoveamus! Deus est *summe perfectus*. Perfectior is est, a quo omnia dependent, isto, de quo idem jure dici non potest. Sin vero plures Dii existant: nullus ab alio dependet. Qui enim ab alio dependet, summe perfectus, id est Deus, non est. Unde colligimus, vel unicum tantum Deum esse, vel nullum. Quum, si plures statuamur: nullus erit summe perfectus, nisi is, a quo reliqui dependent; reliqui autem, si ab isto dependeant, pro Diis haberi non possunt. Tertio: Plures Dii si dentur: *eiusdem sunt natura*. Ad naturam Divinam pertinet *necessaria existensia*. Nemo tamen Deorum, si plures existant, necessario existit. Tunc enim speciem constituunt; species habet sua individua; numerus vero individuorum alicujus speciei necessitate quadam non limitatur. Quanam necessitate cogimur, ut decem tantum Deos credamus? Si decem existere possint: contradictorium non est, si ducentos statuamus. Fingamus itaque decem duntaxat in rerum natura dari! Undecimus tamen quod non existat, ex necessitate quadam derivari nequit. Huic idcirco *possibilem* existentiam tribuere debemus. Verum Deus iste *eiusdem est natura cum decem reliquis*; quibus proin *necessitate existendi*, non majori jure, quam undecimo nostro quispiam tribuerit. Quid inde? Ergo nec hic nec illi Divina natura gaudent; quippe ad quam, ut modo diximus, *necessaria existensia* pertinet. Hic quoque attendisse juvabit, *cuncta, qua penitus non possunt distinguui, unum idemque esse sub diversis nominibus*, si non erret Illustr. LEIBNITIUS. Quod si verum sit: novum pro unitate Dei habemus argumentum. Si plures sunt Dii: aliqua inser ipsos sit differentia, oportet. Si autem sit differentia, ut unus habeat, quod non habet aliter: non poterunt esse perfectissimi. Videatur de hoc argumento CANZIUS T. I. *Us. Phil. Leibn. & Wolff. in Th. sect. 4. C. I.* De pondere nonnullorum argumentorum, quæ vulgo afferuntur, dicere, nil attinet. Non omnia tamen, quæ heic loci prætermitto, pro nihilo velim putari. Lectu certe sunt dignissima, quæ disserit J. HONERTUS vir clarissimus & præceptor meus nunquam non colendus, *Dissert. Philos. de*
 Pp 4 essen-

essentia & existentia Dei §. 14. & seqq. S. Scripturam luculenter testari, præter Jehovah, Deum non dari, nemo nescit. & sapientiores inter Gentiles hanc veritatem inficias ire noluisse, HONERTUS, alique demonstrant.

****** Credulitatem enim cum aliis intellectus vitiis, inter causas superstitionis haud vltimum tenere locum, ad §. I. huius capitis docuimus. Quenam autem ratio sit, ab eiusmodi morbis & imbecillitatibus intellectum liberandi, omnium rectissime philosophia docet.

******* Namque & hanc inter causas superstitionis referendam esse, ad §. I. huius capitis ostendimus. In emendanda autem & corrigenda imaginatione, exercitationem vtramque facere paginam, alibi ex instituto docetur. Haec autem vt rite adhiberi & institui queat, defectus imaginationis prius agnoscere necesse est. Hi ergo vt hominibus, superstitionis morbo laborantibus, ostendantur, opera sedulo est nauanda.

• Praeterquam enim, quod credulitas, aliaque intellectus vitia, quae pro causis proximis superstitionis habentur, maximam partem ex praua voluntatis dispositione originem trahunt, eam superstitionem, quae directe circa Numinis cultum versatur, in meticuloso quodam erga Deum adfectu praecipue consistere, constat. Vnde neminem, nisi emendata rite & purgata voluntate, ab ea liberari posse, manifestum est. Eam vero, quae indirecte circa Numinis cultum versatur, superstitionem, prauis cupiditatibus, praecipue & avaritiae imputandam esse, res ipsa neminem dubitare sinit. Nec enim vlla alia magis re ad commercia cum malignis spiritibus, similiaque suscipienda, inducti sunt mortales. Curiositas intempestiua, si quos in transuorsum egit, eam tamen, si modo non aliud hocce nomine regatur vitium, nihil aliud, quam voluptatis esse speciem, alibi demonstratur. Huius autem vt & reliquarum

quarum cupiditatum, quae ad superstitionem ducunt, in voluntate hominum sedes est.

- Non alibi, quam in ipsa scriptura sacra, tum contra vitia quaecuis, tum & contra superstitionem, certiora praestantioraque inuenire licet remedia. Haec enim primo euidenter docet, verum genuinumque Numinis cultum non in ritibus, non in ceremoniis, aut actibus externis, sed in puro atque sincero Numinis amore consistere, *Deut. VI. 5.* Quocumque ut timor filialis, fiducia, obsequium, & reliqua, quae cultum internum absoluunt, indissolubili vinculo coniuncta sunt, ita ab iis, qui vera in Christum fide destituuntur, frustra expectatur. Per Christum enim seruatore[m] cum patre conciliati, *II. Cor. V. 19.* ἐν πληροφορίᾳ πίστεως ad eum accedere possumus, *Ebr. X. 22.* Vbi ergo vera in Christum fides, ibi & amor sincerus Dei, immo & proximi, cum hic ex illo non possit non fluere, *I. Ioann. IV. 20.* Quo sensu & Iacobus purum & impollutum apud Deum & patrem cultum (Θεοσεκίαν καθάρην καὶ ἀμίαντον παρὰ τῷ Θεῷ καὶ πατρὶ,) hunc esse, ait, curam gerere pupillorum & viduarum, in eorum calamitate, & intaminatum se custodire a mundo, *cap. I. v. 27.* Summatim autem Paulus apostolus cuncta complectitur, asserens: in Christo Iesu neque circumcisio quicquam valet, neque praepitium, sed πίσις δι' ἀγάπης ἐνεργημένη, fides per charitatem operans, *Gal. V. vers. 6.* Et licet scriptura ritus & ceremonias cum cultu Numinis interno non pugnantes, sed eundem potius promouentes, non damnet, ac reiiciat, immo omnia etiam in conuenientibus, qui sacrorum causa instituuntur, ἐν ὁσμῶν καὶ κατὰ τάξιν fieri velit, *I. Cor. XIV. vers. 40.* tantum tamen abest, ut illorum, qui in externis eiusmodi tantum Numinis cultum ponunt, errorem adprobet, ut istos etiam, qui ritibus a Deo ipso in veteri testamento praescriptis hac ratione abutebantur, grauissime reprehendat, ut vel ex *Esaiae*

cap. I. 11. *seqq.* abunde liquet. Neque tantum ostendendo veram diuini cultus rationem superstitioni obuiam it scriptura sacra, sed per fidem in Christum seruatores, ad quam homines ducit, corda eorum, tum a reliquis adfectibus prauis, tum maxime a metu seruili, adeoque & omni superstitione purgat; *Actor. XV. vers. 9.* Vt enim fides in Christum *victoria est mundum superans*, ita per eam etiam cum reliquis cupiditatibus prauis, meticulosam istam, quae in superstitionis hominibus est, animi dispositionem vincere possumus. Et licet homines veram pietatem sectantes, in vero Numinis cultu non minus anxii esse studeant, quam sunt quandoque superstitioni, nihil tamen absque Numinis praescripto, cuncta vero non ex spiritu seruili, sed ex amore, adeoque spiritu filiali agunt. Non enim *seruitutis spiritum acceperunt, rursus ad metum, sed spiritum acceperunt adoptionis, per quem clamant, Abba, pater, Rom. VIII. 15. conf. Gal. IV. 6.* Quo magis etiam in amore Numinis proficiunt, eo longius metum omnem seruillem, genuinam superstitionis matrem, a se remouent. *In charitate enim metus non est: quin perfecta charitas foras quatit metum; quoniam metus cruciatum habet: quique metuit, perfecta charitate non est: I. Ioan. IV. 18.* Fides vero dum reliquis etiam animi morbis medetur, eo homines adducit, vt in calamitatibus quibusuis a solo Deo auxilium expectent, eiusque in omnibus praescriptum sequantur; hinc & inter alia, vanam & intempestiuam curiositatem fugiunt. Idque qui serio facit, ab iis etiam superstitionum generibus, quae indirecte circa Numinis cultum versantur, animo erit alienissimo. Immo haec omnia eo magis detestatur, quo certius nouit, ista omnia cum vero Numinis cultu consistere non posse, immo seuerissime a Deo esse prohibita; *conf. Deuter XVIII. vers. 10. Leuit. XX. 27. add. & Esa. XLVII. vers. 12. 13. 14.* Idque probe illi ex Ephesis intelligebant, qui ante conuersionem suam *περίεργα* tractauerant,

uerant, libros quippe, in quibus talia continebantur, adferentes, & ad eiusmodi facinorum detestationem publice concremantes; *Act. XIX. 29.* Ex scriptura autem dum remedia contra superstitionem petenda, contendimus, de *legitima eius* hoc intelligimus *tractatione*; vt aliquis eam diligentia debita non tantum legat, sed & scrutetur, verumque eius ac genuinum sensum inuestiget, tum cuncta rite ad se ipsum transferat, & hac ratione ad poenitentiam & fidem, & per fidem ad sincerum Numinis amorem perducatur. Quod fieri non posse, nisi preces deuotas & ardentissimas cum ista tractatione coniungat, obsequiumque doctrinae coelesti praebere paratus sit, nemo non intelligit. Hoc enim si non faciat, sed existimet, externam verbi tractationem sine attentione, sine serâ applicatione, sine precibus, sibi profuturam, speratum non tantum inde non referet fructum, sed potius hoc ipso superstitionis se rerum faciet.

*** Verae & genuinae philosophiae studium ad efficiendam ex animo superstitionem plurimum conferre, non temere quis, nisi expers fuerit omnis philosophiae, dubitauerit. Credulitati enim, similibusque intellectus vitis, medebitur logica; quippe cuius hocce est proprium munus. Morbos enim istos intellectus non tantum designat, sed eorum etiam foeditatem demonstrat, & rationem ab iis se liberandi ostendit. Philosophia moralis, vt de reliquis adfectibus, ita & de avaritia, metu inconsulto & intempestiua curiositate nos erudit, & quanto studio haec omnia, ne miseros nos reddant, fugienda sint, nos conducet. Physica autem, seu naturalium rerum scientia id efficit, vt euidenter intelligamus, falli magnopere homines superstitiosos, dum inter causas quasdam & effectus nexum sibi fingunt, qui reuera non tantum non est, sed nec esse potest; stolidique adeo & insipienter eos agere, qui sibi ab aliis ea persuaderi patiuntur, quae non tantum non sunt, sed nec esse possunt †. Haec vero omnia,
cum

cum abunde ex supra dictis consent, plura vt addamus, necesse non est.

† CICERO L. I. de finibus rectissime scribit. *Omnium rerum natura cognita levatur superstitione: liberatur mortis metu: (quod tamen cum grano salis intelligendum) non conturbamur ignoratione rerum, e qua ipsa horribiles saepe existunt formidines. Denique etiam morati melius erimus. Videatur potro WALCHIUS Philos. Lex. voce Aberglaube.*

S. D. G.



HADRIA.

HADRIANI BUURT
DISSERTATIO
PHILOSOPHICA ;

QUA

EXISTENTIA DEI

CONTRA ·

A T H E O S

PROBATUR.

L. S. D.

HADRIANUS BUURT.

*B*Revem hanc dissertationem BUDDEI the-
sibus subjungendam duxi, ut argumen-
ta, quibus existentia Numinis probatur, uno
quasi intuitu Tibi contemplanda sisterem; &
quidem non ea duntaxat, quibus Celeber-
rimus Auctor usus est, verum & alia quæ-
dam, quæ forte non minoris sunt ponderis.
Meam quoque dissertationem, ut & observa-
tiones, quæ ad textum BUDDEI adjeci, Ec-
clesiastico examini, ut apud nos moris est,
lubenter submiti. Illi vero, quibus hæc cura
demandata fuit, nihil, quod Religionis nostræ
placitis adversatur, in iis animadverterunt.
Vale.

DIS-

DISSERTATIO PHILOSOPHICA

DE

EXISTENTIA SUMMI NUMINIS.

§. I.

D*Eus, cujus existentiam probare aggredimur, est ens perfectissimum, id est, quod omnes absolutas perfectiones possidet, nec ullo laborat defectu. Cum Deum existere dicimus, quid per existentiam intelligatur, nemo nescit; licet forte exactissima hujus rei definitio non ita facile dari possit.*

§. II.

In nostra demonstratione supponimus, cuncta, quæ clare & distincte percipimus, vera esse; ne ad Scepticismi syrtes naufragium faciamus. Supponimus quoque, cum a nihilo nihil fieri possit, nihil in rerum natura excogitari posse, quod existentiae suæ fundamentum non habet, sive in se ipso, ita ut vi naturæ suæ existat, sive in causa quadam externa.

§. III.

Primam argumentorum classem, ea, quæ in sinu mentis nostræ detegimus, nobis suppeditant;

tant; *Idea Dei* nimirum & *variæ conscientiæ* nostræ actiones.

§. IV.

Cum dicimus nos *ideam* Dei habere: asserimus, nos, non tantum sonum harum vocum *ens perfectissimum*, verum aliud quidpiam præter illum sonum, mente percipere. Cæteroquin enim de Deo, ut fit, argumentari, & multa de eo affirmare vel negare nullo modo possemus. Neque persuasio de Numinis existentia omnium in universum animis insedisset. (pag. 266. & seqq.) Immo, si Dei, id est, summi boni nullam notitiam habeamus: unde *desiderium* illius boni, quod menti nostræ* naturale esse, experimur omnes? Ignoti utique nulla est cupido.

§. V.

Nobilissimæ hujus *ideæ* contemplatione edocemur, ad *essentiam Divinam* ipsam quoque *existentiam* necessario pertinere. Unde, argumento *a priori* ut vocatur (conf. p. 276.) derivamus, *Deum ipso actu existere.*

§. VI.

Id, quod priori loco diximus, ex eo probatur; quod *existentia* sit complementum rei possibilis, ideoque sit *perfectio*; Deus vero sit *ens perfectissimum*, ad cujus naturam *omnes absolute perfectiones* necessario pertinent; ergo & *existentia*. Præterea si Deus non existat *vi naturæ suæ*:
ut

ut existat, *impossibile* est. Etenim si existat, non vero *vi naturæ suæ*; fundamentum existentiae Divinæ, juxta §. 2. in causa quadam externa quæramus oportet. Verum, cum causa suo effectû sit *perfectior*, & effectus ab eo, cui originem debet, jure *dependeat*: *ens summe perfectum* a causa quadam externa produci nequit. Nemo tamen temere dixerit, Deum existere *non posse*. Id si per rei naturam impossibile sit: contradictionem pariet, si dicamus, *existit Deus*. Nihilofecius subiectum in hac propositione per prædicatum non evertitur; ut in ejusmodi contradictionibus fieri videmus. Deus itaque existere minimum *potest*. Ergo si existat: existit *vi naturæ suæ*; sive, quod eodem redit, ad *naturam Divinam* necessario pertinet *existentia*.

§. VII.

Alterum, quod §. 5. asseruimus, hinc sua sponte sequitur. Si pro certo non habeamus, quod Deus *ipso actu existat*; alterutrum statuamus, sive quod absque contradictione existere *nequeat*, sive quod *fortassis* summum quoddam Numen in rerum natura detur. Prius autem explosimus §. præcedenti: posterius quoque cum iis; quæ eodem loco differuimus, consistere minime potest. Si Deus *fortassis* existat: existere potest, & non potest. *Possibilem* itaque existentiam ipsi tantum tribuis. Atqui supra jam vidimus; *existentiam* ad *naturam Dei* necessario pertinere: ea vero, quæ ad naturam rerum necessario pertinent, a rebus abesse non possunt; neque eorum respectu inere sunt *possibilia*.

Q q

§. VIII.

§. VIII.

Objiciunt nonnulli, talem existendi necessitatem Deo, quatenus est objectum nostræ cogitationis, jure quidem tribui: rem tamen necdum exploratam esse, num extra nos ita sese habeat. Verum hæc inter se repugnant. Concedunt equidem nos de Deo *non existente* cogitare non posse, quoniam idea Dei *non existentis* non est idea *entis perfectissimi*; (§. 6.) & nemo *naturam* Dei sibi repræsentare potis est absque *existentia*, cum hæc ad illam indivulso nexu pertineat. (conf. §. 6. & 7.) Dicunt nihilominus necdum exploratum esse, num Deus extra nos existat. Istud vero ab iis dici nequit, nisi Deus eo ipse tempore ante mentem illorum obversetur, ut qui fortassis *non existit*. Contradictorium itaque non erit, de Deo *non existente* cogitare; quod ipsi modo concesserant. Idea ergo, quam illi eo tempore contemplantur, non est idea entis perfectissimi, sed *imperfecti*; quippe ad cujus essentiam *existentia* non necessario pertineat. conf. Anteced.

§. IX.

Eadem Dei idea, quæ *a priori* nos docuit Deum existere, *a posteriori* quoque (id est, cum a cognitione effectus ad cognitionem causæ progredi conamur) eandem veritatem testatur. Neminem enim præter Deum pro *causa efficiente* hujus ideæ habendum esse, ex eo colligitur; quod eam, neque *nobis ipsis*, neque *cuiquam extra nos*, qui *summe perfectus non est*, jure debeamus. Non *nobis ipsis*. Quoniam mens nostra ideam istam *vi natura*.

quæ non existit, notitiam habeamus: certissimum Deum esse *causam exemplarem* hujus ideæ; id est, exemplar, ad quam illa est formata, & quod ipso actu existit. Ponamus nos in tablinum introduci, in quo sexcentæ tabulæ, verbi gratia, asservantur; e quarum numero 599. pictas hominum facies, quarum archetypa revera existunt, nobis exhibent, docente ipsius tablini possessore. Ponamus insuper incogitantia nostra fieri, ut de sexcentesima hominem non interrogemus. Cum jam abierimus, idque in mentem nostram inciderit: ex eo tamen, quod cæteræ omnes hominum revera existentium imaginem ferunt, colligemus, idem de sexcentesima nostra summa cum probabilitate statui posse. Hisce autem quid intendam, nemo non intelligit. Sin vero quis excipiat, non omnia, quæ per ideas nobis representantur, ipso actu existere; nuspiam enim Pegasus, seu butyraceos fontes in rerum natura dari: respondemus, ejusmodi ideas, ex ideis rerum, quas existere scimus omnes, esse *compositas*; ideam autem entis, infinite perfecti, nulla *compositione* in mente nostra oriri posse. (conf. §. præced.)

§. XI.

Cum e *desiderio*, quo nos in infinitum bonum ferri supra diximus, nihil aliud probari queat, quam quod *ideam* istius boni habeamus: misso, quod ab eo ducitur, argumento, ad varias *conscientiæ nostræ actiones* pedem promovemus. Per *conscientiam* intelligimus *mentem nostram*, quatenus *ratiocinatur de actionibus propriis*, *Utrum illæ legi*
con-

convenient, nec ne, disquirit. Hæc autem mentis operatio in syllogismi formam facillime redigi potest. *Major* nimirum *propositio* habet rationem *normæ* sive legis; *Minor* rationem *testis*; *conclusio* autem rationem *judicis* & *tortoris*. Talem *conscientiam* reapse dari, experientia omnes docemur, & probat quarumcunque gentium consensus. Neque tamen causam hujus operationis in nobis ipsis quæramus. Ipsi enim nobis hac de re nihil sumus conscii; neque in *lege* ista quidpiam mutare possumus; immo conscientiæ *accusationes*, & *damnatorium judicium* ægre admodum ferimus. Adde, quod si *lex* menti nostræ inscripta a nobis ipsis proficisceretur: omnium in universum de bono & malo sententia minus exacte conveniret. Eodem argumento probamus, *parentes* nostros aut *magistratus legem* illam nobis non dedisse; præterquam quod hi quoque eidem sint obnoxii, & nihil in ea mutare valeant. Quin etiam cum magistratus de actionibus externis duntaxat sententiam ferant: unde illa conscientiæ verbera, quæ persentiscimus, dum illicitas cogitationes animo volvimus? Legislatorem ergo ac judicem omnipotentem simul & omniscium profiteamur, qui ea gaudet potestate & potentia, qua summa imperii omnino ad ipsum respicit.

§. XII.

Ad alteram argumentorum classem illa referimus, quæ e contemplatione Mundi, eorumque, quæ in Mundo fieri videmus, derivantur.

§. XIII.

Mundus est congeries rerum omnium imperfectarum, quæ existunt. Existentiam rerum imperfectarum nemo nisi male sanus temere negaverit. Mens enim cujuscunque nostrum est imperfecta: quippe quæ plus ingenii ac judicii habere posset, & innumeras insuper perfectiones, quas tamen minime possidet. Materia vero, cum sui non sit conscia, (pag. 321.) & innumeras subeat mutationes, a summa perfectione procul abest. Immo omne extensum, quum ex partibus constet, quarum numerus infinitus esse nequit, finitum est, & ergo imperfectum. Numerum infinitum non dari ex eo probamus, quod numeri sese invicem gradatim unica duntaxat unitate excedunt; quapropter in numero infinito ultimus finitus, si una modo unitate augeretur, æqualis esset infinito, quod absurdum est. Secundo, si daretur numerus infinitus: numerus unarius eandem rationem ad integram summam haberet cum centenariis, millenariis &c. Si enim numerus infinitus plures unitates, quam centurias, contineret: numerus centuriarum summopere augeri posset; tametsi infinitum nullo modo augmenta admittat. Hinc colligimus, numerum infinitum esse contradictorium; quoniam absque contradictione tot centurias, quot sunt unitates, in eodem numero statuere non licet. Numerum denique ab unitate ordinatur: ergo haudquaquam infinitus esse potest; quandoquidem ab infinito ad terminum quandam seu principium regressus non datur, qui tamen in omni numero, per rei naturam, est admitendus.

§. XIV.

§. XIV.

Ex præcedentibus, corollarii loco, derivamus, universam quoque rerum imperfectarum congeriem, generatim sumtam numero partium, æque ac perfectione, *finitam* esse.

§. XV.

Hisce præmissis, jam demonstrare aggredimur, mundum nostrum non existere *vi naturæ suæ*. Quod si rite fecerimus: simul patebit fundamentum existentiae illius in Deo quærendum esse. conf. §. 2. & definitionem, quam dedimus §. 13, ut & §. 1.

§. XVI.

Id, quod modo proposuimus, haud difficulter probatur. Licet enim *absque contradictionis periculo* statuere, mundum aliquando non extitisse. Ergo existentia ad illius naturam non necessario pertinet, siue quod eodem redit, mundus non existit *vi naturæ suæ*. (conf. §. 8.) Finge sodes! lineam absque longitudine; vel corpus, quod, a vi quoque infinita, moveri plane non potest. Id si tentaveris: ideam lineæ & corporis statim amittes, quoniam longitudo *essentiam* lineæ constituit, & mobilitas materiæ est *propria*. Ideam vero mundi claram & distinctam retinemus: etiam si existentia ipsi fictione quadam denegetur.

§. XVII.

Sucessivam mundi durationem propterea asserimus,
Qq 4

mus, quod crastina illius existentia ipsi nondum adest. Illa vero novum pro *contingentia existentie* mundi argumentum nobis suppeditat. Etenim si crastina mundi existentia ipsi nondum adsit: existentia mundi ad illius naturam necessario non pertinet; quoniam illa, quæ ad naturam rerum necessario pertinent, nunquam ab iis abesse possunt.

§. XVII.

Mundus quoque, & partium numero, & perfectione *finitus* est. (§. 14.) Contradictorium itaque non est, si statuamus, hanc rerum imperfectarum congeriem congerie perfecte simili augeri posse. Huic vero, cum non existit necessaria existentia, licet aliquando existentiam adipisceretur, nullo modo attribui potest. Verum ejusdem est naturæ, cum illa rerum imperfectarum congerie, quæ omnino existit. Igitur, cum similium similis sit ratio, nec illa existit *vi nature sue*.

§. XIX.

Vidimus insuper §. 6. *impossibile* saltem non esse, ut Deus existat. Si Deus existat; est omnipotens, & mundum huic nostro similem producere valet: nam ad naturam *summæ perfectionis* ejusmodi potentia necessario requiritur. Quo fundamento id superstruimus, absurdum non esse, si mundi originem a Deo derivemus; quod tamen absurdum foret, si mundus existentiam suam sibi ipsi deberet, id est, si mundus *existeret vi nature sue*.

§. XX.

§. XX.

Jam satis evidenter, ut puto, demonstravimus *accidentalem* mundi existentiam (si ita fari liceat) ut hoc pacto manifestum fieret, fundamentum illius existentiae in Deo quaerendum esse. Idem quoque probatur iis argumentis, quibus directe evincitur, *mundum aliquando initium cepisse*.

§. XXI.

Provocamus primo ad *successivam mundi durationem*, de qua videatur §. 17. cui demonstratio-
ni addi potest, quod res imperfectae variis mutationibus sunt obnoxiae; quas tamen, absque temporis progressu, neutiquam subire possent. Sin vero mundi duratio sit *successiva*: illa equidem certo momentorum *numero* circumscribitur. Qui, cum *finitus* sit juxta §. 13. *initium* habet, aequae ac finem. Ne jam dicam, qualemcumque numerum ab unitate *exordium* ducere (vide l. l.) certum est, numerum finitum continuo augeri posse. Atqui numerus nequaquam adolescit, nisi is, qui post augmentum ultimo loco est positus, a *principio* integræ summæ sit remotior, isto, qui ante eum ultimum locum occupaverat, &c.

§. XXII.

Immo si mundi duratio sit *successiva*: nullum tempus præterit, quin aliquando fuerit *futurum*. Quod quoque cum mundi æternitate nemo facile conciliaverit.

Qq 5

§. XXIII.

§. XXIII.

Est & aliud argumentorum genus, quibus id saltem manifesto probatur, præsens cæli terræque *systema* ab æterno non substituisse.

§. XXIV.

Cum lux & tenebræ alternis vicibus sese invicem excipiant: aliquando fit, ut numerus noctium numerum dierum, aut vice versa, hic illud, excedat. Supponamus itaque prius locum obtinere: quicquid enim eligamus, res eodem redit. Hinc autem sequitur præsens mundi *systema* ab æterno non fuisse. Nam e nostra hypothesi cum nox diem præcesserit: necesse est, fuerit jam olim matutinum, quo dies prima vice hisce telluris nostræ regionibus illucesceret. Idcirco, *si præsentis systematis habitu rem metiamur*: prima quoque nox, paucis ante diem horis, initium cepit.

§. XXV.

Adde, quod e NEWTONI aliorumque sententia planetæ primarii moveantur in ellipsis, umbilicum habentibus in centro solis; cum gravitate a motu rectilineo retrahantur, & motus projectilis vicissim impediatur, ne in solem decendant. Verum cum radii luminis aliaque forte tenuia effluvia sese per cœlestia spatia diffundant: fieri non potest, quin motus planetarum quantulumcunque resistantiam patiatur. Quæ si jam ab æterno fuisset: talem omnino planetarum motui induxis-

duxisset mutationem, qua pulcerrimum hoc mundi *systema* jam dudum destructum foret. Videatur DESAGULIERS *Lett. 5. Phys. p. 412.* De origine historiæ profanæ, ejusque convenientia cum narratione Mosaica, de artium & scientiarum recenti inventione, aliisque argumentis *historicis*, quæ novitatem *systematis* mundani satis superque declarant, conferantur, quæ supra jam dicta sunt, nimirum pag. 328. & seqq.

§. XXVI.

Quæ §. 21. & 22. disseruimus, diserte testantur, Deum auctorem esse hujus universi. Reliqua vero, quæ sequuntur §. 24. & 25. id saltem probant, admirandam cæli terræque *structuram* e natura materiæ nullo modo sequi, ideoque suum artificem habere. Nam, cum præsens mundi *systema* aliquando initium ceperit: dicant Athei, num materia, antequam in hoc syntagma coiret, jam extiterit? an vero eo ipso tempore, quo in *systema* quoddam componeretur, fuerit orta? Posterius neutiquam statuere possunt, cum æternitatem materiæ tueantur. Prius vero si statuant: fatentur ipsi, præsentem mundi habitum nulla necessitate naturæ suæ niti, id est, fundamentum suæ existentiae non habere in natura materiæ, sed in causa quadam externa, (§. 2.)

§. XXVII.

Hæc non parum roboris ex eo accipiunt, quod nihil absurdi habeat, si dicamus, ordinem istum, qui jam in mundo est conspicuus, tandem aliquan-

quando immutatum iri. Non repugnat utique rei naturæ, ut ingenuus quisque mecum fatebitur. Ergo ordo hujus universi alius atque alius esse posset, ac proin *contingens* est respectu rerum ordinarum. Verum *contingentia* auctorem sui arguunt, ut e §. 2. sæpius est observatum. Auctor vero hujus ordinis summa sapientia, potentia & bonitate præditus est: quandoquidem plurima harum virtutum & perfectionum indicia in hac rerum compage conspiciuntur. Oculos modo figamus, in immensa cæli fornice (aliorum jam verbis utor) innumera stellarum multitudine, regulari solis ortu ac occasu, periodicis diei & noctis, annique temporum vicissitudinibus, præter reliquas cælestium corporum & meteororum affectiones. Tellurem nostram contemplemur, commodissimum ac instructissimum pro tot hominibus ac animantibus habitaculum; immo & animantia ipsa, quæ, sive diversas eorum species, sive singulorum corpora, quoad omnes partes aptissime constructa, sive denique eorum actiones consideres; tuam obtinebunt admirationem. Nihil jam dicam de organica corporis nostri structura, cujus ope ad sensum & motum redditur aptissimum; neque de anima nostra rationali, ejusdemque cum corpore nostro conjunctione; quæ, ut & plurima alia, manifesto docent, hanc mundi fabricam artificis sapientissimi, potentissimi & beneficentissimi esse opificium. conf. p. 284. & seqq. Spiritum quendam, nobis quidem multo præstantiorem, sed tamen non *infinite* perfectum, pro *causa prima* hujus *systematis* haberi non posse, satis clare patet ex iis, quæ §. 13. usque ad 23. disputavimus. Vide quoque p. 278. &

279. Eximius itaque ille artifex est ens *summe perfectum*, quod ad gloriæ suæ manifestationem præsens mundi *systema*, eo, quo jam conspicitur ordine, adornare voluit.

§. XXVIII.

Ex iis, quæ §. *præcedenti* dicta sunt, dijudicari potest, quo animum intendam p. 241. ubi scripsi, ratiocinia quævis, ab ordine & structura mundi desumpta, ad argumentum de *contingentia* commode referri posse. Non procedit utique nonnullorum ratiocinatio: *Ubi sunt rerum fines, ibi est, qui propter fines agit. Atqui rerum in universo omnium sunt fines. Ergo est, qui propter eos agit.* Nam si in locum definiti definitionem *finis* ipsam substituamus; ejusmodi emerget argumentum, cujus *minor* manifestissime principium petit, ut recte observat vir acerrimi judicii J. TH. CANZIUS *Phil. Leibn. & Wolff. usus in Theol. P. 1. sect. 2. c. 1. §. 5.* Si enim vis *majoris* propositionis sit solida; genuina *finis* definitio hæc est: *finis est, cujus gratia intelligens agit.* Hanc definitionem jam definito surrogemus: *Ubi sunt rerum fines, ibi est, qui propter fines agit. Atqui rerum in universo omnium sunt certi respectus, quorum gratia intelligens agit. Ergo est, qui propter eos respectus agit.* Nemo non videt apertam nimis fallaciam. Reponet statim Atheus, idem per idem probari, ac idcirco argumenti vim nullam esse. Prius itaque probandum fuit, ordinem, quem in mundo videmus, non independentem esse, & sensu Spinozistico *naturalem*, sed *contingentem*, ac ab alio productum.

§. XXIX.

§. XXIX.

Atheorum exceptiunculam, qui ordinem systematis mundani cæco casui tribuunt, destruximus p. 366. Illi quoque, qui *motum* pro prima ac independenti causa hujus ordinis colunt, non considerant, motum materiæ haud quaquam necessarium esse. Sed dari primum hujus universi motorem, causam quandam liberam. v: p. 279. & seqq. Immo demus tantisper motum materiæ esse essentialem: pulcherrimum huncce mundum ex fortuita corporum concursione effici posse, pernegamus. *Id qui existimat, fieri potuisse non intelligo, cur non idem putet, si innumerabiles unius & viginti formæ litterarum, vel aureæ, vel qualeslibet, aliquo conjiciantur, posse ex his, in terram excessissis, annales ENNII, ut deinceps legi possint, effici: quod nescio, an ne in uno quidem versu, possit tantum valere fortuna.* CICERO de nat. Deorum L. 2. conf. p. 362. & seq.

§. XXX.

Possẽm etiam hic urgere argumenta, quæ a *miraculorum* patratiõne, *prophetiis*, & sim. petuntur. Nam, quanquam hæc religioni revelatæ sint propria: possunt tamen e monumentis fidei historicæ, quam Atheus, nisi omnia & ipsam rationem abnegare velit, admittere tenetur, demonstrari; loquor cum *Cel. LANGIO Causa Dei L. 1. sect. 2. Epimetr.* videantur quoque, quæ *Cel. BUDDÆUS* supra annotavit. Verum cum prolixiorẽ esse non liceat: uberiori horum argumentorum tractationi supersedebo.

§. XXXI.

A
min
esse
illor
prot
Quo
jicit
defe
quæ
enin
Imp
ho
tent
diec
veri
patr
sensu
potui
habe
Deor
tur;
more
Num
sima
adspe

Pr
rum
nunt
Non

§. XXXI.

Argumenta, non nulla saltem, quæ pro Numinis existentia afferuntur, usque adeo perspicua esse, ut qui in cæteris adspæctum fere amiserunt, illorum virtutem nihilofecius pervidere valeant, probat *universalis gentium consensus*. (p. 268. & seqq.) Quod causam nostram haud parum juvat. Objicit quidem BÆLIUS, Polytheismum eodem jure defendi posse. Verum integræ fuerunt nationes, quæ unum tantum Deum crediderunt. Prisci enim Sinenses neminem, præter supremum cæli Imperatorem, religiose colebant, ut notat NIEUHOF *Leg. Bat. P. Ult. p. 129*. In eadem sententia plurimi e veterum Philosophis fuerunt, hodieque, præter Christianos, Judæi & Moslemi versantur. Male itaque, qui Deorum pluralitati patrocinari vellet, ad universalem gentium consensum provocaret. Adde, quod facilius fieri potuerit, ut illi, qui Divinitatis quendam sensum habebant, perverso sane de Deitate conceptu, Deorum quoddam sessimonium comminiscerentur; quam ut omnes omnino mortales, quorum mores atque studia vehementer discrepant, de Numinis existentia consentirent, nisi manifestissima ac indubitata hujus rei indicia sub omnium adspæctum caderent.

§. XXXII.

Produnt quoque Athei rem suam *futilitate illarum objectionum*, quas sententiæ nostræ opponunt; quod supra jam vidimus p. 380. & seqq. Non desunt quoque exempla eorum, qui, dum
in-

integra gaudebant valetudine , Deum proterve
negare ausi sunt: statim autem, cum mortem ap-
propinquare sentirent, illius existentiam credi-
dere,

Bionem Borysthenitem, quem Scythica tellus pro-
duxit,

Dixisse audivimus, revera nihil esse Deos &c.

At nunc, quum in longum morbum incidisset, ac
mori pertimesceret,

Qui Deos non esse dixerat, qui sanam non vide-
rat,

Mortalibus qui illaferat, dum Diis immolarent;

Non pro foco solum arisque ac mensa,

Nidore, adipe, thureque Deorum nares implevit.

Nec solum, peccavi, dixit, delictis parcite;

Sed & anui collum facile porrexit excantandum;

Brachiaque loris persuasus devinxit,

Rhamnumque & lauri ramum januae imposuit:

Cuncta administrare magis quam mori paratus.

Hæc de Bione refert DIOG. LAERTIUS L.

4. n. 55. conf. PFAFFIUM de Præjud. Theol.

§. 23.

§. XXXIII.

Agmen denique claudat argumentum de eo,
quod tutum est. Si quis enim Religioni fidem ad-
hibuerit, ea vero falsa sit; nihil detrimenti inde
accipiet. Damnum autem irreparabile est, si ea-
dem vera sit, & fides ipsi denegetur. Scio equi-
dem hanc argumentationem vim demonstrativam
non habere: recte tamen cum aliis fortioribus ad-
hibetur,

hib
PF

7
tia
dign
veri
teri
gita
nat
&
M.
rer
nes
ster
illit

hibetur, ut viam ad convictionem sternat. v.
PFAFFIUM l. l.

§. XXXIV.

Vos ergo, qui abjecte de Numinis existen-
tia fentitis, quid dicitis, o nescii, & miseratione
dignissimi? Ita non tam extimescitis, ne forte hæc
vera sint, quæ sunt despectui vobis & præbent ma-
teriam risus? Nec saltem vobiscum sub obscuris co-
gitationibus volvitis, ne, quod hoc die credere obsti-
nata renuitis perversitate, redarguat serum tempus
& irrevocabilis pœnitentia castiget? Deum T.O.
M. supplice prece rogamus, ut vos ad sanio-
rem mentem reducat; ac ea felicitate nos om-
nes maâtare velit, qua non tantum ipsius exi-
stentiam agnoscamus; verum etiam suavissimæ
illius communionis evadamus participes!

S. D. G.



R r

C A.



C A P I T V M

QVIBVS HAEC COMMENTATIO
ABSOLVITVR

S E R I E S.

- I.** AN DENTUR ATHEI? VBI ET HISTORIA ATHEISMI SVCCINCTE TRADITVR, ET AB EIVS SVSPICIONE VIRI QVIDAM INNOCENTES LIBERANTVR. 152.
- II.** ATHEISMVS QVID ET QVOTVPLEX? VBI ET PRAECIPVA ATHEISMI FVNDAMENTA EXHIBENTVR. 152.
- III.** DE DOGMATIBVS, QVAE CVM ATHEISMO CONIVNCTA SVNT, AVT AD EVM DVCVNT. 177.
- IV.** DE ATHEISMI CAVSIS, PROPRIETATIBVS ET EFFECTIBVS. 227.
- V.** DEVM ESSE DEMONSTRATVR. 264.
- VI.** FVNDAMENTORVM ATHEISMI EVERGIO, VBI ET AD PRAECIPVA ATHEORVM ARGVMENTA RESPONDETVR. 340.
- VII.** REFVTATIO DOGMATVM CVM ATHEISMO CONIVNCTORVM, AVT AD EVM DVCENTIVM. 398.
- VIII.** SVPERSTITIO QVID ET QVOTVPLEX? SPECIATIM DE IIS SVPERSTITIONVM GENERIBVS, QVAE DIRECTE CIRCA NVMINIS CVLTVM VERSANTVR. 487.
- IX.** DE IIS SVPERSTITIONVM GENERIBVS, QVAE INDIRECTE CIRCA NVMINIS CVLTVM VERSANTVR. 508.
- X.** DE CAVSIS, EFFECTIBVS, PROPRIETATIBVS ET REMEDIIS SVPERSTITIONIS. 571.

INDEX



INDEX

A

Abrahamus num oniroman-
tiæ inventor? [566.](#)
Abracadabra: de hac aliisque
vocibus superstitiose ad-
hibitis. [541.](#) *seqq.* [548.](#)
Abraxas nomen summi Dei
apud Basilidianos [544.](#)
Academici num & quous-
que cum Pyrrhonicis con-
veniant? [27.](#) *seq.*
Academia primæ, secundæ,
tertiæque antesignani [24.](#)
Achæus Rex Jehudæ loqui-
tur Atheistice [9.](#)
Adam, quod in fœdere ope-
rum caput repræsentati-
vum fuerit, ejusque Lap-
sus omnium miseriam effi-
ciat, iniquum non est
[470.](#)
Ægyptii primi animas dixisse
feruntur immortales [186.](#)
num *μυστὶς ὄψων* statue-
rint? [187.](#) artis Medicæ
usu olim destituti fuere
[331.](#) prodigiosam jactant
antiquitatem [333.](#)
Ær Dei existentiam & pro-
videntiam arguit [295.](#)
Alexander M. superstitione
non erat intactus [593.](#)
Alexander, Epicuræus Phi-
losophus, Atheismi reus

[55.](#) num Deum & mate-
riam pro uno habuerit?
ibid.
Almaricus Philosophus [76.](#)
Spinozismi prælusor [77.](#)
Alphonsus Castiliæ Rex cor-
porum cœlestium systēma
confusum censet [286.](#)
Ambrosio generalis & præci-
pua Atheismi causa [228.](#)
seq.
Amplitudo Universi quanta?
[285.](#) existentiam Dei ar-
guit. ibid.
Amuleta in superstitionem
adhibita [543.](#) [548.](#)
Ancile Romanorum. [543.](#)
[548.](#)
Anaxagoras Philosophus [15.](#)
[16.](#) [17.](#)
Anaximander Philosophus.
[14.](#) [16.](#) quid senserit de
hominum origine? [323.](#)
Anaximenes Philosophus. [14.](#)
[17.](#)
Angeli: existentia eorum a
quibusdem negatur [198.](#)
seqq. sæpius apparere
[428.](#) *seqq.* [435.](#) *seq.* trinm
qui Abrahamo visi sunt
Unus tantum increatus fuit
[435.](#) [436.](#) Mali quomodo
catenis tenebrarum vincti
sint? [434.](#)
Anglia opinionum varietate
Rr 2 me-

I N D E X

- memorabilis [132](#). Atheismi non expers [132](#).
- Animalia* in multis produnt Dei existentiam & providentiam. [305](#). [306](#). omnia ex semine quodam generantur [326](#). [seqq.](#) unde ex mente Epicuri proveniant? [365](#).
- Anima* an post mortem appareant vivis? [435](#).
- Antisthenes* Philosophus Cynicorum antistes [36](#).
- Antipodis* [546](#). [548](#).
- Aquatilia* animalia arguunt Dei existentiam & providentiam [303](#).
- Aqua* arguit existentiam providentiamque Dei [293](#). [seq.](#)
- Arabii* Hæretici Tertii seculi: quanam eorum de animis sententia? [186](#).
- Arcefilas* Academiæ secundæ auctor [24](#). ejus de veritate aut falsitate rerum opinio [25](#).
- Archelaus* Jonicæ sectæ Philosophus [15](#).
- Arcesmus* (Petrus) atheis annumeratur [81](#). [seq.](#)
- Argumenta* pro Dei existentia varii generis [277](#). [seqq.](#) pro Dei Providentia, [398](#). [seqq.](#) pro animæ immaterialitate & immortalitate [414](#). [seqq.](#) pro existentia angelorum [426](#). [seqq.](#) pro vaticiniis [437](#). [seqq.](#) pro miraculis [447](#). [seqq.](#) pro veritate Religionis Christianæ [458](#). [seqq.](#) pro Divinitatē S. Scripturæ [474](#). [seqq.](#)
- Aristippus* Cyrenaicæ sectæ conditor [32](#). Atheismi reus [34](#).
- Aristoteles* num Atheus? [28](#). [seq.](#) [169](#). quodnam condiderit lythema? [28](#). [seq.](#) num Libri Aristotelis nomen præferentes sint genuini? [30](#). [seq.](#) quousque ejus sententia a Stoicorum discrepet? [31](#). num spinosifica sit? [31](#). [170](#). an cum Sacra Scriptura consentiat? [31](#). [176](#). quid de animæ immortalitate statuerit? [191](#). [seq.](#) [197](#). quid de dæmonibus? [200](#). mundum statuit æternum [175](#). [seq.](#)
- Ars Medica* non semper viguit [331](#).
- Asiæ* quales fuerint [504](#).
- Assyriacum* regnum licet antiquissimum censeatur, initium tamen coepit [329](#). [seq.](#)
- Astrologia* antiquissima ars est [528](#). num Abrahamum agnoscat auctorem? [ibid.](#) inter ejus cultores Chaldaei & Ægyptii eminent [527](#). [528](#). ab Arabibus resuscitata [530](#). ejus ortus & progressus [529](#). [seqq.](#) refellitur [531](#). [seqq.](#)
- Astrorum* interram, ætherminumque corpora quædam esse possunt operationes [531](#). sed quamplurimæ a superstitionis temere creduntur [532](#). [seqq.](#)
- Athei* vox quomodo sumatur? [4](#). primi & secundi ordinis [4](#). [155](#). Theoretici num & quo sensu dentur? [3](#). [4](#). providentiam Dei haud

I N D E X

- haud admittunt 178. aut animæ immortalitatem 185. num ex negata spirituum existentia arguendi? 198. Christianæ religionis speciatim jurati hostes 217. eorum characteres 252. quam pœna plectendi? 262. seq. eorum contra Dei existentiam objectiones ex facili refutantur 380. seqq. religionem & Superstitionem confundunt 490. seqq. uti quoque religionem cum Enthusiasmo 495.
- Atheismus* num ante Diluvium invaluerit? 5. nonnullis injuste imputatus. 148. quid sit? 153. quod duplex? 164. seqq. num statui civili noxius sit nec ne? 256. seqq. utrum superstitione ac Idololatria magis an minus sit noxius? 260.
- Atheismus* Scepticus quomodo refutetur? 341. seqq. Dogmaticus 345. Aristotelicus? 349. seqq. Stoicus? 354. seqq. Epicuræus; 360. seqq. Stratonicus 366. seqq. Spinofianus 369. seqq.
- Atheismi* vox strictiori vel laxiori significato venit 153. seq. causæ internæ 227. seqq. externæ 229. seqq. Occasiones 239. seqq. proprietates. 244. seqq. effectus 253. seqq. remedia varii generis 265. seq.
- Atom*i Philosophorum quorundam principium 45. seq. quisnam eorum inventor? ibid. non semper existere 360. apud Epicuræos omnium rerum principium 170. seq.
- Assraëtio* Peripatetica 366. Newtoniana 366. probat Dei existentiam ac Providentiam ibid.
- Auguratio* apud Romanos maxime invaluit 551. orta tamen apud Orientales ibid. dein ad Christianos transit ibid.
- Auris* structura arguit Dei sapientiam ac providentiam 311.
- B
- Babylonii*, Artis medicæ usu olim destituti 331. Empiricorum primi ibid. prodigiosam jaectitant antiquitatem 333.
- Bacchanalia* ipsi gentilibus invisa 505.
- Balius* (Petrus) num Atheus? 115. seq. 118. Licet Spinozam refutet 117. seq. abjectè de Religione Christiana sentit 118. Manichæis favet 180. providentiæ Divinæ inimicus 180. seqq.
- Barbari*, num inter illos fuerint Athei? 56. seq.
- Barbarus* Hermolaus num Atheus? 104. 105.
- Basiliidiani* v. Abraxas.
- Becherus* (Balthazar) quid de spirituum operationibus censuerit? 203. 204.
- Bella* gerere num Christianis liceat? 262.
- Bembus* (Petrus) Atheismi accusatus 106.
- R r 3 Ber-

I N D E X

- Barigardus** (Claudius) Philosophus Atheusne an Scepticus? 100. 101.
- Bion** (Boristhenites) Philosophus Cyrenaicus 33. & discipulus Theodori 291*m* Atheismi reus 34. 35. dein in superstitionem prolapsus 35.
- Boëhmius** (Jacob) Enthusiasmi reus 162. num Spinozista? 162. 163.
- Bonaventura** de Periers Atheismi infimulatus 108. num author impii Libri, cui titulus, Cymbalum Mundi? 108.
- Broune** (Thomas) Medicus, Indifferentista potius quam Atheus. 132. 135. *seqq.*
- Brunus** (Jordanus) num Atheis accensendus? 83. *seqq.* Mosen pro impostore habet 221.
- Brutorum** operationes num rationales, an vero Mechanismi instar sint? 378. *seq.*
- Burmennus** (Franciscus) Pater a Philippo a Limborch maligne Spinozismi accusatus 151.
- C**
- Casalpini** (Andreas) Atheismi accusatus 99. num Spinozismi reus? 100.
- Casari** Cremoninus, num animæ immortalitatem negaverit? 101. *seq.*
- Cainus** an primus fuerit Atheus? 5.
- Calvinus** (Johannes) ab Antonio Possevino stolidè Atheismi accusatus 150.
- Campanella** (Thomas) Atheismi accusatus 94. *seqq.*
- Campellensis** (Guill.) Spinozismi suspectus 78.
- Cardanus** (Hieronymus) num Atheista? 92. **Fanaticus** potius videtur 93. *seq.*
- Carneades** Cyrenæus, Academiæ Tertiarum auctor 24. ejus de veritate aut falsitate rerum sententia 25. a nonnullis defenditur *ibid.* merito tamen Atheismi inculari videtur 26.
- Cartesius** (Renatus) atheismi accusatur 110. cum Vanino comparatus 111. num cum Scepticis consentiat? 111. *seq.* plurimos habuit fautores 113. ejus de mundi creatione refellitur sententia 364. *seq.* Epicuræis tamen non favet 366.
- Casa** (Joh.) ob laudatam carmine Pæderastian male audit 105. 106.
- Casimirus**, Liszynski Polonus, atheismi accusatur 147.
- Casus** fortuitus in mundo producendo proscribitur 362. *seqq.* quid sit? 366.
- Cataphryges** 505.
- Caso** censor quo nomine censendus? 70. 71.
- Caso** Uticens quo loco habendus? 70. 71.
- Causa** efficientes a Spinoza tolluntur 129.
- Celsus** juratus Christianæ religionis.

I N D E X

- ligionis hostis [67](#). Epicuro additus. *ibid*.
- Cerebri* structura docet Dei existentiam ac providentiam [312](#).
- Chaldaei* num rectè Pantheismi accusentur? [11](#). [12](#). num primi dixerint animam esse immortalem? [186](#). venerandam gloriantur antiquitatem [333](#). jam dudum Astrologiæ dediti fuere [527](#). *seq.* [538](#).
- Characteres* Atheorum quinam? [252](#).
- de *Charbury* (Eduardus Herbertus) Atheusne an naturalista? [132](#). ejus sententia [134](#). [135](#).
- Chinenses* num athei? [269](#). [270](#). canam jactant antiquitatem [334](#).
- Chiromantia* quid? [570](#). vana *ibid*. num ex S. Scriptura defendi possit? *ibid*.
- Cholerici* vel maxime ad Atheismum proni [573](#).
- Christianis* ab Ethnicis Atheismus est objectus [75](#). [76](#).
- Cicero* num rectè Atheismi inculpatur? [71](#). *seqq.*
- Circe* [526](#).
- Clerici* (Johannis) de Spiritibus doctrina videtur periculosa [205](#).
- Clisomachus* quisnam fuerit? [26](#). Atheismi reus videtur [27](#).
- Comitatio* mentis haud pendet a materia aut motu corporis [314](#). *seqq.*
- Collinus* (Antonius) atheismi suspectus [8](#). [9](#). [144](#).
- Col.* [2](#). *vs.* [21](#). [496](#). *seq.*
- Cometa* an futura prænuncient? [539](#).
- Commercia* quo pacto antiquitus peracta? [330](#).
- Consensus* gentium Universalis in existentia Dei probatur [268](#). *seqq.* quantum valeat ad demonstrationem? [273](#). [274](#). de mundi origine cum S. *Scriptura* [339](#).
- Conservatio* vel cura sui in animalibus conspicua docet providentiam Dei [304](#).
- Contingentia* rerum arguit Dei existentiam [282](#). [283](#).
- Contingens* nihil est respectu Dei [446](#).
- conversatio* prava inter primarias atheismi causas [230](#).
- cordis* structura arguit Dei providentiam [311](#).
- Corpora* cœlestia sunt solida [288](#). cur a gentilibus in Deorum numero reposita, vel illis mens quædam adscripta? [289](#). [290](#).
- corruptio* naturalis atheismi generalis causa est [227](#). *seq.*
- Cowardus* (Wilhelmus) eroneam de natura & immortalitate animæ vulgavit opinionem [194](#).
- crisis* degener Socratis discipulus [20](#). plerumque Atheis annumeratur [20](#). [21](#).
- Cuselerus* (Abrahamus Johannes) Spinozæ sectator & defensor [127](#). *seqq.*
- cultus* Dei non modò est utilis, verum etiam jure naturæ nitens [502](#). Serpentum unde originem
- Rr 4 ha-

I N D E X

habeat? 506.
Cuperus (Franciscus) non
 serio Spinozam refutasse
 videtur 126 *seq.*
Cyrenæici atheismi rei 33.
seq.

D

Daphides Grammaticus, A-
 theis annumeratur 57.
David de Dinanto atheismi
 speciatimque Spinozismi
 reus 77. *seqq.*
Democritus Abderites, Phi-
 losophus Eleaticus 40 46.
 Atheismi reus 46. *seqq.*
 num superstitionis specia-
 timque Magiæ recte in-
 cusetur? 47. quid de homi-
 num origine senserit? 323.
Dependentia rerum a suis
 causis arguit Dei existen-
 tiam 181.
Deurhovius (Wilh.) quid sen-
 serit de jure naturali & vir-
 tute? 251.
Deus ex mente Spinozæ u-
 num idemque cum natu-
 ra 123 *seq.* non indissolu-
 bili nexu materiæ junctus
 aut anima mundi 354 *seqq.*
Diagoras Melius atheismi
 reus 34. 52. *seq.* quis fue-
 rit? 52.
Dicaarchus Aristotelicus,
 quænam ejus de animæ
 immortalitate sententia?
 192. *seq.*
Diluvii Universalis veritas
 probatur. 338. *seq.*
Diogenes Apolloniata, Joni-
 cæ sectæ Philosophus 15. 17.
Diogenes Laërtius Epicuræus

Philosophus 65.
Diogenes Phryx non recte
 Atheis annumeratur 57.
Diogenes Sinopenfis, Cynicus
 Philosophus, summæ fer-
 me impietatis reus 36. *seq.*
Doctrina Christianæ mora-
 lis præcepta a recta ratio-
 ne approbantur 465.
Doctrina Christiana continet
 mysteria 466.
Dodwellus de immortalitate
 animæ haud recte sentit
 195. 197.
Dogmata cum Atheismo con-
 juncta 167. *seqq.*
Dubitatio Cartesiana 111. *seq.*
 in quantum defendi po-
 test? 113.

E

Educatio prava inter prima-
 rias atheismi causas 229.
seq.
Eleatica Secta Atheismi rea
 40. 43. 167.
Eleusinia 505.
Empedocles quid senserit de
 hominum origine? 323.
Enthusiasmus in Atheismum
 degenerare potest. 161.
 quotuplex? *ibid.* num Pla-
 to & Pythagoras pejoris
 Enthusiasmi recte accu-
 sentur? 161. *seq.* num
 omnes Mystici sint En-
 thusiastæ? 162.
Epictetus Philosophus Stoicus
 65.
Epicuræi quid senserint de
 animæ immortalitate? 189.
 quo loco habiti apud Ju-
 dæos & Ethnicos? 51.
Epi-

Epicuræi
 pro
 int
 49
 mo
 de
 tic
 sen
 gir
Eras
 pa
 mi
Euan
Euli
 ph
Enhe
 A
 se
Eur
 n
Exi
 u
 to
 Pa
 in
 m
Exo
 I.
 Fal
 n
 fi
 n
 li
 fi
 Fa
 Fa
 i
 de
 Fi

I N D E X

Epicurus Divinam negavit providentiam 48. 51. num inter Atheos referendus? 49. seqq. quousque a Democrito recesserit? 52. quid de genii senserit? 200. vaticinia rejecit 207. *seq.* quid senserit de hominum origine? 323.

Erasmus (Desiderius) a Theophilo Raynaudo Atheismi accusatus 150

Evangelium Petri 472.

Euclides Megarensis Philosophus 33.

Euhemerus Messenius male Atheis annumeratur 61. seqq.

Euripides Poëta Tragicus 63. num Atheus? 63. seq.

Existentia Dei num & quousque ex Spirituum finitorum existentia probari possit? 202. variis argumentorum classibus demonstratur 277. *seqq.*

Exorcismus cur apud Lutheranos in usu 592. seq.

F

Falsarum opinionum internæ ac externæ dantur causæ 390. seq. illis haud annumerandus est Universalis gentium de Dei existentia consensus 391. *seqq.*

Familista fanatici 161.

Fatum Stoicum quid sit? 357. seq. quomodo refellatur? 359.

de *Femericourt* nobilis pirata atheis annumeratur 109.

Filii Prophetarum quales fuerint? 444. *seqq.*

Fines rerum naturalium Cartesius exclusit a consideratione Physicæ 112.

Fontes fluvique unde originem habeant? 295. Dei providentiam arguunt 298.

Forma assistens & informans 31.

Forma seu qualitates substantiales Aristoteli propriæ, quales sint? 168. seq. num quoque Jonici illas admiserint? 169. Vanæ 351. seq.

Franciscani Monachi superstitioni fuere circa Psalmum crx.

Frumentum Dei arguit providentiam 299. seq.

Fulmina non pugnant cum Dei providentia 296. 298.

G

Gallia atheorum ferax 107. seq.

Gemma in superstitionem adhibitæ 540. Basilidianæ 544. *seqq.*

Generatio æquivoca ex orbe proscripta 326.

Geneseos iv v/ 25. 5.

Genius Socratis quid rei sit? 20.

Geomantia quid? 563. vanissima 564. seq. Superstitiosa 565. *seqq.*

Germania, atheismi non expers 133. 145. seqq.

Geulgius (Arnoldus) num Spinofismi reus? 127. 131.

Gravitas corporum unde pendeat? 288. corpori non est essentialis 366.

Rr 5

H

I N D E X

H

Von der *Hard* (Hermannus) paradoxas protrudit sententias [147.](#)

Haruspicium. v. Auguratio.

Heraclonita quales fuerint? [505.](#)

Heraclitus Philosophus, num Atheus? [57. seqq.](#) Superstitionis ac Idololatriæ hostis [58.](#)

Hippocrates Medicus, num Atheus? [60. seq.](#) num Democriti an Heracliti Philosophiam fuerit secutus? [61.](#)

Hippon Atheis annumeratur [57.](#)

Historia, non semper est ex-culta [332.](#)

Hobbesius (Thomas) atheis-mi reus [132.](#) speciatim Epicurismi [137. seqq.](#) de certitudine & auctoritate revelationis supernaturalis quid senserit? [138. seq.](#) quid de naturali Dei cognitione? [140.](#) quid de natura Dei? [141.](#) quid de Angelis? [141.](#) quid de animæ immortalitate? [194.](#) quid de spiritibus & spectris? [203.](#) quid de jure naturæ & virtute? [249.](#)

Homines non ab omni æternitate existere ex Aristotelis sententia [324.](#) non traxerunt originem ex influxu & adpectu astrorum [325.](#) neque ex Solis in materiam rite præparatam operatione ibid. non casu fortuito producti sunt

[325. seq.](#) neque sponte sua ex terra [326.](#)

Hominum origo arguit Dei existentiam providentiam-que [326.](#)

Hypocritis in Romana maxime obtinet Ecclesia [587.](#)

I

Idea Dei num ejus existentiam solide demonstret? [274. seqq.](#)

Idea in mente: earum multitudo & diversitas arguunt Dei existentiam & sapientiam [313.](#)

Jes. vii. vf. 12. 9. *Ignis* arguit Dei existentiam & providentiam [293. 298.](#)

Imaginatio maxima superstitionis causa [574. seqq.](#)

Immortalitas animi negata impellit ad atheismum [185.](#) a quibusnam primitus tradita? [186.](#)

Imperium voluntatis in intellectum in quo [constat](#) [2316.](#) in membra quædam corporis obtinet [317.](#) Limitatum tamen est [320.](#) intellectui quoque competit in voluntatem [322.](#)

Incarnatio Christi a Spinoza negatur [218. seqq.](#)

Indi Diabolum pro Deo colunt [574.](#)

Indifferentismus religionis Universalis [157.](#) particularis ibid.

Indorum Magi num primi animas dixerint immortales? [186.](#)

Insecta Dei produnt existentiam

I N D E X

tiam & providentiam 307.
Inspiratio Divina quænam sit? 485.
Job xxxvii. vl. 7. 570.
Janica Philosophorum apud Græcos secta 15. an atheismi rea? 15. seq.
Josephus Patriarcha num onirromantiæ inventor fuerit? 566.
Jovius (Paulus) atheismi accusatus 103.
Italia secunda Atheorum mater 80. seq.
Judæa vera descriptio a Mose tradita 471.
Judæi maxime superstitiosi 591. multa de Miraculis Christi concedunt 472.
Junius (Franciscus) ex atheismo resipuit 255.
Justini Martyris de Socrate & Heraclito opinio 19. de Platone 22.

K

Kabbalists Spinozismo nimium accedunt 9. seq.
Knusen (Matthias) atheismi reus 145.

L

Lapsus Adami, quod omnes posteros miseros reddiderit, iniquum non est 470.
Latitudinarii Christianæ religionis hostes 218.
Law (Theodorus Ludov.) quales sententias foveat? 147.
Lesio pravorum Librorum ad atheismum ducit 229. seq.

Leenhof (Fredericus Van) Spinozæ affecla 129. seq.
Leges cujusnam sint antiquitatis? 320. antiquorum simplices ac rudes ibid.
Mechanicæ a Cartesio suppositæ in mundi creatione refelluntur 364.
Lepus cur oculos tam eminenti cornea instructos habeat? 301. illa structura arguit Dei providentiam 301. 304.
Leucippus Eleaticæ Sectæ Philosophus 40. 45. Atomorum inventor 45. qualis ejus opinio? 45. seq.
Liber de Tribus Impostoribus num unquam existerit? 81. seq.
Libertas cogitandi a quonam asserta? 144. voluntatis in quo consistat? 316. voluntati non est deneganda 317. 322. ab Epicuræis ponitur in motus declinatione 318. a Spinoza plane tollitur. ibid.
Livius num recte atheismi accusetur? 74.
Λόγος επιφανής quid Stoicis sit? 356. 357.
Loquela arguit existentiam & providentiam Dei 312.
Lucianus Samosatensis nullæ speciali sectæ fuit additus 65. 67. atheismi accusatus 65. seqq. Epicuro maxime faveat 67.
Lucretius Carus Epicuræus Philosophus 70.
Luna multiplex usus Dei existentiam arguit 291. ejusque Eclipses ibid.

L u.

I N D E X

Lutherus (Martinus) atheismi ab Antonio Possevino accusatus 149.

M

Machiavellus (Nicolaus) Atheismi reus 96. 99. quid de Christianâ Religione senserit? 97. quid de virtute & honesto? ibid. num sua ex Aristotèle transfuserit? 98. Mosen pro impostore habet. 221.

Magia origo, progressus, cultores ejus. 516. 526. Gentiles per eam Christi miraculis fidem detrahere voluerunt. 520. apud Platonicos duplex; bona, & mala. 523. seq. *Deuter.* xviii. 10. videtur simile discrimen apparere. 524.

Magica artes quantum valent? 514. 516.

Magus, unde vocis origo? 526. Magi ope infernalis genii mirabilia perpetrarunt: si Magi Ægyptiaci illius ope baculum in serpentem mutarunt, quomodo hoc factum sit? 431. 436.

Maimonides (Moses) quid de Prophetiæ dono crediderit? 210.

Mali moralis origo quomodo salvâ suâ saecritate Deus esse possit. 408. 409. 413.

Malorum physicorum multifaria insuetudo cum Dei bonitate conciliari ex facili potest. 406. seq. ad seculum sentientium, Epicu-

ræorum maxime, argumenta respondetur 406.

414.

Mamma Elephantorum produnt Dei existentiam & providentiam. 307.

Manichæismus à Petro Bælio recoctus 114. an ab Atheismo differat? ibid.

Manichæi num duplex independentis principium statuerint? 180. 184.

Manus structura arguit Dei providentiam. 311.

Marcionista duplex independentis principium statuere 180.

Marcus Aurelius Antoninus, Imperator, stoicus Philosophus 65.

Marsilius Ficinus Socratem pro typo Servatoris habet. 19.

Materia non semper & necessario existit. 345. seqq. non pertinet ad Dei essentiam. 354. seq.

Mathematica argumenta pro Dei existentia, quænam sint? 278.

Mathematici vocabantur etiam tales, qui ex astris futura prædicebant. 548.

Mathesis non semper est ex-culta. 332.

Megarici ab Euclide Megarensi originem ducunt. 33.

Melancholici ad superstitionem proni. 572. seq.

Melanchton (Philippus) Atheismi ab Antonio Possevino accusatus 149. seq. Arianismi. ibid.

Me-

Meli
tic
m
th
Men
no
ét
vi
Men
cu
p
p
n
c
f
t

I N D E X

Melissus Samius Sectæ Eleaticæ Philosophus, Parmenidis discipulus, Atheismi reus. 44

Membrana n. citans, qua nonnulla animalia instructa sunt, arguit Dei providentiam. 301.

Mens. quomodo ex ejus facultatibus Dei existentia probetur? 319 seq. a corpore est distinctissima. 321.

mentis essentia cogitatione non absolvitur, nobisque est incognita p. 372.

399. neque tamen ea pro solo mentis attributo habenda. 378. ejus immaterialitas, adeoque immortalitas probatur. 414. 419.

Epicuræorum hic aberrantium argumenta refutantur. 419. ejus origo. 420

seq. mentes nequiquam, quod male Pythagoræi, ex ipsa Divina essentia decerpæ sunt. 422. seq.

neque unica, quæ identia erat Aristotelis, omnium hominum communis est mens. 423. nec etiam pro mera qualitate ex materiæ dispositione orta habenda est. 423

immortalis. 425. mentium vel spirituum natura non in cogitatione consistit.

433.
Metalla arguunt. Dei providentiam. 299.

Metaphysica argumenta pro Dei existentia quænam? 279.

Milites Pontificii superstitioni 596.
Miraculum; quid sit? 212.

216. auctorem habet Deum

212 quo pacto ex miraculis existentia Numinis & veritas Religionis Christianæ probetur? 216. 449.

453. num ab Angelis patrari possint? 212. seq. num fieri possint? 214. num facta fuerint? 215. 453. 457.

an & a quo miracula fieri possint? 447. 449. 457.
Miseria Atheorum summa est. 253. seq.

Mohomet Effendi, Atheismi martyr 256.

Montes Dei providentiam arguunt. 297. Glaciales quoque & nivosi. 298.

Moralia argumenta pro Dei existentia, quænam sint? 278.

Montanus (Mich.) Atheismi suspectus. 109. seq.

Morbi dispelli credebantur variis ritibus 541. seqq.

Moschus Sidonius num primus atomorum fuerit inventor? 45.

Moses. Pantheismi impudentissime accusatur. 6. revera extitit & leges populo Israëlítico tulit. 459. seq.

470. in Pentateucho nil nisi veritati consentaneum docet. 460. in narratione rerum gestarum præ aliis historicis fidem meretur.

461. seq. Religione non usus est instrumento dominandi 468. seq. revera auctor Pentateuchi est. 470. quæ de eo narrantur, ad gentium cognitionem venerunt.

ibid. veram Judææ descriptionem dedit. 471.

Mo.

I N D E X

Motus declinationis Epicuro fictus refellitur. [361. seq.](#) attractionis ei non favet. [362.](#) *motus* a nonnullis negatus fuit. 283 arguit primum motorem. [279.](#) *matæ* non est essentialis [280.](#) [362.](#) quodnam ejus impedimentum? [292.](#)

Mulammedani multa de miraculis Christi concedunt. [472.](#) Superstitiosi [591.](#) [596.](#)

Mulieres num Athei? [574.](#)

Mundus quomodo juxta Epicurum coaluerit? [170. seqq.](#) Juxta Aristotelem semper fuit [175. seq.](#) non semper extitit prout nunc est. [348. seqq.](#) cur non prius creatus sit? [353.](#) non pertinet ad Dei naturam. [359.](#) mundum, qui absque providentia Dei existat, condere Deus non potuit. [401.](#) [412.](#)

Muscarum oculi produnt Dei existentiam & providentiam. [306.](#)

Musculus leptimus vel suspensorius oculi, quo nonnulla animalia gaudent, Dei providentiam arguit. [301.](#)

Muresus. M. Anton. Epicureismi suspectus. [106.](#)

Myſteria qualia sint? [466.](#) sunt admittenda, & scitu ad salutem necessaria. [16.](#) & Deo digna. [16.](#) & [467.](#) Superant quidem rationem subjectivam, non objectivam. [473.](#)

N

Natura plastica, quid de ea

habendum? [368.](#) a Spinoza pro ipso Deo habetur. [123. seq.](#)

Naturalismus quid sit? [156.](#) diversimode accipitur. ibid.

Naturalista, quinam pro talibus habeantur? [156.](#) Christianæ speciatim Religionis hostes. [217.](#)

Naturalis Dei cognitio probatur. [272. seq.](#)

Neglectus Divinæ veritatis ad Atheismum ducit [229.](#) [233. seqq.](#)

Nieuwentys (Bern) ex Atheismo resipuit. [255.](#)

Notitia Dei infra num detur [266.](#) [268.](#) necesse supponi debet. [278. seq.](#) non pendet ab educatione. [270.](#) neque ab instituto Magistratus. [271.](#)

Novitas omnium rerum argumentum præbet pro Mundi initio. [334.](#)

Numa Pompilius non introduxit Religionem. [271.](#)

Nutritio animalium, eorumque organa diversa existentiam, & providentiam Dei produnt. [303.](#)

O

Obsessi Spiritibus malignis non erant tantum morbo melancholico affecti. [431. seq.](#)

Occasiones Atheismi. [239.](#)

Oceani Spatium non pugnat cum Dei providentia. [294.](#)

Ochimus (Bern.) Atheismi accusatus. [106.](#)

Oculi Structura arguit Dei pro-

I N D E X

- providentiam. 306. 311.
Ominum & auguriorum captatio apud Romanos crebra erat. 551. V. Auguratio.
Oniromantia antiquissima. 565. *seq.* ab Orientalibus ad Græcos & Judæos est translata. 567. *seq.*
Ophite, qualis eorum cultus? 505.
Oracula Gentilium, quibus tribuenda? 210.
Origo artium & scientiarum. 337.
Ordo in Univerſo conſpicuus qualis? 286. Dei existentiam arguit. *ibid.*
Orpheus Græcicæ Religionis auctor. 13. an Spinoſiſmi reus? *ibid.*
- P
- Pantheismus*; num S. Scriptura illi faveat? 6. 7.
Pantheiſta: num Moſes illis annumerandus ſit? 6. 142. *ſeq.*
Parmenides Sectæ Eleaticæ Philoſophus. 40. 43. atheiſmi reus. 43. *ſeq.*
Paracelſus duplicem hominis ortum duxiſſe fertur. 327.
Pattalerinchite quales fuerint? 505.
Pecunia a quonam inventa? 331.
Petitus (Petrus) quid de facultate prophetandi crediderit? 210.
Petri Euangelium. 472.
Peyerius (Iſaacus) S. Scripturae auctoritatem evertit. 224. Moſen negat eſſe Pentateuchi auctorem. 225.
Phænomena naturæ, quomodo explicanda? 168.
Phariſæi num *μικρολογούν* ſtatuertint? 186. *ſeq.* 196.
Pheracydes Syrius, num primus animæ immortalitatem aſſeruerit? 188.
Philophia corpularis, an ab Atheiſmo libera & quanti faciendâ? 167. non ſemper eſt exculta. 331. *ſeq.*
Phyſica argumenta pro Dei existentia quænam? 284.
Pili in animalibus ipſi arguunt Dei existentiam. 309.
Planæ arguunt Dei Providentiam. 299.
Plato Socratis diſcipulus. 21. nonnullis male audit. *ibid.* Enthuſiaſmi & ſuperſtitionis arguitur. *ibid.* quin Spinoſiſmi. *ibid.* 22. ab aliis excuſatur. *ibid.* a Spinoſiſmo alienus fuit. 23. quo loco ejus placita habenda ſint? 23. quid de immortalitate animæ ſtatuertint? 190. *ſeq.*
Platonici, quid de Dæmonibus ſenſerint? 199.
Planetarum motus arguit Dei existentiam. 290.
Plinius ſenior, an Atheiſ annumerandus? 74. *ſeq.* Epicuræorum addictus fuit placitis. 74.
Pluralitas nonnullorum in corpore humano membrorum arguit Dei providentiam.

I N D E X

dentiam 310
Plinarchus nulli speciali sectæ
 fuit adiectus. 65. atheis-
 mi accusatus. 65. *seq.*
Pluvie non infringunt Dei
 providentiam. 296. 298.
Poeta quænam commenti
 fuerint de hominum origi-
 ne? 323. cur Theologi
 apud Græcos dicti? 14. po-
 lytheismo patrocinati sunt,
 ibid. multi atheismi fuere
 infimulati. 14. 15.
Poggius (Franciscus) Atheis-
 mi accusatus. 82. *seq.*
Politianus (Angelus) num
 Atheus? 103. *seq.*
Polytheismus refutatur 598.
seqq.
Pomponatus (Petrus) Atheis-
 mi reus: 85. 87.
Pondera ac mensuræ a quo-
 nam inventæ? 331.
Populi integri num dentur
 Atheismi rei? 268. *seq.* 273.
Populorum origines. 333. *seq.*
Porphyrius S. Scripturæ ve-
 ritatem & Christianam
 Religionem impugnavit.
 223.
Principium hylarchicum, quid
 de eo habendum sit? 368.
Processus in infinitum non
 datur in moventibus. 281.
Prodicus Chius, quis fuerit?
 55. Atheismi reus. 54. *seq.*
Propheta, num Atheis fa-
 vebant? 8.
Prophetia pro imaginatione
 a Spinoza habitæ 289.
Proportio iusta inter masculos
 & femellas arguit Dei
 providentiam. 305.
Pseudagoras Abderites, Atheis-

mi reus. 53. 54. quis fue-
 rit? 53.
Providentia Divina negata
 impellit ad Atheismum.
 178. *seq.* 184. negatur ab
 Epicuræis 48. 51. 178. *seq.*
 argumenta eorum propo-
 nuntur contra providen-
 tiam. 180. 184. demonstra-
 tur. 398. *seqq.*
Psalmus XIV. vs. 1. p. 7. cix.
 a plurimis in superstitione
 nem adhibitus. 512.
Pyrrho. quid de eo sentien-
 dum? 24.
Pyrrhonici & Academici num
 & quousque conveniant,
 aut dissentiant? 27. *seq.*
Pythagoras num *μεινυψό-
 χωτις* crediderit? 187. 196.
 quid de existentia & ope-
 rationibus Dæmonum sen-
 serit? 199. Atheismi su-
 spectus. 41. de Deo & Pro-
 videntia quid senserit? 41.
 42. superstitionis, specia-
 timque magiæ accusatus,
 42. sectæ Eleaticæ ex non-
 nullorum sententia condi-
 tor. 40.
Pythagoræi abstinebant ab esu
 carnis. 497.

Q

Qualitates vel formæ substan-
 tiales nullæ sunt. 351. *seqq.*

R

Rabelsius (Franciscus) A-
 theismi accusatus. 109.
Raphson (Iosephus) existen-
 tiam Numinis non satis
 fir.

I N D E X

firmis rationibus super-
struit. 243. *seq.*
Ratio objectiva & subjectiva
qualis? 473.
Regna & imperia non sem-
per extiterē. 329.
Religio. illa vox latius aut
strictius accipitur. 236.
cognitionem veram & suf-
ficientem numinis suppo-
nit, quatenus est gultus
rerum Divinarum. 233.
seqq. num actio sit an ha-
bitus? 237. *seq.* Mosaica
non est introducta, ut in-
strumentum esset domi-
nandi. 468. neque Chri-
stiana. 469. externa tan-
tum est superstitio. 499-
502. Romanensium tota
fere superficiaria est. 501.
Religio non est callido-
rum hominum commen-
tum. 393. *seq.* Israclitarum
ob politicas causas a Mo-
se non est introducta. 394.
seq.
Religio Christiana ab Atheis
& Naturalistis impugna-
tur. 217. num statui civi-
linoxia sit 260-262 magnæ
est dignitatis & excellen-
tiæ 458-474. hujus veri-
tas. 463.
Resurrectio Christi ex mor-
tuis a Spinozâ negatur.
220. *seq.* Hujus veritas
467.
Romana Ecclesia Supersti-
tiosa. 591.
Ruggerius (Cosmus) Atheus.
102. 103.
Rupes Dei providentiam ar-
guit. 297.

S

Sadducei num negaverint
Divinam providentiam?
179. *seq.* 184. animi im-
mortalitatem negarunt.
180. Angelorum, spiri-
tuumque. 198.
Salomon num Atheis faveat?
8. num fuerit Scepticus? 9.
Salis apud Græcos & Ro-
manos maxima auctoritas
fuit. 581.
Samarisani Angelorum exi-
stentiam negarunt. 205.
Sceptici malevoli rudiores
quomodo convincuntur?
345. miserabiles quomodo
convincendi? ibid.
Scepticismus quid? 158. uni-
versalis an ab Atheismo
differat? 158. 159. parti-
cularis 158. miserabilis
qualis? 158. num ad Chri-
stianam religionem homi-
nes impellere queat? 160.
quænam ejus sint funda-
menta. 174. *seq.* refellitur
341.
Scotista num recte Atheis-
mi accusentur ex quadam
eorum hypothesi? 78. *seq.*
Scriptura S. Divinitas defen-
sa. 474-487. divina ejus
auctoritas ab Atheis im-
pugnatur. 223. *seq.*
Secta multitudine ad Atheis-
mum ducunt. 241.
Seneca Stoicus Philosophus.
70. non fuit Christianus.
ibid.
Septennio singulo sensum ex
rebus naturalibus aliqua
S s in

I N D E X

in corpore humano mutatio fieri potest. [559.](#)
Septuagesimus tertius annus creditur fatalis esse Viris magnis. [559.](#)
Serpentum cultus unde originem habeat? [506.](#)
Sextus Empiricus Pyrrhonicus & Atheus. [65.](#)
Siamenses num Athei? [270.](#)
Simon (Richardus) quid de libris Sacris sentiat? [225.](#)
Simon Fornacensis Divinitus punitus ob impietatem. [78.](#)
Situs membrorum in corpore animalium prodit Dei providentiam. [309. seq.](#)
Socrates quis fuerit? [18.](#) pro Atheo habitus fuit. [18. seq.](#) pro Christiano a nonnullis patribus. [19.](#) quin pro typo Servatoris humani generis. [19.](#) a Superstitione alienus fuit. [19. seq.](#) ejus vera sententia panditur. [18.](#) [19.](#) genius ejus quid rei fuerit? [20.](#)
Solis duplex motus Dei existentiam arguit. [280.](#) Speciatim ejus usus multiplex. [290. seq.](#) & Eclipses. [291.](#)
Somnia quotuplicia? [567.](#) non omnia vim futura prædicendi habent. *ibid.* & [seq.](#) interpretandi ars apud Ægyptios floruit. [569.](#)
Sosias, an Atheus? [57.](#)
Spectrum Endoræum fuit genius infernalis. [429.](#) [436.](#)
Spenerus (Phil. Jac.) cum Spinoza comparatus nonnul-

lis. [151.](#)
Spinoza (Benedictus de) quis fuerit? [120.](#) Atheorum nostrâ ætate Princeps. *ibid.* num sus ex doctrinâ Cabalisticâ hauferit? [121. seq.](#) num ex Cartesii Philosophiâ? [121.](#) a nonnullis defenditur. [123.](#) quid senserit de incarnatione Christi? [218-220.](#) quid de ejus resurrectione? [220. seq.](#) quid de S. Scriptura? [223. seq.](#) quid de miraculis? [214.](#) quid de Prophetiis crediderit? [209.](#) quid de animæ naturâ ac immortalitate? [193.](#) quid de Spiritibus? [20.](#) [201-203.](#) quid de peccato? [249.](#) quid de virtute? [248.](#)
Spinozismus seu Atheismus Spinozianus refutatus. [369. seqq.](#)
Spiritus meri habent facultatem corpora movendi. [433. seq.](#) creatos præter animam humanam materiæ expertes existere probatur. [426-436.](#) de eorum apparitionibus. [435.](#) Spiritus materiales statuerunt quidam. [517. seq.](#) & [526.](#)
Spiritus creati num, & quousque Dei existentiam evincant? [202.](#) an eorum existentia negata Atheismum arguat? [198. seq.](#)
Stilpo Philosophus Megaricus, num Atheismi reus? [33.](#) [35.](#) [36.](#)
Statura hominis erecta arguit Dei providentiam. [307. seq.](#)

Stoici

I N D E X

- Stoici*. in quo ab Aristotelicis differant? 31. quid de animæ immortalitate statuebant? 190-196. *seq.* quid de vaticiniis crediderint? 207. quomodo resellantur? 354. *seqq.* Deum materiale agnovère 355. quid in iis laudandum? 36. 38. illorum Systema proximè ad Spinozismum accedit. 37. *seqq.* 170. fatum statuebant. 38. *seq.* 179. plebique maximi in vita hypocritæ. 39. fuère tamen inter eos viri honesti. *ibid.* Zenonis Cittici Sectatores. 37.
- Strato* Lampfacenus, Theophrasti discipulus. 33. Philosophus Peripateticus. *ibid.* cur Physicus appellatus fuerit? *ibid.* Atheismi accusatus. *ibid.* quale ejus Systema? *ibid.* & 33. 172.
- Structura* corporum animalium arguit existentiam & providentiam Dei. 300.
- Studia* incaute aut præposterè tractata ad Atheismum ducunt. 230. *seq.* sobrie tractata multum conferunt ad veram Religionem promovendam. 230. 232.
- Stultitia* & irrationabilitas summa Atheis rectè imputatur. 244. *seqq.*
- Superstio* viam ut plurimum munit ad Atheismum. 240. quænam? 488. *seqq.* a Religione est distinctissima, licet ab Atheis cum eâ confundatur. 490-492.
- quotuplex sit superstitionis genus? 492. *seqq.* de ejus origine, progressu & generibus. 493. in primitiva Ecclesia quomodo locum habuerit? 496. circa nomina Dei S. Scripturam & in specie Psalmum cix. 511. *seqq.* circa Eucharistiam. 513. circa astra. 526-539. circa lapides, plantas, &c. 540. circa verba & Characteres, quibus vis sanandi febres inesse creditum fuit. 540. 543. & variis in rebus. 548-555. in physicis. 555. *seq.* circa tempora, loca, & nomina 556. *seqq.* de Superstitione Imperatoris Augusti. 550. *seq.* Romanorum 551. longe lateque patet. 591. *seqq.* illius causæ variæ. 571. *seqq.* effectus 581. *seqq.* proprietates. 588. martyres 590. remedia 597. *seqq.*
- Sylva* Dei providentiam arguunt. 297. *seqq.*
- Sympasheia*. 546. 548.
- T
- Talismanica* figuræ 543-548. • efficaciam operationum ipsarum defendit Gaffarellus, qui refutatur. 545. 547. talium usus prohibitus ab Ecclesiâ & Imperatoribus tam Ethnicis, quam Christianis. 546. *seq.*
- Talmudica* narratiunculæ, num proprie an improprie capiendæ? 596.
- Talpa* cur oculos pusillos habeant? ex quo elucet sapientia Dei. 301.
- Ss 2
- Tegu.*

I N D E X

- Tegumenta**, quibus nonnullæ humani corporis partes sunt instructæ, arguunt Dei providentiam 310.
- Telluris** Situs, ratione solis, Dei existentiam arguit. 292 constitutio Dei existentiam & providentiam arguit. 297.
- Tetraphim** erant antiquitus statux in memoriam Majorum constitutæ, 544 deinde vero Magicæ artis instrumenta evaserunt. *ibid.*
- Tertullianus**: num Hobbesii præluserit sententiæ de Deo corporeo? 141.
- Testamentum Novum** non nisi veritates continet. 463.
- Thales** Milesius. 14. num Atheismi infirmulandus? 15. 16. num primus animæ immortalitatem asseruerit? 188.
- Theodorus** Cyrenæicus Philosophus, Atheismi reus. 33 *seqq.*
- Therapsia**. 14.
- Theologorum** inutiles lites Atheismi causa esse possunt. 242.
- Thomasius** (Christianus) Atheismi accusatur. 147. *seq.*
- Tolandus** (Joannes) impudens Atheus, 6. 132. Spinozæ afflecla. 130. 143. quid de animæ immortalitate senserit? 193. *seq.* quid de auctoritate Moïsis? 221. *seq.*
- Tonitrua** non pugnant cum Dei providentia. 296. 298.
- Trinitatis** Mysterium non ex Platonicâ Philosophiâ in Christianismum translatum est. 22. *seq.*
- Tyffot** de Patot (Simon) Atheis annumerandus videtur. 119.
- U
- Universum** est Deus Spinozæ. 123. *seq.*
- Ufus** rerum creaturarum quisnam? 287. Dei existentiam arguit. *ibid.*
- V
- à Valle** (Gothofredus) Atheismi accusatus. 108. num Auctor libri de arte nihil credendi? *ibid.*
- Vaninus** (Julius Cæsar) Atheismi reus. 88-91.
- Varietas** rerum creaturarum quanta? 285. *seq.* Dei existentiam arguit. 286.
- Varro**, quo sensu inter libere cogitantes præferri mereatur? 70. ejus distinctio temporum in triplex. 332.
- Vaticinia** sive *predictiones*; an faciant ad Numinis existentiam probandam? 206. varii sunt generis. *ibid.* variorum deorum antiquorum Philosophorum opiniones. 207. ab Atheis rejiciuntur. 206. *seqq.* facta fuisse, quæ suo tempore impleta sunt, demonstratur. 437-439. quod defenditur, 439-443. quomodo consistere possint cum libertate hominum.

I N D E X

num? 440-443. vaticinia illa Deum auctorem habere ostenditur. 443-446. Petri Petiti sententia de dispositione naturali ad prophetandum refellitur. 443-446. vaticinia facta fuerunt inter Gentiles ope Dæmonum. 440.

Veirasius Atheus annumerandus videtur. 119.

Venti Dei providentiam produnt. 295. *seq.*

Vicissitudines mundi a Stoicis creditæ, quænam sint? 335. quid de illis habendum sit? *ibid.* 336. Atheis minime favere possunt, *ibid.* & 337.

Virtus vera in quo consistat? 247. num in Atheos cadat? 248.

Vis plastica in subsidium vocari nequit ad hominum originem explicandam. 327. materiæ non est essentialis. 367. *seq.*

Volatilia animalia arguunt Dei existentiam & providentiam. 301. 302? 305. *seq.* cur sint ovipara. 305. volatus eorum cur diversus? 306. 307.

Vulturnum varietas arguit Dei existentiam & providentiam. 308. 309.

W

Wittichius (Christophorus) maligne admodum Spinozismi accusatur. 127.

Woolstonus (Thomas) Christianæ Religionis hostis apertus. 145.

X

Xenophanes Colophonius Eleaticæ sectæ Philosophus. 40. Atheismi reus. 42. 43. vaticinia rejecit 207.

Z

Zabii seu Sabæi, num Pantheismi rectè accusentur? 10-11.

Zeno Citticus, Philosophus Cynicus, Stoicæ disciplinæ conditor. 37.


Zeno Eleates, Philosophus. 40. Atheismi reus. 44. num Scepticus fuerit? 45.


Zona torridæ & frigidæ sunt habitatæ. 291. *seq.*


E R R A T A


Quæ benevolus Lector corrigat, antequam
liber legatur.

<i>Pag.</i>	<i>lin. legitur</i>	<i>lege</i>
2	Præf. Edit. 5. in eas	meas.
9.	10. p. 12.	p. 9.
22.	36. autem	antea.
39.	23. minis	nimis.
51.	38. ἐπιχρῶσθαι	ἐπιχρῶσθαι
61.	11. Goelisee & Fril- lerus	Goelicke & Trillerus
64	30. Alieftide	Alceftide
64.	32. εὖ σοὶ λέγοιτο	εὖ σοὶ λέγοιτο
69.	17. Freunerus.	Treunerus.
78.	22. Fornacensem	Tornacensem
108.	34. R. Marchand.	P. Marchand.
109.	4. Femericourt	Temericourt
116.	3. Mangueldius	Mansveldius.
168.	19. Eleaticis	Stoicis.
184.	28. omnem	omne.
190.	17. materialem	imaterialem
224.	34. Feyrerius	Peyrerius.
239.	2. colo	loco
379.	3. videamus	videmus
444.	33. כבי בניאים	כבי נביאים
512.	31. biblicæ	fortes biblicæ
527.	7. אוב כעלי	כעלי אוב
541.	23. <i>hic legi debent, quæ p. 548. lin. 3. reperiuntur</i>	
543	15. <i>huc referenda sunt, quæ leguntur p. 548. lin. 6.</i>	
563.	8. adde, <i>Orta essent.</i>	
563.	34. orinomantia	oniromantia
570.	15. moverint.	noverint.
576.	40. tantum	non tantum
606.	9. quæ	quas.









A"

163

~~14~~

B

~~11~~

26

~~24~~

L



